

رواية
رومانسية

الفريسة و الصياد

تأليف

منال محمد سالم
2015

رواية

الفريسة و الصياد

لـ

منال محمد سالم

2015

-يارا وهي تقبل جدتها : حبيبتي يا أحلى نووجااا

يارا رفعت الصياد فتاة ذات بشرة بيضاء ووجه طفولي في العشرين من عمرها ،
وتتميز عيونها بأنها عسلية ومشبعة بخيوط زيتية ، بينما يمتاز شعرها باللون
الكستنائي المائل للبني ، وهي فتاة يتيمة الأبوين تخرجت حديثاً من المعهد العالي
للسياحة والفنادق بالگردقة ، تُوفي والديها في حادث سيارة أليم قبل بضعة سنوات
وكان عمرها آنذاك عشرة أعوام ، فانتقلت عقب هذا الحادث للعيش مع جدتها نجاة (
والدة أمها) في الغردقة والتي أولتها كل الاهتمام والرعاية التي تحتاجها تلك الفتاة
الصغيرة ، فأصبحت كلتاهما مرتبطتين ببعضهما البعض ارتباطاً وثيقاً ، كان لدى يارا
عماً واحداً يزورها كل بضعة أشهر هي وجدتها ويدعى رأفت لكي يعطيها بعض
الأموال لتعينهم على الحياة ، كانت يارا ترفض أن تأخذ من تلك الأموال أي شيء ،
فهي تشعر في قرارة نفسها أن تلك الأموال ماهي إلا أموال صدقة أو احسان يدفعها
عمها رأفت كتعويض عن غيابه ، ورغم اصرار نجاة على أن تأخذ يارا تلك الأموال
لأنها حقها الشرعي ، إلا أن يارا دائماً ما ترفض مساعدته

يارا تعمل حالياً في أحد المراكز الرياضية لتعليم الأطفال الأيروبيك ، فعلى الرغم من
أن وظيفتها لا تمت بصلة لدراستها إلا أن عشقها للأطفال جعلها تقبل بتلك الوظيفة
المتواضعة وتثبت جدارتها فيها رغم حداثة سنها ، فهذا المركز ماهو إلى صالة تدريب
رياضية للأطفال لتقوية عضلاتهم وزيادة لياقتهم البدنية ، وخلال تلك الفترة القصيرة
التي تولت فيها ذلك المنصب استطاعت يارا أن تثبت نفسها وتصبح محبوبة بين جميع
من في المركز ...

في داخل المركز الرياضي ،،،

-يارا وهي تصفق : يالا يا حبايبي هنبداً التدريب

-أحد الأطفال: مس يارا ، مش هنستنى يوسف

-يارا: ماهو كل يوم يتأخر

-طفل آخر : مس يارا I love you

-يارا: وانا كمان يا حبيبي

-سمر من بعيد: لولوو حبيبتي ، منورة السنتر

-يارا: ازيك يا سمورة ، ايه الأخبار؟؟

-سمر: تمام الحمد لله ، ها بدأتي ولا لسه؟؟؟

-يارا: مستنية يوسف وأبدأ ع طول

-سمر: أها.. طيب أما تخلصي عدي عليا عشان نخرج شوية ، أنا زهقانة ع الآخر

-يارا: من ايه ياختي ، ده انتي ع طول مقضياها يا خروجات يا فسح يا سفريات

-سمر: الله !! مش أعيش حياتي قبل ما يجي اللي يكبس ع نفسي ولا أعرف أخرج حتى ولا أهش ولا أنش

-يارا: ده أنا واثقة انك هتطلعي عينه وعين اللي خلفوه

-سمر: طبعاً ، ده يحمد ربنا أصلاً إني قبلت بيه

-يارا: ماشي ماشي

-أحد الأطفال: مس يارا ، يوسف جه

-يارا: أوك ، ماشي يا سمورة ، هخلص شغل ونتكلم بعيد

-سمر: اوووكيش ، سلامووز يا يويوو

-يارا: باي

وبدأت يارا في تدريب الأطفال ، ثم سرعان ما اندمجت معهم في أفعالهم الطفولية البريئة ، فهي وإن كانت كبيرة في السن إلا أنها تتصرف مثلهم تماماً

.....

في إحدى الشركات العملاقة الخاصة بالاستثمار والتطوير العقاري ، كان المهندس رأفت الصياد يعقد اجتماعه الهام مع بعض المستثمرين و...

-رأفت: وزى ما حضرتكم شايفين في ال presentation المعروضة قدامكم ازاي شركتنا قدرت تنتهي من تنفيذ المشروع في أقل من المدة المحددة

-عميل ما: ده المتوقع من شركتك يا بشمهندس

-رأفت: ولسه في حاجات تانية

-عميل آخر: سيادتكم مش محتاج تورينا ، اسمك واسم شركاتك لوحدهم كافيين كضمان لأي مشروع

-رأفت : شكراً ع الثقة دي

-عميل ثالث: احنا مجهزين العقود ، فياريت تتطلع عليها ونتفق ع البنود المطلوب تنفيذها

-رأفت : تمام .. يبقى المحامين هيقعدوا معانا وان شاء الله نوصل لاتفاق مرضي لجميع الأطراف

-أحد العملاء : ان شاء الله

وما إن انتهى رأفت الصياد من اجتماعه حتى حضر إليه خالد ابنه الأكبر و...

-خالد: بابا بقولك احنا هنلغي عقدنا مع شركة المنتصر

-رأفت: ليه ؟

-خالد: مخالفين للشروط، ومعطلين الدنيا ، وعاملين مشاكل كتير

-رأفت: مممم.. طيب عملتلي تقارير بالكلام ده؟؟

-خالد : كله جاهز وعلى مكتبك

-رأفت وهو يفحص الملف: عظيم أوي .. أنا مش عارف أخوك أدهم لسه مش زيك كده

-خالد : هو أدهم فاضي غير للنوادي والبنات

-رأفت: ربنا يهديه ويعقل كده وينزل معاك الشغل ويشيل عنك شوية بدل ما أنت شايله كله لوحدك

-خالد: يا رب ، ولو إني معتقدتش

-رأفت: طول ما الست والدتك وراه مش هنشوف منه غير الجنان

-خالد: ع رأيك يا بابا

-رأفت: طب يالا جهز نفسك عشان نلحق ننزل و نوصل الفيلا بدل ما يتعمل معانا تحقيق كرومبو اليومي

-خالد: ايوه ، أنا عارف فريدة هانم ما بتصدق

-رأفت: بالظبط

.....

في أحد النوادي الشهيرة بالقاهرة ، كان أدهم رأفت الصياد يمارس هوايته المعتادة وهي الرماية ، فقد حقق فيها بطولات كثيرة مما جعله معجب الفتيات الأول ، فكان له من المعجبات ما يتخطى المئات من كل الأعمار ، ورغم كثرتهن إلا أنه دائماً وأبداً يحب أن يتقرب منهن ويتودد إليهن ، فصار الحلم المستحيل لجميع الفتيات والسيدات

...

أدهم رأفت الصياد هو الابن الأوسط لرجل الأعمال الشهير رأفت الصياد في أواخر العشرينات من عمره تخرج من كلية تجارة انجليزي بعد عناء طويل فيها ، ورغم

اصرار والده على أن يعمل أدهم معه بعد تخرجه إلا انه رفض العمل لاجباره على الالتحاق بتلك الكلية من البداية ، فقد كان يطمح أدهم في أن يلتحق بكلية التربية الرياضية ، ودائماً ما يقضي معظم وقته بصحبة أصدقائه أو في الرحلات أو في ممارسة الرماية ، وأخوه الأكبر هو خالد ويكبره بأربعة أعوام خريج كلية الهندسة ويعمل مع والده كمدير تنفيذي لشركاته ، بينما أخوه الأصغر هو عمر طالب بالصف الأول الثانوي في أحد المدارس الدولية الخاصة ...

كان أدهم يتميز ببشرته البيضاء والعيون العسلية والشعر المائل للون البني ، بالإضافة إلى لياقته البدنية العالية والجسد القوي والعضلات البارزة ، فهو من محبي ممارسة الرياضة ، ولكن أقرب الهوايات إلى قلبه هي الرماية

-أدهم من بعيد ملوحاً بيده : شباب !! منورين

-هيثم: أدهم باشا ، ازيك يا معلم

-باسل: ياااه كل ده تأخير

-أدهم : معلىش بقى ، راحت عليا نومة

-هيثم: راحت عليك نومة برضوه ولا كنت بتظبط

-أدهم: احم... لأ مش أوي يعني ، دي طلعت بت فكساتة

-باسل: ارحم نفسك شوية ، انت ايه مش بتتعب ???

-أدهم بابتسامة و ثقة : وهو في احلى من كده تعب !!

-هيثم وهو يشير إلى فتاة ما : بص هناك ، رزان جت أهي

-أدهم بصوت عالي : مززززتي

رزان عماد الدين هي فتاة جميلة تهتم بالمظاهر كثيراً ، وهي الصديقة المقربة لأدهم ، يربطهما سوياً علاقة أقوى من الصداقة ، يتشاركان في الكثير من الأشياء رغم أنها تصغر أدهم بعدة سنوات إلا أنهما يشكلان ثنائياً متوافقاً مع بعضهما ، تقدم أدهم لخطبة

رزان بعد إلاح منها ولكن والدها رفضه لأنه في نظره (عاطل) ، ولم يشكل هذا الرفض أي فارق معه ، فهو مازال مستمراً في علاقته معها

-رزان وهي تلوح بيدها: أدهومة ، miss you ، ايه اخبارك

-أدهم وهو يقترب منها ويحتضنها : تمام ، وانتى ؟

-رزان: كويسة

-أدهم : لأ من نبرة صوتك دي باين عليكى مش في المود

-رزان: مخنوقة يا أدهومة ، عاوزة أغير جو

-أدهم : كده انتى جيتى في ملعبى ، تحب مزتى تروح فين ؟؟

-رزان: مممم.. مش عارفة

-أدهم: سيبلنى نفسك وأنا هممخلك كده في حاجة ترجعك المود تانى

-رزان: أوك

-ندى من بعيد : هاي يا جماعة

-باسل: هاي ندى

-أدهم: نودة ، ازيك

-رزان: مممم.. ايه يا نودة كنتى فين ؟؟؟

-ندى: كنت بتمشى

-رزان: بتمشى برضوه ولا بتظبطى مع علاء

-ندى: اووف منك روزا

-باسل: أنا مش عارف عاجبك ايه في البتاع ده

.....

في فيلا رأفت الصياد ،،،

كانت هناك سيدة راقية تمتاز بالتسلط والتكبر ويبدو عليها أنها سيدة هذه الفيلا
الواسعة ، كانت فريدة هانم تصرخ في احدى الخادemat و...

-فريدة بصوت مرتفع : ازاي يعني يتكسر ، هي تعرف تمنه كaaaaaaام ???

-صباح: سوري يا هانم ، البننت مكنتش مركزة

-فريدة: تترفد فوراً ، انا معنديش حد يسرح في شغله ، ويتخصم اللي اتكسر ده من
مرتبتها قبل ما تاخده

-صباح: حاضر يا فريدة هانم

-فريدة: او مال البيه عمر رجع من السكول بتاعته؟؟

-صباح: لسه الباص مجاش يا هانم

-فريدة: ازاي يعني ??? ده معاده المفروض كان من نص ساعة !!!

ثم سُمع صوت كلاكس اتوبيس ما في الخارج ، فأسرعت صباح لترى من النافذة أن
مراهقاً شاباً قد نزل لتوه من أتوبيس المدرسة ودلف لداخل الفيلا ...

-صباح: عمر بيه جه يا هانم

-فريدة: يومه مش هيعدني

-عمر : هاي عليكو ، ناني صباح ازيك

-فريدة: ايه التأخير ده كله ؟؟؟؟

-عمر: تأخير ايه بس ، ما انا جاي في المعاد أهوو

-فريدة: جاي في المعاد ولا بتسرمح مع أصحابك

-عمر: بتسرمح !! طب الباص اللي انا جاي فيه ده نظامه ايه؟؟ فوتوشوب مثلاً

-فريدة: يوووو ، أنا زهقت من عمالك دي ، امتى تكبر وأرتاح من مسؤوليتك

-عمر في نفسه: ياااااااا ريت يا حاجة ، ده أنا أول واحد هرتاح ، وربنا يتوب علينا من

تحقيق كل يوم ده

-صباح: يالا يا عمر بيه عشان تلحق تغير وتتغدى قبل ما المدرسين بتوعك يجوا

-عمر: اوك

-فريدة: صباح جهزي الغدا عقبال ما اكلم البهوات اشوفهم جايين امتى !! أه وماتنيش

تكلمي المخدم يجبلنا شغالة جديدة بدل الغبية اللي جابها

-صباح : حاضر

هاتفتم فريدة هانم زوجها وولديها لتعرف منهم متى سيعودون للمنزل و..

-فريدة هاتفياً : أيوه يا رأفت ، انت فين دلوقتي؟؟

-رأفت: في الطريق ، شوية وهاكون عندك

-فريدة: عظيم ، وخالد؟؟؟

-رأفت: جاي ورايا بعربيته

-فريدة: تمام أوي ، منتظراكم متتأخروش

-رأفت : بأمر الله مسافة السكة

-فريدة: أخيراً رديت عليا

-أدهم: معلش يا حبيبة قلبي ، التليفون كان صامت وماكونتش سامعه

-فريدة: لأ ، مش مصدقك

-أدهم: ليه بس؟؟ ده انتي حبيبة قلبي وعقلي وحياتي كلها يا فيروو

-فريدة: ايوه ايوه اضحك عليا بكلامك ده

-أدهم : يا ماما وهو أنا أقدر برضوه أضحك عليكي

-فريدة: طب هاتيحي امتي عشان تتغدى؟؟؟

-أدهم : لأ أنا فاكس النهاردة

-فريدة: ايه الكلام الغريب ده ، نفسي أعرف بتجيبه مين؟؟

-أدهم : عادي يا ماما

-فريدة: برضوه مقولتليش هاتيحي امتي؟؟؟

-أدهم : أنا هتغدى مع أصحابي بره

-فريدة: كل يوم غدا بره يا أدهم ، نفسي مرة تتغدى معانا

-أدهم: معلش بقى يا فيروو ، وبعدين عاوزاني أجي عشان أسمع كلمتين بايخين من

بابا ويقعد يأطم فيا عشان مردتش أنزل الشغل معاه

-فريدة: محدش يقدر يا حبيبي يكلمك ولا يجبرك ع حاجة انت مش عاوزها ، وبعدين

طول ما أنا واقفة معاك ميهمكش من حد

-أدهم: قلبي يا فيروو

-فريدة: بس امل حسابك ترجع بدري النهاردة

-أدهم : ليه؟؟

-فريدة: خالتك ناهد جاية

-نجاة : يا بنتي استهدي بالله

-يارا: احنا مش بنشحت منه يا تيتة عشان يجي يرملنا قرشين ويمشي

-نجاة: ده عمك برضوه

-يارا: عمي اللي مقاطعنا ولولا اتصالك بيه وزنك ع دماغه كل شوية كان زمانه نسينا
خالص

-نجاة: اعذريه يا بنتي هو عنده شغل وبعدين ماهو برضوه بياخد باله من فلوسك

-يارا باستهزاء : أها فلوسي !!!

-نجاة: أيوه ميراثك من أبوكي الله يرحمه ، مش كانوا شركا ولا نسييتي

-يارا: لأ مش فاكرة غير انه المفروض يبقى عمي ، وأنا مش عاجزة حاجة منه ، أنا
كل اللي كنت عاجزاه منه انه يبقى عمي بجد ويحبني من قلبه

-نجاة : يعني أنا مش بحبك؟؟ اخص عليك

-يارا: لا والله أنا مقصدش يا تيتة ، بس أنا عمري ما حسيت بأنه عمي ، وحتى
فلوسي اللي عنده مش عاجزاه

-نجاة: يا بنتي أما هتكبري ان شاء الله هتلاقي ميراثك كله موجود وزيادة ، وساعتها
هتشكريه ع اللي عمله وانه حافظك عليها وكبرها

-يارا: أشكره لما يكون واخد باله مني زي الفلوس بالظبط

-نجاة: اصبري يا حبيبتي ، وان شاء الله هتعرفي انه بيحبك ، هو هيجي كمان يومين
وهتبتلك كلامي

-يارا: أها .. في المشمش

.....

□□□ في فيلا رأفت الصياد ،،،

- فريدة بضيق : انت كل شوية هتفضل تروح لبنت أخوك
- رأفت بنرفزة : يعني عاوزاني أسيب البت ومسألش عنها
- فريدة: ده بدل ما تاخد بالك من عيلتك
- رأفت: الله مش ليها حق عليا
- فريدة: وحقنا احنا فين؟؟
- رأفت: ده انا بروحلها مرة كل شهر يا فريدة ، أو مال لو كنت جببتها تعيش معنا هنا
كنتي عملتي ايه؟؟؟
- فريدة: أهو ده اللي ناقص ، عاوز البت دي تربية نجاة تيجي تعيش معنا
- رأفت: لاحظي ان اللي بتكلمي عنها تبقى بنت أخويا ، مش واحدة من الشارع
- فريدة: أيوه وأمها مين؟؟؟ مش هالة بنت نجاة!!! فاكرو ولا نسيت
- رأفت: يوووه ، رجعنا تاني لكلامك الفاضي ده
- فريدة: ده مش كلام فاضي ، دي حقيقة ، ولا خلاص نسيت نجاة كانت شغالة ابييه
؟؟؟
- رأفت: لأ مش ناسي ، بس متنسش انتي برضوه ان يارا بنت أخويا ليها ميراث أبوها
الله يرحمه عندي وأنا ملزم بيه
- فريدة: ميراث ايه وزفت ايه؟؟؟ ابوها مات وماكنش حيلته اي حاجة ، ده لولا تعبك
انت وسهرك لليالي مكو ناش وصلنا للمستوى ده
- رأفت محذراً : لأ عندك يا فريدة ، أخويا الله يرحمه كان شريكي ومش معنى انه مات
يبقى هاكل حق بنته ، كله إلا الميراث ، ده حق ربنا!!!!
- فريدة: خلاص ارميلها فلوسها وخلصنا
- رأفت: لأ مش هيحصل، أخويا قبل ما يموت وصاني أديها حقها لما تكبر وهي
تتصرف فيه وأنا وعدته اني هعمل ده ، ومش هرجع في كلامي أبداااa

-فريدة: يبقى لما تتنيل تكبر يحلها ألف حلال ، لكن اياك تروح تاني عند نجاة ، أظن ده حقي ، وبعدين أنا مش عاوزة ولادي يعرفوا ان ليهم بنت عم عيلتها كانوا شغالين عند جدهم !!

-رأفت: بلاش أفكارك الرجعية دي يا فريدة ، الكلام ده مالوش داعي

-فريدة: كله إلا ولادي ومصلحتهم ، أظن ان ده حقي !!

-رأفت: طيب

-فريدة: انت حر تروحها بس كل مدة ، مش عمال على بطل

-رأفت : ربنا يسهل

-فريدة: أنا بقولك أهوو ، عاوز تديها حاجة يبقى تبعتهالها مع حد ، لكن مرواح عند نجاة لأ

-رأفت: يوهو ، قولتك ربنا يسهل

-فريدة: أوووف

-فريدة في نفسها: مصدقت ان هالة ماتت وارتحت عشان تطلعي بنتها ، حاجة تقرف
!!!!!!

.....

الحلقة الثانية :

□□□ بعد مرور عدة أيام وتحديداً في الغردقة في منزل الجدة نجاة ،،،

-نجاة في نفسها : ايه اللي آخره بس !! ده كان المفروض يجي النهاردة ، جيب
العواقب سليمة يا رب

ثم رن هاتف الحاجة نجاة برقم رأفت و...

-نجاة هاتفياً : ابوه يا بني

-رأفت: ازيك يا حاجة نجاة

-نجاة: ازيك يا بني ، انت فين؟؟ قلقتني عليك

-رأفت : معلش يا حاجة نجاة أنا مش هاقدر أجي ، بس هبعثك الأمانة في البريد
لأحسن مضطر أسافر

-نجاة: هه ، بتقول ايه؟؟؟ ده ..ده أنا كان عندي أمل انك تيجي عشان تشوف يارا
وتقعد معاها و...

-رأفت مقاطعاً: مرة ثانية يا حاجة نجاة ، هاجي من بدري وأقعد معاها

-نجاة: طيب يا بني ، اللي يريحك

-رأفت: تسلمي يا حاجة نجاة ، اشوفك ع خير

-يارا: ها يا تيتة ، قالك زي كل مرة صح !!!

-نجاة بتردد: آآ.. آآ

-يارا: خلاص يا نوجة مش محتاجة تقولي ، الجواب باين من عنوانه !

-نجاة: يا بنتي اعذريه ، هو عنده شغل برضوه وماتنسيش انه بيراعي مصالحك

-يارا بحزن : أها .. طيب

-نجاة: متزعلش يا بنتي هو وعدني انه هيجي

-يارا: خلاص يا تيتة مافيش فايده ، أنا هعتبره زي اللي راحوا !!!!

-نجاهة: لأ يا بنتي متقوليش كده

-يارا وهي تبعد : أنا هاخش اكمل مذاكرة ، عن اذنك يا تيتة

دلفت يارا إلى داخل غرفتها والحزن يكسو وجهها ، فتأثرت الحاجة نجاة و..

-نجاهة: لا حول ولا قوة إلا بالله ، ليه بس كده يا رأفت يا بني ، كسرت بخاطر البنت
اليتيمة دي، ربنا يهدي الحال ويقرب البعيد

واستمر الحال على وضعه لسنوات متتالية من زيارة واحدة يتيمة كل عدة أشهر من
رأفت الصياد والتي لا تتجاوز العشرة دقائق وحينما فقط يكون لديه عمل ما قريب منهم
، فأصبحت صلة الرحم تقريباً شبه منقطعة ، حتى أنه عندما يأتي لزيارتهم يجلس مع
الجدة نجاة فقط لأن يارا إما ترفض مقابلته أو تكون خارج المنزل في معهدا ...

□□□

.....

عودة إلى الوقت الحالي ،،،

في منزل الجددة نجاة بالگردقة ،،

-نجاهة: سامحيني يا يارا ، أنا لازم اكلمه ...!!!

أخرجت الجددة نجاة هاتفها المحمول وطلبت رأفت الصياد لتبلغه بأمر هام و...

-نجاهة هاتفياً : سلامو عليكمو

-رأفت هاتفياً وهو في طريقه للمنزل : حاجة نجاة ، و عليكم السلام ، ازيك يا حاجة
وأخبار صحتك ايه و...

-نجاهة مقاطعة: صحتي مش تمام يا رأفت يا بني

-رأفت: ايبيه يا حاجة ، مالك طمنييني؟؟

-نجاة: انا تعبانة يا بني

-رأفت: ألف سلامة عليك يا حاجة ، في ايه؟؟

-نجاة: يا بني أنا مش هينفع أتكلم معاك في التليفون ، لازم أشوفك ضروري

-رأفت: بس آآ... آآ

-نجاة: معلش يا بني تعالى على نفسك ، اعتبرها آخر مرة تيجي تشوفني فيها

-رأفت: حـ.حاضر ، هحاول أجي في أقرب وقت

-نجاة: بكرة تكون عندي

-رأفت بدهشة : بكرة!!!!

-نجاة: ضروري يا بني ، اوعدني

-رأفت: ربنا يسهل

-نجاة: هستناك !

-رأفت: ان شاء الله هحاول أجي

-نجاة: بأمر الله ، مع السلامة

أنهت الجدة نجاة المكالمة مع رأفت الذي تسائل في نفسه عن سبب تلك المكالمة
الغريبة و...

-رأفت في نفسه : يا ترى هي عاوزاني فيه ايه؟؟؟ بس هاقول ايه لفريدة لو عرفت
اني سافرت بكرة!! وبعدين أنا عندي اجتماع مهم مع الوفد الروسي بكرة ، يووووه ،
وده وقته بس يا حاجة نجاة ، كركبتي الدنيا فوق راسي!!!

.....

في فيلا رأفت الصياد ،،،

وصل كلاً من رأفت وابنه خالد إلى المنزل حيث استقبلتهم فريدة بنظرة حادة و...

-فريدة: متأخرين على معاد الغدا

-خالد: هنعمل ايه بس الدنيا زحمة وخنقة

-رأفت: مجتش من 5 دقائق يعني

-فريدة: انتو عارفين ان معاد الغدا ده مقدس عندي ولازم تحافظوا عليه

-خالد: ربنا يبسر

-عمر من بعيد: بابا

-رأفت: ازيك يا عمورة

-عمر: تمام يا بابا

-خالد: عامل ايه في الدراسة يا وحش

-عمر: شغال

-خالد: ممم.. طب اتجد عن بقى عشان تدخل كلية الهندسة زيي و...

-عمر مقاطعاً: لأ انا ماليش في جو الكلايغ ده

-خالد: أو مال عاوز تدخل ايه

-عمر بهزار : أنا عاوز أتجوز وأقعد في البيت

-فريدة بحدة : ولد !!!!!!!

-عمر : ياالامه

-خالد بصوت منخفض: استلقى وعذك بقى

-فريدة: ايه الكلام الفاضي اللي بتقوله ده !!!

في منزل الجدة نجاة بالگردقة ،،،

عادت يارا من عملها لتجد جدتها تجلس في الفراش ويبدو عليها التعب و...

-يارا وهي تفتح الباب: نووووجة ، انتي فين يا رووحي

-نجاة : آآ.. أنا جوا يا يوووو

-يارا وقد دلفت لداخل غرفة جدتها : الله تيتة ، مالك في ايه ؟؟؟

-نجاة: مـ..مافيش يا حبيبتي ، شوية تعب كده

-يارا: أنا هطلبك الدكتور

-نجاة: لأ.. مافيش داعي ، سيبيني بس أنام شوية وهتلاقيني بقيت أحسن

-يارا: حبيبتي يا نووووجة ، طب عاوزاني اعملك ايه ؟؟؟

-نجاة : ولا حاجة يا بنتي

-يارا: طب أنا هعملك شوية شوربة انما ايببييه حكاية

-نجاة : لأ بلاش ، أنا عارفاكي هتعملها ملح انجليزي

-يارا: احم.. بلاش احراج يا نووووجة

-نجاة: ارتاحي انتي يا بنتي ، وأنا شوية وهبقى كويسة

-يارا: متأكدة يا نووووجة انك مش عاوزاني أجيبك دكتور أو أعملك حاجة

-نجاة: لأ يا نور عيني

-يارا وهي تقبل رأس جدتها : ربنا ما يحرمني منك أبداً يا كل حياتي

-نجاة : يااا رب

.....

في فيلا رأفت الصياد ،،،،

في المساء وصلت عائلة السيدة ناهد ، واستقبلتهم فريدة بكل حب وترحاب و..

-فريدة: ناهوودة ، حبيبتي ! miss you كثير يا روجي

-ناهد: ده احنا لسه كنا مع بعض في النادي

-فريدة: ده كان من كام يوم

-ناهد: ههههههههه اها

-فريدة وهي تقبل شاهي: هاي شاهي وحشاني كثير ، فينك

-شاهي: هاي أنطي فيروو

-فريدة: برضوه فيرووو زي أدهم

-شاهي: طبعااااا ، اومال هو فين صحيح

-فريدة: هو برا وجاي في السكة

-شاهي: أها ، أوك

-جاسر: ازيك يا خالتي

-فريدة: ايه خالتي دي !!! بلاش الكلام البلدي ده

-جاسر: ماله البلدي ، ده حتى بيقولوا البلدي يؤكل ولا ايبه ؟؟؟

-فريدة: معرفش انت طالع لمين ؟؟؟ عيلتنا كلها classy ومستوى عالي

-جاسر: كلنا ولاد تسعة

-أدهم من بعيد: تسعة و عشرة وكل الأرقام
-جاسر: أدهووومة ، ازيك يا جدع
-أدهم وهو يحتضن جاسر ويصافحه : جاسورة ، فينك يا بني
-جاسر: انا موجود ، انت اللي فين ؟
-أدهم: مشاغل شوية
-جاسر: مشاغل برضوه ولا آآآ...
-أدهم بغمزة: استرع اخوك ، ده الجايات كتير ، ويمكن أخدمك في مصلحة كده ولا
كده

-جاسر: وماله مش عيب ، وساعة المصالح الكل بيتصالح
-أدهم: حبيبي يا بوحمد
-جاسر: أبوحمد مين ؟؟؟
-أدهم: فوت بقى !!

-فريدة: أنا عرفت اخلاق ابني بايظة من مين يا ناهوودة
-ناهد: دول شباب زي بعض سيبيهم يا فريدة على راحتهم
-فريدة: بس برضوه لازم نخلي بالنا عليهم وإلا هياثر ده على منظرنا ومستوانا
-ناهد: معرفش انتي ليه يا فريدة مهتمية بالمظاهر ، مع انه عادي دلوقتي
-فريدة : لأ ، احنا ولاد أصول ولازم نفضل محافظين ع ده !!

-شاهي وهي تصافح أدهم: هاي أدهم
-أدهم وهو يشدها إليه ويقبلها : هاي كده ع الناشف

-شاهي: بليز أدهم بلاش كده

-أدهم: لالالالا ، اتغيرتي عليا يا شاهي

-جاسر: ايه يا عم خف شوية ع شاهي ، راعي أنا واقف

-أدهم: في ايه يا جسورة ، دي شاهي ، يعني الحتة اللي في الشمال

-شاهي بخجل: اوووه

-جاسر: قالولك عني كيس جوافة واقف ، ده أنا أخوها

-أدهم: لأ حمش يا ض

-جاسر: متشكر متشكر

-فريدة: انتو هتفضلوا واقفين كده كثير ، يالا تعالوا

-أدهم: طيب

-جاسر: ماشي يا خالتي

-فريدة: يووووه ، مش هتبطل

-أدهم: هههههههههههههه بتعصبها الكلمة دي

-جاسر: الله !! هو أنا يعني بقول حاجة غلط

-أدهم: انت بكلامك ده تبقى نفخت في النار يا معلم

-جاسر: أها قولتلي

-أدهم: انجو بيدنك أحسنك

-جاسر: وماله !

.....

في غرفة المكتب ،،،

كان رأفت يتحدث مع خالد ابنه حول موضوع سفره للغردقة ومقابلة الوفد الروسي في نفس التوقيت و...

-رأفت: بص يا بني فإكر موضوع الحاجة الكبيرة اللي عايشة في الغردقة ، الست دي اللي من معارفنا بتوع زمان

-خالد: أظن اني فإكر حاجة زي كده !!

-رأفت: زي ما تقول جد جديد في موضوعها الست دي

-خالد: أها ، يعني انت تقصد الست الغلبانة اللي بتصرف عليها ؟

-رأفت: أيوه هي ، وزى ما تقول الست محتاجاني ضروري ، وأنا مش هينفع أطنش وفي نفس الوقت لازم يا بني حد فينا يقابل الوفد الروسي

-خالد وقد أخذ يفكر ملياً في الأمر : ممم..

-رأفت: وأنا محتار أعمل ايه والأتنين مهمين عندي

-خالد: طب أنا عندي اقتراح يا بابا

-رأفت: ها ؟

-خالد: احنا ممكن نستقبل الوفد الروسي في أي فندق في الغردقة ونعملهم جولة ترفيحية هناك ، وبالمرّة تخلص اللي وراك

-رأفت: هه

-خالد: أيوه يا بابا ، وبكده تكون ضربت عصفورين بحجر ، منّا أبهرنا الوفد الروسي ، وفي الوقت نفسه قابلت الحاجة دي وشوفت هي عاوزة ايه

-رأفت: والله فكرة

-خالد: أيوه

-رأفت: ربنا يخليك ليا يا خالد

-خالد: تسلّم يا بابا ، أنا هكلم راندا السكرتيرة تظبط الدنيا

-رأفت : تمام

-خالد: متقلّش يا بابا

ثم سمعوا صوت طرقات على باب غرفة المكتب و...

-صباح من الخارج (طق..طق...طق) : رأفت بيه ، فريدة هانم عاوزة حضرتك ،
وبتبلغك ان ناهد هانم وأولادها موجودين

-رأفت: حاضر يا صباح ، قوليلها بخلص شغل وجاي

-صباح: حاضر يا بيه

-رأفت: شكراً يا صباح

-رأفت: جهز نفسك عشان تيجي معايا يا خالد

-خالد: مافيش داعي لوجودي يا بابا ، أنا هظبطلك الدنيا و..

-رأفت مقاطعاً : لأ انا مقدرش أثق في حد تاني يجي معايا غيرك في السفرية دي !!!

-خالد: ماشي يا بابا ، مش هاكسفك

-رأفت: ربنا يباركلي فيك يا خالد ، ياما كان نفسي ألاقي أدهم زيك كده

-خالد: بكرة يكبر ويعقل

-رأفت: هو بيكبر أه ، لكن يعقل لأ !!

-خالد: اديلوه فرصة يا بابا و...

-رأفت مقاطعاً: اديتوه كتير يا بني ومافيش فايده ، منها لله اللي كانت السبب

-خالد: تقصد ماما

- فريدة: بس كنت بتعرفني قبلها بفترة
- رأفت بقرف: خلاص ألغي السفرية وبناقص منها صفقة
- فريدة: خلاص ، it's okay
- رأفت: طب اعملي حسابك خالد جاي معايا
- فريدة: خالد !! ليه ان شاء الله
- رأفت: عاوزه معايا ، فيها ايه دي كمان ؟؟
- فريدة: هه مافيش ، طيب هتغيبوا كتير ؟؟؟
- رأفت: يومين تلاتة بالكثير
- فريدة وهي تفكر في أمرٍ ما: ممم.. طب ايه رأيك أجي معاك؟ وأهو بالمرّة أغير جو !
- رأفت: بقولك انا رايح شغل ، مش رايح أنفسح
- فريدة: أنا مش عارفة أخذ منك لا حق ولا باطل ، بقالنا كام شهر مسافرناش ولا روحنا مكان جديد
- انتهى رأفت من اعداد حقييته وتوجه للخارج ..
- رأفت: بعدين يا فريدة ، أنا نازل دلوقتي
- فريدة: مش هتفطر ؟؟
- رأفت: لا
- نزل رأفت درجات السلم ليجد خالد ابنه ينتظره في الردهة و...
- خالد: أشوفك ع خير يا ماما
- فريدة: ولو اني مش مقتنعة بحكاية سفرك مع والدك دي بس هاقول ايه

-خالد: شغل يا ماما

-فريدة: طالع لأبوك في كل حاجة

-رأفت: طبعاً هذا الشبل من ذاك الأسد ، نشوف وشك ع خير

-فريدة: طمنوني عليكموا أما توصلوا

-رأفت: ان شاء الله

-خالد: حاضر يا ماما

-فريدة بصوت عالي : صباح ، نادي ع راضي يجي ياخذ شنط البهوات

-رأفت: مافيش داعي ، الشنط أصلاً مش ثقيلة

-فريدة: لأ في !! أومال هما بياخدوا مرتبات ليه ?? عشان يقعدوا يرتاحوا واحنا اللي نخدم عليهم

-خالد بصوت هامس: مش هنخلص كان لازم يعني يا بابا تفتحها

-رأفت: أمك اللي بتعمل من الحبة قبة

أمرت فريدة راضي باخراج الحقائب ووضعها في السيارات ، ثم انطلق كلاً من رأفت
وخالد الصياد إلى الغردقة

.....

في الغردقة ،،،،،

كانت يارا ترفض الذهاب لعملها بسبب مرض الجدة نجاة ، ولكنها أصرت على أن
تذهب و...

-نجاة: يا بنتي ، والله ما مستاهلة ، روعي انتي شغلك وأنا هبقى كويسة

-يارا: بس يا نوجة آآآ...

-نجاهة: يا بنتي أنا والله كويسة ، طمني ومتخافيش عليا

-يارا: قلبي مش مطاوعني أسيبك وانتي كده

-نجاهة: أنا لو حسيت اني تعبت أكثر هكلمك ع طول

-يارا: أو عديني يا تيتة انك تاخدي بالك من نفسك لحد ما أرجع

-نجاهة: حاضر يا حبيبتي

توجهت يارا إلى عملها وهي قلقة على صحة جدتها ، بينما ظلت الجدة تترقب وصول
رأفت الصياد ...

.....

في نادي الرماية ،،،

كان أدهم الصياد يستعرض كعاداته مهاراته العالية في لعبة الرماية ، امتلأت الصالة
بالعديد من المعجبات اللاتي كن يشجعن بكل حماس و...

-رزان: اوووف ، مش هنخلص بقي من البنات دول

-ندى: ما أنتي عارفة أدهم يموت في كده

-رزان بثقة : ماهو ده اللي عاجبني فيه انه جنتل وجان ومحبوب وكمان انه مدوخ
الكل وأناااااا الملكة عليهم

-ندى بعدم اكتراث : اها ، لأ واضح فعلاً

ثم تعالت الصيحات بعد اعلان فوز أدهم في المسابقة المقامة و...

-رزان بضيق: بصي البنات حواليه ازاي

-أدهم: ثانكس حبيبتي

-رزان: بجد أنا مبسوطه أوي

-أدهم: كفاية انك معايا عشان أكسب

-رزان: أوووه

.....

في الغردقة ،،،

وصل المهندس رأفت وابنه خالد إلى مطار الغردقة ، وكان في انتظارهما مندوب الشركة و...

-أحمد: حمدلله ع السلامة يا فندم

-رأفت: الله يسلمك يا أحمد

-أحمد: أنا حجزت الفندق خلاص للوفد الروسي ، وهيوصل المطار كمان ساعتين تقريباً ، وده برنامج الزيارات والانتقالات

-رأفت وهو يتطلع للأوراق: أها... تمام

-أحمد: ولو حضرتك عاوز أي تعديل ممكن تبلغني فوراً وأنا هعمله

-رأفت: لا اعتقد ان البرنامج ده كويس

-خالد: وبعدين مافيش وقت أصلاً للتعديل

-أحمد: لا انا عامل plan B لو لا قدر الله حاجة حصلت

-رأفت: بجد يا أحمد مش عارف أقولك ايه ، بس انت فعلاً ممتاز في شغلك

-أحمد: شكراً يا فندم ، أنا مش بعمل غير واجبي وبس

-خالد: والله يا بابا أحمد يستاهل كل خير فعلاً

وماهي إلا لحظات حتى فتحت نجاة الباب لتستقبل المهندس رأفت و...

-رأفت: سلامو عليكو ، ازيك يا حاجة نجاة

-نجاة: ازيك يا بني ، اتفضل

جلس رأفت في الصالون الملحق بالمنزل و...

-رأفت: آآآ.. معلش أنا...انا معنديش وقت والله ، بس آآآ..

-نجاة وهي تشير له بالجلوس : وانا مش هعطلك يا رأفت يا بني ، لحظة بس اجيبلك
حاجة تشربها

-رأفت : مافيش داعي والله ، أنا مستعجل

-نجاة: طيب اللي يريحك

-رأفت : خير يا حاجة نجاة ؟ كنتي عاوزاني في ايه ؟؟؟

-نجاة وهي تجلس على الأريكة : يارا !!!

-رأفت بقلق : مالها ؟؟؟ في حاجة حصلتها ؟؟ في أي مشاكل في دراستها و...

-نجاة مقاطعة: يارا خلصت المعهد من كام شهر

-رأفت بدهشة : ايبيه ده بجد ؟؟

-نجاة : ما انت لو بتسأل كنت هتعرف انها خلصت تعليم أصلاً

-رأفت باحراج: معلش .. آآآ... انتي عارفة يا حاجة نجاة الشغل و.. آآآ .. يعني مشاغلي
كثير

-نجاة: أها .. ربنا يعينك

-رأفت: الله يخليكي

-نجاة متألمة : آآآه..

-رأفت: مالك يا حاجة نجاة ، انتي كويسة

-نجاة: لأ يا بني

-رأفت: طيب أبعث أجيب دكتور ليكي

-نجاة: مافيش داعي

-رأفت: متقوليش كده ده في لحظة يكون عندك و...

-نجاة مقاطعة : تسلم يا بني ، وعشان ماضيعش وقتك كمان ، أنا...أنا بموت !!!

-رأفت باستغراب: ايه اللي بتقوليه ده يا حاجة نجاة ، بعد الشر عنك

-نجاة: دي الحقيقة ، كلنا هنموت ، وأنا حاسة ان آجلي قرب خلاص

-رأفت:

-نجاة: أنا طول السنين اللي فاتوا كلها حافظت ع يارا وربتها أحسن تربية و..

-رأفت مقاطعة: الحق يتقال مقصرتيش معاها يا حاجة نجاة في أي حاجة

-نجاة: طبعاً دي بنتي قبل ما تكون حفيدتي ، ربنا عوضني بيها عن هالة الله يرحمها

-رأفت: الله يرحمها

-نجاة: وجه الدور عليك دلوقتي عشان تحافظ ع الأمانة دي

-رأفت بصدمة : هه

-نجاة: أنا لحد آخر نفس في حياتي مش هتأخر عن يارا ، لكن هتعمل ايه هي بعدي ؟؟

ده اللي أنا شايلة همه ومش مخليني أرتاح

-رأفت: العمر الطويل ليكي ، سببها على الله و..

-نجاة مقاطعة: أنا عاوزاك توعدني يا رأفت ان لو جرالي حاجة يارا ماتعش لوحدها ،

تاخذها تعيش معاك لحد ما تلاقي ابن الحلال اللي يتجوزها

-رأفت: اييه ؟؟

-نجاة: أوعدني ، أظن ان ده مش كتير على بنت أخوك المحرومة من أبسط حقوقها
-رأفت: آآآ...

-نجاة: طول عمرها يارا بتحلم بعيلة تكون معاها ، بأهل يحبوها ويخافوا عليها ، واظن
انك هتقدر تعمل ده من بعدي
-رأفت:

-نجاة: أوعدني انك تنفذ طلبي الأخير ده !!

-رأفت: بس أصل الـ ... آآآ

-نجاة وهي تقاوم الألم : يا...يا بني لو مش عشان خاطري ولا خاطر يارا
عـ...عشان خاطر عضم التربة !!! أخوك ومراته !!!!

-رأفت وقد أخذ يتذكر شيئاً ما : هـه

-نجاة: أقل حاجة تـ...تعملها عشانهم انك تحافظ ع بنتهم ، وأنا...أنا بقولك الكلام ده
هيكون لما أموت يعني مش الوقتي خالص ..

-رأفت: بعد الشر عنك

-نجاة: ها يا بني ???

-رأفت بعد إلحاح: حـ...حاضر ... أوعدك اني أخذ بالي منها

-نجاة: مش بس تاخذ بالك منها ، لأ كـ...كمان انك تحميها وتدافع عنها زي ولادك لـ...
لحد ما تسلمها للراجل اللي يستاهلها

-رأفت: أوعدك !!

-نجاة: أهووو كده أنا اطمنت عليها ، ربنا يريح قلبك زي ما ريحت قلبي

-رأفت: شكراً يا حاجة نجاة

-نجاة: معلىش يا بني هستأذنك تجييلي كوباية مياه من جوا لأحسن مش قادرة أقوم

-رأفت: منين بالظبط يا حاجة نجاة ??

-نجاة بتعب وهي تشير لمكان المطبخ : مـ.. من المطبخ ، هـ..هتلاقي التلاجة جوا
-رأفت: طيب

دلف رأفت لداخل المطبخ ليحضر كوب المياه للجدة نجاة ، بينما أراحت نجاة رأسها
للخلف و...

-رأفت من الداخل : اتفضلي يا حاجة نجاة المياه أهي ...

خرج رأفت من داخل المطبخ ليجد الجدة نجاة مغلقة لعيناها و...

-رأفت: حااااااا نجاة ، يا حااااااا نجاة

اقترب منها رأفت وحاول افاقتها ولكنها لم تستجيب له ...

-رأفت بفرع: حاجة نجاة !!! حاجة نجاة ردي عليا !!! أنا لازم أتصرف بسرررررعة

أخرج رأفت هاتفه المحمول وطلب خالد ابنه و...

-رأفت هاتفيا: ألووو ، ايوه يا خالد

-خالد: أيوه يا بابا انت فين دلوقتي ، الوفد زمان-...

-رأفت مقاطعاً: اطلبلي دكتور وتعالالي فوراً ع العنوان ده

-خالد: خير يا بابا في ايه ???

-رأفت: مش خير ع الآخر ، المهم تعالالي فوراً !!!!!!!

-خالد: حاضر

.....

في المركز الرياضي بالگردقة ،،

وتحديداً في قاعة الايروبك الخاصة بالأطفال ،،،

كانت يارا تقوم بتدريب الأطفال ، وكلن قلبها يشعر بأن هناك شيئاً ليس على ما يرام ،
فهي قلقة على جدتها وصحتها ...

-يارا في نفسها: أنا غلطانة اني نزلت ، كان لازم أفضل معاها لحد ما تبقى كويسة ،
طب افرض هي احتاجت حاجة الوقتي مين هيجيبهاها ، اوووف ، أنا هطلبها أسأل
عليها وأحاول أخذ اذن وأمشي بدري

طلبت يارا هاتف جدتها نجاة ، ولكن لم يجيبها أي أحد ..

-يارا: ردي يا تيتة ، ردي متخلنيش أقلق بزيادة عليكي ، لأ انا مش هينفع أقعد كده
وأنا ع أعصابي

ذهبت يارا إلى مدير المركز الرياضي لتطلب من اذناً بالانصراف مبكراً و...

-يارا: معلىش يا كابتن ، ان شاء الله هعوض الوقت ده

-الكابتن وليد: ولا يهملك يا يارا ، المهم تظمني عليها

-يارا: ربنا يخليك يا كابتن

-الكابتن وليد: على ايه بس يا يارا ، انتي واحدة مجتهدة ومافيش زيك ، ولو احتاجتي
أي حاجة كلميني فوراً

-يارا: شكرًا يا كابتن وليد ، عن اذنك

-الكابتن وليد: اتفضلني

قامت يارا بجمع متعلقاتها الشخصية وتوجهت نحو منزل جدتها

.....

في تلك الأثناء كان خالد قد استعان بأحمد مندوب الشركة ليحضر له طبيباً ممن يقيمون بالگردقة وتوجه معه إلى منزل الجدة نجاة و...

-خالد هاتفياً: ألو ، أيوه يا بابا ، احنا عندنا المكان ، انت فين بالظبط

-رأفت: ع ايدك الشمال هتلاقي سوبر ماركت ، انا في العمارة اللي فوقه رقمها 9

-خالد: تمااااا تمااااا

صعد خالد ومعه الطبيب إلى شقة الجدة نجاة ، ثم قام الطبيب بفحص الجدة نجاة و...

-الطبيب: البقاء لله يا جماعة

-رأفت برعب: ايبييه؟؟؟ معناه ايه الكلام ده؟؟

-خالد: مين دي يا بابا؟؟؟

-الطبيب: أنا أسف للي حصل ، لكن ده قضاء الله وقدره

-رأفت: لا حول ولا قوة إلا بالله ، لا حول ولا قوة إلا بالله

-خالد: شكراً يا دكتور ، معلىش تعبناك

-رأفت : أعمل انا ايه الوقتي يا ربي !!!

انصرف الطبيب ، بينما جلس رأفت على أقرب مقعد غير مصدق لما حدث ، اقترب منه خالد وحاول أن يفهم منه

-خالد: مين دي يا بابا ???

-رأفت: لا اله الا الله !

-خالد : دي الست الغلبانة اللي بتصرف عليها صح ???

-رأفت: اللهم اني لا أسألك رد القضاء ولكني أسألك اللطف فيه

-خالد: طب يا بابا مش هينفع نسيبها كده في الصالون ، لازم ننقلها في أوضتها جوا

لحد ما يجي حد من قراييها ويتصرف معها

-رأفت: زي ما تكون كانت حاسة

-خالد: أنا هنقلها جوا ، ماشي ???

-رأفت: أتصرف أنا ازاي دلوقتي !!! طب و...و ف...فريدة !!!!!!!

حمل خالد الجدة نجاة ووضعها على فراشها بداخل غرفة نومها ، وخرج ليتحدث مع والده الذي كان في حالة لا يُحسد عليها ...

-خالد: بابا ، يا باباااااااا

-رأفت: في ايه ??

-خالد: بابا أنا بكلمك من بدري وانت مش سامعني خالص

-رأفت: اعذرني يا بني ، اللي أنا فيه ده مش مخليني أستوعب اي حاجة

-خالد: في ايه ?? مين دي يا بابا ، أنا حاسس ان الست دي شوفتها قبل كده بس فين مش فاكر

-رأفت: أنا هاقولك يا بني

-خالد: اتفضل يا بابا

-رأفت: دي تبقى الحاجة نجاة أم هالة

-خالد باستغراب : هالة !!!

- رأفت: هالة مرات عمك رفعت الله يرحمهم
- خالد: مرات عمي؟؟
- رأفت: أيوه مرات عمك هالة ، فاكرها
- خالد: ايوه ، الله يرحمها هي وعمي ، بس دول ماتوا من زمان على ما افكر يعني
- رأفت: أيوه ماتوا ، بس آآ...
- خالد: بس ايه؟؟؟
- رأفت: بس بنتهم كانت لسه عايشة
- خالد باستغراب: بنتهم !! هي مش كانت ماتت معاهم في الحادثة
- رأفت: لأ يا خالد يا بني ، هي كانت أعدة عند جدتها
- خالد: ممممم...
- رأفت بتأثر: والست نجاة الله يرحمها هي جدتها !!
- خالد: هه !!! طب ليه مجتش تعيش معانا هي وجدتها؟؟؟
- رأفت: أمك السبب !!
- خالد: أمي؟؟؟
- رأفت: ايوه ! أمك رفضت انها تيجي هي أو أي حد من طرف مرات عمك هالة عندنا ، ومن ساعتها هما فضلوا عايشين هنا في الغردقة
- خالد: طب وماما تعمل ليه كده؟؟؟؟
- رأفت: عشان مشاكل قديمة!!!!
- خالد: مشاكل؟
- رأفت: هاحكيلك كل حاجة بعدين ، بس المهم الوقتي لازم نتصرف مع المرحومة ، والأهم لازم يارا تعرف بأن جدتها آآ.... ماتت

-خالد : يارا !!

-رأفت: ايوه ، بنت عمك رفعت الله يرحمه اسمها يارا

-خالد: أها

-رأفت: اتصل الوقتي بأحمد وبلغه يأجل الاجتماع مع الوفد الروسي لحد ما نشوف
هنعمل ايه

-خالد: حاضر يا بابا

-رأفت: وأنا هتصرف وأشوف اجراءات الجنازة والدفن

-خالد: تمام !!!

بدأ كلاً من رأفت وخالد في التصرف فيما استجد من أمور و...

-خالد هاتفياً: ألو ، ايوه يا أحمد

-أحمد: ايوه يا بشمهندس

-خالد: معلى حصل شوية ظروف كده فمش هينفع نقابل الوفد الروسي النهاردة

-أحمد: تمام يا بشمهندس ، انا هظبط الدنيا متقلقش ، وان شاء الله مش هيحسوا
بحاجة

-خالد: شكراً يا أحمد ، بجد انت انسان يُعتمد عليه

-أحمد: العفو يا بشمهندس

-خالد: خليك معايا شوية يا أحمد عشان عاوزك في حاجة تانية

-أحمد: حاضر

-خالد لوالده : اظمن يا بابا أحمد هيطبط الوفد

-رأفت: كويس

-خالد: أنا هشوف أحمد ان كان يعرف يظبط الاجراءات الخاصة بتصاريح الدفن و..

-رأفت: طيب طيب

أكمل خالد مكالمته الهاتفية مع أحمد ليطلب منه انهاء الاجراءات الخاصة بتصاريح الدفن و...

-خالد هاتفياً: بقوك يا أحمد

-أحمد : خير يا بشمهندس

-خالد: كنت عاوزك تـ.....

.....

وصلت يارا إلى منزل جدتها ، وصعدت الدرج حيث وجدت باب المنزل مفتوح ويقف شاباً ما يوليها ظهره و يتحدث في الهاتف ، فدخلت لداخل المنزل و.....
!!!!

.....

الحلقة الرابعة :

وصلت يارا إلى منزل جدتها ، وصعدت الدرج حيث وجدت باب المنزل مفتوح ويقف شاباً ما يوليها ظهره و يتحدث في الهاتف ، فدخلت لداخل المنزل و..

-يارا: سلامو عليكم

-خالد هاتفياً: طيب افعل انت ، وهكلمك كمان شوية

-خالد ليارا: أيوه يا فندم

-يارا : انت مين ؟

-خالد : نعم !!

-يارا: حضرتك ماسمعتش ، بقولك انت مين ؟؟

-خالد : أحم.. لأ سمعت ، أنا خالد ، انتي بقى مين ؟؟

-يارا باستغراب: خالد مين ؟؟؟ وبتعمل ايه في بيتي ؟؟

-خالد بقلق : انتي.. انتي يارا صح ؟؟؟

-يارا: ماشاء الله ! وكمان عارف اسمي

-خالد: آآ... أصل .. آآآ

انتبهت يارا إلى أن جدتها ليست جالسة في الصلاة كالمعتاد ، فأخذت تنظر بعينيها في أرجاء الصلاة و...

-يارا: الله او مال فين تيتة ؟؟

-خالد بتردد : آآ... هي .. آآ

لم تنتظر يارا أي رد وإنما توجهت إلى حيث غرفة جدتها ، فأسرع خالد ناحيتها ليلحق بها وأمسكها من ذراعها و...

-خالد وهو ممسك بذراعها : استني بس !

-يارا وهي تدفع يده بعيداً عنها : ايه اللي بتعمله ده ؟؟؟

-خالد: أنا أسف مقصدش ، بس آآآ..

-يارا: لو سمحت ، ده بيتنا وأنا مش عارفة حضرتك بتعمل ايه هنا ، فشوية كده بعد اذنك

وقف خالد أمامها ليمنعها من الدخول لغرفة جدتها و...

-خالد وهو واقف أمامها : لو سمحتي ، ممكن تسمعي بس الأول

-يارا: لو سمحت عديني ، ده بيتي ، الله في ايه!

-خالد: أنا عاوزك بس تسمعي

فتح باب غرفة الجدة المهندس رأفت وخرج من الداخل ، فتفاجيء بوجود يارا وخالد يحاول منعها من الدخول و..

-رأفت: يارا

-يارا وقد عرفت عمها: آآآ.. ع.. عمي !

-رأفت بحزن: آآ.. ازيك

-يارا بدهشة : حضرتك بتعمل ايه هنا ؟؟ جيت ليه ؟؟؟

-رأفت: الحقيقة آآ..

-يارا مكلمة: وفين تيتة ، هي عارفة كويس اننا مش محتاجين لزيارة حضرتك ، أنا زعلانة منها أنها عملت كده من ورايا

-رأفت: اسمعيني يا بنتي بس الأول

-يارا : بعد اذنك

لم تكلم يارا كلامها مع عمها رأفت ودلفت سريعا لغرفة جدتها الراقدة على الفراش ووجها مغطى و...

-يارا: عملتي كده ليه يا نوجة ، انتي عارفة اني مش بحب انه يجي يزورنا ، ليه
تضحكي عليا وتخليه يجي ، وبعدين انتي مالك مغطية وشك كده ليه ، نوووجة ردي
عليا

أزاحت يارا الغطاء عن وجه الجدة نجاة ..

-يارا: تيتة ، انتي ..انتى ساكتة ليه؟؟ نوووجة ردي عليا

أمسكت يارا بكف جدتها فوجدته بارد ، وحاولت افاقتها ولكن دون جدوى و...

-يارا بخوف : نوجة اصحي ، انتي مش بتكلميني ليه؟؟؟ طب خلاص أنا مش زعلانة
بس ردي عليا الله يخليكي

تبع رأفت يارا ودخل للغرفة خلفها بينما ظل خالد منتظراً في الخارج ، حاول رأفت أن
يوضح ليارا أن جدتها فارقت الحياة... للأبد و...

-رأفت من الخلف : وحدي الله يا يارا

-يارا وقد بدأت الدموع تتجمع في عيونها : آآآيه اللي انت بتقوله ده؟؟

-رأفت: جدتك راحت عند اللي خلقها و..

-يارا مقاطعة ببكاء: لألألأ اسكت خالص متقولش كده ، تيتة نايمة وهتصحى ، هي
متعودة كل يوم تنام في المعاد ده

-رأفت: لا حول ولا قوة إلا بالله

يارا وهي تهز جدتها : قومي يا نوووجة ، اصحي وعرفيه انك نايمة بس

حاول رأفت أن يجذب يارا بعيداً عن جدتها ، ولكنها دفعته بشدة و..

قام خالد بالامساك بكلتا يدي يارا وتقييد حركتها ، ثم حملها بين ذراعيه إلى خارج الغرفة وهي تقاومه بكل شدة وتصرخ فيه عالياً أن يتركها ...

-يارا وهي تقاومه : بقولك سيبني ، ياااااا نووووجة ، الحقيني هياخدوني بعيد عنك ، ياااااا تيتة

-خالد وهو يحملها : اهدي بس ، اهدي

-رأفت: أمسكها كويس يا خالد ، اوعى تفلت منك

-خالد : ح.. حاضر

بحث خالد بعينه عن مكان غرفة يارا ، ولما رآها توجه بها إليها ، ثم وضعها على الفراش وثبتها جيداً بيديه حتى لا تتحرك و...

-يارا بصريخ: ياااااااااااا نوجة ، حوشيهم عني ، ماتسبنيش يا نووووجة ، الحقيني

-خالد: شششششش ، اهدي ، ششش

-رأفت من الخارج: أنا هكلم أحمد بيعتلنا دكتور تاني بسرعة

-خالد: يا ريت يا بابا

-يارا: حرااااااااااااام عليك سيبني اروح عند تيتة ، ابعده عني

-خالد: بسرعة يا بابا الله يكرمك

-رأفت : اوك

اتصل رأفت بأحمد مندوب الشركة ليحضر لهم طبيباً في نفس العنوان السابق ، وما إن انتهى من المكالمة حتى وجد أن المغسلات والمسئولات عن تكفين المرأة المتوفاة قد حضرن ، فأفسح لهن المجال ليبدأن عملهن ، ودعا الله أن يغفر للجدة نجات ذنوبها ويتجاوز عن سيئاتها ويثبتها عند السؤال..

.....

لاحقاً حضر الطبيب وأعطى حقنة مهدئة ليارا التي كانت تعاني من صدمة عصبية و..

-الطبيب : الأنسة عندها انهيار عصبي ، وهي خدت حقنة مهدئة

-رأفت: يعني هي هتبقى كويسة

-الطبيب: والله ده يتوقف ع سبب الصدمة اللي اتعرضتلها

-رأفت: لا حول ولا قوة إلا بالله

-خالد: بابا أنا هفضل معاها متقلقش

-رأفت: لا يا بني احنا لازم نروح الجنازة ، ولا نسيت ان اكرام الميت دفنه

-خالد: صح يا بابا ، طب هنسيبها مع مين؟؟

-أحد الجارات: أنا هاقعد مع الست يارا لحد ما ترجعوا

-جاراة أخرى: مش حضراتكوا قرايبها؟؟؟

-رأفت: أيوه أنا عمها

-الجاراة سامية : أها ، البقاء لله

-رأفت: البقاء لله وحده

-خالد: طب يالا بينا احنا يا بابا ، خلينا نلحق ندفنها ونرجع نشوف بنت عمي

-رأفت : طيب

ذهب رأفت بصحبه ابنه خالد وبعض من الجيران وأهالي المنطقة لصلاة الجنازة ، ثم توجه الجميع للمقابر لدفن الجدة نجاة والعودة مرة أخرى لمنزلها

.....

في فيلا رأفت الصياد ،،،

كانت فريدة هانم الرفاعي تحاول أن توقظ ابنها أدهم الذي كان قد عاد للفيلا في وقت متأخر من الليل و...

-فريدة: أدهووومي ، دوووومي ، حبيب مامي أصحى بقى

-أدهم وهو يضع الغطاء على وجهه : شوية يا ماما

-فريدة: فوق بقى يا أدهم ، احنا قربنا ع المغرب

-أدهم: ولو وصلنا للعشا حتى ، أنا عاوز أنام

-فريدة: قوم يا حبيبي ، اقعد معايا بدل ما أنا قاعدة لوحدي

-أدهم: يا فيرووو خليني أنام

-فريدة: بليز يا حبيبي ، باباك وأخوك سافروا الغردقة وأنا هنا لوحدي

-أدهم وقد بدأ يفيق: طب ماروحتيش معايم ليه ؟

-فريدة: باباك مرضاش

-أدهم: ليه يعني ؟

-فريدة: عشان هيقابلوا باين وفد روسي و...

-أدهم مقاطعاً: روسي !! يا بن المحظوظة يا خالد ، زمانته هايص دلوقتي

-فريدة: ولد !! بلاش الكلام ده

-أدهم: انا لو أعرف ان الموضوع فيه روسي كنت روجت وش معاه

-فريدة: حتى انت

-أدهم: دي روسيا ومزز روسيا يا فيرووو

-فريدة: اه يا خلبووص

-عمر وقد دلف لداخل الغرفة: اخير ااااااااااااا صحيت يا دومة

-أدهم: ايوه يا سيدي ، خير

-عمر: اشطا جدا

-أدهم مكملأ : والدك بيدن !!

-فريدة: ايه البينة دي ؟؟

-عمر: بقولك أنا هلعب بلاي ستشن عندك

-أدهم: طب مافيش صباحك نادي وهبعتك زيادي

-فريدة: لأ أنا كده مش هخلص من كلامكو ده

-عمر: يا مامي دي لغة العصر

-فريدة: وأنا مش عاوزة اللغة دي تتقال هنا في بيتي ، فاهمين ، وخصوصا انت يا
عمر

-عمر: اشمعني أنا يعني

-أدهم: أصلك الفرع لوز بتاعنا

-عمر: شايفة يا مامي

-فريدة: أدهم !! بليز بلاش تتكلم كده معاه

-أدهم: طب امشي بره بقى ومافيش بلاي ستشن

-عمر: ده انت حبيبي

-أدهم وهو يدفعه: خلاص جبرنا ، اتمشى يالا

-عمر: ماشي ، بكرة تندم آجمييل

-أدهم وهو يقذفه بالمخدة: ولو قومتك !!

-عمر : مجتش فيا

-فريدة: بس انتو الاتنين ، بوظنوا الـ image بتاعة العيلة

-أدهم وهو يقبل رأس أمه: حبيبتي يا مامي

-فريدة: طب سيبك من الكلام ده ، أنا عاوزة أعرف منك انت آآ..

-أدهم: عاوزة تعرفي ايه يا فيرووو

-فريدة: ممم.. عاوزة أعرف اخبارك انت وشاهي ايه ؟

-أدهم بخبث: ليه يا فيرووو؟

-فريدة: عاوزة أفرح ببيك يا قلبي

-أدهم: طب ما أنتي عندك خالد

-فريدة: خالد طول عمره مدوخني ودماعه زي باباه ، لكن انت حبيبي اللي مريخني

-أدهم: أها

-فريدة: ها قولني بقى ، في حاجة بينك وبين شاهي؟؟

-أدهم: طب ايه اللي خلاكي تقولي كده

-فريدة: يعني شايفاكو منسجمين مع بعض

-أدهم: بس كده !!

-فريدة: لأ طبعاً ، وبعدين شاهي بنت أصول زينا ومن عيلة وبنت خالتك فوق ده كله

-أدهم: بصي أنا من ناحيتي مافيش حاجة ، شاهي بالنسبالي عادي

-فريدة باستغراب : عادي !! هو انت لسه بتحب صاحبتك اللي اسمها رزان باين ؟

-أدهم: لأ ، متفرقش معايا ، زيها زي شاهي

-فريدة بحدة : أدهم !!!!!!!

-أدهم: في ايه بس يا فيرووو ???

-فريدة: ازاي شاهي عادي بالنسباك وزيهازي رزان ، الاتنين استحالة يكونوا زي بعض ، لازم تكون بتحب واحدة فيهم أوي

-أدهم: يا فيرووو أنا مش بحبهم أوي ، بس في نفس الوقت منجذب ليهم ، لكن ده مش معناه اني أتجوز واحدة فيهم

-فريدة: اومال كنت عاوزني أكلم باباك ليه يخطبك رزان

-أدهم: عادي ، كانت مصدعاني بموضوع الخطوبة ، وبعدين أبوها رفض ، فريحني من زنها

-فريدة: أنا مش فهماك بصراحة يا ادهم

-أدهم: بصي يا ماما ، أنا البنات بالنسبالي اسلوب حياة ، بيكملوا مظهري وصورتي ، الكل عاوز يكون مكاني ، ومحدث هيقدر يوصل للي أنا فيه

-فريدة: بس في حاجة ناقصة صورتك

-أدهم : ايه هي ??

-فريدة: انك تنزل تشتغل مع باباك

-أدهم: رجعتا تاني للكلام اللي لا بيودي ولا بيحيب

-فريدة: شايف أخوك واكل عقل باباك ازاي ، نفسي تكون زيه كده

-أدهم: انا مش زي خالد ، ومش هاشتغل مع بابا ، تمااااا !!!

-فريدة: ليه بس ??

-أدهم: هنفضل نعيد ونزيد فيه الكلام ده ، أنا مش بحب النوعية دي من الشغل ، عاوز اشتغل حاجة بحبها

-فريدة: طب ما تتكلم مع باباك

-أدهم: عمره ما هيسمعي ، هيركز بس مع اللي فيه الفلوس والمصلحة ، أقولك على حاجة ، أنا كده مبسوط وشاري دماغي ع الآخر

-فريدة: بس... آآ

-أدهم: انا داخل أخذ شاور ، خليني أنزل مع شاهي وبقية الشلة

-فريدة: استنى يا أدهم !

-أدهم في نفسه: أل اشتغل معاه أل !!!!

.....

في فيلا ناهد الرفاعي ،،،

كانت السيدة ناهد تجلس في حديقة المنزل حينما جاءت إليها ابنتها شاهي و...

-شاهي وهي تضع يدها على عيون أمها : أنا مين ؟؟؟

-ناهد: شوشووو

-شاهي: مامي حبيبي

-ناهد: ممم.. شكلك مبسوط أوي ، ها في ايه ؟؟

-شاهي : أدهم كلمني الوقتي وجاي عشان نخرج سوا

-ناهد بابتسامة : اها ، قولتيلي

-شاهي: أنا هاقوم اجهز ، مش عاوزة حاجة مني يا مامي

-ناهد: ربنا يهنكي يا حبيبي

عاد جاسر من عمله ووجد اخته شاهي تجري مسرعة لداخل الفيلا والسعادة مرسومة

على وجهها و...

-جاسر: أنا قولتلك اللي عندي ، وانتو أحرار ، أدهم مش بتاع جواز

-ناهد وهي تفكر في الأمر : ممم...

-جاسر: أنا طالع أغير هدومي

-ناهد: ماشي يا بني

.....

عودة مرة اخرى للغردقة ،،،

في منزل الجدة نجاة ،،،

كانت أحد الجارات تجلس بصحبة يارا إلى أن عاد رأفت وابنه خالد للمنزل و..

-خالد: هتعمل ايه يا بابا الوقتي

-رأفت : والله ما أنا عارف يا بني

-خالد: طيب هنرجع الفندق تاني ولا هنفضل أعيدين هنا

-رأفت: مش عارف والله

-خالد: طب و.. و... آآآ يارا !!

-رأفت: هه ! يارا !!!

-خالد: هنعمل معاها ايه ؟؟

-رأفت: ممم...

-أحد الجارات: طيب أنا هستأذن بقى يا بهوات لأحسن سايبية جوزي والعيال من

صباحية ربنا

-خالد: اتفضلي يا مدام ، معلىش تعبناكي معنا

-الجارا سامية : لا تعب ولا حاجة ، ربنا يصبركم ويرحم الحاجة نجاة ، دي والله كانت زي البلسم ، والسبب يارا زيها بالظبط أنا ماشوفتش في طبيبتهم ولا في أخلاقهم

-خالد: شكراً

-الجارا سامية : عن اذنكم

ظل خالد ورأفت في المنزل يحاولان الوصول إلى حل ما بشأن يارا ..

-رأفت: الوقتي أنا وعدت الحاجة نجاة الله يرحمها اني أخذ يارا معايا لو جرالها حاجة

-خالد: اها

-رأفت: وأنا مكوونتش متوقع أن ده يحصل

-خالد: والعمل ؟

-رأفت: المشكلة الوقتي في أمك

-خالد: ماما !! ليه ???

-رأفت: أمك متعرفش إنني أصلا جاي هنا عشان خاطر الحاجة نجاة ، ولو عرفت آآ...

-خالد: طب ليه كل ده ؟؟؟؟

-رأفت : أنا هاحكيك اللي حصل من زمن !!

-خالد: قول يا بابا

-رأفت: الحكاية بدأت من

Flash Back لما حدث قبل 35 عاماً

فريدة الرفاعي هي ابنة رجل الأعمال المعروف آنذاك كامل الرفاعي ، كانت فتاة مدللة عاشقة للمظاهر والأصول والتمسك بالتقاليد ، فقد كانت كل عائلتها من ذوي السلطة والمناصب الرفيعة

وكان يعمل لديهم خادمة هي (نجاة) ، وكانت وظيفتها هي الاهتمام بكل متطلبات فريدة وناهد ، وكان لدى نجاة ابنة وحيدة صغيرة انجبتها من زوجها الذي انفصلت عنه اسمها (هالة) ...

وفي أحد الأيام تعرفت عائلة الرفاعي إلى عائلة الصياد في حفلة كانت مقامة ، وتم دعوة عائلة الصياد لزيارة عائلة الرفاعي ، ومن اجل تقريب الصلات اقترح الآباء أن يتم تزويج احد بنات الرفاعي لأحد أبناء الصياد ..

أعجبت فريدة برفعت الصياد، ولكنه لم يكن يهتم بالزواج أو بغيره ، فكل ما يشغل باله هو الدراسة بالخارج ، لذلك تمت خطبتها لأخيه الأكبر رأفت و...

-فريدة: يعني انت مش معجب يا رفعت بيا؟؟

-رفعت: يا آنسة فريدة ، مش مسألة اعجاب

-فريدة: بلاش آنسة دي قولي فريدة على طول

-رفعت: هه

-فريدة: احنا قريب اوي هنبقى عيلة واحدة و

-رفعت: بصي يا فريدة ، أنا مش ناوي أتجوز دلوقتي ، أنا لسه عاوز اكمل تعليمي بره

-فريدة: يعني الجواز هو اللي هيعطل دراستك

-رفعت: بصراحة مش عاوز أشغل تفكيري بأي حاجة دلوقتي غير دراستي وبس

-فريدة: بس أنا ..آآ.. أنا

-رفعت: أنا أسف يا فريدة ، انتي انسانة جميلة وشيك ، والكل يتمناكي ، لكن أنا لو في بالي الجواز مكونتش هتردد ، بس الدراسة عندي أهم شيء حالياً .. عن اذنك أنا مضطر امشي

-فريدة بعد أن شعرت بالاحراج والضيق مما قال: أها طبعاً طبعاً ، اتفضل

-هالة: افندم ؟

-رفعت: مساء الخير

-هالة: مساء النور ، فين الطلبات ؟

-رفعت باستغراب: طلبات ايه ؟؟

-هالة: الطلبات اللي مدام فريدة عاوزاها

-رفعت: أنا معرفش هي عاوزة ايه بالظبط ، بس أنا جايب لكل البيت مش لهي بس

-هالة: هو انت مش صابر ؟

-رفعت: لأ أنا مش صابر !

-هالة: أنا أسفة ، طب مين حضرتك

-رفعت: أما أعرف انتي مين الأول

-هالة وقد احمرت وجنتيها من الخجل : آآآ...

-رفعت: طيب خلاص مافيش داعي للكسوف ، أنا يا ستي رفعت الصياد أخو المهندس
رأفت

-هالة : هه

-رفعت: مش هاتقوليلي أتفضل برضوه ، ولا دي مش فيلا أخويا

-هالة باحراج: لأ هي ، آآ.. اتفضل ، معلش أنا أسفة

-رفعت: انتي بتعتذري ليه كتير ؟؟

-هالة: آآ.. يعني عشان غلطت في حضرتك بدون ما أقصد

-رفعت: غلط ايه بس ، يا ريت يكون الغلط بالشكل ده وأنا هاكون مبسوط على طول

-هالة بخجل: ات.. اتفضل

دلف رفعت إلى داخل الفيلا و...

-رفعت: طب انتي لحد الوقتي مقولتليش انتي مين؟؟

-هالة ووجها للأرض من شدة الخجل : آآ...

-فريدة وهي تنزل الدرج بصوت عالي : دي بنت الخدامة بتاعتي

!!!!

.....

الحلقة الخامسة :

□□□ دلف رفعت إلى داخل الفيلا و...

-رفعت: طب انتي لحد الوقتي مقولتليش انتي مين؟؟

-هالة ووجها للأرض من شدة الخجل : آآ...

-فريدة وهي تنزل الدرج بصوت عالي : دي بنت الخدامة بتاعتي .. !!

□□□ شعرت هالة بالاحراج الشديد مما قالتة فريدة الرفاعي وانصرفت على الفور من

أمام رفعت ، وتوجهت إلى حيث تجلس والدتها بصحبة الصغار و...

-فريدة وهي تصافح رفعت : حمدلله ع السلامة يا رفعت ، أخيراً فكرت تنزل بعد غيابك

المدة دي كلها

-رفعت وهو يقبل يدها : لسه زي ما أنتي يا فريدة ماتغيرتليش

-رفعت: طب أنا عرفت اسمك ، وانت عرفت اسمي، اومال الباقيين اسمهم ايه؟؟ ولا تلاقيك مش عارف !!

-خالد ببراءة وهو يشير لهالة : لأ أنا أعرف ، دي هالة ، وده أدهم

-رفعت : قولتلي هالة

-خالد: أه ، ومعاهها أدهم أخويا ، أنا الكبير

-رفعت: طبعا ، ممكن أروح أسلم ع أدهم ؟

-خالد: ماشي

توجه رفعت ناحية أدهم الذي تحمله هالة بين يديها و..

-رفعت بابتسامة : ممكن أدهم يا...يا هالة

-هالة بخجل: اها ..

□□□ كان أدهم متشبساً بهالة بشدة ورفض أن يذهب لرفعت ، مما أضطر هالة إلى أن تبذل جهداً في فك يديه و..

-هالة: أدهم ، روح لعملك يالا ، بلاش كده

-أدهم : تو

-هالة: يالا عشان هو بيحبك وجايبلك حاجات حلوة

-أدهم: لأ انا أوزيك اتي

-هالة وهي تقبل خده: يالا يا حبيبي عشان أنا أحبك أكثر

استسلم أدهم لطلب هالة وفك يديه من على رقبتها ، فحمله رفعت وتلامست ايديهما بدون قصد وهو يتبادلان أدهم

-هالة: أسفة

-رفعت: برضوه بتعتذري

-هالة: عن اذنك

-رفعت: شايف يا أدهم هالة هتسبنا وتمشي ازاي؟؟

-أدهم: ما تمسيس

-رفعت وهو يقلد صوت أدهم : ايوه ما تمسيس

■■■ ابتسمت هالة في خجل ، ثم حضرت فريدة و...

-فريدة: انتي لسه هنا ، مش خلاص خلصتي اللي جاية عشانه

-هالة بخوف: آآ.. أيوه ، عن اذنك يا فريدة هانم

-فريدة: اتفضلي يالا ، أه وماتنسيش تاخدي الزبالة وانتي ماشية

-هالة وهي تنظر للأرض: ح..حاضر

-رفعت : ليه كده يا فريدة؟؟

-فريدة: في ايه يا رفعت؟؟

-رفعت: لتاني مرة تخرجي البنت قصادي

-فريدة: هما دول بيحسوا أصلاً ، دول خدامين

-رفعت: بس برضوه ، بشر زينا عندهم مشاعر وأحاسيس

☐☐☐ ثم علا صوت أدهم بالبكاء ، فصاحت به فريدة فإزداد بكائه و...

-أدهم ببكاء : عااa

-فريدة بصياح: اسسسسسكت

-رفعت: بالراحة يا فريدة في ايه لده كله

-فريدة: انت مش شايف الولد بيعيط ازاي

-رفعت: ده طفل برضوه

-فريدة: لازم يتعلم أصول التربية السليمة ! يا نجااa

-نجاة: أيوه يا هاتم

-فريدة: خدي البيه الصغير أدهم وخالد وجههم للنوم ولا انتي بتقبضي فلوس ع
الفاضي ، وبعد كده حضريلنا الغدا ، يالا بسررررعة ، انتي لسه واقفة عندك!!!!!!

-نجاة: حاضر .. حاضر يا هاتم

☐☐☐ انصرف رفعت من الغرفة وعلى وجهه علامات الضيق من تصرفات فريدة

-رفعت في نفسه: الحمد لله ان ربنا نجاني منها ، كان زماي كاره حياتي باللي فيها،
ربنا يعينك يا رأفت ع اللي انت فيه

-رأفت: انت رايح فين يا رفعت؟؟

-رفعت: مغلش انا خارج

-رأفت: طب مش هتستنى أما تتغدى

-رفعت: لأ ، وقت تاني ، مع السلامة

-رأفت باستغراب : ماله ده !!

- رفعت: انتي ايه اللي موقفك هنا ؟
- هالة : مستنية تاكسي فاضي يا رفعت بيه
- رفعت: طب تعالي أوصلك
- هالة: مايصحش حضرتك يا رفعت بيه
- رفعت: ايه حكاية رفعت بيه دي اللي مسكهالي
- هالة: حضرتك أخو رأفت بيه فلازم أنادي حضرتك زيه
- رفعت: لأ انا غير أخويا خالص
- هالة: ميصحش برضوه
- رفعت: بصي مش هنفضل نرغي في الشارع كده كتير ، تعالي أنا هوصلك
- هالة: لأ ، أنا أسفة
- رفعت: برضوه بتعتذري
- هالة: أهوو تاكسي جه ، عن اذنك
-

□□□ شغلت هالة تفكير رفعت لعدة أيام ، ظل يقضي معظم وقته يفكر بها ، ثم قرر أن يجمع كل المعلومات عنها ، وفي النهاية حسم قراره بـ.....

- رأفت: بتقول ايه ???
- رفعت: اللي سمعته يا رأفت ، أنا هتجوز هالة !
- رأفت: بس انت ..انت عارف هي مين ???
- رفعت: أيوه بنت نجاة الشغالة
- رأفت: طب .. طب انت فاهم ده معناه ايه??

-فريدة: أنا لا يمكن أبداً في يوم من الأيام أقعد مع الخدامة دي أو بنتها على تربيذة واحدة ، استحاهة

-رأفت: انتي حرة !! بس ده أخويا

-فريدة: أخوك وانتو أحرار مع بعض بس ولادي للألأ

-رأفت: تقصدي ايه

-فريدة: أقصد ولادي زيي ، استحالة يختلطوا بالأشكال دي

-رأفت: بس دول ولادي أنا كمان

-فريدة: أنا المسؤلة عن تربيتهم ، ومش هسمح أبداً أنهم يعرفوا بأن مرات عمهم هي بنت خدامتي وخدامتهم ، فاهمني !!

-رأفت: يا فريدة آآآآ.....

-فريدة: ولو مش عاجبك كلامي طلقني ، بس متنساش ان يوم ما هتعمل كده هاخذ كل أملاكي ومعها أملاك أولادي وولادي وهعرف ازاي آآ.....

-رأفت مقاطعاً : خلاص ، اسكتي !!!

-فريدة: ده اللي عندي

.....

تزوج رفعت من هالة في أجواء فرح بسيطة للغاية ، لم يحضر حفل الزفاف إلا رأفت فقط ، ولم تحضر فريدة ولا أبنائها إلى حفل الزفاف ، ثم سافر رفعت للخارج ليكمل باقي دراسته العليا في مجال الهندسة ، ولحقت به هالة لتكمل دراستها العليا معه ، بينما انتقلت نجاة للعيش في الغردقة ..

ازدهرت أعمال رأفت الصياد بعد المجهودات التي بذلها رفعت كثيراً لأجل أخيه خاصة خلال فترة اقامته بالخارج ، ورغم هذا ظلت العلاقات منقطعة بين أولاد رأفت

وزوجته وبين عمهم رفعت ، فقد كان الأولاد يعلمون أن لديهم عم ولكنه دائم السفر لا يقيم بمصر ، وبعد زواج دام لعدة سنوات بين هالة ورفعت رزقهم الله بابنتهم الوحيدة يارا ، ثم قررت هالة أن تعود بابنتها لتعيش في القاهرة ، ولحق بها رفعت

□□□ كان رفعت دائم السفر بين القاهرة وخارج مصر لينهي الكثير من الأعمال ، إلى أن جاءت السفرية الهامة التي على أثرها توفى رفعت وهالة ، ومن بعدها انتقلت يارا للعيش مع جدتها في الغردقة

□□□ ورغم وفاة رفعت وهالة إلا أن فريدة أصرت على أن تظل الصلات منقطعة بين رأفت وابنته أخيه وجدتها الخادمة ...

-رأفت بحزن: الله يرحمك يا أخويا ، لازم اجيب حقك انت ومراتك ، والله ما هسيبهم اللي عملوا فيك كده

-فريدة: هتفضل كده كثير

-رأفت: عاوزة ابيه؟؟

-فريدة: ايه يا رأفت هتفضل كده قافل على نفسك وسايب مصلحنا متعطلة

-رأفت: تغور كل حاجة ، مافيش حاجة تستاهل بعد موت أخويا

-فريدة: لأ في ولادنا وفلوسهم ، ولا خلاص دول مش مهمين عندك

-رأفت: لأ عندك حق ، ولادنا مهمين ، وبنت أخويا

-فريدة: أوووف مالها دي كمان؟؟؟

-رأفت: مش هسيبها لازم أعوضها عن موت أبوها وأجيبها تعيش معايا و...

-فريدة بحدة: مش هيحصل!!!!

-رأفت: نعم بتقولي ايه؟؟؟

-فريدة: اللي سمعته ، انت حر في بنت أخوك بس بعيد عن ولادي

-رأفت: يعني ايه ؟؟

-فريدة: ربي بنت أخوك بعيد عن ولادي ، مالهش دعوة بنت الخدمة بولادي

-رأفت: فريبييدة !! اللي بتكلمي عنها دي ده بنت اخويا ، حتة من لحمي ، أرميها
عشان ترتاحي ؟؟؟؟

-فريدة: بنت أخوك تبقى جدتها خدامتي وخدمة عيالي ، ولا نسيت ؟؟ ولو انت نسيت
أنا مانستش !!!

-رأفت : طب عاوزاني أعمل ايه يعني أولع فيها ؟؟؟؟

-فريدة: لأ خلي الخدمة ترببها وابقى اديها قرشين وتبقى عملت اللي عليك

-رأفت : نعم ؟؟؟

-فريدة: ده أحسن حل

-رأفت: يا فريدة الكلام اللي بتقوليه ده لا يمكن يحصل !!

-فريدة : هيحصل عشان مصلحة ولادنا ، ومصحتها لو انت خايف عليها !!!!

-رأفت : تقصدي ايه ؟؟؟

-فريدة: لو مش عاوزها تحصل أخوك ومراته يبقى تعمل اللي بقولك عليه !

-رأفت: هه

-فريدة: انت عارف كويس ان موت رفعت مكنش قضاء وقدر ، ولو اتعرف ان بنتهم
عايشة ممكن يوصلولها وتحصلهم

-رأفت وقد أخذ يفكر في الأمر: يوصلولها !!!

-فريدة: ايوه ، انساها لمصلحتها ومصحتنا !

-رأفت: ممم...

-فريدة في نفسها: أنا مش عارفة ليه ماكونتيش معاهم وموتي مع أمك بالمره
وخلصتي وريحتينا !!!

□□□ ظلت العلاقات منقطعة بين يارا وعمها إلا من بعض الزيارات الفردية كل عدة
أشهر ، فأصبحت العلاقة شبه جافة ، وحاولت الجدة كثيراً أن تقرب بينهما ولكن
للأسف لم تنجح في هذا إلى أن توفاه الله ... □□□

.....

عودة للوقت الحالي ،،

في منزل الجدة نجاه ،،

-رأفت: ده اللي حصل يا بني

-خالد: يااااه يا بابا

-رأفت: والمصيبة الوقتي لو أمك عرفت اني كنت على اتصال بالحاجة نجاه

-خالد: أعتقد ان الحاجة نجاه معدتش هي المشكلة دلوقتى

-رأفت: اها

-خالد: مشكلتنا الوقتي في ...في يارا !!!!

.....

الحلقة السادسة :

في منزل الجدة بالغردقة ،،

-رأفت: والمصيبة الوقتي لو أمك عرفت اني كنت على اتصال بالحاجة نجاة

-خالد: أعتقد ان الحاجة نجاة معدتش هي المشكلة دلوقتى

-رأفت: اها

-خالد: مشكلتنا الوقتي في ..في يارا !!

-رأفت: يارا !!

-خالد: ايوه هنعمل ايه معاها الوقتي ؟

-رأفت: مقدميش حل تاني غير انها .. انها تيجي تعيش معانا !!!!

.....

في أحد الكافيهات بالقاهرة ،،،،

كان أدهم بصحبة شاهي ورزان وباقي أصدقائهم يقضون وقتاً طيباً في داخل أحد الكافيهات الحديثة ..

-باسل : ما تيجوا نطلع ع بورتو مارينا يومين

-هيثم: أوك ، أنا موافق

-ندى: مम्मمم... مش عارفة

-رزان: اوك .. أنا معاكو ، وانت ايه رأيك يا أدهم ؟

-أدهم: والله آآآ...

-شاهي: أنا مش هاعرف أجي

-أدهم: ليه؟

-شاهي: مامي وجاسر مش هيوافقوا طبعاً ، ما أنت عارف

-أدهم: الكلام ده لو انتي طالعة لوحدك ، لكن معاكي أدهم الصياد وده لوحدك كفاية !!

-رزان: لو مجتش شاهي عادي يعني

-أدهم: لأ هاتيحي ، ولو مطلعتش مش هطلع

-شاهي: بجد؟

-أدهم: طبعاً!!!!

-هيثم: مين ادك يا عم بتتظبط التظابط

-أدهم: بلاش أرك خليها تكمل

-هيثم: هو انت الأر بينفع معاك أصلاً

-أدهم بثقة: الكل بيحي عندي ويفرمل

-رزان بحنق: اوووف

-ندى هامسة لرزان: اهدي يا روزا ، دي بنت خالته ، فمافيش داعي وشك يتقلب كده

-رزان: أنا مش بخلص من عميل أدهم ، أقولك أحسن حاجة أعملها اني أقوم

-ندى: استني بس يا روزا

قامت رزان من مكانها ، فأسرع أدهم ورائها ليعرف ما بها و..

-أدهم: رزان ، مالك ، قومتي ليه؟

-رزان: مافيش تعبانة وعاوزة أمشي

-أدهم: تعبانة؟؟ مالك ، في ايه؟؟

-رزان: عادي مصدعة

-أدهم برومانسية: في حد يبقى مصدع وأنا معاه

-رزان: مش أما تكون مركز معايا الأول

-أدهم: اهااا ، قولتيلي بقي

-رزان: بليز خليني أمشي

-أدهم: دي شاهي ، وهو في حد يغير من شاهي برضوه ???

-رزان: على فكرة انا مش غيرانة !!

-أدهم: ممم.. لأ واضح فعلاً

-رزان: بس بقي ، ع فكرة انت بارد

-أدهم: لأ ده انتي زعلانة فعلا ، تعالي بس وأنا هصالحك

-رزان: لأ مش جاية

-أدهم وهو يجذبها من يدها : لأ هاتيحي يا روووزا، مافيش حد يقول لأدهم الصياد لأ

-رزان مستسلمة : دايمًا بتغلبنى بكلامك يا ادهومة

وقف ادهم ورزان يرقصان سوياً في منتصف القاعة، بينما شعرت شاهي بالحنق مما يفعلها أدهم و...

-ندى: ده العادي بتاع ادهم يا شاهي

-شاهي: أه ، عارفة

-باسل: تحبي ترقصي معايا يا شاهي ؟

-شاهي: لأ

-ندى: أنا هاجي معاك يا باسل

-باسل: اوك

-فريدة: كلمتي مسئول الترخيم يجيبنا بنت جديدة بدل الغيبة اللي بعثها

-صباح: ايوه يا هاتم ، وهيبتها خلال يومين

-فريدة: يومين!!!!

-صباح: معلىش يا هاتم ، عشان يجيب واحدة بتفهم

-فريدة: والله كله في الآخر بيطلع شبه بعضه ، غبي!!! ، انتي هتفضلي واقفة كده
كثير ، اتفضلي ع شغلك

-صباح: حاضر

-فريدة : لحد الوقتي رأفت مكلمنيش ولا حتى خالد ، طبعاً ما بيصدق تيجيله سفرية
ويغطس فيها وينساني ع الآخر ، بعد كده رجلي هتكون ع رجله ، وخصوصاً لما تبقى
السفرية هنا جوا مصر

.....

في الغردقة ،،

في منزل الجدة نجاة ،،،،

-خالد: طب احنا ازاى هنقدر نقنع بنت عمي انها تيجي تعيش معانا

-رأفت: مش عارف

-خالد: ومش هينفع أصلاً نسيبها تعيش لوحدها هنا

-رأفت: لأ

-خالد: دي بنت وسمعتها من سمعتنا ، وكان غلط جدا يا بابا انك تسيبها كل المدة دي
عايشة بعيد عننا

-رأفت: كنت مضطر يا بني ، ما أنا حكيتلك

-خالد: وقدامك فرصة الوقتي يا بابا تصلح الغلط ده

-رأفت: ربنا يدبرها من عنده

.....

في الداخل ،،

كانت يارا قد بدأت تستعيد وعيها ، أخذت تتأمل الغرفة من حولها وتشعر بأن هناك
أمراً ليس على ما يرام ، نعم لقد كانت مع جدتها ، أين هي الآن و...

-يارا: آآه .. أنا .. أنا فين ، اه دي أوضتي ، فين نوجة؟؟ أنا كنت معاها ، لأ مش ممكن
نوووجة مامتتش ، هي عايشة ، ليه سيبتيني لوحدي يا تيتة؟؟ أنا هأعيش لمين بعدك
؟؟؟ الكل بيكرهني ، أنا هاموت من غيرك ، ليه ضحكتي عليا .. أنا مش لازم أسيبك
لوحديك أنا هاجي معاكي

خرجت يارا من غرفتها لتجد رأفت وخالد يتحدثان سوياً في الصالة ، نادى رأفت عليها
فلم تجبه بينما التفت خالد ليارا و..

-رأفت: يارا !!

-خالد: هي مش بترد فين

-رأفت: يارا يا بنتي انتي رايحة فين ؟

لم تجبهم يارا ، وإنما توجهت ناحية المطبخ لتبحث عن شيء ما حاد و..

-خالد: تعالى يا بابا نشوف دي رايحة فين

-رأفت: أيوه

-خالد: شكلها مش طبيعي

-رأفت: برضوه موت جدتها حاجة مش بالساهل

-خالد: ايوه

-خالد وهو يدير يديها خلف ظهرها: خد السكينة بسررعة

-يارا: لـ..لأ .. آآ

-رأفت بفزع: يااااارا

-خالد : يااارا ، يااارا

-رأفت: وديها يا بني ع أوضتها

-خالد: حاضر

-رأفت: أنا هاطلب أحمد يبعثنا الدكتور تاني

-خالد: يا ريت يا بابا بسرعة

.....

حمل خالد يارا ووضعها في غرفتها ودثرها في فراشها ، وانتظر بجوارها إلى أن يأتي الطبيب ...

-الطبيب: حالتها سيئة

-رأفت: طب والعمل

-الطبيب: لازم تبعد عن الضغوط العصبية والنفسية خلال الفترة دي ، والا الحالة

هتدهور اكثر من كده

-رأفت: أها

-الطبيب: هي خدت مهدي ء ، وياريت الفترة الجاية يكون في متابعة مع دكتور

متخصص

-رأفت: بأمر الله ، شكراً

-الطبيب: العفو.

تحدث خالد ورأفت عما ينتويان فعله مع يارا و...

-خالد: مش لازم نسيب يارا

-رأفت: ايوه

-خالد: بعد الكلام اللي الدكتور قاله ، لازم ناخذ بالنا منها وإلا ممكن نخسرها

-رأفت: لأ أنا مش هسمح ان حاجة تحصلها

-خالد: يارا ان شاء الله هتيجي معانا

-رأفت: ده اللي هيحصل ، أنا قصرت معاها جداً ولأزم أعوض غيابي عنها السنين

اللي فاتوا

-خالد: وأنا معاك يا بابا اظمن

-رأفت: الخوف من ردة فعل فريدة

-خالد: سيب ماما عليا ، هي يومين هتضايق وبعد كده عادي

-رأفت: يا ريت تيجي ع أد كده

-خالد: طول ما أنا واخواتي واقفين معاك مافيش مشاكل هتحصل

-رأفت باستهزاء : اخواتك !!! طب خلي بالك من أدهم !!

-خالد: ادهم طيب ، أه شايف نفسه بس بيقف مع الحق

-رأفت: والله أنا ما خايف إلا من اتنين أمك وادهم!!!!!!

.....

في فيلا رأفت الصياد ،،،

عاد أدهم من الخارج فرأى والدته تجلس وحيدة تشاهد التلفاز و...

-أدهم وهو يقبل والدته : الجميل أعد لوحده ليه ؟؟

-فريدة: يعني كنت لاقيت اللي أعد معايا وقولت لأ

-أدهم: أنا موجود يا فيروو

-فريدة: موجود ازاي ، وانت طول اليوم يا نايم يا برا مع أصحابك

-أدهم: طب ايه رأيك تيجي معايا بورتو مارينا يومين

-فريدة بدهشة : نعم ؟؟؟ انت مسافر

-أدهم: بيس ، بكرة الصبح

-فريدة: كده من غير ما تقولي ؟؟؟

-أدهم: طب ما أنا بقولك أهوو ، أه وبالمناسبة عاوز شاهي معايا

-فريدة: شاهي !!

-أدهم: أينعم .. البت مكتتبه وعاوزها تغير المود ، متلاقيش عليها

-فريدة: ناهد اختي استحالة ترضى ، ولو فرضنا إنها وافقت ، جاسر لا يمكن يوافق

-أدهم: ليه يعني ؟؟ هي طالعة مع حد غريب ،ده أنا أدهم الصياد وكل البنات تتمنى

اشارة مني ، وشاهي نفسها هتموت وتطلع معايا ، وبعدين أنا وعدتها اني هعرف

أطلعها ، يبقى عاوزاني اطلع عيل قصادها !!!

-فريدة: لأ ميرضنيش

-أدهم: مهمتك بقى يا فيرووو ، تظبطي أختك وابنها وتطلعي شاهي معايا

-فريدة: بس .. آآآ...

-أدهم وهو يقبل جبينها : من غير بس يا قمر انت ، مووووووووه ، تشاوو

-فريدة: دايم كده اضحك عليا بكلامك

-أدهم: ده انتي الحب كله يا فيرووو .. او مال فين صباح مش باينة ليه ؟؟؟

-فريدة: ممم.. عاوزها ليه؟؟ هتاخذها معاك بورتو السخنة!!!

-أدهم: مش للدرجادي يا فيرووو ، أنا بس جعان وعاوزها تحضرلي لقمة أكلها

-فريدة: أها .. طب اطلب دليفري بقى لأن صباح راحت عن مسئول الخدم عشان
تشوفلي البنت الجديدة

-أدهم: بقى فيلا عريضة زي دي مافيهاش أكل ، وأخرتها أدهم الصياد يطلب ديلفري

-فريدة: النهاردة بس يا قلبي

-أدهم: اوك يا فيرووو ، ظبطيني بقى مع شاهي ، اوك

-فريدة: اوك

اتصلت فريدة باختها ناهد في محاولة منها لاقناعها بالموافقة على سفر شاهي مع
أدهم لبورتو مارينا و...

-فريدة هاتفيا: ليه بس يا ناهود ، خلي البنت تغير جو

-ناهد: مش هينفع والله يا فريدة ، انتي عارفة جاسر دماغه ناشفة ، استحالة يوافق ان
اخته تسافر مع أدهم لوحدهم

-فريدة : ومين قال انهم لوحدهم ، دول مع بقية اصحابهم ، وبعدين هو ادهم ده حد
غريب ، ده هيخاف ع شيري اكر من أي حد تاني

-ناهد: أنا عارفة ان أدهم هيخاف ع شاهي جدا ، بس جاسر مش عارفة هيرضى ولا
لا ، أنا هحاول أقوله ، بس موعديش

-فريدة: زني عليه يا ناهود ، مش هوصيكي

-ناهد: ربنا يسهل

.....

في فيلا ناهد الرفاعي ،،،

حاولت ناهد أن تقتنع جاسر بأن يسمح لأخته بالسفر إلى بورتومارينا مع ادهم ورفاقهم ولكنه كان رافضاً للفكرة و...

-جاسر: والله ما يحصل

-ناهد: ليه بس يا جاسر ؟؟؟

-جاسر: انتي عاوزاني أسمح لأختي تسافر لوحدها لأ ومع مين مع ادهم يغيروا جو ، قالولك عني واحد لامواخذة

-ناهد: طب خلاص سافر معاهم

-جاسر: فاضي أنا للعب العيال ده

-ناهد: يعني انت لا بترحم ولا بتسيب رحمة ربنا تنزل

-جاسر: والله بكرة تشكريني انتي وبنتك ع اللي كنت بعمله معاها ، وبعدين اللي مرضهوش ع بنات الناس مش هر ضاه ع أختي

-ناهد: بس ده ابن خالتها وأصحابهم

-جاسر: وده مبرر يعني أنها تصيع معاه

-ناهد: ايه تصيع معاه دي ؟؟؟ راعي أفاظك !!

-جاسر: اومال تسمي اللي ناوية تعمله ايه ؟؟؟

-ناهد: خليك سبورت ومودرن يا جاسر

-جاسر: لأ أنا مخي جزمة ودقة قديمة ، وده آخر كلام عندي !!!

-شاهي بغضب: شايفة يا مامي ، جاسر بيعمل فيا ايه

-ناهد: هعمله ايه ، اخوكي وخايف عليكي

-شاهي: هو أنا مهاجرة ، دول يومين ، ولا عاجبك أفضل محبوسة هنا

-ناهد: خلاص بعدين هنبقى نطلع كلنا سوا

-شاهي : اوووف بقى

.....

في الغردقة ،،،

قضى خالد ورأفت ليلتهم في منزل الجدة نجاة ، ناموا بالصالة الخارجية ، ومن حين
لآخر كان يتابع رأفت حالة يارا ويطمئن عليها ، كانت ساكنة معظم الوقت ونائمة
كالطفلة الصغيرة ...

-رأفت في نفسه: يا حبيبتي يا يارا ، لو كنت معاكي من زمان كان زمانك عديتي اللي
حصل بدون ما حالتك تسوء كده ، أنا كنت مقصر معاكي أوي ، بس أوعدك اني هأكون
سندك من هنا ورايح ، وهأكون معاكي للأخر زي ما وعدت الحاجة نجاة الله يرحمها ،
وهنفذ وصية اخويا ، أنا أسف يا بنتي انا خذلتك كثير ، بس ان شاء الله اللي جاي
هيكون أحسن

.....

في صباح اليوم التالي ، علم جميع من في المركز الرياضي بوفاة جدة يارا الحاجة
نجاة ، فاجتمعوا وذهبوا لتعزية يارا في منزلها و...

-سمر: حبيبتي يا يويو ، زمانتها الوقتي منهاره ، ازاي مش تبلغنا

-الكابتن وليد: وهي هتبقى فاضية تكلم حد

-دعاء: المهم نهون عليها يا جماعة

-الكابتن عادل: ربنا يصبرها

-سمر: عاوزين ندعمها ، أنا هاكلم ماما تحصلني ع بيتها

-دعاء: اوك

-الكابتن وليد: طب تعالوا أما أوصلكوا ع بيتها

-الكابتن عادل: اوك

-سمر: ماشي

وصل الجميع إلى منزل الجدة نجاه و..

-سمر باستغراب: ده مافيش صوان عزا

-الكابتن عادل: يا بنتي يارا مقطوعة من شجرة ، ده كويس انها عرفت تتصرف وتدفن جدتها

-دعاء: اكيد الجيران ساعدوها

-الكابتن وليد: ربحوا دماغكو بس من الكلام ده ، احنا جايين نعمل الواجب مش هنفتح معاها سين وجيم

-سمر: اوك

طرقت سمر وأصدقائها باب المنزل ، ففتح لهم خالد و..

-سمر وهي تنظر للالفة المنزل: سلامو عليكو ، مش ده..ده بيتيارا

-خالد: ايوه هي ، مين حضرتك ؟

-سمر: انا صاحببتها الانتيم سمر ، ودول الكابتن وليد والكابتن عادل ودعاء زملاء يارا في السنتر

-خالد: أها

-سمر: احنا عرفنا بوفاة تيتة نجاه فجينا ..احم.. آآ.. جينا نعزي

-خالد: شكراً ، سعيكم مشكور ، اتفضلوا حضراتكوا

-الكابتن وليد وهو يصافح خالد : البقاء لله

-خالد: الدوام لله وحده

-الكابتن عادل: البقاء لله

-خالد: الدوام لله وحده

-دعاء: البقاء لله ، ربنا يرحمها كانت والله ست طيبة وحنينة ع الكل

-خالد: يارب أمين

-رأفت: أهلا وسهلاً بحضراتكوا

-خالد: دول زمايل يارا يا بابا جايبين يعزوا في الحاجة نجاة

-رأفت: أها

-سمر: معلش لو فيها رزالة ، أنا اللي أعرفه ان يارا عايشة لوحدها مع جدتها ، فيعني حضراتكو مين؟؟

-خالد: أنا المهندس خالد الصياد ابن عمها ، وده والدي البشمهندس رأفت الصياد عمها

-سمر: آآآ.. سوري ، مكوناش نعرف

-خالد: ولا يهملك

-الكابتن وليد: يارا غالية عندنا كلنا ، للأسف احنا عرفنا النهاردة باللي حصل ، ولو كنا عرفنا من بدري ماكناش سييناها لوحدها

-خالد: شكراً ليك ، بس احنا خلاص موجودين معاها ومش هنسيبها

-الكابتن وليد: والله مش كلام ، انا مستعد أعمل أي حاجة عشان يارا

-خالد: كتر خيرك

-سمر: طب يارا فين عشان نعزيها؟؟

-رأفت: هي تعبانة شوية

-سمر بخضة: ايبيه ??? طب ينفع أشوفها ???

-رأفت: اتفضلي يا بنتي

-الكابتن وليد: ينفع احنا كمان نطل عليها ؟

-خالد: لأ مش هينفع ، حضرتك دي بنت ، وأخدة راحتها في أوضتها ، فازاي يصح

حضرتك تدخل عليها ؟؟؟؟

-الكابتن وليد: آآآ.. مقصدش

-خالد: اتفضل حضرتك هنا ، والبنت يدخلوها

-الكابتن وليد: طيب

.....

دخلت الفتيات إلى عرفة يارا وجلسن معها و...

-سمر وهي تحتضن يارا: حبيبتى يا يويو ، البقاء لله يا قلبي

-دعاء: ادعيها يا يويو ، ربنا يغفر لها ويرحمها ، هي في مكان أحسن دلوقتي

-يارا: اهيء .. اهيء

-سمر: اهدي يا حبيبتى ، ان شاء الله كل حاجة هتكون كويسة

-يارا: لأ ، كل حاجة راحت ، معدتش في حاجة زي ماهي ، اللي كانت بتحبني وبتخاف

عليا سابتنى لوحدي من غير سند ولا ظهر

-دعاء: ماتقوليش كده

-سمر: بس .. آآ... بس عمك بره و.. آآ

-يارا: ده مش عمي

-سمر بدهشة: هه ?? أومال مين ???

-يارا: هو عمي ع الورق بس ، لكن ده أنا معرفوش

-دعاء: خلاص يا سمر سببها متضغطيش عليها

-سمر: طيب ، طيب

-دعاء: احنا معاكي ومش هنسيبك

-يارا: اهيء ...

ظلت يارا تبكي وسمر ودعاء يحاولان تهدئتها ومواساتها ، ثم سمعوا طرقات على باب الغرفة ..

-رأفت: يا بنات ، زمايلكم بيستأذنوا يمشوا

-سمر باحراج : آآ حاضر

-يارا: ماتمشوش وتسيبوني

-دعاء: مش هانسبيك يا يارا ، هانيجي تاني

-سمر: احنا جايبين تاني ، هنسيبك بس تريحي أعصابك شوية

-يارا: اهيء ...

.....

خرجت سمر ودعاء من غرفة يارا وانصرف الجميع ، بينما ظلت يارا في غرفتها تبكي فراق جدتها نجاة ...

-رأفت: لازم نقتع يارا انها تيجي معانا ، معدتش ينفع نقعد أكثر من كده في الغردقة

-خالد: تمام ، وأنا هكلم أحمد أشوف وصل مع الوفد لايه

-رأفت: أوك ، أنا هادخل أكلم معاها ،وانت جهز شنطة صغيرة بهدومها تاخدها معاها لأن أكيد مش هترضى تجهز أي حاجة

-خالد: تمام

طرق رأفت على باب غرفة يارا ، واستأذن للدخول و...

-رأفت (طق..طق..طق) : ممكن أدخل

-يارا:

-رأفت: تعالي يا بنتي ، أنا عاوز أتكلم معاكي شوية

-يارا: من فضلك سيبنى في حالي

-رأفت: معلش يا بنتي تعالي ع نفسك واسمعيني

-يارا: لا

-رأفت: طب عشان خاطر الحاجة نجاة الله يرحمها !!

-يارا وقد انتبعت للاسم : هه

-رأفت: لو فعلاً بتحبي الحاجة نجاة من قلبك اسمعيني

استسلمت يارا لما يقوله عمها وذهبا خارج غرفتها ليتحدثا سوياً في غرفة الصالون ، بينما اتفق خالد مع أحمد مندوب الشركة على تأجيل الاجتماع مع الوفد الروسي إلى بعد غد في القاهرة وأن يقضيا اليومين التاليين في الغردقة لعمل جولة ترفيهية لهم ..

دلف خالد إلى داخل غرفة يارا ، ظل يتأملها قليلاً ، أعجبتة البساطة فيها ، أخذ يجمع بعض من متعلقاتها ووضع بالحقيبة صورة لها مع جدتها ، وما إن انتهى حتى خرج وانتظرها بالخارج ..

-خالد في نفسه: ماشاء الله ، الأوضة رقيقة زي صاحبته فعلاً ، ممم.. يا ترى هي هتحتاج ايه ؟ أنا هحطها كام حاجة كده والباقي نبقى نشترهولها من القاهرة ، ايه اللي هناك ده !! ممم.. صورتها مع جدتها ، أعتقد انها هتحتاجها .. تمام كده

.....

في غرفة الصالون ،،،

كان رأفت يتحدث مع يارا و...

-رأفت: قبل أي حاجة أنا بعذرلك عن تقصيري معاكى السنين اللي فاتت كلها

-يارا: واعتذارك ده هيرجعلي ايه؟؟

-رأفت: أنا عارف انه مش هيعمل حاجة ، ولا هيرجع اللي فات ، بس ع الأقل آآ..

يعني أنا ب...

-يارا وقد وقفت في مكانها : أنا بطلب من حضرتك بكل أدب وذوق انك تمشي من بيتي

!!

.....

الحلقة السابعة :

جلس رأفت مع يارا ليتحدثا سوياً في غرفة الصالون و...

-رأفت: قبل أي حاجة أنا بعذرلك عن تقصيري معاكى السنين اللي فاتت كلها

-يارا: واعتذارك ده هيرجعلي ايه؟؟

-رأفت: أنا عارف انه مش هيعمل حاجة ، ولا هيرجع اللي فات ، بس ع الأقل آآ..

يعني أنا ب...

-يارا وقد وقفت في مكانها : أنا بطلب من حضرتك بكل أدب وذوق انك تمشي من بيتي
!!..

-رأفت بصدمة: نعم

-يارا: اللي حضرتك سمعته ، الكلام معدتش ليه لازمة ، وأعتقد ان الرابط اللي كان
بيربطني بحضرتك مات دلوقتي ، فمافيش داعي تغصب نفسك وتقع أكثر من كده

-رأفت: ايه الكلام اللي بتقوليه ده ؟؟

-يارا: أنا بقول الحقيقة ، انت جيت غصب ومش مضطر أو مجبر انك تكمل التمثيلية
دي ، حضرتك تفضل مشكور ترجع للمكان اللي جيت منه

-رأفت: انا عاذرك في كل اللي بتقوليه ، أنتي ط...

-يارا بصوت مرتفع: انت ليه مش عاوز تسمع ، بقولك اتفضل من غير مطرود

دلف خالد لداخل غرفة الصالون بعد أن سمع صوت الشجار بين يارا وأبيه و...

-خالد: في ايه يا جماعة ؟؟؟

-يارا محذرة : لو سمحت متدخلش !!

-رأفت: يا بنتي اسمعيني بس

-يارا: انت جاي ليه الوقتي ؟؟ أنا بقولك روح من المكان اللي جيت منه وحط في بطنك
بطيخة صيفي ، وأوعى تحس في يوم بالذنب ، أنا ماليش حد غير تيتة الله يرحمها ،
غير كده لأ

-رأفت: لا حول ولا قوة إلا بالله ، يا بنتي استهدي بالله

-يارا بنرفزة : أنا مش بنتك انت مابتفهمش

وفجأة وجدت يارا من يصفعها بشدة على خدها و...

-خالد: اخربي ، لما تتكلمي مع بابا يكون باحترام

-يارا وهي تضع يدها ع خدها: انت..انت .. ازاي ت...

-رأفت بدهشة: ليه عملت كده ؟

-خالد: يعني أشوفها تزعلك وأقف ساكت

-رأفت: مكنش في داعي يا بني ، قدر حالتها

-خالد: ما أنا مقدر ، لكن اللي بيحصل ده اسمه قلة أدب

-يارا ببكاء وحزن : راحت اللي كانت بتدافع عني ، اللي كانت فعلاً بتحميني ، أنا فعلاً

عرفت معنى اليتيم بعدها !!!!!!!!!!!!!!!

جرت يارا ناحية غرفة جدتها وجلست على الأرض بجوار الفراش تبكي بحرقة ، بينما شعر خالد بالندم لتسرع ، وقام رأفت بتوبيخه بشدة و...

-رأفت: شايف تسرعك عمل ايه ؟؟ ازاي الوقتي هقتعها تيجي معانا القاهرة ؟؟

-خالد: مكوئنتش اقصد ، بس انت عارف يا بابا أنا..انا مش بستحمل حد يتكلم معاك بطريقة وحشة

-رأفت: يعني هنبقى احنا والزمن عليها !!

-خالد: طب أعمل ايه الوقتي ؟

-رأفت: تروح تعذرلها ، وأنا هكلمها تاني ، ومهما عملت اعذرها ، دي لسه بتعاني من فقدان الانسانية الوحيدة اللي كانت مالية عليها حياتها

-خالد باقتضاب : حاضر

....

طرق خالد باب غرفة الجدة نجاة واستأذن للدخول ، لم يجد أي رد من يارا فدخل للداخل ووجدها تجلس بجوار الفراش تبكي ، فاقترب منها وجلس خلفها و...

-خالد : أنا.. أنا مكونتش آآ... اقصد اني أمد ايدي عليك ، أنا.. أنا أسف !!

-يارا : اهيء ...

-خالد: أنا مقصدتش ده ، بس..بس مش بستحمل حد يتكلم بطريقة وحشة مع والدي حتى لو كان مين

-يارا وهي تمسح دموعها: اهيء

-خالد: أنا بتأسفلك تاني ، و..آآ...وياريت تقبلي اعتذاري

ثم خرج خالد من الغرفة ، فربت على كتفه رأفت وشكره على ما فعل ، ودخل هو ليتحدث مع يارا ، بينما ظل خالد منتظراً ومتربحاً لما سيحدث و...

-رأفت لخالد: شكراً يا بني ، ماعمرش خذلتني في أي حاجة طلبتها منك

-خالد: طالما أنا غلظت ، فمش عيب اني اصلح غلطي

-رأفت: ربنا يباركلي في عمرك يا حبيبي ، أنا هادخل أتكلم معاها وان شاء الله توافق

-خالد: اوك ، وأنا هستناك برا

-رأفت : تمام

-رأفت: يارا يا حبيبي ، أنا عارف انه صعب عليك انك تتقبلي حقيقة وفاة الحاجة نجاة

-يارا: تيتة مامنتش ، هي هتفضل عايشة في قلبي

-رأفت: أكيد طبعاً

-يارا: تيتة عمري ماهنساها مهما حصل

- رأفت: معنى كلامك ده ان انتي بتحبيها اوي وبتسمعي كلامها
- يارا: أنا كنت مستعدة أضحي بحياتي كلها عشان تيتة تبقى فرحانة
- رأفت: يعني لو جدتك كانت طلبت منك أي حاجة كنتي عمليتها؟؟؟
- يارا: طبعااااااا من غير تردد
- رأفت: طيب جدتك طلبت مني قبل ما تموت انك تيجي تعيشي معانا وأنا وعدتها اني هعمل كده
- يارا بدهشة : ايبييه؟؟؟
- رأفت: دي كانت وصيتها الأخيرة ليا
- يارا: لأ مش ممكن
- رأفت: دي وصيتها ، ولو انتي فعلا بتحبيها زي ما بتقولي فعلاً هتنفذي رغبتها الأخيرة
- يارا: مش ممكن تيتة تعمل كده
- رأفت: لأ هي عملت كده
- يارا: انا مش ممكن أسيب بيتي ، أسيب المكان اللي كان فيه حياتي كلها
- رأفت: انتي مش هاتسيبيه ، انتي هتيجي تعيشي معانا مؤقتاً لحد بس ما أعصابك تروق
- يارا: لأ
- رأفت: ممممم...
- يارا: حياتي كلها هنا ، ازاي اسيبها وأمشي كده بالساهل ، لأ تيتة أكيد ما تقصدش كده
- رأفت : طب أنا عندي حل
- يارا: ايه ؟

-رأفت: ايه رأيك لو تجربى تعيشي معانا شهر ولا اتنين ، ولو معجبكيش الحال عندنا ترجعي هنا تاني

-يارا وقد أخذت تفكر في الأمر: هه ..

-رأفت: فكري كده وهتلاقيه حل مناسب ، وبالمرة أسلمك ورثك تتصرفي فيه زي ما أنتي عاوزة ، مش انتي قربتي تكلمي 21 سنة ???

-يارا وهي تهز رأسها بالموافقة : أها

-رأفت: فرصة تاخدي فلوسك وترجعي تعيشي هنا وتأسسي حياتك لو معجبكيش الحال عندنا

-يارا: ممم.....

-رأفت: وبدل ما تبقى أعدة هنا لوحدك احنا هنكون معاكي لحد ما تعدي الفترة دي وتقدرى تكلمي حياتك

-يارا: يعني هاتسيبني أرجع تاني هنا ???

-رأفت: طبعا

-يارا: ولو معجبتيش الحياة عندك أقدر أمشي في أي وقت ???

-رأفت: وأنا بنفسى اللي هوصلك هنا ، ها قولتي ايه ??

-يارا: طب سبني يومين أفكر

-رأفت: مافيش وقت ، احنا لازم نرجع القاهرة النهاردة

-يارا: اييه ?? النهاردة !!!!

-رأفت: هسيبك شوية في الأوضة تفكري مع نفسك ، وصدقيني ده الحل المناسب .. خدي وقتك في التفكير وأنا منتظرك بره

ترك رأفت يارا لتفكر فيما قاله ، بينما خرج ليتحدث مع ابنه خالد و..

-يارا: أها

-رأفت: طب مش يالا بينا عشان نلحق الطريق

-خالد: احنا هنسافر بالعربية

-رأفت: أيوه يا خالد ، أنا كلمت أحمد وهو بعتلنا عربية تحت

-خالد: تمام ، انا اللي هاسوق

-رأفت: اوك

-يارا: طيب ثانية واحدة هاجيب حاجة من اوضتي ، وبالمره اغير هدومي

-رأفت: اوك ، خدي راحتك

-خالد: طب أنا هنزل أشوف العربية جت ولا لأ

-رأفت: اوك

دلفت يارا إلى غرفتها لتغير ملابسها بملابس اخرى سوداء ، وبحثت عن صندوق ما صغير كان موجوداً بداخل دولابها ، فاخذته ووضعته بحقيبة يدها ثم خرجت من غرفتها و..

-يارا: أنا خلاص جهزت

-رأفت: ماكنش فيه داعي انك ..آآآ.. تلبسي آآ.. اسود

-يارا: أنا مش هلبس إلا هو

-رأفت: اوك براحتك ، أنا بس عاوزك يعني آآ..

-يارا: دي مش بس جدتي اللي ماتت ، دي حياتي كلها اللي انتهت بعدها !

-رأفت: اللي يريحك يا بنتي ، يالا بينا

-يارا: لحظة هاقفل الشقة

-رأفت: طيب

وما إن انتهت يارا من غلق المنزل حتى توجهت مع عمها إلى السيارة الموجودة
بالأسفل ، وجلست بالمقعد الخلفي بينما جلس رأفت بجوار ابنه خالد وتوجهها إلى
القاهرة

.....

في فيلا رأفت الصياد ،،،

سافر أدهم مع أصدقائه إلى بورتو مارينا لقضاء يومين ، بينما ظلت فريدة مع ناهد
وشاهي و..

-فريدة: مش كان زمانت شاهي معاهم دلوقتي

-شاهي: يرضيكي يا أنطي العند بتاع مامي وجاسر

-ناهد: ده أخوكي ، وادري بمصلحتك

-شاهي : برضوه نفس الكلام اللي بيتقال

-ناهد: مش احنا جينا أهو عند أنطك فريدة وهنقضي اليوم معاها ، وقبل ما نروح
جاسر هيعدي يوصلنا

-فريدة: طب ما تباتوا معايا

-ناهد: لأ أنا مش بستريح إلا في بيتي وانتي عارفة ده يا فريدة

-فريدة: ده مافيش إلا أنا وعمر والشغالين وبس

-ناهد: برضوه .. ممكن يجي رأفت في أي وقت فخليكوا ع راحتكوا ، وبعدين انتي
عارفة جاسر مش هيرضى

-فريدة: والله أنا مش عارفة جاسر ده ابنك ولا جوزك

-ناهد: مكنش ليه داعي يا فريدة

-شاهي : أنطي أنا عاملة دايت

-عمر: أنا واقع م الجوع ، هسباقكوا

-فريدة: دايت ايه بس يا شاهي ، دي حاجة بسيطة

-ناهد: قوليلها يا فريدة

-فريدة: اسبقوني عقبال ما أكلم رأفت ، واحصلكم .. معاهم يا صباح وشوفي كل

طلباتهم وتنفذ بالحرف

-صباح: حاضر يا هانم

-فريدة: عن انكم

أخرجت فريدة هاتفها المحمول واتصلت برأفت الذي اضطرب حينما رأى رقمها ...

-رأفت في نفسه: اوباللا دي فريدة ، مش هينفع أقولها أي حاجة الوقتي ، مافيش احسن من اني اكلمها في وشها وخلص ، لكن لو قولتلها هتفضل تهري وتنكت لحد ما أرجع

-فريدة : ماله ده مش بيرد ليه ؟؟؟ أنا هطلبه تاني !!

-رأفت هاتفياً : ألووو ، ايوه يا حبيبتي

-فريدة: حبيبتك برضوه ؟؟ ده انت بقالك يومين مش سأل فيا كأنك مصدقت

-رأفت: معلىش يا فريدة ، اعذريني الشغل كان كثير ، وفي حاجات جدت كده وآآ..

-فريدة: حاجات ايه ؟؟؟

-رأفت : هه .. لما أوصل هبلغك

-فريدة: انت جاي؟؟

-رأفت: اها

-فريدة: طب ما رجعتش بالطيارة ليه ؟؟؟؟؟؟

-رأفت: هه ، بعدين بعدين هبقى أقولك

-فريدة: طيب ، بس اعمل حسابك انك لما ترجع هتحكي لي كل حاجة بالتفصيل

-رأفت: ان شاء الله

-فريدة: خالد معاك

-رأفت: ايوه

-فريدة: طب ادهوني اكلمه

-رأفت: هو سايق دلوقتي ، لما نركن في ريست هخليه يكلمك

-فريدة: اوك

-رأفت: ماشي يا فريدة ، أشوفك ع خير ان شاء الله

-فريدة: أوك ، باي

.....

-خالد : ربنا يستر

-رأفت: يا رب يا بني ، الواحد مش عارف ايه اللي هيحصل ، بس عشمه في الله كبير

ان كل حاجة تعدي ع خير

نظر خالد ليارا في المرآة الأمامية للسيارة فوجدها نائمة و..

-خالد وهو يشير برقبته ليارا : لازم نعمل حسابنا ع ردة فعل ماما

-رأفت: أها ، عارف

-خالد: اظمن يا بابا ، أنا هاكون معاك

-رأفت: تسلملي يا حبيبي ، ركز في الطريق وكله هيعدي ان شاء الله

-خالد: ان شاء الله

.....

في فيلا رأفت الصياد ،،،

بعد عدة ساعات وصل خالد وأبيه رأفت بصحبة يارا إلى الفيلا حيث الموعد مع
مواجهة فريدة هانم الرفاعي ...

-خالد: نستعد

-رأفت: ربنا المعين

-خالد: مش ناوي تصحيحها يا بابا

-رأفت: ايوه

-خالد: اوك

أدار رأفت نفسه للخلف ونادى على يارا لكي تستيقظ و..

-رأفت بهدوء: يارا .. يااااارا .. بنتي ، اصحي يا حبيبي

-يارا:

-رأفت وهو يهزها : يااااارا

-يارا: هه

-رأفت: حمدلله ع سلامتک ، احنا وصلنا

-خالد: حمدلله ع السلامة يا يارا ، نورتي بيتك الثاني

ظلت يارا تتأمل المكان من حولها ، بلى لقد كان كبيراً وضخماً للغاية ، لم تتخيل أن تكون الفيلا بهذه الضخامة ولا الفخامة ، كانت يارا مترددة في النزول من السيارة ، ولكن قام رأفت بمحاولة طمئننتها و...

-يارا في نفسها: ياااه ، ماشاء الله المكان كبير جداااا ، أنا ..أنا مكوئنتش متخيلة انه بالشكل ده ، ده... ده آآآآ

-رأفت: يالا يا بنتي انزلي

-يارا: هه

-رأفت: ماتخفيش ، ده بقى بيتك

-خالد: ايوه

بالفعل نزلت يارا من السيارة وتوجهت مع رأفت وخالد إلى داخل الفيلا ، طرق رأفت الباب ففتحت له صباح و...

-صباح: حمدلله ع السلامة يا رأفت بيه

-رأفت: الله يسلمك يا صباح ، فريدة هانم موجودة

-صباح: ايوه يا بيه ، هي أعدة مع ناهد هانم وشاهي هانم والبيه عمر

-رأفت: اوياااا

-صباح: في حاجة يا بيه ؟

-رأفت: لا ، تعالي يا يارا

خرجت فريدة لتقابل رأفت وخالد ولترى من تلك الفتاة التي جاءت بصحبتهم...و...

-فريدة: حمدلله ع السلامة يا رأفت

-رأفت: آآآ.. الله يسلمك يا فريدة

-خالد: ازيك يا ماما

-فريدة: تمام

-فريدة وهي تفحص الفتاة الواقفة خلفها : مين دي ؟؟؟

-رأفت بتردد: آآآ... دي ... دي

-فريدة: ممممم... أكيد دي الخدمة الجديدة اللي بعته مسؤل التخدم

!!!!!!

.....

الحلقة الثامنة :

خرجت فريدة لتقابل رأفت وخالد ولترى من تلك الفتاة التي جاءت بصحبتهم...و...

-فريدة: حمدلله ع السلامة يا رأفت

-رأفت: آآآ.. الله يسلمك يا فريدة

-خالد: ازيك يا ماما

-فريدة: تمام

-فريدة وهي تفحص الفتاة الواقفة خلفها : مين دي ؟؟؟

-رأفت بتردد: آآ... دي ... دي

-فريدة: مممم... أكيد دي الخدمة الجديدة اللي بعثها مسئول الترخيم !!!..

-خالد بدهشة : نعم ؟؟؟

-يارا: ايبييه ؟؟؟ خدمة !!!!

-رأفت: ايبيه اللي بتقوليه ده يا فريدة ؟؟ دي مش الخدمة

-فريدة: اومال مين الهانم ؟؟؟؟؟؟

-رأفت وهو يجذبها من يدها : تعالي وأنا هاقولك على جمب

-فريدة بصراخ : لأ مش هامشي من مكاني غير لما أعرف دي مين

-رأفت: ماينفعش اللي بتعمليه ده يا فريدة ، مايصحش

-فريدة بصوت مرتفع : لأ يصح ، يعني تدخل عليا بالليل بيتي ومعاك واحدة وعاوزني

أسكت ، ايبيبييه !!!!!!!!

.....

في الداخل ،،،

-ناهد: فريدة صوتها عالي ليه كده

-شاهي: مش عارفة

-عمر: انا هاروح أشوف ماما بتزعق ليه

-شاهي: أنا جاية معاك

-ناهد: استنوني طيب

....

تجمع جميع من في الفيلا على أثر صراخ فريدة ، اختبأت يارا خلف خالد كمحاولة
يائسة لتجنب النظر لوجه فريدة الغاضب و...

-رأفت: يا فريدة عيب اللي بتعمليه ده

-فريدة: ماهو لو انت عارف العيب مش هاتجيبلي واحدة لحد بيتي

-خالد: مامااااا ، بلاش الكلام ده

-رأفت بصوت عالي : اسكتي يا فريدة واسمعيني

-خالد: يا ماما ادي بابا فرصة انه يتكلم ويقولك دي مين

-ناهد: صح يا فريدة ، اسمعي لرأفت

-عمر في نفسه : مممم.. الظاهر انها هتولع النهاردة

-شاهي باستغراب: مين دي ???

-رأفت: اللي بتكلمي عنها دي تبقى يارا رفعت الصياد بنت أخويا المرحوم رفعت

-فريدة بدهشة : نعم ؟؟؟؟؟؟؟

-خالد: دي بنت عمنا يا ماما

-عمر: ايه ده هو احنا عندنا بنت عم ???

-شاهي: بنت عمكو ??

-ناهد: ميبين ???

-فريدة: بتقول ابيبيه ???

-رأفت: بقولك دي يارا بنت أخويا رفع...

-فريدة مقاطعة : بنت الخدامة !!!!!!!

-يارا : ايبيه ؟؟ خدامة !!!

-فريدة بعصبية : جايبلي بنت الخدامة هنا في بيتي يا رأفت ، انت اتجننت ؟؟؟

-رأفت: دي بنت أخويا متقوليش عليها كده

-فريدة: ده اللي اتفقنا عليه ؟؟؟؟ ده اللي وعدتني انك تعمله ؟؟؟

-رأفت: يا فريدة آآ...

-فريدة: طبعاً!!!! كنت بتغيب وتسافر عشان تروح تسأل ع بنت الخدامة

-ناهد: اهدي يا فريدة ، بلاش عصبية

-فريدة: هو انتو لسه شوفتوا الجنان

-خالد: ماما لو سمحتي

-فريدة: ع أخرت الزمن عاوز ولادي يختلطوا مع بنت الخدامين بتوعي !!!!!

-رأفت: مش هاينفع الكلام هنا ، تعالي معايا

-فريدة: لأ ينفع ، لازم الكل يسمع ويشوف المصيبة اللي انت ناوي تعملها

-رأفت وهو يجذبها لداخل غرفة المكتب: يوووه يا فريدة ، تعالي

-فريدة: سيبيني يا رأفت ، أنا أستحالة أقبل باللي عملته ده

اخذ رأفت فريدة إلى داخل غرفة المكتب ليتحدثا بعيداً عن الجميع ، ولكن كان الموقف لا يحتمل أكثر من

-خالد ليارا: أنا..أنا اسف ع اللي ماما قالتة

-يارا: أنا عاوزة أرجع بيتي

-خالد: معلش استني هي بس آآ... يعني متفاجئة وكده ، تعالي اقعدى .. اتفضلي

اصطحب خالد يارا لتجلس في غرفة الصالون بصحبة ناهد وشاهي وأخيه الأصغر عمر ، جلست يارا في حجل شديد بينما ظلت شاهي تتأمل هيئة يارا وتنظر لها نظرات استحقار و...

-شاهي وهي تتفحص يارا: ممم.. انتي بقى بنت نجاة

-يارا: لأ .. تيتة نجاة الله يرحمها دي جدتي ، لكن ماما كانت هالة

-شاهي: ممم.. يعني برضوه بنت الـ...

-خالد مقاطعاً بحدّة: شAAAAAAAAAAAAهي !! عندك كلمة حلوة قولها مش عندك تسكتي

-شاهي بخوف: آآ.. مقصدش يا خالد .. بس..آآ.. بس

-خالد: لو سمحتي ماتدخليش في اللي مالكيش فيه

-ناهد : انا رأيي نمشي دلوقتي أحسن و..

-عمر: استني يا أنطي ناهد أما نتفرج ع الخناقة

-ناهد: بس يا عمر ، عيب تقول كده

-عمر: عيب اي بس ، ده الليلة مش هتخلص

-ناهد: انا هاكلم جاسر يجي يوصلنا ، مش هاينفع نقعد اكر من كده

-عمر: براحتك يا أنطي

.....

طلبت ناهد ابنها جاسر هاتفياً لتطلب منه أن يأتي ويقلمهم إلى فيلتهم و...

-ناهد هاتفياً : الووو ، ايوه يا جاسر

-جاسر هاتفياً: أيوه يا ست الكل

-ناهد: جاسر لو انت فاضي تعالى وصلنا الوقتي

-جاسر: ليه يا ماما ، في حاجة حصلت؟

-ناهد: هه .. هبقى أقولك بعدين ، بس حاول تجيلنا

-جاسر: اوك ، انا كده كده في الطريق

-ناهد: اوك ، تيجي بالسلامة

-جاسر: الله يسلمك ، سلام دلوقتى عشان سايق

.....

في داخل المكتب ،،،

-رأفت: ايه اللي عملتية ده يا فريده ؟؟؟

-فريده: هو انا لسه عملت حاجة

-رأفت: اسمعيني للأخر يا فريده

-فريده: عاوز تقول ايه ؟؟؟؟

-رأفت: أنا طول السنين اللي فاتوا مكوونتش بسأل عن بنت أخويا ولا أي حاجة ، كنت

مكتفي بالفلوس اللي ببعثها كل شهر ليهم في الغردقة

-فريده: الغردقة !!! قولتلي بقى ، عشان كده سافرت للخدمة

-رأفت: كنت مضطر يا فريده ، كان لازم أروح للحاجة نجاة و..

-فريده مقاطعة: حاجة نجاة !!! طول عمرها هتفضل خدامتي

-رأفت: ماتقطعنيش ، واسمعي لي للأخر .. الحاجة نجاة قبل ما تموت

-فريدة: ماتت !! في داهية

-رأفت: استغفر الله العظيم يا رب ، الست خلاص ماتت مافيش داعي للكلام ده

-فريدة: اوووف

-رأفت: هي وصتني ع بنت أخويا ، معدتش ليها حد في الدنيا إلا احنا

-فريدة: يعني ايه ???

-رأفت: م الاخر كده يا فريدة ، يارا هتعيش معانا هنا في الفيلا

-فريدة بصراخ: نعم ؟؟؟؟ بتقول ايه ??? بقى عاوز بنت الخدمة بتاعتي تيجي
تعيش معايا هنا وفي بيت واحد ؟؟؟؟

-رأفت: معدتش خدمة ، الست ماتت خلاص

-فريدة: عاشت ولا ماتت هتفضل خدمة ، ودي بنتها ، سامعني دي بنت الخدمة ،
هاااااا بنت الخدمة

-رأفت بنرفزة : اخرررسي يا فريدة

.....

في الخارج ،،،

كانت يارا تشعر بالاهانة مما سمعه من فريدة الرفاعي ، هي لم تشعر بمثل ذلك الاذلال
من قبل ، كانت تود لو تنشق الأرض وتبتلعها قبل أن تتعرض لمثل هذا الموقف و...

-خالد باحراج: آآآ... تحبي تشربي حاجة

-يارا: هه..

-خالد: اجيبلك حاجة تشربها

-يارا: شكراً

-شاهي: اللي اعرفه ان ..آآ.. ان عيلة الصياد مافيهاش إلا خالد وأدهم وعمر رأفت
الصياد وبسسسس .. انتي تقربيلهم ايه

-يارا بتردد : انا .. آآآ

-ناهد: شااa

-شاهي: ليه يا مامي

-ناهد: تعالي

-شاهي: اوك

-ناهد بعد أن جلست شاهي بجوارها: خلاص بقى ، مالناش دعوة

-شاهي: يا مامي أنا بدردش معاها

-ناهد: مش وقته

-شاهي بصوت منخفض : أنا عاوزة أعرف بنت الخدمة دي تقرب لأدهم ايه

-ناهد: هي مش هتقرب لأدهم بس لأ لعيلة الصياد

-شاهي: يعني انتي عارفة امها الخدمة

.....

في داخل المكتب ،،،

-فريدة: عاوز تهد اللي بنيته كله يا رأفت عشان خاطر واحدة جايبهالي من الشارع

-رأفت: اللي بتكلمي عنها دي تبقى بنت أخويا

-فريدة: وأخوك مات خلاص بعد ما فضحنا واتجوز بنت خدامتي

-رأفت: انتي نسيتي أخويا مات ليه وعشان ميبيين ???

-فريدة: ماليش في اللي بتقوله ده ، أنا ليا بيتي وولادي اللي فضلت محافظة عليهم

وهأفضل أحافظ عليهم آخر يوم في عمري ، ومش ع آخر الزمن يضيع كل اللي عملته

ده بنت نجاة

-شاهي: ايه يا مامي ، هو أنا قولت حاجة غلط ، ولا حضرتك مش سمعاها

-ناهد: تعالي نقعد برا أحسن

-شاهي: اوك

-ناهد: يالا يا عمر

-عمر: لأ أنا عاوز أقعد هنا

-ناهد بحدة: عمر ، تعالي !!!

-عمر على مضض : طيب

ترك الجميع يارا تجلس بمفردها في الغرفة ، بينما توجهوا للخارج لاكمال حديثهم ، وكانت يارا تشعر بالاختناق من كلام الجميع عن أمها وجدتها ، فرغم الأبواب المغلقة إلا أن الصراخ والحديث يخرم صداه أذنيها ، لم تعد يارا تتحمل أن تستمع إلى المزيد ، لقد عرفت المكان الذي ستعيش فيه خلال الأشهر القادمة كيف سيكون الحال فيه ، لذا أفضل حل لها الآن هو الهرب منه ، فقامت من مكانها دون أن يشعر بها أحد وقررت أن تنصرف من الفيلا بلا رجعة

جرت يارا خارج الفيلا بسرعة شديدة وتوجهت ناحية بوابة الفيلا ، كانت يارا تلتفت بين الحين والآخر للخلف لتتأكد من عدم وجود أي أحد يتبعها ولم تنتبه للسيارة القادمة ناحيتها ،

-يارا في نفسها : أنا لازم أمشي من هنا ، كفاية اهانة بقي ، على ايه كل ده ، أنا هارجع مطرح ماجيت ، يولعوا كلهم ، من أمتي أصلاً كان ليا عيلة ، أنا عيلت كانت نوجة وهي راحت و.....

وفجأة سمعت صوت فرامل قوي للغاية و...

.....

الحلقة التاسعة :

جرت يارا خارج الفيلا بسرعة شديدة وتوجهت ناحية بوابة الفيلا ، كانت يارا تلتفت بين الحين والآخر للخلف لتتأكد من عدم وجود أي أحد يتبعها ولم تنتبه للسيارة القادمة ناحيتها ، وفجأة سمعت صوت فرامل قوي للغاية و...

-جاسر وهو يترجل من سيارته بحدة: انتي مجنونة ، في حد يمشي مش باصص قدامه ، الحمد لله اني فرملت وإلا كان زمانك تحت العجل !!

-يارا وهي تنظر حولها : هه

-جاسر: خلاص حصل خير ، المرة الجاية خدي بالك

-يارا : أها

-جاسر وهو يطرقع بأصابعه أمام وجهها : انتي معايا ؟؟؟ طب انتي كويسة ؟؟؟

لم تجبه يارا وإنما انصرفت على الفور خارج الفيلا ..

-جاسر بدهشة : مالها دي ؟؟ باين عليها مش طبيعية ، ربنا يشفي

خرجت يارا مسرعة من الفيلا وهي لا تعرف إلى أين تذهب ، ماعليها إلا أن تبتعد فوراً عن ذلك المكان المبغض ..

-يارا : الحمد لله محدش شافني ، الحمد لله ، لازم أهرب بسرعة من هنا

.....

دلف جاسر إلى داخل الفيلا وسمع أصوات لشجار حاد بين فريدة ورأفت و...

-ناهد مسرعة: الحمد لله انك جيت يا بني

-جاسر: في ايه؟؟ مالها خالتي بتزعق ليه

-ناهد: بعدين هاقولك ، بس يالا احنا الوقتي

-جاسر: اوك

-شاهي: مانستنى شوية يا مامي لحد ما نعرف هترسى على ايه الحكاية

-ناهد : مالناش دعوة ، دي حاجة متخصصناش

.....

في نفس الوقت عاد خالد ومع صباح وهي تحمل صينية بها عصير وبعض المأكولات
و...

-خالد: وديها يا صباح جوا عند الأنسة يارا

-صباح: اوك

-خالد: جاسر عندنا !! أهلا بيك يا باشا

-جاسر: ازيك يا خالد ، انت عامل ايه ؟

-خالد: الحمد لله

-جاسر: يستاهل الحمد .. المهم انا جاي أخذ الفاموليا الكريمة وأتوكل على الله

-خالد: يارا بنت عمي رفعت الله يرحمه ، جت النهاردة عشان تعيش معانا وكانت هنا وآآ...

-جاسر: هي كانت لابسة أسود صح ???

-خالد: أيوه ، انت شوفتها ؟؟؟؟

-جاسر: وأنا داخل من بوابة الفيلا كان في بنت خارجة بتجري وحتى ماخدتش بالها من العربية وكنت هخبطها لولا ستر ربنا

-خالد: ابييييه !!! خارجة من الفيلا

-جاسر: أيوه ، انا معرفش انها تبعكم ، حتى كلمتها مردتتش عليا

-خالد: الكلام ده كان من امتي ???

-جاسر: تقريبا من عشر دقائق

-خالد: ربنا يستر ، انا هاروح أدور عليها

-جاسر: طب استناني ، أنا جاي معاك أدور عليها

-خالد: يبقى كتر خيرك

خرج خالد وجاسر سوياً للبحث عن يارا ، وذهب كلاً منهما في اتجاه ، واتفقا على التواصل هاتفياً في حال وجد أحدهما يارا ...

-خالد: لو لاقيتها كلمني يا جاسر

-جاسر: تمام ، متقلقش ، ان شاء الله مش هاتكون راحت بعيد

-خالد: ربنا يستر ، دي ماتعرفش حاجة هنا في القاهرة

-جاسر: اهدى وان شاء الله هنلاقيها

-خالد: ربنا يسامحك يا ماما ، ربنا يسامحك

-جاسر: طب يالا عشان منضيعش وقت

-خالد : اوك ، بس أمانة عليك يا جاسر لو لاقيتها امسكها ، أوعى تفلت منك مهما عملت تخليك معاها لحد ما جيلك

-جاسر: تمام تمام ، متقلقش

ظل كلاً من خالد وجاسر يمشطان الطرقات بحثاً عن يارا التي أختفت ، كان خالد يقود سيارته بعصبية ويشعر بالندم لأنه لم يستطع أن يمنع يارا من الهرب و...

-خالد : أنا غبي ، كان لازم أفضل مراقبها وماسيبهاش لوحدها ، فرقت ايه امي عن شاهي ، كان لازم يعني أستنى जब صباح لحد ما تخلص الأكل ، استغفر الله العظيم يا رب ... روحتي فين بس يا يارا؟؟؟ ربنا يسترررررر!!!!!!

.....

وبينما كان جاسر يقود سيارته ، لمح فتاة ترتدي أسود تجلس على أحد المقاعد وتضع وجهها بين يديها و...

-جاسر: بيتهيألي هي البت اللي هناك دي ، أيوه هو نفس اللبس ! أنا هركن بعيد وأقرب منها وأشوف ان كانت هي ولا لأ

بالفعل ركن جاسر سيارته على مقربة من الفتاة ، ثم ترجل من السيارة وسار بهدوء نحوها وجلس إلى جوارها و...

-جاسر بهدوء: يارا !

التفت يارا إليه ولم تعقب ، ،

-جاسر بعد أن عرفها من وجهها : اسمك يارا صح

-يارا: انت ..آآآ.. انت تعرف اسمي مينين؟؟

-جاسر: أعرفه من خالد

-يارا بدهشة: خالد ؟

-جاسر: أيوه ، هو بيدور عليكي وكمان عمك و..

-يارا وقد وقفت من مكانها: أنا معرفش انت بتكلم عن مين

ثم تركته وانصرفت من أمامه بخطى سريعة ، فسار ورائها ثم أخرج هاتفه المحمول
وطلب خالد و..

-جاسر بصوت منخفض: أيوه يا خالد ، أنا لاقيتها خلاص

-خالد بلهفة: بجد ؟؟ طب انتوفين ؟؟؟

-جاسر: احنا عند ((...)) ، لف بالعربية وتعالى

-خالد: طب أوعى تسيبها

-جاسر: اظمن ، أنا حاطط عيني عليها وماشي وراها ، بس انجز بسرعة

-خالد: دقيقة وهاكون عندك

-جاسر: عظيميم

.....

ظل جاسر يسير خلف يارا على مسافة ليست بالبعيدة عنها ، ثم رن هاتفه برقم خالد
و..

-خالد هاتفياً: انتوفين ؟؟؟

-جاسر هاتفياً : احنا ماشيين ناحية ((...))

-خالد: اها ، تمام تمام ، أنا شايف المكان

-جاسر: أها وأنا لمحت عربيتك ، تعالى ناحية اليمين شوية

-خالد: اوك

-جاسر: افتح الباب اللي ورا ، وخليك مستعد

-خالد: لايه؟؟

-جاسر: للي يحصل

وما إن اقترب خالد بسيارته من يارا ، حتى هجم جاسر عليها من الخلف وكمم فمها
وبيده الاخرى حملها من وسطها وانطلق بها نحو سيارة خالد و...

-يارا بفزع : في اي...ممم...ممممممم

-جاسر وهو ممسك بيارا: افتح الباب بسرعة

-خالد: حاضر حاضر

-يارا وهي تقاومه : ممممم..ممممممم

-جاسر: اطلع يالا

-خالد: افقل بس الباب

-يارا بصريخ: سيوووني ، الحققوني

-جاسر: شششش ، اهدي

-خالد: ماتخفيش يا يارا ، أنا خالد

-يارا وهي تضرب بيدها جاسر : ابعدوا عني

-جاسر وهو يحاول تقييد يديها: خلاااص اهدي ، مافيش حاجة

-خالد: احنا وعدناكي مش هنسيبك يا يارا مهما حصل

-يارا: انا مش عاوزة أعيش معاكو ، أنا عاوزة أرجع بيتي

-خالد: مش هيحصل ، انتي خلاص بقيتي في بيتك ومع عيلتك !!!

.....

في داخل فيلا رأفت الصياد ،،،

علم رأفت بأمر هروب يارا فاستشراط غضباً و....

-فريدة في نفسها : في داهية ، اياكش تحصل أمها

-رأفت : ازاي تسيبوها تخرج كده من غير ما حد يمنعها ؟؟؟؟

-ناهد: انا مخدتش بالي

-شاهي : أنا مشوفتهاش يا أنكل

-عمر: أنا كنت معاهم يا بابا

-رأفت: اقسام بالله لو حصلها أي حاجة مش هرحم حد

-فريدة: ع ايه كل ده يا رأفت ، خلاص مطرح ما جت راحت ، قصة وخلصت

-رأفت: انتي تسكتي خالص ، انتي السبب في انها تهرب

-فريدة: يعني عاوزني أسكت ع اللي انت ناوي تعمله

-رأفت: اه تسكتي ، زي ماليكي هي ليها وأضعاف مضاعفة !! افهمي ده كويس ، وأنا

مش هاسيب بنت أخويا تتبهدل وأنا عايش !! انتي فاهمة

-فريدة بتهديد : يبقى يانا يا هي في البيت ده !!!

-رأفت: يبقى آآآ...

سمع عمر صوت أبواق سيارة ما في الخارج و..

-عمر مقاطعاً : بابا خالد جه وبيضرب كلاكسات جامدة ، أكيد هي معاهم
-رأفت: ايبيه خالد جه ، انا رايح أشوفهم ، يارب استر ، جيب العواقب سليمة يااا رب
، ياا رب عديها ع خير

خرج رأفت ليري خالد ابنه وهو يدعو الله ألا يكون قد اصاب يارا أي مكروه و..

-خالد وهو يقترب بالسيارة : وصلنا الحمدلله

-جاسر: خلاص يا أنسة

-يارا: أنا مش عاوزة أعيش هنا ، سيبوني في حالي

-خالد: لأ

ركن خالد سيارته أمام مدخل الفيلا حيث يقف والده ، فتح رأفت باب السيارة و...

-رأفت بلهفة: ليه مشيتي يا بنتي ، أنا قولتلك ده بيتك

-يارا : انا مش عاوزة استنى هنا ثانية واحدة

-جاسر: ده بيتك يا أنسة

-يارا: لأ مش بيتي ، بيتي هناك في الغردقة مع تيتة الله يرحمها

-رأفت: الله يرحمها ، وأنا وعدتها إني مش هاسيبك أبداً مهما حصل

-جاسر: تعالي يا أنسة يارا

-يارا: انت ماسكني ليه ؟ اوعى بقى

-جاسر: ماسكك عشان متهربيش من عيلتك

-رأفت: خلاص سيبها يا جاسر يا بني ، هي معانا الوقتي

-جاسر: طيب

ترجل جاسر من السيارة وأنزل يارا منها ، فأخذها رأفت بين أحضانه و..

-رأفت: اوعي تسيبنا تاني ، ده انتي من ريحة المرحوم أخويا ، تعالي يا بنتي جوا الفيلا ، نورتي بيتك التاني ، أنا هوريكي أوضتك عشان ترتاحي فيها ، واطمني يا حبيبتي مافيش أي حد هيضايقك مهما كان مين ..

-يارا: أها

-رأفت: يالا يا حبيبتي ، وشكراً يا جاسر ع اللي عملته النهاردة ، تعبناك يا بني

-جاسر: على ايه يا عمي ، أنا معملتش حاجة تستاهل

-رأفت: ربنا يبارك في عمرك

-جاسر: الله يخليك يا رب ، وحمدلله ع سلامة الأنسة يارا

-رأفت: الله يسلمك

-ناهد: مش يالا بينا احنا

-شاهي: اوووف ع الأفلام الأبيض واسود الفاشلة دي

-ناهد: بس يا شاهي ، قولتلك مالكيش دعوة باللي بيحصل

-شاهي: ماليش ازاي وفي واحدة بيئة جت تعيش هنا مع أنطي فريدة و..يايدي الكارثة دي..دي هتعيش مع أدهم!!!!!!

-جاسر: يالا يا أمي ، يالا يا شاهي ، بيتهيألي مالوش لازمة وجودنا الوقتي

-ناهد: اوك يا بني ، أنا جاية

.....

اصطحب رأفت ابنة أخيه إلى غرفتها وحاول أن يطمئنها على وضعها في الفيلا و..

-رأفت: يا بنتي أنا عاوزك تطمني ، محدش هيقدر يمسك بكلمة طول ما أنا موجود

-يارا:

-رأفت: واللي حصل النهاردة ده كان متوقع ، يعني ده نتيجة مشاكل قديمة وماضي

خلص من زمان .. بس فريدة لسه عايشة في الجو ده لحد الوقتي

-يارا: هه

-رأفت: أنا عاوزك تفهمي حاجة واحدة بس ، انك مش اقل من أي حد هنا ، انتي زيك

زيهم ، انتي قاعدة في بيت عمك ومعاكى ولاد عمك و...

-عمر مقاطعاً: ازيك ؟ أنا عمر

-رأفت وهو يشير لعمر بالدخول : تعالى يا عمر

-عمر: اوك

-رأفت: ده عمر ابني الصغير ، أصغر واحد في العيلة وزى ما انتي شايفاه كده مجنن

أمه ومطلع عينها و..

-عمر: ما تحرجنيش يا بابا ، سيبها تعرفني ع طبيعتي

-رأفت: ماشي يا ليمض

-عمر وهو يمد يده ليارا: أنا عمر الصياد

-يارا: وأنا يارا

-عمر: أخيراً لاقيت حد في البيت ده قريب في السن مني

-يارا: ليه؟؟ انت عندك كام سنة

-عمر: 15 وماشي في الـ 18

- يارا مبتسمة : تيجي ازاي دي ؟؟
- عمر: مع فريدة هانم كل شيء يجوز
- رأفت: بس يا ولد متكلمش عن امك بالشكل ده
- عمر: اه لو سمعتك يا بابا وانت بتقول أمك
- رأفت: ربنا يجعل كلامنا خفيف عليها
- يارا ضاحكة : ههههههه
- رأفت: أنا عاوزك ماتشليش هم طول ما احنا معاك
- عمر: ايوه
- رأفت: أنا هخلي صباح تجهلك أكل ، انتي مكالتيش حاجة من بدري
- عمر: أه وأنا كمان
- رأفت: تحبي تاكلي ايه ؟؟؟
- عمر: مممم... ممكن بيتزا ، أو كنتاكي أو...
- رأفت مقاطعاً: انت يارا ؟؟؟ أنا بسألك انت ولا هي ؟؟؟
- عمر : لا ابن عمها ، والجد واحد
- رأفت: بصي انتي مش هتخلصي من الواد ده لما بيتفتح
- عمر: يابابا قولتلك سيبيني أتعرف عليها وتتعرف عليا بمعرفتنا
- رأفت: ماشي يا سيدي ، هاقوم أنا أجييلك الأكل وراجع
- عمر: متأخرش يا بابا
- رأفت وهو يمسك عمر من قفاه : انجر قدامي خلي يارا تغير هدومها
- عمر: حاضر يا باشا ، أنا جاي معاك من غير ضرب

أغلق رأفت الباب على يارا لتبدل ملابسها ، بينما ظلت هي جالسة على الفراش تتأمل غرفتها الجديدة والتي كانت في السابق غرفة الضيوف

-يارا في نفسها: الظاهر انه اتكتب عليا أفضل أعدة في البيت ده ، بس أوعدك يا فريدة هانم هردلك كل اللي الاهانة اللي وجهتهالي ، مش هخليكي تتهني طول ما أنتي بتهيني في امي وجدتي الله يرحمهم ، هردلك الاهانة وهكرهك في عيشتك ، كل واحد فكر انه يسيء ليا ولعيلتي مش هاسيبه إلا لما يعرف إن الله حق ..!!!!!!

.....

الحلقة العاشرة :

في فيلا رأفت الصياد ،،،

أمر رأفت صباح بتحضير عشاء والذهاب به إلى غرفة يارا الجديدة ، وذهب معها عمر و...

-صباح: ممكن أدخل يا هانم

-يارا: اتفضلي ، وعلى فكرة أنا مش هانم ، انا اسمي يارا

-صباح: العين متعلاش عن الحاجب يا ست يارا هانم

-يارا: لأ ناديني يارا عادي من غير أي ألقاب

-صباح: ربنا يكرمك يا بنتي يا رب ويبعد عنك أي شر

-يارا: ياااا رب

-عمر: أنا جيت

-يارا : تعالى يا عمر

-عمر: انتي عارفة المثل اللي بيقول اللي ياكل لوحده يزور ، وأنا ناوي أشاركك الأكل
عشان ماتزوريش

-يارا: مم... بقى كده

-عمر: طبعاً!!!!!! .. وبعدين بعد ما هنخلص أكل هعملك جولة حولين الفيلا عشان
أعرفك على كل حطة فيها ، و..آآ.. آه هو انتي ليكي في جو البلاي ستيشن ???

-يارا: يعني مش أوي ، بس ده مايمنعش اني أجرب

-عمر بفرحة: اخيراً!!!!!!!!!!!!!!!!!!!!!! لاقيت حد هيلعب معايا ، ده أنا هظبطك ، بصي ادهم
اخويا عنده أحدث بلاي ستيشن ، أنا بعد الأكل هاجيبهولك ونلعب سوا

-يارا: اوك ، بس أنا مش بفهم فيه اوي

-عمر: مش مشكلة أنا هعلمك فيه كل حاجة ، المهم اني لاقيت حد يلاعبنى ،
يا!!!!!!!!!!!!!! اه يا عبد الصمد أخيراً!!!!!!

.....

على الطريق إلى القاهرة ،،،

كان أدهم عائداً إلى الفيلا بصحبة أصدقائه و...

-باسل: مش كنا قضينا يومين كمان ، ده احنا ملحقناش

-أدهم: زهقت !!

-هيثم: زهقت ولا الواد رامي علم عليك

-أدهم بحدة: رامي ايه ده اللي بتتكلم عنه ، حطة واحد أفصه برجلي في ثانية

-باسل: خلاص يا هيثم

.....

عودة مرة أخرى لفيلا رأفت الصياد ،،،

أحضر عمر البلامي ستيشن من غرفة اخيه أدهم ، وأوصله بالتلفاز في غرفة يارا ،
وجلسا سوياً ليلعبان أحد الألعاب و..

-عمر: بصي ده سهل جدا ، مش محتاج مفهومية

-يارا: ازاي ؟

-عمر: انتي هتدوسي ع الزراير اللي في الدراع كده ، وبعدين هتضغطي هنا
وهتلاقيكي مع نفسك بتتطلقي

-يارا: ممم.. اوك

-عمر: بصي ايه رأيك نجرب في المصارعة الأول ؟

-يارا: تمام .. بس بالراحة عليا ، انا لسه مبتدأة

-عمر: اوك ، هبقى حنين عليك

.....

كان خالد يجلس مع أمه فريدة و...

-خالد : يا ماما مامنوش لازمة انك تسيبي أوضتك وتيجي تباتي هنا عندي

-فريدة: أسبيلكم الفيلا خالص عشان ترتاحوا

-خالد: لأ مقصدش ، بس مافيش داعي انك تكبري الموضوع

-فريدة: أكبره !!! انتو لسه ماشوفتوش أنا ناوية على ايه

ثم طرق رأفت باب غرفة خالد و...

-رأفت (طق..طق...طق) : ممكن أدخل يا خالد

-خالد: تعالى يا بابا ، اتفضل

-رأفت: شكراً يا بني

-خالد: آآ... انا هاروح أجيبلي عصير ،وأسيبكم تتكلموا مع بعض

-فريدة بضيق وهي عاقدة ذراعيها أمام صدرها: اوووف

-رأفت: ماشي يا بني

خرج خالد من الغرفة ، بينما جلس رأفت بجوار فريدة و..

-رأفت: يالا يا فريدة ارجعي أوضتك

-فريدة: لأ

-رأفت: استهدي بالله كده ، وتعالى معايا

-فريدة: أجي معاك؟؟ بعد ايه؟؟؟ بعد ما جبت البت اللي من الشارع عشان تعيش هنا
معايا؟؟؟؟

-رأفت: لا حول ولا قوة إلا بالله ، برضوه الكلام الفاضي اللي بتقوليه ده ، دي بنت
أخويا مش واحدة من الشارع

-فريدة بقرف : هه

-رأفت: لازم تعرفي ان كلها كام شهر ويارا هتبلغ السن القانوني واوتوماتيك هتطالبني
بميراثها من أبوها

-فريدة: وايه يعني؟؟ ارميهولها في وشها!!!!

-رأفت: ارميلها ملايين؟؟؟ انتي اتجننتي يا فريدة

-فريدة: الجنان اللي على حق ان بنت الخدمة تقعد معايا وفي بيتي

-رأفت: ده وضع مؤقت مش دايم

-فريدة: اضحك عليا بالكلام بتاعك ده

-رأفت: أنا مش بضحك عليك ، بس مش هرمي لحمي في الشارع عشان شوية أفكار رجعية انتي لسة متمسكة فيها

-فريدة: يعني تقصد اني رجعية؟؟

-رأفت: مقصدش بس

-فريدة بعناد: والله أنا مبسوفة بكده ، كل واحد يعرف أصله وحدوده ويلتزم بيها

-رأفت: أنا غلبت معاكي

-فريدة: دي دماغي ومش هغيرها

ظل رأفت يفكر في حل ما من اجل تجنب الشجار الأكيد بين يارا وفريدة فاقترح على فريدة أن

-رأفت بعد تفكير : بصي أنا عندي اقتراح ليكي

-فريدة: مش عاوزة أسمع حاجة

-رأفت: اسمعي بس ، محدش يعرف موضوع يارا من اللي حوالينا غير ناهد اختك ، احنا ممكن نقول انها كانت عايشة برا مصر وجاية تقضي الصيفية عندنا واحتمال كبير انها راجعة تاني عشان تكمل دراستها ، فهماني ، يعني أي حجة وخلص ومحدش هيسأل أوي

-فريدة: انت مفكر ان الناس عبيطة وهتصدق الهبل ده

-رأفت: انتي في ايدك تخليهم يصدقوا

-فريدة: اووف

-رأفت: انتي ظبطيها في اللبس ، في طريقة الكلام وهتلاقيها دخلت ع الناس كلها ،

-فريدة: ده اللي كان ناقصني أنصف بنت الخدامين !!

-رأفت: نفس الاسطوانة المشروخة ، طيب تعالي نكمل كلامنا في أوضتنا أحسن بدل ما
احنا أعدين عند خالد

-فريدة: لأ أنا مبسوطة هنا

-رأفت: يا فريدة تعالي بس ، خلي الولد يرتاح ده احنا تعبانين من الصبح وراجعين من
سفر

-فريدة: يوووه

-رأفت: يالا يا فريدة ربنا يهديكي

استسلمت فريدة لطلب رأفت وعادت معه إلى غرفتهما ليكملا النقاش حول وضع يارا
الجديد في الفيلا ، فعاد خالد لغرفته ..

-خالد في نفسه : ربنا يهديكي يا أمي وتسيبك من كلام قدماء المصريين ده ...!!!

.....

في غرفة يارا ،،،

-عمر: كل ده ومبتدأة ، ده انتي كسحتيني

-يارا بفرحة: ده حظ المبتدئين

-عمر: يا شيخة قولي كلام غير ده ، ال مبتدئين أل ، ده انا مغلوب خمس مرات
ومتعادل مرتين ، مش عارف أكسبك خالص حتى في الكورة

-يارا: معلىش تتعوض

-عمر: أنا هاقوم اجيب عصير فريش ، واجدد نشاطي ، أجيبك حاجة معايا من تحت
؟؟

-يارا: لا

-عمر: طيب استنيني أنا هلعب معاكى آخر دور عشان أعوض

-يارا ضاحكة : تعوض ايه ولا ايه ولا ايه هههههههههههه

-عمر: بصي الدور ده أنا هلعب بريال مدريد

-يارا: وأنا بالبارشا طبعاً!!!

-عمر: ع فكرة أنا دراعي بايظ فعشان كده مش عارف أكسبك

-يارا: ايوه ايوه اتحجج بالدراع

-عمر: خمساية وراجعك

-يارا: اوك ، وأنا منتظراك

.....

في نفس الوقت تقريباً وصل أدهم إلى الفيلا ، ركن سيارته بهدوء في الجراج الخاص
بالفيلا ، ثم سعد إلى غرفته ليبدل ملابسه ، ولكنه تفاجيء بعدم وجود البلاي ستيشن
الخاص به و...

-أدهم: home sweet home ، أخيراً!!! ، الواحد محتاج ياخذ دوش سخن وبعدها
ينام للعصر .. الله !! فين البلاي ستيشن .. اكييد فرقع لوز خده ، ماهو ما بيصدق اني
أغيب وع طووول هووب يضرب عليه ، ماشي ان ما وريتك يا عمورة ، هنفحك!!!

ذهب أدهم إلى غرفة عمر ليوبخه على أخذه البلاي ستيشن بدون اذنه ، فلم يجده في
غرفته و...

-أدهم: راح فين الواد ده؟؟ ممم.. أكيد راح في حطة تانية يلعب ما أنا عارفه مش أول مرة يعملها ..

لمح أدهم وجود إضاءة بغرفة الضيوف والباب غير مغلق ، فخمّن أن يكون من بالداخل هو عمر ، فذهب إلى هناك على الفور و..

-أدهم: أهأااااا .. تلاقية أعد هناك ، استلقى وعذك بقى يا عمر !!

اقترب أدهم من الغرفة ولمح فتاة ما تجلس في الداخل على الأرض أمام الفراش وتلعب بالبلاي ستيشن ، فاستغرب وجودها وفتح الباب ودلف للداخل و...

-أدهم في نفسه: يخرب عقلك يا واد يا عمر ،لسه ماطلعتش من اللفة و جايب نسوان البيت ، لأ وأبوك وأمك موجودين عادي .. يا جبروتك يا أخي ..!!!!!!

-يارا وهي تنظر للتلفاز : يالا يا عمر ، أنا ظبطت فريقى ، تعالى بقى ، وبلاش تتحجج بالذراع تاني

-أدهم: هه

-يارا: يا عمر انجز بقى عشان احنا عاوزين ننام بعدها

-أدهم في نفسه : ايبيه البت الجاهزة دي ، ده أنا راشق هنا الليلا دي

-يارا : انت مش عاوز تلعب ولا ايه ؟

-أدهم بصوت منخفض : احم.. جاي

جلس أدهم على الفراش وأمسك بالذراع الخاص بالبلاي ستيشن ، بينما ظلت يارا تنظر للعبة وتحاول تحقيق نتيجة ما ، لم ينظر أدهم إلا ليارا فقط ، ظل يتأملها و...

-يارا بنرفزة: ايببييه الي بتعمله ده يا عمر ، انت مش بتلعب خالص ، ده انت لو قاصد تخسر مش هتلعب بالشكل ده

-أدهم: أها

دلف عمر إلى داخل الغرفة وهو يحمل كوبين من العصير ليتفاجيء بوجود أخيه أدهم يجلس على الفراش ويلعب بدلاً منه ، كان على وشك الحديث فأشار له أدهم بالصمت و...

-أدهم : ششششش

-عمر في نفسه : ده بيعمل ايه هنا ؟

-يارا بفرحة : ييببييس ، جووووون .. ولسه ولسه ولسه !!

تحرك عمر أمام الشاشة ليرى اعادة الهدف الذي سجلته يارا و...

-عمر وهو يحمل العصير : يا بنت اللاعبة عملتيها ازاي دي؟؟ لأ فعلاً محترفة محترفة

-يارا باستغراب : طبعاً ده أنا .. ما أنا ...آآآ... انت ..انت ازاي شايل العصير وبتلعب في نفس الوقت ???

-عمر مدعياً البراعة: مش عارف

نظرت يارا ورائها لتتفاجيء بوجود أدهم وهو يبتسم لها ويشير لها بيده و..

-أدهم وهو يلوح لها : هاااي

صرخت يارا بفزع حينما رأته ، فقفز أدهم من على الفراش وكمم فمها ليمنعها من الصراخ و....

-يارا بصوت مرتفع : عااaاااaااaاااaاااaاااaاااaاااaااaاااaااaاااaاااaاااaاااااااااااااااااااااااااااااااااااaااaاااaاااaااااااااااااااااااااااااااااااaاااااااااااااااااااااااااااااااااااaاااااااااااااااااااااااااااااaاااااااااااااااااااااااااااااaاااااااااااااااااااااااااااااا

-أدهم وهو يكمم فمها : يا بنت المجانين ، شششششش ، هتفضحينا ع آخر الليل

-يارا وهي تقاومه : ممم..مممممم

-أدهم: اسكتي الله يكرمك

-عمر: يا عم انت بتعمل ايه ؟؟

-أدهم: انت أهبل في حد يجيب بنات وابوه وامه موجودين ، اطسيت في مخك؟؟؟

-يارا: ممم..مممممم

-عمر: بنات مين ؟؟ دي بنت عمنا يارا !!!

-أدهم بدهوة : نعم ، عمنا مين ؟؟؟؟

استغلت يارا غفلة أدهم عنها لثواني فقامت بخربشته على وجهه بأظافرها فتركها على الفور و..

-أدهم متألما : أاااآه ، ايه اللي عملتية ده

-يارا: اطلع بره

-عمر: معلىش يا يارا ده ..ده

-يارا وهي تشير لأدهم بالخروج: براااااا .. انت ازاي تتجرأ تدخل اوضتي بدون استئذان

-أدهم: نعم !! أوضتك

-عمر: ايوه يا أدهم دي يارا بنت عمنا رفعت ، ودي بقت أوضتها

-أدهم بغیظ: وده من امتى ان شاء الله ، فجأة طلع عندنا بنت عم كده !!!!

-يارا: والله لو مش مصدقني تقدر تروح تسأل أبوك

-عمر متدخلاً في الحوار : صح ، أصل انت فاتك كثير

-يارا: اتفضل بقى من غير مطرود يا كابتن انت

-أدهم: انا مش كابتن ، أنا اسمي أدهم

-يارا: مش فارقة ، براااا

-ادهم بغيظ: ايه ايه ياختي ؟

-يارا: اللي سمعته ! ويالا يا عمورة عشان عاوزة أنا

-عمر : اوك يا قمر

-أدهم: قمر !!!!! لا بقى

-عمر بثقة : اتعلم مني يا أدهم

-أدهم بتحدي وهو يقترب من يارا : أنا مش ماشي من هنا غير .. غير لما آآآ...

-يارا وهي تتراجع للخلف : ايه ؟؟

-أدهم وهو يشير للبلاي ستيشن : غير لما أخذ حقي

-يارا: نعم ؟؟

-أدهم: ايبيه !! عاوز البلاي ستيشن بتاعي ، ولا انتي شغالة بنظام إنا أسفاناكم

-يارا وهي تفك البلاي ستيشن بنرفزة: خده واتفضل يالا بالسلامة

-أدهم: لا استني اما أتأكد انه شغال مش بايظ

-يارا: اللهم طولك يا روح

-أدهم وهو يتعمد اغاظتها: ممم.. الدراع ده الزرار فيه معوج

-يارا: أنا أخداه كده

-عمر: وريني كده يا أدهم

-أدهم: اهوو شايف مكنش كده

-عمر: لأ يا عم ده انت من يوم ما جبته وهو ..آآ

-أدهم وهو يخبط عمر في رجله : انت هتعرف أكثر مني ، ده دراعي مش دراعك

-عمر متألماً: آآآآآآي ، طب انت بتخبطني ليه ليه ليه؟؟؟

-يارا: بقولك ايه أنا مش فايقة لكلامك ده ، انا عاوزة أنام ، ابقى شوف ايه اللي بايظ وأنا اجيبك مكانه ع الجزمة

-أدهم : نعم ع ايه ياختي؟؟

-عمر: قالتك ع الجزمة يعني ع الـ shoes

-أدهم: أخرس ياض

-يارا: اطلع بقى برا وإلا والله أصوت وألم عليك الناس وأجرسك وأخلي اللي ما يشتري يتفرج ..!!!!

-أدهم: انتي فاكرة نفسك في الشارع

-يارا: تصدق عندك حق !!

-أدهم: ايوه كده

-يارا: أنا هنادي على عمي رأفت و...

-أدهم مقاطعاً : خلاص خلاص .. انا طالع

-يارا بصوت منخفض : المركب اللي تودي

-أدهم: بتقولي ايه ليه ليه ليه؟؟؟

-يارا: مع السلامة

-أدهم وهو يقترب منها : الله يسلمك ، بس عاوزك تعرفي انك وقعتي مع أدهم الصياد

-يارا وهي توليه ظهرها :هاأو .. لأ خوفت الصراحة

-أدهم وقد وقف أمامها : لازم تخافي مني ،ده أنا أدهم ..

-يارا وهي تخطب كتفه بيدها : أها .. طيب يا شاطر روح على أوضتك بقى لأحسن أنا
مش فايقالك

-أدهم وهو ينظر لكتفه : شاطر !!! وماله ، وبعدين انتي هتروحي مني فين ، ده الفيلا
كلها أد كده ، يعني هنشوف بعض ليل نهار يا حلوة ، وفي الآخر هنعرف مين فينا
الشاطر يا..يا شاطرة

-عمر: معلش يا بنت عمي مش مكتوبلي أكسبك النهاردة

-يارا: نعوض وقت تاني يا عمر، ها ، ولوحدنا من غير مقاطعة من حد

-أدهم: تقصدي مين بكلامك ده ؟؟

-يارا متجاهلة ادهم : تصبح ع خير يا عمورة

-أدهم باستهزاء: عمورة !!

-عمر: وانتي من أهله يا يارا

-يارا: اتغطى كويس لأحسن تاخد برد

-أدهم: برد واحنا في الصيف !!!!!

-عمر بسهنتنة: أخيراااااا لاقيت اللي بتخاف عليا من نسمة الهوا الطاير

-أدهم وهو يدفع عمر: قدامي يا عم الحبيب

-عمر: حااضر ، بالراحة بس

خرج عمر من الغرفة وتبعه أدهم ، فذهبت يارا لتغلق باب الغرفة ، فوضع أدهم قدمه
ليمنع غلق الباب و...

-أدهم بتحدي: مش أنا اللي واحدة تعاند معايا

-يارا: اوعى رجلك بدل ما أقفل عليك الباب وأكسرها

-أدهم: أنا بقولك تاني ، بكرة هتعرفي مين أدهم الصياد يا ..يا بنت عمي
-يارا وهي تضغط على الباب بقوة لينغلق : مش عاوزة اعرف ، طرقتنا بقى !!
-أدهم متألماً: يا مجنووونة ، حاسبي رجلي
-يارا: انا حذرتك
-أدهم: ماشي بكرة هنشوف

فتحت يارا الباب قليلاً حتى يتمكن أدهم من ابعاد قدمه ، ثم أغلقتة فوراً بالمفتاح عقب
ابتعاده و...

-أدهم في نفسه وهو ينظر للباب: مين يارا دي وحكايتها ايه بالظبط ??? أنا لازم أجيب
أرارها البت دي ، ده مافيش ولا واحدة اتجرات وعملت معايا كده ، دي كان ناقص
تشتمني .. أنا هاعرف كل حاجة عنك يا ..يا شاطرة هانم ، ومش هاسيبك إلا لما تسلمي
زيك زي اي واحدة قبلك ، ده أنا أدهم رأفت الصياد
!!!!!!

.....
الحلقة الحادية عشر :

في صباح اليوم التالي ، استيقظ رأفت وفريده لتناول الافطار بينما ظل باقي من في
المنزل نائماً و...

-فريده: طبعاً الكل نايم ومش على باله الفطار

-رأفت: خلاص يا فريده مجتث من يوم

-فريده: أيوه ماهي بدأت بنت الخ...

-صباح: حاضر يا خالد بيه

ثم توجهت ناحية غرفة عمر لتوقظه و...

-صباح وهي تطرق الباب : (طق ..طق ..طق) يا عمر بيه ، اصحى ! (طق..طق
..طق) يااااااا عمر بيه

-عمر بصوت ناعس: والنبي يا صباح سييني أنام

-صباح: ان كان عليا يا بني هاسيبك تنام للمغرب ، بس دي تعليمات الست فريدة هانم

-عمر : يوووه ، طالما تعليمات فريدة هانم يبقى لازم أصحى وإلا مش هاخلص

ثم توجهت لغرفة يارا لتوقظها و...

-صباح: يا آنسة يارا (طق..طق ..طق)

-يارا من الداخل : تعالي يا صباح

-صباح: صباح الفل عليكى يا ست البنات

-يارا: صباح الخير عليكى

-صباح: ماشاء الله صاحية من بدري

-يارا: هو أنا عرفت أنام أصلاً ، انا مش متعودة أنام غير في سريري

-صباح: معلش يا بنتي يومين وھتتعودي

-يارا: ان شاء الله

-صباح: بقولك يا بنتي الست فريدة هانم ب....

-يارا في نفسها: الحيزبونة

-صباح: معايا يا بنتي

-يارا: أيوه ، مالها

-صباح: هي بتقولك تيجي تنزلي تفطري معاها ومع بقية العيلة تحت

-يارا: ماليش نفس ، وبعدين أنا في العادة مش بفطر

-صباح: حتى لو مالكيش نفس يا بنتي ، انزلي برضوه ، نصيحة مني اتقي شر الست
دي عشان تقدري تعيشي في البيت ده

-يارا: هو أنا هخاف منها !! ده هي اللي لازم تتقي شري

-صباح: ربنا يكرمك يا بنتي ويحميكي

-يارا: تسلميلي يا صباح ، وأنا جاية وراكي

لم تعلم صباح أن ادهم قد عاد إلى الفيلا لذا لم تتوجه إلى غرفته لتوقظه كالباقين ،
وإنما عادت أدراجها للأسفل لتبلغ فريدة الرفاعي باتمامها المهمة ..

-صباح: خلاص يا هانم ، كلهم صحيووا ، بس خالد بيه هيروح ع الشركة ومش هيفطر
!

-فريدة: برضوه !! طيب تمام ، روجي انتي هاتي بقية الفطار

-صباح: حاضر

خرجت يارا من غرفتها وتوجهت نحو الأسفل ، هي إلى الآن لا تعلم أين أماكن الغرف
و..

-عمر: صباح العسل

-يارا: ايبيه ده عمر ، انت صحيت

-عمر: هو أنا أقدر مصحاش ، ده احنا نروح في داهية

-يارا: ممم...

-عمر : بس ايه الشياكة دي؟؟

كانت يارا ترتدي بيجاما بناتي من القطن ، لونها أصفر في أبيض ، شكلها بسيط ورقيق ، هي تبدو مناسبة للجلوس في المنزل ولكنها بالتأكيد تتنافى مع نظام فريدة هانم الرفاعي الصارم والذي يقتضي التواجد بالملابس الكاجوال أو الكلاسيك في أرجاء الفيلا وغير مسموح بتاتا بارتداء أي ملابس للنوم أو ما يشبهها خارج غرفة النوم ...

-يارا: تريقة دي ولا ايه ؟

-عمر: احم.. مقدرش أقولك ، بس فريدة هانم هي اللي هتقرر ، وأعتقد آآآ... لأ ده أنا متأكد انه من وجهة نظرها دي كارثة من الكوارث

-يارا بخبث: قولتلي بقي

-عمر: نصيحة تغيري قبل ما تنزلي

-يارا: تو... انا كده فل

-عمر: أهلااا بالمعارك الصباحية

-يارا في نفسها : لأ وفي كل الأوقات ، هو أنا هاسيبها ، ده انا هبقى زي عملها الرضي !!!

-توجهت يارا مع عمر إلى غرفة الطعام ، وما إن رأت فريدة هيئة يارا حتى شهقت وعلى وجهها نظرة صدمة ولم تقو على بلع اللقمة و...

-يارا: صباح الخير

-عمر: Good morning

-رأفت: صباح الخير يا ولاد

-فريدة بصدمة : ايه المنظر اللي أنا شايفاه ده ؟

-يارا: في ايه ؟

-فريدة: ايه اللي انتي لبساه ده ؟؟

-يارا وهي تسحب الكرسي لتجلس : دي بيجاما قطن

-فريدة: ما أنا عارفة انها زفت بيجاما ، لابساها ليه ؟؟؟؟؟

-يارا: أو مال عاوزاني ألبس ايه ؟؟

-رأفت: خلاص يا فريدة ، هي لسه متعرفش نظامك

-فريدة: قومي غيري هدومك ، متقديش معانا وانتي لابسة كده

-يارا: والله أنا طول عمري باقعد مع نوجة بالشكل ده وكان عاجبها ، ده حتى البيجاما

قطن 100%

-فريدة: قطن ايه وزفت ايه ، أنا بقولك غي...

-يارا مكلمة : انتي عارفة دي جايبها منين ؟؟ من الأسر المنتجة ، حاجة فخيمة ومريحة في الأعدة ، أنا ممكن اجيبلك واحدة ع فكرة ، بس يا رب ألاقي مقاسك لأحسن الحاجات دي بتتخطف خطف

-فريدة: بسسسسس ، اسكتي متتكلميش

-يارا : ليه بس يا مرات عمي ولا أقولك يا خالتي ؟؟؟ انهو بتحبيه ؟؟؟

-فريدة بضيق: انتي عاوزة تنقطيني ؟؟

-يارا: بعد الشر عنك يا خالتي ، ده انتي لسه في عز شبابك

-فريدة: اوووف ، متقوليش خالتي دي !!!!!

-عمر هامساً لوالده : اوووبا هيسخنوا ع بعض

-رأفت: اتفرج وانت ساكت

-عمر: الظاهر ان يارا هتعمل اللي البيت كله عجز عن عمله

- رأفت: يوضع سره في أضعف خلقه

- عمر: أيون

- رأفت بصوت مرتفع: هاقوم انا عشان ألحق الشركة ، أشوفكم بعدين

- فريدة: اوك

- عمر: باي

- يارا: مع السلامة يا عمي

لم ينم أدهم جيداً ليلة أمس ، ظل يشغل تفكيره (بنت عمه) ، فقرر أن يبدأ معركته معها مبكراً ، ارتدى ملابسه الكاجوال ، ونظر في المرآة فوجد آثار الخربشة على خده الأيمن ، اغتاض من يارا وتوعدها بالرد على ما فعلت ، ثم نزل إلى الأسفل ليتفاجيء بوجود الجميع في غرفة الطعام ، والمناقشة محتدمة بين والدته ويارا ..

- أدهم في نفسه وهو يتحسس أثر الخربشة : ده الكل صاحي !!! ممم... حلو أوي
خلينا نبدأ من بدري عشان أخلص من الليلة دي كلها

دلف أدهم إلى غرفة الطعام و..

- فريدة بدهشة : أدهم !!! انت رجعت امتي يا حبيبي ؟؟

- ادهم وهو ينظر ليارا: بالليل

- فريدة: حمدلله ع سلامتك يا حبيبي ، مش كنت تعرفني

- أدهم: عادي يا فيروووو

- فريدة: ايه اللي في وشك ده ؟؟؟؟

- عمر مقاطعاً : ده كان يا ماما من يـ..

- أدهم مقاطعاً: من قطة جديدة كنت بهوشها فخربشتني

-عمر موضحاً : لأ يا أدهم ، انت نسيت ده كان من آآ...

-أدهم مقاطعاً : انا عاوز أفهم يعني هو انت اللي اتخربشت ولا أنا ؟؟؟ كل يا عمر وانت ساكت .. هاللى كل !!!

-عمر: احم... طيب

اقترب أدهم من يارا ، وسحب الكرسي الموضوع بجوارها و...

-أدهم هامساً: ع فكرة انتي أداة في مكاني

-يارا بقرف: مكانك ؟؟ ليه يعني كان مكتوب عليه اسمك وأنا معرفش !!!

-أدهم: نعم ؟؟

-يارا: اللي هلاقيه فاضي هاقعد عليه ، ولو عاوزه ابقى انزل احجزه من بدري !

-أدهم: ليه هو صوان ؟؟ .. بصي أنا سايبهولك بمزاجي

-يارا: وعلى ايه ، خده اشبع بيه ، أنا هاقعد جنب خالتي اللي بحبها

-أدهم بدهشة : خالتك مين ؟؟؟؟

قامت يارا من مكانها وتوجهت بالقرب من فريدة ، ثم قامت بصب الشاي لنفسها ، و تقلبيه ، وما إن انتهت حتى أخرجت الفتلة الخاصة بكيس الشاي وقامت بلفها على الملاعقة لتعصر ما بها ، وبينما كانت تفك اللفة من على الملاعقة حتى انطلق الكيس كالطلقة وسقط في طبق فريدة

-فريدة بفزع : ايبييه القرف ده ؟؟

-يارا: معلش يا خالتي ، الكيس فط مني وأنا بعصره ، لا مؤاخذه مقصدش

-فريدة وقد قامت من مكانها : بيبة !!!

-يارا مبتسمة: وغلاوتك عندي يا خالتي أنا مقصد إلا كل خير

-ناهد: ده أنا بكلمك من الصبح وانتى فى وادى تانى

-شاهي : أها

-ناهد: اللي شاغل بالك

-شاهي: مافيش

-ناهد: ممم..ع مامى برضوه

-جاسر من بعيد : صباح الخير عليكو

-ناهد: صباح الخير عليك يا بنى

-جاسر: انا رايح الشغل ، حد فيكو عاوز حاجة منى

-شاهي : اه يا جاسر ، بليز ممكن توصلنى ع أنطى فريده قبل ما تروح شغلك

-جاسر: احنا مش كنا لسه عندهم بالليل

-شاهي: بليز جاسر

-ناهد: وانتى عاوزة تروحي تانى هناك ليه؟؟

-شاهي : آآ... هاروح أظمن ع أنطى فريده

-جاسر: ليه يعنى؟؟؟ ده دي الوحيدة اللي تظمنى انها حارقة دم الكل وعادي

-شاهي: الله ، لو مش عاوز توصلنى ، it's okay ، هاسوق أنا العربية الثانية

-جاسر: اوووف، طب قدامك 5 دقائق تجهزي ، لو جت الدقيقة 6 وانتى مجهزتيش

همشى

-شاهي : ع طووول أهوو

-جاسر: مش مرتاح لزيارة شاهي لخالتى

-ناهد: ولا انا

-جاسر: ماما خلي بالك من شاهي ، لأنها بجد هتبقى نسخة مصغرة من فريسة هانم

-ناهد: ربنا يستر

-جاسر: يارب ، احنا كفاية علينا واحدة ، مش ناقصين 2

.....

في فيلا رأفت الصياد ،،،،

-عمر: بقولك يا يارا ، ايه رأيك نروح النادي

-يارا بدهشة : نادي !!!!

-عمر: ايوه ، بدل أداة البيت دي ، تعالي معايا أهوو أعرفك ع أصحابي وكده

-يارا: ههههههههههههه انت ليه محسنني انك واحدة صاحبتني مش ابن عمي

-عمر: ما أنا معتبرك واحد صاحبي

-يارا: نعم ؟؟؟؟

-عمر: مقصدش يعني ، اللي أقصده انك أقرب حد ليا في البيت ده ، الكل هنا همه

نفسه وبس ، محدش بيحكي معايا ولا بيقرب مني ولا يعرف مشاكلي ، احنا بس بنتقابل ع الغدا تقضية واجب والسلام ، لكن انتي من أول ما جيتي وأنا حاسس اننا شبه بعض

-يارا: ده انا لسه مش بقالي يوم في البيت ده ، ولحقت أعمل كل ده

-عمر: بجد أنا نفسي تعيشي معانا على طول

-يارا: الله أعلم

-عمر: احنا مالنا قلبناها دراما كده ليه ، يالا بس البسي وخلينا نغير جو ، وانا هاقول للسواق يستنانا

-يارا: أوك

.....

بالفعل بدأت يارا تستعد للذهاب إلى النادي ، لم ترتدي إلا جينز أسود وقميص أسود اللون فوقه ، خرجت من غرفتها لتجد عمر في انتظارها و...

-عمر بفزع: انتي لابسة أسود ليه ؟؟؟

-يارا: انت ناسي ان جدتي ماتت ربنا يرحمها يا رب

-عمر: يا رب

-يارا مكلمة : ع فكرة أنا مش ناوية أقلع الأسود ده

-عمر: لأ انا عاوزك تقلعيه

-يارا: لأ ماينفعش

-عمر: ليه بس لازم تقلعي

-أدهم من خلف يارا: ما تقلعي وتريحي عمورة

-يارا بخضة: هـــه

-أدهم بابتسامة : ايببيه خضيتك

-يارا: في حد يكلم حد بالشكل ده ، خضتني !!!

-أدهم: اووووه ، مكوناتش أقصد سلامتكم من الخضة يا جميل

-يارا متجاهلة أدهم: يالا يا عمر لأحسن نتأخر

- أدهم والشرر يتطاير من عينيه : انتي اتجننتي
-عمر وقد حال بينهما : يا جمااعة
-أدهم: ازاي تمدي ايدك عليا
-يارا: لما تغلط في عيلتي يبقى ماتستهلش إلا كده
-أدهم: وانا هدفعك تمن القلم ده غالي
-يارا بثقة : أعلى ما في خيلك اركبه ، أي حد هيغلط فيا أو في أهلي هردله الاهانة
باهانة ، فإاااااهم !!!!!!!
-أدهم: ان ماوريتك مابقاش أنا أدهم الصياد
-يارا مدعية الخوف : يااااا مامي خفت
-أدهم: أحسنلك تخافي ، لأنك وقعتي مع الصياد !
-أدهم بحنق لعمر : تعالى يا زفت قدامي
-عمر: ليه ؟؟
-أدهم وهو يدفع أخيه أمامه : روح قول لفريدة هانم الأول انك عاوز تخرج مع الأشكال
دي ، ولو وافقت اتنيل روح ، غير كده مالکش دعوة بيها
-عمر: تببع أخوك يا أدهم
-أدهم: أه ، ولو جبت سيرة لأي حد مهما كان ولا أنا شमित خبر بأن في حد عرف
باللي حصل مش هارحمك
-عمر: طب وأنا مالي هو أنا اللي ضربتك بالقلم
-أدهم: زززززززفت !!!!!!!
-عمر: طيب طيب ، أنا لا أسمع لا أرى لا أتكلم !!..
-أدهم: إيوه كده

-أدهم في نفسه : ماشي يا بنت الـ والله ما سايبك ، ويا أنا يا أنتي ، ان ماخليتك
عبرة مابقاش أنا أدهم

-يارا في نفسها : تستاهل القلم ، كله إلا الاهانة ، أنا مش هاكون البنت الضعيفة اللي
الكل هيحط عليها في البيت ده

.....

وصل جاسر وبصحبتة شاهي إلى فيلا رأفت الصياد و...

-جاسر: شاهي متأخريش

-شاهي: طيب ، وبعدين هو أنا أعدة في الشارع ، ده أنا أعدة مع أنطي فريدة وولادها

-جاسر: مالكيش دعوة بأي حاجة تحصل ماشي !!

-شاهي: طيب ، خلصت يا حضرت الظابط

-جاسر: ايوه ، اتفضلي

.....

في غرفة فريدة ،،،،،

-فريدة بغضب : لألألألأ

-عمر: ليه بس يا ماما

-فريدة: مافيش مرواح للنادي مع الأشكال دي ، انت فاهم !!!!!

-عمر: أشكال ايه بس يا ماما ، دي بنت عمنا

وبينما كان جاسر يدور بسيارته ليخرج بها من الفيلا ، لمح يارا وهي تتجه للحديقة فأوقف سيارته ونزل ليسلم عليها و...

-جاسر: الله مش دي يارا ، ممم.. أسلم عليها ولا أطنش ! أحسن حاجة أنزل اسلم عليها وخلص ، ماهو اللي يقعد ما فريدة هاتم لازم الواحد يظمن عليه انه لسه عايش

-يارا في نفسها: ماشاء الله ، الجنينة هنا حلوة الصراحة ، اللي عملها فنان بجد ، تسلم ايد اللي عملها

-جاسر من الخلف : صباح الخير يا أنسة يارا

التفتت يارا خلفها لتجد جاسر يمد يده ليصافحها و..

-يارا وهي تصافحه : صباح النور

-جاسر: ازيك دلوقتي ؟

-يارا: احسن الحمد لله

-جاسر: أنا قولت اسأل عليكى يعني بعد اللي .. آآآ.. حصل وكده

-يارا: ميرسي

-جاسر: طيب مش عاوزة حاجة

-يارا: لأ شكراً

-جاسر: تمام ، أنا ماشي ، وربنا يعينك ع اللي انتي فيه

-يارا: يارب

-جاسر: سلام

-يارا: سلام

غادر جاسر الفيلا ، بينما كان يراقب المشهد من فوق أدهم ...

-أدهم: هي الحكاية دخل فيها جاسر كمان ، كده اخلوت ع الآخر !!

-شاهي من خلف ادهم: ادهوووومة ، مش ممكن ، انت رجعت ???

-أدهم: أيوه

-شاهي : أزيك عامل ايه ؟

-ادهم: تمام

-شاهي : انت مش كان المفروض ترجع كمان يومين

-أدهم بصوت مرتفع وهو ممسك بيد شاهي: أصلي ماستحملتش أقعد أكثر من كده من غيرك يا شاهي

نظرت يارا إلى الأعلى لتجد أدهم وشاهي يقفان سوياً في الشرفة و...

-شاهي: ايه الكلام الحلو ده يا ادهومة

-أدهم: الكلام الحلو للناس اللي تستاهل

-شاهي مدعية الخجل: لأ أنا مش ادك

-ادهم وهو يضع يدها على قلبه : تو يا شاهي ، ده انتي ادي وقريبة من الحتة دي

-شاهي: بجد ???

-يارا من الأسفل في نفسها : أم الفصلان اللي ع الصبح !! باين أوي انه فيلم فكسان

وأوفر أوي .. الواحد عنده مرارة واحدة مش ناقص تتفقع !

انصرفت يارا لتكمل مشاهدة التصميم الرائع للحديقة ، بينما وجه أدهم نظره للأسفل

ليتأكد من أن يارا تتابعه ولكنه لم يجدها فترك يد شاهي على الفور ..

-شاهي: الله ! في ايه يا أدهم

-أدهم: هه ، مافيش ، بس يالا ندخل جوا

-شاهي: اوك ، المهم اني مش مصدقة عيني اني شوفتك

-أدهم: لأ صدقي ، تعالي يالا سلمني ع فيرووو

-شاهي: اوك

.....

في الحديقة ،، ،

كان عمر يبحث عن يارا ليعتذر لها عن عدم ذهابه معها إلى النادي ، وبالفعل وجدها في الحديقة و...

-عمر: أخيراً لاقيتك ، دوختيني عليكي يا شيخة

-يارا: ليه ؟

-عمر: معلش انا أسف مش هاعرف أروح معاكي النادي

-يارا: طب ليه ؟؟ في حاجة حصلت ؟؟؟

-عمر وهو ينظر تجاه الفيلا: حكم القوي

-يارا وقد فهمت ما يقصد: أها .. ولا يهملك

-عمر: والله غصب عني ، أنا لو أقدر كنت خدتك وفسحتك و...

-يارا: خلاص خلاص مافيش مشكلة ، نعوضها وقت تاني

-عمر: ان شاء الله ، بصي أنا هاخلص تدريب التنس وأجيك ع طول

-يارا: بأمر الله

انصرف عمر مضطراً ، بينما قررت يارا أن تتصل بصديقتها سمر لتستعلم منها عن احوالها و...

-يارا في نفسها: أما أكلم البت سمر أعرف منها ايه الجديد

-سمر هاتفياً: حبيبة قلبي ، ازيك وحشاني أوي اوي اوي

-يارا هاتفياً : وانتي اكثر والله

-سمر: اخبار القاهرة ع حسك ايه ؟

-يارا: مافيش زي الغردقة وجمالها يا سمورة

-سمر: ناوية تقعدى كثير هناك ؟

-يارا: مش عارفة والله ، ع حسب ، بيني وبينك الناس هنا مش اد كده

-سمر: تقصدي ايه ؟؟؟

-يارا: نفوسهم مش صافية وخصوصنا الولية العقرية اللي اسمها فريدة

-سمر: ودي مين دي كمان؟؟؟؟

-يارا: المفروض انها مرات عمي

-سمر: يا ساتر يا رب ، طب وبعدين هتعملي ايه ؟؟؟؟؟

كان يارا منشغلة في الحديث مع سمر ولم تنتبه إلى وجود أدهم الذي قرر أن يعكر صفو يارا ، وقام بتشغيل رشاش المياه الالكتروني في الحديقة و...

-أدهم: رايقة ياختي وبتكلمي في التليفون ، ان ما نكدت عليكي مابقاش أنا أدهم ..مممم.. فكرة ، أما نخليها تشتي بدري ع نافوخك

-يارا هاتفياً: بس ده اللي حصل و...

-يارا مكملة دون اكرثا له: بص لو عندك مشاكل في النظر ممكن أسلفك فلوس ،
واهو تعمل قياس نضارة في التأمين الصحي وأكسب فيك ثواب

-أدهم: بتقولي ايه؟؟ تأمين صحي ونضارة ، لأ وتكسبي فيا ثواب !!!!!

-يارا: يالا ماهو المثل بيقول اعمل الخير وارميه في البحر ، وبعدين مش عيب ان
يكون نظرك ضعيف ، لكن العيب انك تسكت ع ده ، وع فكرة التأمين بيعمل نضارة
كعب كوابية إنما ايه حكاية ! عارف لو داس عليها قطر هتفضل سليمة

-أدهم باستهزاء : يا شيخة

-يارا: انا عارفة الحقيقة بتجرح ، بس آآ...

-أدهم مقاطعاً : بس تصدقي شكك حلو وانتي مبلولة كده ، كله باين ومتفصل

-يارا بارتباك : احم.. ابيبيه عينك بدل ما أخلعهاك

-ادهم: طب يا ريت تخلعي أي حاجة وأنا آآ...

لم يكمل أدهم كلامه ، حيث دفعته يارا بكل قوة ليسقط فوق نجيلة الحديقة المبتلة وتبتل
ملابسه وتتسخ و...

-ادهم: آآي

-يارا: ومايوقعش إلا الشاطر .. يا... يا شاطر

-شاهي من بعيد بضيق: ادهم !!! بتعمل ايه عندك

-أدهم: تعالي يا بيبي

-شاهي : ابيبيه ده ، مين اللي عمل فيك كده

-أدهم وهو يشير ليارا: الاستاذة بتهزر معايا

-شاهي بضيق: اوووف ، وده اسمه هزار برضوه يا..يا ، سوري انتي كنتي قولتيلي اسمك ايه

-يارا : لأ انا الصراحة مقولتكيش ، بس أنا يارا ، اوك؟ احفظيه كويس

-شاهي وهي تساعد أدهم على النهوض: whatever .. أدهم انت كويس؟؟

-أدهم: زي الفل يا شوشوو

-يارا: طب أسيب أنا طيور الحب تفرق براحتها وسط الطينة

-شاهي: طينة!!!!!!

-يارا وهي تلوح بيدها : اووه بيس .. أصل أدهم بيه بيحب يلعب في الطينة أوي ، شوفتي عمل الجنينة زي الغيط ازاي ، أقولك ع حاجة أنا هامشي واسيبكم مع بعض ، أصلي محبش اكون زي العزول بينكم ، يالا انجووي ، **!!! have fun**

-شاهي: اوووف بايخة

-أدهم وهو ينظر ليارا : أها

-شاهي وهي تحرك وجه أدهم تجاهها : عينك رايحة فين

-أدهم: لأ عادي

-شاهي: طب تعالي غير هدومك

-أدهم: اوك ، جاي !

-يارا في نفسها : الظاهر ان اللي اسمه أدهم ده نسخة من أمه ، رزل زيها ، وأنا كده مش هاخلص منه بالساهل طالما حطني في دماغه ، بس والله ما هسيب حد فيهم يعلم عليا**!!!**

.....

الحلقة الثالثة عشر :

دلف أدهم للفيلا ليبدل ملابسه المتسخة ، فذهبت معه شاهي و...

-شاهي: تحب أجي معاك يا أدهومة

-أدهم: تيجي معايا اوضتي ؟

-شاهي مبتسمة : أنقيلك حاجة شيك ع ذوقي

-أدهم: ممم.. وماله ، تعالي

-صباح من بعيد بصوت هامس : استغفر الله العظيم ، بقى في بنت تعرض ع واحد
عازب انها تروح أوضته ، لأ وتقوله هنقيلك هدومك ع ذوقي ، بنات آخر زمن !!!!

صعد أدهم إلى غرفته وبصحبه شاهي ، وبينما هو في طريقه للغرفة ، خطرت بباله
فكرة شيطانية ، لقد قرر أن يغلق باب غرفة يارا بالمفتاح ليمنعها من الدخول إليها
و...

-أدهم: فكرة ، أما أشوف هتعمل ايه بنت الشغالة لما أقفل باب الأوضة وتيجي تغير
هدومها ، تبقى توريني هتدخل ازاي

-شاهي : انت رايح فين يا أدهم

-أدهم: ثواني كده

-شاهي : يا أدهم ، يااا أدهم .. انت ناوي ع ايه

-أدهم: هه ولا حاجة

-شاهي: انت واخذ المفتاح من الأوضة دي لي

-أدهم: بعدين هتعرفي

أغلق أدهم الغرفة واتجه إلى غرفته ويعلو وجهه ابتسامة عريضة

-أدهم في نفسه: اما نشوف هتعملي ايه يا قطة

-شاهي: انا هنقيلك طقم تري شيك

-ادهم: اوك

-شاهي: أدهم ، ايه اللي في وشك ده ؟؟

-أدهم وهو يتحسس مكان الخربشة : ولا حاجة ، يالا بس بسرعة شوفيلي هلبس ايه

-شاهي: ممم... يعني مش عاوز تقولي ، اوك براحتك !

.....

في نفس الوقت اتصلت احدى صديقات فريدة الرفاعي لتخبرها بأمر زيارة مفاجئة لها
بعد قليل و...

-فريدة هاتفياً: تنوريني يا شيري

-شريفة: بصي ربع ساعة وهنكون عندك

-فريدة: منتظراكو يا حبابي

-شريفة: اوك

.....

انهت فريدة المكالمة مع صديقتها ، واحترت ماذا تعد من اجل صديقاتها القادمات ،
فقررت أن تنادي على شاهي لتساعدها و...

-فريدة من أسفل : شااااهي

-شاهي: ايوه يا أنطي

-فريدة: تعالي يا شوشووو عاوزاكي في حاجة

-شاهي: اوك يا أنطي ، ثواني وجاية

-أدهم: بقولك ايه !

-شاهي : هاااا

-أدهم: روعي شوفي فيرووو عاوزة منك ايه ، وأنا هاغير وأحصلك

-شاهي: طب ..طب آآآ...

-أدهم: يالا بس

-شاهي مستسلمة: اوك

صعدت يارا إلى غرفتها وتفاجنت بأن الباب مغلق ، حاولت أن تفتحه ولكنها فشلت ،
ثم سمعت صوت صفير يأتي من بعيد ، فنظرت تجاه الصوت ووجدت أدهم يقذف
بالمفتاح في الهواء و...

-يارا وهي تحاول فتح الباب: ماله الباب ، معلق كده ليه ومش عاوز يفتح !!

-أدهم من بعيد : فووو .. فووو

-يارا: ايه اللي في ايده ده ؟؟؟؟

-أدهم وهو يقذف بالمفتاح في الهواء : ايه يا قطة ، مش عارفة تفتحي الباب ؟؟؟

-يارا: أه .. وأعتقد انا الوقتي عرفت السبب ليه

-أدهم وهو يقترب منها : طيب وناوية تعملي ايه ؟؟؟

-يارا وهي تمد يدها: هات المفتاح

-فريدة: معلش يا شوشوو هتعبك معايا

-شاهي: ولا يهملك يا فيروو

-فريدة: بصي صحباتي في النادي جايبين ، بصراحة أنا مكوئنتش عاملة حسابي ، لكن
هما حابوا يفاجئوني ، المهم يعني أنا عاوزة أعملهم استقبال يليق بعليتنا

-شاهي: انطي فيرووو ، طول ما أنا معاكي متقلقيش

-فريدة وهي تقبل شاهي : اووو ، Thank you so much ...sweetie !

-يارا في نفسها: البارد الرخم قفل باب الأوضة بالمفتاح ، أعمل أنا ايه الوقتي ، لازم
أصرف

سمعت يارا الحديث الدائر بين فريدة وشاهي فخطر ببالها فكرة ما ...

-يارا: أصحابك جايبين يا عقربة هانم ، وماله خليني أستقبلهم أنا كمان معاكي

مرت دقائق حتى رن الجرس بالفيلا ، فذهبت صباح لتفتح الباب و...

-صباح: اتفضلوا يا هوانم ، فريدة هانم في انتظاركم

-صافي: اوك

-ايمان : يالا يا شيري

-شريفة : اوك

-صافي: خدي يا صباح التورتة دي وهاتيها كمان شوية

-صباح: حاضر يا هانم

-ايمان: عاوزين نفاجئها

-شريفة: طبعاً

أوصلت صباح تلك السيدات لغرفة الصالون حيث استقبلتهم فريدة بالترحاب و..

-فريدة: اووه ، مش ممكن ، بجد مفاجأة حلوة

-صافي: لأ ولسه يا فيروو

-فريدة: لسه في مفاجآت تانية ؟

-شريفة: طبعاًااا

-ايمان: اصبري يا فيروو و هتعرفي كمان شوية

-شريفة وهي تقبل شاهي : شاهي ! ازيك يا حبيبتي

-شاهي: أنطي شيري ، ازيك

-شريفة: I am fine

-ايمان: ازي ماما يا شاهي ؟؟

-شاهي: تمام يا أنطي

-ايمان: سلميلي عليها أوي

-شاهي: حاضر يا أنطي

-صافي: احنا هنفضل واقفين ، يالا تعالوا نقعد جوا

-فريدة: اووه ، سوري مخدمتش بالي يا جماعة ، بليز خدوا راحتكوا

-شريفة: تعالي بس عاوزينك تقعد معانا

-فريدة: طب اجيبلكم حاجة تشربوها

-صافي : No need دلوقتي

جلست السيدات سوياً ليتحدثن ، وفجأة وجدن من تدخل عليهن بحالة مزرية ، مما أصاب فريدة بصدمة و...

-يارا: الله ! احنا عندنا ضيوف ، طب مش تقوليلي يا خالتي عشان أجي أسلم عليهم

-صافي هامسة : مين دي ؟؟

-شريفة: انا أول مرة أشوف البنت دي يا فيروو

-ايمان: دي مين يا فريدة ؟؟؟

-فريدة: دي..دي

-يارا ملوحة بيدها : أنا يارا ، هاي !!!

جلست يارا على الأريكة بملابسها المبتلة مما أصاب فريدة بال...

-يارا وهي تجلس : أنا فرحانة بجد ان شوفت ستات زيكوا ، من زمان ماشوفتش أعدة الشلت دي ، الله يرحمك يا ستي !

-فريدة بفزع : لألاً ، حاسبي متقديش

-يارا: معلىش يا خالتي ، رجلي وجعاني

-فريدة بقرف: انتي مش شايقة هدومك عاملة ازاي ؟؟؟

-يارا: ماهو كله بسبب أدهم ابنك ، أل ايه عاوز يلعب في الطينة وعاوزني ألعب معاه

-شاهي بصدمة: نعم ؟ مالك ومال أدهم ؟؟؟؟

-فريدة: ابييه اللي انتي بتقوليه ده ؟؟

-يارا: بصي أنا ماليش دعوة ، هو السبب ! وأهو عندك ملاح فوق اسأليه !!!

-ايمان مستفهمة : مين دي يا فيرووو ؟؟؟

-صافي مستفسرة : مين البنت اللوكال دي ؟؟؟

-يارا وقد جلست القرفصاء: بس تصدقي يا خالتي الكنبة دي طرية في الأعدة ، ليكو حق تقعدوا هنا

-فريدة: اطلعي بره !!

-يارا: تُو ، أنا أعدة هنا معاكي ، ده أنا حتى بحبك يا خالتي

-فريدة بعصبية : بطلي تقولي خالتي دي ، أنا مش خالتك !!!!!!!

-شريفة: اوووه ، سووفاج

-ايمان: Vulgar ع الآخر

-يارا: اومال أقولك ايه ؟؟؟ يا فيري !! ده حتى الاسم شبه الصابون السائل ، بس أقولك ع حاجة، هو وحش في التنضيف ، ابقى هاتي بيرل بيرغي أكثر ع رأي تيتة الله يرحمها

-فريدة: بسسسسس

ثم دلفت صباح ومعها أدهم وهما يحملان تورتة كبيرة مكتوب عليها (happy birthday Ferro)

-أدهم من الخارج : هابي بيرزداي يا احلى فيرووو ، كل سنة وانتي طي..آآآ .. ايه ده ؟؟؟

-يارا ببرود: الله هو احنا عندنا عيد ميلاد ، ده محدش قالي ؟؟ عيد ميلاد مين بقى ؟؟

-أدهم ليارا وقد رأى وجه والدته المحتقن من الغضب: انتي بتعملي ايه هنا ؟؟؟؟

-يارا: عادي ، أعدة ع كنبه الصالون

-صافي : ايه المهزلة اللي بتحصل هنا دي ???

-شاهي : أدهم تعالى الحقنا

-فريدة: انتي ايه ?? عاوزة تحرقني دمي وخلص ???

-يارا: ليه بتقولي كده يا خالتي ، ده انا بحبك حب ، يااااه مش قادرة أوصفك

...

-صافي: احنا مش فاهمين حاجة من اللي بتحصل هنا ??

-شريفة: دي قلة ادب

....

-يارا وقد قرأت ماهو مكتوب على التورته : الله ! ده عيد ميلادك يا خالتي ، بجد لو كنت أعرف كنت جيبتك هدية ، معلى ملحونة ، هتتعوض ان شاءالله ، طب بسرعة يالا هاتوا الشمع

-شاهي : انتي ايه معندكيش دم ??

-يارا: ممم.. نطلك كام شمعة يا خالتي ، بيتهياي سبعين كويس ???

-فريدة : نعم ؟؟؟؟ سبعين ايبيبيه ???

-شاهي: ايبيبيه ???

-يارا: شمعة يا خالتي ، ولا أقولك شكك صح مايديش سبعين ، طيب نقول 69 ولا 68 ???

-فريدة: مشوا البت دي من قدامي

-يارا مكلمة : بس الشمع هيكفي التورته ولا نجيب واحدة تانية عشان يقضي ???
أصل التورته مش هتبان من كتر الشمع اللي هيتولع فيها

-فريدة بصراخ: أدهم انت واقف تتفرج ع المسخرة دي ، طلع البت دي بر ااااا

...

-ايمان: بجد دي قلة ادب

-شريفة: مهزلة بكل المقاييس

-صافي: احنا مكوناش نتوقع ان ده يحصل عندك يا فريدة

....

-أدهم وهو يجذب يارا من ذراعها : تعالي معايا حالياً

-يارا وهي تبعد يدها: أوعى ، في ايه ، انا عاوزة احتفل بخالتي

-فريدة وهي تكاد تفقد توازنها : لأ انا مش قادرة ، كده كتير ، كتير...آآآه ..اه

-شاهي : انطي فيرووو

-أدهم وقد جرى ناحية والدته ليسندها : ماما ، انتي كويسة

-فريدة: آآآآه ، مش قادرة

-شريفة: مالك يا فيرووو ، حاسة بايه؟؟

-ايمان: نطلبك دكتور؟؟؟

-يارا : هاتولها بصلة بسرعة عشان الدوخة وغمان النفس !

-شاهي بغضب: انتي تخرسي خالص ، انتي السبب في اللي حصلها

-يارا: بس آبت

-شاهي : مين دي اللي بت ، تصدقي انتي فعلا تربية شوارع

-يارا: طب تعالي أما أوريكي تربية الشوارع بصحيح

وفجأة وجدت شاهي من يهجم عليها ويجذبها من شعرها بشدة يكيل لها الضربات و...

-شاهي مستغيثة : آآآه ، الحقوووني

-يارا: خدي ... أل تربية شوارع أل ...

(دش - طرااخ - دششش)

-شاهي: الحقني يا أدهم ، الحقني ، آآآآه ، همووت

تدخل أدهم ليمنع كلاهما من الاستمرار في الشجار و..

-أدهم وهو يبعد يارا عن شاهي : انتي فعلا واحدة مجنونة ، تربية خدامين !!!

-يارا بغضب : ع الأقل أشرف منك ومن اللي ...آآآ

-رأفت مقاطعاً بصوت عالي من الخارج : في ايه اللي بيحصل هنا

؟؟؟؟؟.....

.....

الحلقة الرابعة عشر :

تدخل أدهم ليمنع كلاهما من الاستمرار في الشجار و..

-أدهم وهو يبعد يارا عن شاهي : انتي فعلا واحدة مجنونة ، تربية خدامين !!!

-يارا بغضب : ع الأقل أشرف منك ومن اللي ...آآآ

- رأفت مقاطعاً بصوت عالي من الخارج : في ايه اللي بيحصل هنا ؟؟؟

-يارا: الحق يا عمي البنت دي وأدهم بيهينوني

- رأفت: اييه ؟؟

-شاهي: يا انكل ده هي اللي ضربتني

- رأفت: وانتي مال شكك عامل كده ليه يا يارا ؟؟؟

-يارا: من أدهم !

-أدهم: انتي هتتبلي عليا

-يارا: أتبلى عليك ليه ان شاء الله ؟؟ كان في ايه بيني وبينك ؟؟ ده انت اللي فتحت رشاش المياه عليا وقفلت أوضتي بالمفتاح ، ولما جيت أقول كل سنة وانتي طيبة لخالتي كنت عاوز تطردني بره الصالون

- رأفت: ايه اللي بسمعه ده ؟؟؟

-أدهم: انتي كدابة ، محصلش !!

-يارا: لأ مش كدابة

-شاهي: أدهم كان معايا أنا يبقى ازاي عمل اللي بتقولي عليه ده ؟؟؟

-يارا: وبتقولي عليا أنا الكدابة !!! روعي شوفي مين فينا اللي بيكذب

-أدهم: احنا عارفين نفسنا ، لكن الدور والباقي عليكي انتي

- رأفت : بسسس ، أنا واقف في حضانة!!!

.....

-شريفة: الظاهر ان وجودنا مالوش داعي الوقتي

-ايمان: أنا برضوه شايفة كده

-صافي: يالا بينا يا جماعة

-شريفة: طب وفريدة؟؟

-فريدة وهي تمسك رأسها : آآآه .. مش قادرة

-شريفة: رأفت بيه بعد اذنك

-أدهم: خير يا شريفة هانم .. الله فريدة !! مالها

-شريفة: هي تعبانة شوية و...

-رأفت: فريدة مالك؟؟ انتي كويسة

-فريدة: لأ مش كويسة خالص

-رأفت: طب تعالي معايا في اوضتك

-فريدة: آآآه

-رأفت: معلىش يا جماعة أنا بعذرلكم

-شريفة: ولا يهملك يا رأفت بيه

-ايمان: احنا هنمشي دلوقتي

-صافي: هنبقى نكلم فريدة بعدين نطمئن عليها

-رأفت: شكرآآآآ ليكو

انصرفت شريفة وصافي وايمان ، بينما عاتب رأفت أدهم على ما حدث و..

-رأفت : مش عيب عليك تعمل اللي عملته ده

-أدهم: أنا معملتش حاجة

-رأفت: هو انا مش عارفك ، ده بدل ما تنزل تشتغل معايا أعدلي مع الستات في البيت

-أدهم: ستات مين يا بابا؟؟ ده مافيش إلا ماما وشاهي ، لكن دي معرفش الصراحة !

-يارا: شايف يا عمي بيقول ايه ???

-رأفت: اتكلم كويس عن بنت عمك

-يارا مبتسمة: أحسن

-شاهي: شايف يا أنكل بتضحك ازاي ؟

-رأفت: وانتي بدل ما تعقليله يا شاهي بتيجي معاه ع الغلبانة دي !

-فريدة: طلعتي اوضتي يا رأفت ، مش عاوزة أعد هنا

-رأفت: تعالي يا فريدة اسندي عليا

-يارا: سلامتك يا خالتي ، انا قولت من الأول التورتة دي شكلها بايظ ومنظورة

-فريدة: بسرعة يا رأفت، هاموت مش قادرة

-يارا: والنبي يا عمي خليه يدني مفتاح الأوضة بتاعتي

-رأفت: اديلها المفتاح يا أدهم

-أدهم: مش معايا أي مفتاح ، انا مش عارف انتي ليه مصممة انه معايا

-رأفت وهو يسند فريدة : طيب خلاص أنا هتصرف

-يارا: ازاي يا عمي ???

-رأفت من بعيد : خلي صباح تكلم النجار يجي يغير كالون الباب

-فريدة: يالا من هنا يا رأفت خلاص اتخنقت !!!

-يارا: اوك يا عمي .. ولا الحاوجة للي يسوى واللي مايسواش

نظرت يارا نظرات احتقارية لكلاً من أدهم وشاهي ، ثم أولت ظهرها لهما فأذ بها
تتفاجيء بشيء ما يخبطها بشدة في كتفها ، بلى لقد كان مفتاح الغرفة قدفاه أدهم بكل
قوة في ظهرها ليرتطم بكتفها

-يارا متأمة: اااااااه

-أدهم: خدي .. خدك ربنا

-يارا وهي تدلك كتفها : انت بتحدفني بالمفتاح

-أدهم: ولو أطول كنت حدفتك بأناح من كده

-شاهي وقد ذهبت لتحتضن أدهم: أووه شايف يا أدهومي البنت دي عملت فيا ايه

-أدهم وهو يحتضنها: متزعليش يا شاهي ، واحدة مش من مستواكي

-يارا بضيق: اتلم تنتون على تنتن

-شاهي : قصدك ايه ؟؟

-يارا: كفاية كده النهاردة عليكو

ذهبت يارا لكي تحضر المفتاح ، وما إن انحنيت لتمسكه حتى وضع أدهم قدمه عليه ...

-أدهم: لو عاوزاه ، يبقى تطلبي السماح من أسياذك

-يارا وهي تعتدل: أسيادي !!!

-شاهي: ايوه ، اوعي تنسي في يوم أصلك

-يارا: لأ ياختي أنا عارفة أصلي وفصلي كويس ، الدور والباقي ع اللي مقضايها

-شاهي بحدة: انتي ازاي تكلميني كده

-أدهم: احترمي نفسك وانتي بتكلميه

-يارا: وعلى ايه ، أنا سييالكم الجمل بما حمل ، وبناقص من أم ده مفتاح ، اشبعوا بيه

تركت يارا أدهم وشاهي بمفردهما وذهبت إلى صباح في المطبخ لتطلب منها احضار

النجار ...

- يارا: عادي ، مش هتفرق كثير
-صباح: أنا هخلص بقية الغدا وهكلمك النجار
-يارا: براحتك يا صباح ..
-صباح: بصي أنا هعملك شوية شوربة بلسان العصفور سخنين إنما ايه
-يارا: فكرتيني يا صباح بنوجة الله يرحمها كانت زيك كده
-صباح: ربنا يكرم أصلك يا بنتي ، والله انتي وجودك في البيت ده أكبر عقاب لـ....

- خالد مقاطعاً: سلامو عليكم
-صباح: و عليكم السلام يا خالد بيه
-يارا: و عليكم السلام
-خالد: صباح هستأذنيك تحضري الغدا بسرعة لأحسن واقع من الجوع
-صباح: 5 دقائق وهيكون عندك
-خالد: انتي أعدة هنا ليه يا يارا ???
-يارا: مافيش مستنية النجار يجي يصلح باب أوضتي
-خالد: ليه ?? ايه اللي حصل
-يارا: المفتاح ضاع
-خالد: لو تحبي تقعدني في اوضتي لحد ما يتصلح معنديش مانع
-يارا: شكراً ، أنا مبسوطة هنا
-خالد: ممم... حيث كده بقي أنا هفرض نفسي عليك و نتغدى سوا
-يارا: أنا مش جعانة

-صباح: هو انتي كلتي حاجة من الصبح يا بنتي ، استني أما أسخنلك الشورية

-عمر: اول مرة حد يسألني عملت ايه ف أي حاجة

-يارا: ليه يعني ؟

-عمر: ده العادي بتاعنا هنا ، بس كان شغال

-يارا: ربنا يوفقك

-عمر: قوليلي عملتي ايه من غيري ؟ والله أنا كنت عاوز أأخذك النادي معايا بس انتي عارفة

-يارا: ولا يهملك ، أنا قضيت وقت كويس هنا

-خالد: انتي كنتي عاوزة تروحي النادي

-يارا: لأ عادي

-عمر: أنا اللي كنت عاوز أخذها بس ماما مرضتتش

-خالد: ليه

-عمر باحراج: آآآآ.. أصل يعني

-يارا مكلمة : ع أساس أنا مش من المستوى

-عمر: والله ما تزعلي

-خالد: يعني ايه الكلام ده ؟؟

-يارا: مش زعلانة والله

-خالد: بكرة هيكون عندك كارنيه الاشتراك في النادي ، تروحي فيه براحتك وقت ما يهملك

-يارا : والله ما عاوزة اشتراك ولا غيره

-عمر: يا ريت يا خالد تعملهولها حتى عشان تروح براحتها

-خالد: اعتبريه اتعمل

.....

في غرفة المعيشة ،،،

كان يشغل تفكير ادهم شيئاً ما ، ظلت شاهي تتحدث مع ادهم ولكنه لم يوليها أي اهتمام
و..

-شاهي: يا ادهم ، انت معايا

-أدهم: هه أه معاكي

-شاهي: لأ باين فعلا ، ده أنا عمالة اكلمك من الصبح وانت ولا أنت هنا

-أدهم وقد قام من مكانه : البيت ماله ساكت كده ليه

-شاهي: عادي يعني

وفجأة رن هاتف ادهم برقم باسل و..

-أدهم هاتفياً: ألووو

-باسل: برنس النادي ، فينك يا باشا ؟

-أدهم: في البيت

-باسل: طب هاتي جي امتي

-أدهم: معرفش

-باسل: مالك يا ادهم باشا ، صوتك متغير كده ليه

-أدهم: عادي يعني مخنوق شوية

-باسل: من ايه ؟؟؟

-أدهم: حاجة كده هابقي أقولك عليها بعدين

-باسل: بعدين ايه بس ، لأ انت تقولي حالاً

-أدهم: يا عم قولتك بعدين بقي ، ماتبقاش زي البت الرزلة اللي أعدت معانا هنا

-باسل مستفهماً: بت مين ؟

-أدهم: بعدين بعدين

-باسل: طب نعدي عليك احنا

-أدهم: مش مهم

-باسل: لأ ما احنا مش هنسيبك وانت كده ، هنقعد معاك شوية نغيرلك المود ونمشي

-أدهم: اوك تعالوا

-باسل: اشطا ، شوية وهتلاقينا عندك

-أدهم: اوك

.....

في النادي ،،،

-هيثم: ها أدهم جاي ???

-باسل: لأ

-هيثم: ليه ؟

-باسل: مخنوق شوية ، بس أنا قولتله احنا هنعدي عليه

-هيثم: وده ايه اللي خاتقه

-باسل: معرفش ، هو مقاليش حاجة ، بس الظاهر ان في بت كده قرفاه

-هيثم: بت مين دي ؟؟

-باسل: معرفش ، احنا لما نروحله هناك الفيلا نبقي نسأله

-هيثم: طب يالا بينا

.....

أنهى أدهم المكالمة مع صديقه وظل صامتاً يفكر فيما حدث و...

-شاهي: ادهووومتي

-أدهم: ايوه يا شوشو

-شاهي: مالك ساكت ليه

-أدهم: مافيش ، عادي يعني

-شاهي: انت هتروح النادي ؟

-أدهم: يعني كنت رايح

-شاهي بدلع مصطنع : يعني هاتسيبني اقعد لوحدي؟؟

-أدهم: انا بقولك كنت

-شاهي: وأهون عليك تسيبني لوحدي؟؟؟

-أدهم: ممم... لأ طبعا مايهونش عليا

-شاهي: اووووه ، ثاكس يا ادهوومة

-أدهم: بقولك ايه شوفيلنا فيلم كده ع ذوقك نتفرج عليه سوا ، وأنا هاجيب حاجة

ناكلها من تحت

-شاهي بفرحة : اوك

نزل أدهم إلى المطبخ ليحضر بعض المأكولات فتفاجئ بوجود أخويه بصحبة يارا

يضحكون ويتناولون الطعام و...

نزلت شاهي لترى ما الذي جعل أدهم يتأخر فوجدت الجميع في المطبخ إما يتحدثون أو يأكلون الطعام و...

-شاهي بغیظ : بقى كده !!! بنت الخدامين بدأت تشتغل في الأزرق ، وقعتك سودة ، أنا هبلغ أنطي باللي بتعمله تحت

أسرعت شاهي إلى الأعلى وتجوهرت ناحية غرفة فريدة ، طرقت باب الغرفة و...

-شاهي من الخارج : (طق..طق..طق) انطي فيرووو ، حضرتك صاحية؟؟

-فريدة: أيوه يا شاهي

-شاهي: طب انطي عاوزاكي شوية بره

-فريدة بعد أن فتحت الباب : في ايه يا شاهي

-شاهي هامسة : انطي فريدة الحقي في كارثة بتحصل تحت

-فريدة بخضة: كارثة ابييه؟؟؟

-شاهي : بصي

قصت شاهي على فريدة ما رآته يحدث في المطبخ مما جعل فريدة تستشاط غضباً و...

-فريدة: بنت الخدامين بتغير النظام بتاعي ، أنا مش هسيبها

-شاهي: أنا جيت أقول لحضرتك اللي حصل

-فريدة: كويس يا شاهي خليني أنزل أعرفها قيمتها بنت الخدامين دي

نزلت فريدة إلى المطبخ ويعلو وجهها الغضب ، وما إن دخلت إلى المطبخ حتى توقف الجميع عن الكلام و....

-فريدة بحدة: بظلتوا ليه؟؟؟؟ كملوا اللي بتعملوه

-صباح: مالكيش دعوة بيها يا بنتي ، خليكي في حالك أحسن

-يارا: ده أنا كل ده في حالي !!

.....

في غرفة المعيشة ،،،

كانت فريدة توبخ الجميع على فعلتهم الشنعاء (من وجهة نظرها) و...

-خالد: ذنبها ايه صباح تخصمي منها سبوع

-فريدة: ذنبها انه خالفت تعليماتي

-خالد: بس مش للدرجادي

-فريدة: هو أنا بدخل في شغلك لما يجيلك موظف مقصر في عمله ؟؟؟؟

-خالد: لأ

-فريدة: يبقى متدخلش في اللي يخصني ، والبيت ده أنا المسئولة عنه ، فإااهم !!!

-شاهي: عندك حق يا أنطي ، من وقت ما جت البنت دي وكل حاجة في البيت اتغيري

-عمر: انتي هتفشري !! دي مكملتش يوم

-فريدة: ايه الألفاظ دي يا عمر

-شاهي: عمر بليز اتكلم كويس معايا ، أنا أكبر منك

-عمر في نفسه: ده انتي حيزبونة

-أدهم: بطلوا بقى سيرة البت دي وخلصونا نشوف الفيلم

-خالد: أنا طالع أوضتي ، هرتاح شوية

-أدهم: يكون احسن برضوه

-شاهي: أنطي ، احنا ناويين نعملك بارتي حلوة يوم الخميس

-فريدة: بارتي ايه بس بعد اللي حصل

-شاهي: متخافيش يا أنطي أنا هظبطلك اللي حصل

-أدهم: فرفشي يا فيرووو ، احنا هنروقك

-عمر: لأ كده كتير ، أنا طالع أوضتي

-فريدة: اطلع ، وملكش دعوة بالبنت اللي تحت دي ، فالاهم

-عمر: هي ايه بعبع ، دي بنت عمنا

-فريدة: ولد ، الكلام اللي اقوله يتسمع

-أدهم: اطلع ع أوضتك احسن بدل ما تاخذ في جنابك

-عمر: أنا شايف كده برضوه

.....

خرجت يارا إلى الحديقة لتجلس بالأرجوحة الموجودة بها ، لقد كانت تشعر في نفسها بالحزن العميق ، هي تحاول أن تبدو قوية أمامهم ولكن في نفسها هي تكره الظروف التي أجبرتها على العيش مع أمثال هؤلاء البشر ...

-يارا في نفسها: والله البيت ده مافيهوش إلا عمر وخالد .. لكن الباقيين كلهم عاوزين الحرق وأولهم بكيزة اللي فوق دي .. أوووبا ده أنا نسيت سمر خالص ، أما اكلمها

-يارا هاتفياً: ألووو ، ايوه يا سموورة

-سمر: انتي لسه عايشة ، ده أنا هتجنن عليك من ساعة الضهرية ، احكي لي حصل ايه

-يارا: اوك ، بصي اللي حصل

في نفس الوقت تقريباً حضر أصدقاء أدهم باسل وهيتم .. توجهوا بسيارتهم إلى داخل الفيللا ، ركنوا السيارة ثم ترحلوا منها و لمحوا يارا و...

-هيتم وهو يشير ليارا : مين البنت اللي ع المرجيحة دي

-باسل: مش عارف

-هيتم: باين عليها وجه جديد

-باسل: بيتهياي دي البت اللي كان بيحكي عنها أدهم ومضايقاه

-هيتم: طب ما تيجي نرخم عليها شوية

-باسل: فكرة برضوه ، واهوو نجامل أدهم شوية

-هيتم : مية مية

اقترب هيتم وباسل من يارا التي كانت مشغولة بالحديث مع صديقتها سمر ، وقف باسل خلف يارا و خطف من يدها الهاتف المحمول ، بينما جلس هيتم بجوارها و.....!!!!!!

.....
الحلقة الخامسة عشر :

اقترب هيتم وباسل من يارا التي كانت مشغولة بالحديث مع صديقتها سمر ، وقف باسل خلف يارا و خطف من يدها الهاتف المحمول ، بينما جلس هيتم بجوارها و...

-يارا بفرع: الله في ايه

-باسل: حلو الموبايل ده ! شكله انتيكا الصراحة

-هيثم: اعد لوحك ليه يا جميل ؟

-يارا وقد حاولت النهوض من مكانها : انتو مين ؟؟؟

-باسل وهو يثبتها على الأرجوحة : انتي عاوزة تتعرفي علينا يا حلوة ؟؟؟ مش كفاية عليكى أدهم

-يارا: لو سمحت ، بطل قلة أدب وابتعد ايدك عني

-هيثم: هو أحنا عملنا حاجة لسه

-باسل: مش يالا بينا نظير الغزال ده

-هيثم: اشطا

قام باسل وهيثم بدفع الأرجوحة بشدة لتطير بيارا في الهواء عالياً وسط صراخها ،
سمع صوتها حارس البوابة العم راضي ، فأسرع إليهم و...

-راضي: عيب يا بهوات اللي بتعملوه ده

-باسل وهو يدفع الأرجوحة بشدة : ملكش فيه

-راضي: مايصحش يا بهوات ، دي الآنسة يارا

-هيثم وهو يدفعه بعيداً : وانت مالك يا عم الحاج ، اتوكل على الله شوف وراك ايه

-يارا: عاااااااااا ، هاقع

-راضي : كده ماينفعش والله أنا هبلغ أدهم بيه باللي بتعملوه

-هيثم: قوله هنخاف منك ، ده حتى هيجي يشكر أصحابه ع اللي عملوه

-باسل: اجمدي يا غزال

جرى راضي ناحية الفيلا ليبلغ أي أحد بها عما يحدث في الخارج ، طرق الباب بشدة
و...

-صباح : ايه يا عم راضي في حد يخبط بالشكل ده ع الباب ؟؟؟؟

-راضي: الحقي يا صباح الست يارا

-صباح: مالها ؟؟؟

-راضي: أصحاب أدهم بيه يبهدلوها بره و...

-صباح مقاطعة : بتقووول ايبويه ؟؟؟ يا لهوووي ، طب روح بسرعة امنعهم وأنا هبلغ البهوات بسرعة

أسرعت صباح إلى حيث يجلس أدهم وفريضة لتبلغهم بما يحدث في الحديقة ، فقد كانوا مندمجين في مشاهدة أحد الأفلام و...

-صباح بصوت عالي : الحق يا أدهم بيه أصحابك مبهدلين الست يارا

-أدهم: ايبيبويه ؟؟؟؟

جرى أدهم بسرعة إلى الحديقة ليرى ما الذي يفعله أصحابه مع يارا ، بينما سعدت شاهي كثيراً بما يحدث ليارا ، عاتبت فريضة صباح على صوتها المرتفع و...

-شاهي: أحسن يا رب يمسحوا بيها الأرض

-فريضة: وده يستعدي انك تيجي تصوتي بالشكل ده

-صباح: مقصدش يا هانم بس آآ...

-فريضة: خلاص امشي شوفي وراكي ايه ، وملكيش دعوة

-صباح: ح..حاضر

-شاهي: يالا يا أنطي شوف ايه اللي بيحصل تحت

-فريضة: اوك ، طول ما البننت دي أعدة معانا مش هنشوف طيب أبدااااا

-شاهي: بالظبط يا أنطي

-أدهم: انت اتجننت انت و هو ، ازاي تعملوا كده في بنت عمي ???

-باسل: الله !! هي دي بنت عمك مكوناش نعرف

-خالد من بعيد: بقى دول اللي بتسميهم أصحابك يا أدهم ؟؟؟؟ دول اللي بتدخلهم بيتنا
؟؟؟ مبسوط باللي عملوه في بنت عمك !!!!

-أدهم: أنا مكونتش أعرف انهم هيعملوا كده اصلاً

-باسل: احنا منقصدش

-جاسر: فعلاً ونعم الأصحاب

-خالد ليارا: انتي كويسة يا يارا ؟؟

-يارا وهي تمسك ذراعها : لأ طبعاً

-جاسر: لو تحبي أعملك فيهم محضر اعتداء واجر جرهم ع القسم مش هتردد ثانية

-هيثم مسرعاً: ده هي اللي كانت عاوزانا نعمل كده !!

-يارا: نعم ؟؟؟؟

-باسل: هه .. اه هي اللي قالت نزونها جامد ، وبعدين احنا عملنا اللي هي عاوزاه

-يارا: انتو كدابين

-هيثم: مش انتي اللي ناديتي علينا وقولتي نزوءك بالمرجيحة شوية

-يارا: محصلش ، انتو اللي هجمتوا عليا

-باسل: وهنجم عليكى ليه ؟؟ هو احنا أصلاً نعرفك ؟؟

-هيثم: ده أنا أول مرة أشوفك الوقتي

-خالد: اللي بيقولوه ده مظبوط يا يارا ؟؟؟

-يارا: لأ طبعاً!!!

-هيثم: تقدر تسأل عم راضي أهو كان أعد وشايفنا

-جاسر: يا عم راضي ، ياااااااااااااااا عم راضي

-راضي: ايوه يا جاسر بيه

-فريدة من بعيد: في ايه اللي بيحصل هنا ???

سكت الجميع حينما سمعوا صوت فريدة ، فأسرع باسل إليها ليدعي كذباً على يارا بأنها

-باسل: الحقي يا أنطي فريدة

-فريدة: في ايه ؟

-خالد مقاطعاً : البهوات أصحاب البيه ادهم بهدلوا يارا ووقعها من ع المرجيحة

-فريدة: وهما هيجوا جنبها ليه أصلاً

-شاهي : يا انطي البننت دي بتاعة مشاكل أصلاً

-خالد: نعم ??

-فريدة: باسل وهيثم ولاد ناس هيعملوا الحركات السخيفة دي ليه ?? لأ ومع مين مع دي !!!

-باسل: بالظبط يا أنطي ، ده اللي أنا بقوله من الصبح

-شاهي : يا أنطي باسل وهيثم متربيين معانا واحنا عارفين أخلاقهم كويس

-يارا: دول مش متربيين ولا عندهم أي أخلاق

-شاهي: بلاش انتي تتكلمي عن الاخلاق والتربية

-أدهم: يعني محدش فيكو جه جنبها ???

-هيثم: ما عندك العم راضي اسأله

-فريدة: أنا اللي هسأله .. راراراراراراراراراضي

-راضي : ايوه يا هانم

-فريدة بتهديد : قول يا راضي ، وأنا بنبه عليك قبل ما تتكلم انك تبص ع أكل عيشك الأول ، هيثم وباسل اتعرضوا للبنت دي ؟

-راضي بتردد وخوف : آآآ...

-جاسر: اتكلم يا راضي ومتخافش من حد ، الرزق بتاع ربنا

-راضي : آآآآ...

-يارا مقاطعة: لأ محصلش

-الجميع بدهشة : ايبيبويه ؟؟؟

-يارا: أنا اللي طلبت منهم يجوا يزوعا المرجيحة

-فريدة: شايفين !!! أهي حبت تعمل فيلم علينا كلنا

-هيثم: آآ...

-باسل: هه

-أدهم: طب ليه ؟؟؟

-شاهي: طول اليوم احنا في الغلب ده أما زهقنا

-باسل لأدهم : عشان تعرف احنا..آآ.. احنا مالناش دعوة

-هيثم: اها

-خالد: يارا اللي بتقوليه ده حصل ؟؟؟

-يارا: اه حصل !

-جاسر بضيق : يالا يا شاهي من هنا

-شاهي: استنى بس يا جاسر

-جاسر: استنى أكثر من كده ايه ، انا تعبان وعاوز أروح بيتنا

-فريدة: روعي مع أخوكي يا شاهي

-شاهي: هبقى أكلمك يا أنطي بعدين

-فريدة: اوك يا حبيبتي

انصرف جاسر مع اخته وهو يشعر بالضيق ، بينما ظل خالد ينظر ليارا بنظرات غاضبة و...

-خالد بنظرات غاضبة : بصي يا يارا ، لازم تراعي تصرفاتك في البيت ده ، احنا أه ناس مودرن وستايل بس ده مايمنعش ان في أصول لازم تحترم

-فريدة: ماتتعبش نفسك يا خالد معاها ، دي مش بتفهم حاجة

-خالد: وان يكن لازم تعرف يا ماما انه بيت ، ومش مسموح فيه بأي تجاوزات

-فريدة: سيبك منها وتعالى احنا جوا

-حاولت يارا أن تتجنب نظرات خالد لها ، بينما تحدث أدهم مع أصحابه و...

-أدهم لأصدقائه : تعالوا معايا

-هيثم: ع فين ???

-أدهم: خارجين

-باسل: اوك

-هيثم: طب هاتروح فين؟؟

-أدهم: هتعرفوا

-هيثم: طب استنى نجيب عربيتنا

-أدهم: طيب

انصرف أدهم مع أصدقائه ليكملا حديثهم خارج الفيلا ، بينما توجه خالد مع والدته إلى داخل الفيلا ،وبقيت يارا بمفردها في الحديقة ..

-راضي: يا بنتي آآ...

-يارا: متقولش حاجة يا عم راضي

-راضي: انتي ليه عملتي كده؟؟

-يارا: يعني عاوزني أسيب الولية دي تهددك بلقمة عيشك وأقف أتفرج

-راضي: بس يا بنتي

-يارا: ديته ايه الحكاية ، اني أنا اللي هاخذ كلمتين ، لكن قطع عيشك هيبقى كتير ع حاجة ماتستهلش

-راضي: ربنا يكرمك يا بنتي ع اللي عملتيه معايا النهاردة ويبعد عنك ولاد الحرام

-يارا: اه يا عم راضي ادعيلي الله يخليك

توجهت يارا إلى داخل الفيلا وهي متألّمة من ذراعها الذي سقطت عليه ، ثم دافقت للمطبخ لتبحث عن ثلج لتضعه على ذراعها و...

-يارا في نفسها: آآآه ، الله يخربيتكم دراعي مش قادرة منه ، هحاول أحط عليه تلج يمكن يروق ، والله أنا جسمي بقى مكسر خالص ، أول يومين ليا في البيت ده وحصلت كل البلاوي دي ، او مال لو سبعت هنا ايه اللي هيحصل ، ربنا يستر ويعديها ع خير .. أحسن حاجة اعملها أطلع أقعد في اوضتي .. بس.. بس محدش لسه جاب النجار ! طب

هاعمل أنا ايه الوقتي؟؟ طبعاً لو طلبت من حد يساعدي يمكن أتفخ ولا حاجة ،
ممم.. الظاهر ان الليلة دي مش ناوية تعدي ع خير

.....

في أحد الكافيهات ،،،،

-باسل: والله يا أدهم

-أدهم بحددة: متحلفش بالله بس !

-باسل: انت مش مصدقني

-أدهم: لأ طبعاً!!! ، هو أنا مش عارفكم

-باسل: طب سكت ليه؟؟

-أدهم: مش عارف

-هيثم: بس يا ادهم احنا مكوناش نقصد نجى جمبها ، باسل كان مفكر ان دي البت اللي
كانت مضايقك فحب بس يرخم عليها

-أدهم: ترخم ع بنت عمي؟؟؟؟

-باسل وهو يقبل رأس أدهم : والله ما أعرف انها بنت عمك ، ويا عم متزعلش حقك
عليا

-هيثم: وبعدين ماهي لو كانت عاوزة تقول اننا عملنا فيها حاجة مكنتش هتسكت يعني

-أدهم : ما هو ده اللي أنا مستغربه

-باسل: فوضونا من السيرة دي ، وتعالوا نرقص شوية ، شايفيين المزز اللي هناك
دول

-هيثم: اوووبا دول يحلوا من ع حبل المشنقة

-باسل: يالا يا أدهم ، فكها بقى

-أدهم: اوك

.....

ظل خالد في غرفته يزفر في ضيق مما حدث ، هو يعلم أن يارا ليست من تلك الفتيات التي يفرضن أنفسهن على الرجال ، ولكن اثباتها لما حدث جعله يشعر بالحيرة والغضب و....

-خالد في نفسه: لأ مش معقول ، يارا مش كده ، مهما كان الست نجاته الله يرحمها كانت مربياها كويس ، بس هي قالت كده ليه ؟؟؟ أنا هتجنن من اللي حصل !! ليه عملتي كده يا يارا ؟؟؟ لبيبييه ؟؟؟

.....

في فيلا ناهد الرفاعي ،،

أوصل جاسر أخته إلى فيلتهم وظل طوال الطريق صامتاً ، وما إن وصل للفيلا حتى صعد إلى غرفته

-ناهد: مال أخوكي

-شاهي: معرفش يا مامي ، طول الطريق وهو لاوي بوزه كده

-ناهد: لاوي بوزه ، طب ليه ؟؟؟؟

-شاهي: مش عارفة ، بس عاوزة احكيلك ع حاجات كتير حصلت النهاردة عند أنطي فريدة

-ناهد: استر يا رب

-شاهي : في الأول يا مامي ح.....

.....

طرق جاسر باب غرفته بكل قوة ، خلع ملابسه وهو حائق من يارا و...

-جاسر لنفسه: ازاي تسمح لنفسها انها تهزر مع شباب بالشكل ده !! بس ..بس لأ هي
كان شكلها في الأول بيقول الحقيقة ، وبعدين غيرت كلامها ، في حاجة اكيبيد كانت
السبب في انها تغير كلامها ، وأنا مش هاسكت وهعرف ايه هي !!!!!

.....

عودة لفيلا رأفت الصياد مرة أخرى ،،،،

ظلت يارا تتجول في الحديقة وهي تنظر لغرف الفيلا محاولة أن تحدد مكان غرفتها من
أجل تنفيذ خطة ما دارت برأسها ،،،

-يارا: يا ترى الأوضة بتاعتي فين ؟؟؟ منك لله يا أدهم ، انت السبب في كل اللي حصل
، اوووف دارعي لسه واربم ، ربنا يجرب عليك البهدلة .. ممم طب أنا عاوزة اطلع
أوضتي ، المفروض لو هي هنا يبقى أنا أتشعبط من هنا .. أيوه أيوه ، أنا أطلع أطلب
عمر يساعدي

بالفعل سعدت يارا إلى غرفة عمر لتطلب منه أن يساعدها ، طرقت باب غرفته ولكنها
لم تجد منه أي اجابة و...

-يارا: (طق..طق..طق) ، عمر ، انت صاحي ؟؟؟

-يارا: عمر

فتحت يارا باب الغرفة لتجد أن عمر ليس بالداخل و..

-يارا في نفسها: راح فين ده ؟؟؟ أكيد زوج من البيت ده ، والله عنده حق ، ده انا كنت مستغربة انه ازاي واحد مراقب في سنه وأعد في البيت ، طب هاعمل انا ايه الوقتي ؟؟؟ مقدميش غير اني أقعد استناه تحت

.....

انتظرت يارا مجيء عمر في الحديقة وهي تشعر بالتعب والارهاق والملل والوحدة وفجأة لمحت شخصاً ما يتسلل لداخل الفيلا ..

-يارا بدهشة : مين ده اللي بينط السور هناك لأحسن يكون حرامي ، لالا مش معقول ، ده ..ده عمر !!!

-عمر : الحمد لله محدش خد باله

-يارا بصوت مرتفع : عمر

-عمر وهو يلتف حوله : مين هناك ؟

-يارا: انا ..

-عمر: انتي مين ؟؟

-يارا: هاكون مين يعني؟؟يارا

-عمر: الحمد لله ، افكرتك أمي

-يارا: يا ساتر يا رب ، وهو انا شبهها أوي كده

-عمر: لأ بعد الشر ، أمي مافيش منها اتنين

-يارا : اه ما انا عارفة

-عمر: طب انتي ايه اللي مسهرك كده ؟؟

-يارا: مستنياك

-عمر بفرحة : ايه ده بجد ؟؟

-يارا: اه ، اصل عاوزاك تساعدني في حاجة كده

-عمر : ايه هي

-يارا: بص اخوك قفل باب الأوضة بتاعتي وخذ المفتاح مني ومرضاش يدهولي

-عمر: رزل طول عمره

-يارا: المهم كان المفروض هيجي نجار بس حصلت مشكلة عطلت الدنيا

-عمر: مشكلة ايه ؟

-يارا : بعدين هاحكيلك ، المهم الوقتي أنا عاوزة أطلع أوضتي لأنني خلاص تعبت
ومش معقول هفضل أعدة كده في الجينة يا تحت

-عمر: تمام ، طيب ايه المطلوب مني

-يارا: أنا عاوزاك تساعدني أدخل أوضتي من بلكونة الأوضة اللي هناك دي

-عمر : نعم ؟؟؟ من فين ؟؟؟

-يارا وهي تشير لشرفة ما: البلكونة دي

-عمر: اكيد انتي بتهزري صح

-يارا: لأ طبعاً ، دي أقرب بلكونة لأوضتي أنا عاوزة اتشعبط منها وأمشي ع السور ده
وادخل أوضتي

-عمر: ده عبور خط بارليف أسهل

-يارا: ليه؟؟؟

-عمر: انتي عارفة الأول دي اوضة مين ؟

-يارا: هيكون مين يعني ؟؟؟

-عمر: أدهم !

-يارا: ميبين؟؟؟

-عمر: ها لسه مصممة ع فكرتك

-يارا: يادي الحظ

-عمر: بصي لو عاوزة نصيحتي ، باتي عندي في الأوضة اسهل من انك تخشي أوضة
أدهم

-يارا: أبات عندك ايه بس يا عمر

-عمر: طب هو أدهم فوق

-يارا: لأ بره

-عمر: ممم... طب احنا لو عملنا فكرتك دي ، تفتكري هتاخذ أد ايه في التنفيذ

-يارا: أعتقد من 5 لـ 10 دقائق

-عمر: ممكن نلحق لو انجزنا في السريع

-يارا: الله عليك يا عمورة

-عمر: خلينا نحتفل بالنصر لما توصلي أوضتك بالسلامة ، ولو ان قلبي مقبوض
وحاسس انها مش هاتعدي ع خير

-يارا: تفائلوا بالخير تجدوه

-عمر: مش في البيت ده يا يارا

-يارا: طب يالا بسرررررعة

بالفعل توجهت يارا مع عمر إلى غرفة أدهم و..

-عمر هامساً: بصي اياكي تلعب في أي حاجة ماشي

-يارا: هألعب في ايه ، أنا عاوزة أروح أوضتي ، ومقداميش غير اوضة أخوك عشان
أوصل منها لأوضتي

-عمر: بعيد عنك أدهم ده حنبلي في اللي يخصه

-يارا: اوك

-عمر: الحمد لله انه مش بيقل باب اوضته ، بس بصي احنا مش هنولع النور عشان منلفتش الانتباه

-يارا: هو احنا هنسرق بنك؟؟

-عمر: لأ!! أسوأ هندخل اوضته

-يارا: ربنا يستر

دلف عمر وخلفه يارا إلى غرفة أدهم ، ثم أغلقوا الباب بهدوء خلفهم

-عمر هامساً: البلكونة هناك اهي

-يارا: اوك

-عمر: عاوزين نطلع من هنا في الانجاز

-يارا: طيب

فتح عمر شبك الشرفة بهدوء وخرج ليتأكد من عدم وجود أي أحد يراقبهم و..

-عمر هامساً : الجو أمان

-يارا: اوك

-عمر: بصي أنا هجرب الأول قبلك ،وبعدين لو الدنيا ماشية تمام معايا ، تعالي ورايا ، متفقين؟؟؟

-يارا: تمام

-عمر: على بركة الله ، جيب العواقب سليمة يارب ، وابعد عنا عيون الناس

-يارا: بسرعة بقى يا عمر

....

في نفس الوقت تقريباً كان أدهم قد وصل بسيارته إلى الفيلا ، ثم قابل أدهم عم راضي حارس البوابة وهو يفتح الباب له فأخبره بـ...

-راضي: سعادت البيه ، يا سعادت البيه

-أدهم بقرف: خير يا عم راضي

-راضي: يا بيه أنا ..أنا كنت عاوز أقولك حاجة عشان أبقي برأت ذمتي من ذنب الست يارا

-أدهم: خلص وقول عاوز ايه ؟

-راضي: الست يارا مقالتش الحقيقة

-أدهم: تقصد ايه؟

-راضي: أصحاب سيادتك هما اللي بدأوا بمضايقتها

-أدهم : نعم

-راضي: انا كنت أعد وشايفهم وهما بيغلسوا عليها وحاولت أمنعهم بس اتعرضولي

-ادهم: طب وماقولتش ليه كده ؟؟

-راضي: كنت..كنت خايف يا أدهم بيه من الست فريدة هانم لأحسن تقطع عيشي ، لكن الست يارا الله يكرمها منعت ده

-ادهم وهو يفكر في كلام راضي: ممم..

-راضي: انا مش عاوزك تضايق مني يا ساعات البيه ، بس عشان محدش يظلم البنات الغلبنانة دي ، أنا قولت أعرفك وكده

-أدهم: ماشي

دلف أدهم للفيل بسيارته ليركنها، ثم جلس في السيارة قليلاً وهي مطفأة الأنوار ليفكر فيما قاله راضي له ، وبينما جالس بهدوء لمح أخيه الأصغر عمر وهو يقف في شرفة غرفته و...

-أدهم : الله ! مش ده الزفت عمر بيعمل ايه الواد ده في أوضتي السعادي؟؟ كام مرة نبهت عليه ميدخلش اوضتي وأنا مش فيها ، وبرضوه بيعمل اللي في دماغه ، نهاره مش فالأيت ..!!!!

الحلقة السادسة عشر :

وصل أدهم بسيارته إلى الفيلا ، ركن أدهم السيارة بهدوء وجلس بها ليفكر فيما قاله راضي له ، ثم لمح أخيه الأصغر عمر وهو يقف في شرفته و...

-أدهم : الله ! مش ده الزفت عمر بيعمل ايه الواد ده في أوضتي السعادي؟؟ كام مرة نبهت عليه ميدخلش اوضتي وأنا مش فيها ، وبرضوه بيعمل اللي في دماغه ، نهاره مش فالأيت !

ترجل أدهم من سيارته ، وتوجه نحو الفيلا ليصعد إلى غرفته ، وفي نفس الوقت كان عمر يتسلق الشرفة ويسير على السور الخارجي الرفيع ممسكاً بالحائط لكي يصل إلى غرفة يارا ، وكانت يارا تنتظره في شرفة أدهم بعد أن وارتب بابها قليلاً و...

-يارا هامسة: خد بالك يا عمر ، حاسب يا عمر ، اوعى تقع يا عمر

-عمر: ابوس ايدك ماتوترنيش ، أنا ماشي فل الحمد لله لحد الوقتي

-يارا: طب خلي بالك أكثر

-عمر: ماشي ، يا قوي يا رب

لم ترد يارا على أدهم وإنما حاولت أن تتسلق السور الرفيع بسرعة ، فكادت أن تفلت
قدمها ، ولكن كان ادهم الأسرع إليها ...

-أدهم وهو ممسك بذراعها: انتي رايحة فين؟؟

-يارا: اوعى

-أدهم: مش سايبك ! انتي كنتي بتعملي ايه مع الزفت ده في أوضتي؟؟

-يارا: آآآ.. سيبنى

-عمر وهو يضع يده على رأسه : روحنا في داهية

-أدهم : ردي عليا بتعملي ايه هنا

-يارا: مش بعمل حاجة ، أنا كنت رايحة أوضتي

-ادهم: من هنا؟؟؟

-يارا: اه ، مش انت السبب في اللي حصلني ولا نسيت

-أدهم: تقومي تنطي من البلكونة

-يارا: والله ده الطريق اللي لاقيته سالك لأوضتي

-أدهم: اوعى تكوني مفكرة اني هاسمحك تعملي ده

-يارا: قصدك ايه؟؟

-عمر بصوت مرتفع: سيبيها يا أدهم ، دي غلبانة !!

-ادهم لعمر: طب انت اهبل وعادي بالنسبالك تنط من ع السور ، تتشعبط ع شجرة زي

القرد ، تمشي ع الحبل ، لكن هي بنت تفتكر هتعرف تعمل زيك؟؟

-عمر: هي اللي قالتلي أعمل كده وأنا مش هاكسفها طبعاً لما تطلب مني حاجة.

-ادهم: وانت زي الأهبل بتنفذ ع طول ، طب استنى أما تقع تحت ايدي

-يارا: اخوك مالوش ذنب على فكرة ، انا اللي قولتله أعمل كده

-أدهم: وهو ما يصدق طبعاً

-يارا: يوووه ، بقولك ايه سييب ايدي بقى خليني اكمل لأوضتي

-أدهم: مش هايجصل ومش هتعدى من هنا

-يارا: وانت مالك انت باللي بعمله

-أدهم وهو يجذبها للداخل : لأ مالي ونص ، تعالي يالا ، انتي عاوزة تقعي وألبس أنا مصيبة

-يارا: قول كده بقى ، خايف ع نفسك ، اوعى !!!

حاول أدهم أن يجذب يارا لداخل الشرفة مرة أخرى ولكنها كانت تقاومه بشدة ، ففلت قدميها وكادت أن تسقط من الشرفة ولكن أمسكها أدهم من ذراعها بقوة وحاول ألا يفلتها من يده

-عمر بفرع: يااااااا حاسبي

-يارا وهي تنظر لأسفل: يااللهوي

-أدهم وهو ممسك بها: متتحركيش كتير

-يارا برعب: اوعى تسيبني ، انا هـ.. هاقع

-أدهم: متخافيش

-عمر: امسكها كويس يا أدهم ، أنا جايلك

-أدهم: يا عم استنى انت الثاني ، هو أنا هحوش مين ولا مين

حاول أدهم رفع يارا بكل ما لديه من قوة ، بينما تمسكت هي به حتى لا تفلت منه وتسقط ، وبدأ عمر في التحرك على السور الرفيع تجاه يارا و..

-يارا بخوف: ماتسبنيش ، ماتسبنيش

فقدت يارا وعيها وتمددت على الأرض فأسرع إليها عمر وحاول افاقتها ، وبالتالي استطاع أدهم أن يفتح الباب بسهولة ، ولكنه تفاجيء بيارا على الأرض و...

-أدهم: كنتوا مفكرين انكوا هتهرب... ، ايبيه ده مال يارا؟؟

-عمر بقلق : مش عارف ، يااارا ، يااارا

-أدهم وهو واقف في مكانه : ياااارا ، ياااارا

-عمر: يارا سمعاني؟؟

-أدهم: أكيد دي تمثيلية جديدة من بتوكم

-عمر: تمثيلية ايه السعادي

-أدهم: تمثيلية فكسانة عشان تفلتوا باللي عملتوه

-عمر: انت معندكش دم

-أدهم: طب تحب أثبتلك انها كدابة

-عمر: يااارا .. ياااارا

بحث أدهم بعينه عن أي زجاجة مياه بالغرفة ليلقي بالمياه على وجه يارا و..

-أدهم: هتصدق الوقتي أنها كدابة

-عمر: انت هتعمل ايبيه؟؟

ألقى ادهم الماء على وجه يارا التي بدأت تفيق و..

-ادهم: شوفت

-يارا: آآه

-عمر: يارا انتي كويسة ؟

-يارا: آآ..ايه اللي حصل

-أدهم : خلاص مش هاجي جمبكم ، كفاية عليكو بهدلة النهاردة

-عمر وهو يحاول مساعدة يارا على النهوض : اسندي عليا

-يارا وهي تستند عليه : أها ، طيب

-أدهم: وع العموم انا هاجيبك مفتاح أوضتك ، ميرضنيش انك تفضلي صاحبة كده

-يارا: اها..

-عمر: تحبي أجيبك حاجة ؟

-يارا: لأ شكراً ، أنا.. انا هبقى كويسة

-عمر: طب أنا هوصلك لأوضتك

-يارا: لأ أنا هنزل أجيبلي حاجة مسكرة تفوقتي من تحت و..هطلع تاني

-عمر: طيب أنا هاجيبك المفتاح من أدهم

-يارا: اوك

.....

استيقظ خالد من نومه وهو يشعر بالعطش الشديد ، بحث عن المياه بغرفته ولكنه لم يجده ، فقرر أن ينزل إلى المطبخ ليحضر مشروباً بارداً ..

خرج خالد من غرفته ليجد ادهم مع عمر يتحدثان حول مفتاح ما ، فلم يعبأ بهما ثم لمح يارا وهي تتجه ناحية السلم ويبدو عليها أنها تترنح في مشيتها فاستغرب و..

-خالد في نفسه : مالها دي ، مش ماشية عدل كده ليه؟؟ وأنا مالي ، خليني أجيب العصير وأطلع اكمل نوم ، انا ورايا شغل أد كده

-يارا في نفسها: آآه ، دماغي ثقيلة مش قادرة منها

مر خالد بجوار يارا فلاحظ أن الارهاق يبدو جلياً عليها ، تردد في سؤالها ولكنه رغم هذا سألها و

-خالد بتردد: يارا ، انتي .. انتي كويسة؟؟

-يارا: هه

-خالد: آآ.. بصي لو .. فيكي حاجة قوليلي

-يارا: آآ.. أنا كـ.كويسة

-خالد: طيب

أسرع خالد الخطى ناحية السلم ، وكانت يارا خلفه تمشي بعدم اتزان ، التفت خالد لينظر إليها فوجدها تمسك برأسها وفجأة

-خالد بفزع: حاسبي يا يارارارار ، خدي بالك

-يارا: آآآآه

فقدت يارا وعيها ، فأمسك خالد بها قبل أن تسقط ، حاول أن يهز رأسها ولكنها لم تجبه ، ووجد أن حرارتها مرتفعة و..

-خالد بصوت مرتفع : يارا ، يارارار .. سمعاني

انتبه أدهم وعمر لصوت خالد فأسرعا إليه و...

-عمر: عيني عليكي يا يارا ، فطستي من أول محاولة

-خالد: ايه الكلام الغريب اللي بتقوله ده

-عمر: ايه بندب حظ البونية

-خالد: اسكت دلوقتي

-عمر: انتو كلكووا بتيجوا عليا كده ليه؟؟ او مال لو ماكونتش اخر العنقود

-أدهم: أنا طلبت الدكتور وهو جاي في الطريق

-خالد: طب نصحي ماما عشان تبقى معاها والدكتور بيكشف عليها؟؟؟

-عمر: لألألأ.. انت عايزها تقوله يديها حقنة هوا يخلص عليها ، قول كلام غير ده

-أدهم: أنا هاقعد معاها

-خالد: لأ يا حلو ، دي مش واحدة من اياهم هاااا ، فاهمني طبعاً؟؟؟

-عمر: طب هانعمل ايه الوقتي؟؟؟

-أدهم: أطلب شاهي ؟

-خالد: شاهي مين دي اللي تجيبها الوقتي ؟ انت معندكش عقل ولا تقدير للموقف !!

-عمر مضيفاً : شاهي أصلاً مش بتطبق روحها هتطبق تقعد مع يارا

-أدهم: خلاص شوفلنا أي ست في ام البيت ده تقعد معاها

-خالد: احنا نسينا صباح

-عمر : صباح !!!

-خالد : ايوه ، احنا نطلب منها تقعد مع يارا

-أدهم: صح

-عمر: انا هنزل أجيبها

-أدهم: استنى ياى أنا هاروح اجيبها ، وانت اتنيل اترزع تحت عند عم راضى ،
استنى الدكتور ولما يجي هاته من ايده لفوق ، مش عاوزين حد يحس بحاجة ، فالاهم
؟

-عمر : حاضر

-خالد: ايوه ، لأحسن هيتفتح تحقيق للصبح ومش هنخلص

-أدهم : بالظبط

-خالد: بس متنساش يا أدهم احنا لينا كلام سوا مع بعض

-أدهم وهو يسرع الخطى : طيب ، بعدين

وبالفعل ذهب أدهم لاحضار صباح من سكن الخدم المجاور للفيلا ، بينما انتظر عمر
الطبيب بجوار البوابة .

حضر الطبيب وكشف على يارا بحضور صباح ثم خرج ليخبر الشباب بـ...

-خالد: خير يا دكتور عندها ايه ؟؟؟

-الطبيب: برد وحمى

-خالد: برد وحمى ؟؟ وده جالها من ايه ؟؟؟

-عمر: اووبا !

-الطبيب: البرد بييجي من اي حاجة ، ممكن يكون من عدوى من حد مريض ، التواجد
في مكان سخن وبعده مباشرة مكان بارد، أو من لبس هدوم مبلولة لمدة طويلة وطبعاً
ده مع الوقت بيسبب حدوث سخونية وارتفاع تدريجي في حرارة الجسم وبيتطور
لحمى

-أدهم: هدوم مبلولة !!!!

-الطبيب: ايوه ، تأثيرها بيكون قوي خصوصاً انها بتأثر ع حرارة الجسم

-أدهم: اها

-خالد: طب هي هتبقى كويسة؟؟؟

-الطبيب: ان شاء الله ، انا كتبتلها ع دوا وخافض للحرارة في الروشتة دي ، ومع الكمادات ان شاء الله الحرارة تنزل وتستقر

-خالد: تمام يا دكتور ، أنا هنزل أجيب الدوا بسرعة

-الطبيب: مواعيد الدوا هتلاقوها مكتوبة في الروشتة

-خالد: اوك

-عمر: ينفع أدخل اشوفها

-الطبيب: اه عادي ، بس متنسوش الدوا والكمادات عشان الحرارة ، ولو منزلتتش للصبحية كلموني فوراً

-خالد: تمام يا دكتور

.....

انصرف خالد مع الطبيب ليحضر الدواء ليارا ، بينما دلف كلاً من عمر وادهم لداخل غرفة أدهم و...

-أدهم: معلىش يا صباح تعبناكي معانا

-صباح وهي تضع فوطة مبلولة ع رأسها : متقولش كده يا أدهم بيه ، ده الست يارا طيبة وبنت حلال وزى بنتي بالظبط

-عمر: انت بتعمليلها ايه يا صباح ؟

-صباح: كمادات مياه عشان تنزل حرارتها

-عمر: اها ، يعني دي ممكن تفيدها؟؟

-صباح: طبعااااا .. ملاقيش عندكو بطاطين زيادة كده نغطيها بيها

-أدهم: ليه؟؟

-صباح: عشان أدفيها كويس فتعرق ، فتصبح الصباحية بخير

-عمر: أها عاوزة تعمليلها ساونا

-صباح: بالظبط كده

-عمر: انا عندي واحدة في اوضتي جوا في الدولاب ، لحظة وهاجيبهاك

-صباح: ربنا يكرمك يا بني

-أدهم: وأنا عندي واحدة هنا برضوه ، خدي أهي

-صباح: شكراً يا أدهم بيه ، أنا هنزل أعملها شوية شوربة سخنين يطلعوا البرد اللي

فيها وراجعة على طول

-أدهم: طيب

-صباح: خد بالك منها لحد ما أرجع

-أدهم : اوك

نزلت صباح إلى المطبخ لتعد شوربة ساخنة ليارا ، بينما جلس أدهم بجوار يارا ، نظر إليها وهي نائمة ثم نظر للطبق الموضوع به الماء وقرر أن يقوم بعمل كمادات ماء لها
و...

-أدهم وهو يضع الفوطة فوق رأسها : يالا أهوو كله بثوابه

-يارا وهي ترتعش: بررررررر

-أدهم: بتقولي ايه

-يارا: برررررر

-أدهم:أنا مش فاهم حاجة

-عمر من الخارج : غطي معايا يا أدهم

-أدهم: هات ، ايه البطانية الثقيلة دي ؟

-عمر: اللي لاقيتها موجودة عندي ، وفي لحاف فايبر كمان

-أدهم: ده كده هتموت فطسانة من الحر

-عمر: ماهي صباح قالت لازم تعرق عشان تخف

-أدهم: قالت تعرق مش تفسد م الحر

-عمر: غطي غطي بس وملكش دعوة

قام عمر وأدهم بتغطية يارا ببطانتين ولحافين و...

-أدهم: انا عندي فكرة حلوة

-عمر: فكرة ايه ؟

-أدهم: عشان نضمن ان البطاطين هتجيب مفعولها احنا نربطهم بالسريير

-عمر: مش فاهم

-أدهم: يعني نجيب حبال ونربط البطاطين في السريير

-عمر بدهشة : ابييييه ???

-أدهم: تعالى معايا كده أما نجيب الحبال من الـ store

-عمر: بس يا أدهم آآآآ...

نزل أدهم وعمر إلى المخزن الموجود بجوار جراج الفيلا ، بينما سعدت صباح إلى غرفة ادهم لتطعم يارا ، ولكنها تفاجئت بأن يارا قد أزاحت الأغطية عنها ، وتتحرك بطريقة لا إرادية على الفراش و...

-يارا متألمة : آآآه ، مش قادرة ، عضمي ، آآآآه ، الحقيني يا نوجة ، بموت

-صباح: اهدي يا بنتي

-يارا وهي تدفع صباح : آآآه ، انتي مين ، ابعدني عني

-صباح: لا حول ولا قوة إلا بالله

-يارا: استني يا نوجة أنا جاية معاك

.....

عاد خالد من الخارج ومعه الدواء وصعد لغرفة أدهم ليجد صباح تعاني مع يارا و..

-خالد: في ايه يا صباح ؟؟

-صباح: الحقني يا خالد بيه ، يارا بتخطف و عمالة تضرب فيا

-خالد: حاسبي يا صباح أنا همسكها

-صباح : ربنا يكرمك يا بني

حاول خالد تثبيت يارا ومنعها من الحركة على الفراش ولكنها كانت تقاومه بشدة، وفي نفس الوقت صعد أدهم ومعه عمر للغرفة ...

-أدهم بدهشة : اييه اللي بيحصل هنا ؟؟؟؟؟

-خالد: ايدك معايا يا أدهم بسرعة

-عمر: ايه ده ؟؟ انت ماسك يارا ليه كده ، استغفر الله العظيم يا رب هو احنا فينا من الحاجات دي

-خالد: لم نفسك يا عمر بدل ما أجي أوريك شغلك

-عمر: حاضر هاسكت

-أدهم: انت بتعمل ايه ؟

-خالد: الظاهر ان الحمى ماثرة ع يارا جامد فعمالة ترفس وتهلوس بكلام غريب كده !

-يارا بصريخ: ابدووووا عني ، الحقيني يا نوووجة ، هياخدوني منك ، ماتسبنيش
معاهم .. خديني معاكي

-صباح بدموع: يا حبيبيتي يا بنتي ، كان مستخبيلك ده فين بس !

-أدهم لعمر : اقل باب الأوضة بسرعة لأحسن أمك تسمع اللي بيحصل وتطب علينا
وتعملها قضية ع آخر الليل

-عمر وهو يغلق الباب : حاضر ، وبالمره عشان الجريمة تبقى بالدليل القاطع ، فتاة
مع أبناء عمها الثلاثة في فراش واحد

-خالد: سكت الواد ده يا أدهم بدل ما أعلقه في السقف

-عمر: اعتبروني invisible (غير مرئي)

-صباح: بالراحة عليها يا بني

-خالد: امسك رجلها

-أدهم: طيب

-خبطت يارا ادهم بقدمها في وجهه ، فتألم بشدة ، ورغم هذا حاول تثبتت قدميها و..

-أدهم متألما: عيني !! أه يا عيني

-خالد: انشف شوية

-أدهم وهو يثبت قدمي يارا: أنشف ايه بس ، دي كانت هتطيرلي عيني

-خالد: ايه اللي في ايد عمر ده ؟

-عمر: دول حبال كنا جايينها عشان نربط البطاطين

-خالد: طب هاتهم بسرعة

-عمر: ليه؟؟ دول بتوع البطاطين

-خالد: وله !!! اسمع اللي بقولك عليه

--عمر : حاضر

-خالد: بص انت تربط طرف الحبل هنا ، والطرف الثاني من هنا

-عمر: أها ، طب ليه ؟

-خالد: اللهم طولك يا روح

-أدهم: عمر امسك رجلها وأنا اللي هربط الحبل

-عمر: اخيرااااااا هاخذ فرصتي

ترك أدهم قدمي يارا ، بينما حاول عمر أن يثبتها ولكنه قد أخذ لكمتين في وجهه
بقدمها و...

-عمر: آآآآآآي .. ااه ، حاسبي يا يارا ، وشي اتشلفط

-صباح: مغلش يا عمر استحمل

-عمر: احنا متفقناش ع كده

-أدهم: أنا ربطت الطرف ده ، حاسب كده يا خالد

-خالد: استنى أنا هطلع من فوقها

-أدهم بضيق : مش لازم يعني تطلع من فوقها ، اتاخر شوية والحتة هتقضي

-خالد: يا عم هو أنا هاحب فيها

-أدهم: برضوه

بالفعل استطاع أدهم ربط الحبال وتثبيت يارا في الفراش ، ثم وضعت صباح الأغذية
فوقها وأعطتها الدواء ، وجلس الشباب الثلاثة على الأرض و...

-عمر وهو يسند رأسه على خالد : الحمدلله ، المهمة تمت بنجاح

-خالد: اووف ، الواحد تعب جامد

-أدهم: أنا حاسس اني اتكسرت

-خالد: ربنا يسهل وتصبح الصبحية كويسة وبخير

-أدهم: والله لو فضلت ع حالتها دي هنسيبها متكفتة كده

-خالد: ده وضع مؤقت لحد ما أثار الحمى والهلوسة تروح

-أدهم: أها

-خالد: يالا بينا بقى نسيبها ترتاح ونقوم احنا كمان

-ادهم : ايوه ، بس أنا هنام فين؟؟

-خالد: اكيد يعني مش معاها ، أقولك روح نام جمب عمر !

-ادهم: نعم ، عمر مين ده اللي أنام جمبه !!!

نظر خالد إلى عمر فوجده قد غفا على كتفه فأوقظه و...

-خالد: ده عمر سلم نمر ونام ، اصحى يا بني ، قوم نام في أوضتك

-عمر بخضة: هاااا ، ميبين ، فين ، أنا صاحي Zzzzzzz

-أدهم: انت عاوزني أنام جمب ده ، لأ يارا أرحم طبعاً

-خالد: ادهم ! اللي في دماغك مش هايحصل ، يارا هتبات هنا ، وانت هتنام مع عمر

-صباح من خلفهم: قوموا انتو يا بهوات وأنا هفضل معاها للصبح

-خالد: ماشي يا صباح خدي بالك منها

-صباح: دي في عينيا

-أدهم: طب يالا يا عم الحنين

-خالد: يالا يا عمر

-عمر وهو ناعس : ايوه ، انا صاحي اهوو

-خالد: استلم أخوك وهابي دريمز

-أدهم بقرف: قول كوابيس سعيدة !!!!

ذهب أدهم مع عمر إلى غرفة عمر لينام بها ، وذهب خالد إلى غرفته لينام: بينما ظلت صباح بجوار يارا وغفت بجوارها إلى أن أشرقت الشمس ، فاستيقظت واطمأنت عليها ، وتركتها ونزلت إلى الأسفل لتبدأ عملها في الفيلا ...

-صباح: الحمد لله الحرارة نزلت ، ربنا يشفيكي يا بنتي ويبعد عنك أي سوء ، أما أروح أنا أشوف اللي ورايا قبل ما تصحى اللي ما تتسمى وتسمعي كلمتين مالهومش لازمة

.....

على غير عاداتها استيقظت فريدة مبكراً ..

-فريدة في نفسها: كل ما أصحى وافتكر ان بنت الشغالة دي أعدة معايا أحس اني عاوزة أخنقها بايدي ولا أولع فيها ، لازم أفكر في حل أطردها بيه من هنا في أسرع وقت ، يا ترى الناس هتقول عليا ايه لما أروح النادي النهاردة ، اوووف ، ربنا يستر ، أنا لازم أقول لأدهم يساعديني في ده ، مش لازم تستنى اكثر من كده هنا ، أحسن حاجة أعملها أروح أكلمه قبل ما يصحى رأفت واتلبخ معاه وخصوصا انه أعد النهاردة في البيت ، فطبعاً هيحاميلها ويجي في صفها !!!

ارتدت فريدة ملابسها بسرعة وتوجهت إلى غرفة ادهم و.....

!!!!

.....

الحلقة السابعة عشر :

على غير عاداتها استيقظت فريدة مبكراً و..

-فريدة في نفسها: كل ما أصحى وافكر ان بنت الشغالة دي أعدة معايا أحس اني
عاوزة أخنقها بايدي ولا أولع فيها ، لازم أفكر في حل أطردها بيه من هنا في أسرع
وقت ، يا ترى الناس هتقول عليا ايه لما أروح النادي النهاردة ، اوووف ، ربنا يستر ،
أنا لازم أقول لأدهم يساعدي في ده ، مش لازم تستنى اكتر من كده هنا ، أحسن حاجة
أعملها أروح أكلمه قبل ما يصحى رأفت واتلبخ معاه وخصوصا انه أعد النهاردة في
البيت ، فطبعاً هيحاميلها ويجي في صفها !!!

ارتدت فريدة ملابسها بسرعة وتوجهت إلى غرفة ادهم ، وفي نفس الوقت كان أدهم
يحاول ان ينام في فراش عمر ولكنه للأسف قضى ليلة لا يُحسد عليها و...

-أدهم وهو يدفع عمر: اتاخر بقى ، أخذ السرير كله

-عمر وهو ناعس: سييني أنام بقى يا أدهم ، ياخي ده انت زهقتني ، طول الليل مش
عارف أنام منك

-أدهم: أنا اللي زهقتك ولا انت اللي بيشخيرك خربت ودني .. ابيبيه كأن بقالك سنة
مانتمش

-عمر: أحسدونا بقى ع النومه اللي بنامها

-أدهم: ربنا يجعلها آخر مرة أنام فيها جمبك

-عمر: يكون أحسن برضوه ، حتى عشان أخذ راحتني في فرشتي

-أدهم: مش عارف

-عمر: يا وقعتنا السوداء لو فريدة هانم شافت شكلنا ده

-أدهم: أها

-عمر: أحسن حاجة نسأل يارا ان كان عندها ميك اب نحطه ع البتوع دول نداريهم

-أدهم: بقى ع آخر الزمن أدهم الصياد يحط ميك أب ع وشه!!!!

-عمر: والنبي بلاش فشخرة دلوقتي !

-أدهم : طب روح شوفلنا الفطار لحد ما أفكر في حل

-عمر: ماشي ، بس أمانة عليك يا شيخ تشوف الحل بسرعة قبل الحاجة ما تصحى

-أدهم: ربنا يسهل

فتح عمر باب غرفته ليتفاجيء بوجود فريدة هانم في الخارج وتتجه لغرفة أدهم ، فأغلق الباب بسرعة ووقف ينظر لأدهم في دهشة وذهول و...

-أدهم: ايه مالك مروحتش ليه ???

-عمر برعب: ب...ب.. في .. آآآ

-أدهم: مالك ?? انت اتشليت ولا ايه ؟؟؟؟

-عمر: م..ما..

-أدهم: انت هتهته كثير ، ماتقول في ايه

-عمر: ماما برا

-أدهم: ماما !! طب ما عادي ، فيها ايه يعني

-عمر: حاجة بسيطة بس ، هي رايحة أوضتك

-أدهم بخضة: نعم ؟؟؟؟

-عمر: زي مابقولك كده

-أدهم: دي مصيبة

-عمر: مصيبة كلمة قليلة عشان توصف اللي بيحصل

-أدهم: طب والعمل؟؟

-عمر: انت بتسألني أنا؟؟ مش انت الكبير اتصرف بقى يا كبير

-أدهم: أعمل ايه الوقتي؟؟؟

-عمر وهو يخبط كفاً على كف : العمل عمل ربنا بقى ، قادر ع كل شيء

-أدهم: لازم أروحها فوراً

.....

عند غرفة أدهم ،،،،،

توجهت فريدة الرفاعي إلى غرفة أدهم وفتحت الباب لتدلف إلى الداخل وتتفاجيء بوجود يارا و...

-فريدة : أدهومة حبيبي معلش عاوزاك تصحى كده و.. آآآآ

-يارا وقد بدأت تفيق: هه

-فريدة بدهشة وصدمة كبيرة : ايبويه ده انتي؟؟؟ لا مش ممكن

-يارا: هه في ايه؟؟ أنا فين

-فريدة بصوت عالي : بتعملي ايه هنا في اوضة ابني؟؟؟

-يارا: مين؟؟

-فريدة: ايوه ايوه اعلمي مستعبطة ، بقولك بتعملي ايه في اوضة ادهم ابني؟؟؟؟

-يارا والصدمة تملو وجهها : أدهم!!!!

-فريدة: ايه لعبة قدرة جديدة قولتي تلعبها على ابني؟؟؟

-يارا وهي تهز رأسها بالنفي : أبداااا والله ، أنا..أنا آآآ

-فريدة مقاطعة: دوريلك على كذبة جديدة يا سافلة

-يارا: لألأ ، أنا مش سافلة ، اقسم بالله ما عملت حاجة

-فريدة: اومال جيتي هنا ازاي ؟؟؟؟ ايبيه بتمشي وانتي نائمة؟؟؟

-يارا وقد حاولت التحرك : آآآ..م.مش عارفة

-فريدة: مش عارفة ايه ؟؟ هي حصلت تيجي أوضة ابني يا بنت الخدامين عشان

آآآ...

-يارا مقطاعة ببكاء : والله أبداً .. أنا ..أنا معرفش ايه اللي جابني هنا

-فريدة: قومي اقلي وانتي بتكلميني يا زبالة يا قدرة

-يارا وهي تحاول التحرك : آآآ... مش عارفة .. آآآ..أتحرك

-فريدة: أه طبعاً هتقومي ازاي وانتي بايتة في حضن ابني طول الليل ومسلمة نفسك يا

رخيصة ، بقى ده اللي اتربيتي عليه؟؟؟ ده اللي اتعلمتية ، بس العتب مش على ابني ،

العتب عليكى انتي اللي بترمي شباكك عليه الغلبان ده

-يارا: أنا مظلومة ، والله ما أعرف ايه اللي حصل ، أنا..أنا آآآآ

-فريدة: اخررررررسي يا حقيرة ، هبلة أنا عشان أصدق اللي بتقوليه ده

-يارا ببكاء : والله ما بكذب ، أنا معرفش ايه اللي جابني هنا

-أدهم مقاطعاً من الخلف : أنا اللي جبتها هنا

-فريدة وهي تلتفت إليه : بتقول ايه؟؟

-أدهم: زي ما سمعتي يا فيروو ، أنا اللي جبتها هنا

-يارا ببكاء : هه ، اهيء ...

-فريدة: ايه اللي بتقوله ده يا أدهم ؟؟؟ انت بتحاول تداري على عملتها السوداء ، لأ متخافش منها وقولي الزفتة دي غوتك ؟؟

-يارا: انا معملتش حاجة

-أدهم: وهداري ليه يا ماما

-فريدة: متخافش يا حبيبي منها ، أنا هفضحها قصاد الدنيا كلها و...

-أدهم مقاطعاً: ماما أنا بقولك يارا مالهاش دعوة ، هي تعبت امبارح جامد وأنا جبتها الأوضة عندي وروحت نمت مع عمر

-فريدة: استحالة أصدق الهيل اللي بتقوله ده

-يارا: اقسم بالله أنا بريئة

-أدهم: خلاص طالما مش مصدقاني ، أنا مستعد أصلح اللي حصل ده وأتجوزها

-يارا : ابييييييييييه ؟؟؟

-فريدة: نعم ؟؟؟؟

-أدهم: زي ما حضرتك سمعتي يا فيرووو ، طالما مش مصدقاني ، خلاص أنا هتجوزها

-يارا: لألألأ

-فريدة: مش هيحصل حتى لو غلطان ، مش هيحصل انك تتجوز البت دي

-أدهم: ماهو انتي مش مصدقة كلامي ، فأنا عاوز أريحك

-فريدة: لأ يا أدهم ، متعملش كده ، ، انت عاوز تنرفزني

-أدهم: يا ماما أنا بقولك الحقيقة ، يارا تعبت بالليل ، خالد جبها ع اوضتي وطلبنا الدكتور وقال عندها حمى ، خدت الدواء وروحت نمت مع عمر

-فريدة: انت بتقول كده عشان آآآ...

-أدهم مقاطعاً: ماما أنا مش محتاج أبرر حاجة ، بس بقولك أهو لو مش مصدقاني أنا هتجوزها

-فريدة بلهفة : لألألألأ... أنا..أنا مضطرية اصدقك

-أدهم مكملاً : وبعدين انتي لما دخلتي الأوضة لاقتيني جاي منين ؟؟

-فريدة: من برا

-أدهم: حلو اوي ، يعني ازاي هاكون بايت معاها هنا في الأوضة وع سرير واحد وجاي من برا

-فريدة: ماهو جايز تكون آآ...

-أدهم مقاطعاً: وبعدين بصي كويس يا فيروو ، في واحد هينام مع واحدة ولا مؤاخذة يعني هحتاجوا الكم ده كله من البطاطين في عز الحر

-فريدة: اه صح

-أدهم: واستني كمان

ذهب أدهم ناحية الفراش ونزع الأغطية عن يارا ، فتفاجئت فريدة بأن يارا مقيدة في الفراش و...

-أدهم: بصي يا فيرووو

-فريدة بدهشة: ابييه ده ؟؟

-يارا وهي تحاول التحرك : ايه اللي انت عامله فيا ده ؟؟

-أدهم: انا وخالد كتفناها امبارح عشان كان عندها حمى وتقدري تسألني دكتور العيلة

-يارا: فكيني لو سمحت

-أدهم: عندك خالد تقدري تسألينه ، وعمر الفرقة لوز تقدري تسألينه برضوه ، ولو مش مصدقاني أنا مستعد أتجوزها واتستر عليها

-عمر: (طق...طق...طق) الله يكرمك مش وقت طناش ، البت هاتروح في شربة مياه لو ملحقتهاش

-عمر في نفسه : أنا مش عارف هو بيعمل ايه جوا ، نايم على ودانه ولا مطنش ولا ايه بالظبط ، ده لو كان قتيل كان زمانته صحي من كتر الخبط

خرج خالد من الحمام على أثر صراخ عمر ، ففتح له باب الغرفة و...

-خالد: فيه ابييه ع الصبح ؟؟

-عمر: في نصيبة كبيرة ، أمك عند أدهم في الأوضة

-خالد: ادهم !!!!

-عمر: ايوه ، ويارا مشرفة هناك من بالليل ، انت ناسي ولا ايه

-خالد: اووووباللا ، ده امك ما تصدق تلبس الغلبانة دي مصيبة

-عمر: ايوه أقللها قضية دعارة ويمكن تطلبها بوليس الآداب !!!

-خالد: اخرررس ، مش هيحصل اي حاجة من دي ، اسبقتي انت ع الأوضة ، وأنا

هلبسوجاي وراك

-عمر : طب بسرعة الله يكرمك

-خالد: ماشي ..ماشي

.....

في غرفة أدهم ،،،،،

-يارا: أنا مكونتش في وعيي ومعرفش اللي حصل

-فريدة: ابني خلاكي تفلتي بعملتك القدرة

-أدهم: ماماااا ، من فضلك بلاش الكلام ده

-فريدة: بطل تدافع عنها ، أنا عارفة انك ملكش دعوة ، هي اللي بتحاول تلعب عليك
و...

-أدهم: تلعب عليا ايه بس ، عيل صغير أنا عشان أبقى شخشيخة في أيد اي واحدة ،
انتي ناسية يا ماما اني أنا أدهم الصياد

-فريدة: لأ مش ناسية ، وفي نفس الوقت عارفة ان البت دي تربية خدامين ، يعني
تبيع نفسها بالرخيص عشان توصل

-يارا: حرام عليك

-أدهم: ماما لو فضلتي تقولي كده ، أنا هعقد عليها وأتجوزها وقتي !!!

-فريدة بضيق: اووف

-أدهم: روعي الوقتي على اوضتك يا ماما وكلمي نوم

-فريدة ليارا : حسابك لسه مخلصش معايا يا ..يا بنت الخدامين !!!!!!!!

خرجت فريدة من الغرفة وهي تزفر في ضيق ، بينما ظل أدهم ينظر إلى يارا الباكية
و...

-أدهم: شوفتي أنا مرضتتش أسكت اهو ، ودافعت عنك

-يارا: انت عملت فيا كده ليه؟؟

-أدهم: انا عملت فيكي خدمة

-يارا بضيق: خدمة ايه دي ، ده انت وديتني في داهية

-أدهم: الله ، يعني مش عاجبك؟

-يارا: حرام عليك ، انت بوظت سمعتي ع الفاضي

-أدهم بخبث : ولا باظت ولا حاجة ، وبعدين اللي باظ ممكن يتصلح !

-يارا: فكني لو سمحت

-أدهم: تؤ مش الوقتي

-يارا: لبيبييه؟؟

-ادهم: أما يجيلي مزاج ، وبعدين انتي منورة الأوضة بتاعتي كده ، وأنا بصراحة بقى
عجبتني فكرة أصلح اللي ... اللي باظ!!!!

.....

الحلقة الثامنة عشر :

ظل أدهم ينظر إلى يارا الباكية و...

-يارا: حرام عليك ، انت بوظت سمعتي ع الفاضي

-ادهم بخبث : ولا باظت ولا حاجة ، وبعدين اللي باظ ممكن يتصلح !

-يارا: فكني لو سمحت

-أدهم: تؤ مش الوقتي

-يارا: لبيبييه؟؟

-ادهم: أما يجيلي مزاج ، وبعدين انتي منورة الأوضة بتاعتي كده ، وأنا بصراحة بقى
عجبتني فكرة أصلح اللي ... اللي باظ

-يارا: تـ. تقصد ايه؟؟

-أدهم وهو يقترب منها : أقصد آآآآ...

وفجأة دخل عمر وخالد إلى الغرفة ويبدو على وجههما القلق الشديد و..

-خالد: ايه اللي حصل ؟

-عمر: ماما فين ؟

-أدهم: فريدة هانم لسه ماشية من هنا

-خالد: يارا ، انتي .. انتي كنتي بتعيطي ???

-عمر: ثواني أجيبك مناديل تمسحي دموعك

-أدهم: خلاص بقى يا خالد

-خالد: هي ماما قالتك حاجة ???

-يارا ببكاء: هي .. هي

-أدهم: يا سيدي زعقت ، وقالت كلمتين فارغين والعبد لله لم الموضوع في ثانية

-خالد : طب يارا بتعيط ليه

-يارا : عشان هي آآ...

-أدهم مقاطعاً: يا سيدي عشان عاوزاني أفكها وأنا مش راضي غير لما تضحك

-يارا: لا محصلش انت كنت عاوز ت...

-أدهم مكماً : عاوزك تضحكي وبلاش جو ميلودي دراما ده

-عمر: ميلودي دراما قفلت من زمان على فكرة وفتح مكانها قنوات ثانية

-خالد: نفسي أعرف الواد التافه ده محشور معانا ليه

-عمر: انا مش تافه، انا زي زيكم في البيت ده ، وبعدين يارا دي أنا أقرب واحد ليها

-خالد: طب اطلع برا بقى

-يارا لعمر: عمر فكني

-أدهم: لأ

-يارا: تعالى فكني يا عمر ، أنا بقيت كويسة وملكش دعوة بيهم

-عمر: طلباتك أوامر يا قمر

-أدهم: خالد امسك الواد ده

-خالد: ليه

-أدهم: اعمل اللي هاقولك عليه بس

-يارا: بسرعة يا عمر

أمسك خالد بعمر وقيد حركته ، بينما مزق أدهم الوسادة الخاصة به وأخرج منها ريشة صغيرة ليدغدغ بها يارا و...

-أدهم: انا مش قولتلك مش هفكك غير لما تضحكي

-يارا: وانا مش عاوزة اضحك

-عمر: سيبيني يا خالد

-خالد: اسكت يا ض ، انت هتعمل ايه يا أدهم ؟؟؟؟

-أدهم وهو يمزق الوسادة: مافيش هاضحك الأنسة شوية

-يارا: لألألاً

-أدهم: دي فرصتي

-يارا: عشان خاطري أوعى تفكر في اللي بفكر فيه

-أدهم: توء .. برضوه هخليكي تضحكي بالعافية ، وادهم الصياد لما يقول حاجة بينفذهها

أمسك أدهم بالريشة وبدأ يحركها على بطن قدم يارا التي كانت تصرخ من الضحكات
و...

-أدهم وهو يدغدغ قدمها : ها ...

-رأفت: أنا عمها والمفروض أنا اللي أزغزغها

-يارا: لأالأالأ

حاول الجميع اضحك يارا والتخفيف من حدة الكلام اللاذع الذي سمعته من فريدة ..

.....

بعد وقت الظهيرة ،،،

كان خالد قد انصرف إلى عمله في الشركة ، وذهب أدهم إلى النادي لحضور تدريب الرماية ، بينما ظل رأفت في الفيلا وقرر أن يصطحب الأسرة لقضاء وقت طيب في النادي وأيضاً للترفيه قليلاً عن يارا و...

-رأفت: الكل يجهز نفسه عشان هنروح النادي كمان شوية ، عاوز أقضي يوم وسط عيلتي وأحس بجو الأسرة

-عمر وقد قفز من مكانه : أشطا ، أنا هلبس ع طوووول

-فريدة: اوك يا رأفت ، فرصة نغير المود شوية

-رأفت: صباح ، روعي قولي ليارا تجهز عشان تيجي معانا

-صباح : حاضر يا رأفت بيه

-فريدة بضيق: ايه ده ، هي البت دي هتيجي معانا ؟

-رأفت: أيوه ، او مال يعني هنسيبها لوحدها

-فريدة: مش معقول يا رأفت كل ما نيحي نقرر نعمل حاجة تخلي البت دي تتحشر فيها

-رأفت: الله مش بنت أخويا

-فريدة لصباح: ماتروحيش تنادي حد يا صباح !!

-صباح: اللي تؤمريني بيه يا هانم

-رأفت: فريدة ، هي كلمة ، يارا هتيجي معانا النادي يعني هتيجي النادي ، ولو إنتي مش عاوزة تيجي معانا يبقى خليكى أعدة ، وده آخر كلام عندي ، ويالا يا صباح انجزي وبلغها تجهز

-صباح: حاضر يا رأفت بيه

-فريدة بحنق: ماشي يا رأفت ، ان ما وريت بنت الخدامين دي مقامها مابقاش أنا فريدة الرفاعي

بالفعل استعد الجميع للذهاب إلى النادي ، واستمرت يارا في ارتداء الملابس السوداء حداداً على جدتها رغم اعتراض رأفت على ذلك ، ثم أمر رأفت السائق بأن يجهز سيارة واحدة ليركب بها الجميع ، جلست فريدة في الخلف ، وجلس بجوارها رأفت ، بينما جلس عمر في الأمام ، ولم يعد هناك مكان متاحاً ليارا إلا أن تجلس في الخلف بجوار فريدة و...

-رأفت: برضوه لابسة أسود

-يارا: انت عارف يا عمي اني مش هاقدر أقلعه الوقتي

-رأفت: بصي النهاردة آخر يوم تلبسي فيه الأسود ، الحزن في القلب مش باللبس

-يارا: معلىش يا عمي أنا مرتاحة كده

-رأفت: خلاص أنا قولت ده اخر يوم للأسود يبقى آخر يوم تلبسيه فيه

-يارا: ربنا يسهل

-فريدة: مش هنطلع بقى ، احنا كده هنتأخر !!!

-رأفت: طيب

-عمر: أنا هركب قدام

-رأفت وقد ركب بالخلف : تعالي يا يارا اقعدى جمبنا

-فريدة في نفسها : اوووف ، كمان هتركب بنت الخدامين جمبي

-يارا: مش مشكلة يا عمي أنا هاخذ تاكسي واحصلكم

-رأفت: تاكسي ايه وزفت ايه ، أنا قولت للسواق اننا هنركب كلنا سوا ، ولو كنت عاوز كل واحد يركب مع نفسه مكونتش فضيت نفسي النهاردة عشان نقضي اليوم سوا

-يارا: يعني عشان تكونوا ع راحتكم يا عمي

-رأفت: الله !! مش عاوز حد يناقشني في اللي بقوله ، نفذي اللي بقولك عليه ! يالا اركبي

-فريدة: ربنا ياخذك ياللي منغصة عليا عشتي !

-يارا بابتسامة : ماشي يا عمي هركب

-رأفت: ايوه كده ، عاوزين نتبسط النهاردة

-جلست يارا بجوار فريدة التي كانت ترمقها بنظرات كره وبغض واستحقار و...

-فريدة بتأفف: اوووف ، الجو خانقة

-يارا: افتح التكيف يا عمو رأفت لأحسن خالتي مخنوقة

-فريدة: مليون مرة أقولك بلاش خالتي دي ، مش بطيقها ، الله !!!!

-يارا: طيب ، هفكرلك في حاجة تانية تكوني بتحبيها

-رأفت: يا سلام يا بنتي ، دايمًا بتدوري ع اللي يفرح غيرك وتعمليه

-عمر: يارا حنيئة أوي يا بابا

-فريدة: انت بتتكلم ليه ؟؟ هو حد أدنك تتكلم ؟؟

-عمر : لأ ، بس أنا بقول رأيي

-رأفت: خلاص يا فريدة ، محصلش حاجة

-فريدة وهي تنظر ليارا بتعالي : ده ابني وأنا بربيه ع قواعد الاتيكيت ، ولا عاوزه
يطلع بيئة زي ناس

-يارا في نفسها : ما بيئة إلا انتي ، طب والله أنا كنت ناوية مقولكيش خالتي تاني بس
انتني اللي هتضطريني اني أقولك أسوأ من كده

-يارا: والنبي يا خالتي تتاخري شوية لأحسن مش عارفة أقعد

-فريدة: ان شاءالله ما أعدتي

-رأفت: وسعيها شوية يا فريدة ، العربية واسعة

-فريدة: هوسعلها اكر من كده ايه؟؟

-يارا وهي تتعمد الالتصاق بها بصوت منخفض : معلش يا خالتي ، أصل أنا سنتوفة
كده ورفنوعة ، لكن حضرتك مليانة فأخدة الحثة كلها

-فريدة بحدة: ايه ، مليانة!!!!

-يارا هامسة: أنا عارفة انه غصب عنك التخن ده ، أصل دي ترهلات ودهون بحكم
سنك الكبير طبعا ، فهتعملي ايه يعني؟؟ ومش معقول هتشفطي و حضرتك كبيرة في
السن ، ده انتي ممكن تروحي فيها

-فريدة: بس بقي اسكتي

-يارا: اشربي بيبسي دايت بيجيب نتيجة ، بس خدي بالك من الكرش

-فريدة: اووووف ، انتي متسلطة عليا؟؟؟

-يارا: ده أنا بنصحك لوجه الله!!!

-فريدة: رأفت خلي البننت دي تسكت وإلا هنزل من العربية

-رأفت: يارا سيبي فريدة في حالها

-يارا: والله يا عمي أنا بس بدردش معاها في حاجات عادية

-فريدة: اوووف منك !!!

-رأفت : معلش هي مش حابة تتكلم دلوقتي

-يارا: ايوه ايوه عشان النفس والخنقة وكده

-رأفت: بالظبط

تعمدت يارا مضايقة فريدة في جلستها طوال الطريق إلى أن اقتربوا من وجهتهم ،
وكانت فريدة تجلس على بركان نار وتود لو تنفجر في أي لحظة في يارا ...

-فريدة في نفسها: والله يا بنت الشغالة لهخليكي تندمي ع كل حاجة بتعملها ، هخليكي
عبرة لمن لا يعتبر ، اصبري عليا بسسس ، فضيحتك هتبقى ع ايدي النهاردة
!!!!!!...

.....

في النادي ،،،

وصلت عائلة رأفت الصياد إلى النادي ، دعت فريدة الله ألا تكون صديقاتها قد أخبرن
بأقي العضوات بما حدث ليلة امس في فيلتها و...

-فريدة في نفسها: يارب مايكونش حد من صحابي قالوا حاجة عن اللي حصل أمبارح
في الفيلا بسبب المعنوهة اللي جمبي دي ، ممم... طب هعمل ايه لو قالوا ؟؟ لازم
أفكر في حجة أقولها ولو زلقوني في الكلام !!!! بس هتكون نهايتك النهاردة على
ايدي وهندمك ع اللي عملتاه معايا!!!!

.....

الحلقة التاسعة عشر :

وصل الجميع إلى النادي ، ترجل رأفت والعائلة من السيارة ، وقف رأفت يسلم على بعض من أصدقائه الذين لم يرههم منذ مدة وذهب بصحبتهم إلى صالة التدريبات الرياضية (الجيم) ، وكذلك كان الحال مع عمر الذي وقف يتحدث مع أصحابه ، بينما كانت يارا تشعر بالرهبة من هذا المكان الجديد عليها ، فقد لاحظت أن البشر بداخل هذا النادي يبدو وكأنهم من كوكب آخر ، فهم يتصرفون بغرابة ..

-أحد السيدات: اووه فريده هانم ، مش معقول

-فريده: أهلاً ناديه هانم ، وحشاني كتير

-ناديه: وانتي اكتر

-فريده: واو ، العقد ده شكله يجنن

-ناديه : بجد ؟ على فكرة مش غالي ده كان في offer حلو عليه يدوب بس بـ 150 الف جنية

-فريده: لأ فعلا رخيص

-يارا: ايبييه 150 الف جنية في بتاعها شكلها مايسواش ، سبحان الله !!!

-ناديه وهي تنظر بازدرء ليارا : مين دي يا فريده هانم اللي واقفة وراكي ؟ انتي جبتي خدمة جديدة

-يارا في نفسها: هو أنا معلقة عليا بوستر خدمة ولا حاجة

-فريده بتردد: دي.. دي ... آآآ

كانت فريده مترددة في اخبار صديقتها بشأن يارا ، فقررت أن تصرف نظرها عن شيء آخر و...

-فريده: بصي هناك كده ، مش دي هويدا

-ناديه: اه هيا

-فريدة: هي وحشاني فعلا ، تعالي اما نروح نسلم ليها
-نادية: طب يالا ، بالمناسبة في معرض فاتح جوا فيه مجوهرات انما ايبويه
amazing

-فريدة: واو ، طب نسلم على هويدا ونروح نشوفهم
-نادية: اوك

-عمر: يارا تعالي معايا هفرجك ع النادي

-يارا: ياريت

-عمر وهو يشير بيده: بصي ياستي الحتة اللي هناك دي فيها الملاعب المختلفة ،
والمنطقة اللي هناك دي فيها الجيم ، ووراه هتلاقي مركز spa

-يارا : أها

-عمر: أما هناك هتلاقي منطقة حمامات السباحة ، وفي وراها كافتريا لأعضاء النادي

-يارا: وانت بتدرب فين؟؟

-عمر : في الحتة اللي هناك دي

-يارا: تمام

-عمر: وادهم بيدرب في منطقة الرماية ودي بعد الكافتريا

-يارا: أها

-عمر: تعالي بقى أما أعزمك على حاجة

-يارا: لا مش عاوزة

-عمر: تعالي بس ، متخافيش أنا اللي هدف

-يارا: والله ما عاوزة ، وبعدين أنا لو محتاجة هاقولك ع طول

-تامر: تعالى نروحله الوقتي بالمره خليك تخلص

-عمر بتردد وهو ينظر ليارا: بس آآ...

-تامر: ده خمس دقائق بس

-عمر: طب استنوا كده

-آسر: ماشي

-عمر ليارا: يارا معلش مضطر أسيبك 5 دقائق وهرجع تاني

-يارا بقلق : ليه في حاجة حصلت ؟؟؟

-عمر: الكابتن بس عاوز يضبط معايا مواعيد تدريب التنس

-يارا: أها .. طيب روح وأنا هاقعد هنا

-عمر: معلش والله ، مش هتأخر

-يارا: اوك براحتك

-عمر لأصدقائه : يالا يا جماعة بسرعة

-آسر: اوك

.....

-شاهي من بعيد : واو ، الخطه نجحت

-ندي: انتي ناوية تعملي ايه ؟؟

-شاهي: هتشوفي

-رزان: مين دي أصلاً اللي انتي خطاها في دماغك

-شاهي: دي بنت جديدة بتلعب على أدهم

-رزان بضيق: اييبه؟؟ نعم؟؟؟

-شاهي: ايوه ، وأنا عاوزة أوقفها عند حدها

-ندى: اوبس ، دي لازم تتربى

-شاهي: ايوه ، تخيلي بنت الخدامين دي بتبص لأسيادها

-رزان: لازم تتربى وتعرف مقامها كويس

-ندى: ايوه

اتفقت شاهي مع رزان وندى على خطة فضح يارا ثم ...

-شاهي: يالا بينا .. متنسش يا ندى تقفي عند الكاشير وتشاوريلنا

-ندى: تمام

-شاهي: لازم الكاشير يصدق ان يارا هي اللي طلبت ده لينا

-ندى: عيب عليكى ، ده أنا هظبطها

.....

Flash Back ■■■ لما حدث قبل قليل ،،،

■■■ بعد أن طلب رأفت من صباح أن تبلغ يارا بأن تستعد للذهاب معهم للنادي ، كانت فريدة تشعر بالحنق والغضب ، لذا قررت أن تتحدث مع شاهي و...

-فريدة هاتفياً: ألووو ، شاهي

-شاهي: صباح الخير أنطى ، عاملة ايه النهاردة

-فريدة: مش كويسة خالص ، طول ما الزفتة دي أعدة معايا هنا

-شاهي: معلش يا أنطى يومين وهنشوفلها مصيبة نطردها بيها من الفيلا

-فريدة بخبت: تتخلي يا شاهي أقوم من النوم الصباحية عشان أشوفها في ... في أوضة آآ..

-شاهي : في أوضة مين يا أنطي

-فريدة: في أوضة أدهم ، تخيلي

-شاهي بغضب: ايبييه؟؟؟ في أوضة أدهم!!!! لبييه؟؟؟ كانت بتعمل ايه هناك؟؟

-فريدة: معرفش يا شاهي ، ولما عاتبت أدهم ع ده قالي كانت تعبانة وخلاها تنام في أوضته

-شاهي : ازاي ده يحصل؟؟؟

-فريدة: بنت الخدامة بترمي شباكها ع أدهم وبتلاعبه

-شاهي : الزبالة الحقيرة

-فريدة: لازم نتصرف يا شاهي

-شاهي بغضب: كله إلا أدهم يا أنطي

-فريدة: طبعاً!!!! ، أنا عارفة أد ايه انتي بتحببيه ، والبت دي بدأت تسيطر عليه

وتشاغله ولو متحركتش مش هاقدر أمنعه

-شاهي: البت دي لازم تعرف مقامها كويس

-فريدة: ماهو عشان كده أنا بكلمك الوقتي عشان تفكري معايا في حل للبت دي

-شاهي: أنا مش هسيبها بنت ال..... دي

-فريدة: بصي احنا رايعين النادي دلوقتي ، ورأفت صمم ان الهبابة دي تيجي معانا ،

حاولي تروحي النادي انتي كمان بأي شكل وهناك هنتفق نعمل ايه فيها ، لازم نفضحها

النهاردة قصاد الناس كلها ، لازم نهينها ونفرج عليها كل الناس

-شاهي: حاضر يا أنطي ، أنا هخليها عبرة لكل

-فريدة: حبيبتي يا شاهي ، أنا قولت انك الوحيدة اللي هتقفي معايا

.....

□□□ في فيلا ناهد الرفاعي ،،،

-شاهي : مامي بقولك ايه أنا هاروح النادي شوية

-ناهد: طيب استني بعد الغدا نروح كلنا سوا

-شاهي: لأ أنا عاوزة أروح الوقتي ، شوية بنات أصحابي جاينين هناك وأنا عاوزة
أشوفهم قبل ما يمشوا

-ناهد: طيب استني كده أما أشوف جاسر

-شاهي بقرف: هو كل حاجة تقوليلي جاسر

-ناهد: الله ، مش اخوكي ومسئول عننا

-شاهي : يا مامي أنا كبرت ومعنتش صغيرة عشان يفضل يتحكم فينا بالشكل ده

-ناهد: لما تبقي تتجوزي ويبقالك بيت ابقي اعلمي مع جوزك اللي انتي عاوزاه ، لكن
طول ما أنتي لسه عايشة هنا أخوكي وأنا مسؤولين عنك

-شاهي : اوووف

-ناهد بصوت مرتفع: جaaaaااa

-جاسر من فوق : ايوه يا ماما ، لحظة بس ونازل

-ناهد: طيب خلص اللي في ايدك وتعالى

-جاسر: اوك ، أنا خلاص خلصت

-ناهد: ماشي يا بني

جاسر بعد أن نزل من غرفته: خير يا أمي في ايه

ناهد: شاهي عاوز تروح النادي شوية

جاسر: هي ايه مش بتزهق من الخروجات كل يوم

شاهي بضيق: شايفة يا مامي عاوزني أفضل محبوسة طول اليوم في البيت بين أربع
حيطان

ناهد: معلىش يا جاسر ، هي عاوزة تروح تقعد مع صاحبتها شوية

جاسر: طب ما تخليهم يجوا هنا ويقعدوا معاكي أحسن

شاهي: لألاً طبعاً ، أنا عاوزة أغير جو ، أشم هوا غير اللي هنا ، أنا اتخنقت من
أعدة البيت

ناهد: خلاص يا جاسر خليها تروح شوية ، بص أنا كمان هاروح معاها

جاسر وقد أخذ يفكر قليلاً : ممممم....

ناهد: طب أقولك على اقتراح ، ايه رأيك نروح كلنا النادي وخلينا نتغدى هناك وأهو
بالمرة تشوف أصحابك اللي ماشوفتهمش بقالك زمن

جاسر: فكرة مش بطالة

ناهد: أيوه يا حبيبي وخصوصاً ان عندك اجازة

جاسر: خلاص يا أمي عشان خاطرک بس

ناهد: ربنا يخليك ليا يا ابني وأفرح بيك قريب

جاسر: تسلميلي يا ست الكل

شاهي: أنا هلبس على طول

جاسر: طيب

ناهد: وأنا كمان قايمة أغير هدومي

-شاهي في نفسها: استعدي يا بنت الخدامين لنهايتك النهاردة لأ وعلى ايدي كمان
!!!..

وبالفعل توجهت شاهي مع والدتها وأخيها إلى النادي في نفس الوقت تقريباً الذي
توجهت فيه عائلة رأفت الصياد إليه

.....

□□□ في النادي ،،،

ذهبت فريدة إلى المعرض الخاص بالمجوهرات ، ثم أخرجت هاتفها المحمول لتطلب
شاهي و...

-فريدة هاتفياً: الووو ، ايوه يا شاهي انتي فين؟؟

-شاهي هاتفياً: أيوه يا أنطي ، أنا موجودة في النادي

-فريدة: طب كويس أوي ، بصي الزفتة راحت مع عمر عند الكافيتريا

-شاهي: تمام ، انا رايحة على هناك

-فريدة: مش هوصيكي

-شاهي بغل : اطمني يا أنطي أنا هفضحالك فضيحة محصلتش ولا هتحصل لحد قدام
النادي كله

-فريدة بفرحة: اوك يا شاهي ، وريني شطارتك

.....

□□□ في كافيتريا النادي ،،،

اختبأت شاهي في الكافيتريا إلى أن حضرت يارا ومعها عمر ، واستمعت للحوار الدائر بينهما ..

-شاهي في نفسها: بقى شحاته ومش معاكي فلوس ، فرصتي أفضحك قصاد الكل ..
بس لازم اخلي عمر يمشي وإلا هيبوظ اللي ناوية أعمله

□□□ ثم لمحت أحد أصدقاء عمر ، فأسرعت إليه و...

-شاهي بصوت مرتفع: تالامر ، تالامر

-تامر: أيوه

-شاهي : ازيك يا تامر

-تامر: هاي شاهي ، ازيك انتي

-شاهي: معلش ممكن أطلب منك خدمة صغيرة

-تامر: اه اتفضلي

-شاهي: عاوزاك بس تبعد عمر عن البنط اللي قاعد معاها هناك في الكافيتريا دي

-تامر: ليه ؟

-شاهي: آآآ... أصل ..أصل احنا عمالين مفاجأة لعمر وعاوزين نظبط الدنيا قبل ما يجي

-تامر: الله الله ! حلو أوي جو المفاجآت ده

-شاهي: انت عارف بقى انه مش هينفع نعمل المفاجأة وعمر أعد معانا

-تامر: أها ، عندك حق فعلا

-شاهي: بص ابعده ع أد ما تقدر لمدة عشر دقائق ربع ساعة تكون ظبطنا المكان

-تامر: خلاص متقلقش

-شاهي : ميرسي أوي يا تامر

-تامر: العفوع ايه بس ، عن اذنك بقى عشان أسحبك عمر
-شاهي بخبث: اوك...

-شاهي في نفسها : جه وقت الفضيحة يا بنت الشغالة!!!

□□□ انتظرت شاهي حضور أصدقاء عمر لالهائه بعيداً عن يارا ، ثم جاءت ندى
ورزان إلى شاهي وحاولتا أن تعرفا سبب ما فعله ، وبدأن جميعاً تنفيذ الخطة الخاصة
بفضح يارا أمام جميع من في النادي

□□□ ذهبت ندى إلى داخل الكافيتريا وطلبت بعض الأطعمة والمشروبات ، ثم ذهبت
إلى الكاشير لكي تبلغ المسئول عنه بأن يارا هي من ستدفع الحساب و..

-ندى: حضرتك اللي هتحاسب الأنسة اللي هتشاورك دلوقتي

-الكاشير: هي فين يا فندم

-ندى : لحظة وهوريهالك

-الكاشير: اوك □□□

.....

عودة للوقت الحالي ،،،

في كافيتريا النادي ،،

جاءت شاهي وبصحبته رزان لكي يجلسوا مع يارا و ...

-شاهي من بعيد: مش معقول ، ايه ده ، انتي؟؟

-يارا بصوت هامس: استغفر الله العظيم يارب ، خميرة العكنة جت

-شاهي: هاي

-يارا: أهلا

-شاهي: انتي بتعملي ايه هنا؟؟ هو انتي عضوة معنا في النادي كمان؟

-يارا: الصراحة ..آآ.. لأ

-رزان: مش تعرفينا يا شاهي

-شاهي: دي ..دي سارة قريبة أدهم الصياد

-يارا: اسمي يارا مش سارة

-رزان: هاي

-يارا: أهلا

-رزان وهي تنظر لندی : مش دي ندى اللي واقفة هناك

-شاهي: فين يا روزا؟؟

-رزان وهي تشير برأسها لداخل الكافيتريا: هناك أهي

-شاهي: اه هي تصدقي !

-رزان: طب ما تشاوريلها تيجي تقعد معنا

-شاهي: والله المفروض يارا هي اللي تعزمها ، احنا ضيوف عليها

-رزان: اووه بليز يارا شاوريلها خليها تيجي تقعد معنا

-يارا مستسلمة : اوك

أشارت يارا بيدها لندی لكي تأتي وتجلس معهن ، بينما كانت ندى في داخل الكافتريا تتحدث مع مسنول الكاشير و...

-ندی: ها شوفتها

-الكاشير: تمام يا هانم

-ندى: خلاص هاتلنا الطلبات على هناك ، وشيك الحساب

-الكاشير: حاضر يا فندم

.....

خرجت ندى من الكافيتريا وتوجهت ناحية الطاولة التي تجلس عليها الفتيات و...

-ندى: هاي عليكموا

-شاهي وهي تقبلها : هاي نودة ، ازيك

-ندى: تمام ، هاي روووزا

-رزان وهي تقبلها : fine

-ندى وهي تشير ليارا: مين دي اللي كانت بتشاورلي

-شاهي: دي يارا قريبة أدهم

-ندى باشمنزاز : مش معقول ، دي قريبة أدهم الصياد ، لأ يا شاهي قولي كلام غير ده

-يارا بدهشة: لا حول ولا قوة إلا بالله

-شاهي: أنا برضوه كنت مستغربة لما شوفت شكلها

-رزان: عادي يا شوشو، خلقة ربنا بقي ، المهم انتي اخبارك ايه

-ندى: تمام

-شاهي: خدوا راحتكوا يا بنات ، محدش هنا غريب

-يارا متدخلة في الحوار: بس مش تعرفوني انتو مين ???

-شاهي: دول بقي أصحاب أدهم الاتيم ، رزان وندى

-يارا: أها

-رزان: بس احنا مشوفنكيش قبل كده ، انتي كنتي عايشة فين؟؟؟

-يارا: في الغردقة

-ندى: واو ، ده مكان تحفة

-رزان: أكيد في الفيلا بتاعتكم هناك صح ؟

-يارا: لأ في بيت عادي

-رزان مدعية الدهشة : بيت صغير !!!!

-شاهي: أصلها فقيرة

-يارا: أولاً الفقر مش عيب ،وبعدين مين قالك إن أنا فـ...

-ندى مقاطعة : مامتك بقي بتشتغل ايه؟؟

-يارا: ماما وبابا اتوفوا في حادثة وأنا صغيرة

-رزان: اوووه يا حرام

-شاهي مضيفة: بس جدتها الشغالة هي اللي ربته

-ندى: يااي ، هي جدتك كانت شغالة !!!

-رزان: مش معقول ، يعني انتي تربية شغالين !!! so strange

-يارا: أه كانت شغالة ، هو الشغل عيب لا سمح الله

-ندى: لأ بس آآ...

-شاهي مقاطعة: احنا هنفضل نتكلم كده ومش هنطلب حاجة ناكلها ولا نشربها

-ندى: اه صح

-رزان: خلاص أنا هعزمكم

-شاهي: لالالا وهو يصح حد يعزمننا وقريبة الصياد موجودة ، ده حتى وحشة في حق

أدهم

-ندى: صح ، أدهم طول عمره بيقول ان عيلة الصياد مش بتخلي حد يدفعهم

-يارا: بس أنا..أنا مش ..مش عاوزة حاجة ومش هدفع لحد

-ندى بصوت مرتفع : أنا خلاص already طلبتنا أكل وعصير ، وقولت للـ waiter انك انتي اللي هتحاسبي

-يارا: ازاي تعملي كده ، أنا مش هدفع حاجة لحد

-رزان: اووبس يا شاهي ، يمكن هي مكسوفة مننا عشان مش تعرفنا

-شاهي: مكسوفة ايه بس ، ده نظام عيلة الصياد واحنا متعودين ع كده

-النادل: اتفضلوا يا هوانم الطلبات وده شيك الحساب

-شاهي: اديه للآنسة

-يارا : بس أنا مطلبتش حاجة

-شاهي: يالا يا بنات ، تعالوا ناكل هناك

-رزان: اوك

ندى: يالا

انصرفت شاهي مع ندى ورزان وعلى وجههن ابتسامة شيطانية ، بينما طالب النادل يارا بحساب الطلبات

-النادل: الحساب يا آنسة !

-يارا: بس أنا مطلبتش حاجة

-النادل: حضرتك الكلام ده ماينفعش ، الآنسة ندى بلغتنا انك اللي هتدفعي الحساب

-يارا: بس أنا مقولتكش بنفسي كده

-النادل: بس حضرتك شاوريتلنا

-يارا: وهو أنا عشان شاروتلك يبقى بقولك اني هدفك ، ايه النظام الغريب ده !!

-النادل: يا هانم أنا ماليش في الكلام ده كله ، حضرتك المفروض تدفعي

-يارا: ادفع حاجة مطلبتهاش

-النادل: يعني ده آخر كلام عندك يا هانم ؟

-يارا: أيوه !! أنا مش دافعة مليم واحد

-النادل: طب اتفضلي معايا عند الأمن

-يارا: ماشي هتفضل

بالفعل أخذ النادل يارا إلى مدير أمن النادي ليتم التعامل معها ، نظر إليها عماد بنظرات قرف خاصة أن مظهرها وهيئتها العامة لا توحى بأنها أحد أعضاء النادي و...

-عماد : في ايه يا محمد

-النادل محمد: يا فندم الاستاذة طلبت أكل وآآ...

-يارا مقاطعة : أنا مطلبتش حاجة

-عماد بزعيق : انتي تسكتي خالص لحد ما آذنلك بالكلام ، كمل يا محمد

-النادل محمد : هي طلبت الأكل ومرضتش تحاسب ع الطلبات وبتقول أنا مخدتش حاجة

-يارا: ايوه ده اللي حصل

-عماد: فين الكارنيه بتاعك ؟؟

-يارا: كارنيه ايه ؟؟

-عماد: كارنيه العضوية بتاع النادي

-يارا: انا معيش كارنيه

-عماد : أفندم ؟؟ معكيش كارنيه !! أو مال دخلتي ازاي

-يارا: أنا دخلت مع ..مع

وفجأة دخلت المكتب فريدة الرفاعي وأخذت تصرخ في يارا و...

-فريدة: انتي هنا يا حرامية يا نصابة

-يارا: ايبييه

-عماد: في ايه يا فريدة هانم ؟؟ البت دي عملتك حاجة ؟؟

-فريدة: أيوه ، البت دي سرقنتي!!!!

.....

الحلقة العشرون :

دخلت فريدة الرفاعي مكتب مدير أمن النادي وهي تصرخ بحدة في يارا و...

-فريدة: انتي هنا يا حرامية يا نصابة

-يارا: ايبييه

-عماد: في ايه يا فريدة هانم ؟؟ البت دي عملتك حاجة ؟؟

-فريدة: أيوه ، البت دي سرقنتي !!

-يارا: بتقولي ايه ؟؟؟

-عماد: ازاي ده حصل يا هانم ؟؟؟

-الكابتن: يا عمر مين قالك الكلام ده ، احنا ميعادنا ثابت زي ماهو ، وبعدين لو عاوز
أبلغك بحاجة هتصل ببيك بنفسي مش هبعثك حد

-عمر: يعني محصلش

-الكابتن: لأ

-عمر: الله او مال تامر قالي كده ليه !!!!

أسرع عمر إلى الكافيتريا ولكنه لم يجد يارا هناك و...

-عمر : الله او مال يارا راحت فين !! تكونش دخلت الحمام ولا حاجة ، بس هي قالت
هتستائي ، يووووه ، طب أنا هسأل حد من الكافيتريا

-عمر : لو سمحت

-النادل: ايوه يا فندم

-عمر: كان في آنسة أعدة هنا من شوية ، متعرفش هي فين ؟؟؟؟

-النادل: مخدمتش بالي بصراحة

-عمر: طب شكر ااااا

خرج عمر وهو يتسائل عن مكان يارا و..

-عمر لنفسه: طب هتكون راحت فين بس؟؟؟ يمكن قامت تتمشي شوية ، طب أنا هدور
عليها فين بالضبط

ثم لمح عمر والدته بصحبة أصدقائها وهن يجلس في حديقة النادي ويضحكن و..

-عمر : أروح أسأل ماما عنها يمكن تكون شافتها

.....

-عمر لوالدته : ماما ، ممكن سؤال

-فريدة: تعالى يا حبيبي اقعد معانا شوية

-ناهد : عمورة انت هنا ؟

-عمر: أيوه

-فريدة: كلنا هنا يا ناهوودة من شوية

-ناهد: طب كويس والله

-فريدة مضيضة : ده حتى رأفت هيخلص مع أصحابه الجيم ، وهيحصلنا

-ناهد: ماهو جاسر في الجيم برضوه ، أكيد هيقابلوا بعض هناك

-فريدة: يبقى ننتظر انهما يرجعوا سوا

-نادية: الأعدة دي ناقصها بقية الشلة

-فريدة: أنا كلمت صافي وشريفة وهما جايبين

-نادية : طب وايمان

-فريدة: مش هتقدر تيجي لأنها مسافرة

-نادية: تيجي بالسلامة

-عمر: يا ماما من فضلك عاوزك في كلمة

-فريدة: ايه في ايه ؟

-عمر: تعالى بس لحظة هنا

-فريدة: ما تقول اللي انت عاوزه قصاد الكل

-عمر: ماشوفتيش يارا ؟

-فريدة: اوووف ، ليه السيرة الزفت دي

-عمر: أنا بسأل بس سؤال شوفتيها ولا لأ

-فريدة بقرف: لأ

-نادية: مين يارا دي ؟ واحدة صاحبك

-عمر: لأ دي بنت آآآ...

-فريدة مقاطعة : روح يا عمر هاتلنا حاجة ساقعة بسرعة

-عمر: طيب لما أدور الأول على آآآ..

-فريدة مكلمة: الله ، هاتلنا الحاجة الساقعة الأول وبعد كده شوف انت عاوز ايه !!

اسمع الكلام !

-عمر بضيق: طيب !!!!!

.....

في داخل صالة الألعاب ،،،

-رأفت: ماشاء الله يا جاسر ، جسمك رياضي

-جاسر: وحضرتك برضوه يا عمي

-رأفت: بس مش زيك برضوه

-جاسر: متقولش كده يا عمي

-رأفت: مش يالا بينا عشان نشوف الجماعة

-جاسر: اوك ، هنتغدوا هنا ولا هتمشوا

-رأفت: لأ احنا أعيدين هنا طول اليوم ، وخالد لما هيخلص هيحصلنا

-جاسر: عظيميم اوي

انصرف جاسر ورأفت من صالة الألعاب الرياضية وتوجها إلى حديقة النادي ، وفي طريقهما للحديقة رأى جاسر زميله مصطفى بسيارة الشرطة داخل النادي ، فاستأذن رأفت في الذهاب لتحيته

-جاسر لنفسه : الله ، مش ده مصطفى ، اه هو فعلااااا ، بس بيعمل ايه هنا !!!

-جاسر لرأفت: معلش يا عمي هستاؤنك بس هاروح أسلم على صاحبي وهصلك

-رأفت: وماله يا بني ، أما تخلص حصلنا

-جاسر: شكر اااا يا عمي

-جاسر بصوت مرتفع: مصطفى ، مصطفى

-مصطفى: الله ، جاسر باشا

-جاسر: مصطفى بيه ، منور والله النادي

-مصطفى : الله يخليك يا رب

-جاسر: ابيه فينك؟؟ مش باين بقالك فترة

-مصطفى : أنا موجود أهوو

-جاسر: انت لسه شغال في قسم ((...))

-مصطفى: لا خلاص اتنقلت قسم ((...))

-جاسر: أريح بكتير طبعاًاااا

-مصطفى: فرق الناس والتعامل وكل حاجة

-جاسر: أكيببييد ، المكان بيفرق ، المهم ايه اللي جابك عندنا النهاردة

-مصطفى : مافيش ، الظاهر ان في بت كده سرقة حد في النادي فجاي أشوفها من

المقاطيع اللي نعرفهم ولا وجه جديد

-جاسر: أها ... يالا ربنا يعين

-مصطفى: تسلم يا جاسر بيه

-جاسر: طيب ابقى هاتلي رقم تليفونك عشان لو احتاجناك في حاجة

-مصطفى وهو يعطيه الهاتف: انت تؤمر يا باشا

-جاسر: تمام ، هاسيبك أنا بقى تكمل شغلك ، وأروح أشوف الجماعة

-مصطفى: اوك يا جاسر بيه

-جاسر: وخلينا نشوفك دائماً

-مصطفى: اكيبييد

.....

في كافيتريا النادي ،،،

ذهب عمر مرة أخرى إلى الكافيتريا ليستعلم عن يارا المختفية ، وحينما وصل إلى هناك كان النادل محمد يتحدث عن فتاة ما مع نادل آخر ، فاستمع عمر لحوارهما و...

-النادل محمد: بس وعماد باشا قال هيظبطها

-نادل آخر: يعني طلعت حرامية كمان

-النادل محمد: الظاهر كده

-نادل آخر: طيب دخلوها النادي ازاي

-النادل محمد: معرفش ، وده اللي عماد بيه مستغربه ، بس الأكيد انها هتتنفخ

-نادل آخر: تستاهل ، اشكال زبالة

-عمر بدهشة: انتو بتكلموا عن مين؟؟

-النادل محمد: أهلاً عمر بيه

-عمر مكرراً سؤاله : مين دي اللي بتحكوا عنها

-النادل محمد: عن واحدة حرامية نصبت علينا في الكافيتريا وسرقت هانم من هوانم النادي

-عمر: شكلها ايه دي ؟؟

-النادل محمد: شكلها عادي كده ، و آه لابسة أسود في اسود

-عمر: ايبيببييه ؟؟ طب هي فين دلوقتي ؟؟؟؟؟

-النادل محمد: في مكتب عماد باشا وطلبها البوليس

-عمر : نعم !!!!!

لم ينتظر عمر وإنما جرى مسرعاً ناحية مكتب مدير أمن النادي وارتطم دون قصد بأخيه أدهم ...

-أدهم: مش تفتح وانت ماشي

-عمر وهو يدفع أخيه : حاسب دلوقتي يا أدهم مش وقتك

-أدهم: ليه يعني هيفوتك الديوان لا سمح الله

-عمر: اوعى بس خليني ألحق يارا قبل ما تبات في التخشبية

-أدهم: ايبيببييه ؟؟ بتقول ايه ؟

-عمر: بعدين بعدين

-أدهم ممسكاً ذراع أخيه : استنى هنا وفهمني اللي بيحصل

-عمر: يارا الأمن ماسكها في النادي وهيسلمها للبوليس ، وأنا لازم ألحقها

-أدهم: أنا جاي معاك

بالفعل انطلق أدهم وعمر تجاه مكتب مدير أمن النادي ، بينما كانت يارا تعاني ويلات
الاهانة و...

-عماد: اسمك ايه يا بت انتي

-يارا: أولا أنا مش بت ، واسمي يارا رفعت

-عماد: انتي هتعدلي عليا يا بنت ال***

-يارا: لو سمحت ماتشتمش ، أنا معملتش حاجة لكل ده

-عماد بز عيق: فين بطاقتك ???

-يارا: ثواني هشوفها

بحثت يارا عن بطاقة الهوية الخاصة بها ولكن للأسف تذكرت أنها لا تأخذها عادة
معها وتركتها في فيلا عمها و...

-يارا: آآآ... الظاهر انها مش...مش معايا

-عماد: كمان !!!! وقعتك سودة ومهيبة ، يومك مش هيعدي ع خير

دلف الضابط مصطفى إلى داخل المكتب الخاص بمدير أمن النادي و...

-مصطفى : صباح الفل يا عماد بيه ، خير يا باشا في ايه

-عماد: مصطفى بيه ، منور المكتب والله

-مصطفى : الله يخليك

-عماد: البت اللي هناك دي سرقت واحدة من النادي ونصبت على اللي شغالين في
الكافيتريا

-مصطفى: اسمك ايه يا بت انتي

-يارا ببكاء : أنا مسرقتش حد

-مصطفى: ما تردي ع السؤال يا بنت ال**** ، اسمك ايه

-يارا بضيق وحنق : يارا رفعت الص...

-عماد مقاطعاً: ومعهاش بطاقة ولا أي حاجة ، يعني ممكن تكون بتكذب وليها ملف في
الداخلية

-مصطفى: جايز برضوه ، متستبعش حاجة يا عماد بيه

-عماد: بالظبط

-مصطفى: انتي ممسوكة قبل كده يا بت ؟

-يارا ببكاء : ممسوكة في ايه بالظبط؟؟ أنا مش فاهمة الكلام اللي بتقوله ده

-عماد بعصبية : أم الغباء بتاعك

-مصطفى: خلاص يا عماد بيه ، أنا هاخذها عندي القسم وهظبطها ، ربع ساعة بس
وهاتكون معترفة باللي عملته

-عماد : ياريت يا مصطفى بيه ، لحظة أبعث أجيبك عامل الكافيتريا يشهد عليها

-مصطفى: ايوه ، خلينا نعمل المحضر

-عماد : مسافة ماتشرب قهوتك هيكون جه

-مصطفى : عظيم اوي

كان أدهم وعمر في طريقهما إلى مكتب مدير أمن النادي حينما قابلا جاسر في
طريقهما و...

-جاسر: سبحان الله ، ده أنا لسه كنت جاي عندكم

-أدهم: ازيك يا جاسر معلش احنا مستعجلين

-جاسر: في ايه ؟

-عمر: عاوزين نلحق يارا بس قبل ما يتقبض عليها

-جاسر باستغراب وقلق: يارا ؟؟؟ طب لبيبييه ؟؟

-أدهم: بعدين

-جاسر: طب انتو رايعين فين كده ؟؟؟

-أدهم: على مكتب عماد بيه

-جاسر: عماد ، يبقى عشان كده مصطفى جه ، طب استنوا أنا جاي معاكو

انطلق الثلاثة إلى مكتب عماد مدير أمن النادي ، كان مصطفى على وشك البدء في المحضر حينما دخلوا إليه و...

-أدهم وهو يتجه لها : يااااارا

-عماد: خير يا أدهم باشا

-يارا ببكاء : أنا معملتش حاجة

-جاسر وهو يقترب منها : يااااارا ، مصطفى في ايه ؟؟

-عماد: حضراتكو تعرفوا البت دي

-عمر بنرفزة: ماتقولش عليها بت ، دي بنت عمي

-عماد: نعم ؟؟

-مصطفى: خير يا جاسر بيه

-جاسر: في ايه اللي بيحصل مع يارا

-عماد : الب.. قصدي الاستاذة متهمة في النصب على عمال الكافيتريا ، وفي سرقة
ااااا...

-أدهم: سرقة مين ؟؟؟

-عماد: والدة حضرتك يا أدهم بيه

-أدهم: ابيبيه

-جاسر: نعم ???

-عمر: ميبيين ???

-عماد: ده اللي حصل ، وبعدين احنا مكوناش نعرف انها بنت عم حضرتك ، مافيش
أي بطاقة معاها ولا حتى هينتها و...

-أدهم: يارا حد قالك حاجة ، حد اتعرضلك بكلمة

-يارا وهي تنظر لعماد: آآآ...

-جاسر: يارا اتكلمي

-يارا: أنا عاوزة أمشي من هنا ، أنا معملتش حاجة

-جاسر: مصطفى بيه ، يارا دي تبغي ، واعتقد ان الموضوع مافيش داعي انه يكبر ،
ممكن يتحل ودي

-أدهم: الحاجة اللي بتقولوا انها اتسرقت ، أنا اللي أخذتها أيا كانت ايه هي

-عماد: يا أدهم باشا في بيتها

-عمر: انا هددف حساب الكافيتريا ، أظن كده ان كل حاجة اتحلت

-عماد: طبعاً ، رأيك ايه يا مصطفى بيه

-مصطفى: أعتقد ان كده المحضر مالوش لازمة الوقتي ، لأن مافيش قضية أو مشكلة
من أساسه

-عماد: تمام

-مصطفى: أستاذن أنا بقى

-يارا: أقدر أمشي

-عماد: اتفضلي يا آنسة ، بس ياريت تخلي بطاقتك معاكي ويبقى في كارنيه عضوية
معاكي للنادي أو تذكرة عشان محدش يتعرضلك تاني

-يارا: بس ياربت حضرتك برضوه قبل ما تهيني وتشتمني تسمعني للأخر

-أدهم : نعم هو شتمك ???

-عماد: أنا كنت مفكر انها نصابة

-يارا: خلاص حصل خير ، بس أرجو ان يكون في معاملة أكثر آدمية

-أدهم: ازاي ده حصل ؟؟؟؟

-جاسر: عماد بيه ، أظن حضرتك المفروض تعتذر عن الاساءة اللي سببتها للآنسة
يارا لأن لو عمها رأفت باشا بلغه الأمر بيتهياي مش هيحصل كويس

-عماد على مضض: أسف يا آنسة

-يارا: حصل خير

-عمر: تعالي يا يارا

بالفعل خرج الجميع من المكتب وحاولوا التخفيف عن يارا و..

-جاسر: بصي هو عنده حق لازم يبقى معاكي بطاقتك وإلا ممكن تتعرضلي لمواقف
بايخة كتير

-يارا: أها

-أدهم: أقسم بالله ، لو مكنش اعتذرلك لكنت عرفته شغله

-يارا: شكراً مافيش داعي

-عمر: بس الغريب ان ماما تعمل كده

-يارا: ده العادي بتاعها

-عمر: متزعلش من ماما يا يارا

- يارا: فريدة هانم !! وهي دي برضوه حد يزعل منها
- عمر: بس نفسي أعرف انتي لما سبتك في الكافيتريا طلبتي ايه طالما يعني مكنش معاكى احم... فلوس وكده
- يارا: مش أنا اللي طلبت
- عمر: او مال مين
- يارا وهي تنظر لجاسر: شاهي
- جاسر: ايبيه ??? أختي!!!!
- أدهم: نعم ، شاهي ؟؟؟؟؟
- يارا: ايوه
- جاسر: طب ليه عملت كده ???
- يارا: معرفش اسألها
- أدهم في نفسه : شاهي اللي عملت كده !!!! ماشي ، انا ليا لي كلام معاها
- جاسر: طب يالا يا جماعة نروح نتغدى وننسى اللي حصل ده
- يارا: معلش انا ماليش نفس
- عمر: عشان خاطري أنا
- يارا: والله معاد ليا نفس لأي حاجة
- عمر: معلش ، ارمي ورا ضهرك اللي حصل ده
- أدهم: أنا رايح شوية وهحصلكم
- جاسر: رايح فين ??
- أدهم: الكافيتريا وراجع
- جاسر: طيب

.....

في حديقة النادي ،،،

كانت فريدة تجلس والابتسامة تملو وجهها خاصة حينما علمت بانجاز شاهي للجزء الخاص بها من الخطة ، بالاضافة إلى اتهامها ليارا بسرقتها ...

-فريدة في نفسها: أخيراً!!!!!!!!!!!!!! ارتحت من البلوى السوداء دي ، ياااه ، الواحد كان حاسس انه في كابوس وانزاح من عليه

-نادية: مالك يا فيرووو ، شكك مبسوط اوي

-فريدة: ولا حاجة يا نادية ، بس الجو جميل وحلو أوي

-صافي: فعلا!!!!

-شريفة: النهاردة فعلاً الجو حلو ، لأ وكمان مزاجك رايق عن الأول

-فريدة: اه أوي

-صافي: يارب دائماً ، مش عارفة الأكل اتأخر ليه كل ده

-فريدة: رأفت راح من بدري يطلب الأوردر

-شريفة: أها

-صافي: مافيش حد بيلتزم بمواعيد أبدأ في مصر

-فريدة: عندك حق يا صافي

مدت فريدة يدها لترتشف العصير الموضوع أمامها وفجأة شرقت لـ...

فريدة : كح...كح .. مش ممكن!!!

.....

الحلقة الحادية والعشرون :

في النادي ،،،

كانت فريدة تجلس مع شقيقتها وأصدقائها يتحدثون سوياً ، ثم مدت فريدة يدها لترتشف العصير الموضوع أمامها وفجأة شرقت لـ...

-فريدة : كح...كح .. مش ممكن ... انتي !!!!!

-يارا بابتسامة : طبعاً!!!!!!!!!!!!!! وهو أنا أقدر ابعد عنك لحظة يا طنط أم خالد !!!

-فريدة: ايبيبيبيبه ???

-يارا: ايه رأيك في ده ، بيتهيايلى أطف وأظرف ، صح ولا لا ؟؟

-فريدة: انتي ...انتى آآ

-جاسر: طيب أنا هاروح أشوف شاهي فين وراجعلكم

-ناهد: ماشي يا بني متأخرش

-جاسر: ع طووول

....

ذهب جاسر ليبحث عن اخته شاهي ، بينما جلست يارا و...

-يارا: تعرفي يا خالتي أنا بحبك حب مش هحبه لحد قبلك ولا بعدك ... سامحني يااااا

رب ع كلامي ده

-عمر: اقعدى يا يارا

-يارا وهي تجلس : طبعاً هاقد ، ده أنا صاحبة مكان

-عمر: أكيببيد طبعاً ، ها تحبى أجيبلك ايه تروقي بيه دمك ؟؟

-يارا: أنا دمي رايق ع فكرة ، بس ده مايمنعش اني عطشانة

-عمر: اطلبي وأنا أنفذ

-يارا: مميمم... مياه ساقعة

-عمر: بس ؟

-يارا: أه كفاية كده ، ما احنا هنتعدى سوا ، وبعدين أنا عاوزة أقعد مع طنط أم خالد شوية

-عمر هامساً ليارا: أستودعك الله بقى

-يارا بدلع: متتأخرش يا عموري

-نادية: مين البنت دي يا فريدة؟؟

-ناهد: استر يا رب

-صافي: مش دي البنت اللي شوفناها عندك يا فيرووو

-فريدة: آآآ...

-يارا: أه أنا اللي شوفتوني بشحمي ولحمي ...

-شريفة: تقربلك ايه يا فريدة؟؟؟؟

-صافي : ابوه عاوزين نعرف !

-يارا: ما تقوليلهم يا طنط أم خالد أنا مين؟؟؟؟

-فريدة بعصبية : أنا ماسميش أم خالد

-يارا: بالراحة طيب عشان ضغطك وسكرك

-نادية : ما تردي علينا يا فريدة وتقوليلنا مين دي؟؟؟

-يارا: ماتتعبوش نفسكم ، طنط أم خالد مكسوفة تقول ان انا يارا رفعت الصياد بنت عم ولادها

-صافي: ايبيه؟؟؟

-شريفة: ميبين؟؟؟

-نادية: مش معقول؟؟ انتي بنت عمهم .. لا مش ممكن!!!!

-شريفة: الكلام ده بجد يا فريدة؟؟؟؟؟

-يارا: اه والله ، مش كده يا طنط

-فريدة بنرفزة : اسكتي خاااa

-يارا: وليه تتعصي يا طنط أم خالد؟؟ ده حتى وحش ع صحتك

-فريدة: نفسي أعرف مين اللي حدفك عليا ، وبعدين انتي...انتي مش كنتي آآآ..

-يارا: تقصدي كنت مع مدير أمن النادي

-فريدة: ايوه ، ازاي سابك تمشي

-يارا وهي تشير لهاتف فريدة : ده سوء تفاهم حصل ، وبعدين يا طنط ام خالد مش ده

الموبايل بتاعك على ما اعتقد

-فريدة : هه .. آآآآ.. أه هو

-يارا: او مال ليه قولتي ان أنا خدته؟؟؟ مش عيب يا طنط تكدي و انتي في السن ده

؟؟؟ زمان علمونا ان اللي بيكدب بيروح النار ، وانتي كده يا طنط أم خالد هتأطأي في

النار

-فريدة وقد قامت من مكانها : لو سمعت حسك تاني مش هيحصلك طيب

-يارا: أنا عارفة انتي متعصبية عشان أنا بقول الحقيقة

-رأفت من بعيد: الله الحبايب كلهم هنا

-فريدة وقد جلست : اوووف

-رأفت: ازيكم يا جماعة ، الأكل جاي كمان شوية

-ناهد: ان شاء الله

-رأفت: انا شايف يا يارا انك اندمجتي بسرعة

-يارا: طبعاً يا عمو

-رأفت: دي يارا بنت أخويا رفعت الله يرحمه ، كانت أعدة في الغردقة بس الوقتي
عايشة معنا

-نادية: أها

-صافي: ممم...

-رأفت: انتي معرفتيش صحابك على يارا ولا ايه يا فريدة ؟؟؟؟

-فريدة: أوووف

-أحد الأشخاص من بعيد ويدعى سامي : رأفت باشا

-رأفت: سامي بيه ، منور

-سامي: معلش ممكن كلمة يا رأفت باشا

-رأفت: أه طبعاً ، عن اذنكو لحظة يا جماعة

-يارا بابتسامة : اتفضل يا عمو خد راحتك

وقف رأفت بعيداً ليتحدث مع صديقه ، بينما ظلت يارا تبتسم بطريقة مستفزة للجميع
و..

-يارا: منورين كلكم

.....

عند كافتريا النادي ،،،،

ذهب أدهم إلى كافتريا النادي ليتحدث مع العاملين فيه ويوبخهم لما فعلوه ما يارا و...

-أدهم : ازاي تتجروا وتعملوا كده مع واحدة من عيلة الصياد

-أحد العاملين: أدهم باشا احنا مكو ناش نعرف انها تبعك والله

-النادل محمد : يا باشا احنا لو نعرف انها قريبتك والله ما نتكلم معاها نص كلمة

-أدهم: وأديكوا عرفتوا هتعملوا ايه الوقتي ؟؟؟ اهانة حد من عيلة الصياد كأنها اهانة

ليا أنا شخصياً!!!!!!

-أحد العاملين : احنا أسفين يا باشا

-الكاشير متدخلأ في الحوار : يا باشا اللي كان طلب الحاجات دي الآنسة ندى اللي

بتيجي مع حضرتك دايمأ

-أدهم باستغراب : ندى !!!!

-الكاشير مكملأ: ايوه يا أدهم باشا وأنا فكرت انها هتحاسب لكن لاقيتها بتقولي ان

الآنسة اللي أعدة معاها هي اللي هتحاسب وشاورتلي عشان تأكد كلامها وكان موجود

معاها الآنسة شاهي والآنسة رزان !

-أدهم في نفسه : يعني مش بس شاهي لأ رزان كمان !!!!

-الكاشير مضيفأ : يا باشا !! ولو حضرتك مش مصدق كلامي ، في كاميرات في

الكافتريا تقدر تشوفها

-أدهم وقد اخذ يفكر : هه

-النادل محمد: أنا والله متصرفتش إلا لما لاقيت الكل مشى وهي فضلت تقول معهاش

فلوس ومطلبتش حاجة ، فعشان كده مكنش في قدامي بديل إلا كده

-أدهم بعصبية : حسابك كام يعني ؟؟؟

-النادل محمد بخوف : 400 جنية

-أدهم: خد فلوسك اهي ، وأي حاجة تطلبها الأنسة يارا من هنا ورايح تحاسبني أنا عليها ولو شमित بس خبر ولا عرفت انك خدت منها مليون واحد مش هيحصل طيب ، انت فاهah

-النادل محمد: حاضر يا باشا

-أدهم: واتفصل خد دول كمان ويتعملها الوقتي حالاً تورته اعتذار من الكافيتريا

-النادل محمد: ماشي يا باشا

انصرف أدهم من الكافيتريا وهو يفكر في السبب الذي دفع شاهي ورزان وندى لعمل هذا مع يارا و...

-أدهم : طب ليه عملوا كده؟؟؟ هيسفادوا ايه لما يخرجوها قصاد الكل لأ وكمان كانوا ناويين يودها في داهية ، بس أنا هربيهم الثلاثة بطريقتي

-رزان من بعيد: اوووه ، مش معقول أدهومة بنفسه هنا

-أدهم في نفسه: أهلا ، كويس انك جيتي برجليكي

-رزان: miss you كتيرررر والله

-أدهم: ما أنا لسه كنت معاكو من يومين

-رزان: بس كده تمشي من البورتو من غير ما تقولي

-أدهم: عادي يعني

-رزان: بجد المكان بقى وحش وانت مش فيه

لمح أدهم لافتة تشير إلى وجود معرض مجوهرات بالنادي ، فدارت برأسه فكرة ما ..

-أدهم : بقولي ايه يا رووزا ، ماتيجي معايا المعرض ده

-رزان : معرض ايه

-أدهم: معرض المجوهرات اللي في النادي ده

-رزان بخبت: ها ليبيه ؟

-أدهم بابتسامة ومكر: هتعرفي يا روووزا هناك ، تعالي يالا

-رزان بفرحة : اوك

.....

بحث جاسر عن شاهي اخته في النادي، وظل يطلبها على هاتفها إلى أن ردت و...

-شاهي هاتفياً : الوووو

-جاسر هاتفياً: انتي فين ???

-شاهي: في النادي طبعاً ، هاكون فين يعني

-جاسر بضيق: فين في النادي ???

-شاهي : عند حمامات السباحة ، ليه

-جاسر: طب خليكي عندك أنا جايلك حالياً

أسرع جاسر إلى حيث توجد اخته ، وما إن وجدها جالسة مع أصدقائها حتى قام بسحبها من يدها بطريقة مستفزة أمام الجميع و...

-شاهي : الله في ايه جاسر ، حد يعمل كده

-جاسر وهو يسحبها خلفه : تعالي عاوزك

-شاهي : طيب بشويش بس ، أنا جاية معاك

-جاسر: يالا

-شاهي: انتي بتضربني عشان خاطر الجربوعة دي

-جاسر: وأكسر عضمك كله طالما هنتعوجي علينا ولا تتبلي ع حد بالظلم

-شاهي: والله لأوريها بنت الشغالين دول ، أنا تضربني عشان خاطرها دي

-جاسر وقد أمسكها من ذراعها : اه وأعرفك شغلك كويس ، اياكي بس تفكري
تعرضيلها تاني، أنا اللي هاقفلك ، فإااهمة!!!!

-شاهي متألمة : آآآه ، طيب يا جاسر ماشي

-جاسر: ولعلمك أدهم عرف باللي حصل ، ومعجبهوش ده خالص

-شاهي بخوف : آآآ... أدهم عرف

-جاسر: أيوه

-شاهي: طيب عرف كمان بقى انه مامته هي اللي مخططة لده

-جاسر : نعم؟؟؟

-شاهي: أنطي فريدة هي اللي قالتلي أعمل كده ، واعتقد لما أنطي هتطلب مني حاجة
مش هتأخر عنها

-جاسر: فريدة هانم!!!!

-شاهي: أها .. ماتروح تمد ايدك عليها بالمره هي كمان

-جاسر: هي حسابها مع جوزها ، لكن انتي مسئوليتي

-شاهي : يووووه مش هنخلص من الكلام ده

-جاسر: ايوه مش هتخلصي ابدآآآآ ، واتفضلي يالا قدامي عشان تعتذري ليارا ع اللي
عملتية فيها

-شاهي : كمان؟؟

-جاسر: ده أقل حاجة تعملها ، ده انتي كنتي بهزارك البارده ده هتوديها في داهية

-شاهي: ياريتها كانت راحت

-جاسر بغضب: لو ماعتدريتيش يا شاهي ليها والله لهتشوفي مني الوش الثاني اللي
عمرك ما تتخلي ايه هو !!!
-شاهي برعب: طيب .. طيب

.....

في معرض المجوهرات الملحق بالنادي ،، ،
-رزان: واو ، المعرض تحفة يا أدهم
-أدهم: عاوزك بقى يا روووزا تنقي حاجة شيك على ذوقك انتي
-رزان: اوووه ، انت بتكلم جد
-أدهم: طبعاً!!!

ظلت رزان تنتقي بين العديد والعديد من المجوهرات المعروضة في المعرض ما وجدته
في نظرها مناسباً وراقياً وملئماً لها ...

-رزان: بص يا أدهومي ، ايه رأيك في الخاتم ده ؟؟
-أدهم: عاجبك

-رزان : ممم.. طب استنى أما أشوف العقد ده
-أدهم : اوك

-رزان: بصراحة كل حاجة هنا شكلها روووعة ، أنا محتارة أختار ايه بالظبط
-أدهم: اختاري اكثر حاجة عجبك فيهم

-رزان: بصراحة عاجبني الخاتم ده والعقد ده كمان
-أدهم: خلاص هاخذ الاتنين

-رزان: بجد؟؟

-أدهم: طبعاً!!!!

-رزان: أنا مـش مصدقة

-أدهم لمسئول البيع بالمعرض: لو سمحت احنا عاوزين العقد والخاتم

-المسئول: حاضر يا فندم

-أدهم: اتفضل ، أنا هدفع بالـ visa card

-المسئول: تمام يا فندم

-أدهم: ولو سمحت حطهم في علبة شيك

-المسئول: أكيببيد طبعاً يا فندم ، وأحب أحيي الهاتم ع ذوقها الكلاسيكي الراقي

-رزان بفرحة: ميرسي

-أدهم: عاوزك بقى يا روووزا تيجي معايا عند فيرووو والعيلة

-رزان: ليه؟

-أدهم بابتسامة خبيثة: هتعرفي هناك يا بيبي

-رزان: اووو ، أدهم ، انت عاملي مفاجأة صح

-أدهم: طبعاً!!!!!!

وضع مسئول البيع بالمعرض المجوهرات في علبة قيمة وأعطاهم لأدهم و

-المسئول: اتفضل يا فندم

-أدهم: شكراً

-المسئول: شرفتونا

انصرف ادهم بصحبة رزان وتوجها سوياً حيث تجلس عائلة ادهم و..

-رزان في نفسها: أنا مش مصدقة ادهم اشترى المجوهرات دي عشاني ، لأ وكمان هيقدمهالي قصاد أهله ، أكيببيد ناوي يخطبني تاني ، اووو ، أنا مش مصدقة نفسي ، بجد هبقى حديث الموسم

.....

في حديقة النادي ،،،

أحضر عاملو توصيل الطلبات المأكولات التي طلبها رأفت الصياد ، وبدأ تجهيز المكان لغذاء عائلي كبير ، حضر خالد إلى النادي بعد أن انتهى من عمله بالشركة ، ثم التقى بعمر الذي كان ينتظره لكي يخبره على انفراد بما حدث مع يارا و..

-خالد بضيق : كل ده حصل

-عمر: أيوه ، وكانت هتروح القسم لو مكوناش لحقناها

-خالد: وانتو كنتو فين لما ده حصل ؟؟

-عمر: أنا اتعمل عليا ملعوب وماما كملت عليها في الباقي

-خالد: برضوه ماما !!!

-عمر: ايوه ، ومحدث هيقدر يكلمها كالعادة

-خالد مقاطعاً : طيب يارا كويسة الوقتي ؟؟

-عمر: اه الحمدلله

-خالد: يعني كان ممكن الموضوع يتحل لو يارا كان معاها فلوس في جيبها

-عمر: بالظبط ، بس هي كانت قيلولتي ان مش معاها أي حاجة ، حتى كانت رافضة تشرب أي حاجة من غير ما تدفع فلوسها

-خالد وقد أخذ يفكر في شيئاً ما: أها ..

-عمر: هي موافقتش تشرب معايا عصير إلا لما وعدتها انها تعزمني ع واحد تاني أما يبقى معاها فلوس

-خالد: مممم.. ماشي

-عمر: طب ناوي تعمل ايه ؟

-خالد: بص أنا جاتلي فكرة وعاوزك تجاريني فيها

-عمر: ايه هي

-خالد: عاوزك تعمل آآ.....!!

استمع عمر إلى فكرة خالد ووافق على مساعدته في تنفيذها و..

-عمر: تمام أنا معاك

-خالد: هنشوف

-عمر: اظمن !

-رأفت من بعيد: يالا يا ولاد ، انتو هتفضلوا واقفين كده بعيد ، تعالوا يالا

-عمر: ايووه يا بابا جايين أهوو

-خالد : ماشي يا بابا

-خالد لعمر وهو يعطيه شيئاً ما بيده : متنساش اللي اتفقنا عليه

-عمر: اوك

-شريفة: أنا عندي عروسة من عيلة و آآآ...

-خالد: انا رأيي يا طنط شريفة تدوقي الشورية قبل ما تبرد أحسن

-شريفة باحراج : أها ...

ثم حضر أدهم وبصحبتة رزان التي كانت تتبخر في مشيتها و...

-رزان بفرحة و غرور: هاي عليكو

-رأفت: أهلا يا بنتي

-فريدة: هاي يا روزا

-نادية: رزان ازيك sweetie

-صافي: تعالي روزا اقدي معانا

-شاهي: أدهم ..انت كنت مع رزان

-أدهم: أه طبعااااا

-رزان: أصل أدهومة خدني من ايدي وحب آآآ...

-أدهم: لالالا لا يا روزا بلاش تكلمي انتي ، خليني أنا اللي أحكي

-رزان: أوك أدهوم

-أدهم : بصوا يا جماعة ، أنا شوفت بالصدفة الاعلان عن معرض المجوهرات اللي في

النادي ، وخذت معايا رزان طبعاً كلكم عرفينها

-فريدة: أكبيد

-صافي: رزان غنية عن التعريف

-شاهي : اووف

-ناهدي: أها

- رأفت: مممم..

-أدهم: المهم أخذت رزان معايا عشان تختار على ذوقها حاجة شيك ومناسبة عشان أقدمها هدية متواضعة لـ.....!!!!

.....

الحلقة الثانية والعشرون :

كانت جميع العائلة تجلس في حديقة النادي لتناول الغذاء ، حضر أدهم و برفقته رزان ، ثم أخرج علبة مجوهرات أمام الجميع وأخذ يتحدث عن هدية سيقدمها لـ....

-أدهم : بصوا يا جماعة ، أنا شوفت بالصدفة الاعلان عن معرض المجوهرات اللي في النادي ، وخذت معايا رزان طبعاً كلكم عرفينها

-فريدة: أكبييد

-صافي: رزان غنية عن التعريف

-شاهي : اووف

-ناهد: أها

- رأفت: مممم..

-أدهم: المهم أخذت رزان معايا عشان تختار على ذوقها حاجة شيك ومناسبة عشان أقدمها هدية متواضعة لـ..

-رزان مقاطعة بفرحة: طبعاً ليه.. آآآ

-أدهم مكماًلاً: ليارا

-الجميع بدهشة : ايبيبيبيبيبه ؟؟؟؟

-أدهم وهو يقترب بالعلبة من يارا: يا ريت تقبلي الهدية البسيطة دي مني

-يارا: نعم ???

-أدهم وقد وضع العلبة أمامها : يا رب ذوق رزان يعجبك ، هي نقت حاجة شيك وفخمة
بس عشانك !!!!!

-يارا بدهشة: أفندم???

-رزان بضيق وهي تشير ليارا : انت بتقول ايه ??? يعني كنت أخذني معاك بس عشان
خاطر البنت دي ????

-أدهم وهو ينظر لرزان بغضب : طبعاااا يا روووزا ، وده درس بسيط ليكي عشان
ماتفكريش تتعرضي لحد من طرفي مرة تانية ولو حتى بهزار !!!!!

-رزان بضيق : آآآآ.. أنا ..أنا

-أدهم: انتي ايه ، يالابقي يا روووزا روعي شوفي وراكي ايه ، مهمتك لحد هنا انتهت
، وشكراً لخدماتك .. !!!!!!!

انصرفت رزان وهي تشعر بالاحراج والغضب مما فعله أدهم بها ، جلس أدهم بجوار
يارا التي أصرت على عدم قبول هدية أدهم ...

-يارا: أنا أسفة مش هاقدر أخذ الهدية دي

-أدهم: ليه ؟

-يارا: لأن بكل بساطة مش هاقدر أردھا

-أدهم: ومحدث طلب منك ترديھا

-يارا: معلىش مش هاقدر برضوه

كان جاسر ينظر بضيق لأدهم ويارا ، فاستأذن بالذهاب ..

-جاسر: انا هاروح الحمام

-ناهد: انت ماكلتش حاجة يا بني

-جاسر: معلش أنا بحب أبقى خفيف خفيف كده

-رأفت: اها بتحافظ على جسمك الرياضي

-فريدة: طبعاا طول عمره مهتم بجسمه

-جاسر: مم.. هاروح وأرجع تاني

-رأفت: يارا حبيبتي ، كملي أكلك

-يارا: حاضر يا عمي

-خالد: بابا كنت عاوز أقولك ان شركة آآ

-رأفت مقاطعاً: خلي الكلام في الشغل بعدين

-يارا لعمر: عمر ممكن توريني مكان التويلت فين

-عمر:يا سلام ، غالي والطلب رخيص

-يارا: شكراً يا عمر ، دايمًا مزهقك بطلباتي

-عمر: متقوليش كده

نهضت يارا من مكانها ومعها عمر ، فاستفسر رأفت عن سبب قيامهما و..

-رأفت: رايعين فين يا ولاد

-عمر: التويلت يا بابا

-رأفت: طب مش لما تكملوا أكل

-يارا: أنا الحمد لله شبعت

-أدهم: استنوا أنا جاي معاكو

-يارا: متتعيش نفسك ، عمر هيوصلني

-أدهم: يالا بقی

سحب أدهم يارا من يدها وسط استغراب الجميع ، وتحرك بها بعيداً عنهم ، ولحق بهم عمر و..

-يارا بضيق: لو سمحت متعملش كده تاني ، أنا مش جاموسة صاحبها وراك

-أدهم: ده العادي بتاعي على فكرة

-عمر: هو انتو مش بتزهقوا من كتر الخناق

-يارا: قول لأخوك دايماً مستقصدني

-أدهم : يعني ده جزاتي اني عملت فيكي معروف

-يارا: شكراً يا سيدي ع معروفك الجميل ، هحطه فوق راسي

-أدهم: العفو ! ع العموم أنا ماشي

-يارا: اتفضل

-أدهم في نفسه وهو يبتعد : ما أنا مش ناقص خنقة ، هاروح أشوف روزا وأصالحها ، الظاهر ان يارا دي دماغها ناشفة زي الحجر

.....

-يارا: عمر ابقى خد هدية أدهم واديهامامتك ،أنا مش عاوزة حاجة

-عمر: ليه

-يارا: كده ، لما أعوز حاجة هبقى أشتريها ، أه واتفضل خد دول

أعطت يارا عمر النقود التي وجدتها أسفل مقعدها و..

-عمر : ايه دول ؟؟

-يارا: الفلوس اللي ادتوهاتي وأنا أعدة هناك

-عمر: طب ليه ، ماتخليهم معاكي

-يارا: شكرااااا ، أنا مش بقبل حاجة من حد

-عمر: هو احنا أي حد

-يارا: برضوه

-عمر: على فكرة دي مش فلوسي

-يارا: اومال فلوس مين

-عمر: خالد

-يارا: ميبين ؟؟

-عمر: خالد أخويا ، هو اللي قالى أعمل كده ، ولو عاوزة ترجعيهم يبقى تديهم لخالد نفسه مش أنا

-يارا: طب ما تديهومله انت وخلص مكاني

-عمر: لأ طبعااااا ، هو أنا أهبل عشان أعمل كده ، وبعدين لو أدهم مجنون 24 قيراط ، خالد أفضع منه بمراحل ، ده انا حتى مستغرب انه ازاي بقى هادي كده

-يارا: يا سلام

-عمر: أه والله ، انتي بس لسه مش عارفاه ، ده في الشغل يا ساتر يارب عليه

-يارا: ربنا يستر منه

-عمر: تعالي أوريكي فين مكان التويلت

-يارا: اوك

-عمر: احفظي الطريق كويس عشان اما ترجعيلنا تاني

-يارا: حاضر

.....

جلس رأفت بجوار خالد ليتحدث معه بشأن ...

-رأفت: خالد يا حبيبي

-خالد: أيوه يا بابا

-رأفت: بص أنا عاوز يارا تنزل تتدرب معانا ع الشغل

-خالد: اها ، خلاص ماشي ، شوف هي عاوزة تتدرب فين واحنا نوديتها المكان اللي هي عاوزاه

-رأفت: أنا عاوزها تشتغل تحت ايدك

-خالد: نعم؟؟ وهو أنا فاضي يا بابا أدرب حد لسه ، انت عارف أنا بيبقى ورايا أد ايه على دماغي

-رأفت: معلش يا بني ، أنا عاوزها تتعلم منك انت

-خالد: بابا ، انت عارف كويس أوي اني مش بحب الوسائط في الشغل ، وهتيجي وتدلع اكمني ابن عمها وكده

-رأفت: اتصرف معاها زي ما بتتصرف مع أي موظف شغال عندك

-خالد: تمام ، بس ماتجيش تدافع عنها

-رأفت: لالا ، انا ماليش دعوة باللي بتعمله ، المهم عندي انها تتعلم الشغل كويس

-خالد: ربنا يسهل

-رأفت: عظيم أوي ، بكرة هتيجي معاك

-خالد: ايبيه ، ع طول كده

-رأفت: طبعا ، مافيش وقت نضيعه !!

-خالد بضيق: طيب ..

.....

أوصل عمر يارا إلى مكان المرحاض ، ثم انصرف هو ، وحينما انتهت من غسل يديها خرجت لتعود من حيث جاءت ولكنها وجدت طفلاً ما يبكي فذهبت إليه و...

-يارا: مالك يا حبيبي ، بتعيط ليه

-مالك: مامي سابتنى

-يارا: سابتك فين ؟

-مالك: مش عارف

-يارا: طيب تحب ندور عليها

-مالك: لأ هي قالتلى استناها هنا ، بس أنا زهقت وجوعت وعاوزها بقى

-يارا: طب معلش يا حبيبي ، الوقتى هي هتيجى

-مالك: اهيء .. اهيء

-يارا وقد أخذت تفكر في حل للمعضلة : ممم...

-مالك : اهيء ... انا عاوز مامي

استمعت يارا إلى صوت موسيقى يأتي من داخل أحد المباني المجاورة لها فقررت أن تستغلها في ...

-يارا: قولى انت اسمك ايه الأول ؟

-مالك : أنا اسمي مالك

-يارا: الله ! مالك ده اسم جميل اوي ، أنا اسمي يارا

-مالك ببكاء: اهيء ..

-يارا: خلاص بقى يا مالك بلاش تعيط ، طب ايه رأيك لو رقصنا شوية ع الأغنية دي

-مالك: ايه

-يارا: بص احنا هنعمل شوية حركات بسيطة كده ع الأغنية اللي شغالة دي

-مالك : أنا مش بعرف أعمل حاجة

-يارا: انت قلدني و هتعرف

-مالك: اوك

-يارا: يالا بينا ، 1 ، 2 ، 3

بدأت يارا ممارسة بعض حركات الأيروبيكس التي كانت تقوم بها مع الأطفال في المركز الرياضي بالگردقة ، فتفاعل معها الطفل مالك وبدأ بتقليدها ..

-يارا بتشجيع : برافو مالك ، يالا

-مالك : دي سهلة أوي

-يارا: أه جذاااااا

بدأ بعض الأطفال يتجمعون ليقلدوا يارا في حركاتها ويضحكون بصوت عالي وهم في قمة السعادة حتى خرجت سيدة ما من داخل المبنى المجاور ومعها رجل يرتدي ملابس رياضية ...

-شيرين: ايه اللي بيحصل هناك ده

-الكابتن سليم: مش عارف

-شيرين: تعالي كده نشوف

-الكابتن سليم: طيب

جرى مالك ناحية والدته حينما رآها ثم أخبرها بـ...

-مالك بفرحة حينما رآه والدته : مامي ، مامي ! تعالي شوفيني وأنا برقص

-شيرين: مالووك حبيبي ، انت جميل خالص

-مالك: بصي بس عليا

-شيرين: الله ، حلو أوي

-مالك: يارا علمتني اعمل كده

-شيرين بدهشة: يارا مين ???

-مالك وهو يشير ليارا: يارا دي يا مامي

-شيرين: أها ..

توجهت شيرين إلى يارا لتشكرها عما فعلت و..

-شيرين: انتي يارا

-يارا : أيوه

-شيرين: أنا مامت مالك ، أنا جاية أشكرك ع اللي عملتية مع ابني

-يارا: أنا معملتش حاجة والله

-شيرين: كفاية انك خلتيه يضحك ويرقص

-يارا: هو كان بس بيعيط عشان مفقدك وأنا بس خفتت عنه

-شيرين : دي كبيرة عندي

-يارا: ربنا يخليكي

-شيرين: بس انتي شاطرة أوي مع الأطفال

-يارا : انا كنت بشتغل مع الأطفال في الغردقة

-شيرين: بجد؟؟

-يارا: أيوه ، أنا كنت مدربة آيروبكس للأطفال هناك

-شيرين: والله

-يارا مكلمة : اه ، بس سبته لما اتنقلت للعيش هنا

-شيرين وقد أخذت تفكر في أمراً ما : مميم

-يارا: انا مش هعطلك وسعيدة اني اتعرفت بحضرتك وبمالك

-شيرين: ايه رأيك لو تشتغلي هنا

-يارا : ايه؟؟

-شيرين: زي ما سمعتيني ، ايه رأيك تشتغلي هنا

-يارا: بس آآ

-شيرين بصوت مرتفع: كابتن سليم ، كابتن سليم

-كابتن سليم: ايوه

-شيرين: ايه رأيك لو خلينا الاستاذة يارا تشتغل في الجيم هنا

-كابتن سليم: حضرتك خريجة تربية رياضية يا استاذة

-يارا: لأ ، أنا معهد سياحة وفنادق بالغردقة

-كابتن سليم: بس ماينفعش يا مدام شيرين حد مش خريج تربية رياضية يشتغل هنا
في الجيم

-شيرين: طب ليه يا كابتن؟

-كابتن سليم: دي قوانين النادي

-شيرين: أها .. طب مافيش أي exception (استثناء)

-كابتن سليم: صعب والله

-يارا: مافيش مشكلة ، أنا أصلاً كنت بلعب مع الأطفال

-شيرين: طب أنا عندي اقتراح ، وأعتقد ان كل ال ماميز (mommies) هتوافق عليه

-كابتن سليم: ايه هو

-شيرين: انت عارف يا كابتن ان الأمهات لما بتيجي الجيم هنا بتبقى محتارة تودي ال babies بتوعها فين ، فأنا بقتراح يعني ان يارا تدريبهم زي ما احنا بندرب بس في ال store الفاضي اللي جمبنا

-كابتن سليم : ممم..

-شيرين: يعني هي هتاخد بالها منهم وفي نفس الوقت هتدربهم واحنا كمان مش هنشيل هم هما فين أو نوديهم فين ، وهتبقى حاجة غير رسمية ، ها ايه رأيك يا كابتن؟؟

-كابتن سليم: هي فكرة مش وحشة

-شيرين: واحنا ال store بتاع الأجهزة القديمة دي هنوضبه ع حسابنا ويكون جاهز

-كابتن سليم: أنا معنديش مانع لو العضوات وافقوا ع ده

-شيرين: أنا واثقة انهم هيوافقوا ، ده ماهيصدقوا طبعااااا

-كابتن سليم: طيب أنا عاوز ال cv بتاعك ، يعني بياناتك وكده عشان نتأكد منك ، معلى ده اجراء روتيني بيتعمل

-يارا: اها .. حاضر

-شيرين: تصدقي لحد الوقتي معرفتش اسمك بالكامل

-يارا: أنا يارا رفعت الصياد

-كابتن سليم: انتي تقريبي حاجة للمهندس رأفت الصياد ، أو الكابتن أدهم؟؟

-يارا: أيوه ، هو عمي وأدهم ابن عمي

-كابتن سليم: مش معقول !

-شيرين: بجد ، طب ده احنا اول مرة نشوفك في النادي

-يارا: ما أنا قولت لحضرتك أنا كنت عايشة في الغردقة

-شيرين: بيتهيألي كده يا كابتن انت مش محتاج موافقة أصلاً من العضوات ، دي من عيلة الصياد و بنت عم ادهم

-كابتن سليم: لالالا موافقة ايه بس ، الجيم كله تحت أمرها

-يارا: بس آآ

-شيرين: من غير بس ولا حاجة ، احنا هنستناكي من بكرة تيجي

-كابتن سليم: انا هخلي العمال يجهزوا الصالة اللي فوق للأطفال ، وهعملك كارنيه خاص بالـ stuff كمان عشان تقدري تشتغلي براحتك

-يارا: طب هاروح اخذ رأي عمي الأول وكده واجي أبلغكم ..

-شيرين: اه طبعا ، وانا واثقة انه هيوافق .. ولا أقولك على حاجة ، أنا هاروح أكلمه بنفسي

-كابتن سليم: انا جاي معاكي يا مدام شيرين

-شيرين: افرح يا مالووك ، يارا هتبقى الكوتش بتاعك في النادي

-مالك بفرحة: هيببييه

لم تتوقع يارا أن يتم عرض وظيفة عمل عليها خاصة بعد أيام قليلة فقط من اقامتها في القاهرة .. ولكنها شعرت الآن أنها ستعود ممارسة ما تحب في وقت فقدت فيه من أحبت ...

ذهبت شيرين بصحبة الكابتن سليم إلى رأفت الصياد وتحدثوا معه حول توظيف يارا في النادي ..

-شيرين: مساء الخير عليكم جميعا

-رأفت: مساء الخير

-نادية: ازيك يا شيري وحشاني

-شيرين: انتي اكثر يا نادية هانم

-صافي: فينك يا شيري ، مش باينة ليه ???

-شيرين: أنا على طول موجودة ، ازيك يا فريدة هانم

-فريدة بقرف: هاي

-شيرين: رأفت بيه ممكن لحظة

-رأفت: خير يا هانم

-شيرين: ممكن بس أتكلم معاك كلمتين على انفراد

-رأفت: اوك ، اتفضلي

وقف رأفت مع شيرين والكابتن سليم ليتحدثوا معه بشأن موضوع يارا و..

-شيرين: من غير ما ضيع وقت حضرتك ، احنا كنا عاوزين يارا بنت أخوك تشتغل في النادي هنا

-رأفت باستغراب: تشتغل !

-شيرين: ايوه ، ماشاء الله هي ممتازة في مهارات تدريب الأطفال ، أنا شوفتها على الطبيعة ، بصراحة هي موهوبة

-رأفت: بس يارا مش محتاجة شغل

-كابتن سليم: ليه بس يا رأفت باشا

-شيرين: أنا عارفة انها مش محتاجة الشغل ده ، بس احنا عاوزينها ومحتاجينها

- يارا من الخلف: من فضلك يا عمي أنا حابة أشتغل هنا
- رأفت: بس يا بنتي أنا عاوزك تيجي تشتغلي في الشركة معايا عشان تعرفي النظام ماشي ازاي
- يارا: أنا حابة المجال ده يا عمي ، وبعدين أنا مش بفهم في اللي حضرتك بتشتغل فيه
- شيرين: احنا عاوزين يارا بس ساعتين في اليوم ، يعني مش هنعطلها كتير
- كابتن سليم: صدقني يا رأفت باشا ، الاستاذة يارا هتعمل فرق لو اشتغلت هنا معنا خصوصاً ان شغلها هيكون مع الأطفال
- شيرين: والأطفال أحباب الله
- يارا: من فضلك يا عمي وافق ، ده أول طلب أطلبه من حضرتك
- رأفت: ممم.. ماشي ، بس على شرط
- يارا: ايه هو ؟؟
- رأفت: متلبسبش أسود تاني ، مش ناقصين الأطفال تتعقد
- يارا وهي تحتضن عمها: حبيبي يا عمي
- كابتن سليم: شكراً يا رأفت باشا
- شيرين بسعادة: ميرسي يا رأفت باشا على كرم حضرتك
- رأفت: بس اوعى حد يضايق يارا ولا يزهقها
- كابتن سليم: اطمئن يا رأفت باشا
-
- نادية : هما عاوزين رأفت جوزك في ايه يا فيروو
- فريدة: مش عارفة

-صافي: أكيد حاجة تخص البنت دي

-فريدة: دي ابتلاء من ربنا والله

-ناهد: شاهي حبيبتى ، قومي اتمشي في النادي بدل ما أنتي أعدة كده

-شاهي بضيق: اوك ، لأحسن أنا زهقت

نهضت شاهي من مكانها وهي في قمة الضيق من يارا ونظرت إليها وهي تمر
بجوارها نظرات احتقار وتوعد بالانتقام و...

-شاهي في نفسها: القلم اللي أخذته من اخويا النهاردة هردهولك أضعاف مضاعفة يا
بنت الخدامين !!!!

انصرفت شيرين ومعها الكابتن سليم ، بينما تحدث رأفت مع يارا في أمر عملها
بالشركة و...

-رأفت: بصي أنا وافقت بس تيجي النادي هنا عشان تغيري جو ، لكن ده مش معناه
اني هوافق ان دي تكون شغلتك الأساسية

-يارا: يعني ايه ؟

-رأفت: يعني زي ما وافقت انك تشتغلي في النادي انتي كمان لازم توافقي تشتغلي في
الشركة

-يارا: بس .. آآآ

-رأفت: انتي لازم تعرفي فلوسك رايحة فين وتفهمي الشغل ماشي ازاي عشان لما
تستلمي مني ميراثك تعرفي ازاي تحافظي عليه

-يارا: اها

-رأفت: من بكرة ان شاء الله أعملي حسابك هتنزلي مع خالد ، هو اللي هيدر بك ، اوك

-يارا: خالد !!

-رأفت: ايوه .. وأنا خلاص كلمته وهو وافق يدربك رغم انه كان معترض في البداية !

-يارا: اها

-رأفت: جهزي نفسك بكرة

-يارا: حاضر ..

-رأفت: يالا بينا نقعد

-يارا: اوك

.....

بعد أن قضى الجميع ليلة طيبة بالنادي ، عادوا إلى الفيلا .. حاولت فريدة أن تحسن صورتها أمام أصدقائها في النادي بكل الطرق الممكنة ، لكنها كانت حديث الجميع مما أغضبها كثيراً ، كان خالد يشعر بالضيق لأنهمضطر أن يدرب يارا على قواعد العمل في الشركة ، وكانت يارا تشعر بالتوتر من عملها الجديد .. أبلغ رأفت فريدة بنيته في تعيين يارا بالشركة فثارت كالبركان و...

-فريدة: انت بتقول ابييه؟؟؟ كمان هتخليها تنزل الشغل ، ده اللي كان ناقصني

-رأفت: الله ، مش من حقها تعرف فلوسها بتروح فين

-فريدة: عاوزها تعرف فلوس ولادي أد أيه بنت الخدامين البينة دي؟؟ مش كفاية اننا بنأكلها من اكلنا وأعدة في بيتنا ببلاش

-رأفت: ايه الكلام اللي مالوش طعم ده ، ايه بنأكلها ببلاش؟؟ انتي كمان عاوزاني أخد من بنت أخويا حق النومه والأكلة

-فريدة: يوووه ، أنت عاوز بالعافية تخليها تكوش على كل حاجة ، الفيلا والولاد والفلوس كمان !!!!!!!!!!!

-رأفت: نامي يا فريدة ، وشيلي الأوهام دي من دماغك .. دي بنتك أخويا ومن حقها عليا اني أعوضها عن سنين الحرمان

-فريدة: أنام كده بالساهل !!!

-رأفت: اه ، اقلني بس النور لأحسن الواحد عاوز ينعس بقى

-فريدة على مضض : ماشي .. نام يا رأفت وارتاح ع الاخر

-فريدة في نفسها : انتي حسابك تقل أوي يا بنت الشغالة !!!!

.....

في غرفة خالد ،،،

كان خالد يشعر بالحيرة حول مسألة تدريبه ليارا في العمل و...

-خالد في نفسه: له كده بس يا بابا ، يعني انت قاصد تخليها تشتغل معايا ، انت عارف

اني في الشغل معرفش أبويا .. بس طالما قررت أنا هنفذ بس مترجعش تلومني بعد

كده ..!!!!!!!

.....

الحلقة الثالثة والعشرون :

في غرفة يارا ،،،

كانت يارا تعد العدة لكي تذهب إلى عملها باكراً ..

-يارا في نفسها: طب هلبس ايه بكرة؟؟ مم... معنديش حاجة مناسبة ، ده حتى

الهدوم اللي عندي كلها كاجوال وجينزات ، طب هتصرف ازاي؟؟ مافيش وقت ..

مم.. مضطرية ألبس أي حاجة لحد ما أتصرف ، خلاص هلبس الجينز ده ع القميص

الأبيض ، وربنا يعديها ع خير .. عمي مقاليش المفروض أكون في الشركة ع الساعة كام !! خلاص أنا هظبط المنبه ع 8 الصبح وألبس وابقى هناك ع 9 ان شاء الله ، بيتهيألي مش هيكون قبل كده .. ربنا يبسرلي أموري بكرة ، اه وان شاء الله هدي خالد فلوسه ، فرصة أعرف أكلمه على جمب كده ..

.....

في غرفة فريدة ،،،

كانت فريدة تفكر في طريقة ما تمنع بها يارا من الوصول إلى العمل ثم فصلها منه و..
-فريدة في نفسها : لازم اتأكد ان الزفتة دي ماتروحش الشغل في ميعادها ، ايوه ، أنا عارفة خالد ابني في الشغل شديد ومش بيسكت لأي حد .. طب هتصرف ازاي .. أها ..
مافيش إلا صباح هي اللي هتساعدني في ده

تأكدت فريدة أن رأفت قد غط في نوم عميق ، ثم خرجت من غرفتها وتوجهت إلى صباح في المطبخ وطلبت منها أن

-فريدة: صباحاالح

-صباح: أيوه يا هانم ، حضرتك عاوزة حاجة قبل ما أروح أنام؟؟

-فريدة: أيوه

-صباح: خير يا هانم

-فريدة: عاوزاكي تنفذي اللي هاقولك عليه بالحرف ، ولو محصلش يا صباح اعتبري نفسك مرفودة

-صباح: آآ... في ايه يا هانم؟؟؟

-فريدة: عاوزاكي تطلعي أوضة الزفتة اللي اسمها يارا دي لما تنام وتغيري توقيت المنبه ، فاهمة !!

-صباح: طب ليه يا هانم

-فريدة: من غير ليه ، انتي تعملي اللي بقولك عليه وانتي ساكتة

-صباح بخوف: ح..حاضر

-فريدة: عاوزاها تفضل نايمة ماتقومش إلا متأخر ، فهماني

-صباح: أوامرك يا هانم

انصرفت فريدة من المطبخ ، بينما كانت صباح مترددة في تنفيذ ما طلبته منها ، ولكن لم يكن أمامها خيار آخر إلا تنفيذ ما أمرتها به وإلا تعرضت هي للطرد من عملها

-صباح: سامحيني يا بنتي ، مضطرية والله غصب عني اعمل كده ، وإلا هتطرد من الشغل .. انتي في الأول ولا في الآخر بنتهم ، لكن أنا ماليش ضهر !

.....

بعد منتصف الليل وحينما تأكدت صباح من أن يارا نائمة ، تسللت إلى غرفتها ، نظرت صباح إليها قليلاً وهي نائمة ، ثم أطفأت المنبه وخرجت وهي تشعر بالآسى ..

.....

في صباح اليوم التالي ،،،،

استيقظ خالد مبكراً كعادته واستعد للذهاب إلى العمل ، نزل من غرفته ولم يجد يارا بانتظاره ، فتوقع أنها ستأتي مع ابيه .. فغادر الفيلا و...

-خالد وهو ينظر في ساعته : الظاهر انها ناوية تيجي مع بابا ، وماله ، هياول مرة مسموحها بده ، بعد كده هيبقى في نظام تاني .. ألحق أنا أروح الشغل قبل الزحمة

.....

في غرفة يارا ،،،

كانت عقارب الساعة قد قاربت العاشرة صباحاً حينما استيقظت يارا ، نظرت إلى المنبه بعين شبه غافلة و...

-يارا وهي ناعسة: اوووف ، الواحد جسمه مكسر .. هي الساعة كام دلوقتي؟؟

-يارا وهي تنظر للمنبه : يادي النصيبة السوداء ، الساعة 10 ، يالهووي ، أنا اتأخرت ، المنبه الزفت ده مضربش ، اوووبا ، طب هعمل ايه الوقتي ، لازم أجهز بسرعة عشان ألحق أروح الشغل .. استر ياااا رب

.....

في شركة الصياد ،،،

وتحديداً في مكتب خالد ،،،

توجه رأفت الصياد إلى مكتب ابنه خالد ظناً منه أن يارا الآن بصحبته ، وتفاجئ بعدم حضورها للشركة في أول يوم عمل لها و...

-رأفت: صباح الخير يا بني

-خالد: صباح النور يا بابا

-رأفت: الله ! اومال فين يارا؟؟ ممم .. أكيد انت مخليها تشتغل صح

-خالد باستغراب: يارا أصلاً مجتش معايا

-رأفت: ومجتش معايا أنا كمان

-خالد: دي بقى اللي عاوزني أدربها يا بابا ، واحدة من أول يوم شغل ليها وبتستهتر بالمواعيد ، بذمتك ده يرضيك

-رأفت باحراج: احم.. لأ يا بني طبعاً

-خالد: يعني أنا وافقت بالعافية اني أدربها ، والهانم نايمة ولا على بالها

-رأفت: بس فريدة قالتلي انها نزلت من بدري

-خالد: خلاص كلمها يا بابا واعرف هي فين

-رأفت : ماشي

-خالد: بس قسماً بالله يا بابا لو طلعت لسه في الفيلا نايمة هوريها النجوم في عز
الضهر

-رأفت: طيب ، استنى بس أما اكلمها الأول

-خالد على مضض : ماشي

طلب رأفت يارا هاتفياً فأجابت عليه و...

-رأفت هاتفياً: الووو ، أيوه يا بنتي ، انتي فين دلوقتي

-يارا: أنا أسفة يا عمو والله ، أنا لسه في البيت ، راحت عليا نومة معرفش ازاي ،
والله كنت ظابطة المنبه بس مرنش مش عارفة ليه

-رأفت: يعني انتي لسه في الفيلا منزلتيش ؟

-يارا: أيوه

-رأفت: طيب ، خلي السواق يجيبك ع الشركة وبعدين نتكلم

-يارا: اوك يا عمو

-رأفت: سلام

.....

أنهى رأفت المكالمة مع يارا ليجد ابنه خالد ينظر إليه بضيق و...

-خالد: مش قولتلك يا بابا الهانم لسه نايمة

-رأفت: آآآ...

-خالد: وأنا مفهمك يا بابا إني مش فاضي للكلام الفارغ ده !!!

-رأفت: خلاص يا بني ، لما تيجي اتصرف معاها

-خالد: ماشي ، بس متدخلش

-رأفت: اعمل اللي يريحك ..

-خالد: طيب ..

-رأفت: أنا راجع مكتبي

-خالد: اتفضل يا بابا

.....

وصلت يارا إلى الشركة وهي تلوم نفسها لعدم استيقاظها في الميعاد ، سألت عن مكتب خالد الصياد ثم سعدت إليه لتبدأ المواجهة و...

-يارا: لو سمحت فين مكتب خالد الصياد ؟

-موظف الاستقبال: تقصدي حضرتك المهندس خالد الصياد

-يارا: ايوه هو

-موظف الاستقبال: في ميعاد حضرتك ؟

-يارا: آآآ.. لأ .. بس أنا جاية أدرب معاها هنا

-موظف الاستقبال: طب اسم حضرتك ايه والبطاقة بعد اذنك

-يارا: اتفضل

- موظف الاستقبال وهو ينظر في البطاقة: أهلا أنسة يارا ، اتفضلي استريحي حضرتك هنا لحد ما نبلغ السكرتارية

-يارا: اوك ، بس بسرعة الله يخليك

- موظف الاستقبال: حاضر يا هاتم

اتصل موظف الاستقبال بمكتب السكرتارية الخاص بخالد الصياد ليبلغه بوجود يارا الصياد في ردهة الشركة حيث أبلغوه بالسماح لها بالصعود وإعطائها الكارنيه الخاص بالعاملين في الشركة

-موظف الاستقبال: آنسة يارا ، اتفضلي حضرتك ، هما فوق في انتظارك

-يارا: شكراً ، هو المكتب في الدور الكام بعد اذنك

-موظف الاستقبال: الدور العاشر ، واتفضلي الـ ID الخاص بالموظفين في الشركة

-يارا: شكراً

استقلت يارا المصعد إلى الدور العاشر، ثم دلفت إلى مكتب السكرتارية حيث سُمح لها بالدخول إلى مكتب خالد

-السكرتيرة : آنسة يارا ، اتفضلي حضرتك ، المهندس خالد في انتظارك

-يارا: شكراً

طرقت يارا باب المكتب قبل أن تدلف إليه و...

طق...طق...طق

-خالد من الداخل : ادخل

-يارا: صباح الخير

-خالد بضيق: اقفلي الباب وراكي ، وتعالى

-يارا: اوك

-يارا: طب .. طب ممكن اسأل سؤال

-خالد: ايه

-يارا: فين المكتب بتاعي

-خالد : في الدور الثالث

-يارا في نفسها : كويس برضوه ، أهو يبقى بعيد عن خلقتك

-خالد: اتفضلي ، انتي لسه واقفة

-يارا: ح...حاضر

-خالد: اه وقبل ما أنسى ، الاستاذ منير من الأرشيف هيعلمك ازاي تعملي record لكل الملفات الخاصة بالشركة

-يارا: اوك

-خالد: بعد بقى ما يقولك الطريقة ، تبدأي تشتغلي على طول

-يارا: حاضر ، في حاجة تانية؟؟

-خالد: لأ

-يارا في نفسها : أنا أكبيبيبيبي حد دعا عليا اني اقع مع خالد الصياد في الشغلانة دي ..

هي العقربة أم خالد ، مافيش غيرها ، استر يارب ، أنا مش متفائلة

!!!!!!

.....

الحلقة الرابعة والعشرون :

توجهت يارا إلى مكتبها الجديد في الطابق الثالث ، حيث قابلت هناك رجلاً يبدو عليه
الوقار والكبر في السن هو الأستاذ منير الذي رحب بها و...

-يارا: سلامو عليكم

-منير: و عليكم السلام ، ايوه يا بنتي

-يارا: أنا يارا الصياد

-منير وهو ينظر لها من أسفل نظارته الطبية : أها

-يارا: المفروض يعني اني ..اني آآ

-منير: ايوه عارف عارف ، المفروض ان المهندس خالد بعثك هنا عشان تدريبي

-يارا: بالظبط كده

-منير: طيب ، بصي يا بنتي مبدأيا ، أنا الاستاذ منير ، هبقى رئيسك هنا في المكتب

-يارا: أها

-منير: طبعاً رئيسك المباشر هو المهندس خالد

-يارا: تمام

-منير: كمان مكتبك هيكون اللي هناك ده

-يارا وهي تشير بيدها: اللي جواد ده

-منير: ايوه

-يارا: اوك

-منير: أنا بقى هفهمك النظام هنا ايه ، وبعد كده هاقولك المطلوب منك ايه

-يارا: تمام

-يارا في نفسها : والله الظاهر ان الشغل مع الراجل أبو وش سمح ده هيكون أحسن
من أبو الغضب اللي فوق

-منير: تعالي بقى عشان أعرفك احنا بنعمل ايه هنا

-يارا: اوك يا استاذ منير

-منير: احنا هنا مسئولين عن عمل سجلات بأسماء كل الشركات والعملاء اللي بنتعامل
معاهم من أول ما بدأت الشركة عملها لحد النهاردة

-يارا: أها

-منير: احنا بنعمل ملف فيه أهم المعلومات والصفقات اللي شركتنا قامت بيها مع
العملاء دول أو الشركات

-يارا: جميل

-منير: وده بييشمل الشركات والعملاء جوا مصر وبراها

-يارا: مممم..

-منير: احنا بفضل الله عندنا قاعدة بيانات بمعلومات صحيحة وموثقة بكل ده

-يارا مبدية اعجابها: برافو

-منير: طبعا ده بيسهلنا حاجات كتير ، خصوصا لو الشركة هتتعاقد معاهم مرة ثانية أو
مع حد جديد

-يارا: اها

-منير: كمان قاعدة البيانات دي بتفيدنا في معرفة الوضع المادي لكل شركة

-يارا: كويس

-منير: وفي جزء بيوضحلنا الشركات الناشئة أو اللي ع الطريق ووضعتها خلال الفترة
اللي بدأت فيها

-يارا: مم... بيتهياي ان المعلومات دي فادتكم كثير

-منير: طبعا

-يارا: أها

-منير: المطلوب بقى منك ، تعملي قائمة بأسماء الشركات اللي حققت أرباح معنا خلال الـ 5 سنين اللي فاتوا ، وقائمة بالشركات اللي سببت خسارة للشركة

-يارا: بسيطة ، ندخل ع القاعدة اللي حضراتكوا عاملينها ونعمل ترتيب للأرباح وهتطلع القائمة

-منير: ياريتها كانت بسيطة ، كنت عملتها وخلصت

-يارا: ليه بس؟؟

-منير: المشكلة يا بنتي ، اننا بنحدث في القاعدة دي وبالتالي هي مفصولة لحين الانتهاء من تحديثها، وبالتالي مطلوب نضيف الجزء ده فيها يدويا

-يارا: طيب مافيش مشكلة ، احنا نطلع على ملفات الشركات دي ، ويعني نحاول نظبط الدنيا

-منير: يعجبني فيكي روح الحماسة بتاعة الشباب دي

-يارا: شكراً يا استاذ منير

-منير: ربنا يعينك يا بنتي ، الملفات عندك هناك أهي عشان تبصي عليها

-يارا: فين يا أستاذ منير

-منير: افتحي الباب اللي هناك ده ، هتلاقي كل الملفات الخاصة بالشركات اللي اتعاملنا معاها من يوم ما بدأنا أنا مرتبها كلها

-يارا: اوك

-منير: الاستاذ خالد طالب انك تنتهي من غالبيتها يعني لحد قبل ميعاد الانصراف ، ودي مهمتك الأولى

-يارا: مافيش مشكلة ، هيطلعوا كام ملف يعني

-منير: كام ملف !!!! أنا رأيي تشوفي بنفسك

-يارا: حاضر ... يعني هايكون فيها ايه عفريت

توجهت يارا إلى الباب الذي أشار له الأستاذ منير ، وما ان فتحتة حتى شهقت من المنظر ...

-يارا: ايبيبيبيبيبه ده ، كل دووول !!!!!!!

-منير من بعيد : شوفتهم يا بنتي

-يارا بضيق: ايوه

-منير: حاولي تبداي عشان وقتك

-يارا: احنا متفقاش ع كل ده

-منير: والله يا يارا يا بنتي ، المهندس خالد هو اللي طلب مني أكلفك بالمهمة دي

-يارا: لا والله ، طب أنا طلاله ، أنا أه جاية أدرب ، بس مش معنى كده انه يطلع عيني وأنا لسه مش عارفة حاجة

-منير: بس آآآ...

-يارا: أنا برضوه بنت عمه مش واحدة غريبة

-منير: والله آآآ

-يارا: شوية ورجعالك يا أستاذ منير

-منير: اتفضلي يا بنتي

.....

توجهت يارا ناحية المصعد واستقلته نحو مكتب خالد في الطابق العاشر ويبدو على وجهها علامات الضيق والغضب ..

-احد الموظفين: حاضر

-موظف آخر: تمام يا فندم

-موظف ثالث: حاضر يا بشمهندس

...

وما إن خرج الموظفين حتى عاتب رأفت خالد و...

-رأفت: ايه يا خالد بالراحة شوية

-خالد: بابا ، انت عارف أنا قايلك من الأول ايه

-رأفت:بس برضوه مش كده

-خالد: ده النظام بتاعي ، وحضرتك عارف ده كويس

-رأفت: لا حول ولا قوة إلا بالله ، أنا متوقعتش انك تكون بالحدة دي معاها

-خالد: والله أنا في الشغل مبعرفش إلا كده

-رأفت: خالد متنساش برضوه ان يارا ليها في الشركة ، يعني هي آآ

-خالد: خلاص يا بابا ، خلي حد تاني مسئول عنها واعفيني أنا من المهمة دي

-رأفت مستسلماً: خلاص يا بني ، اعمل اللي شايفه مناسب ...

.....

في مكتب يارا بالطابق الثالث ،،،

عادت يارا إلى مكتبها ويبدو عليها الحزن وأثار لدموع و..

-منير: ايه اللي حصل يا بنتي

-يارا: آآ...

-منير: خلاص مافيش داعي تحكي ، باين على وشك اللي حصل

- يارا باكية : ده أنا ملحقتش أقول حاجة لسه
-منير محاولاً أن يهون عليها: معلش يا بنتي ، هو نظامه كده ، وده أسلوبه مع الكل
-يارا: بس أنا مش أي حد ، ده أنا بنت عمه برضوه
-منير: والله هو ولا بيفرق معاه
-يارا: ده طردني وأخرجني قصاد الناس وعمي والموظفين ..
-منير: الحمد لله أنها جت ع أد كده

ثم رن هاتف المكتب ، فتوجه الأستاذ منير للإجابة عليه و...

-منير هاتفياً: ألووو ... ايوه

-المتصل :

-منير: حاضر .. ماشي

-المتصل:

-منير: لأ على طول هبلغها

.....

أنهى الأستاذ منير مكالمته الهاتفية وأبلغ يارا بأن ...

-منير: يارا ، اطلعي للمهندس خالد هو عاوزك

-يارا: ايبيه مكفهوش اللي عمله ، عاوز يكمل

-منير: خلاص يا بنتي اهدي ، واطلعي يالا ، هو منتظرك ، مش يمكن عاوز يصلحك
ولا حاجة ويراضيكي بكلمتين

-يارا: بعد ما هزأني قصاد القريب والغريب

-منير: معلش يا يارا ، المهم انه هيراضيكي وخلاص

-يارا: ماشي

.....

توجهت يارا مرة أخرى إلى مكتب خالد ولكن كانت تلك المرة تشعر بالحرج خاصة لأنها تعلم أن أمر اهانتها ربما انتشر الآن بين جميع موظفي الشركة ، ولكن ما كان يهون عليها الأمر هو اعتقادها أنه ربما يريد أن يراضيهما بشكل أو بآخر ...

-يارا في نفسها: زمانت الكل عرف اني اتهزأت ع ايد أبو الغضب ، الكل هيشمت فيا وهبقى لبانة في بؤهم ، والله لولا اصرار الاستاذ منير ع اني اجيله و...

-السكرتيرة مقاطعة : آنسة يارا

-يارا وقد انتبهت لها : هه

-السكرتيرة: اتفضلي ع جوا ، المهندس خالد في انتظارك

-يارا: استر يا رب

طرقت يارا باب المكتب قبل أن تدلف ، فأذن لها خالد بالدخول و...

طق... طق..... طق

-خالد من داخل المكتب : ادخل

-يارا وقد دلفت : آآ...

-خالد: خير يا آنسة كنتي عاوزه ايه

-يارا بتردد: أنا كنت عاوزه آآآ... آآآآآ

.....

صدمت يارا من طريقة خالد فقد توقعت أنه يريد أن يطيب خاطرها ولكن ما حدث هو ..

-خالد بصوت عالي: اكلمي أنا مش فاضي للتهته بتاعتك دي

-يارا بخوف: آآآآ

-خالد: ما تنطقي ، أنا مش ورايا إلا انتي ولا ايه ؟؟؟؟؟

-يارا: أنا...أنا عاوزة أقولك ان...إن الشغل اللي انت طالبه

-خالد مقاطعاً بحدة: اسمها حضرتك مش انت !!!!

-يارا: هه ... يعني أنا أقصد الشغل اللي حضرتك طلبته مني كتير أوي وأنا مش هلحق
أخلصه

-خالد بلا مبالاة : والله مش شغلي ، أنا كلفتك بمهمة ومطلوب منك تنجزها ، وأي
تأخير هتحاسبي عليه ، مفهووم

-يارا: بس أنا لسه جديدة ومعرفش آآآآ

-خالد: وده مبرر يعني على انك ماتشتغليش

-يارا: لأ ..أنا أقص......

-خالد مكماً : جديدة كلنا كنا جداد في الشغل ، مش فاهمة يبقى تسألني وتتعلمي ولا
انتني مفكرة انك جاية تقدي ع المكتب وتشربي الشاي وتاكلي وآخر الشهر تمدي ايدك
عشان تقبضي ، شغل موظفين الحكومة ده مش عندي ، الشغل هنا معناه التزام لأقصى
درجة

-يارا: بس آآ...

-خالد: اتفضلي روجي ع مكتبك وخلصي اللي كلفتك بيه ، ولو مفكرة انك بجيتك هنا أنا
هتساهل معاكي تبقي غلطانة

-يارا: هه ، لأ أنا..آآ

-خالد مقاطعاً: واعلمي حسابك ان دي آخر مرة تيجي الشغل فيها بلبس زي ده ، أنا
بفكرك تاني أهووو !!!

-يارا وقد نظرت لملابسها : بس ..بس أنا بقية حاجتي في بيتي اللي في الغردقة

-خالد: والله مش مشكلتي .. اتصرفي

-يارا بضيق : ماشي

-خالد: اسمها حاضر مش ماشي !!!!!!!!!!!!!

-يارا: حاضر ..

-خالد: اتفضلي يا آنسة ع مكتبك ، وقتك خلص !!!!!!!

-يارا: هه !

-خالد بزعيق : يالا ، انتي هتتحيلي كتير

-يارا: ح...حاضر

انصرفت يارا من مكتب خالد وهي تشعر بالحنق منه و...

-يارا في نفسها : واحد معندوش دم فعلا ، جلياط وقليل الذوق ، وأل أنا كنت مفكرة انه هيقولي مترعليش ده أنا مقصدش ، حقك عليا يا بنت عمي .. لكن جاييني عشان يهزأني تاني ، والله مايستاهل فعلاً إلا انه يتقال عليه انه أبو الغضب ... !!

تذكرت يارا أن بحوزتها الأموال التي أعطاها لها خالد في النادي بالأمس فقررت أن تعيدها إليه ، ولكنها خافت أن يثور عليها مرة أخرى فقامت بطلب ظرف ووض النقود به و..

-يارا : لو سمحتي مافيش عندك ظرف فاضي وورقة فاضية كمان

-السكرتيرة : أيوه في ، لحظة

-يارا: اوك

-السكرتيرة وهي تعطيها المظروف الفارغ : اتفضلي

-يارا: شكراً

-السكرتيرة: والورقة كمان أهي

-يارا: ولو فيها رزالة ممكن قلم بالمره

-السكرتيرة : لا عادي ، اتفضلي

أخرجت يارا المال من جيبها ووضعها في الظرف وكتبت في الورقة الفارغة ما يلي :

((شكراً .. أنا لا أقبل الاحسان من الآخرين))

وضعت يارا الورقة بداخل المظروف مع النقود ثم أعطته للسكرتيرة وطلبت منها أن

...

-يارا: معلى هطلب منك طلب أخير ، تدي الجواب ده للبشمهندس خالد أما يفضي

-السكرتيرة: بس آآ

-يارا: معلى ده في حاجة مهمة تخصه ، وميرسي ع تعبك معايا

-السكرتيرة: ولا يهملك

.....

عادت يارا إلى مكتبها وهي عاقدة العزم على أن تحاول تعلم ما هو مطلوب منها

وانجازه في أقرب وقت .. أو هكذا ظنت !!!

.....

الحلقة الخامسة والعشرون:

في شركة الصياد ،،،

عادت يارا إلى مكتبها بالطابق الثالث ، وبدأت تحاول أن تفهم ما يجب عليها عمله من الأستاذ منير الذي لم يبخل عليها بشيء و...

-منير: ها كده فهمتي ؟

-يارا: أها

-منير: طيب يالا كده ابدأي ووريني هتعملي ايه

-يارا: اوك

عكفت يارا على انهاء ما كُلفت به من مهام ، وأخذ الاستاذ منير يراقبها وهي تحاول انجاز عملها و...

-منير في نفسه: شكلك فعلاً بتاعة شغل مش جاية تهزري زي ما كنت مفكر ، ربنا يعينك يا بنتي

-يارا في نفسها: ايه كل ده ، هو انتو مسبتوش حد إلا لما اشتغلتموا معاه ، يالهوي ، هو أنا هلحق أخلص ده كله النهاردة ، ده أنا كده ممكن أبات للفجر

مرت عدة ساعات ويارا مازالت تعمل في تسجيل القوائم الخاصة بالأرباح ، ثم أخبرها الاستاذ منير بأن وقت ساعة الراحة قد جاء و...

-منير: يارا يا بنتي

-يارا: هه ، ايوه يا استاذ منير

-منير: ده معاد البريك بتاعنا

-يارا باستغراب : ايه ده هو في بريك هنا ؟؟

-منير: طبعاً ، ها ناوية تيجي معايا ولا هتقدي؟؟

-يارا: الظاهر ان مكتوب عليا أعد النهاردة ، مش هاقدر أجي يا استاذ منير، حضرتك شايف اللي قدامي

-منير: أما ... تمام ، طيب تحبي أجيبك حاجة معايا من الكافيتريا؟؟

-يارا: لأ شكراً

-منير: طيب ، عن اذنك

-يارا: اتفضل يا استاذ منير

قضت يارا فترة الراحة في محاولة انجاز ما لديها من أعمال ، عاد منير للمكتب ووجد يارا منهكة ، أشفق عليها ولكن ليس بيده أي شيء

-منير في نفسه : والله لو كنت أقدر يا بنتي كنت أكتفيت بده ، بس هعمل ايه ، أنا عبد المأمور

ثم رن هاتف المكتب ، فأجاب منير و...

-منير هاتفياً: ألوو ، ايوه

-المتصل:

-منير وهو ينظر ليارا: الوقتي ؟

-المتصل :

-منير: طيب ، حاضر

أنهى منير المكالمة وتوجه نحو مكتب يارا ليبلغها بأن خالد يريد رؤيتها بالاضافة إلى ما أنجزته من أعمال و...

-خالد: واحدة المفروض انها بتشغل في شركة من أكبر الشركات في البلد هيكون الموظفين فيها لسه بيستخدموا الورق والقلم في تسجيل معلومات مهمة

-يارا: وأنا..أنا هعرف منين

-خالد: الكلام ده ماينفعش معايا ، اتفضلي عديه تاني

-يارا: ايبيه ، ده انا تعبت عقبال ما وص...

لم تكمل يارا كلامها حيث وجدت خالد يمزق الأوراق ويلقي بها في وجهها مما أصابها بالصدمة

-خالد: ده اسمه كلام فارغ ، اتفضلي

-يارا بصدمة: ايبيه ده !!

-خالد: ده اللي المفروض يتعمل مع المهزلة دي

-يارا غير مصدقة: تـ..تعبي و..مجهودي كده راح

-خالد: اتفضلي عيدي من الأول اللي عملتية تاني ويكون مكتوب ع الكمبيوتر

-يارا: طب..كنت..كنت اديني الورق وأنا أنقله

-خالد ببرود : مش عملتية مرة ، عادي أعملية تاني !!!

-يارا: حسبي الله ونعم الوكيل

-خالد بحدة : ايبيه عندك اعتراض ؟؟؟؟؟؟؟

-يارا وهي تنظر له بغل : مم....

-خالد: روجي ع مكتبك

-يارا في نفسها : منك لله يا شيخ ، حسبي الله ونعم الوكيل فيك ، تعبي ضيعته ع

الفاضي .. ياما نفسي أطبق في زومارة رقتك يا ..يا...

-خالد بصوت مرتفع : انتي هتفضلي تبصيلي كده كثير ، اتفضلي على مكتبك !!!!

توجه خالد إلى مكتب يارا ، بينما عادت هي إلى مكتبها وهي تسب وتزفر في ضيق
و...

-يارا: أنا اللي غبية ولا انت اللي حيوان ومعدكش دم ولا زوق ، ولا في قلبك رحمة ،
ربنا يرزقك باللي تعكّن عليك

-منير: خير يا بنتي ، عمل ايه معاكي البشمةهندس خالد ، ها عجبه شغلك؟؟

-يارا: عمله اسود ومهيب على دماغه

-منير: أفندم

-يارا وهي تقلد صوته بطريقة كوميدية : البيه قطعلي الورق وقالي شركة كبيرة زي
شركتنا دي مش بتستخدم الورق والقلم ، احنا بنكتب شغلنا ع الكمبيوتر ، وزي ما
عملتيه مرة اعلميه تاني...!!

وصل خالد إلى المكتب ووقف خلف يارا يستمع إليها وهي تقلده ، لمحها الأستاذ منير
وحاول أن ينبهها و...

-يارا مكلمة : البعيد مش مكفيه اني طالع عيني من الصبح في حاجة أول مرة أعملها ،
وبدل ما يقولي شكراً بيقطعلي الورق ويرميه في وشي

-منير: م...معلش يا بنتي آآآ

-يارا: هو مفكرنا ايه؟؟؟ عبيد عنده !! ده احنا بشر ولينا طاقة

-منير: خلاص يا يارا

-يارا : أل يعني هو بس اللي بيتخنق لوحده ، ما احنا كمان بيجيلنا وقت نتخنق فيه ،
هو فعلا شبه أبو الغضب ، نفس منظره وشكله المكشّر ده .. أه لو أشوفه قدامي كنت
...كنت آآآ

لم يجد الأستاذ منير أي حل آخر لكي يحاول منع يارا من الاستمرار فيما تقول سوى
الصياح بصوت مرتفع و...

-منير بصوت مرتفع: أهلا يا بشمةهندس خالد .. اتفضل حضرتك

-يارا : بس آآآ...

جذب خالد يد يارا بقوة ، ثم فتحها ووضع بداخلها المظروف و...

-خالد: الشغل معمول للشغل وبس ، مش للجوابات ولا غيره ، اتفضلي !

-يارا: آآآ...

-خالد: وتاني مرة لما تحبي تتريقي عليا اتأكدي الأول اني مش موجود ، فالاهمة !!!

-يارا وهي تهز رأسها بالموافقة : اها !

ترك خالد يارا وهو مغتاض منها ، بينما ظلت يارا واقفة في مكانها تفكر في خطوتها التالية معه ..

-منير: الحمد لله يا بنتي انها عدت ع خير

-يارا: هه ، بتقول حاجة يا استاذ منير

-منير: بقولك الحمد لله ان اللي عملتية عدى على خير

-يارا: أها

-منير: ابقى خلي بالك بعد كده وانت بتكلمي

-يارا: اها

-منير: يالا يا بنتي كملتي اللي وراكي

-يارا: أكمل ايه بس ، قول أبدأ من الأول خالص

-منير: معلش ، أدكي بتتعلمي

.....

جاء وقت الانصراف من العمل فأرسل رأفت في طلب يارا لتذهب معه إلى الفيلا و...

-رأفت: يارا هتروح معانا

-خالد: بس أعتقد انها لسه مخلصتش اللي كلفتها بيه

-رأفت: خف عليها شوية ، مايقاش كده من أول يوم

-خالد: يابابا

-رأفت: خلاص بقي

-خالد: ماشي يا بابا ، عشان خاطر ك بس ، المرادي و خلاص

-رأفت: انت مش جاي ؟

-خالد: لأ ، عندي اجتماع وبعد كده هروح

-رأفت: طيب يا بني ، ربنا يعينك

.....

في مكتب يارا ،،،

-رن الهاتف مرة ثالثة واجاب الاستاذ منير و...

-منير هاتفياً : الووو .. أيوه

-المتصل :

-منير: حاضر هاقولها

-المتصل:

-منير: طيب ، سلام

-منير ليارا: يارا يابنتي ، عمك المهندس رأفت منتظرك تحت

-يارا: بس انا لسه مخلصتش شغل

- رأفت: كثير ايه بس ، دول حقك يا حبيبتى
-يارا: شكراً يا عمو
-رأفت: مش يالا بينا بقى ، لأحسن أنا واقع من الجوع
-يارا: بس أنا آآ..
-رأفت: انتي ايه
-يارا: عندي تدريب في النادي ، ولا حضرتك نسيت
-رأفت: برضوه يا يارا مصممة تروحي التدريب ده
-يارا: معلش يا عمو حضرتك وعدتني توافق طالما انا باجي الشغل معاك
-رأفت على مضض: ماشي
-يارا: ربنا يخليك ليا يا عمي

.....
في فيلا رأفت الصياد ،،،

- عادت يارا مع عمها إلى الفيلا لتبدل ملابسها بأخرى رياضية لتذهب إلى النادي ، كانت فريدة تشعر بالضيق من ذهاب يارا إلى العمل و...
-فريدة بضيق: نيلت ايه بنت الخدامين دي في الشغل
-رأفت: لسه برضوه بتقولي عليها كده
-فريدة: مش ده اصلها
-رأفت: يوووه ، وبتنسي برضوه انها بنت أخويا وعليها ليا حق ، ومهما قولتي ولا عملتي ده مش هيغير الحقيقة ، فاتقبلها عشان ترتاحي

-يارا: النادي

-عمر وهو يخبط كفها: اشطالا ، يعني طريقنا واحد

-يارا : أها

وبينما كان كلاً من عمر ويارا في طريقهم للخروج صادفا خالد الذي

-خالد: على فين

-يارا: ع النادي يا بشمهندس

-خالد: ايه بشمهندس دي ، احنا في البيت يبقى تقوليلي خالد

-يارا: افندم ???

-عمر: يالا يا يارا عشان مانتأخرش

-يارا في نفسها: ده اكيد مش طبيعي !!

.....

الحلقة السادسة والعشرون :

وبينما كان كلاً من عمر ويارا في طريقهم للخروج صادفا خالد الذي

-خالد: على فين

-يارا: ع النادي يا بشمهندس

-خالد: ايه بشمهندس دي ، احنا في البيت يبقى تقوليلي خالد

-يارا: افندم ???

-عمر: يالا يا يارا عشان مانتأخرش

-يارا في نفسها: ده اكيد مش طبيعي!!

ظلت يارا تتأمل خالد لبرهة من الوقت إلى أن قاطعها صوته و...

-خالد: مالك بتبصلي كده ليه

-يارا: هه .. ولا حاجة

-عمر: السواق جهز العربية ، تعالي

-يارا: اوك

-يارا: أه قبل ما أنسى يا بشمهندس

-خالد: برضوه بشمهندس

-يارا وهي تعطيه المظروف: اتفضل

-خالد: تاني !!!

-يارا: اظن ان المسائل الشخصية مكانها هنا .. وأنا مش محتاجة لحاجة ، ولو بفرض
عوزت أي حاجة هطلبها من حد تاني .. عن اذنك بقى لأحسن اتأخرت

وقف خالد مشدوهاً مما فعلته يارا ، بينما توجهت هي مع عمر إلى النادي ... أخذ خالد
يفكر في شيء ما ، ثم أخذ سيارته وانطلق خارج الفيلا.....

.....

في النادي ،،،

كانت رزان تحاول الاتصال بأدهم الذي يرفض أن يرد على اتصالاتها

-أدهم: يووه ، مابتز هنيش ، برضوه مش هرد عليكى ، أنا أروح أكلمك امبارح
تعمليلي فيها خضرا الشريفة ، خلاص اشربي بقى

-باسل: يا أدهم عبرها دي برضوه روزا

-أدهم: تو .. انا زهقت

-هيثم: حد يزهدق من الجمال برضوه

-أدهم: أنا رايح الجيم ، ناويين تيجوا ولا مبلطين هنا

-باسل: لأ أنا أعد في مزز هناك أهوو يمكن أظبط حاجة كده ولا كده

-أدهم: وماله .. بس لو حاجة تستاهل اديني رنة وأنا أجيلك

-باسل: طبعاً يا معلم

توجه أدهم إلى الصالة الرياضية ليتمرن قليلاً ، لاحظ أدهم وجود لافتة جديدة تشير إلى
افتتاح صالة لتدريب الأطفال على الأيروبيك ، كان على وشك أن يقرأ الاسم الخاص
بالمدربة ولكن قاطعه أحد ما و....

-أدهم: تعلن ادارة النادي عن بدء دورة آيروبيك للأطفال من سن 4سنوات إلى 12
سنة وذلك في أيام السبت والاثنين والأربعاء تحت اشراف المدربة الش...آآآ

-أحد الأشخاص: أدهم باشا ، منور

-أدهم: شكرآآآ

-أحد الأشخاص : طالع الجيم

-ادهم: أها

-أحد الأشخاص : طب يالا ، أنا كمان طالع

-ادهم: اوك ...

.....

جاءت يارا مع عمر إلى النادي وصادفا في طريقهما هيثم وباسل و...

-باسل وهو يشير إلى يارا : الله ، مش دي البت بتاعة المرجيحة

-هيثم: مرجيحة ايه ؟

-باسل: يا بني ركز قريبة ادهم

-هيثم: أها ... اه هي

-باسل: طب تعالى كده

-هيثم: ناوي على ايه ، ماترسيني ع الدور ، احنا مش ناقصين نقع مع أدهم تاني

-باسل: يا عم متخافش .. احنا هنتسلى شوية

-هيثم: باسل ، أدهم لو عرف انك بتضايق قريبته مش هيسكتلك

-باسل: الله مش أنا بظبطله المزز ، فيها ايه لما أظبط أنا كمان من عنده

-هيثم: تقصد ايه ؟؟

-باسل: أنا بفوتله بنات تحل من على حبل المشنقة ، يبقى من حقي أنا كمان أخذ شوية

من اللي عنده

-هيثم: بس دي بت عادية مافيهاش حاجة مميزة ، غير ان شكلها كده بلدي مش ستايل

خالص

-باسل: وماله ، ده حتى البلدي يوكل

-هيثم: والله العظيم انت ناوي تودينا في داهية !!!!

-باسل: تعالى بس

.....

اعترض باسل طريق يارا وعمر و...

-باسل: الله ، ده الجميل منور النادي

-يارا بخضة : اعوذو بالله

-باسل: ايه يا قمر لحقتي تنسيني بسرعة

-يارا بقرف: هي الأشكال دي برضوه تتنسى

-باسل: أشكال !!! ماشي ، مقبولة منك

-عمر: عاوز ايه يا باسل

-باسل: انا جاي أسلم

-عمر: ماشي يا عمنا ، وأديك سلمت ، هويينا بقى

-باسل: انت مش وراك درس يا عمورة ، متروح تشوفه كده ، وتسيب الأكبر منك
يتكلم

-عمر: ممم... درس وأكبر مني ، طب وعلى ايه ما أنا أطلب بالمره ولي أمري أخويا
أدهم يجي يشوف النظام ماشي ازاي

-باسل بقلق: هه ، أدهم ! لأ مافيش داعي ، أنا بس كنت جاي أمسي .. اسبيكم بقى

-عمر: بالسلامة

-يارا: واد رخم

-عمر: جداااااا ..

-يارا: أصحاب أخوك شبيهه

-عمر: لأ أبداااااا .. أدهم غير !

-يارا: صدقتي كلهم واحد والعينة بينة

-عمر: يالا روعي انتي ع الجيم ، وأما تخلصي قوليلي عشان نرجع سوا

-يارا: اوك

.....

صعدت يارا إلى الصالة الرياضية حيث القاعة التي تم تخصيصها لها ، وبدأت في تدريب الأطفال ، كانت الموسيقى حماسية ومشجعة على التدريب .. قضى الأطفال وقتاً طيباً و...

-أحد الأطفال: حلوة أوي يا مس يارا

-يارا: برافو عليك ، انت شاطر

-طفل آخر: وأنا شاطر برضوه

-يارا: اه جدااااا

-طفل ثالث: مس يارا عاوزين أغنية كمان

-يارا: اوك

بدأت يارا مرة أخرى في تدريب الأطفال ، وأرهقت نفسها كثيراً في تدريبات الأيروبيك للأطفال ، مما جعلها تشعر بالدوخة والتعب

-طفل ما : مس يارا ، انتي كويسة

-يارا: هه .. أه يا حبيبي متقلقش

-طفل آخر: احنا كده خلاص يا مس

-يارا: أيوه يا حبايبي ، بعد بكرة هنكمل ان شاء الله

-طفل ما: هتوحشنا يا مس يارا ، هنستناكي

-يارا: طبعاً يا حبايبي

قامت يارا بالاطمنان على تسليم الأطفال لأمهاتهم قبل أن تغلق الأضواء بالصلاة ،
ولكن للأسف كانت تشعر بأنها ليست على مايرام

-يارا في نفسها: مش قادرة خالص .. آآآه ، أنا حاسة اني هاقع من طولي ! ايوه ..
بس ده من ايه ؟؟ .. اها الظاهر اني نسيت أكل من الصباحية .. منه لله ابو الغضب
ضيع عليا البريك ورجع بعد كده البيت زي الملاك البريء معملش حاجة .. أنا يدوب ده
أسند نفسي لحد ما يجي عمر وأخليه يشتريلي حاجة أكلها .. ايوه أنا هطلبه يجيلي
على هنا ...

-يارا هاتفيا: ألوو .. ايوه يا عمر انت فين

-عمر: أنا بغير هدومي وجاي ع طول

-يارا: طب تعلاي فوق في الجيم

-عمر: ليه ؟

-يارا: معلش أصلي تعبانة شوية

-عمر: أنا جاي على طول

-يارا: اوك

.....

في أحد المولات التجارية الشهرية ،،،

دلف خالد إلى محل خاص ببيع الملابس النسائية الكلاسيك ، وأخذ ينتقي بعضاً منها
و...

-المساعدة: أي خدمة يا فندم

-خالد: اه يا ريت بعد اذنك

-المساعدة: حضرتك بتدور على حاجة معينة

-خالد: أها ، أنا عاوز بدل كلاسيك

-المساعدة: مقاس ايه يا فندم ???

-خالد: بصي أنا مش عارف المقاس بالظبط ، بس هي أقل منك في الحجم كده ،
واقصر شوية

-المساعدة: تمام ؟؟ واللون ؟؟

-خالد: أسود وكحلي ورمادي ،وعاوز الشيمزات بتاعتهم

-المساعدة: Full classical suit ؟؟ مذبوط

-خالد: ايوه ، بس القمصان تكون فاتحة

-المساعدة: حاضر يا فندم .. البديل تحبها جيب بس ولا بنطلون ???

-خالد: من ده ومن ده

-المساعدة: تمام يا فندم .. ايه رأي حضرتك في المجموعة دي ؟؟

-خالد: أها ..

-المساعدة: وفي New Collection هناك يا فندم تقدر حضرتك تبض عليهم

-خالد: اوك

-المساعدة : اتفضل يا فندم من هنا

-خالد في نفسه: كده خلصنا من أول حاجة ، فاضل لسه كذا حاجة .. يا مسهل يااا رب
، عندهم حق الستات يضيعوا وقت جامد في الشراء

مر الوقت على خالد وهو قد اشترى عدة أطقم كلاسيكية ليارا بالإضافة إلى حقائب يد
حريمي قيمة ، وأحذية كلاسيكية مفتوحة من الخلف ذات مقاس كبير لأنه كان محتاراً
في مقاس قدم يارا ، ثم طلب في النهاية أن يتم تغليف كل شيء كهدايا ، وبعدها قرر
العودة إلى الفيلا ...

.....

في النادي ،،،

كانت رزان تحاول البحث عن أدهم ، ولكنها لم تجده ، فاتصلت برقم باسل لتعرف منه

...

-رزان في نفسها : راح فين ده بس ، هو بيعاقبني عشان طنشته امبارح؟؟ هو عارف
كويس .. لأ ده كمان واثق اني مقدرش أستغنى عنه !! اووف ليه بس بتعذبني معاك
يت أدهم .. لازم أحاول أوصله بأي طريقة !

.....

-رزان هاتفياً: الوو ، باسل

-باسل: روووزا ، انتي فين يا جميلة الجميلات

-رزان: أدهم موجود عندك يا باسل ؟

-باسل: لأ هو مش موجود معايا

-رزان : طب ما تعرفش هو فين؟؟؟

-باسل: هو كان قايل انه رايح الجيم

-رزان: يعني هو لسه هناك؟؟

-باسل: مش عارف .. بس ممكن تلاقيه لسه

-رزان: أوك ، باي

-باسل: باي

توجهت رزان نحو الصالة الرياضية وهي على أمل أن تجد أدهم مازال يتمرن هناك ...

.....

في نفس الوقت تقريباً كان ادهم قد فرغ من تدريبات اللياقة البدنية ثم جلس مع أصدقائه في الصالة يتحدث قليلاً ، وما إن انتهى حتى جمع أشيائه ليغادر الصالة ، وبينما هو في طريقه للنزول ، لمح يارا وهي تسند رأسها على الحائط و...

-أدهم باستغراب: الله ! يارا

-يارا: آآآه يا دماغي ، صداع هيفرتكها

-أدهم وقد اقترب منها : يارا ، انتي بتعملي ايه هنا ؟

-يارا: هه ، عادي يعني

-ادهم: انتي دخلتي النادي ازاي ؟؟ حد من العيلة دخلك ؟؟؟

-يارا: ولو دخلت لوحدني يعني هيحصل حاجة ؟؟

-أدهم: مقصدش ، بس انتي جو النادي ده آآ

-يارا مقاطعة: ميلقش عليا صح ؟ ولا مش مستوايا

-ادهم: انتي ع فكرة فهماني غلط

-يارا: لأ فهماك صح .. والأعيبك دي مش هاتخيل عليا

-أدهم: الأعيبني ؟؟؟

-يارا: أيوه ، ممكن بعد اذنك بقى تسيبني لوحدني

-ادهم: تصدقي أنا غلطان اني جاي اكلم واحدة زيك وأديها اكرت من حقها

-يارا وهي تحاول أن تبدو متوازنة : و...واحدة زيي !!!

-أدهم مكملاً بعصبية : مليون بنت غيرك تتمنى رضايا ولا نظرة مني حتى ، وانتي عمالة تتآمري عليا ، على ايه مش فاهم !!! انتي واحدة عادية ، بالعكس أقل من أقل واحدة أعرفها وآآآ...

لم تستمع يارا إلى ما قاله أدهم بل مالت فجأة عليه وسقطت في أحضانه و..

-يارا وهي تميل عليه: آآه

-أدهم بخضة : ياااااااااا

-يارا وهي شبه واعية: الأرض ب...بتلف بيا ك...كده

-أدهم: يارا .. مالك في ايه

-يارا:

غابت يارا عن الوعي وهي تستند عليه ، فحاول أدهم أن يفيقها و...

-أدهم وهو يهز وجهها قليلاً : ياااااا ، سمعاني ، مالك بس ؟؟ طب ردي عليا لو سمعاني

-يارا: آآ.. آآ....

كانت رزان قد وصلت إلى الصالة الرياضية ، دلفت إلى الداخل وما إن سعدت سلاالم الدرج حتى تفاجئت بوجود يارا في أحضان أدهم فعلى وجهها الغضب والغل و...

-رزان بصوت عالي وغاضب: أدهم !!!

.....

الحلقة السابعة والعشرون:

كانت رزان قد وصلت إلى الصالة الرياضية ، دلفت إلى الداخل وما إن سعدت سلاالم الدرج حتى تفاجئت بوجود يارا في أحضان أدهم فعلى وجهها الغضب والغل و...

-رزان بصوت عالي وغاضب: أدهم !!!

-أدهم: آآآ... رزان

أسند أدهم يارا بجوار الحائط وذهب ليتحدث مع رزان الغاضبة و...

-رزان: بقي أنت مش عاوز ترد على تليفونات عشان دي

-أدهم: يا بنتي اصبري ، ماتفهميش الموضوع غلط ، هي بس تعبانة وأنا بحاول
أفوقها ، مانتي شايفاها اهوو قدامك !!!

-رزان: تفوقها برضوه ، ولا بتتسرح معاها

-أدهم بضيق: ايبيه بتسرح دي ، ما تلمي نفسك يا رزان

-رزان: بقي ماتعبرنيش أنا رزان بنت الحسب والنسب عشان خاطر السنكوحة دي

-ادهم: لأ عندك بقي ، انتي كده زودتيها ع الآخر

ثم وصل عمر إلى الصالة ووجد الشجار القائم بين أدهم ورزان و..

-عمر: في ايه اللي بيحصل هنا ???

-أدهم: خلاص يا رزان ، انتي كده جبتي اخرك معايا

-رزان: ايبيبيبيه ????

-عمر: الله !! دي يارا مالها

جرى عمر ناحية يارا ليرى ما الذي أصابها و..

-عمر ليارا: يااااا ، مالك ??? ايه اللي حصلك ، ده أنا كنت سايبك كويسة ???

-يارا : هه

-عمر: ردي عليا !!

.....

-أدهم: اللي سمعته !

-رزان: -...تقصد ايه ???

-أدهم: من هنا ورايح أخرنا السلام وبس ، ده لو رديت عليكي أصلاً

-رزان: يعني ايه اللي بتقوله ده ؟؟

-أدهم: يعني لحد كده وخلاااص بح !!!

-رزان بلهفة : أدهم ، سوري أنا مقصدش ، أنا بس بغير عليك ، ومش بستحمل أشوفك مع حد تاني

-أدهم: والله انتي عارفة اني كده ومن زمان . مش جديد عليكي يعني

-رزان : بليز أدهم

-أدهم: حلي بقى عن سمايا ، خليني أشوف بنت عمي مالها

-رزان: ادهم .. ياااااا ادهم

توجه أدهم ناحية يارا و...

-أدهم: لسه مفاقتش

-عمر: أنا حاولت أفوقها بالمياه زي ما عملت انت قبل كده بس مافيش فائدة ، يدوب بس بتهز رأسها

-أدهم مقترباً من أذن يارا: ياااااااا ارا .. سمعاني

-يارا: آآ...

-أدهم: لو سمعاني هزي راسك

-يارا وقد هزت رأسها قليلاً: آآ...هه

-عمر: انا معايا برفيوم في الـ bag بتاعتي

-أدهم: طب هاته

-عمر: اوك .. لحظة

وفجأة لمح الكابتن سليم ما يحدث و..

-الكابتن سليم: في ايه يا جماعة ، الله ! يارا!

-أدهم بضيق: أه هي ..

-الكابتن سليم وقد جلس على ركبتيه : مالها ؟؟ ايه اللي حصلها ؟؟

-أدهم: تقريباً داخة شوية

-الكابتن سليم: اكيد الأطفال أرهاقوها النهاردة

-أدهم مستفهماً: اطفال مين ؟

-الكابتن سليم: هو حضرتك يا كابتن أدهم متعرفش ان يارا بتشتغل معنا في النادي

-أدهم بدهشة: نعم ؟؟ بتشتغل هنا ؟؟ طب ازاي ؟؟؟

-عمر مقاطعاً وهو يعطي أدهم زجاجة البرفان : اتفضل يا أدهم

-أدهم وهو يتفحص زجاجة البرفان : مش عارف ليه حاسس انها شبه البرفيوم يتاعي

-عمر: أه هي ، ما أنا خدتها من ع التسريحة بتاعتك

-أدهم: لا والله

-عمر: ده الكلام ده من أسبوع

-أدهم: وقعتك سودة

-عمر: ما هي طول عمرها سودة ، هي من أمتي جابت ألوان يعني ؟؟

رش أدهم البرفان على يده وقربها من أنف يارا لتشتمها وتفيق

-يارا: ممم...

قام الكابتن سليم بمحاولة افاقة يارا ، وأخذ يخط بيده حدودها برفق و..

-الكابتن سليم: ياااااا .. ياااااا

-أدهم بضيق: يعني هي كده هتفوق؟؟

-الكابتن سليم: ثواني بس أنا بحاول معاها

-أدهم: مش لازم يعني محاولتك دي

-الكابتن سليم: ممكن بس سكرها يكون نزل ولا حاجة ، احنا محتاجين حاجة مسكرة

-عمر وقد أخذ يتذكر شيئاً ما : ممم...

-ادهم: ممكن عصير ???

-عمر: أنا معايا عصير ، ثواني اجيبه

-ادهم: وساكت ياخي ، هاته بسرعة

-عمر: اوك

-الكابتن سليم: كويس اوي

-عمر: اتفضل خليها تشرب العصير ده

-الكابتن سليم وهو يأخذ العصير : هاته يا عمر أنا هشربها

-أدهم بضيق في نفسه : أم الرزالة !!!

-أدهم: عنك يا كابتن ، ده واجب عليا أنا .. ما هو أنا أولى من الغريب ولا ايه رأيك

-الكابتن سليم باحراج: أها .. اتفضل

أعطى أدهم العصير ليارا لترتشف بعضاً منه ، وبالفعل أفاقت يارا قليلاً و...

-عمر بفرحة: ابتمدت تفوق ايه

-الكابتن سليم: يارا سمعاني ؟

-يارا بدهشة: أها.. آآ.. ف..في ايه ؟

-الكابتن سليم : انتي الوقتي أحسن

-أدهم: انتي كويسة؟؟ لسه حاسة بحاجة؟؟؟

-يارا: لأ..أنا.. أنا ك..كويسة ، هو في..ايه..حصل ؟

-أدهم: انتي دوختي شوية ومقدر تيش تقفي ع رجلك

-يارا: أها

-عمر: يعني انتي بقيتي أحسن الوقتي

-يارا: أه

-الكابتن سليم: تعالي في مكتبي ارتاحي شوية

-أدهم: لأ هي هتروح البيت !

-الكابتن سليم: استنى بس يا كابتن ادهم لما تفوق خالص

-أدهم: لأ كده تمام أوي ، وشكراً يا سيدي ع خدماتك

-الكابتن سليم: ده أنا معملتش حاجة

-أدهم: لا والله ، أنا مرضي باللي انت عملته ده ..

استندت يارا على عمر حتى تقف على قدميها ، ثم شكرت الكابتن سليم على مساعدتها ، وانصرف بعد ذلك الكابتن ، فطلب ادهم من يارا أن يوصلها إلى الفيلا و..

-يارا: شكراً يا كابتن ع مساعدتك ، انا كويسة

-أدهم: عشان أروحكوا انتو الجوز ، ولا ناويين تباتوا هنا ؟؟؟؟

-يارا: أنا هستنى السواق

-عمر: وأنا قاعد معاها وش

-أدهم: هي كلمة ، أنا هوصلكم يعني هوصلكم

-يارا: يوووه

-أدهم: اتفضلوا انتو الاتنين ، مش هستنى كثير

-عمر: معلش يا يارا ، خلىنا نروح معاها وخلص ، عشان خاطري أنا

-يارا: اووف ..

-عمر: يالا بقى ، ده أنا بقولك عشان خاطري

-يارا: عشان خاطرک بس

-عمر: دايماً كده نصفاني يا ست البنات

-يارا: طيب اسندني بقى لأحسن دماغى لسه بتلف حبة

-عمر بفرحة وهو يمسك بيدها ليسندها : من عينيا ، انتي بس أوامري

وفجأة وجدت يارا أدهم يبعد يد عمر عنها ويحملها بين ذراعيه و..

-عمر: انت بتعمل ايه يا أدهم

-أدهم: هنقضيه شكل مكسحين ، خلونا ننجز بقى في يومكم

-يارا: الله !!! ايه اللي بتعمله ده

-أدهم: ريحي كده شوية ، وانت يا فرقع لوز هات الشنط وحصلني

-عمر: شيال ابوكم أنا

-أدهم: بتقول حاجة

-عمر بضيق : بقول حاضر ، جاي أهوو

-يارا: والله انت مجنون !!

-أدهم: انتي لسه متعرفنيش أصلاً ، ولا تعرفي جناي عامل ازاي ...!!!!

خرج أدهم ومعه يارا وعمر ، ركبت يارا بالمقعد الخلفي ، بينما جلس عمر بجوار أدهم
ثم انطلق أدهم بسيارته نحو ...

-عمر باستغراب : انت واخدنا ع فين ??? ده مش طريق البيت

-أدهم: جعان عاوز اكل

-يارا: أووف ، أنا عاوزة أروح بقى ، تعبانة طول اليوم

تجاهل أدهم يارا وتوجه إلى أقرب مطعم مأكولات ، ثم صف سيارته وتوجه إلى الداخل
و..

-يارا بضيق: شايف اخوك ، مش كان زمانا الوقتي روحنا مع السواق ، واتعشيت
ونمت

-عمر: بصي ادهم ده بحالات ، اللي في دماغه بيعمله

-يارا: بحالات يبقى على نفسه مش علينا

-عمر: استحملي شوية، هو أكيد هيجيب أكل تيك أو اي ، يعني مش هيقعد ياكل فوق
ويطنشنا

-يارا: اوووف

عاد أدهم بعد قليل وبيده حقائب بلاستيكية مليئة بالطعام الجاهز و..

-أدهم: خدوا

-عمر: ايه ده ؟

-أدهم: أكل .. أنا قولت أعزمكم ع حاجة خفيفة كده

-عمر: كل ده حاجة خفيفة

-أدهم: كل من سكات ، يا تقول الحمد لله

-عمر: الحمد لله.. ربنا يكثر من خيراتك يا شيخ أدهم

-أدهم: خدي يا يارا ، ده عشانك

-يارا: ميرسي ، مش عاوزة

-أدهم: يا شيخة خدي ده أنا عازمك

-يارا: ماشي هاخذ بس ع شرط

-أدهم: ايه ؟

-يارا: اني أدفع تمنها

-أدهم: انتي هبلة؟؟ عاوزاني أخذ منك تمن الأكل

-يارا: أنا متعودتش حد يجيبلي حاجة ومردهاش

-أدهم: دي مش حاجة ، ده أكل ، وبعدين مش انتي مريضة

-يارا: يعني

-أدهم: والمفروض يعني عيادة المريض واجبة

-يارا: أها

-أدهم: وأنا بدل ما أدخل عليك بكيس جوافة ولا كيس برتقال ، جببتك أكل

-عمر: يا سلااااااام .. والصراحة انت أبو الواجب كله

-أدهم: يالا ، اتفضلي

-عمر: الراجل عداه العيب يا يارا ، وبيقول كلام مقنع !

-يارا: تصدق أنا اقتنعت

-أدهم: الحمد لله ، اتفضلي بقي

أخذت يارا الطعام من أدهم وبدأوا في تناوله ...

.....

في فيلا رأفت الصياد ،،،

وصل خالد إلى الفيلا وهو يحمل الكثير من الحقائب والهدايا المغلفة .. قابل وهو يصعد درجات السلم فريدة التي رمقته بنظرة فاحصة و..

-فريدة: ايه اللي أخرك كل ده يا خالد

-خالد: عادي يا ماما ، كان ورايا شوية مصالح وأشغال بخلصها

-فريدة: وبعدين ايه اللي في ايدك ده ؟

-خالد: هه .. حاجات !!

-فريدة: ما أنا عارفة انها حاجات ، بس ايه

-خالد: ماما ، أنا تعبان وعندي شغل من بدري ، ياريت بس تقولي لصباح تجهزلي الأكل بسرعة

-فريدة: طب قولي عملت ايه مع اللي ما تتسمى؟؟

-خالد باستغراب : تقصدي مين؟؟

-فريدة: هيكون مين غيرها؟؟؟ الهانم اللي محتلية الفيلا .. بنت الخدامين

-خالد: ياريت يا أمي متقوليش عليها كده ، وبعدين هي كويسة وبتشتغل

-فريدة : عاوزاك تطردها من الشغل و..

-خالد مقاطعاً: ماما هي مش موظفة عشان أطردها ، دي بتشتغل في ملكها .. وأنا بدربها وبس .. عن اذنك

-فريدة: اووف ، دايماً مش بعرف أخذ منك لا حق ولا باطل

نزلت فريدة لتبلغ صباح بأن تجهز الطعام لخالد ، فاستغل خالد فرصة عدم وجودها وتوجه ناحية غرفة يارا ، فتح باب الغرفة ثم وضع الحقائب وعلب الهدايا على فراشها ، وانصرف وعلى وجهه ابتسامة عريضة ...

.....

بعد أن تناول أدهم وعمر ويارا الطعام في السيارة ، عاد بهم أدهم إلى الفيلا ..

-أدهم: تصدقوا أول مرة أتبسط كده

-عمر: ليه يعني ؟

-أدهم: من زمان مجربتش إني اكل في العربية

-يارا: ليه يعني؟؟ ايه اللي كان مانعك؟؟؟

-أدهم: اصحابي بيحبوا دائما اننا ناكل في افخم الأماكن ونقضي وقتنا هناك

-يارا: والله المفروض تعمل اللي انت بتحبه زي ما بتعمل اللي بيحبه أصحابك

-أدهم وهو ينظر لها في المرآة : الظاهر اني ناوي احب حاجات جديدة

-يارا: أحم ... طب بص قدامك بدل ما تخبط في حد ومنلحقش كلنا نعمل أي حاجة

-عمر: طب هنعمل ايه مع الست فريدة هانم

-يارا: في ايه بالظبط؟؟

-عمر: في موضوع الأكل بره

-يارا: أنا عادي ، ده أمك ما تصدق اني ماقعدش معاها

-عمر: على رأيك

-أدهم: راعي اني اللي بتتكلمي عنها دي أمي برضوه

-يارا بابتسامة مصطنعة : لامواخذة

-عمر: طيب أنا هعمل ايه؟؟

-أدهم: هي أصلاً مش هتسألني أنا بعمل ايه

-عمر: يعني أنا اللي بختي مايل فيكو؟؟

-أدهم: ليك ربنا بقى

.....

في فيلا رأفت الصياد ،،،

كانت فريدة جالسة في الحديقة تتابع أحدث الأخبار على وسائل التواصل الاجتماعي ،
وإذ بها تتفاجيء بوصول أدهم وبصحبه يارا وعمر والضحكات لا تفارقه ...

-فريدة في نفسها: ايه اللي أنا شايفاه بعيني ده ؟؟؟؟؟ مش ممكن أدهم وعمر مع
الزفتة دي !!!!!!!

-أدهم من بعيد: فريدة هانم أعدة هناك أهي يا فرقع لوز

-عمر: فين؟؟

-أدهم: ع شمالك

-عمر: استر ياللي بتستر

-أدهم: استلقى وعدك يا حلو

-يارا: أنا طالعة

-عمر: ماتخديني معاكي

-يارا: لو كان بإيدي كنت خدتك ، بس انت عارف بيني وبين مامتك عمار ..

-أدهم: أنا رايحلها ، اخلع انت يا عمر

-عمر: حبيبي يا أدهوم ، والله ما هنسالك الجميل ده

-أدهم وهو ينظر ليارا : عشان تعرف لما الغزالة بتكون رايقة بظبط الدنيا

-عمر: ربنا يروق غزالتك ع طووول

توجه أدهم ناحية فريدة المتجهممة ، بينما فر عمر بسرعة وجرى ناحية الفيلا ولحقت به يارا و..

-أدهم: فيروووو ... my pretty lady

-فريدة: انت كنت بتعمل ايه مع البت دي ؟

-أدهم: بت مين؟؟

-فريدة: يعني مش عارف ، الزفتة اللي كانت راكبة معاك

-أدهم: ولا حاجة .. كنت في النادي ، ولاقيتها هي وعمر فقولت أوصلهم في سكتي بالمرة

-فريدة: ادهم حبيبي ، خلي بالك من البنت دي ، هي مش سهلة

-أدهم: عيب عليكي يا ماما ، ده أنا أدهم الصياد .. مش أي حد !!

-فريدة: حبيبي أنا مش عاوزة البت دي تضحك عليك ولا آآآ...

-أدهم مقاطعاً: شيليتها من دماغك يا فيرووو، البت دي أنا مفرقش معاها أصلاً

-فريدة: هي تطول اصلاً أنك تعبرها

-أدهم: قوليلي بقى ايه اخر الأخبار؟؟

-فريدة: اخبار ايه ؟

-ادهم: الفيس بوك ، وسيدات المجتمع الراقى ...

-فريدة: ماشي ، اضحك عليا بكلامك ده

-ادهم: قلبي يا فيرووو

.....

صعدت يارا إلى غرفتها ، وما إن فتحت الباب حتى تفاجنت بما هو موجود على فراشها ..

-يارا بدهشة : ايبييه ده ؟؟؟ مين اللي جاب الحاجات دي هنا؟؟؟

.....

الحلقة الثامنة والعشرون :

في غرفة يارا ،،،

صعدت يارا إلى غرفتها ، وما إن فتحت الباب حتى تفاجنت بما هو موجود على فراشها ..

-يارا بدهشة : ايبييه ده ؟؟؟ مين اللي جاب الحاجات دي هنا ؟؟؟؟

أخذت يارا تتفحص الحقائب وترى ما بداخلها وتفتح علب الهدايا ..

-يارا: مش ممكن ، هدوم كلاسيك ، لا وكمان جزم وشنط !! ده مين اللي جابلي الحاجات دي ؟؟ أنا أصلاً كنت لسه محتارة هللبس بكرة ايه ، وكنت بجهز نفسي عشان

اسمع كلمتين باردين من أبو الغضب ، بس الظاهر ان الحمد لله ربنا هينجيني .. بس يا ترى مين اللي جابوهم ??? ومين عرف مقاسي ، أكيد عمي رأفت !! هو مخلصهوش اني أتهان تاني من ابنه ، ربنا يخليك ليا يا عمي ، دائماً واقف في ضهري .. أما أجرب الهدوم دي وأشوف هتطلع مقاسي ولا لا

ظلت يارا تقييس الملابس الجديدة ووجدت أن المقاس ملائم لها إلى حد ما ، ولكن كان لديها مشكلة واحدة فقط وهي أن الأحذية ذات كعوب عالية وهي لم تعتد ارتداء مثل تلك الكعوب من قبل إلا في مناسبات محدودة ..

-يارا: الهدوم الحمد لله تقريباً مطبوطة عليا ، بس مشكلتي الوقتي مع الجزم دي ، هلبس أنا أزاي الكعب ده كله ، ده أنا كان أخري 4 ولا 5 سم مش بتاع زي ده !! أوووف هعمل أنا ايبيه ، لازم أتصرف .. بس الحمد لله اني لاقيت حاجة ألبسها بكرة .. آآآه ، ده الواحد حاسس ان جسمه كله مكسر ومدشش ع الاخر .. المرادي أنا هظبط المنبه والموبايل عشان أصحى في ميعادي مش ناقصة كلمة بايخة من أبو الغضب !!!

حاولت يارا أن تنام ولكنها للأسف أصيبت بالأرق لخوفها من عدم تمكنها من الاستيقاظ مبكراً ، فلم تنم إلا قرب الفجر

.....

في غرفة خالد ،،،

كان خالد يدور في غرفته ذهاباً وإياباً ، هو يريد أن يعرف ردة فعل يارا حول ما اشتراه لها من ملابس وأشياء أخرى و...

-خالد: يا ترى الحاجة عجبتها ??? طب هتطلع مقاسها ولا لا؟؟ طب هي ممكن تلبسها أصلاً بكرة ولا ترجعها زي الفلوس .. بس هي متعرفش ان أنا اللي جبتلها الحاجة ، ما انا لو قولتلها ممكن مترضاش تاخدها.. هيبان بقى بكرة .. ربنا يسهل ويهديا ...

.....

في غرفة فريدة ،،،،،

-فريدة: الهانم راجعة مع أدهم وعمر

-رأفت: طب كويس والله ، أهي بدأت تندمج مع ادهم كمان

-فريدة: يعني انت مش معترض ع ده ؟؟؟

-رأفت : واعترض ليه ، دول ولاد عمها وهيخافوا عليها

-فريدة: ده أنا اللي خايفة عليهم منها ، دي بت مش سهلة وناوية على شر أكيد

-رأفت: يا فريدة متظلميهاش ، دي أغلب من الغلب

-فريدة: أه طبعا ، دافع عنها زي عوايدك ، أل غلبانة أل ، دي مش مضيعها وقتها

خالص ، الصبح تلاقياها مع خالد في الشغل ، وبالليل مع أدهم في النادي ، ووقت

فراغها مع المفعوص الصغير عمر !!!! مش بتضيع وقتها ع الآخر!!!!

-رأفت: يا شيخة بلاش الكلام ده

-فريدة: ده أنا فاهمة ألاعيها البت دي !! لكن مش هتخيل عليا ، وأنا هفضل وراها

بالمرصاد

-رأفت في نفسه: احسن حاجة أعملها أني أنام ، بدل أم الاسطوانة اللي مابتخلصش

دي كل يوم !!!

-فريدة: الله !! انت نمت وسبتني

-رأفت: Zzzzzzzzz

-فريدة: يا رأفت ، هو أنا بكلم نفسي ؟؟؟

-رأفت: Zzzzzzzzz

-فريدة بقرف : اوووف !!!

.....

في صباح اليوم التالي ،،،

استيقظت يارا مبكراً قبل أن يرن منبهها حتى ، بدأت ترتدي ملابسها الجديدة وهي سعيدة ، ارتدت يارا قميصاً أبيض اللون وجيبة سوداء تصل إلى ما بعد الركبة بقليل وتركت شعرها منساباً على ظهرها ، أما بالنسبة لمشكلة الحذاء ذو الكعب العالي فقد توصلت إلى حل ما مريح بالنسبة لها و...

-يارا بعدم تصديق وفرحة: لالا لا مش ممكن ، دي انا ، لأ استحالة .. ههههههه ، أنا معرفتنيش ، ممم.. أعمل ايه مع الكعب ده .. ممم.. فكرة ، والله هتبقى حلوة ، أنا أصلاً مش هلبسه إلا في الضرورة ، حلو أوي هاخذ معايا الاسبديريه وأحط الجزمة في شنطتي وأبقى ألبسها وأنا في المكتب ، ولو حد طلبني وأنا أشك في ده أبقى ألبس الكعب العالي ، اشطال .. أما الحق أنزل بسرعة قبل ما تشوفني أم أربعة وأربعين وأبقى أبدل الجزمة تحت ..

خرجت يارا من غرفتها وهي تمسك بالحذاء في يدها فقابلت فريدة التي اندهشت من هينتها و...

-فريدة بصوت مرتفع وهي تنظر للحذاء : ايه المنظر البيئه ده ؟؟

-يارا بخضة : يامه

-فريدة: ابييه ؟؟؟ شوفتي عفريت ؟؟؟؟

-يارا: آآآآ... لأ

-فريدة وهي ترمقها بنظرات احتقار : في واحدة تطلع من اوضتها ماسكة الشوز بالمنظر ده ولا بسة حاجة تانية في رجلها

-يارا: أنا...آآآ.. يعني كنت مستعجلة وكده

-فريدة: الكلام ده مايحصلش عندي ، شغل الخدامين ده يتعمل في أي حته تانية إلا هنا !

قررت يارا أن تشكر عمها و..

-يارا بتردد: عمي آآآ....

-رأفت: ايوه

-يارا: ميرسي

-رأفت: على ايه؟؟

-يارا: يعني ع الحاجات اللي انت جبتها وكده

-رأفت باستغراب: حاجات ايه؟؟

-يارا: ال...آآآآ

-خالد مقاطعاً وهو ينظر ليارا: صباح الخير

-يارا في نفسها: أعوذو بالله ، النكد بدأ بدري أوي

-رأفت: صباح الخير يا بني ، تعالى أظفر

-خالد: لأشكراً ، الساعة 9 إلا ربع ، يدوب ألحق أوصل الشركة

-يارا بفزع: ايبيبيبيبه ، 9 إلا ربع ، أنا لازم أروح بسررعة

-رأفت: استني أما تكلمي فطارك

-يارا: اكمل ايه؟؟ أصل أنا عندي مدير زي النسمة

-خالد: احم... أنا وافق لسه

-يارا: أنا قولت حاجة غلط؟؟

-خالد: لأ.. ما أنا مستني تكلمي

-رأفت: طيب اسبقيني وأنا هحصلك

-يارا: يعني أخلي السواق يوصلني الأول

-رأفت: أيوه ، وبعد كده يرجعلي

-يارا: أوك

جرت يارا بسرعة دون أن تدري أنها لم تأخذ الحذاء معها ، نادى عليها رأفت ولكنها لم تستمع إليه ..

-رأفت: يا يارا .. ياراللاللاللال

-خالد: بتنادي عليها ليه يا بابا؟؟

-رأفت: البنبت نسيت الشوز بتاعها ع التربيذة!!!

-خالد: هه .. طب هاته يا بابا وأنا هدهولها في الشغل

-رأفت: طيب .. بس بلاش الله يكرمك عمايلك معاها

-خالد: بابا ، انت كلفتني بمهمة تربيها فسبني أكمل للأخر

-رأفت: ربنا يستر وما تطفش

.....

وصلت يارا إلى السيارة التي سئقلها ، ثم ركبت في المقعد الخلفي وطلبت من السائق الانطلاق فوراً ، وحينما كانت في منتصف الطريق تذكرت انها نسيت الحذاء ذو الكعب العالي

-يارا: اووووبا ، ده أنا نسيت الجزمة جوا ، كده انا مش هلحق أرجع وأخذها .. أعمل ايه بس يا ربي ، ده مافيش وقت خالص .. يوووووه ، لبخني أبو الغضب !! خلاص بقى هحاول ماتحركش من مكتبي كتير النهاردة وربنا يوحشه عني ..

.....

خرج خالد مبتسماً من الفيلا لأن يارا قد ارتدت ما اشتراه لها ، وما إن تذكر هينتها وهي تجري مهرولة حتى ضحك و...

-خالد في نفسه: الحمد لله انها لبستهم ، شكلها حلو الصراحة ، بس مجنووونة ، ممم..
انا هحط الشوز بتاعها في ال suitcase ماهو مش معقول هدخل الشركة وانا ماسكة
في ايدي ، أنا أه مدير الشركة ومن حقي أعمل اللي أنا عاوزه بس في نفس الوقت
مش مجنون زي يارا ..

.....

في الشركة ،،،

وصلت يارا إلى الشركة قبل خالد فحمدت الله على هذا ، ثم صعدت إلى مكتبها ورغم أن
الموظفين كانوا يرمقونها بنظرات غريبة إلا أنها لم تعبأ بهم و...

-يارا: الحمد لله وصلت قبله ، أخيراً ااااا .. ألحق أطلع المكتب .. مال الناس بتبصلي كده
ليه ، عادي عادي ، امشي بثقة يا يارا ميهمكيش من حد ، محدش ليه عندك حاجة !!

.....

في مكتب يارا ،،،

ألقي الأستاذ منير التحية على يارا حينما وجدها متواجدة في المكتب و..

-منير: صباح الخير يا بنتي

-يارا: صباح الخير يا استاذ منير

-منير: ايه الأخبار ؟

-يارا: الحمد لله في نعمة

-منير: يارب دائماً ، جاهزة للشغل من بدري

-يارا: ان شاء الله ، أديني بحاول أكمل من عند ما وقفت امبارح

-منير: تمام .. لو احتاجتي حاجة أنا موجود

-يارا: اوك

-منير: تحبي أطلبك فطار ولا حاجة

-يارا: لأ أنا خلاص فطرت

-منير: ألف هنا .. يالا أسيبك تشتغلي بقي

-يارا: شكراً

ظلت يارا تعمل بتفاني في محاولة لأن تثبت نفسها ، ولكن فجأة انقطع التيار الكهربى دون أن تقوم يارا بحفظ ما قامت بكتابته ، فصرخت و..

-يارا: لألألألألألألألألألأ

-منير: عادى يا بنتى ، ساعات بتحصل ان الكهربا تقطع ، الوقتى المولد الاحتياطى يشتغل

-يارا: أنا بصوت مش عشان الكهربا اتقطعت لأ عشان شغلى اللي عملته نسيت أحفظه !!

-منير: ابيبيه

-يارا: لألألأ ، والله العظيم أنا مدعى عليا بالشغلانة دي ، يا حظى الأسود ، أعمل أنا ايه الوقتى

-منير: اهدى بس ، ان شاء الله كل مشكلة وليها حل ، مش يمكن تكونى حفطتى اللي كتبتيه وانتى ناسية

-يارا: ياااااا رب اكون عملت كده ، ياااااا رب

وماهى إلا بضع دقائق اخرى حتى عاد التيار الكهربى مرة أخرى ، فقامت يارا بتشغيل جهاز الحاسب الآلى الخاص بها ، ثم أعادت تشغيل برنامج الكتابة وكانت الصدمة أنها لم تحفظ أخر ما قامت بتعديله فى المستند

-منير هاتفياً: ألوو .. ايوه

-المتصل:

-منير: طيب ، حاضر

-المتصل:

-منير: اوك.

أنهى الأستاذ منير المكالمة و..

-يارا: من غير ما تكلم ، أكيد المكالمة دي عشاني

-منير وهو يهز رأسه بالايجاب: أها

-يارا: اصدمني وقولي انه..انه..آآآآ

-منير: أيوه هو

-يارا: اللهم إني لا أسألك رد القضاء ولكن أسألك اللطف فيه !!!!!

خرجت يارا من مكتبها وهي تحمل هماً كبيراً ، تناست معه تماماً أنها ترتدي حذاءً رياضياً وتوجهت نحو مكتب خالد بالطابق العاشر

.....

في مكتب خالد ،،،

-يارا للسكرتيرة : أبو الغضب طالب يشوفني

-السكرتيرة: نعم؟؟؟

-يارا: أقصد المهندس خالد عاوزني

-يارا بدهشة: نعم ???

-خالد مكملاً: بس الشياكة دي ناقصها حاجة ولا أنا غلطان ??

-يارا: ايه ??

-خالد مشيراً لقدمها: آآ... أقصد ..آآ

-يارا: احم... اها .. ده موضوع ثاني ، أنا كنت متأخرة..و..آآ.. ونسيت احم ..قصدي
ده نيو لوك جديد .. موضعة يعني

-خالد: لا والله

-يارا: طبعاً

-خالد: طب افتحي الشنطة اللي هناك دي

-يارا: ليه؟

-خالد: فيها حاجة تخصك

-يارا: حاجة ايه

-خالد: افتحي وانتي هتعرفي

-يارا: اوعى يكون جواب رفدي !! ده أنا ملحقتش

-خالد: يعني أنا لو عاوز أرفدك هحطلك الجواب في شنطتي مثلاً

-يارا: أه ، تلاقيك كتبتته وانت بتشرب الشاي

-خالد: لأ لسه مكتبتتهوش، بس ناوي لو مفتحتيش الشنطة

-يارا: طيب ..طيب

فتحت يارا الحقيبة الخاصة بخالد لتتفاجيء بوجود حذائها ذو الكعب العالي بداخلها و..

-يارا : ابيبيه ده ???

-خالد: اظن ان ده يخصك ، صح ؟

-يارا: أيوه ، بس.. بس جبته ازاي

-خالد: يعني كنت في الفيلا وقتها وآآآ...، انتي هترغي معايا ، خديه يالا وماتنسيش
تلبيسييه تاني ! مفهوم

-يارا: ربنا يسهل

-خالد بوجه عابس : اتفضلي ع مكتبك

-يارا: بس كده

-خالد: أه ... !!!!

-يارا بصوت هامس : عليك بوز الله اكبرررررر..

-خالد: بتقولي حاجة ؟

-يارا: لأ ..آه .. بقول شكرًا!!!!!!

.....

الحلقة التاسعة والعشرون:

في شركة الصياد ،،،

كان الجميع يعمل بهمة ونشاط لانجاز ما هو مطلوب من أعمال ، كانت يارا تشعر بالارهاق والتعب خاصة أنها لم تنم جيداً ، حاولت جاهدة أن تهني ما كلفها به خالد ، واستطاعت إلى حد ما انجاز جزء منه ..

-يارا: ها يا استاذ منير ايه رأيك في كده ؟

-منير: الله ينور يا بنتي ، تمام

-يارا: ده أنا دوخت أوي عقبال ما وصلت للطريقة دي

-منير: هي طريقة مبتكرة بس أنجزت معاكي

-يارا : الحمد لله

-منير: مش هتطعي البريك

-يارا: لأ محتاجة أطلع فعلاً ، عاوزة أشرب كوباية نسكافيه عشان أفوق

-منير: أها ..

-يارا: بس اطبع اللي أنا عملته احتياطي عشان يكون عندنا نسخة ورقية

-منير: تمام

-يارا: أروح أطبع بقى فين؟؟

-منير: في مكتب طباعة هنا في آخر الطريقة بس لو ملاقيتهوش شغال ، هتلاقي واحد

في الدور السادس ، وواحد في الدور العاشر وفي الـ...آآآ

-يارا مقاطعة: حلو بتاعنا ، ولو ملاقتش هاطلع ع السادس ، وربنا يبعد عنا العاشر

-منير: ههههههههههههه ، دمك خفيف يا بنتي

-يارا: الله يكرمك يا استاذ منير

.....

ذهبت يارا لتطبع الورق الخاص بها في مكتب الطباعة في نفس الطابق ولكن كان مغلق لأنها فترة الراحة ، فقررت أن تصعد للطابق السادس وكذلك كان الحال .. فلم يعد أمامها إلا الطابق العاشر لتصعد اليه و..

-يارا: لو سمحت .. بعد اذنك !

-أحد الموظفين: خير يا أنسة ..

-يارا: هو المكتب مش شغال ولا ايه ؟؟؟

-أحد الموظفين: هما في البريك يا أنسة

-يارا: اها .. طيب المكتب اللي في السادس شغال

-أحد الموظفين: ممكن تلاقيه برضوه في وقت البريك ، اللي مش بياخد بريك وشغال دائماً المكتب اللي في العاشر

-يارا: الظاهر انه اتكتب عليا أطلع العاشر

-أحد الموظفين: في حاجة يا أنسة ؟؟

-يارا: هه .. لأ مافيش ، شكراً ع مساعدتك

-أحد الموظفين: العفو ..

..... اضطرت يارا أن تصعد إلى الطابق العاشر لتطبع الورق الذي انجزته ، كانت تتمنى في نفسها ألا ترى خالد و..

-يارا: أووووبا ده أنا نسيت ألبس الجزمة أم كعب، يارب مايشوفني ، ده ممكن يعمل فيلم من الموضوع الهاييف ده ، أنا أحسن حاجة أعملها أطبع وأخلع من هنا ، بس فين مكتب الطباعة اللي هنا ..

استوقفت يارا أحد الموظفين لتعرف منه مكان المكتب الخاص بالطباعة و...

-يارا: لو سمحت فين مكتب الطباعة الموجود هنا ؟

-موظف وهو يشير لها بيده : هناك يا استاذة جمب سكرتارية المهندس خالد

-يارا: ايبيبيه؟؟ يادي الحظ ، استر يا رب !

توجهت يارا نحو مكتب الطباعة وهي تدعو الله ألا تصادف خالد و...

-يارا: يارب ما أقبله ، يارب ألبخه في أي حاجة ، ياا رب

قامت يارا بطباعة الأوراق وحمدت الله أنها قاربت على الانتهاء من هذا في وقت قصير ، ولكنها سمعت صوتاً عالياً بالخارج فنظرت من الباب لتجد أن خالد يوبخ شخصاً ما لأنه أوقع بدون قصد المشروب الخاص به و...

-خالد بصوت عالي : دي اسمها مهزلة !!!!

-موظف: أسف يا فندم

-خالد: الكافيتريا معمولة ليه ان شاء الله ؟؟؟ مش عشان الأكل والشرب يبقى فيها

-موظف: يا فندم آآ...

-خالد: اتفضل ابعت حد ينضف اللي عملته ده ، وده آخر تحذير ليك

-موظف: دي ..دي أول مرة يا...يا بشمهندس خالد

-خالد: ماهي عشانها أول مرة فأنا بحذرك بعد كده هيكون في كلام تاني ، فإاااااااااااهم
!!!

-موظف بخوف : ح...حاضر

وفجأة حمل خالد يارا وتوجه بها نحو مكتبه و...

-يارا بخضة: انت .. بتعمل ايه

-خالد: ولا حاجة

-يارا: عيب مايصحش ، ده ..ده في موظفين وأنا ..أنا شكلي بقى فائلة خالص قصادهم

-خالد: نعم؟؟ شكك بقى ايه؟؟؟

-يارا: أقصد شكلي ومنظري قصادهم آآ...

-خالد: يا شيخة ، وقبل كده كان عادي ، وبعدين لو كنتي ناسية فأنا مدير الشركة

وأعمل اللي عاوزه

-يارا: بس شوفتني وأنا بعمل بلانس في الهوا

-خالد: كنتي مسخرة

أجلس خالد يارا على الأريكة الموجودة بمكتبه ، وجلس على ركبتيه وأمسك بقدم يارا
و...

-يارا: انت هتعمل ايه تاني؟؟

-خالد: هشوف رجلك

-يارا: وتشوفها ليه ، هي...هي كويسة

-خالد: ششششش... اسكتي شوية خليني أشوف رجلك مالها

-يارا بتوتر : لأآ.. آآه ..

-خالد: بس متتحركيش كتير

-يارا باحراج: ايه اللي بتعمله ده ..

-خالد وهو يفحص قدمها : ممم... ان شاء الله بسيطة

فحص خالد قدم يارا فوجدها ملتوية قليلاً ، فدخل إلى الحمام الملحق بغرفة مكتبه وأحضر من الداخل مرهماً خاصاً بالكدمات و...

-خالد: اعتقد ان ده هيجيب نتيجة معاكي

-يارا: ايه ده

-خالد: ده مرهم عشان الكدمات

-يارا: أها ... شكراً

-خالد: مدي رجلك شوية

-يارا: أفندم ؟

-خالد: عشان أدهنهالك

-يارا: لا كله إلا كده ، أنا هدهن لنفسي

ثم فتح الباب فجأة رأفت الصياد ، فارتبكت يارا لرؤيته وحاولت أن تنهض من مكانها ولكنها تألمت للحركة الفجائية و...

-رأفت: احم.. هو انا جيت في وقت غير مناسب ولا حاجة

-يارا بفزع وآلم : عمو رأفت .. آآآآه

-خالد ببرود: أهلا يا بابا ، تعالى

-رأفت: في ايه اللي حصل

-خالد: يارا حبت تلعب باليه ماني في الشركة فوقعت

-رأفت: مايوقع إلا الشاطر ، انتي كويسة؟؟

-يارا وهي تدهن قدمها بالمرهم : أها .. الحمدلله

-رأفت: ألف سلامة عليكي ، أنا بأكد عليك يا خالد على معاد الاجتماع مع الوفد الألماني كمان يومين

-خالد: أها ، خلاص عرفت يا بابا وظيفت الدنيا

-رأفت: طب تمام

-يارا باحراج: استناني يا عمو عشان أنا جاية معاك

-خالد باستغراب: بس أنا لسه آآآ...

-يارا مقاطعة : ش...شكراً ع اللي عملته معايا يا خ...يا بشمهندس ، عن اذنك

خرجت يارا بصحبة عمها ، كانت تعرج قليلاً ولكن حدة الألم بدأت تخف تدريجياً بفعل المرهم الخاص بخالد ، ثم عادت إلى مكتبها مرة أخرى فاستغرب الأستاذ منير من حالتها و..

-منير: ايه اللي حصلك يا بنتي ؟

-يارا: ولا حاجة ، اصابة عمل

-منير: يا ساتر يا رب ، طب انتي كويسة

-يارا: الحمد لله

-منير: طبعتي الورق

-يارا وهي تخبط كفها في رأسها : اوبالالا ... الورق !!!

.....

في فيلا رأفت الصياد ،،،،

استيقظ أدهم ونزل إلى الأسفل ليجد والدته تتحدث هاتفياً مع أختها ناهد و..

-فريدة هاتفياً: طبعاً يا ناهوود ، ده احلى عيد ميلاد هيتعملها ، هو احنا عندنا أعلى من شاهي

-ناهذ: تسلميلي يا فريدة ، مش هوصيكي ، وكلكم طبعاً معزومين

-فريدة: هو احنا محتاجين عزومة ، ده احنا أصحاب مكان

-ناهذ: أكيبيد طبعاً

-فريدة: ماتشليش هم حاجة ، أنا هتصرف

-ناهذ: ربنا يخليكي ليا

-فريدة: طيب ، سلام دلوقتي عشان أدهومة صحي وأنا هظبط معاه الدنيا

-ناهذ: سلميلي عليه أوي ، وباي

-فريدة : باي

أنهت فريدة المكالمة مع أختها لتجلس وتحدث مع أدهم و...

-فريدة: صباح الخير يا ادهومة

-أدهم: صباحك جميل زيك يا فيرووو

-فريدة: ادهومة بقولك ايه ، عيد ميلاد شاهي كمان يومين وعاوزاك بقى تبهرنا زي كل سنة

-أدهم بعدم اكتر اث : ان شاء الله

-فريدة : مالك يا حبيبي ، شكك مأريف ليه كده ؟

-أدهم: عادي يا فيرووو ، تلاقيني بس محتاج أشرب مج كابتشينو ولا حاجة عشان أفوق

-فريدة: انا هخلي صباح تعملك الوقتي واحد ، وبالمره نفطر سوا

-أدهم: اوك ، او مال البيت ماله ساكت كده ليه ؟؟

-فريدة بقرف: طبعاً طالما بنت الخدمة مش فيه هتلاقينا رجعنا للهدوء تاني

-أدهم: يارا !! ليه؟؟ هي راحت فين؟؟

-فريدة: باباك أخذها معاه الشركة

-أدهم بدهشة : نعم؟؟؟ بتقولي ايه؟؟؟ الشركة !!!

-فريدة: ايوه ماهو الهانم مش بتضيع وقت ، بعد ما حطت رجلها في الفيلا ، قالت تحط

رجلها في الشركة كمان !!

-أدهم: الكلام ده حصل من امتي؟؟

-فريدة: من امبارح ، انت بتسأل ليه؟؟؟

-أدهم: يعني هي مع بابا الوقتي ؟

-فريدة: لأ ... مع أخوك خالد ، ماهو بابا مخلصهوش ان حد غريب يدربها ، فخلي خالد

هو اللي مسئول عنها ...!

-أدهم: ابييييه ، خالد ..!!!!!!

-فريدة : ايوه .. والهانم مصدقت صاحية من النجمة عشان تلحق تروح وتعجب و..آآآ

-ادهم مقاطعاً: ماما أنا هنزل اشتغل في الشركة!!!!

.....

الحلقة الثلاثون:

في فيلا رأفت الصياد ،،،

كانت فريدة تتحدث مع ابنها حول أمر ترتيب عيد ميلاد شاهي ، وما إن أخبرته بأمر

ذهاب يارا للعمل مع والده وأخيه حتى أخبرها بـ ...

-أدهم : ماما أنا هنزل أشتغل في الشركة ...!!!

-فريدة: نعم؟؟؟ بتقول ايه

-أدهم: زي ما سمعتيني يا فيرووو

-فريدة: طب ليه القرار المفاجيء ده ؟؟؟؟

-أدهم: ولا مفاجيء ولا حاجة ،ده..ده كان المفروض أعمله من زمان

-فريدة باستغراب : بس اشمعنى الوقتي؟؟ هاه ؟؟؟

-أدهم: عادي ، المود بتاعي جاييني أشتغل

-فريدة: ولا عشان الزفتة اللي ما تتسمى ، قول ماهي الظاهر انها عمالكو عمل كلكم
هنا !!!

-أدهم: فيرووو .. مش انتي كان نفسك أنزل اشتغل؟؟ ايه اللي مزعلك الوقتي؟؟

-فريدة: أه نفسي تنزل تشتغل ، بس مش مع الزفتة دي

-أدهم: وأنا مالي بيها

-فريدة بحدة : أدهم !! هو أنت مش ابني وعارفك لما بتفكر في حاجة

-أدهم: يوووو

-فريدة: لأ ،اعمل حسابك انك مش هتروح الشركة طول ما بنت الخدمة دي فيها ،
ونزول للشركة مش هيحصل أبداااااا ، فaaaاهم

-أدهم: ماما ، أنا خلاص قررت ، وده آخر كلام عندي ، عن اذنك

-فريدة: استنى هنا يا أدهم ، أنا لسه مخلصتش كلامي ، أدهم ، ياااااا أدهم !!!!

ترك أدهم والدته ، وانصرف من أمامها وهي في قمة الغضب من قراره هذا ، لأنها في
قراره نفسها تعلم أن أدهم ذاهب للشركة فقط من اجل يارا وليس حبا في العمل و...

-فريدة بصوت مرتفع : خلاااااا كل واحد في البيت ده بقى بيعمل اللي في دماغه ،
هي الزفتة دي بنت الخدامين السبب ، هي اللي غيرت ولادي عليا من يوم ما جت
تعيش هنا ، دخلت عليا بالخراب المستعجل ، وحسابك كل يوم عن الثاني بيزيد ، وأنا
مش هسيبك ، مش هسيبك !!!!

.....

في شركة الصياد ،،،،،

في مكتب خالد ،،،

أحضر احد الموظفين الأوراق التي كانت بحوزة يارا إلى سكرتارية مكتب المهندس
خالد ليسلموها له ، وبالفعل سلمت السكرتيرة الأوراق لخالد الذي أعجب بالطريقة التي
توصلت لها يارا في تسجيل البيانات المطلوبة منها ..

-خالد في نفسه: برافوو عليك يا يارا ، طريقة فعلاً سهلة ومبتكرة ، أنا متوقعتش انك
تعملي ده ، رغم اني كنت بحاول أضغط عليك وأقرفك في الشغل عشان أعودك
تتحلمي الضغوطات والصدمات بدون ما تستسلمي ، وانتي بدأتى تثبتي نفسك أهوو
من ثاني يوم ، يارب تفضلي دائماً كده يا يارا ومافيش أي حاجة تأثر فيكي ..

.....

في فيلا ناهد الرفاعي

-شاهي : ها يا مامي ، كلمتي أنطي فريدة ???

-ناهد: أه طبعاًاااا

-شاهي: وادهم هو اللي هيضبط عيد ميلادي ???

-ناهد: فريدة وعدتني هيعمل ده

-شاهي بفرحة : واااااا .. أيوه بقى ، أنا بستنى اليوم ده من زمان

-ناهد: ربنا يفرحك يا حبيبتي ويجعل أيامك كلها عيد

-شاهي : يا ترى أدهومة ناوي يفاجئني بايه السنادي ???

-ناهد: عاوزة اكلم اخوكي برضوه عشان يفضي نفسه اليوم ده

-شاهي: اوووف .. يارب يفضل مشغول ، أنا مش ناقصة تحكّماته الفارغة دي

-ناهد: في واحدة تقول ع أخوها كده ???

-شاهي: لما يكون واحد غتيت زي جاسر ده ، أنا معرفش مركز معايا ليه

-ناهد: ربنا يهديكي

.....

في مكتب يارا بالطابق الثالث ،،،

دلفت احدى السيدات إلى داخل المكتب مستفسرة عن يارا و...

-الطبيبة : سلامو عليكو

-منير: ايوه يا فندم ، في حاجة

-الطبيبة : الأنسة يارا موجودة ؟؟

-منير: أيوه ؟

-الطبيبة: حضرتك أنا المهندس خالد باعتني ليها عشان أظمن عليها

-منير باستغراب: تظمني عليها

-الطبيبة: ايوه ، كان بلغني انها وقعت وحصل التواء بسيط في رجلها ، فحب يظمن

انها لسه بخير

-منير: أها .. هي موجودة في الأوضة اللي جوا

-الطبيبة : شكراً

Flash Back لما حدث من قبل

طلب المهندس خالد أن يلتقي مع الاستاذ منير ليكلفه بمهمة ما...

-خالد: أستاذ منير ، أنا طالب حضرتك النهاردة في حاجة مهمة

-منير: خير يا بشمهندس

-خالد: الوقتي بنت عمي رفعت الله يرحمه هتيجي تشتغل معانا

-منير: المهندس رفعت

-خالد: ايوه

-منير: الله يرحمه ، والله كان من افضل الناس فعلا

-خالد: انا عاوزك بقى تتولى معايا مهمة تدريب بنته

-منير: من غير ما تطلب ، أنا جاهز

-خالد: عاوزك تضغط عليها بكل وسيلة ممكنة وتعقلها الدنيا ، عاوزين نخلي عضمها
ينشف شوية

-منير: اها

-خالد: هي بنت رقيقة ، وانا معرفش هل هي من النوع اللي بيتحمل ضغوطات الشغل
ولا لا ... عاوزها تعرف ان مهما كان قصادها من عقوبات لازم تحاول تفكر وتتصرف

-منير: تمام

-خالد: عاوزها تعرف ان لو حتى مين بيشتغل معاها لازم يكون الشغل منفصل عن
العلاقات الشخصية والأسرية ، وإن الشغل أهم شيء فيه الالتزام والاخلاص والأمانة

-منير: اوك

-خالد: أنا تتعامل معاها زيها زي أي موظف ، وعاوزك تبغني بردود فعلها ، وياترى هتشتغل بنفسها وتتعلم ولا هتبقى كسلانة ومعتمدة ع غيرها ، عاوزها تعرف اد ايه الشركة كبيرة وتعاملتها مهمة ، كمان مسألة انك تكون مسئول حاجة مش سهلة

-منير: ده سهل

-خالد: مش هوصيك ، وتبغني بأي جديد

-منير: حاضر

.....

□□□ في مكتب الأستاذ منير ،،

حينما استلمت يارا العمل مع الاستاذ منير وتم تكليفها بأول مهمة والتي كانت ...

-منير: المطلوب بقى منك ، تعملي قائمة بأسماء الشركات اللي حققت أرباح معنا خلال الـ 5 سنين اللي فاتوا ، وقائمة بالشركات اللي سببت خسارة للشركة

-يارا: بسيطة ، ندخل ع القاعدة اللي حضراتكوا عاملينها ونعمل ترتيب للأرباح وهتطلع القائمة

-منير: ياريتها كانت بسيطة ، كنت عملتها وخلصت

-يارا: ليه بس؟؟

-منير: المشكلة يا بنتي ، اننا بنحدث في القاعدة دي وبالتالي هي مفصلة لحين الانتهاء من تحديثها، وبالتالي مطلوب نضيف الجزء ده فيها يدويًا

-يارا: طيب مافيش مشكلة ، احنا نطلع على ملفات الشركات دي ، ويعني نحاول نظبط الدنيا

-منير: يعجبني فيكي روح الحماسة بتاعة الشباب دي

-يارا: شكراً يا استاذ منير

-منير: ربنا يعينك يا بنتي ، الملفات عندك هناك أهي عشان تبصي عليها

-يارا: فين يا أستاذ منير

-منير: افتحي الباب اللي هناك ده ، هتلاقي كل الملفات الخاصة بالشركات اللي اتعاملنا معاها من يوم ما بدأنا أنا مرتبها كلها

-يارا: اوك

-منير: الاستاذ خالد طالب انك تنتهي من غالبيتها يعني لحد قبل ميعاد الانصراف ، ودي مهمتك الأولى

-يارا: مافيش مشكلة ، هيطلعوا كام ملف يعني

-منير: كام ملف !!!! أنا رأيي تشوفي بنفسك

-يارا: حاضر ... يعني هايكون فيها ايه عفريت

□□□ توجهت يارا إلى الباب الذي أشار له الأستاذ منير ، وما ان فتحته حتى شهقت من المنظر ...

-يارا: ايبيبيبيبيبه ده ، كل دوووول !!!!!!!

-منير من بعيد : شوفتيهم يا بنتي

-يارا بضيق: ايوه

-منير: حاولي تبداي عشان وقتك

-يارا: احنا متفقتاش ع كل ده

-منير: والله يا يارا يا بنتي ، المهندس خالد هو اللي طلب مني أكلك بالمهمة دي

-يارا: لا والله ، طب أنا طلعاله ، أنا أه جاية أدرب ، بس مش معنى كده انه يطلع عيني وأنا لسه مش عارفة حاجة

وما إن خرجت يارا من المكتب حتى طلب المهندس خالد ليلبغه بما حدث

-منير هاتفياً: ايوه يا بشمهندس

-خالد: خير يا استاذ منير

-منير: هي عندها الحماسة للشغل، بس اتصدت من كمية الملفات وقالت انه لسه جديدة ومش فاهمة النظام ، وطالعة لحضرتك دلوقتي تتفاهم معاك

-خالد: اها .. تمام

-منير: أنا حاولت افهمها ان ده العادي بتاعنا بس هي متوقعتش ان حجم الشغل يكون بالشكل ده

-خالد: تمام ، أنا هتصرف معاها

-منير: اوك يا بشمهندس

.....

□□□ في مكتب خالد ،،،

أبلغ خالد سكرتيرة مكتبه بأن تدخل مع الموظفين المسؤولين عن كتابة التقارير الخاصة بالشركة و...

-خالد: عاوزك تيجلي حالياً

-السكرتيرة: حاضر يا فندم

-خالد للموظفين: تمام ، التقارير مبدأياً وافية للي انا عاوزه ، بس عاوز شوية معلومات أكثر عن العملاء بتوع شركة ((...))

-أحد الموظفين: حاضر

ثم سمع خالد طرقات على الباب و...

-يارا: ده طردني وأخرجني قصاد الناس وعمي والموظفين و..

-منير: الحمد لله أنها جت ع أد كده

.....

□□□ في مكتب خالد ،،،

كان خالد يفكر في طريقة أخرى لتوبيخ يارا من اجل تدريبها على مواجهة ما تكره وتحمل الضغوط لأقصى درجة ممكنة و...

-خالد: معش يا يارا ، غصب عني والله اللي بعمله فيكي ده ، انا عارف انك انسانة رقيقة وعلى طبيعتك ، ومش هتستحملي ده ، بس لازم تعرفي ان الشغل عاوز الناس الناشفة اللي تستحمل أي حاجة ، مش عاوز حد يستغلك ولا يضحك عليك بحجة انه يعرفك وعلى علاقة قرابة بيكي .. سامحيني ، بكرة لما تعرفي ده هتقدري انه كان لمصلحتك

□□□ وصلت يارا إلى مكتب خالد ، وكان يستعد ليبدو أمامها الشخص القاسي البارد الذي لا يراعي الآخرين ، وهذا ما صدم يارا فقد توقعت أنه يريد أن يطيب خاطرها ولكن ما حدث هو ..

-خالد بصوت عالي: اكلمي أنا مش فاضي للتهتهة بتاعتك دي

-يارا بخوف: آآآآ

-خالد: ما تنطقي ، أنا مش ورايا إلا انتي ولا ايه ؟؟؟؟

-يارا: أنا.. أنا عاوزة أقولك ان... إن الشغل اللي انت طالبه

-خالد مقاطعاً بحدة: اسمها حضرتك مش انت !!!!

-يارا: هه ... يعني أنا أقصد الشغل اللي حضرتك طلبته مني كتير أوي وأنا مش هلحق أخلصه

-خالد بلا مبالاة : والله مش شغلي ، أنا كلفتك بمهمة ومطلوب منك تنجزها ، وأي تأخير هتتحاسبي عليه ، مفهووم

-يارا: بس أنا لسه جديدة ومعرفش آآآآ

-خالد: وده مبرر يعني على انك ماتشتغليش

-يارا: لأ ..أنا أقص...

-خالد مكملاً : جديدة كلنا كنا جداد في الشغل ، مش فاهمة يبقى تسألني وتتعلمي ولا انتي مفكرة انك جاية تفعدي ع المكتب وتشربي الشاي وتاكلي وآخر الشهر تمدي ايدك عشان تقبضي ، شغل موظفين الحكومة ده مش عندي ، الشغل هنا معناه التزام لأقصى درجة

-يارا: بس آآ...

-خالد: اتفضلي روجي ع مكتبك وخلصي اللي كلفتك بيه ، ولو مفكرة انك بجيتك هنا أنا هتساهل معاكي تبقي غلطانة

-يارا: هه ، لأ أنا..آآ

-خالد مقاطعاً: واعلمي حسابك ان دي آخر مرة تيجي الشغل فيها بلبس زي ده ، أنا بفكرك تاني أهووو !!!

-يارا وقد نظرت لملابسها : بس ..بس أنا بقية حاجتي في بيتي اللي في الغردقة

-خالد: والله مش مشكلتي .. اتصرفي

-يارا بضيق : ماشي

-خالد: اسمها حاضر مش ماشي !!!!!!!!!!!!!

-يارا: حاضر ..

-خالد: اتفضلي يا آنسة ع مكتبك ، وقتك خلص !!!!!!!

-يارا: هه !

-خالد بزعيق : يالا ، انتي هتتحيلي كثير

-يارا: ح...حاضر

□□□ وما إن خرجت يارا من المكتب حتى أخذ خالد يلوم نفسه على ما فعل و...

-خالد: أنا أسف والله يا يارا ، غصب عني ، أنا عارف انك زمانك بتكرهيني الوقتي ، بس والله هعوضك ، سامحيني ، أنا عاوزك بس تعرفي اني خايف على مصلحتك وعاوزك تكوني الأفضل وتمسكي الشركة وانتي عضمك قوي مش سهل حد يكسرك
!!!..

.....

□□□ ولما عادت يارا إلى مكتبها بالطابق الثالث بدأت تحاول أن تفهم ما يجب عليها عمله من الأستاذ منير الذي لم يبخل عليها بشيء ، ثم عكفت يارا على انهاء ما كُلفت به من مهام ، وأخذ الاستاذ منير يراقبها وهي تحاول انجاز عملها و...

-منير في نفسه: شكك فعلاً بتاعة شغل مش جاية تهزري زي ما كنت مفكر ، ربنا يعينك يا بنتي

□□□ قضت يارا ساعات عدة وهي مازالت تعمل في تسجيل القوائم الخاصة بالأرباح ، وحينما أخبرها الاستاذ منير بأن وقت ساعة الراحة قد جاء ، رفضت أن تأخذها وجلست تكمل ما بدأت و...

-منير: يارا يا بنتي

-يارا: هه ، ايوه يا استاذ منير

-منير: ده معاد البريك بتاعنا

-يارا باستغراب : ايه ده هو في بريك هنا ؟؟

-منير: طبعا ، ها ناوية تيجي معايا ولا هتقعدي ؟؟

-يارا: الظاهر ان مكتوب عليا أعد النهاردة ، مش هاقدر أجي يا استاذ منير، حضرتك شايف اللي قدامي

-منير: أها .. تمام ، طيب تحبي أجيبك حاجة معايا من الكافيتريا؟؟

-يارا: لأ شكراً

-منير: طيب ، عن اذنك

-يارا: اتفضل يا استاذ منير

□□□ خرج الأستاذ منير من المكتب واخرج هاتفه المحمول واتصل بالمهندس خالد ليبلغه بـ...

-منير: ايوه يا بشمهندس ، هي لسه بتشتغل ورفضت تطلع البريك

-خالد: مرضتش تطلع؟؟

-منير: ايوه ، بتحاول تفهم الشغل وتنجز فيه ع أد ما تقدر ، هي كمان شغالة في تسجيل البيانات على ورق

-خالد: اها

-منير: والحق يتقال ، هي من وقت ما جت ماشوفتهاش ماسكة تليفون ولا فاتحة نت ولا أي حاجة ، بتحاول تفهم وتثبت نفسها

-خالد: تمام ، عاوزك برضوه تستمر في متابعتها، و لو في جديد تبلغني بيه

-منير: حاضر

قضت يارا فترة الراحة في محاولة انجاز ما لديها من أعمال ، عاد منير للمكتب ووجد يارا منهكة ، أشفق عليها ولكن ليس بيده أي شيء و...

-منير في نفسه : والله لو كنت أقدر يا بنتي كنت أكتفيت بده ، بس هعمل ايه ، أنا عبد المأمور

.....

□□□ في مكتب خالد ،،،

جلس خالد يفكر مع نفسه كيف سيجعل يارا تتقبل فكرة رفض عمل قد اجتهدت فيه و...

-خالد لنفسه : أنا عارف ان اللي هعمله الوقتي يمكن يخرجك عن شعورك، بس عاوزك تتعلمي ان لو محدش اتقبل شغلي اللي تعبت فيه ماتبقاش هي نهاية العالم .. ربنا يستر من ردة فعلك

□□□ ولما قابلت يارا خالد وأخبرها أن ما قامت به لا يصلح ومزق الأوراق أمامها و..

-خالد وهو يمزق الأوراق : ده اسمه كلام فارغ ، اتفضلي

-يارا بصدمة: ابييه ده !!

-خالد: ده اللي المفروض يتعمل مع المهزلة دي

-يارا غير مصدقة: تـ..تعبي و..مجهودي كده راح

-خالد: اتفضلي عيدي من الأول اللي عملتية تاني ويكون مكتوب ع الكمبيوتر

-يارا: طب.. كنت..كنت اديني الورق وأنا أنقله

-خالد ببرود : مش عملتية مرة ، عادي أعملية تاني !!!

-يارا: حسبي الله ونعم الوكيل

-خالد بحدة : ابييه عندك اعتراض ؟؟؟؟؟؟؟

-يارا وهي تنظر له بغل : مم....

-خالد: روجي ع مكتبك

-يارا في نفسها : منك لله يا شيخ ، حسبي الله ونعم الوكيل فيك ، تعبي ضيعته ع
الفاضي .. ياما نفسي أطبق في زومارة رقتك يا ..يا...

-خالد بصوت مرتفع : انتي هتفضلي تبصيلي كده كثير ، اتفضلي على مكتبك !!!!

-يارا بحنق وهي تجز على اسنانها : ماشي

-خالد : مش أنا قولتلك اسمها حاضر ؟؟ هتفضلي غبية كده كثير

-يارا بغضب : ح..حالاضر ، أنا ماالاشية

خرجت يارا من المكتب بينما جلس خالد على كرسيه وهو يشعر بالأسف والآسى ..

-خالد: انتي الوقتي أكيد هيبقى نفسك تولعي فيا ، بس أعمل ايه ، كله عشان مصلحتك

...

.....

□□□ في مكتب يارا ،،،

حينما وصل خالد إلى المكتب ووقف خلف يارا يستمع إليها وهي تقلده بطريقة
كوميديّة ، كان يحاول ألا يضحك من طريقتها ويبدو صارماً أمامها ، ولكن أسعده في
نفسه أن ما بقلبها يبدو جلياً على وجهها

-خالد في نفسه: هو أنا بتكلم كده ، لأ ده أنا أتغر في نفسي انك بتقليدني بالشكل ده

ولما نبه منير يارا بوجود المهندس خالد أمامها حاول أن يرسم نظرة الغضب والغیظ
على وجهه وعاتبها على ارسال أمواله في مظروف ، ولكن كان في نفسه سعيداً أنها
عفيفة النفس لا تقبل ألا تأخذ غير حقها وما تستحقه ، وفكر في أن يعوض عليها ما

-خالد: انتي هتهتهي تاني؟

-يارا: لا .. بس آآآ...

-خالد وهو يجذبها من ذراعها : طب تعالي معايا

-يارا متألّمة: آآه .. طب بالراحة ، انا ...

□□□ ثم حمل خالد يارا وتوجه بها نحو مكتبه لكي يطمأن عليها ، وحينما عادت إلى مكتبها ، اتصل هاتفياً بالطبيبة الخاصة بالشركة وأبلغها أن تذهب إلى يارا لتكشف عليها و...

-خالد هاتفياً: هتلاقيها يا دكتورة في مكتبها اللي في الدور الثالث

-الطبيبة: حاضر يا خالد بيه ، أنا رايعلها الوقتي وهطمنك عليها

-خالد: يا ريت ، ولو الحالة خطيرة كلمني على طول ، ماشي

-الطبيبة : ان شاء الله خير

.....

حينما رأى خالد الأوراق التي أنجزتها يارا سعد كثيراً بها ، لأنها أصبحت الآن على الطريق الذي يرسمه لها ... □□□

.....

عودة للوقت الحالي ،،،

في مكتب يارا ،،،

خرجت الطبيبة من المكتب ، ثم اتصلت هاتفياً بالمنهدس خالد لتبلغه ب...

-الطبيبة: ايوه يا بشمهندس

-خالد: ها حالتها ايه طمنييني؟؟؟

أنا كمان نفسي عليها .. بص أنا هفضل أعد كده دماغي تودي وتجيب ، وليه أستنى
لبكرة ، طب ما أنا أروح الوقتي وأشوف بنفسي ايه اللي بيحصل هنا !!!

وبالفعل ارتدى أدهم ملابسه بسرعة ، ثم اخذ سيارته وانطلق بها نحو الشركة

.....

في شركة الصياد ،،،

قاربت يارا على الانتهاء من عملها و...

-يارا: يااااه ، مش مصدقة ، انا قريت أخلص ، الحمدلله

-منير: برافووو

-يارا: بص كده يا استاذ منير وقولي رأيك

-منير وهو ينظر لشاشة الحاسوب: ممم.. فعلاً القوائم شاملة كل حاجة مطلوبة

-يارا: أنا سمعت كلامك يا استاذ منير وكل شوية اتأكد اني عملت save للشغل بتاعي

-منير: الله ينور يا بنتي

-يارا: الحمدلله ، ربنا مش بيضيع تعب حد

-منير: بالظبط ..

ثم فجأة دخل خالد المكتب و...

-خالد: سلامو عليكم

-يارا: انت؟؟

-منير: أهلا يا بشمهندس خالد ، اتفضل

-خالد: أنا جاي بنفسى أشوف الشغل ماشي ازاي

-يارا: هه

-منير: الشغل ماشي كويس يا بشمهندس ، والآنسة يارا عاملة مجهود الصراحة تشكر عليه

-خالد بابتسامة: عظيم أوي .. احم... اخبار رجلك ايه الوقتي

-يارا وهي تنظر باستغراب للأستاذ منير : هه.. آآ... الحمد لله

-خالد: طيب تسمحيلى أجي اشوف انتي عملتي ايه

-يارا: أه أكيد ، ثواني بس أقوم وتقعد مكاني

-خالد: لأ خليكي أعدة ، متقوميش من مكانك ، أنا جاي جمبك

-يارا: نعم ???

.....

في نفس الوقت تقريباً وصل أدهم إلى الشركة ، واستعلم من الاستقبال عن مكان يارا ..

-موظف الاستقبال: أدهم باشا ، منور الشركة يا فندم

-أدهم: شكراً ، بقولك اومال يارا الصياد شغالة فين ؟

-موظف الاستقبال : مع الاستاذ منير يا فندم

-أدهم: وفيين مكانه ده كمان ???

-موظف الاستقبال : في الدور التالت

-أدهم: اوك

توجه أدهم إلى المصدر ليستقله إلى الطابق الثالث حيث توجد يارا

.....

في مكتب يارا ،،،

اقترب خالد من مكتب يارا ووقف ورائها ، ثم مال قليلاً ليرى ما كتبتة يارا على شاشة الحاسب الآلي ، فشعرت يارا بالاحراج لاقترب خالد منها بتلك الطريقة ..

-خالد : ممم.. ده اللي عملتيه؟؟

-يارا: آآ... هه .. اه

-خالد: واضح فعلاً انه خد منك مجهود

-يارا: آآ... أها

-خالد: بس الطريقة اللي انتي عملتي بيها القوايم دي سهلة ومبتكرة

-يارا: اها

.....

وصل ادهم إلى الطابق الثالث واستعلم عن مكان المكتب ، وتوجه إليه ، وما إن دلف إلى الداخل حتى رأى خالد وهو مائل على يارا و يتحدثان سوياً ف....

-ادهم: اثبت مكانك

-خالد وقد اعتدل في وقفته: أدهم !!!

-يارا بدهشة: ايه ده ، انت؟؟

-أدهم: الظاهر اني جيت في وقت مش مناسب ولا حاجة

-خالد: لأ عادي ، احنا كنا بنشتغل

-خالد: طب يالا بينا احنا ونسيب يارا تكمل اللي وراها

-أدهم: وماله ، نسيبها الوقتي وبعدين نرجع تاني

-خالد: هه..

-ادهم: ماتخدش في بالك ، يالا

كانت نظرات أدهم ليارا تقلقها كثيراً ، كانت تشعر في قرارة نفسها أن وجود أدهم في الشركة سوف يتسبب في المزيد من المشاكل لها و...

-يارا في نفسها: أنا مش مرتاحة لوجود أدهم هنا ، بصاته ليا مش مريحة ع الآخر ، هو مش جاي يشتغل هنا صدفة ، أكيببيد العقرية أمه بعناه هنا ليا عشان يكمل ع اللي ناقصني ، لازم أخذ بالي من تصرفاته ، وربنا ينجيني من شرهم كلهم ...

.....

في مكتب خالد ،،،،،

جلس خالد ليتحدث مع أخيه بشأن عمله في الشركة و...

-خالد: بص يا أدهم ، أنا هجهزلك المكتب اللي جمبي ، عشان تقدر تتواصل معايا لو في أي حاجة انت عاوز تعرفها ، كمان هجيبلك طقم سكرتارية ع الفرازة ، فاهمين شغلهم كويس و..

-ادهم مقاطعاً: أنا عاوز يارا تشتغل معايا

-خالد: نعم؟؟؟ بتقول ايه

-ادهم: اللي سمعته يا خالد ، بقولك عاز يارا تشتغل معايا

-خالد: ليه ان شاء الله؟؟؟

-أدهم: هو كده

-خالد: مافيش حاجة اسمها هو كده ، في انها لسه جاية جديد وبتتعلم و..آآ

-أدهم مقاطعاً: وانت بقى اللي بتعلمها ???

-خالد: أه طبعاً ، ومعايا كمان الاستاذ منير و..

-أدهم مقاطعاً: وليه أنا كمان ما أعلمهاش ولا ادربها حتى زيك

-خالد: لإن انت لسه جديد في الشغل ، لما تتودك فيه ، ابقى درب اللي انت عاوزه

ثم دلف رأفت إلى داخل مكتب خالد ليتفاجيء بوجود أدهم بداخله ، فظن أن هناك مشكلة ما و...

-رأفت: خالد بقولك انا عاوزك تعملي آآآ... ايه ده أدهم ??

-أدهم: أهلا يا بابا

-رأفت: خير يا بني ?? ايه اللي جابك هنا ?? في حاجة حصلت في البيت ??? أمك كويسة وعمر كويس ???

-أدهم: اه يا بابا ، مافيش حاجة حصلت ، كلنا بخير

-رأفت: الحمد لله ، بس انت جاي ليه هنا ?? عاوز فلوس ???

-أدهم: لأ ..

-خالد: مش هتصدق يا بابا أدهم جاي ليه

-رأفت: ليه

-خالد: أدهم قرر انه ينزل يشتغل معانا في الشركة

-رأفت بفرحة : انت بتتكلم جد

-أدهم: ايوه يا بابا ، وأنا جيت بنفسى أقولك ده

- رأفت: المهم قولي يا خالد ، يارا عاملة ايه الوقتي ???
- أدهم: ليه هو مالها
- خالد: الحمد لله أحسن ، الدكتور طمنتني عليها
- ادهم: ماحد يفهمني في ايه
- رأفت : اترحلت وهي جاية لخالد ، فكثر خيره عملها اسعافات أولية في رجلها وآآ...
- أدهم: اسعافات أولية ، ماشاء الله ، وايه تاني ??
- خالد: يا بابا أنا معملتش حاجة
- أدهم: كما ان ليه معملتش ، وماخفي كان أعظم طبعاً
- رأفت: بس برضوه ، انت اهتميت بيها وده شيء كبير عندي
- خالد: أي حد في مكاني كان عمل كده ، ويارا غالية عندي آآ...قصدي عندنا كلنا
- ادهم: يا حنين
- رأفت: تسلميلي يا بني ، أنا مروح ها هتيجوا معايا ولا أعدين ???
- خالد: أنا أعد شوية ، لسالي كام حاجة عاوز أخلصها
- رأفت: تمام .. شوف يارا لو خلصت ابقى هاتها معاك
- خالد: اوك
- رأفت: سلام يا ولاد
- خرج رأفت من المكتب بينما ظل أدهم وخالد يتحدثان قليلاً عن العمل ثم قرر أدهم الانصراف و...
- خالد: ها فهمت هتعمل ايه
- أدهم: مش أوي

-خالد: واحدة واحدة و هتتعلم ، متقلقش

-أدهم وقد وقف في مكانه : ان شاء الله

-خالد: انت هتعمل ايه الوقتي؟؟

-أدهم: أنا ماشي ، كفاية عليا كده النهاردة

-خالد: أوك، بكرة ان شاء الله نكمل

-أدهم: اه بالمناسبة ..

-خالد: ايه؟

-أدهم: أنا هوصل يارا في طريقي

-خالد: نعم ???

-أدهم: يعني البنت رجلها وجعاها ، هسيبها تتبهدل في المواصلات

-خالد: لأ .. بس انا كنت آآآ...

-أدهم : سلام يا اخوياااa

.....

الحلقة الثانية والثلاثون :

في شركة الصياد ،،،

نزل أدهم إلى مكتب يارا بالطابق الثالث ليقلمها معه إلى الفيلا ولكن كانت المفاجأة أنها

ليست بالمكتب و...

-أدهم وهو يبحث بعينه عن يارا: الله !! او مال فين يارا ؟؟؟؟

-منير: مشيت من شوية

-ادهم: ازاي تمشي كده ؟؟؟

-منير: معاد الانصراف بتاعها جه

-أدهم: طيب هي نزلت من بدري ؟؟؟؟

-منير: لأ هي لسه نازلة من حبة ، ممكن تلاحقها هي أكيد في الريسبشن

-ادهم: ماشي .. شكر ااااا

-منير: العفو

.....

توجه ادهم ناحية المصعد ولكنه كان مشغولاً ، فاضطر لأن ينزل على السلالم مسرعاً إلى الردهة ، وبالفعل وجد يارا موجودة بالأسفل و...

-أدهم بصوت عالي: يارا ااااا

-يارا وهي تلتفت : أدهم !!

-أدهم: انتي ماشية كده

-يارا: ايوه ، ميعاد انصرافي

-ادهم: طيب استني أوصلك

-يارا: لأ عمي هيبعت العربية بالسواق وآآ...

-أدهم: لأ بابا قالي اوصلك

-يارا بدهشة: نعم ؟؟؟

-أدهم: يالا بينا

-يارا: مينفعش على فكرة

-أدهم: هو أنا حد غريب ، وبعدين احنا الاتنين رايعين نفس المكان وعمك اللي قايلي ده ، يعني طريقنا واحد

-يارا: لأ مش واحد على فكرة

-أدهم بخبث: هيبقى واحد واتنين وتلاتة قريب

-يارا: نعم

-أدهم: تعالي بقى قبل ما يجي الرزل البارد

-يارا: تقصد مين ؟

-أدهم: هو في غيره

-خالد من الخلف: سامعك على فكرة

-يارا: خ... قصدي البشمهندس خالد

-أدهم: بشمهندس !!!

-خالد: كويس اني لحقتك ، يالا عشان هوصلك معايا

-يارا: نعم؟؟ توصلني

-أدهم: لأ أنا خلاص حجزتها

-خالد: هي تورتة ???

-يارا: لو سمحتوا

-خالد: والله أنا بابا قالي كده

-أدهم: وأنا اللي جيت الأول

-يارا : بسسسسس .. أنا مش عاوزة حد يوصلني ، الاستاذ منير هيوصلني في طريقه
!!!

-أدهم وخالد: ايبيه ???

-أدهم: نعم ياختي منير مين ده كمان اللي هيوصلك ??

-يارا: ده رئيسي في الشغل

-خالد: ده على اعتبار ان أنا خيال مائة مثلاً ???

-أدهم:مش فاهم أنا بتاع ايه منير اللي يوصلها

-يارا: على فكرة ده راجل أد بابا الله يرحمه وآآ...

-أدهم: والله لو اد جدك حتى ماتركبي معاه !

-يارا: ليه ان شاء الله ??? أنا حرة على فكرة

-أدهم: لأ مش حرة !!!

-خالد: ماينفعلش يا يارا تركبي مع حد ثاني

-يارا: لأ ينفع ، أنا كنت في الغردقة بركب مع زمائلي وبنوصل بعض طالما في سكة
واحدة

-خالد: زميلك اللي هما كانوا معاكي في السنتر الرياضي

-يارا: اها

-خالد بضيق: وجدتك كانت موافقة على ده عادي ???

-يارا: نوووجة !! الله يرحمها كانت مخلية البيت عندنا كأنه بيت عيلة ، الكل معتبرها
جدته ومامته وآآ

-أدهم وهو يجذبها من ذراعها : لأ أنا مش هاقعد اتحايل عشان تيجي تركبي ، يالا بقى

-يارا متألمة : آآآآآآآآآآ .. حاسب

-خالد: أدهم .. مش تحاسب يا جدع ?? انت مش شايف رجلها

-أدهم: اووبس ، سوري مخدتش بالي

-خالد: هتاخذ بالك ازاي وانت كل حاجة عاوزها عافية وقوة

-أدهم: ما أنا سايبلك انت الحنية كلها

-يارا: ولا تزعلوا نفسكوا أنا هركب معاكو انتو الاتنين ???

-أدهم: ازاي ??

-خالد: مش فاهم ??

-يارا: واحد فيكو يسوق عربيته وانا هاقعد في الكرسي الوراني ، ارتاحتوا

-خالد: هو حل كويس

-أدهم: يبقى تاخدوا عربيتي

-خالد : لأ عربيتي

-يارا: أنا بعد كده هاشتريلي عجلة وأبقى أركب مع نفسي

-خالد: نعم ??? عجلة

-يارا: أه

-أدهم: وده مين اللي هيسمحك تركيبها هنا

-يارا: عادي ، أنا كنت في الغردقة بأجر عجل وآآ...

-أدهم مقاطعاً: يادي أم العمائل السوداء اللي عملتها في الغردقة

-يارا: لو سمحت اتكلم كويس

-خالد: خلاص أنا موافق أركب عربيتك يا أدهم

-أدهم: أخيرا

-خالد: يالا بينا بقي ، كفاية عطلة لحد كده

-يارا: محدش يستعجلني أنا عاوزة أمشي على راحتني ، مش ناقصة حد يستعجلني

-أدهم وهو يلقيه بالحقيبة : خد

-خالد: ايه يا عم ما بالراحة

-أدهم: ده العادي بتاعي !!!

.....

في فيلا رأفت الصياد ،،،،

قاد أدهم السيارة إلى الفيلا ، وما إن وصل إلى هناك حتى ترجل منها ، وأسرع بفتح الباب الخلفي للسيارة وحمل يارا وسط ذهولها ودهشة خالد ..

-يارا: انت... انت بتعمل ايبيه ؟؟

-أدهم: مش هو شالك في الشركة ، ده دوري بقى هنا

-يارا: والله ما ينفع اللي انتو الاتنين بتعملوه

-أدهم: ينفع بقى ولا ماينفعش ، ده دوري

-خالد: استغفر الله العظيم ، هي لعبة ولا ايه ؟؟؟

دلف أدهم إلى الفيلا وهو يحمل يارا ، وتفاجئ بوجود شاهي مع والدته فريدة و...

-شاهي بدهشة: ايه اللي أنا شايفاه ده ؟؟

-يارا: يا فضيحتي ، نزلني

-أدهم: لأ

-فريدة: أدهم !!! انت بتعمل ايه ؟؟؟

-أدهم: عادي يا فيرووو

-شاهي: انت... انت ازاي داخل الفيلا و..وهي معاك بالمنظر ده

-أدهم: ايه مش شايفة رجلها يا شاهي

-شاهي لفريدة: أنطي فيرووو !! يرضيكي اللي بيحصل ده

-خالد من الخارج بصوت عالي : خلاص ارتحت كده يا أدهم لما شلتها ، بقينا متعادلين
في نظرك

-فريدة: اييه؟؟

-خالد: ماما

-فريدة: ايه اللي بسمعه ده ؟؟؟؟؟؟؟

-خالد: آآ... شاهي ... ازيك

-يارا: نزلني بقي، كفاية كده الناس كلها اتلمت

أنزل أدهم يارا ، بينما نظرت لها شاهي بنظرات حقد و غضب ، تراجعت يارا للخلف في
محاولة منها للابتعاد عما يحدث من مواجهات ، بينما صاحت فريدة بـ...

-فريدة: طبعاً!!!!!! .. الهانم مش مضیعة وقتها، شغالة على ولادي الاتنين ، ماهي دي
وظيفتها الوقتي ، ازاي توقع ولادي فيها وتلعب عليهم !!!!

-خالد بحددة: ماما .. مافيش داعي للكلام ده

-أدهم: في ايه اللي حصل لكل ده

-فريدة: بتسألني في ايه ، وأنا شايفاك داخل عليا وشايل الهانم في ايدك ، وقبل كده
جايبها من على سريرك

-شاهي: ايبيه؟؟ سريره

-خالد: ماما ، اللي بتكلمي عنها دي بنت عمنا ، مش واحدة من الشارع

-أدهم: فريدة هانم ، من فضلك متدخليش في اللي بعمله ، وأنا قبل كده قولتلك وقدامها
لو عاوز أتجوزها هتجوزها ومافيش حد هيمنعني

-شاهي: تت...تتجوزها؟؟؟

-فريدة: أدهم

-خالد: نعم؟؟؟ تتجوز مين؟؟؟

-يارا في نفسها : بيتهيألي أخلع أنا من هنا ، بدل ما أمه تغتالني وأنا واقفة كده .. ده وشها جاب كل الألوان

انسحبت يارا دون ان يشعر بها أحد ، فتفاجئت بوجود عمر خلفها و..

-عمر من الخلف: يارا ! ايه اللي حصل لرجلك؟؟

-يارا: اصابة عمل ، يالا بس بينا من هنا لأحسن أمك في حالة فوران دلوقتي

-عمر: ماشي

أسند عمر يارا ثم توجه بها نحو السلم و..

-عمر: ايه الموبايل الكوهنة اللي معاك ده

-يارا وهي تنظر لهااتفها : ماله ، ماهو شغال أهوو وحلو .. وبعدين ده حمار شغل

مايقولش لأ أبدا

-عمر: يا سلام

-يارا: طبعاً ، وبيستحمل كثير ، ياما وقع مني وماتكسرش

-عمر: للدرجادي

-يارا: أه وأكثر كمان

-عمر: ماشاء الله

كان صوت صراخ فريدة عالياً و...

-فريدة: يعني مش كفاية انك قررت تنزل الشغل عشان بس لما عرفت ان الزفتة دي راحت

-أدهم: ماما متقوليش عليها زفتة

-خالد: اسمها يارا يا ماما

-شاهي: يعني روحت تشتغل عشانها ؟؟؟؟

-فريدة: سنين بتحايل عليك تنزل تشتغل وانت مكبر دماغك وبس الوقتي الشغل عجبك

-أدهم: يووووه ، يعني قعادي في البيت مش عاجب ، نزولي مش عاجب ، اعمل ايه يعني عشان يرضيكي

-فريدة : تبعد عن سكة الهبابة دي

-ادهم: مش هابعد

-خالد: ماما اسمها يارا وهي بنت عمنا ، ارجوكي تقبلي الأمر ده عشان نرتاح كلنا

-فريدة بصوت عالي: ولادي بيعصوا كلامي ، وكله عشان خاطر ميبين ، الزفتة بنت الشغالة دي !!!!!!!

لم تتحمل يارا الالهانة ، فقامت بالقاء هاتفها المحمول على رأس فريدة الرفاعي مما سبب لها الألم ثم ارتد الهاتف على الأرض ليتحطم إلى أجزاء ، فالتفتت فريدة لترى ما الذي أصابها و...

-فريدة متألّمة : آآآآآآآآ

-يارا من بعيد: سوري ياخالتي ، الموبايل فلت من ايدي

-فريدة: آآه يا بنت الـ ...

-عمر بدهشة: فلت ازاي وانتي... آآآآه

-يارا وهي تضغط على يده : والنبي يا عمر اسندني لأوضتي لأحسن مش قادرة أدوس
على رجلي خالص .. آآه يا رجلي ياالني ، آآه

-فريدة: عمر !!!!!!!

-عمر: معلش يا ماما ، هي محتاجة مساعدتي الوقتي

-فريدة بغیظ: حتى انت !!!!!!!!

-أدهم في نفسه: يا بن المحظوظة ، رايح معاها أوضتها !!!

-شاهي: ادهم ، من فضلك عاوزاك شوية

-أدهم بضيق : ايبيه ؟؟

-شاهي : تعالی معايا

-ادهم: طيب

-فريدة: شايف، دي اللي بتدافعوا عنها ، بتحدفني بالموبايل وانتو واقفين تتفرجوا عليا

-خالد: ماهي قالتلك وقع من ايدها

-فريدة بحنق: وقع ازاي وأنا المسافة بيني وبينها أد كده

-خالد: يمكن الهوا كان جامد ولا حاجة

-فريدة: خالد

-خالد: ماما ، أنا طالع أغير هدومي

ترك خالد والدته وهي تغلي من الغضب ، فرأت هاتف يارا المحطم على الأرض فداست عليه بقدميها بكل قوة وغل و...

-فريدة وهي تدوس على هاتف يارا المحطم: والله لأكسرك زي الموبايل البيينة بتاعك ده ، مش هاسيبك غير لما ادمرك .. مهما كنتي بتحاولي تستغفلي عيالي ، أنا مش هديكي الفرصة لده ..!!!!

أوصل عمر يارا إلى غرفتها و..

-عمر ليارا: يخرب عقلك ، ده ماما هيجرالها حاجة من اللي عملتية

-يارا: لأ أظمن ، امك من النوع اللي بيستحمل

-عمر: أها .. بس موبايلك اتكسر خالص

-يارا: والله طول عمره كان بيستحمل خبطات أكثر من كده ، بس دماغ أمك هي اللي كانت ناشفة عليه!!!

.....

الحلقة الثالثة والثلاثون :

في فيلا رأفت الصياد ،،،،

طلبت شاهي من أدهم أن تتحدث معه قليلاً ، فتوجها سوياً إلى غرفة المعيشة و...

-شاهي: تسمح تقولي انت بتعمل ايه مع البنت دي ؟؟؟؟

-أدهم: بعمل معاها ايه ؟؟ وضحي كلامك ، أنا مش فاهم

-شاهي: يعني يصح المنظر اللي أنا شوفتك بيه ده

-أدهم: عادي ، مكوونتش بعمل حاجة غلط

-شاهي : أدهم انت عارف كويس ان الحاجات دي بتضايقتني ، وأنا مش بحب أشوفك مع أي واحدة

-ادهم بعدم اكتر اثار : بس دي مش أي واحدة دي يارا بنت عمي

-شاهي : ماتقولش بنت عمك !! الكلمة دي بتعصبي

-أدهم : شاهي قوليلي عاوزة ايه وخلصيني

-شاهي : عاوزاك تقطع علاقتك بالبنت دي

-ادهم: ليه ان شاء الله

-شاهي : لأنني ..لأنني آآآآ

-ادهم: بصي عشان تريح نفسيك ، أنا مش بقطع علاقتي بأي حد ، عاجبك على كده ماشي ، مش عاجبك .. يبقى it's up to you

-شاهي: يعني ايه

-ادهم: يعني روعي اقدي مع فيرووو ، وخليني اطلع أرتاح شوية

-شاهي بضيق : اووووف

.....

توجهت شاهي إلى فريدة لتتحدث معها بشأن ما حدث مع أدهم و...

-شاهي : أنطي فريدة ، ازاي حضرتك ساكتة على كل اللي بيحصل ده ???

-فريدة: ومين قالك اني ساكتة ، أنا هتصرف

-شاهي: هتصرفي امتي يا أنطي ?? لما أدهم يتجوز الزفتة دي

-فريدة: مش هيحصل الكلام الفارغ ده طول ما أنا عايشة ، أدهم بس بيحب يغيظ فيا ، وعارف اني بضايق من الكلام ده فبيقوله عشان يخليني أسكت

-شاهي: أنطي أنا ممكن يجرا لي حاجة لو ادهم متجوزنيش

-فريدة: اطمني ، أدهم هيكون ليكي مهما حصل

-شاهي: طيب وحفلة عيد ميلادي مين اللي هيعملها لي؟؟

-فريدة: أهي حفلة عيد ميلادك دي هتكون آخر ليلة للزفة دي في الفيلا هنا

-شاهي : بجد ؟؟؟ طب ازاي يا أنطي ؟؟؟

-فريدة: أنا في دماغي فكرة ، وهنفذاها يوم عيد ميلادك

-شاهي : ايه هي ؟؟

-فريدة: هتعرفني لما اظبط الدنيا ، بس عاوزاكي تطمني ، الهبابة دي مش هتعمر في البيت ده!!

-شاهي: يا ريت يا أنطي يا ريت

.....

في صباح اليوم التالي ،،،

في غرفة فريدة ،،،

-فريدة: اعمل حسابك تجيب هدية شيك وقيمة لشاهي

-رأفت: بمناسبة ايه ان شاء الله

-فريدة: عيد ميلادها

-رأفت: الله مش كنا لسه محتفلين بيه من شهرين تلاتة

-فريدة: لأ ده كان عشان نجاحها

-رأفت: ربنا يسهل

-فريدة: اديني بقولك وبأكد عليك اهوو عشان ميبقالكش حجة

-رأفت: طيب

-فريدة: أقول لصباح تحضرك الفطار

-رأفت: لأ ، أنا هفطر في الشركة

-فريدة: في الشركة !!! وده من امتى ???

-رأفت: التغيير مطلوب يا فريدة ، لأحسن ساعات الواحد بيحس انه بيجي عليه وقت

وهيطق من عيشته ، فلازم يغير شوية

-فريدة: ممم....

-رأفت: اشوفك ع الغدا

.....

في غرفة أدهم ،،،

استيقظ عمر مبكراً ، وذهب إلى غرفة أخيه ادهم ليقترض منه بعض الأموال و...

-ادهم: يعني انت صاحي من بدري عشان الحكاية دي

-عمر: أعمل ايه بس محتاج الفلوس ضروري

-ادهم: طب ليه ??

-عمر: آآآ... يعني عاوز اجيب حاجة نقصاني

-ادهم: ممم..

-عمر: متقلقش هبقى أردهملك قريب

-ادهم: منين ان شاء الله ؟؟؟؟

خرج ادهم من غرفته ليتفاجيء بوجود والدته تنتظره على الباب و...

-أدهم بدهشة: ماما ، في ايه ، واقفة عندك ليه؟؟؟

-فريدة: عاوزاك

-أدهم: معلش أصل أنا مستعجل

-فريدة: مش هعطلك كتير ، بس عاوزاك تفضي نفسك عشان عيد ميلاد شاهي

-ادهم بضيق: ربنا يسهل

-فريدة انا وعدتها انك هتعملها حاجة محصلتش

-ادهم: ماشي ماشي ، في حاجة تانية؟؟

-فريدة: لأ

نزل ادهم للأسفل ، بينما وقفت فريدة مع نفسها و..

-فريدة: كل حاجة هتنتهي يوم العيد ميلاد .. نهايتك قربت يا بنت الخدامين !!!!!

.....

في شركة الصياد ،،،

وصل رأفت ومعه يارا إلى الشركة ولحق بهم خالد وادهم ...

توجهت يارا إلى مكتبها ، بينما جلس ادهم مع خالد في نفس مكتبه إلى حين الانتهاء من تجهيز مكتبهم و..

-أدهم: بس مكتبك شيك يا خالد ،أنا مخدتش بالي الصراحة منه امبارح

-خالد: أها .. مكتبك هيكون ع نفس المستوى متقلقش

-أدهم: تمام

-خالد: أنا هاروح أظبط الاجتماع مع الوفد الالمانى تحب تحضر معايا التحضيرات

-أدهم: لأ أنا أعد هنا شوية

-خالد: اوك

انصرف خالد إلى غرفة الاجتماعات بينما قرر أدهم الاتصال بيارا و..

-أدهم: الووو

-السكرتيرة: أيوه يا فندم

-أدهم: كلميلي الأنسة يارا وخليها تيجيلي فورا

-السكرتيرة: حاضر يا فندم

-أدهم في نفسه : أما نشوف بقى يا ست يارا هانم ، هتفلتي مني ازاي

.....

في مكتب يارا،،،،

كانت يارا مشغولة فيما لديها ، فرن هاتف المكتب فأجاب الأستاذ منير كعادته و..

-منير: الووو... ايوه

-المتصل :

-منير: حاضر

-المتصل :

-منير: سلام

-منير : يارا يا بنتي

-يارا: ايوه يا أستاذ منير

-منير: المهندس خالد عاوزك عنده في مكتبه

-يارا: عاوزني؟؟ ليه

-منير: مش عارف ، بس السكرتيرة بتأكد عليكي تطلعيه الوقتي

-يارا: والله أنا ما فاضية كل شوية أطلع وأنزل وأنزل واطلع ، أنا عاوزة اخلص اللي ورايا

-منير: ده برضوه المدير ، واكيد في حاجة مهمة عاوز يبلغك بيها

-يارا: ما أنا كنت في وشه في البيت ، ولا هو الشخط والنتر ماينفعلش إلا في الشغل ..

-منير: معلى يا بنتي ، وكده كده انتي في وقت البريك ، يعني مش هتضيعي وقتك –
يارا : امري لله أديني طالعاله

.....

توجهت يارا إلى المصعد لتستقله إلى الطابق العاشر ، وبينما هي داخل المصعد ،
انقطع التيار الكهربائي فعلق المصعد بها و...

-يارا وهي داخل المصعد: يا ساتر يا رب ، وده وقتك .. اوووف ، هما هيشغلوا المولد
الاحتياطي امتي؟؟ أل كنت ناقصاه انه يعطل بيا

.....

في نفس الوقت في مكتب خالد ،،

-أدهم في نفسه : ايه اللي أخرها كل ده ، دي لو طالعة على رجلها مش هتتأخر الوقت
ده كله .. ماشي يا يارا ، بتتقلي عليا ، ومقضاياها مع خالد .. طيب ، يومك مش فايت
!!!.....

.....

في داخل المصعد ،،،

-يارا: الله ! كل ده المولد ما اشتغلش؟؟ هو في ايه اللي بيحصل بره ، لأ كده كتير بجد
، هو أنا هفضل محبوسة هنا كتير !!

.....

في مكتب خالد ،،،،

كان ادهم يشعر بالضيق لعدم وصول يارا إلى الآن ، فقرر أن يطلب من السكرتيرة أن
تطلبها مرة اخرى وتؤكد عليها الحضور للمكتب للأهمية و...

-أدهم بضيق : اوووف ، انتي ناوية تيجي لما خالد يشرف هنا ولا ايه بالظبط؟؟

-ادهم هاتفياً للسكرتيرة : الووو ، شوفيلي الأنسة يارا مجتش لحد الوقتي ليه

-السكرتيرة : حاضر يا فندم

.....

في مكتب يارا ،،،

رن هاتف المكتب فأجاب منير و...

-منير هاتفياً: ألوووو

-المتصل:

-منير: لأ هي طلعت من بدري

-المتصل:

-منير: حاضر ، لو جت الوقتي هبلغها تطلع فوراً ، لان ممكن تكون راحت الكافتيريا ،

ده وقت البريك وحضرتك عارفة ده

-المتصل:

-منير في نفسه : أكيد هي طالعة على رجلها ، ماهو النور قطع أول ما مشيت من
المكتب ، والمولد فيه مشكلة وبيتصلح ، وبعدين الأستاذ خالد أصلاً مش بعوايده يتصل
كل شوية ، لازم يكون في حاجة مهمة حصلت وهو عاوزها فيها

.....

في مكتب خالد ،،،

دلف خالد إلى المكتب ، فوجد أدهم جالساً وعلى وجهه الغضب و...

-خالد : الواحد كان بيظبط الدنيا وفجأة النور يتقطع والزفت المولد فيه مشكلة ،

والواحد مش عارف يكمل شغله .. الله .. أدهم

-أدهم: ايه في ابيبيه؟؟

-خالد: مالك مضايق ليه؟؟؟

-أدهم: مافيش

-خالد: ممم.. ازاي مافيش وانت وشك عليه الغضب كده

-السكرتيرة: بشمهندس خالد

-خالد: خير

-السكرتيرة: حضرتك اتصل مسئولين الصيانة بالشركة وقالوا ان في عطل في المحول الخاص بالشركة ، وهما شغالين عليه

-خالد: اها .. طب والمولد

-السكرتيرة: في قافلة في الكهرباء ويحاولوا يصلحوها ، وبيبلغ حضرتك مهندس الصيانة ان نص الشركة بس هيشغل والنص التاني لأ

-خالد: اوووف ، ماهو معنى كلام ده ان الجانب البحري مش هيكون شغال !! مشكلة فعلا ومش وقتها خالص ، طيب ومقالش هتتحل في اديه ???

-السكرتيرة: مش قبل 6 ساعات ع الأقل !!!

-خالد: ياااااه ، كل ده !!

-السكرتيرة: الموظفين حالياً في وقت البريك ، تحب أبلغهم بحاجة ???

-خالد: الكل يشتغل عادي لحد ما نشوف قرار مهندس الصيانة النهائي

-السكرتيرة: تمام يا فندم

كان أدهم يشعر بالضيق لعدم حضور يارا ، لذا قرر أن ينزل بنفسه إليها ليرى سبب عدم مجيئها و...

-ادهم مقاطعاً : خالد

-خالد: ايوه يا أدهم

-أدهم: بقولك ايه ، أنا نازل شوية وراجع

-خالد: رايح في حطة ??

توجه أدهم إلى مكتب يارا الموجود بالطابق الثالث وهو ينتوي أن يوبخها لتجاهلها اياه ، فهو دائماً معتاد على ان تنصاع الفتيات له و...

-أدهم: بقي أنا أدهم الصياد تحت بت تطنش تجيلي لما اطلبها ، دي عمرها ما حصلت في حياتي قبل كده ولا هتحصل ، كل واحدة ما بتصدق أحن عليها بكلمة ولا بنظرة ودي عملاي فيها الكونتيسة يارا ، طيب هتشوفي .. أنا هعرفك مين أدهم الصياد !!!

دلف ادهم للمكتب والتقى بالاستاذ منير ثم ...

-أدهم لمنير : صباح الخير

-منير: صباح النور يا ادهم بيه

-أدهم: او مال فين يارا

-منير: مش موجودة

-أدهم: ازاي مش موجودة ???

-منير: هي وقت ما سكرتارية مكتب المهندس كلموها وطلعت

-أدهم: هه

-منير: بس ممكن تكون عدت ع الكافيتريا قبل ما تطلع ولا حاجة

-أدهم: جايز برضوه

-منير: ع العموم ولو رجعت تاني يا أدهم بيه هبلغك

-أدهم: شكراً يا استاذ منير

-منير: العفو

-أدهم في نفسه : خليكي كده مدوخاني وراكي يا كونتيسة ! أنا نازلك الكافيتريا ويا

ويلك يا سواد ليك !!

بالفعل توجه أدهم إلى كافيتريا الشركة وبحث عن يارا بعينه ولكنه لم يجدها ، ثم سأل أحد الأشخاص عنها وأكد أنه لم يرها ..

-أدهم وهو ينظر بعينه لمن هو موجود بالكافيتريا : باينها مش موجودة ، هتكون راحت فين دي

-أدهم لأحد الأشخاص : بقولك ايه ماشوفت الأنسة يارا الصياد؟

-أحد الأشخاص لآ يا أدهم باشا

-أدهم: يعني مجتش الكافيتريا النهاردة ???

-أحد الأشخاص: لآ يا فندم ، هي أصلاً مش بتنزل هنا خالص

-أدهم: أها .. طب شكراً

-أدهم لنفسه : او مال اتنيلت اختفت فين ، طب أنا هكلم خالد أسأله عنها

طلب أدهم أخيه خالد هاتفياً ليستفسر منه عن مكان يارا إذ ربما تكون سعدت إليه ..

-أدهم هاتفياً: ألوو .. ايوه يا خالد

-خالد: ايوه يا أدهم في حاجة ??

-أدهم: بقولك هي يارا جت عندك المكتب ؟

-خالد باستغراب : يارا تيجي عندي !! طب ليه ؟

-أدهم: أنا بسألك جت عندك ولا لآ

-خالد: لآ ، بتسأل ليه ??

كان المصعد عالقاً ما بين الطابق الخامس والسادس ، وربما لم يلاحظ أحد هذا لأن معظم الموظفين كانوا في فترة الراحة ، ومع انقطاع الكهرباء لجأ الغالبية لاستخدام درجات السلم للعودة إلى عملهم

.....

في الطابق الخامس ،،،

كان أحد العاملين بالنظافة في طريقه إلى دورة المياه فسمع صوت طرقات وصرخات تأتي من داخل المصعد ، فأسرع ناحية الصوت ليعرف من المحبوس بالداخل و...

-العامل سعيد : في حد جوا ؟؟

-يارا وقد سمعت الصوت: الحقوووني ، انا محبوسة بقالي فترة في الأسانسير

-العامل سعيد : طيب يا استاذة استني أنا هبلغ الأمن

-يارا: بسرررعة الله يكرمك أنا هتخنق جوا

-العامل سعيد : حاضر

أسرع العامل سعيد إلى أحد المكاتب بالطابق ليبلغ عن وجود شخص محتجز بداخل المصعد و...

-العامل سعيد: الحق يا أستاذ علي

-علي : في ايه يا سعيد ؟؟

-العامل سعيد: في واحدة محبوسة جوا في الأسانسير

-علي باستغراب : واحدة !!

-العامل سعيد: أيوه ، عمالة تصوت وتصرخ جوا والظاهر انها محبوسة من ساعة ما الكهرباء قطعت

-علي : طيب استنى أنا هبلغ الأمن

-العامل سعيد: يا ريت يا أستاذ علي الله يكرمك

طلب المحاسب علي رجال الأمن بالشركة ليبلغهم بما حدث و..

-علي هاتفياً: الووو ، security .. أنا عاوز أبلغ عن واحدة محبوسة في الأسانسير

-أمن الشركة : في الدور الكام يا فندم؟؟

-علي : في الخامس عندنا

-أمن الشركة: تمام ، احنا هنتصرف

-علي : اوك ، بس يا ريت بشرعة لأحسن دي بقالها فترة جوا

-أمن الشركة : اظمن ..

انهى المحاسب علي المكالمة مع أمن الشركة ثم توجه مع العامل سعيد إلى المصعد و..

-علي : يالا بينا بسرعة يا سعيد ، خرينا نقف مع الست الموجودة جوا ونظمنها

-سعيد: حاضر يا أستاذ علي

خرج المحاسب علي من المكتب مهرولاً فاصطدم بأحد الأشخاص و..

-أحد الأشخاص: ايه يا أستاذ علي مش تفتح وانت ماشي

-علي: معلش اعذورني ، أصل عاوز ألحق الست اللي محبوسة بقالها زمن في الأسانسير

-أحد الأشخاص: واحدة محبوسة في الأسانسير

-علي : ايوه ، وعمالة تصوت وتستنجد بأي حد

-احد الأشخاص : طب استناني أنا جاي معاك ، هودي بس الورق المكتب

-علي : أنا هسبقك ، حصلني انت على هناك

ويبدو أن خبر احتجاز أحد السيدات بالمصعد كان الأسرع في الانتشار خلال لحظات ، فالجميع يود أن يعرف من بالداخل وكيف هي حالتها الآن ، وهي هي بخير أم أنها تعاني من رهاب الاحتجاز بالداخل و...

-موظف ما: عرفتوا اللي حصل

-موظف ثاني : في ايه ؟

-موظف ما: في واحدة محبوسة في الأسانسير

-موظف ثاني : يا ساتر يا رب ، دي زمانتها فيصت جوا

-موظف ما: احنا مش عارفين حالتها الوقتي عاملة ايه ، بس الكل بيحاول يعرف هي مين و عاملة ايه

-موظف ثالث: أمن الشركة طلعتها ، وأكد هيببلغوا المدير بده

-موظف ما: ربنا يستر ويعديها ع خير

-موظف ثاني : يا رب

.....

في مكتب خالد ،،،،

اتصل مدير أمن الشركة بسكرتارية مكتب المهندس خالد ليبلغه بما حدث و..

-مدير أمن الشركة : الووو

-السكرتيرة: ايوه

-مدير أمن الشركة : معاكي ياسر مدير الأمن

-السكرتيرة: ايوه يا فندم

-مدير أمن الشركة : عاوز أكلم المهندس خالد ضروري

-السكرتيرة: بخصوص ايه يا فندم ???

-مدير أمن الشركة : في بلاغ عن واحدة محبوسة بالأسانسير في الدور الخامس

-السكرتيرة بخضة : طب لحظة واحدة هبلغه وأوصلك بيه

-السكرتيرة: خالد بيه

-خالد: ايوه في ايه ؟

-السكرتيرة: ياسر بيه مدير أمن الشركة عاوز حضرتك في أمر ضروري

-خالد: ايه هو

-السكرتيرة: بيقول انه وصله بلاغ بأن في واحدة محبوسة جوا الأسانسير

-خالد: نعم ??? بتقولي ايبيه ??? وصليني بسرعة بيه

-السكرتيرة: حاضر يا فندم

وبالفعل أبلغ مدير أمن الشركة المهندس خالد بما حدث ، فأبلغه بضرورة التصرف على الفور ...

-خالد: بسرعة حاولوا تتصرفوا وتخرجوها ، زمانت الغلابة اللي جوا دي جرالها حاجة

-مدير أمن الشركة : احنا فعلا اتصرفنا وبعتنا نجيب مهندس الصيانة ، ده غير أن ال security موجود دلوقتي في الدور الخامس

-خالد: تمام ، حاولوا بس تعرفوا مين اللي محبوس جوا

-مدير أمن الشركة : تمام يا فندم ، متقلقش

.....

في المصعد ،،،

-موظف ما: يا جماعة حد يبلغ المطافي ولا بوليس النجدة يلحق الغلبانة اللي جوا دي

-يارا بصريخ وخوف : يا ناس الحقوني ، أنا مخنوقة جوا

-علي : اهدى يا استاذة ، احنا بلغنا أمن الشركة وهما هيتصرفوا

-يارا: مش قادرة ، انا بمووت جوا

-سعيد: معلىش يا استاذة اصبري ، ان شاء الله الوقتي هتخرجي

-موظف ما: طيب اسمك ايه يا استاذة

-علي: ايوه ، انتي اسمك ايه ؟؟

-يارا: أنا يارا الصياد

-الجميع : مين ؟؟؟؟؟؟؟

.....

في مكتب خالد ،،،

طلب خالد من السكرتيرة أن تستعلم عن اسم الموظفة المحتجزة بداخل المصعد

والاطمئنان عليها

-خالد للسكرتيرة: حاولي تعرفي مين الموظفة اللي محبوسة جوا

-السكرتيرة : حاضر يا فندم

-خالد: وبلغيني باللي هيحصل أول بأول

-السكرتيرة: تمام يا بشمهندس

-خالد في نفسه : ربنا يستر ومتحصلش مصيبة .. معرفش ليه قلبي اتقبض لما عرفت ان في واحدة محبوسة جوا .. ربنا يعديها ع خير

.....

في الكافيتريا ،،،

وصل خبر احتجاز سيدة ما بالمصعد إلى الموجودين بالكافيتريا و...

-موظف أول: عرفتوا اللي حصل

-موظفة ثانية: في ايه ؟

-موظف أول: في واحدة محبوسة في أصانصير الشركة

-موظفة ثالثة: يا عيني ، طب ودي هيطلعوها ازاي

-موظف أول : مش عارف

-موظف ما : طب ما تيجوا نروح نشوف في ايه

-الجميع: اوك ... ماشي يالا بينا

.....

في الطابق الخامس ،،،

علمت السكرتيرة بأمر احتجاز يارا الصياد بداخل المصعد فأسرعت لتبلغ المهندس خالد بهذا و...

-السكرتيرة بلهفة : يا بشمهندس خالد

-خالد: في ايه ???

-السكرتيرة: عرفنا مين المحبوسة في الأسانسير

-خالد: مين ???

-السكرتيرة: الأنسة يـ..يارا الصياد بنت عم حضرتك

-خالد بصدمة : نعم ??? ميبيبيبين ??

-السكرتيرة بخوف وقلق : الأنسة ياااارا

لم تكمل السكرتيرة كلامها حيث انطلق خالد مسرعاً ناحية الدرج ليتوجه إلى الطابق الخامس ويعطو وجهه علامات القلق والرعب

-خالد في نفسه: ياااااا رب استررررر ، يا رب نجيتها ومايحصلهاش حاجة ، أنا السبب في اللي حصلها ده ، ماهو لو كنت وافقت من الأول انها تشتغل جمبي مكنش ده حصل ، تطلع بس من المشكلة دي وهخليها معايا وماتبعدهش عني

.....

في الطابق الخامس ،،،

وصل خالد وهو يلهث إلى الطابق الخامس ، ثم رأى التجمع الكبير للموظفين فصاح بهم و...

-خالد: ياااااااااا

-موظف ما: لسه يا بشمهندس محبوسة جوا

-خالد: فين المسئولين عن الـ savety والصيانة ؟؟؟؟ فيبييين ؟؟؟؟

-مسئول السلامة: أنا اهوو يا بشمهندس

-خالد وهو يتجه مسرعاً للمصعد : عملت ايبييه ؟؟؟؟

-مسئول السلامة: يا فندم احنا بنحاول نرجع التيار الكهربى عشان نقدر نخرج الآنسة يارا

-خالد : ادهم !! هي عامل ايه

-أدهم بعصبية : انا مش عارف احنا مشغلين شوية بهائم عندنا ، محدش عمل أي حاجة لحد الوقتي

-خالد بصوت مرتفع: ياااااااااااااااا ، سمعاني ؟؟؟؟ أنا خالد

-يارا ببكاء : انتو السبب في اللي أنا فيه ، أنا هموووت جوا ، حرااام عليكو ، أنا عاوزة أطلع من هنا

-خالد: اهدي يا يارا ، أنا مش هسمح بحاجة تحصلك

-أدهم: فين مهندس الصيانة ؟؟؟؟ فين شركة الكهربا ؟؟؟؟

ثم صعد عدد آخر من رجال الأمن ومعهم مهندسين الصيانة ومسؤولين عن الكهرباء والمصعد إلى الطابق الخامس و...

-خالد بنرفزة: ساعة عشان تيجوا ؟؟؟

-مهندس الصيانة: يا فندم احنا كلا تحت بنحاول نحل مشكلة محول الكهربا ، وآآآ...

-خالد مقاطعاً: يولع المحول دلوقتى ، أنا عاوز بنت عمى المحبوسة جوا دي تطلع

- مسئول السلامة: اطمن يا خالد بيه ، ان شاء الله هتطلع
- أدهم: ده اللي فالحين فيه كلام وبس تسكتونا بيه ، لكن أنا مش شايف أي حد بيتحرك
- مهندس الصيانة: يا أدهم باشا احنا والله شغالين وآآ
- ادهم: شغالين ازاي ??? فين الشغل ده ويارا بقالها ساعة محبوسة جوا
- مهندس الصيانة: ما أنا بقول لحضراتكو ان المشكلة في المحول المغزي للجانب ده من الشركة ، مش هيتصلح قبل 5 أو 6 ساعات ع الأقل ،
- خالد: اتصرف ، أنا عاوز أخرجها بأي شكل من جوا
- مسئول السلامة: حاضر يا فندم احنا هنحاول نفتح باب الأسانسير بالعافية
- مهندس الصيانة : مش هينفع ، الأبواب مصممة انها تشتغل بالدوائر المغناطيسية ووقت انقطاع الكهرباء يفضل الأسانسير على وضعه الأخير لحين تزويده مرة ثانية بتيار كهربى
- ادهم: أنا مفهمش في الكلام ده ، أنا عاوز يارا تخرج
- مهندس الصيانة : حاضر هحاول
- خالد: اتصرفوا
- مهندس الصيانة: على طول يا فندم ، يالا بينا يا رجالة
- توجه مسئول السلامة ومهندس الصيانة إلى غرفة المحولات من اجل معرفة آخر التطورات ، ثم حاول مهندس الصيانة ومعه مسئول السلامة ايجاد حل لاجراج يارا من المصدر بمساعدة الآخرين، ولكن عدم وجود تيار كهربى يحول دون تنفيذهم لأي إجراء ، بالاضافة إلى
- مهندس الصيانة : المشكلة ان الأسانسير واقف بين الدور الخامس والسادس
- مسئول السلامة: دي مش مشكلة ، دي نصيبة ، كده صعب انه يتفتح

-مهندس الصيانة: ايوه ، لازم تيار كهربي عشان نقدر ننزله ع الأقل للدور الخامس ،
وإلا هيفضل مقفول ومعلق بين الدورين

-مسئول السلامة: طب هنعمل ايه الوقتي ؟؟؟ لازم نبليغهم بده

-مهندس الصيانة: ده اللي هيحصل ، بس مين فينا اللي هيقولهم ؟؟؟؟

-مسئول السلامة: اكييد مش أنا

-مهندس الصيانة : ربنا يستر من ردة فعلهم لما يعرفوا

أسرع مهندس الصيانة بالعودة إلى الطابق الخامس ليبلغ خالد وأدهم بما حدث و...

-أدهم بعصبية: يعني ايه الكلام ده ؟؟؟؟

-خالد: ده اللي ربنا قدركوا عليه

-مهندس الصيانة : يا باشا أنا لو في ايدي حاجة مش هتأخر ، بس ده النظام الحديث
و.. آآآ

-أدهم بنرفزة: الله يحرق ده نظام ، يعني نسيب بنت عمنا جوا عشان خاطر الزفت ده ،
أنا لو حكمت هكسره بايدي

هجم أدهم على باب المصعد وظل يطرق عليه بقوة وهو يصرخ و..

-أدهم: يا آآآآآآآآآآآآ

-موظف ما: اهدى يا أدهم بيه ، اهدى

-موظف آخر وهو يحاول ابعاد أدهم: ان شاء الله هنتحل

-أدهم وهو يقاومهم : ابعدوا عني ، أنا مش هفضل واقف كده ساكت

-خالد: اتصرفوا وخلوا الباب ده يتفتح فوراً بأي وسيلة

-مهندس الصيانة: مش هينفع لأنه معلق بين الدورين

-خالد: نعم ؟؟؟؟

-أدهم: بتقول ايه ؟؟؟ يعني الأساتسير مش موجود هنا ؟؟

-مهندس الصيانة: للأسف لأ ، هو موجود بين الدور الخامس والسادس

-خالد وهو يضع يديه فوق رأسه: يادي الكارثة

-أدهم: مش ممكن ، لازم تتصرف وتخرجها حالاااااااااااااااااااااا !!!

كان الجميع يقف صامتاً ومشاهدلاً لما يحدث ، ثم اقترح العامل سعيد على مهندس الصيانة شيئاً ما و...

-العامل سعيد: طب ما ينفعش يا باشا نعتل الباب ؟؟

-مهندس الصيانة باستغراب: تعتل الباب ؟؟؟

-العامل سعيد: ايوه يا بيه نجيب عتلة ونعتل بيها الباب

-مهندس الصيانة: معتقدش ان ده هينفع لأن الباب مقفول بنظام الدواير

-العامل سعيد: ما احنا ممكن يعني نجرب وآآآ...

-مهندس الصيانة مقاطعاً: برضوه صعب لأنه مقفول بـ آآآ

-خالد مقاطعاً: اسكت انت ، قولي يا آآآ...

-العامل سعيد: اسمي سعيد يا باشا

-خالد: سعيد انت تعرف تعمل ده ؟؟؟

-العامل سعيد: هحاول وان شاء الله تنفع

-أدهم: طب هتجيب البتاعة دي منين

-العامل سعيد: العتلة !

-أدهم: ايوه

-خالد: عند ثلاثة تشد

-أدهم: تمام

-خالد: 1 ، 2 ، 3 ، شد

-أدهم: يالالا ، اجمدوا

-العامل سعيد: يا قوي يالالا رب

-أدهم: يالالا رب

-خالد: تاني ، شدوا عند ثلاثة

-أدهم: ماشي

-خالد: 1 ، 2 ، 3 ، شد

-أدهم بفرحة: الباب بدأ يفتح أهوو

-خالد: الله اكبر ، يالا نشد تاني

-العامل سعيد: شد لتحت يا باشا عشان يفتح معانا

-أدهم: تمام

-خالد: عند ثلاثة تشدوا ، 1 ، 2 ، 3 .. شد

-أدهم: هالالااه

-العامل سعيد: يالالا معيييين يالالا رب

نجح الثلاثة بواسطة استخدام العتلة في فتح باب المصعد قليلاً ، وكانت المفاجأة أن المصعد عالقاً بين الطابقين الخامس والسادس ، والمسافة للنزول منه وهو في تلك

الحالة عالية ، لم تصدق يارا ما تراه بعيناها الآن ، ولم يصدقوا أن يارا مازالت في وضع خطر ، انحت يارا وجلست على ركبتيها لتتحدث مع أبناء عمها و...

-أدهم: ياااااااااا

-يارا: خرجوني من هنا ، انتو السبب في ده ، أنا كنت في مكثي وانتو اللي عملتوا فيا كده

-خالد: اهدي يا يارا ، هنخرجك والله ، هنخرجك

-يارا بنرفزة: هتخرجني ازاي ؟؟؟ انتو مش شايفين المنظر ولا ايه ؟؟؟

-أدهم: هنتصرف ، اهدي انتي بس

-مهندس الصيانة: انا كلمت المهندس اللي تحت وقاله انه قريب اوي هيثم تشغيل الجانب ده

-خالد: وتفتكر أنا هوافق ان الكهرباء ترجع هنا والأسانسير بالوضع ده

-مهندس الصيانة: آآآ...

-أدهم بضيق: بلغ البهايم اللي تحت مافي اي كهربا تتوصل هنا لحد ما نخرج يارا من الأسانسير

-مهندس الصيانة : بس آآآ

-خالد بحدة : انت مش سمعت أدهم باشا وهو بيتكلم ، يبقى تنفذ اللي قاله فوراً

-مهندس الصيانة: ح...ح...حاضر ..

.....

أخذ ادهم يفكر في حلاً ما لايخرج يارا من المصعد ، بينما جلست يارا على أرضية المصعد وهي تنظر لجميع من يشاهدوها ثم ...

-يارا في نفسها: من يوم ما وافقت أشتغل في الشركة دي وأنا طالع عيني ، كان وم
اسود يوم وافقت عمي اني اشتغل ماهينوبني من الحكاية دي إلا ان اتقصف ولا أموت
في عز شبابي

لاحظ ادهم شروود يارا فقرر أن يعرض فكرته ، هو يعتقد انها فكرة مجنونة بعض
الشيء ولكن ربما هي الحل ، لذا عرضها على خالد و...

-أدهم: ايه رأيك؟؟

-خالد: بس آآ...

-أدهم: لأ هي هتعرف تعدي ، هي مش مليانة عشان تتحشر في الفتحة دي ، وبعدين
احنا هنشدها علينا وهتطلع بدل الحبسة السوداء اللي هي فيها دي

-خالد: مش عارف ، بس ممكن تكون خطر

-أدهم: الخطر هو اننا نفضل واقفين نتفرج عليها وهي كده

-خالد: اها

-أدهم: اهم حاجة التيار يفضل مفصول عن الأسانسير عشان نضمن ان الباب مايقفلش
عليها أو الأسانسير يتحرك وهي بتنزل

-خالد: تمام ، انا هكلم الزفت بتاع الصيانة وأكد عليه

-أدهم: ماشي ، وأنا هقتع يارا بفكرتي

-خالد: اوك

أخرج خالد هاتفه المحمول ثم طلب مهندس الصيانة ليؤكد عليه ضرورة عدم تشغيل
التيار الكهربائي تحت أي ظرف لحين أن يعاود هو الاتصال به ، بينما تحدث ادهم مع
يارا حول فكرته و....

-أدهم: يارا ، أنا عاوزك تركزي معايا

-يارا: عاوز ايه تاني؟

-أدهم: اسمعيني بس ، انا عاوزك تحاولي تخرجي من فتحة الأسانسير دي

-يارا : لا والله

-أدهم: ايوه

-يارا: انت مجنون ولا حاجة ، فتحة ايه اللي عاوزني أخرج منها ، الظاهر ان الأفلام الأجنبي لحست مخك

-أدهم: أفلام ايه وهبل ايه اللي بتتلمي عنه وآآآ.....

-خالد مقاطعاً : اسمعي كلام أدهم يا يارا ، انتي رفيعة وهتقدي تعدي منها واحنا هنشذك لتحت

-يارا: يا سلاااام ، ومين قالك اني هعمل كده ، بطلوا تتفرجوا على الأفلام الهابطة دي

-أدهم: يا بنتي اسمعي الكلام ، احنا معاكي وهنسحبك على طول

-يارا: لأ طبعاً مش هعمل كده ، ومعروف بقى ان اللي بيخرج م الفتحة دي في الأسانسير بيتشقى نصين يا راسه بتتهرس

-أدهم: لا حول ولا قوة إلا بالله ، احنا برضوه اللي بنتفرج على أفلام ولا انتي

-يارا: كل النهايات كده

-خالد: خليكي واثقة فينا ، احنا هنطلعك

-يارا: انتو السبب في ده من الأول ، ما أنا كنت متنبيلة اعدة في مكتبي بشتغل في أمانت الله وانتو صممتوا أطلع المكتب

-خالد وهو ينظر لأدهم : مش أنا على فكرة اللي طلبتك ، ده أدهم

-يارا: كمااان

-أدهم لخالد : بتسلمني ليها ، ماشي يا خالد

-خالد: مش وقتك ، عاوزين بس نخرجها

-أدهم: نخرجها بس وهاتشوف ازاي هصالحها بطريقتي

-خالد: اياك تفكر تيجي جمبها

-أدهم: هتشوف

-أدهم ليارا: يالا يا يارا ماتضيعش وقت

-يارا: لا ، مش هيحصل

-خالد: عشان خاطري يا يارا ، حاولي بس

-يارا: لا ، لا عشان خاطرك ولا خاطر غيرك !!!

-أدهم لخالد بصوت هامس : احم... يااه ع الاحراج

-خالد: اتم

-أدهم ليارا: يالا يا يارا ، ولا عاوزاني أتشعبط وأشدك من فوق بالعافية

-يارا: يا رب وانت بنتشعبط تقع

-خالد لأدهم: يالاه ع الاحراج ..

-أدهم: خلاص خلصنا

-خالد: طب أنا عندي اقتراح ، مدي ايدك بس عشان نشوف المسافة هتكون أد ايه من

عندك لعندنا

-يارا: ودي هتفيد في ايه ؟

-خالد: اهي محاولة والسلام ، مش هتخسري حاجة

-يارا: طيب

-خالد لأدهم بغمزة : جهز نفسك

-أدهم : تمام

مدت يارا ذراعها من فتحة المصعد ، فقفز ادهم عاليا وتعلق بذراعها وجذبها للأسفل بشدة ..

-يارا: ها ، باينة المسافة؟

-خالد: كمان شوية يا يارا ، يالا يا أدهم

-أدهم : اوك

-يارا بفزع: انت بتعمل ايه ، آآآآآآآآ آه ، دراعي

-أدهم وهو يقفز : معلش يا يارا

-خالد: حاسب أما أشدها معاك

-يارا بصريخ: كتفي، دراعي ، آآآه ، مش قادرة

-ادهم وهو يجذبها بشدة: خرجي دراعك التاني ماتفضليش حايشة نفسك جوا

-يارا متألّمة بشدة : آآآآآآآآ ... لأ

-خالد: حركي كتفك شوية

-يارا : آآآه

اضطرت يارا أن تحرك كتفها قليلاً حتى تنفذ من فتحة المصعد ، واستمر أدهم في جذبها للأسفل ثم عاونه خالد وأمسك هو الآخر بها ، وبالفعل نجح الاثنان سوياً في

اخراجها من المصعد ، واسنדהا على الأرض ، ثم صفق الجميع لهما على ما فعلوا
و...

-أدهم: الحمد لله

-خالد: يارا ، الحمد لله انك بخير

-يارا: آآآه .. منكو لله ، خلعتوا كتفي

-أدهم: معلى كنت مضطر أعمل كده

-خالد:حمد لله ع سلامتك يا يارا

-موظف ما: حمد لله ع السلامة

-موظف آخر: برافووو يا بشمهندس ، مايجبها إلا رجالها

-موظفة ما : حمد لله ع السلامة

-موظفة أخرى: ربنا كريم

-ادهم: وريني كتفك

-يارا: انت اتجننت

-ادهم: هظمن بس انك كان في حاجة

-يارا: لا ، استحالة تشوفه

-خالد: كلموا الاسعاف يجي بسرعة

-موظف ما : حاضر يا بشمهندس

-أدهم: تعالي يا يارا ع المكتب معانا

-يارا: لا أنا مش هتتبع من مكاني ده

-خالد: سيبها يا ادهم ع راحتها ، ويالاااa

-العامل سعيد: تؤمر بأي حاجة تانية يا باشا

-خالد: لأ يا ..يا ايه ??

-العامل سعيد: اسمي سعيد

-خالد: تعدي ع الحسابات يا سعيد قبل ما تروح عشان تاخد مكافأة ع اللي انت عملته

-العامل سعيد: انا معملتش حاجة يا باشا

-خالد: لأ برضوه ، لولا تفكيرك وسرعة بديهتك مكوناش خرجناها

-العامل سعيد بعدم فهم : هه

-خالد: معش انت تعبت معنا

-العامل سعيد: الله يكرمك يا باشا ويخليكم الست الصغيرة

-خالد: شكراً

انصرف الجميع ، بينما ظلت يارا جالسة على الرض بجوار المصعد ، وجلس أدهم بجوارها و...

-أدهم: الحمد لله انك وسطنا الوقتي ،ده انا كنت هتجنن عليكي

-يارا: تجنن عليا ، ولا كنت حاسس بالذنب

-ادهم: نعم ??

-يارا: اه طبعاااa

-أدهم باستغراب : نعم؟؟؟

.....

الحلقة السادسة والثلاثون :

في شركة الصياد ،،،

-يارا: اللي سمعته ، مش دي الحقيقة ، كل واحد فيكو بيدور ع مصلحته وبيعلمها ،
وانا آخر حد بتفكروا فيه

-أدهم: ده مش حقيقي

-يارا: كفاية كذب بقى ، من يوم ما دخلت بيتكم وانا بتعرض لاهانة يا قلة قيمة رغم
اني ماحاولتش أجي جمب حد فيكو ، حاولت أكون في حالي ، أتعامل معاكو بكل
بساطة، لكن المقابل منك هو برضوه الاهانة ، بس مش هسمح بده يحصل تاني !

-أدهم: انتي فاهمة غلط على فكرة

-يارا: لأ أنا فهمت صح خلاص ، كل مصيبة بتحصلي بيكون وراها حد منكو انو
الاتنين

-خالد: يارا

-أدهم: ايه ؟

-يارا: وطبعاً معروف مين اللي بيدعمكم ، بس خلاص كل ده انتهى ، انا من النهاردة
زبي زيكم

-خالد: تقصدي ايه ؟

-يارا: أنا ليا لي ميراث ونصيب ، أنا هشتغل فيه ، ومش هشتغل عند حد فيكو ، ولو
عاوزة أفهم شيء هفهمه من عمي ، ع الأقل هو خايف عليا ، غلط أه زمان ، بس
بيحاول يصلح غلظه وندمان ع اللي عمله ، لكن ولاده الصراحة لأ ... طالعين لفريدة

هانم ، بيطلبوا أوامرها بالنص ، وفعلاً نجحتوا في ده ، أدتوني نفسياً وبدنياً وخليتوني
تريفة لكل .. شكراً ع اللي عملتوه معايا

-خالد: يارا بلاش تقولي كده

-يارا: لأ ، هاقول واكثر من كده كمان ، لأنها الحقيقة

-أدهم: يـ.. يارا

حاولت يارا النهوض والتغلب على ألم كتفها ، ورفضت أي مساعدة من خالد أو ادهم
و..

-يارا: او عوا محدش فيكو يلمسني ، كفاية أوي لحد كده

-خالد: يارا استني

-ادهم: يارا

-يارا: أنا رايحة لعمي ، وليا لي كلام معاه

.....

توجهت يارا إلى مكتب عمها رافت لتبلغه بنيتها تولى أمور ميراثها بعيداً عن خالد
وأدهم و...

-رافت: يارا ،ايه اللي حصلك يا بنتي

-يارا: حاجة بسيطة ، كنت محبوسة بس في الأسانسير

-رافت بفزع: يا ساتر يا رب

-يارا: ماتقلقش يا عمي أنا كويسة الحمد لله

-رافت: ده انتي شكلك مبهدل ع الاخر

وضع رأفت يده على كتف يارا ليجعلها تجلس ، ولكنها تألمت و..

-رأفت: طب تعالي أقعدي

-يارا متألمة: آآآه

-رأفت: مالك؟؟ في ايه؟؟؟

-يارا: كتفي بس بيوجعني

-رأفت: طيب استني اجيبك الدكتورة

-يارا: الأول بس عاوزاك تسمعني

-رأفت: مش قبل ما اطمن عليك

حضرت الطبيبة وضمت جراح كتف يارا ونصحتها بعدم القيام بأي مجهود خلال الأيام القادمة و...

-الطبيبة: حاولي متعمليش مجهود اليومين الجايين

-يارا: ربنا يسهل

-الطبيبة: ان شاء الله الكدمات تروح ، بس ادھني من المرهم ده ، والكريم ده

-يارا: اوك

وبعد أن انصرفت الطبيبة ، تحدث رأفت مع يارا و...

-رأفت: خير يا بنتي

-يارا: أنا مش عاوزة أشتغل مع خالد

-رأفت: ايه

-يارا: ولا مع ادھم كمان

-أفت: طب ليه؟؟؟

-يارا: انا عاوزة أبقي مديرة زي زيهم ، هما مش احسن مني في حاجة ، أنا من حقي
يبقالي مكتب وموظفين وناس تبغي أشتغل معاهم مش اشتغل عندهم واتبهدل كل شوية
منهم

-أفت: ممم...

-يارا: أنا برضوه بفهم مش غبية ولا جاية من ورا الجاموسة عشان اتعامل المعاملة
دي سواء من ادهم ولا خالد ولا حتى خالتي فريدة

-أفت: طيب هنتكلم في ده بعدين

-يارا: انت وعدتني يوم ما جبتي هنا ان لو معجبنيش النظام أمشي ، وأنا مش عاوزة
أعمل ده

-أفت: خلاص يا يارا ، قولتك هنتكلم في ده بعدين ، يالا بينا الوقتي ع الفيلا

-يارا: طيب

.....

في مكتب خالد ،،،،

كان خالد يعاتب أدهم على ما حدث ، ولكنه كالعادة أنهى الحوار و...

-خالد: انت مبسوط باللي عملته

-ادهم: انا معملتش حاجة

-خالد: ايوه ايوه ، اهرب زي عوايدك

-أدهم: بقولك ايه ، ريح دماغك مني ، وخلينا نروح الفيلا

-خالد: دايمًا لما تتزق تدور ع أي حجة وتخلع

- عمر وهو يعطيها الهدية : اتفضلي
-يارا بدهشة: ايه ده ???
-عمر: حاجة بسيطة
-يارا: عشان ايه ??
-عمر: من غير حاجة
-يارا وهي تفتح الهدية : ده ... ده موبايل
-عمر: اه ، ايه رأيك ??
-يارا: بس ليه ??
-عمر: بدل اللي اتكسر منك
-يارا: بس انا مش محتاجة واحد
-عمر: عشان خاطري مترفضيش الهدية ، ده انا تعبت عشان اجيبهاك
-يارا: شكراً يا عمر ، بس مكنش في داعي ليها
-عمر: لأ ازاي ، متقوليش كده ، بس مقولتليش ايه رأيك فيه ???
-يارا وهي تفحصه: ماشاء الله حلو
-عمر: ده تاتش على فكرة
-يارا: يا سلام
-عمر: اه وفيه واي فاي كمان
-يارا: مممم...
-عمر: عشان نتواصل بقى ونقضيهها واتس آب .. فيس ، فايبر ، وكده
-يارا: أها ... شكراً يا عمر ع الهدية ، وان شاء الله أردهاك
-عمر: انا مش عاوز أي حاجة غير إنني أشوفك مبسوفة وبتضحكي

-يارا: ربنا يخليك ليا يا عمر ، والله انت اللي في البيت ده

-عمر: عان تعرفي بس ..

.....

في غرفة المعيشة ،،،

قرر أدهم أن يتجاهل يارا تماماً وألا يعيرها الانتباه ، بل ربما يتعمد اهانتها والتقليل من شأنها أمام الآخرين ...

-أدهم في نفسه : عاوزة تعملي واحدة مهمة عليا يا يارا !! مش أنا اللي تكون في واحدة بتترسم عليا ، أنا هعرفك أنا مين ، وهوريكي مقامك كويس ..

-أدهم: فيروووو

-فريدة بتجاهل: هه

-ادهم: ايه يا فيروو ، مالك زعلانة بس ليه ???

-فريدة: يعني مش عارف

-ادهم: لاص بقى يا فيرووو، مايقاش قلبك أسود

-فريدة: أووووف

-أدهم: على فكرة أنا كنت بعمل كده بس عشان أعرف أظبط خطة انتقم بيها من البت دي

-فريدة: ها ونجحت ???

-أدهم: احم... آآآ...

-فريدة: أه طبعا .. هنتجح ازاي وانت أصلاً كل همك تلاحقها

-خالد: يا بابا معملناش والله حاجة ، كل الحكاية إن أدهم آآآ...

-رأفت مقاطعاً: أنا مش عاوز أعرف حاجة ، أنا كل اللي طلبته منك انت وهو انكم تتعاونوا معاها عشان تتعلم ، مش عشان تبهدلوها ، دي مش موظفة عندكم ، دي بنت عمكم وليها في الشركة زيكم

-خالد بضيق : والله يا بابا أنا كنت بحاول أخليها آآآ...

-رأفت : مافيش داعي لأساليبك معاها ، هي خلاص هتدرب معايا أنا ، وهيبقالها مكتب وطقم سكرتارية زيك وزي أخوك

-خالد: اللي تشوفه يا بابا

-رأفت: أنا عارف ان نيتك خير ، وانك عاوز مصلحتها بس برضوه انت اتعاملت بأفورة معاها ، واخوك حب يعمل مدير عليها ، وانتو الاتنين نسيتموا انها بنت عمكم قبل أي شيء

-خالد: اها

-رأفت: هي أمانة عندنا لحد ما يجي ابن الحلال اللي أسلمهاله بايدي وأجوزهاله وانا مطمئن

-خالد بخضة : هه .. تجوزها

-رأفت: طبعاااااا ، اومال يعني هسيبها كده

-خالد: طيب ، ربنا يسهل ، عن اذنك بقى يا بابا

-رأفت: وقول لأخوك يكبر كده ويعقل وبلاش حركات النادي دي مع بنت عمه

-خالد: ان شاء الله

ظل عقل خالد مشغول بما قاله والده عن تزويج يارا ...

-خالد: يجوزها ، طب ليه؟؟ ولمين؟؟ ازاي يارا تكون لحد ثاني ، ازاي؟؟؟؟

.....

رن جرس الباب بالفيلا ، فذهبت صباح لترى من الطارق و...

-صباح : ايوه يا فندم

-الكابتن سليم: مساء الخير

-صباح: مساء النور

-الكابتن سليم: حضرتك الانسة يارا موجودة ؟

-صباح: آآ.. ايوه يا فندم

-الكابتن سليم : طيب ممكن تديها خبر اني عاوز اقابلها

-صباح: طب مين حضرتك

-الكابتن سليم: أنا الكابتن سليم ، مديرها في النادي

-صباح: اهلا وسهلاً بحضرتك .. اتفضل في الصالون

.....

توجهت صباح إلى الطابق العلوي لتبلغ يارا بوجود الكابتن سليم بالأسفل ورغبته في مقابلتها و...

-صباح : يا ست يارا

-يارا: ايوه يا صباح

-صباح: في واحد منتظرك تحت في الصالون

-يارا : واحد ??? مين ده ???

-صباح: بيقول ان اسمه الكابتن سليم ومديرك في النادي

-يارا بدھشة: الكابتن سليم ، طب أنا نزلاله حالاً .. صباح ممكن بس تقدميلي حاجة
لحد ما أغير هدومي وانزل

-صباح: اوك

.....

ارتدت يارا ملابسها ونزلت لتقابل سليم في غرفة الصالون بالفيلا و..

-يارا: كابتن سليم ازيك

-الكابتن سليم وهو ينظر لاصابتها : آنسة يارا ، ايه مالك؟؟ ايه اللي حصلك

-يارا: حاجة بسيطة ، متقلقش

-الكابتن سليم: أنا قلقك عليكي .. آآ.. قصدي الأطفال قلقوا عليكي لما اتأخرت عليهم
ومجيتيش في ميعادك التدريب

-يارا: معلىش يا كابتن ، زي ما حضرتك شايف كتفي بس تعبان شوية ، وأنا للأسف
مكنش معايا موبايل عشان أبلغ حضرتك اني مش جاية

-الكابتن سليم: ولا يهكم .. الف سلامة عليكي ، المهم انك بخير ، وأنا مبسوط اني
اطمنت عليكي

-يارا: شكراً يا كابتن ع زيارتك

-صباح وهي تحمل صينية المشروبات : اتفضلوا

-يارا: اتفضل يا كابتن

-الكابتن سليم: شكرا يا آنسة يارا

الحلقة السابعة والثلاثون :

في فيلا رأفت الصياد ،،

في غرفة الصالون ،،،

كانت يارا تجلس مع الكابتن سليم في الصالون حينما دلف أدهم وبصحبته والدته بصورة مفاجئة و...

-فريدة: ازاي يا هانم تسمحى لنفسك تقابلي حد بدون استئذان أصحاب البيت؟؟ فاكرة نفسك في الشارع ولا تكونيش فكرتي ان دي فيلتك؟؟

-يارا: هه ، خالتي

-أدهم: يصح يا كابتن تجي تزور واحدة بدون استئذان أهلها؟؟ دي برضوه الأصول؟؟؟؟

-الكابتن سليم باحراج: لا والله ..أنا ..احم... انا بس كنت عاوز أظن ع الأنسة يارا ، كان المفروض تيجي التدريب بس مجتش وآآ.. م...ماكنش في وسيلة اتصال فقولت آجي بنفسى آآ... يعني أظن عليها وآآ..

-يارا مقاطعة : هو معملش حاجة غلط ، ده مديري في الشغل وبيظن عليا

-فريدة: انتي تخرسي خالص ، ده بيتي وأنا أحدد مين اللي يجي ومين لأ

-الكابتن سليم: أنا...أنا مضطر استأذن ، وألف سلامة عليكي يا يارا قصدي يا أنسة يارا

-يارا: انا أسفة يا كابتن ع اللي حصل ، أنا بعذرلك

-الكابتن سليم: ولا يهكم .. حصل خير

انصرف الكابتن سليم وشعرت يارا بالاحراج مما حدث و..

-يارا: يعني ينفع اللي اتعملت ده ؟؟ ارتحتوا ؟؟؟؟

-فريدة: ده بيتي وأعمل اللي أنا عاوزاه فيه

-أدهم: بالظبط كده

-يارا: ماشي بيتك ، بس في واجب الضيافة وده مالوش علاقة بان كنتي صاحبة بيت ولا صاحبة غيط حتى .. ده دليل ع أخلاقك وتربيتك ، وفي الأول وفي الآخر هتطلع في وشك !!!

-أدهم: سيبك منها يا فيرووو ، وتعالى احنا نشوف هنعمل ايه في البارتي

-فريدة: اوك

-فريدة قبل أن تنصرف : نسيت أقولك ، اعلمي حسابك شاهي هتيجي

-يارا بعدم اكترأث: ما تيجي ولا تمشي ، وأنا مالي ؟؟

-فريدة: هي هتبات في أوضة الضيوف

-يارا: نعم ، اوضة الضيوف ؟؟؟ دي اللي هي أوضتي ؟؟؟؟

-فريدة: بيس ، نضفيها كويس ، أكيد أمك علمتك ده ، ماهي مهنة الشغالين بتجري في دمكم بالفطرة !!!

-يارا: استغفر الله العظيم

تركت فريدة يارا وهي تغلي من اهانتها مرتين ، مرة أمام الكابتن سليم ، والمرة الاخرى بالإساءة إلى أمها ..

-يارا في نفسها: مش هنتهدي أبدااااا يا بنت الـ ، وبعدين مش كفاية انتي عليا عشان تبتليني بالهبابة قريبتك دي كمان

.....

في فيلا ناهد ،،،

كانت ناهد تبلغ جاسر بأنهم سينتقلون للإقامة لدى اختها فريدة لمدة يومين و..

ناهد: ها قولت ايه يا جاسر

-جاسر: طبعاً ماينفعلش الكلام ده ، ازاي نسيب فيلتنا ونروح نقعد عند خالتي ونزاحمهم هناك

ناهد: ما انت عارف انها هتعمل عندها في الفيلا البارتي

-جاسر: وكان لازممتها ايه من أساسه توافقي ع ده

ناهد: عشان خاطر اختك ، هما يومين بس

-جاسر: يا أمي انتي عارفة اني ماليش في الجو ده ، وبعدين فريدة هانم مابيعجبهاش العجب ، ولأ أنا برتاح للأعدة معاها

ناهد: متقعدش معاها ، عندك أدهم وخالد وعمك رأفت وبننت عمهم دي وآآ

-جاسر: هه

ناهد مكلمة: يعني متقيدش نفسك بيها ، يومين بس والله ، ها قولت ايه؟؟؟

-جاسر وهو تفكير : ممم..

ناهد: ريحني يا بني وقولي قرارك؟؟

-جاسر: ماشي يا ماما

ناهد: ريحت قلبي الله يريح قلبك

-جاسر: على ايه بس ، ده مكنش حاجة يعني

ناهد: كفاية انك هتفرح اختك في يوم زي ده ، ربنا يخليكوا ليا ومايحرمني منكو

-جاسر: يا رب يا أمي ..

-ناهد: اعمل حسابك بكرة بعد الظهر هنروح هناك ، وتأخذ اجازة من شغلك

-جاسر: ربنا يسهل

-ناهد: تسلملي يا حبيبي

.....

في صباح اليوم الثاني وتحديداً في فيلا رأفت الصياد ،،،،،

كانت الاستعدادات تتم لاستقبال عائلة ناهد ، حيث أمرت فريدة صباح باعداد غرف أدهم ويارا وخالد لاستقبال الضيوف ، حيث ستقيم ناهد مع اختها فريدة في نفس الغرفة ، ورأفت مع ادهم في غرفته ، وجاسر مع خالد ، بينما شاهي مع يارا في غرفتها..

-فريدة: تجهزي يا صباح الأوض زي ما فهمتك ، مش عاوزة حاجة تنقص ، ماشي

-صباح: حاضر

أعطى رأفت اجازة ليارا ومنعها من الذهاب إلى الشركة حتى تتعافى من الكدمات الموجودة بجسدها ، وهي بالفعل كانت تحتاج لمثل تلك الراحة ، وخاصة أنها قضت ليلتها وهي ترتب الدولاب لتفسيح المجال لشاهي لكي تضع حقيبتها به ..

-يارا: ياااا رب اديني الصبر واستحمل البت الرزلة دي اليومين دول ..

.....

في غرفة خالد ،،،،،

كانت مواسير المياه في الحمام بغرفة خالد تعاني من تسريب للمياه ، لذا أبلغ خالد صباح بأن تتصل بالسباك لاصلاح التسريب و...

-خالد: صباحااااا يا صباحاااااااااا

-صباح من بعيد: ايوه يا خالد بيه

-خالد : صباح بصي المواسير في الحمام عندي بتسرب مياه ، كلمي السباك وخليه يجي يصلحها أوام

-صباح: حاضر يا خالد بيه

-خالد: بصي أنا قفلت المحبس عشان المياه متغرقش الدنيا ، ولو جه جاسر قبل ما السباك يجي ابقوا عرفوه بده ، وماتنسيش تبليغي ماما بالكلام ده برضوه

-صباح: حاضر ، تحب يا خالد بيه أجهلك الفطار؟؟؟

-خالد: لألألأ .. أنا رايح الشركة ، وماتنسيش السباك وتبليغي ماما بده .. سلام

.....

في غرفة فريدة ،،،،،

-رأفت: وكان لزمته ايه البهدلة دي يا فريدة ، ماكانا عملنا الحفلة في النادي وخلصنا ، ادينا مضطرين نلخبط الدنيا عشان انتي تتبسطي

-فريدة: أنا وعدت أختي وخلص .. وبعدين هما خلاص جايبين في السكة ، عاوزيني أقولهم متجوش الفيلا عشان جوزي مضايق من وجودكم؟؟؟

-رأفت: مش الفكرة ، بس آآآ

-فريدة: هو أنا قولت هيقعدوا عندنا على طول زي ناس ، دول يومين بالعدد

-رأفت: خلاص خلاص .. مش لازم يعني تفتحي السيرة كل شوية

-فريدة: يكون احسن برضوه ، واعمل حسابك ان أدهم مش هيروح الشغل اليومين دول ، لازم يجهز كل حاجة للحفلة

-رأفت: كمان

-فريدة: ايوه

-رأفت: في حاجة ثانية ولا أنزل الشغل بقى

-فريدة: لأ مافيش ، ولو عوزت هبقى أكلمك

-رأفت: الحمد لله ان خالد مالوش في الأفلام دي ، ولد ملتزم وبيحب شغله

.....

طرقت صباح باب غرفة فريدة لتبلغها ب...

-صباح (طق...طق...طق) : فريدة هانم

-فريدة من داخل الغرفة: تعالي يا صباح ، في ايه؟؟

-صباح: خالد بيه ببيلغ حضرتك ان مواسير المياه في حمام أوضته بتسرب وهو قفل
المحبس لحد ما يجي السباك ويصلح المواسير

-فريدة: اها ، طيب خلاص ، روعي انتي يا صباح وجهزي الفطار لرأفت بيه

-صباح: حاضر يا هانم

.....

في غرفة أدهم ،،،

خرجت فريدة من غرفتها وتوجهت نحو غرفة ادهم و..

-فريدة: ادهووومي حبيبي

-أدهم: ايوه يا فيرووو

-فريدة: ها فكرت هتعمل ايه عشان الحفلة؟؟؟

-أدهم: اها ...

-فريدة: عاوزاك تبهرنا زي عوايدك

-ادهم: اكيبييد يا فيروو

-فريدة: حبيبي يا أدهومة ، انت الوحيد اللي أقدر أعتد عليه في البيت ده وأنا مطمنة ، وعشان كده قولت انك اللي هتعمل الحفلة دي

-ادهم: تمام ، اطمني وماتشليش هم يا فيرووو

-فريدة: ما أنا عارفة ده يا حبيبي ، المهم جهز نفسك يا أدهومة عشان الجماعة زمانتهم على وصول ، ومش هوصيك بقى على شاهي

-ادهم: ان شاء الله

.....

في غرفة يارا ،،،

دلف عمر إلى غرفة يارا و...

-عمر: يارارارار ، يارارارار

-يارا: أيوه يا عمورة

-عمر: حقى البت شاهي هتيجي تمام معاكي هنا ???

-يارا وهي تهز رأسها : أها

-عمر: الله يكون في عونك ، دي بت ثقيلة ورخمة وحاجة كده بتقف في الزور

-يارا : في دي عندك حق

-عمر: وهتيجي بقى تتنفخ علينا زي الطاووس وتكلمنا من مناخيرها وحاجة غلب

-يارا: ربنا يعدي اليومين دول ع خير

-عمر: الحمد لله ان مش معايا حد في الأوضة ، الكل هيشارك أوضته مع غيره ، وانا

الوحيد اللي ملك زمانى فيكم ، محدش جاي معايا

-يارا: حظوووظ

في ردهة الفيلا ،،،

تم استقبال عائلة ناهد الرفاعي استقبالا حافلا كما أرادت اختها فريدة و...

-فريدة: اووه ، ناهوودة my sis.. ايه اللي أخرك؟؟

-ناهد: متأخرناش ولا حاجة ، يدوب صحينا وجهزنا حاجتنا وجينا

-فريدة: ده أنا مستنياكو من بدري ، شوشوو حبيبتي ، ازيك يا قلبي

-شاهي: انطي فيرووو ، I am fine وانتي؟؟

-فريدة: تمام يا قلبي ، مش عاوزاكي تفكري في حاجة ، عاوزاكي تستجمي اليومين

دول عندنا ، ادهومة هيظبط كل حاجة ، ولا ايه يا أدهم

-أدهم : اه طبعا

-شاهي: انا واثقة في أدهم

-عمر: ازيك يا أنطي ، ازيك يا شاهي ، منور يا جاسر

-ناهد: أنا بخير يا عمورة

-شاهي: fine يا عمر

-جاسر: تمام يا وَحش

-أدهم: ازيك يا جاسر ؟ اخبارك ايه؟؟

-جاسر: الحمدلله تمام ، معلش يا جماعة ، احنا جايين ننقل عليكو ، والله أنا ماكونتش

راضي بس أمي بقى هعمل فيها ايه

-فريدة: متقولش كده يا جاسر ، ده بيتك يا حبيبي

-جاسر: شكراً يا طنط

كان جاسر يبحث بعينه عن يارا وسط الموجودين ، ولكنها لم تكن موجودة و..

-فريدة: يالا يا جاسر اطلع مع ادهم عشان تحط شنطتك عنده

-جاسر: شنطة ايه بس ، ده يدوب حاجة كده في الهاند باج

-فريدة: وليه ماجبتش حاجات كتير؟؟ ده أوضة ادهم واسعة وهو عامل حسابيه انك
أعد معاه

-جاسر: يعني يا خالتي ، ماأنتي عارفة أنا بحب اكون خفيف خفيف

-فريدة بضيق: اوووف ، متقولش خالتي دي ، الكلمة دي بتعصبني

-جاسر: ههههههههههههههه ، لسه برضوه بتضايقك

-فريدة: جداااa

-جاسر: أعتقد ان ليها اسم وهو يارا

-فريدة: whatever .. المهم اطلع عشان ترتاح

-جاسر: ربنا يسهل

-فريدة: تعالي يا ناهوود معايا ، وانتي يا شوشوو ، معلش مضطرية تنامي في
الأوضة مع آآآ...

-شاهي مقاطعة: اوعى يكون مع البت اللوكال دي

-فريدة: معلش يا شوشو

-شاهي: لأ يا انطي ، مش هيحصل أبداااa

-فريدة: شوشو حبيبتني ، مش هينفع والله أوديكي في حطة تانية غير كده ، أنا لو بايدي
كنت أعدتك عندي وآآآ...

-شاهي باصرار: no way أنطي

-جاسر مقاطعة: خلاص بقى يا شاهي ، ده مش بيتك عشان تتحكمي فيه ، اعلمي اللي
فريدة هانم تقولك عليه

-شاهي: يوووو

-فريدة: خدي شنطة جاسر بيه وديها ع أوضة خالد بيه ، وبعد كده ودي شنط شاهي
هانم ع أوضة الزفتة اللي فوق ، وحصليني بالباقي ع أوضتي

-صباح: حاضر يا هانم

.....

اصطحب ادهم شاهي إلى غرفة يارا و..

-أدهم بصوت مرتفع: شوشووو ، أجمل جميلات العيلة تعالي يالا ع أوضتك المتوضعة

-شاهي: ميرسي يا أدهم

-ادهم: يا رب تقضي معانا يومين حلوين

-شاهي : كفاية إني هاكون جمبك

-ادهم: ده انا هخليكي تعيشي في الجنة طول ما انتي معايا

-شاهي: الله !!!

-ادهم: يالا ، تعالي جوا الأوضة

دلف ادهم ويارا إلى داخل الغرفة ، ثم رات شاهي يارا وهي جالسة على الفراش تطوي
ملابسها و...

-شاهي بقرف: اووف ، انا مش عارفة الجو ماله كتم كده ليه فجأة

-ادهم: ابقى هوي الأوضة يا شاهي ، لأحسن في ناس الظاهر انها واخدة ع الكتمة

-يارا بضيق: يارب

-شاهي : وأنا هنام ع السرير ده ؟؟ جمب دي ؟؟

-أدهم: معلش يا شوشو ، عشان خاطر بس

-شاهي: لالالا مستحيل ، ازاي انام جمب دي؟؟ دي...دي ممكن متكونش نضيفه
وراحتها اوووف تقرف !!!

-يارا: متخافيش ياختي أنا بغسل سناني ورجلي قبل ما أنام

-أدهم: هما اللي زيك بيستحموا أصلاً؟؟

-يارا: اه بالليفة والصابون

-شاهي : يععع ،ليفة وصابون .. سوفاج

-يارا مقلدة اياها : يععع ، الله يرحم أيام جدك لما كان بيستحمى بصابون الغسيل
والليفة الحجر ، لأ وامتى بقى كل سنة مرة ، وبعدين انا واحدة عارفة نفسي ، الدور
والباقي عليكي انتي ، الله أعلم بـ آآ

-شاهي مقاطعة : اخررررسي

-أدهم: متعصببش نفسك يا شوشو عشان وشك يفضل رايق كده وناعم

-يارا: ايوه لأحسن الحقن والنفخ مع العصبية يفرقع

-شاهي بضيق: شايف يا أدهم طريقتها؟؟ شايف

-أدهم: ما تتلمي يا بت انتي شوية

-يارا: ايه بت دي؟؟ انتو اللي جاينين تغلطوا فيا وعاوزني أسكت واقول أميين

-شاهي بعصبية : لأ كده كتير بجد .. أنا مش طايقة أقعد هنا ثانية

-أدهم: طب اهدي شوية

-شاهي وهي تحاول الخروج من الغرفة : للألاً .. سيبيني يا أدهم أمشي من هنا

-أدهم محاولاً منعها من المرور : مش هسيبك تمشي وانتي كده ، ده أنا قلبي رهيف
مايستحملش الهوا الطاير عليكي

-يارا في نفسها: والله أدانك مصطنع وباين أوي انه تمثيل

-شاهي: تو ، سيبيني يا ادهومة

طرق جاسر باب غرفة فريدة و...

-جاسر (طق... طق... طق) : فريدة هانم

-فريدة وقد فتحت باب الغرفة: جاسر ، تعالى يا حبيبي ، في حاجة؟؟

-جاسر: معلش يا فريدة هانم ، هعطلك شوية

-فريدة: ايه فريدة هانم دي ، انت تقولي يا أنطي ، يا فيرووو ، ده انت ابن اختي
الغالية

-جاسر: كلهم واحد عندي .. المهم كنت عاوز أقولك ان مافيش مياه في اوض خالد
وأنا كنت عاوز أخذ شاور وكده

-فريدة: اوووف ، ده في مشكلة في المواسير عند خالد والسباك المفروض جاي
يصلحهم

-جاسر : أها ، خلاص مافيش مشكلة

-فريدة: استنى يا جاسر ، انا هتصرف

ثم لمحت فريدة عمر وهو يدلّف إلى غرفته فنادت عليه و..

-فريدة بصوت مرتفع: عمر

-عمر في نفسه: يا ساتر استر يا رب

-فريدة: تعالى يا عمر

-عمر: ايوه ياماما ، في حاجة

-فريدة: عمر ، جاسر هيجي ياخذ عندك شاور عشان المواسير بايظة في اوضته

-عمر: وماله ، يتفضل

-جاسر: معلش يا عمر مضطرين نرخم عليك

-عمر: ترخم ايه بس ، دي اوضتك يا جاسر

-جاسر: شكراً يا عمر ، أنا مش هطول كثير

-عمر: خد راحتك يا سيدي ، أنا أصلاً نازل الجنينة

-جاسر تمام

دلف جاسر إلى داخل غرفة عمر ليستحم بينما نزل عمر إلى الحديقة ...

.....

في غرفة يارا ،،،

كانت يارا تحاول أن تتعلم استخدام هاتفها الجديد ، ولكن كانت لا تستطيع أن تفهم بعض البرامج فيه ...

-يارا: ايه الموبايل العجيب ده ، هما بيحببوا منين الـ downloads ، طول عمرها الأغاني بتنزل في الاستوديو ، لكن الموبايل ده مش مفهوم نظامه ازاي ، أحسن حاجة أعملها أروح أسأل عمر وهو يقولي ، هو اللي جايه ، واكيد هيبقى عارف ازاي يستخدمه ...!!!

.....

في غرفة عمر ،،،

كان جاسر قد انتهى لتوه من الاستحمام ، فارتدى فقط بنطاله ، ثم خرج وهو يضع المنشفة حول رقبته لكي يكمل ارتداء باقي ملابسه في الخارج ، وفجأة فتحت يارا باب الغرفة وهي تنظر للهاتف في يدها
و.....!!!!!!

.....

الحلقة الثامنة والثلاثون :

في فيلا رأفت الصياد ،،،

في غرفة عمر ،،،

كان جاسر قد انتهى لتوه من الاستحمام ، فارتدى فقط بنطاله ، ثم خرج وهو يضع
المنشفة حول رقبته لكي يكمل ارتداء باقي ملابسه في الخارج ، وفجأة
فتحت يارا باب الغرفة وهي تنظر للهاتف في يدها و...

-يارا وهي تفتح الباب : عمر ! بقولك ايه ، التليفون ده انا مش فاهمة ازاي اجيب
فيه الداون...أأأأأأ... ..

-جاسر: يارا !!!!

شعرت يارا بالخجل الشديد حينما رأت جاسر امامها على تلك الحالة فأدرات وجهها
على الفور واعتذرت بشدة و...

-يارا وقد احمرت وجنتيها : سوري ، والله معرف انك..آآ...انك هنا .. أنا..أنا كنت
مفكرة ان عمر

-جاسر: ازيك ؟

-يارا: آآ... الحمدلله

ارتدى جاسر تيشيرته بسرعة ثم ...

-جاسر: ماله الموبايل ؟

-يارا: آآ... مالوش

-جاسر: طيب بصيلي ، أنا خلاص لبست

-يارا: احم.. عادي خد راحتك

-جاسر وهو يمد يده لها : هاتي الموبايل ، وقولي فيه ايه

-يارا: آآ.. مش مشكلة عادي ، أنا مش ..مش عاوزة أتعبك

-جاسر: يالا بقى هاتيه

ناولت يارا الهاتف إلى جاسر وهي مازالت تشعر الخجل ثم ...

-جاسر: انت عاوزة تجيبي ايه ومش عارفة

-يارا: كنت عاوزة أجيب الداونلود هنا

-جاسر: ممم... دي سهلة أوي ، بصي انتي هتدوسي هنا وبعد كده هتفتحي الـ file ده هتلاقيه

-يارا : هه

-جاسر وقد اقترب منها : أنا بقولك دوسي هنا وبعد كده هتطلعك قائمة قدامك هتدوسي ع الـ file ده هتلاقي كلمة داونلود

-يارا: أها .. تمام .. متشكرة أوي

-جاسر بابتسامة: العفو على ايه ، انتي بس تؤمري

-يارا: شكراً ..

-جاسر: مال كتفك صحيح؟؟

-يارا: آآ... دي حاجة بسيطة متخدش في بالك

-جاسر: ألف سلامة عليك ، بس خلي بالك من نفسك

-يارا: حاضر

خرجت يارا من الغرفة ومازالت وجنتيها مُكتسيتان باللون الأحمر ، وفي نفس الوقت كان ادهم يتحدث مع شاهي امام غرفته فرأى يارا على تلك الحالة وهي خارجة من غرفة عمر ، ثم لمح جاسر وهو يخرج بعدها واضعاً كلتا يديه في جيبه والمنشفة حول رقبته ، بالاضافة إلى الابتسامة التي تعلو وجهه فشعر بالضيق ..

-أدهم في نفسه مندهشاً : مالها البت دي عاملة كده ، وبعدين وشها أحمر لون الدم كده ليه ؟؟؟ هو كان في ايه بيحصل عند الزفت عمر .. الله !!!!! جاسر !!

-جاسر: أهلا يا أدهم

-ادهم: انت.. انت كنت بتعلم ايه في أوضة عمر ؟؟؟

-جاسر: ولا حاجة ..

-أدهم: ولا حاجة ازاي وانا شايفك خارج منها الوقتي وقبلك يارا

-جاسر: أها.. كنت باخد دش هناك وبعدين جت يارا وقصدتني في حاجة وعملتهاها

-أدهم: لا والله

-جاسر: ايوه

-شاهي: ماتفضونا من سيرة البت دي بقى وخلصونا ننزل نقعد تحت

-أدهم: طيب

-جاسر: هودي بس الفوطة في الأوضة وأحصلكم

-ادهم: طب يالا ، أنا مستنيك

-جاسر: مش مستهلة والله ، اسبقني انت

-ادهم: لأ هستناك ، انجز في السريع

-جاسر : اوك

.....

نزل الجميع إلى الحديقة ليجلسوا فيها ، وظلوا يتحدثون عن ترتيبات العيد ميلاد و...

-فريدة: احنا عاوزين نحط هنا حاجة مميزة

-ناهد: ممكن نعمل الديكور بالبونات وآآ

-شاهي: لأ انا مش عاوزة بلونات ، دي بقت فكرة قديمة اوي

-أدهم وهو يشير بيده : بصوا احنا نخلي الديكور شبه عالم المستقبل ونجيب بلورات

كريستال ونحطها هناك ، والسبوت لايتز نحطها في الحتة دي

.....

في نفس الوقت تقريباً كانت يارا تتحدث إلى صديقتها سمر و...

-سمر: والله انتي ندلة ، مغتيش بتسألني خالص

-يارا: معلش والله يا سموورتي ، الظروف عندي صعب اوي

-سمر: يعني مافيش 5 دقائق كده تكلميني فيهم

-يارا: والله انتي لو تعرفي اللي بيجرالي هنا هتعدريني ع الآخر

-سمر: آآ... م...ب...انتى..آآآ...ت...

-يارا: انتي بتقولي ايه مش فهمكي؟؟؟

-سمر: ي...أ... ان... آآ...م...

-يارا: الوووو.. سمر .. سمعاني ، طيب أنا هطلع في البلونة كده اشوف الشبكة

خرجت يارا إلى الشرفة لتتحدث في الهاتف و..

-يارا بصوت عالي : الوووو.. سمر !! سمعاني؟؟؟

انتبه الجميع إلى صوت يارا المرتفع في الشرفة و..

-فريدة: بيئة في كل تصرفاتها

-ناهد: خلاص يا فريدة

-شاهي: أه والله يا انطي عندك حق

-جاسر مقاطعاً وهو ينظر ليارا : ركزي انتي بس في حفلتك وملكيش دعوة بيها

-ادهم متعجباً : ممم...

-شاهي: يا سلام لو تنساني شوية يا جاسر ، وتركز مع حد تاني غيري

-جاسر: ما أنا مركز .. آآآ... قصدي هركز معاكي انتي مش أختي ???

-ادهم وهو ينظر حيث ينظر جاسر : انا شايف انك تبص قدامك أحسن

-جاسر: أنا أصلي بحب أشوف السماء والقمر اللي بينور السما

-ادهم: احنا لسه الضهر !!!!!!!

-جاسر: القمر بيطلع في أي وقت ، المهم انه موجود

-ادهم: يا سلام

لمح كلاً من جاسر وأدهم يارا وهي تدلف من الشرفة إلى غرفتها و..

-جاسر: اوووف ، اهوو القمر اختفى

-ادهم بضيق : ما أنا خدت بالي !!!!!!! او مال يا جاسر انت معندكش شغل ??

-جاسر: لأ .. أنا أخذ اجازة يومين

-ادهم: دي حاجة حلوة أوووي !!!

.....

في المطبخ ،،،،،

كانت صباح تحاول الاتصال بالسباك لكي يأتي لاصلاح المواسير في غرفة خالد ولكنه للأسف لا يجيب ..

-صباح في نفسها : ما بيردش السباك ليه ، ده الست فريدة مش هتسكت لما تعرف ده ، لازم أعرفها بان السباك اللي بنتعامل معاه مش بيرد

ثم دلف عمر إلى المطبخ و...

-عمر: صباحااااا

-صباح: ايوه يا عمر بيه

-عمر: بقولك ايه عاوزك تعلمي ع الغدا الحاجات اللي يارا بتحبها ، اسألها كده بشطارتك هي بتحب ايه واعمليه

-صباح: حاضر

-عمر: بس متعرفيهاش اني طلبت منك ده

-صباح: حاضر يا عمر بيه

-عمر : شكر ااااا

وما إن خرج عمر من المطبخ حتى أمسك به ادهم من قفاه و..

-أدهم بغل: تعالى يا زفت معايا

-عمر: آآآآه .. في ايه يا أدهم ، ما تسيبني يا جدع ، قفشني كده ليه زي ما المخبر بيقفش الحرامي

-ادهم: اتنيل خش قدامي ع أوضة المكتب

-ادهم: امشي ياله من قدامي

-عمر: انا عارف يارا حرقاكو كلكو عشانها مش مزوءة زي ناس ولا بتترسم زي ناس

-ادهم: اخرس يااض

-عمر وهو يفتح باب الغرفة: ولعلمك بقى أنا هاعمل اللي عاوزه ، واللي عندك اعمله

خرج عمر مسرعاً من الغرفة بعد أن أنهى جملته فوراً مما جعل أدهم يغتاظ أكثر ...

-ادهم بغیظ : وله ، تعالى هنا

-عمر في نفسه : والله لأوريك ، ان ماخليتك تعاني النهاردة مابقاش انا عمر الصياد

صعد عمر إلى السطح الخاص بالفيلا ، ثم بحث عن الماسورة الخاصة بصرف المياه في الحمام الخاص بأدهم ، ولكنه كان محتاراً بين ماسورتين متجاورتين ، ولكنه عقد العزم على إلقاء الكرات الخاصة بالتنس في أحدهما ..

-عمر في نفسه بمكر : أنا مش عارف أنهو واحدة تبعك ، بيتهيا لي الماسورة دي ، ايوه .. هي كشلها دي ، يالا تستاهل بقى ، وخليها تزروط عندك يا فلانتينو عصرك وزمانك

.....

في غرفة يارا ،،،،،

دلفت شاهي إلى الغرفة وكانت تتعمد أن تتعامل بكل تعالي مع يارا ..

-شاهي: اووف

-يارا في نفسها: ولا تعبريها يا يارا ، طنشيها كأنها هوا

-شاهي: انتي ..

فتحت شاهي باب الحمام لتتفاجيء يارا بأن المياه تخرج من بالوعة صرف المياه و..

-يارا بز عيق: المياه دي جاية منين ??? انتي عملتي ايه جوا ???

-شاهي : والله ما عملت حاجة

-يارا: اومال ايه اللي حصل ???

-شاهي: أنا.. انا كنت بملى البانيو مياه عشان اقعد فيه شوية .. بس..بس قولت آآ...

أغسله الأول من قرفك وكده

-يارا مقاطعة: استغفر الله العظيم يا رب

-شاهي: و..وبعد كده لاقيت المياه طالعة من كل حطة

-يارا: طيب قفلتي حنفية البانيو

-شاهي: لأ

-يارا: يالهوري سايبها تسيب كده ، ماهو يا فالحة هتطلع كده علينا

أسرعت يارا بوضع ملاءة على الأرض امام باب الحمام لتحجز المياه من المرور إلى الخارج ، بينما استمرت شاهي في اتهام يارا بأنها السبب فيما حدث و...

-شاهي: انتي السبب ، انتي اللي عملتي كده

-يارا وهي تضع الملاءة: أنا؟؟ ليه ان شاء الله ، كنت بشتغل في الصرف الصحي ولا حاجة ???

-شاهي : انتي عارفة اني كنت داخله التويلت أخذ شاور، فحبيتي تعكنني عليا

-يارا: وهعكنن عليكي ليه؟؟ بيني وبينك ايه ، والله العظيم حرام المياه المفتوحة دي

-شاهي: أنا ماليش دعوة ، انا مش داخله الحمام والمنظر ده فيه

-يارا: يووه ، الغبي هيفضل غبي ، انتي مش بتفهمي ، أنا بقولك روجي نادي لصباح
وخلص

-شاهي : طيب أنا هوريكي

قامت شاهي باغلاق باب الحمام على يارا بالمفتاح الخارجي و...

-يارا من الداخل: بت آشاهي افتحي

-شاهي: لأ

-يارا: خلاص يا شاهي حقك عليا ، انتيمش غبية بس افتحي بقى

-شاهي : No ... أنا هعرفك الغبية دي هتعمل فيكي ايه !!!

خرجت شاهي من الغرفة وتوجهت إلى غرفة أدهم ويدور في بالها فكرة ما شيطانية
و...

-شاهي بنظرة خبيثة : والله لأريكي يا خدامة يا بنت الخدامين ، ان ماخليتك تبوشي

النهاردة مابقاش انا شاهي !!!!

طرقت شاهي الباب فلم تجد أي أحد بالداخل ، فدلقت إلى داخل الغرفة ثم أسرعت إلى
حمام الغرفة وقامت بفتح الصنبور الخاص بالبانيو وأفرغت علبة الشامبو به ،
وأغلقت الباب وخرجت من الغرفة ..

-شاهي وهي تطرق الباب (طق...طق... طق) : ادهم؟؟ ادهم؟؟ انت موجود !!

-شاهي بصوت منخفض : الظاهر ان هو لسه تحت ، كويس أوي .. كده أقدر أعمل

اللي أنا عاوزاه في البت دي ومحدث هيعرف ، وريني بقى هتقدري تمنعي المياه

ازاي..... !!!

.....

في غرفة يارا ،،،

كانت يارا تحاول أن تمنع المياه من الاستمرار في التدفق ، خلعت بلوزتها الخارجية ، وحاولت أن تسد بها فتحة البالوعة ..

-يارا: اه يا بنت الـ ، الله يخربيتك اتبهذلت !! كل دي مياه وصابون ، انتي بتعملي ايه بالظبط .. آآآي ... الصابووون دخل في عيني الله يحرقك ، منك الله ، أكيد الهبابة دي فتحت حنفيات الأوض الثانية ، ماهو مش معقول المياه بقت فجأة عاملة زي الشلال وأنا مش عارفة ألحق ايه ولا أحوش ايه ، بت شر صحيح ، لأ كده مش هينفع دي ممكن تسبب الحنفيات اللي في الأوض الثانية بالساعات وولا على بالها ، أنا مش هفضل كده كتير لازم أتصرف ، لازم اللي في البيت ده يعرفوا اللي بيحصل وإلا أنا هفضل محبوسة ومحدث هيدري عني !!!

.....

الحلقة التاسعة والثلاثون :

في غرفة يارا ،،،

كانت يارا تحاول منع المياه من الاستمرار في التدفق ، بينما أغلقت شاهي عليها باب الحمام وباب الغرفة حتى لا يسمعها أحد ...

-شاهي: ايوه ، وأنا قولتلك لأ مش هديك المفتاح ..

-جاسر: شaaaaااهي !!!

-شاهي : أنا ...أنا أصلا رميت المفتاح

-جاسر: بقى كده ، طيب

قام جاسر بمحاولة كسر الباب مما جعل من في الفيلا يأتي على أثر صوت الارتطام القوي و...

-فريدة : في ايه اللي بيحصل هنا

-ناهد: جاسر ، في ايه اللي بيحصل عندك؟؟؟

-يارا من الداخل: افتحوا الباب ده بقى ، حراااام عليكو أنا تعبت

-أدهم بقلق: ده صوت يارا !! ايه اللي بيحصل بالظبط؟؟؟؟

-جاسر: أنا بحاول أكسر الباب

-فريدة : لبييه؟؟ تكسره ليه

-ادهم مسرعاً: في ايه؟؟ انت بتكسر الباب ليه

-جاسر: شاهي عملت كارثة جوا ، و بحاول ألحق الغلبانة اللي محبوسة في الحمام

-أدهم: عملت ايه؟؟؟؟

-جاسر: مش وقتك ، يالا تكسر باب الأوضة

-فريدة: شاهي ، في ايه؟؟

-شاهي: اaaaا.. اaaaا

قام كلاً من ادهم وجاسر بكسر باب الغرفة ليرى الجميع المنظر من الداخل ، الغرفة
ممتلئة بالمياه والصابون ، كل شيء مبتل تماماً و.....

-فريدة بشهقة: مش ممكن ، بيتي

-ناهد: يا ساتر يا رب

-جاسر: بسرعة ع الحمام

-أدهم: اوك

-يارا من الداخل : افتحوا الباب ، افتحووووه

-جاسر: ابعدى عن الباب يا يارا عشان هكسره

-يارا من الداخل: طيب

-أدهم : بسررررعة يا جاسر

-فريدة: عفشي ، حاجتي اللي جبتها

-شاهي : انا.. أنا ماليش دعوة، ي..يارا هي السبب

-ناهد: لا حول ولا قوة إلا بالله

-فريدة: برضوه الزفت دي ورا كل مصيبة تحصل هنا

قام أدهم وجاسر بمحاولة كسر باب الحمام ، وأمروا يارا بالابتعاد عنه ، فوقفت لداخل
البانيو ، وحينما كسروه تفاجنوا بالمنظر في الداخل ..

طاااااااخ .. طاااااااخ

-أدهم: ابعدى يا يارا

-يارا: انا واقفة بعيد

-جاسر بعد كسر الباب: ايبييه ده

-أدهم: ايه اللي حصل هنا

كانت يارا تقف مبتلة تماماً بفعل المياه والشامبو وترتدي بنظلاً من الجينز وفوقه فقط البادي الأسود الداخلي ذو النصف كم ووجهها يعلوه الغضب ، وما إن وجدت الباب مفتوح حتى قفزت من البانيو بسرعة في محاولة منها للفتك بشاهي ، لكن منعها جاسر من الاقتراب منها، بينما اختبئت شاهي خلف أدهم و...

-يارا: وربنا ما سيباكي ، والله ما هسيبك إلا لما اجيبك من شعرك ، أنا تعملي فيا كده

-شاهي بخوف: يا مالمى ، حشوها عني ، ابعدها عني يا أدهم ، متخليهاش تلمسني

-أدهم: مش هاتيحي جمبك ، ابعدني انتي بس عن وشها السعادي

-جاسر وقد أمسك يارا: اهدي يا يارا

-يارا وهي تحاول الافلات منه : والله ما أنا سيباها

-جاسر: خلاص يا يارا

-شاهي: امسكها كويس يا جاسر ، اوعى تفلت منك المتوحشة بتاعة البلايع دي

-يارا: أنا متوحشة وبتاعة بلايع كمان ، والله ما سيباكي ، اوعى كده وسع

-جاسر: بسسسسس

-فريدة: انتي السبب ، بوظتيلي بيتي

-يارا: لأ مش أنا ، بنت اختك هي اللي عملت كده ، وبدل ما تشكرني اني بساعدها

تحبسني

-ناهد: شاهي عملتي كده ليه

-أدهم: اهدي بس ، ومتعيطيش

-يارا: ايوه ايوه ، خشي علينا بدور أمينة رزق

-شاهي: اهيه .. اهيه ، أنا مش قادرة ، نفسيتي تعبت منها

-ناهد من الخارج : خرج يارا من هنا يا جاسر دلوقتي

-يارا: لأ مش همشي إلا لما أخذ حقي بايدي

-جاسر: تعالي معايا يا يارا

-يارا: لأ

اضطر جاسر لرفع يارا قليلاً عن الأرض ليتمكن من اخراجها وابعادها عن الغرفة وشاهي ، ولكنها كانت تقاوم بكل شدة وتصرخ وارتطمت بطرف الباب فجرح كتفها، كان أدهم يشعر بالضيق لأن جاسر ممسكاً بيارا وكأنه يحتويها مما دفع أدهم للنهوض و مساعدته ..

-يارا وهي تركل وترفس : لأ مش طالعة من هنا ، مش هسيبها إلا لما أعرفها غلطها

-جاسر وهو يحكم قبضته عليها : شششش ، اهدي بس ..

-ادهم في نفسه : ده انت ماصدقت بقي ، هاتك يا حضن وتفيعص وأل ايه بتحوشها عن اختك .. انا مش هفضل اتفرج كده كتير

-ادهم: يالا يا يارا

أمسك أدهم يارا من قدمها ليمنعها من الركول في الهواء ، وخرج بها هو وجاسر من الغرفة

-يارا: سيبوني انتو الاتنين

-أدهم: لأ

-جاسر: بس اهدي

-ادهم: هاتها بسرعة ع اوضتي

-جاسر : طيب

نزل عمر من السطح بعد أن ظل جالساً به لمدة ليستفسر عما حدث و...

-عمر من بعيد : في ايه اللي بيحصل هنا ؟؟؟ الله يارا !!! ماسكينك كده ليه ؟؟؟

استنووووني

.....

في غرفة ادهم ،،،،،

-يارا :انتو فكركم لما تبعدونني عنها أنا مش هوصلها ، وربنا ما هيحصل

-عمر: ايه اللي حصل

-ادهم: اسكت دلوقتي

-جاسر: اهدي بس يا يارا ، شوفلنا فوطة عندك يا أدهم ليارا

-أدهم: فوطة ؟؟؟

-جاسر: ايوه

-أدهم لعمر: خش يا فرقع لوز هات واحدة من الحمام

-عمر: طيب

-يارا بعصبية : أنا مش عاوزة فوط ولا غيره ، أنا عاوزة أعرفها غلطها

-جاسر: طب اهدي بس

-عمر: اتفضلي الفوطة

-يارا: للألألأ

-جاسر: هاتها يا عمر

-عمر: خد

قام جاسر بالاقتراب من يارا ومد يده بالمنشفة إليها و...

-جاسر بصوت هاديء: ممكن بس اخدي الفوطة الأول تنشفي نفسك وبعدين نتكلم

-يارا: قولتلك مش عاوزة حاجة

-جاسر: معلش عشان خاطري أنا .. خديها الأول

-يارا: يوووه

-أدهم بانفعال : ماتخدي أم الفوطة وخلصينا

-جاسر: بالراحة يا أدهم مش كده

-أدهم: في ايه يا عم انت التاني ???

-جاسر : هو ايه ده اللي في ايه ?? ما تتكلم كويس يا أدهم

-عمر بخضة من خلف يارا : يارا !! ايه ده ??

-يارا وهي تلتفت لعمر : ايه ???

-عمر وهو يشير بيده لكتف يارا: بصي !

نظرت يارا إلى كتفها فوجدت أنها جرحت وتنزف دماً من منطقة الترقوة ، لم تتحمل
يارا منظر الجرح المفتوح فسقطت مغشية عليها على عمر الذي أمسك بها واحتضنها

و...

-عمر بصريخ: يار!!!!!!!!!!!!!!!!!!!!!!!!!!!!!!!!!!!!!

.....

الحلقة الأربعون :

في فيلا رأفت الصياد

في غرفة ادهم ،،،

فقدت يارا و عيها نتيج الجرح الذي تعرضت له حينما كُسر باب غرفتها و...

-عمر بصريخ: انتو السبب في أي حاجة تحصلها

-جاسر: يارا ، مالها؟؟؟

-أدهم: ايه اللي حصل ، ماهي كانت كويسة

-عمر: بتنزف أهي من كتفها ، اتعميتوا ومش شايفين؟؟؟

-أدهم: وله اتكلم عدل

-جاسر: خلاص يا أدهم ، خلينا بس الأول نطمن عليها

-عمر: محدش فيكو يقرب منها ، كفاية اللي انتو عملتوه لحد كده

-جاسر: نطمن بس عليها يا عمر وبعد كده مش هنيجي جنبها

-عمر بضيق: لأ

-أدهم بنرفرة : حاسب يا زفت ، مش فاضيين لثقالتك

ثم قام أدهم بدفع عمر بعيداً عن يارا مما جعل عمر يغتاظ مما فعله ادهم به فهجم على أخيه ، فاضطر أدهم ان يمسك به ويسقطه على الأرض و...

-عمر وهو يهجم على أدهم : مش هتبعني عنها

-أدهم: انت اتهبلت ياله ولا نسيت نفسك

-جاسر: بسسس .. بطلوا انتو الاتنين

تدخل جاسر بين ادهم وعمر ليمنعهم من الاشتباك معاً و...

-جاسر: لو عاوزين تتخانقوا خلوها بعد ما نضمن ع يارا الأول ، ماشي؟؟

-أدهم: طيب

-عمر: اوك

كشف جاسر على الجرح الخاص بيارا ووجده بالفعل جرح غائر تسبب في احداث نزيف لها ، لذا اقترح أن يأخذوها إلى المشفى لمعالجته والاطمننان أكثر بأنه لا توجد أي مضاعفات و...

-جاسر: شكله مايطمنش ، احسن حاجة نوديتها المستشفى وهما يطمنوننا أكثر

-ادهم: انا رأيي كده برضوه

-عمر: بس هناخدھا بالشكل ده

-جاسر: اكيد لأ ، أنا هخلي أمي تظبطها قبل ما نروح

-عمر: ماشي

وبالفعل طلب جاسر من والدته أن تساعد صباح في تبديل ملابس يارا بسرعة، ثم توجه ادهم للأسفل ليحضر سيارته ويضعها أمام بوابة الفيلا ، بينما حمل جاسر يارا ووضعها بالمقعد الخلفي وانطلقوا نحو المشفى و...

-ناهد: استنى يا جاسر أنا جايي معاك

-جاسر: خليكي يا ماما ، احنا بس هنظمن عليها وهنرجع تاني

-ناهد: لأ مايصحش

-جاسر : بس .. آآآ.. آآآ

-ناهد: تقصد فريدة ممكن تعترض؟

-جاسر: اها ..

-ناهد: شاهي اعدة معاها الوقتي ، واعتقد مش هتفرق معاها ان كنت هروح ولا لأ

-جاسر: طيب ، أنا بس مش عاوز مشاكل معاها

-ناهد: ان شاء الله مايبقاش في مشاكل ، يالا بس أوام ، لأحسن البنيت نزلت كتير

-جاسر: اوك

-عمر: بالراحة عليها وانت شايلها

-جاسر: ماتخفش

-ناهد: اظمن يا عمر

-عمر: طيب

.....

في المستشفى ،،،

تم ادخال يارا المستشفى ووضعها في غرفة خاصة ، ثم تم عمل اللازم معها و..

-الطبيب: اطمنوا يا جماعة مافيش حاجة خطيرة

-ناهد: يعني البنت كويسة يا دكتور

-الطبيب: ايوه ، وفاقت الحمدلله

-جاسر: الحمدلله

-أدهم: عظيم

-عمر: الحمدلله يا رب ، طيب تقدر تروح معانا

-الطبيب: ان شاء الله ، ع آخر النهار ، المهم عاوزين حد ينزل يدفع الحساب تحت في الحسابات

-عمر: بأمر الله

-ادهم: تمام انا نازل أحاسب تحت ، جاسر تعالى معايا

-جاسر: اوك

-ناهد: وأنا هدخل أطمن عليها

-عمر: وأنا كمان

.....

نزل أدهم مع جاسر لدفع حساب المشفى ولكن نسي كلاهما أن يأخذ معه أموال كافية و..

-أدهم: ايه ده ، ده أنا نسيت محفظتي

-جاسر: وأنا كمان ، اتلبخت في يارا ونسيت أخذ معايا فلوس

-أدهم: طب والعمل ايه الوقتي

-جاسر : أنا هاروح بسرعة الفيلا أجيب فلوس

-أدهم: لأ استنى ، أنا هكلم خالد يجيب الفلوس ويجي ، الشركة أصلاً قريبة من هنا

وبالفعل طلب ادهم خالد ليخبره بما حدث ويطلب منه أن يأتي ليدفع حساب المشفى

و...

-خالد هاتفياً بعصبية: ازاي ده حصل وامتى ؟؟؟؟

-أدهم: بعدين هبقى أقولك ، المهم علوزينك تيجي تحاسب المستشفى الوقتي

-خالد: مسافة السكة وهاكون عندكم

وصل خالد إلى المستشفى ودفع الحساب الخاص بيارا ، ثم عاتب أخيه وجاسر على ما حدث و..

-خالد: يعني الغلبانة اتمرمت ع اديكو بما فيه الكفاية

-جاسر: أنا ماليش دعوة يا خالد ، أنا يدوب لحقتها

-أدهم: والله أنا مكونتش أعرف حاجة ، احنا فجأة سمعنا صوت الخبط والزرع فشوفنا في ايه

-خالد: يعني البت مجنونة ، عملت ده من نفسها

-جاسر وهو ينظر لأدهم: اكيد لأ طبعاً ، وانا شاكك لأ شبه متأكد ان الموضوع مش هيخرج عن اثنين

-أدهم: بتبصلي ليه ؟؟ وأنا مالي

-خالد: حسابنا في البيت ، أنا نازل وراجلكم تاني

-أدهم: طيب

-جاسر: طب يالا بينا احنا نطلع نظمن عليها

-أدهم بضيق: ماشي يا عم المنقذ

.....

في غرفة يارا بالمشفى ،،،

-ناهد: حمدلله ع السلامة يا بنتي

-يارا متألّمة : شكراً

-عمر: سلامتك يا يارا ، والله اتخضيت عليكي

-يارا: محدش سايبني في حالي يا عمر ، اديك شايف اللي بيحصلي

-ناهد: أنا بس عاوزة أعرف ايه اللي حصل

-يارا: أعتقد ان حضرتك عارفة ايه اللي حصل

-ناهد: لأ يا بنتي أنا عاوزة أسمع منك انتي ايه اللي حصل ، وصدقيني أنا هقف معاكي

وآآ

-يارا: أيوه أيوه هتقفي معايا ولا مع بنتك؟؟

-ناهد: بنتي؟؟

-يارا: أيوه هي السبب

-ناهد: ايبيه؟؟؟

في نفس الوقت تقريباً وصل أدهم وجاسر إلى غرفة يارا واستمعوا إلى ما تقوله يارا ،
كان أدهم على وشك الدخول للغرفة ولكن جاسر منعه وطلب منه ألا يدخل حتى يعرفا
الحقيقة من يارا ..

-جاسر: استنى يا أدهم ماتدخلش

-ادهم: ليه؟؟

-جاسر: خلينا نسمع يارا هتقول ايه الأول وبعدين ندخل

-ادهم: يووووه

-جاسر: اسمع بس مني ، هي مش هترضى تحكي حاجة واحنا موجودين ، ع الأقل هي الوقتي متعرفش اننا واقفين بره الأوضة ، فهتحي كل حاجة وهي مطمئة ، وده اللي يهمننا

-أدهم: ماشي

.....

-يارا من داخل الغرفة: بنتك شاهي هي السبب

-ناهد: ازاي؟؟

-يارا: يعني هتصدقيني لما احكي؟؟؟

-ناهد: ايوه يا بنتي

-يارا: هه

-ناهد: صدقيني أنا هصدقك في اللي تقوليه بس احكي

-يارا: بنتك شاهي دخلت الحمام تستحمي وفجأة سمعت صوتها من جوا، روت عشان أاعدها لاقيت المياه بتطفح من البلاعة ، فحاولت أوقف المياه دي

-عمر: المياه طفحت عندك؟؟؟؟

-يارا: اها ، وأنا حببت أمنع ان المياه دي تفضل تطلع عندي في الأوضة، تقوم شاهي مايخلصهاش ده ، وتروح قافلة عليا الباب وأنا جوا الحمام وتفتح عليا المياه من كل حة عشان تطفح ، والمصيبة حاطة فيها شامبو يا شاور وانا عيني ولعت من كتر الصابون ، وقعدت احاول أمنع المياه وأسد البلاعات مش نافع ، وفي الآخر اطلع أنا اللي غلطانة

-ناهد بضيق: بقي شاهي تعمل كده

-عمر بتردد : أنا.. أنا

-يارا: بصي انتي حرة تصدقيني أو لا ، بس بنتك هي السبب في ده

-عمر: يارا أنا أسف

-يارا: متأسفش يا عمر انت مش السبب

-عمر: لأ انا عملت حاجة من غير ما أقصد

-يارا: حاجة ايه ???

-عمر: أنا السبب في السدد ده

-يارا: ازاي ???

-عمر: اصل كنت عاوز أعلم ع ادهم و جت فيكي انتي ، سامحيني أنا مقصدش والله يا

يارا ، لو كنت أعرف انها هتيجي فيكي مكونتش عملت كده من الأول

-يارا: مممم..

-عمر: او عي تزعلي مني يا يارا ، أنا أسف والله ، ده زعلك عالي عندي

-يارا: اوك

-عمر: يعني مش زعلانة مني ???

-ناهد: أنا مش عارفة أقولك ايه ؟

-يارا: مش محتاجة تقولي حاجة ، أنا بلغتك باللي حصل وزي ما قولتك في البداية ،

حضرتك حرة تصدقيني أو لا

-ناهد: لأ أنا مصدقاي ، شاهي بنتي وأنا عارفها

.....

في خارج الغرفة ،،،

-أدهم: سمعت ، اختك السبب

-جاسر: مش لواحدها ، اخوك بدون مايقصد كان السبب

-ادهم: ده أنا بس أطوله وهقطم زومارة رقبتة

-جاسر: ده مش هيحل حاجة ، احنا عاوزين نعوض يارا عن اللي حصلها

-ادهم: ازاي

وفجأة رأوا خالد وهو قادم من بعيد ويحمل بوكيه ورد في يده و...

-جاسر وهو يشير إلى خالد : الله مش ده خالد ؟

-أدهم: اه هو ، ده ..ده ماسك ورد في ايده ؟؟؟ ده ماعمروش عمل كده

-خالد : يارا صاحية

-أدهم: أه

-خالد: ماشي ، أنا داخلها

-ادهم: انت جايب الورد ده ليه ؟؟؟؟

-خالد: أكيد مش ليك طبعاً ، ده ليارا

-جاسر: طب يالا ندخلها

طرق خالد باب الغرفة ثم دلف إلى الداخل ولحق به أدهم وجاسر و...

-خالد: حمدلله ع سلامتكم يا يارا ، اتفضلي الورد

-يارا: شكراً

-جاسر: ألف سلامة عليك

-ادهم: ازيك الوقتي ؟

-يارا بضيق: زي الزفت طبعاااa

-خالد: معلى يا يارا آآ...

-يارا مقاطعة: كل شوية تقولولي معلى ، كل واحد فيكو علم عليا وبهدلني على أد ما ربنا قدره ، وفي الآخر يتقالي معلى ، وأنا عمالة استحمل واسكت وأثول بكرة ربنا يهدي ، بكرة يعاملوني كويس ، لكن مافيش فائدة ، من يوم ما جيت البيت ده وأنا كل يوم بتتقل قيمتي عن الأول كأني واحدة جاية من الشارع ، ده أنا حتى لو كنت جاية من الشارع فعلاً كنت هتعامل أحسن من كده .. أنا نفسي أفهم ليه كلكوا بتعملوا فيا كده ؟؟؟ ايه اللي استفدتوه من ده ؟؟ انا مخدمتش منكم حاجة ؟؟ أنا مطلبتش أجي أعيش معاكو ، أنا كنت أعدة في الغردقة مع جدتي ومتهنية ، بيتهياي لو كانت لسه عايشة وشافت اللي بيحصلي منك مكنتش خلت عمي يوعدها انه يحافظ عليا

-خالد: يارا آآ...

-ادهم: اسمعي يا يارا

-يارا: أنا مش عاوزة أسمع حاجة من حد ، أنا عرفت كل واحد فيكو ع حقيقته مش محتاجة أسمع لحاجة !

-خالد: يارا والله انتي فاهمة غلط

-يارا: فاهمة غلط ازاي ؟؟؟ أما جيت اشتغل في الشركة اتمسح بيا البلاط واتبهذت قدام الكل رغم اني ليا في الشركة زيكم ، ميراث أبويا الله يرحمه ، ومع ذلك سكت ومتكلمتش

-خالد: بس والله أنا مقصدش كده ، أنا كنت عاوز آآ...

-يارا: كنت عاوز تزود البهدلة أكثر ؟؟؟ ده حتى أدهم باشا الصياد مش مخلصه ان بنت عمه بتعامله عادي فمسلط عليها طوب الأرض مرة روز دي ولا راوزا ، ومرة أصحابه في النادي ، وهوبيكمل عليا في البيت

-ادهم: اصحابي ؟؟ تقصدي مين ؟؟

-يارا: وكلكم كوم والست فريدة هانم الرفاعي كوم تاني ، الصراحة مش بتفوت فرصة
إلا لما تسمم بدني بكلامها عن أمي وجدتي وبرضوه بسكت ومبردش عليها بكلام
يضايق

-خالد: يارا...آآآ

-يارا: كتر خيركوا أوي ع اللي عملتوه معايا ، بجد البيت ده مافيهوش إلا عمر وبس ،
بصراحة أنا مستغربة هو ازاي مش طالع زيكم

-عمر: الله يكرم اصلك

-يارا: الوحيد فعلاً اللي كان حنين معايا ، من اوليوم دخلت فيه فيلتكم وهو بيعاملني
ولا كائي أخته

-عمر بفرحة : انتي أكثر من اختي والله

-يارا: بجد أنتو عيلة ربنا يكون في عون اللي عايش معاكو .. ربنا يهون ومع أول
فرصة أنا همشي ، مش هاقعد معاكو

-خالد: ابيبيبيبييه ???

-ادهم: تمشي ؟؟؟؟؟؟؟؟ قصدك ايه ؟؟؟؟؟؟

ثم دلف رأفت إلى غرفة يارا بالمستشفى و...

-رأفت: يارا حبيبتي ، ايه اللي حصلك ???

-يارا: اهلا بعمي الغالي ، أحسن حاجة فيك انك بتحاول تبان انك بتحبني وانت لأ

-رأفت بعدم فهم: ايه الكلام الغريب اللي بتقوليه ده ??

-يارا: انا بقول حقيقة كل واحد في عيلة الصياد ، ليه زعلانين من الحقيقة ، عشانها
بتوجع صح ???

-رأفت: أنا مش فاهم حاجة في ايه ???

-خالد وهو يدفع والده خارج الغرفة : مافيش يا بابا ، يارا بس تعبانة .. تعالى بس أنا هفهمك بره

-رأفت: تفهمني ايه؟؟ أنا عاوز اعرف اللي حصل ليارا

-خالد: تعالى يا بابا

اصطحب خالد والده إلى خارج الغرفة ليتحدثا سوياً ، بينما طلب أدهم من يارا أن ...

-أدهم: يارا من فضلك مافيش داعي تقول الكلام ده لبابا

-يارا: هه

-ناهد: يارا يا بنتي ، انتي عندك حق في اللي قولتيه بس عمك برضوه مايصحش تكلميه كده

-جاسر: خلاص يا جماعة قفلوا ع الموضوع ده دلوقتي ، الكل أعصابه مشدودة ، ويارا محتاجة ترتاح

.....

في خارج الغرفة ،،

-رأفت: مالها يارا؟؟؟ ايه اللي الكلام اللي بتقوله ده؟؟

-خالد: مافيش يا بابا

-رأفت: لأ في ، فاكرنى عيل صغير ومش فاهم حاجة ، ماتنطق تقول في ايه؟؟؟

-خالد: آآآ... آآآ

-رأفت: هتقول في ايه ولا أدخل اسألها بنفسى

-خالد: لأ هاقول

-رأفت: ها؟؟؟

-خالد : أصل يارا كانت زعلانة انها هتسيب العيلة لو انت جوزتها

-رأفت: نعم ???

-خالد: ايوه ، عاوزة تفضل عايشة معانا على طول ، ومفكرة انك لو جوزتها لحد من
بره العيلة يبقى انت كده ارتحت منها

-رأفت: ازاي تفكر كده ??? لأ مش ممكن ، ده أنا بحاول أعوضها عن اللي حصلها في
غيابي

-خالد: ما أنا بفهمها ده

-رأفت: والله لو بايدي كنت خلّيت حد فيكو يتجوزها ، سواء انت ولا أخوك ، بس أنا
عارف ان يارا مش في دماغكو ، ولا انتو في دماغها

-خالد بدّهشة : نعم حد فينا يتجوزها?????

.....

الحلقة الحادية والأربعون:

في المشفى ،،،

خارج غرفة يارا ،،

كانت خالد يحاول أن يجد مبرراً لكلام يارا الجاف مع والده ، فأخبره أنها حزينة لأنها
ستترك الفيلا حينما تتزوج فكان رد رأفت عليه هو..

-رأفت: والله لو بايدي كنت خلّيت حد فيكو يتجوزها ، سواء انت ولا أخوك ، بس أنا
عارف ان يارا مش في دماغكو ، ولا انتو في دماغها

-خالد بدّهشة : نعم حد فينا يتجوزها ???

-رأفت: طبعاً!!! ، هو أنا هستخسر بنت أخويا في واحد من ولادي ، بس أنا عارفكوا ،
مش البنت اللي تجذبكوا ليها

-خالد: هه

-رأفت: ربنا يصلح حالها وحالكوا ، وهنعمل ايه بس ، دي سنة الحياة ، لكن ان شاء
الله اللي هيتجوزها لازم أكون واثق فيه مليون % انه هيحافظ عليها ، وطبعاً هتكون
دي مهمتك يا خالد انك تسأل عنه وتجيبنا أراه ، واخوك ادهم برضوه اهو لو كان
عضو في النادي بتاعنا يبقى يسألنا عليه ويعرفلنا علاقته مع الناس ايه

-خالد: كمان

-رأفت: طبعاً!!! ، ما انتو هتبقوا زي اخواتها وتقفوا معاها

-خالد: هه.. ربنا يسهل

-رأفت في نفسه : يا رب حد فيكو يتحرر والكلام ده يآثر فيكو ، لكن أعمل ايه شايف
واحد عامل زي الجبل مافيش بنت بتأثر فيه ، والتاني عاملي فيها كازانوفا وكل البنات
بتجري عليه ... ده أنا لو مكان يارا مابصش لخلقتكم ، بس انا مستخسرها تروح
للغريب وأنا عندي شحوطة زيكم كده !!!!

.....

في داخل الغرفة ،،،،

-جاسر: الدكتور قال انك تقدرني تخرجي

-يارا: الحمدلله، أنا أصلاً مش بحب أعدة المستشفيات

-عمر: ولا أنا

-ناهد: طيب لو كده ، نمشي كلنا الوقتي

-رأفت وقد دلف للغرفة : أنا عاوزك يا يارا يا بنتي تظمني ، وطول ما أنا عايش ماتشليش هم أي حاجة ، انتي في عينيا وعينين اخواتك خالد وأدهم وعمر

-أدهم باستغراب : اخواتها ???

-عمر: نعم ، أخوها ???

-جاسر بابتسامة : اكيبيد طبعاً يا عمي ، هي هتلاقي اخوات زيهم فين ???

-أدهم: نقطنا بسكاتك دلوقتي يا جاسر

-جاسر بخبت: ماشي يا أخويا

-عمر في نفسه: أل أخوها أل .. ده أنا لو اطول ابقى جوزها هبقى ايبيبيبيه سلطان زماني ، يا سلاااااام

-رأفت: دول هما يا بنتي اللي هيقفوا معاكي يوم ما نفرح بيكي ونجوزك لحد يستاهلك ، اخواتك دول هيساعدوكي ومش هيسبوكي لوحدك إلا لما نسلّمك لعريس الهنا وساعتها هخليكي تسيبي الفيلا وأنا مطمئن

-يارا: ان شاء الله ، ده يوم المنى لما أنا اسيب الفيلا وأنجو ببديني

-أدهم: اسلمها لعريستها ???

-عمر: ده أنا ايدي تتقطع قبل ما أعلم كده ، أل عريستها أل !!

-رأفت: يالا يا يارا يا حبيبتي عشان تركبي معايا العربية

-يارا: ماشي يا عمي

-جاسر: واحنا هنركب مع أخواتك

-أدهم: استغفر الله العظيم يا رب ، جاسر !

-جاسر: نعم ؟

-أدهم: خف عشان تعوووم ، ماشي ???

ركبت يارا مع عمها في سيارته ومعهم عمر ، بينما ركب جاسر ووالدته ناهد مع ادهم في سيارته ، ثم لحق بهم خالد في سيارته ، وتوجه الجميع عائدين إلى الفيلا

.....

في فيلا رأفت الصياد ،،،،

كانت غرفة يارا تحت الاصلاح كما يُقال ، وكانت شاهي غاضبة لأن المياة أفسدت ملابسها الغالية التي كانت موضوعة في الحقيبة الموضوعة على الأرض و..

-شاهي: اوووف ، هدومي باظت يا أنطي بسبب اللي حصل

-فريدة: ولا يهملك يا شوشو ، هاجيبلك غيرها يا حبيبتي ، أنا اللي حارق دمي ان عفشى اتبهدل ، والسجاد باظ

-شاهي: والله يا أنطي فيروو أنا مكونتش اقصد اني أبوظ الدنيا ، انا كنت عاوزة أربي الزفتة دي

-فريدة: أنا عارفة يا حبيبتي ، هي آوس البلاوي في كل حاجة تحصل

.....

في سيارة خالد ،،،،

كان خالد يفكر فيما قاله والده و...

-خالد: تتجوز حد من برا العيلة ، طبعا مش هيحصل !! أنا لازم أخلي يارا تشوفني فتى احلامها ، لازم تحبني أنا زي ما أنا بحبها .. يارا مش هتكون لحد تاني إلا أنا !!!

.....

في سيارة ادهم ،،،،

كان ادهم وجاسر يفكران فيما قاله رأفت عن نيته لتزويج يارا من شخص ما يثق فيه و...

وبالفعل سعد الجميع إلى غرفهم ، وحل المساء وكانت الأجواء في الفيلا هادئة ، طرق عمر باب غرفته ليطلب من يارا أن تنزل وتجلس مع الجميع في غرفة المعيشة ولكنها رفضت و..

-عمر: ماتيجي يا يارا تقدي معانا تحت

-يارا: لا ، أنا مبسوطة كده

-عمر: يا بنتي كلهم اعدين تحت بيتفرجوا ع فيلم يا بيلعبوا

-يارا: ماليش مزاج والله

-عمر: طب ايه رأيك نلعب دور بلاي ستيشن

-يارا: بس انت مش شايف كتفي عامل ازاي؟؟

-عمر: مممم.. طيب هنلعب سباق ماشي؟؟ أمانة عليكي يا شيخة ماترفضي

-يارا: اوك عشان خاطرك بس

-عمر: ربنا يجبر بخاطرك زي ما بتجبري دايمًا بخاطري

.....

في غرفة المعيشة ،،،،

-شاهي: الفيلم تحفة يا أدهم

-أدهم: هه

-شاهي: ايه يا ادهم سرحان في ايه؟؟؟

-أدهم: مافيش ، اومال فين فرقع لوز؟؟

-شاهي: معرفش ، يمكن بيحب حاجة من تحت

-أدهم: اها

-ناهد: والله يا فريدة دي طيبة ، وفي حالها ، انتي بس ادي نفسك فرصة تتعرفي عليها
وآآ...

-فريدة مقاطعة : لأ مش عاوزة

-جاسر: انا هاروح أناديها يا عمي

-رأفت: ربنا يكرمك يا جاسر يا بني ، ويرزقك ببنت الحلال اللي زيك

-جاسر بفرحة : ربنا يخليك يا رب

وما إن خرج جاسر من الغرفة ، حتى نهض أدهم من مكانه و...

-شاهي: انت رايح فين يا أدهم ؟؟

-أدهم: هاطلع التويلت وجاي

-شاهي: أوك

.....

في غرفة عمر ،،،،

وجد جاسر يارا تجلس بصحبة عمر يلعبان سويا بالبلاي ستيشن و...

-عمر: وبتقوليلي ايدك تعبانة ومش قادرة ، ده انتي كسحتيني

-يارا: عارف لما يكون في الفورما آآآ...

-جاسر مقاطعاً: مساء الخير

-يارا: مساء النور

-جاسر: بقولك ، عمك رأفت عاوزك تنزلي تقعدني معانا تحت

-يارا: لأ أنا مش عاوزة

-جاسر: ليه بس

-عمر: يا جاسر احنا مبسوطين هنا ، بنلعب ومروقين ع نفسنا مش ناقصة البونية
تسمع كلمة بايخة من حد

-جاسر: أها

-يارا: معلىش اعتذرله بالنيابة عني

-عمر: يالا يا يارا ، أنا هلعب الدور ده بجون سينا

-يارا: لأ ده بتاعي

-جاسر مستفهماً: انتو بتلعبوا ايه؟؟

-عمر: مصارعة حرة

-جاسر: ممم.. طب كويس ، ومين الكسبان؟؟

-عمر: طبعااااا يارا ، هي دي محتاجة سؤال

-جاسر: لا والله ، أد كده انتي ممتازة في اللعب؟؟

-عمر: يا عم دي محترفة

-يارا: لا والله ، ده أنا لسه بقول يا هادي

-جاسر: طب ينفع أجرب حظي معاكي

-يارا: أها ، والله شوف عمر لو موافق اوك

-عمر: تعالى مكاني وجرب حظك

-جاسر: اها ، ربنا كريم

-عمر: انا هاقفل الباب عشان الدوشة ، مش ناقصين حد يتكلم

-يارا: اوك

-أدهم: هو في أكثر من كده ???

ثم فتح أدهم باب الغرفة بقوة ليصطدم الجميع برؤيته و...

-جاسر: في ايه يا أدهم ???

-يارا: خير

-عمر: نعم يا أدهم ?? انت عاوز حاجة

-أدهم باحراج : احم.. آآآ.. أنا .. أنا كنت جاي .. آآآ... اشوف انت بتزنوها ..قصدي
آآآ.. انتو ماجتوش تحت ليه

-جاسر: بلعب مع يارا ، مش فاضي

-عمر: وأنا مستني دوري بعده

-يارا: في حاجة تانية

-أدهم: هو انتو بتلعبوا ايه ?? طب ما تاخدوا البلاي ستيشن بتاعي ?? ده حتى أحدث
من ده

-يارا: ده كويس وشغال

-أدهم: لأ استنوا أنا هاجيب بتاعي ونلعب كلنا سوا

-عمر: لأ أحنأ كده كويسين

-أدهم: أسكت ياله .. أنا هاجيبه وجاي

-عمر: دايمًا حاشر نفسه معانا

-جاسر: خلاص سيبوه ياخذ فرصته

-عمر: طيب

-يارا بضيق: اووف، ماشي مع اني مش حباة يلعب معانا
-جاسر بتحدي : خلينا نعلمه اللعب اللي على أصوله ماشي ازاي
-عمر: اشطاًاً

.....

في غرفة المعيشة ،،،

-خالد في نفسه: هو الكل بيطلع فوق ومش بينزل ليه؟؟ أكيد في حاجة فوق بتحصل ،
أنا لازم اطلع أشوف في ايه

-رأفت: رايح فين يا خالد؟؟

-خالد: هشوف حاجة في الأوضة عندي ونازل تاني

-رأفت بخبث: طيب .. متأخرش

-خالد : اوك

.....

-شاهي: هو ادهم بيعمل ايه كل ده تحت؟؟ بيخترع الذرة؟؟؟

-ناهد: ماتزهقيش ادهم يا شاهي

-شاهي: أز هقه ايه بس يا مامي ، هو أنا بلحق أقعد معاه

-ناهد: سيبيه ع راحتته ، وهو هيجيلك ..

-شاهي: انا لو سبتته ع راحتته يبقى مش هيجي خالص !!

.....

في غرفة عمر ،،،

أحضر أدهم جهاز البلاي ستيشن الخاص به وأوصله بالتلفاز وبدأ يطالب بدوره في اللعب و..

-أدهم: دوري أنا مع يارا

-يارا: لأ

-أدهم : ليه بس ، ده انا حتى صاحب الجهاز

-عمر: عاوز تاخده براحتك ، بس احنا ماشيين بنظام الفرق

-ادهم: طب دوري هيجي امتي؟؟

-يارا: لما جاسر يخلص الأول

-ادهم: يا مهون ، وطبعاً جاسر مش محتاج وصاية

-جاسر بغمزة : طبعاااااا .. دي لعبتي

-أدهم: الظاهر ان اللعب معاك مش هيكون بالساهل

-جاسر: طبعاااااا .. انا خصم مش سهل يا ادهم يا صياد !!

-أدهم: العبرة بالخواتيم !

ثم طرق خالد باب غرفة عمر و....

-خالد: مساء الخير

-ادهم: اهلا ، انت كمان شرفت

-جاسر: تعالى يا خالد

-خالد: انتو بتعملوا ايه؟؟

-عمر: بنلعب مع يارا

-جاسر: تعالى جرب حظك .. ده المنافسة شرسة ع الآخر

-ادهم: انت هتقولي !!

-خالد: وماله ، أهو أخذ فرصتي برضوه.. وأنا واثق اني هاكسب في الآخر
!!!!

.....

الحلقة الثانية والأربعون :

في فيلا رأفت الصياد ،،،

في صباح اليوم التالي ،

استيقظ الجميع مبكراً وتجمعوا لتناول الإفطار سوياً في حديقة الفيلا ثم ..

-صباح: الفطار جاز يا بهوات

-رأفت: يالا يا جماعة ، عاوزين ناطر كلنا سوا

-خالد: حاضر يا بابا ، أنا أصلاً واخذ اجازة من الشغل النهاردة

-فريدة: خير ما عملت ، خرينا نركز في حفلة عيد الميلاد

-ناهد: والله يا جماعة تعبتوا نفسكم

-فريدة وهي تربت على كتف شاهي : ماتقوليش كده ، دي شوشو أكثر من بنتي

-شاهي: ثانكس يا أنطي

-رأفت: او مال فين عمر ويارا ???

-صباح: أنا بلغتهم ينزلوا للفطار وهما جايين

-رأفت: تمام ، وأدهم وجاسر ???

-صباح: بلغتهم برضوه وهما كانوا جايبين مع شاهي هانم

-فريدة: طب يالا هاتي الشاي يا صباح بسرعة ، ومتسيش تأكدي ع الفندق بيعت طقم
الـ servants

-صباح: حاضر يا هانم

.....

في غرفة عمر ،،،

كانت يارا تحاول أن تتجنب النزول والافطار مع العائلة ، وعمر يقنعها بالعكس و...

-عمر: يالا يا يارا عشان تظري معانا

-يارا: والله الواحد مش عاوز يفطر تحت ، لأحسن يسمع كلمة كده ولا كده تسد نفسه

-عمر: معلش ، وبعدين لو ده حصل فانا موجود عشان أفتح نفسك

-يارا: تسلملي يا عمر

.....

في حديقة الفيلا ،،،

اجتمع الجميع حول مائدة الافطار و...

-جاسر: بصراحة الجو جميل النهاردة

-رأفت: اه أوي

-فريدة: ده من حظ شوشو عشان عيد ميلادها

-شاهي: مامي أنا محتاجة فلوس عشان أشتري dress جديد بدل اللي نت الخ...

احم.. بدل اللي باظ من المياه

-ناهد: ربنا يسهل

-أدهم: عندك أخوكي روجي معاه

-شاهي: أنا بثق في ذوقك انت يا أدهوم

-جاسر: أيوه ، ده حتى انتو الاتنين لايقين ع بعض ، ولا رأيك ايه يا يارا ؟

-يارا: فعلا .. فولة واتقسمت نصين

-شاهي: ياي .. بلدي في اسلوبك

-يارا: طب ركزي في الأكل اللي قدامك أحسن ، وخدي بالك لأحسن كرشك طلعله كرش

، أنا مش عارفة هتلبسي الفستان ازاي

-شاهي بضيق: ايه اللي بتقوليه ده ؟؟؟ كرش ايه اللي طلعي

-يارا: بصي في المراية وانتي تعرفي

-شاهي: انطي .. شايفة !!!

-فريدة: ماتتكلميش معاها يا شوشو ، دي مش من مستواكي

-يارا: اللهم طولك يا روح

-جاسر: كلام الطبقيه ونظام الاقطاعيين ده انتهى من زمان يا طنط فريدة

-فريدة: ولو !! برضوه ولاد الأصول هيفضلوا ولاد أصول !!!

-شاهي: بيبس .. وكل واحد عارف نفسه ، مين ابن باشا ، ومين ابن خدامين

-يارا: انا بقول نسكت أحسن بدل ما أرد وتزعلي مني

-فريدة ليارا: وانتي يا بتاعة انتي !!

-عمر: اسمها يارا يا ماما ، مش بتاعة

-خالد: صح .. اسمها يارا يا ماما

-فريدة : مش فارقة ، المهم يا تلبسي حاجة تليق بينا يا متحضريش الحفلة ، أنا بقولك أهوو من الأول !!!

-يارا: اطمني يا خالتي ، أنا مش ناوية احضر أصلاً ..

-فريدة بفرحة: يكون أحسن برضوه

-شاهي: ياريت

-خالد: مش هتحضري ???

-جاسر: ايه ده ، انتي مش ناوية تنورينا في الحفلة ???

-أدهم: نعم ؟؟

-رأفت باستغراب : ليه ??? مش هتحضري ليه يا بنتي ؟؟

-يارا: أصل .. آآآ... يعني تعبانة وكده

-جاسر: معلىش في السؤال يا يارا ، ايه علاقة التعب بانك متحضريش الحفلة ???

-يارا: عادي

-رأفت: لالالا .. يعني نبقي عاملين حفلة في البيت وانتي متحضريهاش

-فريدة: سيبها يا رأفت ، هي كده كويسة ، واحنا هنبقى مبسوطين ، مش هنعس بالفرق

-ناهد: فريدة ماينفesch الكلام ده

-فريدة: الله ! مش بدل ما تعمل حاجة زي عوايدها وتفضحنا بيها قصاد الناس

-شاهي: أيوه صح يا أنطي ، دي بتاعة مشاكل وفضايح ومش بيهما حد !!

-يارا وقد نهضت: الحمدلله أنا شبعت .. عن اذنكو

-رأفت: يعني كان لازم الكلمتين دول يا فريدة ???

-فريدة: يووووه ، هو أنا قولتلها ماتكلش !!

-يارا: أنا أقل حاجة بتبسطني ع فكرة

-عمر: طب ايه رأيك نطلع نتفرج ع فيلم كوميدي

-يارا: مش مشكلة

-عمر: لالا لالا .. تعالي بس أنا علوز اشوف الضحكة منورة ع وشك

.....

-رأفت: مش لازم كل شوية تسمي بدن البت بكلمتين من بتوعك

-فريدة: ماهي لازم تعرف ان الحفلة دي كلاس ، مش حاجة نظام الأفراح البيينة اللي تعرفها

-خالد في نفسه: يارا مش هتحضر ، ده ايه البواخة دي ، ده أنا كنت عامل حسابي أي هفضل معاها طول الحفلة ، لازم أقنعها انها تحضر !!

-رأفت: هي يعني كانت عايشة في الشارع؟؟ دي كانت عايشة في الغردقة يعني مكان سياحي وكويس

-فريدة: برضوه هتفضل بيينة

-خالد بضيق : انا قايم

-جاسر: خدني معاك يا خالد

-فريدة: الله مش هتفطروا؟؟؟؟

-جاسر وهو ينظر لشاهي : لأ ، أنا أصلي خايف ع كرشي ليبقلل ويضرب زي ناس

-شاهي: تقصد ايه؟؟؟

-جاسر: انتي مش حاسة بالانتفاخ اللي طالعك؟؟

-شاهي بخضة: فين ؟؟؟ فييين ؟؟؟

-جاسر: اهوو ، انتي مش شايفاه ولا ايه ؟؟ حتى اسألني أدهم

-شاهي: في حاجة فيا يا أدهم ؟؟

-أدهم: أها ..

-شاهي: ايه ؟؟ ايه ؟؟؟؟

-أدهم: أنا قايم أنا كمان

-شاهي: استنتي بس ، أنا عاوزة أعرف شكلي وحش ولا لأ

-أدهم في نفسه: يعني ايه مش هتتضرر ؟؟ طب ليه يعني ؟؟؟ ايه السبب اللي يخليها متتضررش معنا ؟؟؟؟؟ لازم أعرف السبب ايه !!!

-شاهي: يا أدهم رد عليا ، أنا بكلمك ؟؟

-أدهم: معلش يا شاهي ، سييني شوية وهاجيتك

-شاهي: طيب أنا هجهز نفسي عشان ننزل سوا

-أدهم: ربنا يسهل

.....

في غرفة المعيشة ،،،

كان عمر ويارا يشاهدان فيلماً كوميدياً حينما انضم إليهم جاسر و خالد ، ولحقت بهم شاهي لتعكر صفو الأجواء و...

-جاسر: بتتفرجوا ع ايه ؟؟

-عمر: ع فيلم

-جاسر: ما أنا عارف انه فيلم ، بس اسمه ايه ؟؟؟

ثم دلفت صباح إلى غرفة المعيشة لتبلغ يارا بأن عمها رأفت يريدتها و...

-صباح: يا آنسة يارا ، رأفت بيه عاوزك تحت في الصالون

-يارا: حاضر ، أنا نزلاله حالاً

-عمر: انا هووقف الفيلم لحد ما تيجي ونكمله

-يارا: مش مشكلة ، نبقى نشوفه وقت تاني ، عن اذنكو

-جاسر: اتفضلي

وما إن خرجت يارا من الغرفة حتى استأذن جاسر و...

-جاسر: اووبا ، أنا نسيت موبايلي تحت ، أما أنزل أجيبه

-خالد: اوك .. مستنيك عشان نشوف نظامنا ايه النهاردة

-جاسر: أها ... ع طول بس ، هاجيبه واطلعك

وحينما خرج جاسر ، اقترب عمر من أخيه خالد وجلس بجواره ليخبره بأمر ما و...

-عمر: كويس ان احنا لوحدنا الوقتي

-خالد: عاوز ايه ؟

-عمر: احم.. كنت عاوزو منك .. احم .. آآآ.. يعني سلفية كده

-خالد: تاني؟؟؟ انت مش لسه أخذ مني أد كده من يومين

-عمر: معلش ، دي آخر مرة ان شاء الله ، وبعدين أنا هسدلك كل اللي خدته ع

الجزمة القديمة

-خالد: اتلم ياله .. ايه ع الجزمة القديمة دي

- عمر: أقصد يعني هديك كل اللي خدته منك
- خالد: انت عمرك ما دفعتلي جنية
- عمر: بكرة هدفعلك .. الفلوس بس تجري في ايديوأنا هنغنغك ع الآخر
- خالد: موت يا حمار ، المهم عاوز كام يعني ???
- عمر: حاجة بسيطة ألفين جنية بس
- خالد: نعم ؟؟؟؟ ليه ان شاء الله ؟؟؟ أوعى ياض تكون بتجيب بيهم مخدرات ، ده انت وقعتك سودة لو قربت من الهباب ده !!!!
- عمر: لأ عيب عليك ، أنا بشرب بس حشيش !!!
- خالد وقد أمسك به من رقبته : ده يبقى اخر يوم في عمرك
- عمر: بهزر والله بهزر
- خالد: وأنا مش هديك مليم واحد غير لما أعرف ليه
- عمر: والله دي حالة انسانية ..
- خالد: وله !! انت بتشتغلني ياض ???
- عمر وهو يحاول التحرر من قبضته : وربنا ما بكذب ده فعلاً حالة انسانية مهمة بالنسبالي
- خالد: انطق وقول عاوز الفلوس ليه ???
- عمر: عاوز اجيب فستان ليارا عشان تحضر بيه الحفلة
- خالد بدهشة: ايبيه ???
- عمر: اه والله دي الحقيقة ، هي مش عاوزة تحضر الحفلة عشان معندهاش حاجة تلبسها وأنا عاوزها معايا ..آآ..قصدي تحضر معنا
- خالد: قولتلي بقي
- عمر: ها ؟؟ هتديني الفلوس ???

-خالد: ممممم...

-عمر: ها يا سيد الناس هتديني الفلوس؟؟؟

-خالد: ربنا يسهل

-عمر: طب ايدك بقى عشان ألحق أروح أجيبها حاجة حلوة

-خالد: أنا عندي بقى فكرة أحلى .. أنا جاي معاك ننقلها حاجة ع ذوقنا

-عمر: لأ أنا عاوز اجيبها حاجة ع ذوقي أنا بس !

-خالد: انت هتتأمر !!! خلاص مافيش فلوس

-عمر: خلاص يا عم ، الحوجة وحشة أصل !!!

-خالد: طب قوم ألبس خلينا نلحق نروح ونرجع بسرعة

-عمر: فوريرة ...!!!

.....

كان رأفت يطالع الجريدة الاقتصادية حينما كان أدهم يبحث عن الشاحن الخاص بهاتفه المحمول ، فطلب منه رأفت أن يضع أحد الملفات بالمكتب ، ثم جاءت إليه يارا و...

-رأفت لأدهم: أدهم !!

-أدهم: أيوه يا بابا

-رأفت: معلىش يا حبيبي حط الملف ده ع المكتب بتاعي جوا في أوضة المكتب

-أدهم: حاضر ، هوف بس الشاحن واوديه

-رأفت: طب خده في ايدك

-أدهم: ماشي

أخذ أدهم الملف من والده ، وتوجه ناحية غرفة المكتب ليضعه بالداخل ، ثم دلفت يارا إلى غرفة الصالون و...

-رأفت: تعالي يا يارا يا بنتي

-يارا: خير يا عمي

-رأفت: قوليلي بقي ، مش عاوزة تحضري الحفلة ليه؟؟

-يارا: يا عمي أنا قولتلك ماليش في الجوده

-رأفت: وانا مش مصدقك

-يارا: ليه بس؟؟؟

-رأفت: عاوزك تقوليلي وبكل صراحة انتي مش عاوزة تحضري عشان فريده؟؟

-يارا: لا والله

-رأفت: او مال ليه؟؟

-يارا: يعني .. احم . آآآ

-رأفت: قولي على طول يا يارا !

-يارا: يعني أنا... أنا معنديش حاجة مناسبة للحفلة وآآ

-رأفت: يعني ده السبب

-يارا وهي تهز رأسها بالايجاب : أها

-رأفت: يا بنتي مش مستهله والله ده أنا فكرت تكون في حاجة مهمة ولا حاجة ، وع

العموم ماتشليش هم احسن حاجة هتكون عندك

-يارا: أنا مش عاوزة حاجة يا عمي

-رأفت: لأ ازاى ، انتي شاوري بس ع اللي نفسك فيه وهيكون عندك

-يارا: ربنا يخليك يا عمي

-رأفت: أنا هاجيبك حاجة ع ذوقي ويا رب تعجبك

-يارا: أكيد هتعجبني .. كفاية أنها منك

-رأفت: عاوزك تنوري في الحفلة ، وما فيش حاجة اسمها متحضرش ، ماشي ؟

-يارا: ربنا يسهل

-رأفت: طب خدي حظيلي الجرنان ده ع المكتب ، هبقى أقراه بعدين

-يارا: اوك يا عمي

-رأفت في نفسه: على الله كازانوفنا يكون لسه في أوضة المكتب ..

.....

كان جاسر قد نزل وراء يارا لكي يعرف ما الذي يريده عمها منها ، واستمع إلى ما دار بينهما و....

-جاسر في نفسه : بقى ده السبب اللي مش مخليكي تحضري الحفلة !! ده الغالي
يرخصلك يا يارا .. النهاردة هتكوني انتي ملكة الحفلة ، أنا هاضطر اسفأ أروح مع
شاهي بس عشان خاطر ك انتي يا يارا ، هنقيلك حاجة ان شاء الله تعجبك وتنوري
الحفلة فيها ..

.....

في غرفة المكتب ،،،،،

أخذت يارا الصحيفة من عمها وتوجهت بها ناحية غرفة المكتب لتضعها على مكتب
عمها ، كانت تلك هي المرة الأولى التي دلفت فيها يارا إلى غرفة المكتب ، أعجبت يارا
بتصميم الغرفة كثيراً ، ولأول مرة تلمح وجود دولا ب منفصل بالغرفة به الكثير من
الأسلحة النارية ، وعدداً من الجوائز والكؤوس و..

-يارا : ماشاء الله ، الأوضة فعلاً حلوة .. حاجة كلاسيك وشيك ، أول مرة أخذ بالي
منها ، ايه ده اللي هناك ده؟؟

اقتربت يارا من الدولاب وأخذت تنظر لما بداخله بتفحص و...

-يارا: ماشاء الله ، كل دي أسلحة !! هما هيعلنوا الحرب هنا ولا ايه .. لأ وفي كؤوس
كمان وجوايز .. ماشاء الله ، حاجة حلوة الصراحة .. مممم... بس الإزاز مش مبين
الحاجة كويس ، أحسن حاجة أعملها أفتح الدولاب كده وأشوف اللي فيه قبل ما حد
يجي !!

لم تنتبه يارا إلى أن أدهم كان مازال متواجداً بالمكتب جالساً في الخلف يشحن هاتفه ،
وما إن رآها تدلف وتتحدث إلى نفسها وهي تنظر للدولاب حتى نهض من مكانه
وتوجه إليه بدون أن تشعر ووقف خلفها و.....
!!!!!!

.....

الحلقة الثالثة والأربعون :

لم تنتبه يارا إلى أن أدهم كان مازال متواجداً بالمكتب جالساً في الخلف يشحن هاتفه ،
وما إن رآها تدلف وتتحدث إلى نفسها وهي تنظر للدولاب حتى نهض من مكانه
وتوجه إليه بدون أن تشعر ووقف خلفها و...

-أدهم من الخلف : ها عجبوكي؟؟؟

-يارا بفرع: ايه ده؟؟؟ انت هنا؟؟

-أدهم: ياااه من بدري

-يارا بتوتر: آآآ.. أنا مكونتش أعرف ان ...احم... انك هنا

-أدهم: وده هيفرق في حاجة؟؟

-يارا: هه... لا ..

-أدهم: بس مقولتليش رأيك عجبك الأسلحة والجوايز؟؟؟ ع فكرة كلهم بتوعي ،
الدولاب ده كله بتاعي أنا !

-يارا: هه .. آآآ.. حلوين ، عن اذنك

-أدهم وقد حاصرها بذراعيه : تو ..

-يارا: الله ما توسع

-أدهم: لا ... مش قبل ما تقوليلي رأيك

-يارا: يووووه

-أدهم: نفسي أعرف انتي ليه بتعامليني بالطريقة دي؟؟؟

-يارا: يعني عاوزني اعاملك ازاي؟؟ أقف اتغزل في جمالك مثلاً عشان أعجب ولا
أتكعب في سكتك عشان ألفت نظرك؟؟؟

-أدهم: أنا مقولتس كده ، بس ليه انتي غير كل البنات اللي أعرفهم؟؟؟ كلهم بيحبوا
الدلع والكلام الحلو وان واحد زيي يحسسهم بقيمتهم ويبقى صاحبهم وعلى علاقة بيه

-يارا وهي تدفعه : عشان أنا مش زيهم ولا هبقى زيهم ، ومش محتاجة واحد زيك
يعرفني قيمتي ولا أبقى على علاقة .. عن اذنك بقي

-أدهم وقد أمسك بذراعها: مافيش ولا واحدة قالت لأدهم الصياد لأ

-يارا: أعتبرني أنا الواحدة دي ، وسيب ايدي بقي

-أدهم: بكرة هتعرفي انك زيك زي أي واحدة تتمنى ان أدهم الصياد يبصلها

-يارا: مش هيحصل ولا حتى في أحلامك!!!!

-أدهم: لأ هيصل ، وبكرة تشوفي !!

-يارا: اوعى

ترك أدهم ذراع يارا التي انزعجت من تصرفه معها ، بينما وقف يبتسم في تحدي و...

-أدهم: انتي لسه متعرفيش مين أدهم الصياد !!

-يارا: انت واحد مغرور !!!

-أدهم: وماله .. بس بكرة هتعرفي أنا مين !

ثم خرج من المكتب ووجد والده يتحدث في الهاتف و...

-رأفت هاتفياً: هي رفيعة مش تخينة ، اها بالظبط

-المتصل :

-رأفت: ممم.. هاتلها اللون السيلفر

-المتصل:

-رأفت: بص هبعثلك صورتها وانت تشوف المقاس كده بالنظر

-المتصل :

-رأفت: لأ هينفع ، انت بس متكبرش الموضوع ، وبعدين لو في حاجة هنغيره

-المتصل :

-رأفت: كده أحسن ، وأهي تقيس وتجرب واللي يطلع مقاسها ويعجبها تاخده

-المتصل:

-رأفت: على بركة الله ، سلام !

-أدهم: في ايه يابابا؟؟

-رأفت: باتفق بس مع البوتيك يبعثلي كام فستان كده حلو وشيك

-أدهم: لشاهي ولا لماما؟؟

-رأفت: لا دي ولا دي

-أدهم: أومال لمين؟؟؟

-رأفت: ليارا بنت عمك .. أصل مغدهاش حاجة مناسبة تلبسها في حفلة بالليل ،
والبنت محرجة من ده

-ادهم: قولتيلي بقى !

-رأفت: ايوه ، فقولت أخلي البوتيك يبعث كام حاجة مناسبة ليها تنقي منها اللي هي
عاوزاه

-أدهم: تمام

-رأفت: انت صحيح كنت فين كل ده؟؟

-ادهم: هه .. مافيش موجود هنا في الفيلا

-رأفت: أيوه فين يعني؟؟؟

-شاهي من خارج الغرفة : أدهم ... يا أدهم

-أدهم:ثواني يا بابا ، أشوف شاهي عاوزة ايه

-رأفت: ماشي يا بني

-أدهم: خير يا شاهي

-شاهي: ها مش ناوي تيجي معايا؟؟

-ادهم : على فين؟؟؟

-شاهي : انت نسيت ولا ايه ؟؟؟ مش أنكل رأفت قالي هيشتريلي dress جديد لعيد ميلادي

-أدهم: اها

-شاهي: طب يالا بقى

-ادهم وقد أخذ يفكر في شيئاً ما : اوك .. لحظة هلبس واجيللك

-شاهي: اوك ، مستنياك

-جاسر وهو على الدرج : أنا جاي معاكو

-شاهي: الله !! مش انت قولت مش جاي

-جاسر: غيرت رأيي ، فيها حاجة ؟؟

-شاهي: يووه !!

-جاسر: لو مش عاجبك ، مافيش نزول ليكي مع أدهم لوحدكم !!!

-شاهي: وده من أمتي ان شاء الله ؟؟؟؟

-جاسر: من امبارح لو عاوز !

-شاهي بضيق: اووف

.....

انتهى عمال الصيانة والسباك من اصلاح التلفيات التي حدثت في غرفة يارا و...

-صباح: يا ست يارا ، العمال خلاص وضبوا الأوضة بتاعتك ، تقدرى ترجعيها تاني

-يارا: كويس أوي بدل ما أنا متشحطة كل يوم في حنة

-فريدة وقد استوقفت يارا : بصي يا بت انتي ، شاهي مش هتقعد معاكي في الأوضة ،

اتعقدت منك ومن تصرفاتك ، وهي مش ناقصة واحدة زيك تجي تعكنن عليها في يوم

زي ده !

-يارا: يكون أحسن برضوه ، دي كانت خانقة

-فريدة: اياكي تفكري انك تضايقيها النهاردة ، مش هيحصلك كويس

-يارا: ابعدوا انتو عني وشيلوني من دماغكو ، وانتو ترتاحوا

-فريدة: أنا مش عارفة أنا بتكلم معاكي ليه أصلاً .. يالا اتفضلي ع أوضتك

-يارا: ماشي يا طنط أم خالد

-فريدة بنرفزة : بسسس ... متقوليليش كده

.....

ارتدى كلاً من خالد وعمر ملابسهما ثم نزلا سوياً ولكن استوقفتهما فريدة و...

-فريدة: رايعين فين كده ???

-عمر: آآآ...

-خالد: هنشترى شوية حاجات ناقصة

-فريدة: طب او عوا تنسوا هدية شاهي ، عاوزة حاجة مميزة

-خالد: ربنا يسهل

-عمر: انا معييش فلوس

-فريدة: نفسي أعرف بتضيع فلوسك فين ???

-عمر: وانا كمان والله يا ماما نفسي أعرف زيك

-فريدة: طب اعمل حسابك ترجع أوضتك ، خلاص الزفتة اللي أعدت فيها رجعت

اوضتها

-عمر: ما اسمهاش زفتة يا ماما ، اسمها يارا .. ها يارارارارار !!

-فريدة: متفرقش !

-خالد: يالا يا عمر عشان متأخرش ، احنا ورانا حاجات كثير

-عمر: ماشي

-فريدة: متنسوش ، عاوزة الهدايا تكون شيك وتليق بشاهي

-عمر: هي اخرها معايا صوباع روج من أبو 2 جنية !!

-فريدة : بتقول ايه يا عمر ؟؟؟؟

-عمر: آآآ... ولا حاجة يا ماما ، اشوفك ع خير

انطلق خالد ومعه عمر بالسيارة إلى أحد المولات لشراء فستان ليارا ، وكذلك انطلق ادهم وبصحبته شاهي وجاسر لشراء الفساتين ...

.....

في المول ،،،،،

كانت شاهي تنتقي ما تراه مناسباً لها من فساتين سهرة لتلائم حفلة عيد ميلادها و...

-شاهي بحيرة: بصراحة مش عارفة اختار ايه ولا ايه ؟؟ ما تقولي رايك يا ادهم ؟؟

اخذ ده ولا ده .. ها بص كده ؟؟؟

-أدهم : حلوين

-شاهي: هما ايه بس اللي حلوين ، أنا عاوزاك تختارلي حاجة حلوة

-أدهم: شاهي جربي اللي يعجبك وأنا هاقولك رأيي في الآخر

-شاهي : أوك

دلفت شاهي إلى داخل البروفة لتقييس الفساتين ، بينما وقف ادهم يتسائل في نفسه أي فستان سينتقي ليارا و...

-أدهم في نفسه: يا ترى ايه اللي ممكن يليق ع يارا .. ممم.. أختارلها ايه؟؟ بصراحة انا محتار ومش عارف اصلا هي ذوقها ايه ، ممم.. بيتهيألي ده كويس ، ممم لأ ده شكله أحلى ! يوووو

-البائعة: بتدور على حاجة معينة يا فندم؟؟

-ادهم: آآ... ايوه

-البائعة: مقاس ايه حضرتك؟؟ ويا ترى الألوان اللي حضرتك عاوزها ايه؟؟

-أدهم: بصي أنا معرفش في المقاس ، بس هي قريبة من الأنسة اللي كانت واقفة معايا

-البائعة: أها ، طب والألوان

-ادهم: أنا عاوز حاجة تكون آآآ

-البائعة: حضرتك في درجات الأزرق ، وعلى فكرة موضة السنادي أوي

-ادهم: طب وريني كده

-البائعة: اتفضل يا فندم ، الفساتين دي في منها الطويل ، وفي القصير ، وفي مفتوح للضهر وآآ

-ادهم وقد وقعت عيناه على فستان ما: طب واللي هناك ده؟؟

-البائعة: ده لسه واصل من يومين بس ، حتى التسعيرية لسه ماتحطتش عليه

-أدهم: انا عاوز الفستان ده

-البائعة: طب لحظة واحدة أعرف بس سعره وأبلغك يا فندم

-ادهم: اوك

-شاهي وقد خرجت من البروفة : ها ايه رأيك يا ادهم

-ادهم بعدم اكتر اث: حلو

-شاهي: حلو ايه بس؟؟ ده انت حتى ما كلفتش خاطر ك تبص عليا

-ادهم: شوفي الثاني كده ، ده ..ده مخليكي تخينة

-شاهي بفزع : ايبيه ، تخينة ، لأ ده أنا هغيره فوراً !!!

-أدهم: الحمد لله مشت قبل ما تيجي الست

-البائعة: الفستان يا فندم غالي شوية

-ادهم: يعني تمنه أد ايه ???

-البائعة: تمنه 8000 جنية !

-أدهم: تمام ، هاخده

-البائعة: حاضر يا فندم .. لحظة وهجيبه لحضرتك

-ادهم: أنا عاوزه يتغلف هدية

-البائعة: حاضر يا فندم

-ادهم: اتفضلي ، أنا هتدفع بالفيزا !!

-البائعة: اوك

.....

في محل آخر بالمول ،،،،،

كان جاسر يحاول أن ينتقي فستاناً رقيقاً ليارا ، وبالفعل وجد ضالته و...

-جاسر: يا آنسة لو سمحتي

-البائعة: أو مرني يا فندم

-جاسر: الأمر لله وحده ، بصي أنا عاوز الفستان ده

-البائعة: مقاس ايه يا فندم؟؟

-جاسر: أنا معرفش مقاسها بس هي قريبة كده منك

-البائعة: ممم... طيب لحظة

-جاسر: ماشي

-البائعة: أنا جبت لحضرتك أقرب مقاس ليا ، ولو حضرتك طلع اصغر ممكن تيجي
تبدله بالأكبر

-جاسر: ماشي ، المهم عاوزه يتلف كويس ويتحط في علبة شيك كده ، أصله هدية

-البائعة: حاضر يا فندم ، حاجة تانية؟؟

-جاسر: لأ شكراً

.....

في محل ثالث بالمول ،،،

كان خالد مع عمر يحاولان شراء فستاناً قيماً ليارا و...

-عمر: ايه رأيك؟؟

-خالد: لأ طبعاااا ، انت جايلها قميص نوم ياله

-عمر: والله هيبقى حلو عليها ، هيطلع المستخبي كله

-خالد: طلعت عينك ! احنا عاوزين حاجة تانية

-عمر: طب ايه رأيك في ده ???

-خالد: انت اهبل ياااض ???

-عمر: ليه بس ???

-خالد: أنا راضي ذمتك ، ده هيخش فيها ازاي ??? دي عاوزة تلاتة معاها عشان تلبسه

-عمر: أنا قولت يبقى مررح كده عليها ويجيب طراوة

-خالد: تصدق أنا غلطان اني خدت واحد فسل زيك معايا

-عمر: طب بص ايه رأيك في ده ?? مافيش كلام عليه

-خالد: انت عاوز ضرب النار !!

-عمر: والله العظيم شكله حلو

-خالد: انت عاوزها تلبس فستان فرح في حفلة عيد الميلاد ????

-عمر: يووووه ، أنا غلبت معاك والله !!!

-خالد: اركن كده ع جمب ، وخليني أشوف أنا ايه اللي ينفع معاها

-عمر: بص بص .. ده بقى ما تتكلمش عليه ، فخم وشيك وطويل

-خالد: مممم....

بالفعل وقعت عيني عمر على فستان أسود شيك مزدان بشرائط رقيقة تحتوي على
فصوص من الخرز اللامع ، فأعجب به خالد وقررا شرائه

-خالد: اه .. ده حلو

-عمر: عشان تعرف بس

-خالد: لو سمحتي ، احنا عاوزين الفستان ده

-عمر: اه ولفهولنا في كيس بلاستيك وحيات ابوكي

-خالد: كيس يا معفن !!

-عمر: الله !! او مال هنشيله كده في ايدينا ??

-خالد: الفساتين اللي من نوع ده بتتغلف في علب خاصة يا شنط قماش عشان تحميه

-عمر: وأنا كنت هعرف منين ?? شايفني بلبس فستان ولا حاجة

-خالد: اتعلم ..

-عمر: طيب

.....

في المحل الأول ،،،

انتهت شاهي من انتقاء فستان ما و...

-شاهي : ها ايه رأيك ??

-أدهم: حلو

-شاهي: حلو بس ??? ده هياكل مني حته

-ادهم: اه

-شاهي: أخيراً لاقيت حاجة مناسبة ليا

-ادهم: كويس

-البائعة: اتفضل يا فندم ؟

-ادهم: احم.. شكراً

-شاهي: ايه ده يا أدهم ??

-ادهم: هه.. ولا حاجة

-شاهي: ولا حاجة ازاي ?? انت اشتريت ايه ?? ها قولي ???

-أدهم: مش لازم تعرفي .. ويالا بقى خلينا نخلص

-شاهي في نفسها: ممم.. اكيد جايبلي هدية ومش عاوزني أعرف .. اوووه ، حبيبي يا أدهومة !

.....

خرجت شاهي ومعها ادهم بعد أن اشتروا الفستائين ، وبحثوا عن جاسر و...

-شاهي: اومال فين جاسر؟؟ مش كان المفروض يبقى معنا؟؟؟

-أدهم: معرفش، وقت ماوصلنا المول وهو قال عاوز يتكلم في التليفون وسابني وخلع

-شاهي: طب استنى أنا هطلبه

-ادهم: مافيش داعي ، أهوو جاي من هناك أهوو

-شاهي: أه صح .. جااa

-جاسر: ايوه يا شاهي

-شاهي: انت روحت فين؟؟

-جاسر: مافيش؟؟

-شاهي وهي تنظر إلى ما في يد جاسر: طب ايه اللي في ايدك ده؟؟

-جاسر: هه.. آآآ... دول حاجات ليا

-شاهي بفرحة : ممممم... اوك

-جاسر: مش يالا بينا

-أدهم: اوك

-شاهي في نفسها: يا سلاااa

ده أنا هغيظ كل البنات اللي هيبقوا موجودين واخليهم يعرفوا قيمتهم ايه وخصوصاً

الزفتة اللي اعدة معنا

-خالد: مافيش يا يارا بنشوف ايه ناقصنا وبنجيبيه !

-شاهي: أها

-أدهم: وخلصتوا ولا لسه؟

-عمر: الحمد لله بعد عناء ، ده أحنا دوخنا عقبال مالاقيننا حاجة مناسبة ليا... آآآ ...
قصدي لينا ، هاه لينا !! تمام كده آخالد

-خالد: اه .. واخرس بقى

-جاسر: طب حلو ، مش هتروحوا

-خالد: ايوه ، مروحين

-أدهم: طب يالا

-شاهي في نفسها: واااو .. ده انا كده مش هلاحق ع كمية الهدايا .. أنا عارفة ذوق
خالد .. طول عمره شيك

.....

في فيلا رأفت الصياد ،،،

خرجت فريدة بصحبة ناهد لعمل ماسكات في أحد مراكز التجميل القريبة من الفيلا ،
بالإضافة إلى الاتفاق مع بعضاً من الفتيات لكي يأتوا لتجميلهن قبل موعد الحفلة بقليل
، وفي تلك الأثناء وصل صاحب محل ملابس فساتين السهرة إلى الفيلا ومعه بعض من
الفساتين المختلفة وفتاتين لتعاوناه ، وهذا لكي تنتقي منها يارا ما يناسبها و...

-رأفت: تعالي يا يارا ، الاستاذ سمير جه

-يارا: الأستاذ سمير مين؟؟؟

-رأفت: صاحب البوتيك اللي كلمته عشان يجيبلك فستان حلو

-يارا: أها

-الفتاة الأولى : بصي يا هانم ، الشال بيتربط بالطريقة دي كده فمش هيبان أي جرح أو حاجة

-يارا: تمام

وبعد أن انتهت يارا من قياس الفستان ، ذهبت إلى عمها لتبلغه بما أعجبها و...

-يارا: خلاص يا عمي أنا اخترت الفستان

-رأفت: عظيمييم اوي

-سمير: انا متوقع انك تكوني خدتي الأحمر ، صح ولا أنا غلطان ؟

-يارا: ده حقيقي فعلاً أنا اختارته

-سمير: مش قولتلك يا رأفت بيه..

-رأفت: لأ عندك حق فعلاً ، ها في حاجة تانية عجبتك ???

-يارا : كفاية ده يا عمي

-رأفت: اختاري يا بنتي ومايهمكيش

-يارا : شكراً يا عمي ، أنا كده تمام أوي ، عن اذنك بقى عشان أحط الفستان في الدولاب ...

-رأفت: براحتك يا بنتي ، وأنا لسه برضوه عند كلمتي ، هاجيبلك اي حاجة انتي عاوزاها ومتكسفيش

-يارا: ميرسي يا عمي

عادت فريدة من الخارج ثم دلفت إلى غرفة الصالون وتفاجئت بوجود سمير و...

-فريدة باستغراب: في ايه اللي بيحصل هنا ???

-رأفت: فريدة انتي رجعتي امتي

-فريدة: الوقتي؟؟ انتو بتعملوا ايه؟؟؟

-رأفت: ولا حاجة .. شكراً يا أستاذ سمير وعدي ع الحسابات عندي في الشركة
هيصرفولك الشيك

-سمير: اوك .. يالا يا بنات

-فريدة: بيعمل ايه سمير ال designer عندنا في الفيلا

-رأفت: كنت موصيه يجيب فستان ليارا

-فريدة: يووووه ، انت عاوز البت دي تحضر الحفلة وتفضحنا

-رأفت: اه هتتحضر

-فريدة: لأ وكمان جاييلها ال designer لحد عندها

-رأفت: ودي فيها ايه ، ما أنتي دبستيني في فستان لبنت اختك ، وأنا بلعت جزمة في
بوي وماتكلمتش ، معترضة ليه بقى ع اني اجيب فستان لبنت أخويا

-فريدة: مش معترضة ، بس ازاي تجييلها من عند سمير

-رأفت: يعني اجييلها من الباله عشان تتبسطي؟؟؟؟؟؟

-فريدة: يووووه ، أنا مش بخلص منك ولا من دفاعك عنها !!!

-رأفت: وانا هفضل كده ، ويا ريت تفتكري انها بنت اخويا مش ضرتك !!!

-فريدة: اوووف ، أنا طالعة أوضتي بدل ما أفضل اسمع السيرة المهيبة دي

-رأفت: ماشي

-رأفت في نفسه: يا باااااي .. مش مريحة نفسك خالص يا فريدة ، حاطها ع دماغك
وزاعقة معرفش ليه ، والبت غلبانة لا بتهشولا بتنش .. ربنا يهديكي !!!

.....

وصل الجميع إلى الفيلا ، وكان أدهم وجاسر وعمر وخالد يفكرون في الطريقة التي سيعطون بها يارا الفستاتين و....

-أدهم في نفسه: ممم.. أنا هديها الفستان ازاي؟؟ ماهو لازم تاخده وتلبسه ، بس لو اديتهولها بايدي ممكن مترضاش تاخده زي العقد!! ممم.. احسن حاجة اخلي صباح توديه ، وتقول انه جايلها من بابا ، وبعدين أما تلبسه أبقى أعرفها انه مني .. بالظبط كده!!!

-أدهم: صباحااااا ، يا صباحااااا

-صباح: ايوه يا أدهم بيه

-أدهم: بقولك ، عاوزك توصلني الفستان ده ليارا وتقوليلها انه من بابا

-صباح: أها

-أدهم: او عي تنسي ده من بابا ، وبعدين تيجي تظمني خدته ولا لا

-صباح: حاضر يا بيه

.....

-جاسر في نفسه : يا ترى هديهولها ازاي؟؟؟ أيوه .. انا أطلب من أمي تديهولها ، هي بتعاملها كويس وأنا هاقولها ان عمي رأفت باعته معايا بس أنا محرج اديهولها .. صح كده ولما تلبسه ويعجبها أبقى أقولها انه هدية بسيطة مني

-جاسر: أمي ...

-ناهد: ايوه يا حبيبي

-جاسر: بقولك ايه ، عاوز كده في خدمة

-ناهد: خير يا بني

-جاسر: عاوزك تدي الفستان ده ليارا

-ناهد: نعم؟؟

-جاسر: أقصد يعني عمي رأفت قالي ادي الفستان ده ليارا بس أنا محرج اديهولها

-ناهد: أها .. وعاوزني أنا اديهولها

-جاسر: ايوه ، وتطميني خدته ولا لا

-ناهد باستغراب: اطمنك؟؟

-جاسر: أيوه .. أقصد يعني عشان أبلغ عمي رأفت وكده

-ناهد: طيب يا حبيبي ، أنا هاروح اديهولها الوقتي

-جاسر: ربنا يخليكي ليا يا أمي ، ويفرح قلبك يا ست الحبايب يا غالية

-ناهد بدهشة: كل ده عشان هودي الفستان ليارا

-جاسر: طبعاااa

-ناهد: مممم.. طيب

.....

-خالد لعمر : هنديهولها ازاي يا نبيه عصرك وزمانك

-عمر: عادي زي أي حد ما بيدي أي حد أي حاجة في أي حته

-خالد: ايه اللي انت بتقوله ده ، أنا مش فاهمك

-عمر: انا هخبط ع باب أوضتها واولها يارا خدي ده بتاعك

-خالد: ولما تسألك يا فالح مين اللي جابوه هاترد تقول ايه؟؟؟

-عمر: كالمعتاد ، هذا من فضل ربي

-خالد: لا والله

-عمر: طبعاااa

-خالد: والله ما حد هيزيعنا إلا انت !

-عمر: اعتمد انت عليا ومتقلقش

-خالد: والله أنا ما خايف إلا منك !!!

-عمر: خلاص يا سيدي أنا هاقولها أن أبوك جايبهولها ، وهي مش هتعرض ع ده

-خالد: ممم.. فكرة !

.....

في غرفة يارا ،،،،،

طرقت صباح باب الغرفة ، فسمحت لها يارا بالدخول و...

-يارا: ايوه يا صباح

-صباح: اتفضلني يا بنتي ، ده عشائك

-يارا: ايه ده

-صباح: آآ.. ادهم بيه ، قصدي رأفت بيه باعتلك ده

-يارا باستغراب: ايه ده ؟

-صباح: فستان

-يارا: فستان؟؟ تاني ، طب ما أنا عندي واحد خلاص

-صباح: والله ده اللي أدهم بيه قالي عليه

-يارا باستغراب : ادهم .. طيب !

بعدها بدقائق طرقت ناهد باب غرفة يارا و...

-يارا: ايوه ، لحظة .. طنط ناهد

-ناهد: ازيك يا بنتي

-يارا: الحمد لله

-ناهد: اتفضلي ، ده عشانك

-يارا باستغراب: ايه ده ؟

-ناهد: ده فستان

-يارا: نعم ؟؟ فستان ؟؟؟

-ناهد: أيوه ، جاسر قالي ان عمك رأفت باعتلك ده معاه

-يارا بدهشة: جاسر

-ناهد: ايوه ، البسيه واتهنى فيه يا حبيبتي

-يارا: شكراً يا طنط

.....

وماهي إلا لحظات حتى طرق عمر باب غرفة يارا و...

-يارا: ايوه يا عمر

-عمر: الجميل صاحي

-يارا: أكيبيد

-عمر: اتفضلي يا مزة ، ده عشانك

-يارا: ايه ده كمان ؟؟؟

-عمر: ده فستان

-يارا: فستان !!!

-عمر: اينعم ، حاجة كده لزوم الفشخرة والمنجحة

-يارا: من مين ده كمان ؟؟

-عمر: احم.. ده مني أنا وخالد .. آآآقصي بابا قالي أنا وخالد نديهولك

-يارا بدهشة: عمي !!

-عمر: ايوه ، وبعدين ده رزق ساقه الله إليكي

-يارا: يا سلام

-عمر: طبعااااااا يا أخت يارا !! جريبه وقوليننا ع رأيك فيه

-يارا: ان شاء الله

أغلقت يارا باب غرفتها وهي تتسائل في نفسها عن ...

-يارا: مش معقول ، كل دي فساتين عمي رأفت باعتها ؟؟؟ ايه الحكاية بالظبط ؟؟؟ طب
أنا كده هلبس ايه ولا ايه ولا ابيبييه ؟؟؟؟؟

.....

الحلقة الرابعة والأربعون :

في فيلا رأفت الصياد ،،،

كانت يارا في حيرة من أمرها ، فأي فستان سترتدي الليلة ، لقد رأت جميع الفساتين
وكلهم رائعين ومميزين ، لم تكن تتوقع أن عمها سيرسل لها كل هذا أو هكذا ظنت ،
وفي وسط تفكيرها هذا ، طرقت عليها شاهی الباب و...

طق...طق...طق

-يارا من الداخل : أيوه ، ثواني

-شاهي : انتي !

-يارا: خير في ايه

-شاهي: عشان تعرفي بس ان قلبي طيب وحنين ، انا قررت أديكي فستاني القديم
تلبسيه

-يارا: شكراً ، بس أنا مش عاوزة آآآ....

-شاهي مقاطعة: بصي أنا قولت بدل ما أرميه وهو لسه جديد أتعطف عليكي وادهولك
يمكن تعرفي ان ولاد الأصول عندهم عطف ناحية الفقرا اللي زيك

-يارا: نعم؟؟ فقرا؟؟ مين فهمك اني كده؟؟ ولا قالك عني حاجة زي كده؟؟؟

-شاهي: أنا مش محتاجة افهم انك فقيرة أو حد يقولي ده ، منظرک و هيئتک وتربيتک
بتقل انك فقيرة

-يارا: استغفر الله العظيم يارب ، طب وهو اللي جاي يعمل خير ولا معروف لحد لازم
يذله بيه

-شاهي: يووووه ، أنا غلطانة أصلاً إنني عبرتك ..

-يارا: امشي أبت من هنا بدل ما أخرشمك وشك ، يالااا انجرري !!!!

-شاهي: ياي .. هتفضلي طول عمرك فقيرة وبيئة

-يارا: والله انتي ما هترتاحي إلا لما أديكي بالجزمة على نافوخك

-شاهي: خلاص خلاص أنا ماشية !!

-يارا: أل فقيرة أل .. طب والله لألبس كل الفساتين النهاردة وأنظفك .. ده أنا كنت ناوية
ملبسش إلا واحد بس، لكن بعد كلامك البارد ده ، هلبسهم كلهم بالعند فيكي ..
!!!!

.....

في المساء ،،،،

في غرفة فريدة ،،،،

جاءت بعض الفتيات من مركز التجميل لتزيين شاهي وفريدة وكذلك ناهد ، ورفضت فريدة أن تعاون أي من تلك الفتيات يارا بأي شكل و...

-فريدة باصرار: أبدأااا ، مش هيحصل !

-ناهد: يا فريدة مافيهاش حاجة لما تيجي بنت من البنات توضحها

-فريدة: انا قولت لأ

-شاهي: أنطي عندها حق ، دي ليلتي أنا وعيد ميلادي أنا ، وأنا مش عاوزة البت تدي تبقى أحسن مني في أي حاجة

-فريدة: طبعاااااا

-شاهي: يالا يا مامي هاتلي ال dress عشان ألحق ألبسه

-فريدة: الفستان تحفة يا شوشو

-شاهي: هي رأيك يا أنطي في ذوقي وذوق ادهم ؟؟؟

-فريدة: روووعة ، انتو الاتنين الصراحة لايقين على بعض ، يارب أفرح بيكوا قريب

-شاهي: يارب يا أنطي

-ناهد: ربنا يهديكي يا بنتي

-صباح من خارج الغرفة : فريدة هانم ، طقم ال servants وصلوا

-فريدة: اها ... عرفيهم أماكنهم والمطلوب منهم ايه بالظبط عشان يعملوه

-صباح: حاضر يا هانم

-شاهي: وااا ، أنا مش مصدقة يا أنطي اني هاكون ملكة البارتي النهاردة

-يارا: ميل انت بس ع صباح وابعتهالي

-عمر: حماااااااا ، هبعتهالك ع طول

-يارا: اوك ، تسلملي يا عموري

-عمر: ياااa

-يارا: انجز بس عشان الحق أخلص

-عمر: ع طووول

.....

نزل عمر إلى المطبخ ليطلب من صباح أن تساعد يارا و..

-عمر: صباحاااa

-صباح: أيوه يا عمر بيه

-عمر: سيبي كل اللي في ايدك خالص ، واطلعي ليارا

-صباح: حاضر بس أخلص بس آآآ....

-عمر مقاطعاً: بقولك سيبي كل حاجة واطلعي ساعدي يارا في اللبس ، ومش

هو صيكي بقي

-صباح: حاضر

بالفعل صعدت صباح إلى غرفة يارا لتساعدها في ارتداء أول فساتين الليلة وهو

فستان عمها الأحمر ..

.....

بدأ الحضور يتوافدون على الفيلا التي ازدانت بالديكورات والأضواء البراقة ، وأقبل الجميع على ناهد وفريدة يهنونها بعيد ميلاد شاهي ويسألون عنها و...

-جاسر: هي فين شاهي هانم منزلتش ليه كل ده ???

-ناهد: والله ما أعرف ، هي خلصت من بدري لبسها وكان المفروض تنزل معانا

-فريدة: أكيد هتنزل مع أدهم

-جاسر: اوووف .. لازم ادهم في كل حاجة كده ، ماينفحش تعمل حاجة من غيره

-فريدة: طبعاااااا ، ده هما الاتنين بيكملوا بعض ، هو أنا برضوه اللي هاقولك يا جاسر ولا ايه

-جاسر: ربنا يهني سعيد بسعيدة

في مكان آخر بالحفل ،،،،

كان رأفت يجلس مع بعض أصدقائه للاتفاق على صفقات جديدة و..

-رأفت: شرفتونا والله

-فؤاد: الله يخليك يا رأفت باشا

-عدلي: قولي يا رأفت باشا ، خلصت اتفاقيتك مع الوفد الألماني

-رأفت: المفروض هنعمل الصفقة خلال اليومين دول

-عدلي: ممم...

-رأفت: هو في حاجة ؟

-عدلي: هه .. لأ مافيش

-فؤاد: تلاقيك عاوز تخطف منه الصفقة ولا حاجة يا عدلي

-عدلي: لأ مش كده .. أنا بس في حاجة شاغلة بالي وكنت عاوز أتأكد منها الأول

-شاهي: منتظراك

.....

في غرفة ادهم ،،،

-أدهم في نفسه: يخربيت رزالتك يا شاهي ، يعني خلاص اتشليتي مش قادرة تنزلي لوحدك ، لازم تسحبيني من ايدي معاكي ، حاجة تخنق بجد!! وبعدين أنا كنت عاوز أشوف السفيرة يارا هانم هتنزل الحفلة ولا هتلبس الفستان ولا لا .. !

.....

في غرفة يارا ،،،،

ارتدت يارا الفستان الأحمر الذي اظهرها فاتنة الجمال و...

-صباح: بسم الله ماشاء الله ، زي القمر يا بنتي ، اللهم صلي ع النبي مافيش بعد كده

-يارا: بجد حلو يا صباح ؟

-صباح: حلو؟؟ قولي قمر 14 ، بدر في ليلة التمام ... ربنا يحميكي ويكفيكي شر العين وخصوصا من اللي تحت

-يارا: ربنا يستر

-صباح: ها يا بنتي ، هتنزلي الوقتي ولا كمان شوية ؟

-يارا: أما العقربة الصغيرة تنزل

-صباح: مين؟؟؟

-يارا: البت شاهي

-صباح : أها

-يارا: خليها تفكر انها غلبتني وكدرتني وتتفاجيء بيا تحت

-أدهم: أها

-شاهي: ولسه لما تفاجئهم بهديتك

-أدهم: هه

-شاهي: أنا نفسي أعرف جبتي السنادي ايه ???

-أدهم: احم... آآآ... شاهي... أنا .. آآآ

-شاهي: اوووه ، بص هناك دي روزا وباقي الشلة جوم

-ادهم: فين ???

-شاهي: اهوم هناك ، تعالى أما نسلم عليهم

-أدهم: اوك

التقي أدهم وشاهي بأفراد شلتهم و..

-باسل: واو ، أميرة بجد يا شاهي

-شاهي: ميرسي يا باسل

-هيثم: كل سنة وانتي طيبة يا شوشو ، لأ فعلاً حفلة شيك زيك

-شاهي: اووه ، ثانكس ع مجاملتك دي

-هيثم: اكيبيد الشياكة دي وراها أدهم ، صح ??

-شاهي: شووور

-رزان: كل سنة وانتي طيبة حبيبي

-شاهي: ميرسي يا روزا

-رزان: اتفضلي ، دي عشانك

-شاهي: ثانكس

-ندي: هابي بيرزداي يا شاهي

-شاهي: تاتكس نوذة

-ندي: مممم... أنا شايفة الحفلة مليانة ولاد مززع الآخر

-شاهي: هتفضلي زي ما أنتي كده

.....

انتهت يارا من ارتداء ملابسها ، وتأكدت أنه لا ينقصها شيء ، ثم نزلت إلى الحديقة حيث حفل عيد الميلاد المقام ، كانت تشعر بالارتباك لأنها تحضر لأول مرة مثل تلك الحفلات ، لذا وقفت بعيداً عن الحضور وبجوار مائدة الطعام تتأمل الأشخاص الحاضرين و.....

-باسل وهو يشير لهيتم: بص يا هيتم ، الطلقة الأرض جو اللي جاية من بعيد دي

-هيتم: فين دي ???

-باسل: انت اتعميت ع شمالك ياض من بعيد ، أهي

التفت أدهم إلى حيث يشير باسل وينظر هيتم ، فتفاجيء أن من يتحدثون عنها هي يارا

.....

-باسل: اوووبا ، دي صاروخ عابر للقارات

-هيتم: يالهووي ، هو في كده

-باسل: البت دي عاوزة آآآ...

-ادهم مقاطعاً: ما تلم نفسك يا باسل ، في ايه ????

-باسل: في ايه يا عم الشباب ، ده أنا بقول رأيي عن الجمال الرباني اللي جاي علينا ده

-ادهم: لما تكون بنت عمي يبقى تسكت خالص وماتفتحش بؤك ، فاهم !!!!

-باسل: ايه ده هي دي يـ...يارا !!!!

-هيثم: مش معقول

-ادهم بغيظ : اه هي ، وواياك ألمح حد فيكو بيفتح بؤه بحرف عنها

ثم انطلق أدهم متوجهاً ناحية المكان الذي تقف فيه يارا

.....

-أحد الأشخاص: بص هناك كده

-شخص آخر: في ايه ؟

-أحد الأشخاص: في صاروخ معدي جمبك

-شخص آخر: وريني كده ... أوووووبا ، ده حاجة تفتح النفس ع الآخر

استغرب جاسر من الحوار الجانبي الذي كان يسمعه دون قصد ، فالتفت ليرى من تلك التي يتحدث عنها هذين الرجلين ، فوجدها يارا .. فشعر بالحنق لرؤية غيره يتمتع بجمالها الآخاذ ، فقرر أن يتوجه إليها هو الآخر

.....

كان من ضمن المدعوين الكابتن سليم الذي أنبهر بجمال يارا ، فقد كانت تلك هي المرة الأولى التي يراها بفرستين رائع الجمال ، لذا قرر أن يتوجه إليها و...

-الكابتن سليم: ماشاء الله ، دي يارا ، لأ مش ممكن !! سبحان الله زي القمر والميك اب خلاها أجمل واجمل .. هي واقفة لوحدها ليه ، أنا لازم أروح أسلم عليها

..وبصراحة دي فرصة عشان أعرف أتكلم معاها على انفراد في موضوع آآ... يا رب
بس توافق ، أنا مش هلاقي الصراحة زيها ..هي .. هي تستاهل كل خير ! وفرصة إني
أقدر أتقرب منها براحتي وأعرفها أكثر !!!

.....

-خالد: كل ده يارا بتلبس

-عمر: ده أنا باعتلها صباح من العصري عشان تنظبطها

-خالد: طيب مخلصتش ليه؟؟

-عمر: وأنا ايش دراني

-خالد: يا مهون يا رب

-عمر: تفتكر الفستان هيجي ع مقاسها؟؟؟

-خالد: ربنا يسهل ، هنشوف

-عمر وقد لمح يارا: أعتقد ان موضوع الفستان ده هنتكلم فيه بعيد ، لأن كده المسائل
باطت ع الآخر

-خالد: انت بتقول ايه

-عمر: يالهوي ، هو في كده ، أحمر على أبوه يا تفاح !!

-خالد: زفت ، اتعدل في كلامك

-عمر: أتعدل ايه بس ، ده أنا مش قادر أقاوم الجمال ده كله

-خالد: الواد مخه طار ، انت بتتكلم عن ايه؟؟؟

-عمر: أنا جالاي

-خالد: وله .. استنى؟؟؟ انت رايح فين؟؟

توجه خالد بأنظاره نحو المكان الذي يتوجه إليه عمر ، فرأى يارا تقف مرتدية الفستان الأحمر ، فشعر بالغيرة من رؤية الجميع لها ، لذا قرر أن يذهب إليها و...

.....

كان عدلي صديق رأفت القديم يرتشف من أحد المشروبات حينما لمح فتاة جميلة أسرت عيناه ، بل وأعدت إلى ذاكرته ذكريات مضت و...

-عدلي وهو يشير لفتاة ما : رأفت ، مين اللي هناك دي ؟؟

-رأفت: فين دي ؟؟؟

-عدلي: هناك ، اللي جمب التريبيذة دي

-رأفت: ايه ده انت معرفتهاش ، دي يارا بنت رفعت أخويا الله يرحمه

-عدلي : ايبيبيبيبيبيه ؟؟؟ ميبيبين ؟؟؟

-رأفت: يارا بنت أخويا ، ماهي بقت عايشة معانا هنا في الفيلا ، وكمان نزلت الشركة معايا !

-عدلي بخوف: طب...طب في حد يعرف أن بنت رفعت عايشة ؟؟؟

-رأفت: اكيد الكل عرف ، مش هي بقت شغالة معايا في الشركة

-عدلي: استر يا رب ..

-رأفت: في ايه يا عدلي ؟؟ مالك اتخدت ليه ؟؟؟

-عدلي: هه... م...مافيش ، بعدين هبقى اقولك ، بس عاوزك الوقتي تعرفني عليها

-رأفت: وماله .. تعالى معايا !

وبالفعل توجه عدلي مع رأفت إلى حيث تقف يارا

و.....!!!!!!!

.....

الحلقة الخامسة والأربعون :

في حديقة فيلا رأفت الصياد ،،،

كانت يارا تقف بمفردها حينما لاحظت قدوم ادهم أولاً إليها و...

-أدهم : ايه اللي عملاه في نفسك ده ؟؟

-يارا: نعم ؟؟

-أدهم: ايه الفستان ده ؟؟

-يارا: والله ذوق عمي ، وعاجبني

-أدهم: انتي ازاي تلبسي كده ؟؟ انتي مش شايقة الناس بتتكلم عنك ازاي ؟؟؟

-يارا: بيتكلموا عني ليه ؟؟ هو أنا أصلاً أعرف حد ولا حد يعرفني هنا عشان يتكلموا

عني ؟؟؟

-أدهم: روعي غيري الزفت ده والبسي اللي أنا جبتهولك !

-يارا باستغراب : نعم ؟؟؟

-ادهم: أقصد الفستان اللي صباح ادتهولك من..آآآ... من عمي ، البسيه شكله احسن

من ده بكتير

-يارا: والله ده اللي عاجبني وأنا هلبسه .. عندك اعتراض

-ادهم : أه عن...-

-جاسر مقاطعاً: ازيك يا يارا ، معلش عاوزك شوية

-يارا: اوك ، أنا جاية معاك لأحسن اتخنقت

-أدهم: ايه يا ختي ???-

-يارا: أصل الجو فجأة كتم كده ع نفس الواحد ، والواحد محتاج شوية هوا ، عارفة اللي بيظري ع الواحد كده في الحر والكتمة

-جاسر: تعالي يا يارا مش هعطلك كتير

.....

كانت شاهي مندمجة في الحديث مع رزان وندى حينما رأت رزان ادهم وهو يتحدث مع فتاة ما شكلها مثير و....

-رزان من بعيد: الله ! مش ده أدهم اللي واقف مع البت ام أحمر اللي هناك دي

-شاهي وهي تبحث بعيناها عنه : فين ???-

-رزان: هناك أهوو

-شاهي: لأ مش ممكن ، دي !!!

-ندى متسائلة : هي مين دي ???-

-شاهي: دي ..دي بنت الخدمة !!!!

-ندى: مش معقول ، قولي كلام غير ده ، دي لابسة حنت فستان الصراحة مايتوصفش من جماله

-رزان: بصراحة أه ، الظاهر انها ناوية تاكل الجو منك

-شاهي: اه يا بنت الخدامين ، أنا رايحة أطين عيشتها

-رزان: استني .. استني ، ده اخوكي رايعلها

-شاهي: وده ايه اللي موديه عندها هو الثاني؟؟؟

-رزان: استني اما نشوف

.....

وقف جاسر مع يارا بعيداً قليلاً عن أدهم ليتحدثا سوياً و...

-جاسر: يارا

-يارا: ايوه

-جاسر: ايه الفستان اللي انتي لابساه ده؟؟

-يارا: ماله ده كمان؟؟

-جاسر: احم... هو مالوش بس مزود حلاوتك أوي ، ومخلي العين عليكي أد كده

-يارا: أها

-جاسر: اومال فين الفستان اللي بعته مع ماما عشان تدهولك؟

-يارا: فستان مين؟؟

-جاسر: اقصد الفستان الثاني اللي عمك قالي أقول لوالدتي توصلهولك

-يارا: أها... موجود

-جاسر: طب ممكن تلبسيه

-يارا: ليه يعني؟

-جاسر: أصل آآ...

-عمر مقاطعاً: هو أنا لو عاكستك هيجرى حاجة؟؟؟ لا والله ما هيجرى حاجة ، ده حتى

يبقى حرام عليا أشوف الجمال ده كله قصاد عيني وما أعاكسهوش

-يارا بفرحة: عمر

-عمر: عيون عمر وقلب عمر ورجلين عمر وايدين عمر وكلاوي عمر وAAA

-خالد مقاطعاً: اخرس ياله ، يارا ازيك ???

-يارا : الحمدلله

-خالد: ازيك يا جاسر ؟

-جاسر: تمام

-خالد: طنط ناهد كانت بتدور عليك

-جاسر: والله ??? ده من امتي ??

-خالد: من شوية ، كانت عايزاك ضروري ، صح يا عمر

-عمر: أنا ماشوفتش حاجة !

-خالد: وانت من امتي بتشوف أصلاً ???

-جاسر: مممم... طيب أنا هاروح أشوفها ، وراجع تاني

-عمر: اتأخر براحتك .. يعني خد وقتك ع الآخر

-جاسر: ده واضح جداااا انكو بتوزعوني

-عمر: طبعاًاااا .. ودي فيها شك

-خالد: دايماً فاضحنا يا زفت

وما إن انصرف جاسر حتى تحدث خالد و...

-خالد: أنا عندي بس سؤال واحد ، ليه لابسة كده ??

-يارا: الله !! ماله الفستان ??? ليه الكل معترض عليه

.....

انضم الكابتن سليم إلى خالد وعمر ليتحدث مع يارا و...

-الكابتن سليم مقاطعاً: أنا أسف إنني هقاطع حواركم

-يارا: كابتن سليم ، ازي حضرتك ، منور الحفلة والله

-الكابتن سليم: وأنا اجي جمبك ايه بس

-خالد وهو يصافح سليم بشدة: ازيك يا كابتن

-الكابتن سليم: آآآ.. اهلا يا خالد بيه ، ازي حضرتك

-خالد: بخير

-يارا: أوعى تكون يا كابتن سليم لسه زعلان من اللي حصل قبل كده

-الكابتن سليم: وهو حد يقدر يزعل منك برضوه يا يارا

-خالد: اسمها الأنسة يارا !

-عمر: احنا بس اللي نقولها يا يارا ، غير كده الألقاب محفوظة

-يارا: وليه التكليف ده بس ، أنا بقدر الكابتن سليم وآآآ

-خالد بحدة: ده نظامنا ! ولازم يبقى الكل عارف ده

-الكابتن سليم: مافيش مشكلة عندي ، المهم كنت عاوز أتكلم معاكي شوية على انفراد

ده لو مش هعطلك شوية

-يارا: تعطلني ايه ، ده حتى أنا فاضية وآآآ...

وفجأة وجدت يارا من يلقي عليها بالمشروب ليفسد فستانها و...

-شاهي بغضب: انتي جاية عشان تبوظي حفلتي ، أنا كنت عارفة ده

-يارا: انتي مجنونة ، ايه اللي عملتيه ده ؟؟؟

-شاهي: ياريتها كانت مياه نار كنت حرقتك

-خالد: شاهي ، انتي اتجننتي ؟؟؟ ازاي تعملي كده ؟؟؟

-شاهي: انت مش شايفها يا خالد وهي عمالة تلم الرجالة حواليتها

-عمر: لالالا .. الكلام اللي انتي بتقوليه ده ما يصحش

-رأفت مقاطعاً: في ايه اللي بيحصل هنا

-شاهي: سوري يا أنكل اتكعبلت ، ومش أقصد ان العصير يقع عليها

-عمر: ده انتي كدابة كذب الابل

-خالد: يا شيخة

-رأفت: حصل خير .. معلىش يا يارا

-يارا بحنق: وماله ، عندي غيره هغيره وأرجع تاني

-شاهي: هه

-رأفت: طيب يا بنتي ، غيري هدومك وتعالى عشان عاوزك تتعرفي ع حد من أصحابي

، وكمان يعرف باباكي الله يرحمه

-يارا: بجد ؟ طيب ع طول يا أنكل

.....

في تلك الأثناء ، وخلال انشغال يارا بالحديث مع جاسر وبعده خالد وعمر ، استغل أدهم

الفرصة وصعد إلى غرفة يارا وتأكد من أن أحداً لا يتبعه ، ثم أخذ يبحث عن الفستان

الذي اشتراه لها ، وتفاجيء بوجود فستانين آخرين ..

-ادهم : ايه ده ، ايه كل الفساتين دي ؟؟؟ الأكياس والعلب دي شكلها مش غريب عليا
!! ممم... يبقى البهوات كانوا في المول بيشترونها فساتين ، طيب ماشي .. مش ادهم
الصياد اللي حد ياخذ منه حاجة تخصه ، ماشي !!

قام ادهم بتخبئة الفساتين فوق الدولاب كي لا تجدها يارا ، ثم وضع فقط الفستان الذي
اشتراه لها على الفراش و...

-أدهم: كده تمام أوي ، هي مش هايكون قدامها غير الفستان بتاعي عشان تلبسه ..
وابقوا خلوا الفساتين بتاعتكوا تنفعها

وبينما كان على وشك الخروج من الغرفة ، سمع أصوات أقدام تقترب من الغرفة
وهمهمات أتضح من أتقترابها أنها ليارا و...

-يارا من خارج الغرفة: بنت ال... بتصيع عليا ، وتبهدي الفستان ، الحمد لله اني
عندي غيره وإلا كان زمني موت بغيظي

-ادهم من داخل الغرفة: اوووبا ، اهوو ده اللي مكونتش عامل حسابه انها تبيج الوقتي
، طب أستخبي فين ؟؟؟ دي لو شافتي هنا مش بعيد تفضحني ، ممم... أعمل ايه الوقتي
؟؟؟

اختبى ادهم في الحمام الملحق بالغرفة ، بينما دلفت يارا لداخل غرفتها و..

-يارا: اوووف ، ال كنت ناقصاها ، الوقتي هلبس أنا ايه ؟؟ ممم.. او مال فين بقية
الفساتين ، انا كنت حطاهم هنا مع صباح ، يوووه ، اكيد صباح عانتهم ، طيب هي
حاطيتهم فين ؟؟ مش قدامي غير اني ألبس الفستان اللي ع السرير ده وخلص

-جاسر: ماما معلش أنا مضطر أمشي الوقتي

-ناهد: ليه بس يا بني ???

-جاسر: عندي استدعاء ضروري ومش هينفع مروحش

-ناهد: طب وهتسبب الحفلة واختك ???

-جاسر: معلش يا ماما ، ده سيادة اللوا بنفسه مكلمني

-ناهد: طب استنى لحد ما شاهي تطفى الشمع حتى

-جاسر: مش هينفع والله ، هاروح بس أشوف في ايه ، وبعد كده هبقى أباركلها ..

-ناهد: طب لو سألوا عنك هاقولهم ايه ???

-جاسر: العادي طبعا ، جاله استدعاء لشغله

-ناهد: ربنا يحميك يا بني ويحفظك

-جاسر: يا رب

كانت شاهي تبحث بجنون عن ادهم وما إن رأته خارج من الفيلا حتى جرت ناحيته
و...

-شاهي: ادهم ، يا أدهم

-أدهم: في ايه يا شاهي ???

-شاهي: شوفت اللي حصلي

-أدهم: حصل ايه ??

-شاهي: بنت الخدامين لامة كل الرجالة حواليتها ولما جيت اكلمها راحت مبهدلاني
وآآ...

-أدهم مقاطعاً: فكك من الحوار ده يا شاهي ، وتعالى نقطع التورته بقى

-شاهي: انت.. انت مش مصدقني؟؟؟

-أدهم: بصي يا شاهي ، أنا زهقت الصراحة من لعب العيال بتاعك ده ، كل شوية عمالة تعملي أفلام وحوارات ومعرفش ايه ودي قالت ودي عادت مرة مع رزان في النادي ومرة مع يارا في الفيلا، وفي كل الأحوال بتطلعي نفسك الملاك البريء المظلوم دائماً .. انا مش عارف انتي باللي بتعمليه ده عاوزة توصلي لايه بالظبط؟؟؟

-شاهي: هه

-ادهم: ريحي بالك كده ، وركزي أحسن في عيد ميلادك !

-شاهي: طب ... طب قولي انت جبتي ايه هدية عيد ميلادي؟؟

-ادهم: هه.. آآآ... هتعرفي بعدين ، تعالي يالا عشان تقطعي التورته

.....

-عدلي: انا عاوز أتكلم مع يارا شوية يا رأفت ، هي فين؟؟

-رأفت: بتغير هدومها وجاية

-عدلي: ماشي بس متنساش لازم أتكلم معاها

-رأفت: مش هاتقولي ليه؟؟

-عدلي: هه .. آآآ... أنا .. آآآ... يعني كنت عاوز أطمئن عليها وكده

-رأفت: ماشي ، ولو اني مش مقتنع باللي بتقوله ده ، اوعى يكون عندك عريس ليها ولا حاجة؟؟؟

.....

كان أدهم بصحبة شاهي في طريقهما إلى منصة تقطيع التورته حينما سمع والده يتحدث عن عريس ليارا و...

-ادهم في نفسه: عريس ليها !! لا مش معقول ، ده أنا كده مش هلحق أخذ فرصتي معاها.. والبت دي تغلبنى بالساهل كده من غير ما أعرفها أنا مين ، مش ممكن !!

-شاهي بضيق: شايف يا أدهم بتعمل ايه الزفتة دي

-أدهم: زفتة مين؟؟

-شاهي: اللي ما تتسمى ، أهي ، انا مش عارفة جابت الفساتين دي منين؟؟؟

-فريدة: البركة في عمك رأفت ، لولا أنه جابلها دول مكنتش لبست ولا عرفت طريق
الفساتين وكانت يدوب لبست مريئة الطبخ ع انها الفستان ..!!!!!!

.....

تأمل أدهم شكل يارا بالفستان الذي اشتراه لها ، كان يبدو وكأنه مفصلاً ومصمماً
خصيصاً لها ، بلي لقد خطفت أنظاره وقلبه ، وظل مشدوداً إليها و...

-عمر: الظاهر ان الفستان بتاعنا مالوش بخت يارا تلبسه ، أو لسه الدور مجاش عليه

-خالد: انا مش عارف هي هتلبسه امتى؟؟؟ ده الحفلة قربت تخلص

-عمر: ايه رأيك اروح اقطعها الفستان ده؟؟؟

-خالد: وله انت اتجننت!!!

-عمر: وأهو بالمره نشوفها لابسة ايه تحته

-خالد: الظاهر اني هفأعلك عنيك بدري بدري

-عمر: هيبيح .. ده كل فستان بتلبسه أناح من الثاني ، أوعدنا يا رب

.....

اقترب يارا من شاهي وتعمدت أن تثير غضبها و...

-يارا وهي تقلد شاهي في طريققتها : اووه ، انا مش عارفة أشكرك ازاى يا شاهي ،
لولا اللي عملتية ماكنش هيبقى عندي الفرصة إنى ألبس الفستان ده .. أوووه

-عمر: انتي بتتكلمي كده ليه؟؟؟

-يارا: بعوج بؤي زي شاهي

-عمر: لأ كده مش بتعوجي بؤك ، كده انتي جالك شلل !!

-شاهي: اوووف ، شايفة يا أنطي ؟؟؟

-فريدة: حسابك معايا يا رأفت بعدين ، بقى رايح تشتري للجربوعة دي فستان بالشكل ده

-أدهم: الصراحة الفستان تحفة عليكي

-يارا: شكراً ، البركة في عمي ، دايمًا مظبطني

-أدهم: عمك برضوه

-يارا: أه طبعاً ، اومال هتكون انت مثلاً ؟؟؟

-أدهم: مين عارف .. مش يمكن اطلع أنا اللي جايب الفستان !

-شاهي: أدهم ، انت بتقول ايه ؟؟؟

-أدهم: هه.. مافيش

-شاهي: طب يالا عشان أنا عاوزة أقطع التورته

-فريدة بصوت عالي : يالا يا جماعة ، هنقطع التورته

اجتمع الجميع حول التورته الموضوعه بالقرب من المسيح ، وبدأ الغناء يعلو لشاهي ، استغلت شاهي وجود يارا بالقرب منها فبدأت تتحرك تدريجياً ناحيتها ، وما إن أطفأت شاهي الشموع ، حتى بدأت في تقبيل الجميع وتلقي التهنئات إلى أن وصلت ليارا ، فأوهمتها أنها تتحدث إليها حتى تأكدت أنها تقف بالقرب من المسيح ثم دفعتها بكل قوتها لتسقط يارا في المسيح و....

-الجميع: هابي بيرزداي تو يو... هابي بيرزداي تو شاهي له

-شاهي: ثانكس يا جماعة

-فريدة: عيد ميلاد سعيد يا شوشو

-أفت: شاهي !

-عدلي: ايوه هي ، معلش اعذرني

-أفت: ولا يهملك ، وانت طيب وبخير ... و ألف سلامة للمدام يا عدلي

-عدلي : الله يسلمك يا رب

.....

في سيارة عدلي ،،

-رحاب: ليه خليتنا نمشي بدري يا عدلي

-عدلي: معلش يا رحاب ورايا حاجة مهمة لازم أتأكد منها ومكنش ينفع أستنى أكثر
من كده

-رحاب: نفسي تنسى الشغل ولو لـ 5 دقائق بس

-عدلي: ماينفعلش في الحاجة دي اني أنساها !!!!

-رحاب: أنا مش فهماك بصراحة

-عدلي: بعدين يا رحاب ..بعدين !!!

.....

عودة إلى الحفلة مرة أخرى،،

-أدهم: انتي اتجنني

-عمر: ايه اللي عملتیه ده ???

-ناهد: شالاهي

-خالد: لبيبيه كده

- فريدة: اوووه ، طبعاااا يا شاهي ، دي المناسبة الجاية أكيد
- شاهي: وأكيد هتكوني معزومة بس في المطبخ زيك زي أقل خدام عندنا ، لأنه ده المكان الطبيعي لأمثالك
- خالد بحددة : شاهي انتي اتجاوزتي حدودك
- فريدة: خالد ، ملكش دعوة ، هي بتقول الحقيقة !!
- خالد: حقيقة ايه يا ماما ، انها بتهزأبنت عمنا واحنا واقفين نتفرج ؟؟؟؟
- فريدة: دي مش بنت عمك ، دي بنت الخدمة !!!
- ناهد: بس يا شاهي ، عيب كده مايصحش
- شاهي مكلمة: بجد كانت فكرة حلوة ان أدهم يختار المكان ده بالذات عشان أعمل فيه عيد ميلادي ، عارفة ليه يا بتاعة انتي عشان أعرف اهزأك قصاد الناس كلها
- أدهم: انتي بتقولي ايه ؟؟؟
- شاهي: فكرك ان الحفلة اتعملت هنا مخصوص ليه ؟؟؟ عشان نعرفك قيمتك وسط الناس ، الفساتين مش هتغير حقيقتك !! هتعيشي وتموتي بنت خدمة !!!!
- يارا: انتو...انتو !! مش ممكن تكون بني آدمين !!
- فريدة: العقاب اللي يمشي مع أمثالك هو اننا نهزأك عمال على بطل قصاد الكل عشان يعرفوا انتي ايه ومكانك ايه ، وعمرك ما هتكوني واحدة مننا
- يارا: الحمدلله إن أنا مش واحدة منكم
- عمر: يارا !!
- يارا: أصلاً وجودي في البيت ده كان غلط من الأول !!!
- شاهي متجاهلة يارا : يالا يا جماعة نكمل الحفلة ، سيبكوا من كلام الشحاتين ده !!!

انصرفت يارا ودموعها على خدودها ، حاول عمر اللحاق به ولكنها رفضت أن تستمع له ، بينما عاتب خالد وأدهم شاهي على ما فعلت

-خالد: شاهي ، أنا مكونتتش أتخيل انك بالشكل ده ، ايه مافيش في قلبك رحمة ، بدل ما تقوليلها شكراً ع هديتها ومجاملتها ليكي تهزأيها بالشكل ده؟؟؟

-شاهي: اوووف

-أدهم: أنا مش مصدق انك تعملي كده يا شاهي؟؟

-شاهي: لأ صدق !! أنا قرفت من عمائلها و..آآآ

-أدهم: بجد انتي انسانة مش طبيعية ، حاسبي !!

-شاهي: رايح فين يا أدهم؟؟؟

-أدهم: ماشي

-شاهي: استنى بس يا أدهم ..

-أدهم: أنا تعبت من كده ، كان ممكن أعدي أي حاجة إلا انك تتعمدي عملي ده ، لأ وكمان تقولي اني شريكك في اللي حصل

-شاهي: يالا بقى أهو اللي حصل

-أدهم: انتي عارفة بكلامك ده عملتي ايه؟؟

-شاهي: سيبك منها ، وقولي فين هديتي؟؟؟؟

-أدهم: ملكيش هدية عندي ، انا أصلاً مفكرتش اجيبلك هدية

-شاهي: انت بتهزر صح؟؟؟

-أدهم: لأ طبعاً ، أنا بتكلم جد

-شاهي: بس..بس أنا شوفتك جايبلي فستان وآآ..

-أدهم: مكنش ليكي ، ده كان ليارا !!

-شاهي بصدمة وذهول : نعم ؟؟ لميييييييين ؟؟؟؟؟؟؟؟؟؟؟

-أدهم: ليارا !! ، وكان الفستان اللي هي لبساه ده !!!

.....

في غرفة يارا ،،،

دلقت يارا إلى غرفتها وهي تبكي بحرقة مما حدث و...

-يارا: وجودي هنا كان غلط من البداية ، أنا ليه أفضل أستحمل ده كله ، عشان خاطر مين؟؟؟ الواحد ممكن يسامح في أي حاجة إلا في كرامته ، دي عندي تساوي كنوز الدنيا كلها

-عمر من خارج غرفتها: يارارارار ... افتحي يا يارارارار

-يارا: ابعدي عني الوقتي يا عمر ، انا مش عاوزة أتكلم مع حد

-عمر: اهدي بس ، احنا عارفين ان شاهي بتاعة حركات ناقصة

-يارا: لو سمحت يا عمر ، انا عاوزة أقعد مع نفسي شوية

-عمر: طيب ، أنا هسيبك تهدي شوية وهرجعك تاني

.....

في الحديقة ،،،،

-رأفت: في ايه اللي حصل؟؟؟

-خالد: بابا انت كنت فين؟؟؟

-رأفت: مافيش كانت بوصل عدلي صاحبي ومراته للعربية ورجعت ، اومال الدنيا

سكتت كده ليه؟؟؟

-خالد: شاهي بوظت الدنيا

-أفت: عملت ايه؟؟؟

-خالد: وقعت يارا في البسين ، وهزأتها قصاد الناس وماما كانت مشجعاها ع الآخر !!

-أفت: ايبيه !! مش ممكن !!

.....

-شاهي: يعني انت مجبتليش هدية؟؟؟

-ادهم: ايوه ، أنا أصلاً نسيت اجيبك أي حاجة

-شاهي: ايبيه؟؟؟؟

-أدهم: كل اللي كان في بالي أجيب حاجة ليارا !!

-شاهي: لألألأ.. متقولش كده ، أنت عاوز بس تحرق في دمي وخلص

-ادهم: ولعلمك أنا مش لوحدي اللي عملت كده ، أخوكي وخالد وعمر اشتروا فساتين ليارا عشان تكون مبسوطه النهاردة ، يعني محدش فكر فيكي أصلاً !!

-شاهي: مش ممكن

-ادهم: انتي كنتي عاوزة حفلة ، واهي اتعملت ، كنت عاوزة لمة وأهي الناس جت وانفرجت بس عليكي انتي مش عليها

-شاهي: يا أدهم !

-ادهم مكماً : الكل الوقتي عرف انتي ايه ، واحدة مش بيهمها غير اهانة الناس والتعالى عليهم ، واحدة مهمهاش انها أهانت بنت عمنا وهي بتديها هدية عيد ميلادها !! يعني كأنها أهانتنا لأ والمصيبة في بيتنا !!!

-شاهي: أنطي فريدة هي اللي آآ... هي آآ

-أدهم: انتي ومما زي بعض ! وللأسف مش هتتغيروا !!! أنا كنت مفكر انك غيرها ، أه بتحاولي تقلديها في طريقتها لكن انتي طلعتي أسوأ منها !!!!

-شاهي: أنا .. أنا ...

-أدهم: أنا مش عارف أنا ليه بتكلم معاكي أصلاً!! وسعي من سكتي ، خليني أشوف اللي عملتيه !!! وروحي انتي هيصي مع ضيوفك ! عن أذنك

-شاهي: يا أدهم ماتسبنيش وتمشي .. أدهم .. يا أدهم !!!!!

ترك أدهم شاهي بمفردها ، وتوجه إلى داخل الفيلا ليتحدث إلى يارا ، ولكن عمر اخبره أنها ترفض الحديث الآن مع أي أحد و...

-أدهم: فين يارا ؟؟

-عمر: في اوضتها

-أدهم: انا طالع أتكلم معاها

-عمر: مش هترضى تسمعك أو ترد عليك

-أدهم: ليه ؟

-عمر: انا كنت لسه عندها وهي رفضت تتكلم معايا أو حتى تفتحي الباب ، وقالتي انها عاوزة تقعد شوية مع نفسها ، وأنا شوية وهطلعها تاني

-أدهم: ممم..

-عمر: وبعدين انت عاوز أصلاً تطلعها ليه ؟؟؟ مش كفاية انك ظبطت الليلة مع شاهي ؟ عاوز تحرق دمها بزيادة

-أدهم: وله ، اسكت خالص ، أنت مش فاهم حاجة

-عمر : لأ أنا فاهم كل حاجة ، انتو الاتنين اتفتتوا سوا ع يارا ، وعملتوها لعبتكم النهاردة ، نفسي أعرف استفدتوا ايه من ده ؟؟؟؟ غير بس انكوا كسرتوا بخاطرها وجرحتوها قصاد الكل

-أدهم بضيق: أنا معملتش حاجة !!

-عمر مكملًا: كل ده عشان فلتت من تحت ايدك

-ادهم وقد أمسك بياقة أخيه: اخرس ياله بدل ما أربيك

-عمر وهو يبعد يد أخيه : مش هخرس ، أنا هتكلم وأدافع عنها ومش هيهمني تعمل فيا ايه ، عارف ليه ؟؟؟ عشان أنا بحبها بجد من قلبي ومش بستحمل الهوا الطاير عليها ، ولو لا انك أخويا الكبير كنت ..كنت آآآ

-أدهم: انت بتقول ايه ؟؟؟ يعني ايه بتحبها ؟؟؟

-عمر: أيوه بحبها ، وأي حد هيتعرضلها أنا اللي هاقفله !!!

-ادهم: اطلع ياله ع أوضتك وسيبك من هبل العيال اللي بتقوله ده ، انت نسيت نفسك ، ده احنا لسه كنا بنغيرلك اللفة من كام يوم !!!

-عمر: لأ أنا مش عيل صغير

-ادهم وهو يدفع أخيه بقوة: امشي ع أوضتك !!!!

-رأفت مقاطعاً بحدة: ايه الكلام اللي بسمعه ده ؟؟؟

-أدهم: مافيش حاجة يا بابا

-رأفت: كل ده يحصل منك يا أدهم

-أدهم: انا معملتش حاجة

-رأفت: وانت يا عمر ؟؟؟ ايه الهبل اللي بتقوله ده

-عمر: ده مش هبل ، دي حقيقة

-ادهم: اطلع ع اوضتك يا عمر الوقتي

-رأفت: محدش هيطلع أوضته إلا لما احاسب كل واحد ع اللي عمله النهاردة وأولهم انت يا أدهم ... !!!!

.....

في الحديقة ،،،

حاولت فريدة أن تنهي أجواء الاحتفال بكل هدوء حتى لا يلاحظ أحد اضطراب الأجواء خاصة بعد أن علم رأفت بما حدث ليارا وتوعده لشاهي وأدهم بالرد الشديد على ما حدث

-فريدة: شرفتنا يا جماعة

-أحد المدعوين: شكراً يا هانم

-ناهد: نورتنا والله

-شخص ما: ميرسي يا ناهد هانم ، وكل سنة والآنسة شاهي طيبة وبخير

-ناهد: وحضرتك طيب

-فريدة: ها يا ناهد معظم الناس مشيت صح؟؟

-ناهد: ايوه؟؟؟

-فريدة: انا مش شايفة شاهي ولا أدهم ولا حد من الأولاد

-ناهد : مش عارفة راحوا فين

-فريدة: ربنا يستر ، رأفت وشه كان باين عليه انه ناوي ع مصيبة

-ناهد: اللي حصل ماكنش يصح يا فريدة ، شاهي أه بنتي بس غلطت ، وانتي شجعتها على ده ، لأ وكمان اتفقتوا مع أدهم ع كده !!

-فريدة: أنا مقولتش لشاهي تعمل كده ، أنا اتفاجئت باللي هي عملته

-ناهد: بس لومتها ع ده؟؟ لأ شجعتها وانتي عارفة كويس ان جوزك هيضايق ويزعل من اللي حصل ، ده غير الكلام اللي هيتقال في النادي ع اللي حصل

-فريدة: عادي ، يومين والناس بتنسى !!!

-ناهد: انتي شايفة كده

-فريدة: أه طبعاً ، محدش بيفتكر حاجة ، يالا خرينا بس نسلم ع بقية الناس بدل ما أحنا وافقين كده!!!!

.....

في غرفة يارا ،،،

قررت يارا أن تترك الفيلا ولأبد وبمعاونة عمر ..

-يارا في نفسها: أنا لازم اسيب الفيلا دي النهاردة ، مش لازم أستنى فيها ، لازم أرجع مطرح ماجيت ، كفاية أوي لحد كده ، بس هاخرج من هنا ازاي؟؟ مين هيقدر يساعديني في ده؟؟؟ ايوه ، مافيش إلا عمر ، هو الوحيد اللي هيقدر يساعديني ، أنا لازم اكلمه ، أيوه ، أنا ..أنا هطلبه ع الموبايل

.....

في غرفة المكتب ،،،

-رأفت: اتبسطت دلوقتي لما يارا اتهزأت قصاد الناس؟؟؟

-أدهم: ابدأ والله يا بابا ، ده أنا حتى بهدلت شاهي ع اللي عملته وآآ...

-خالد مقاطعاً: لأ الصراحة كتر خيرك

-رأفت: مفكرتش انها بني آدمة وليها مشاعر وأحاسيس وفوق ده كله يتيمة مالهاش حد إلا احنا !!

-أدهم: يا بابا آآ...

-رأفت: محدش طلب منك انك تجي جمبها ، ياخي شوفتيني جيت قولتلك حبها لأ والنبي روح اتجوزها !!

-أدهم: بابا انت بتقول ايه؟؟؟

-رأفت: أنا بقول اللي كان نفسي فيه ، كان نفسي يارا تتجوز واحد منكوا يا أنت يا خالد

-خالد: آآ.. بص يا بابا ، الحقيقة هو الموضوع ده مكنش في دماغى قبل كده .

-أدهم: هه ...

-عمر بضيق : واشمعنى هما ؟؟

-أدهم: بابا والله أنا مقصد أي حاجة من اللي حصلها ، أنا كنت واخدها في الأول مسألة تحدي معاها

-رأفت: واخدها مسألة تحدي ليه ؟؟؟ هتستفاد ايه ؟؟؟

-أدهم: آآآ...

-عمر متدخلًا : عشان كان نفسه تبقى واحدة من حريمه ، بس الحمدلله يارا طلعت غيرهم وفلنت منه

-خالد مقاطعًا : بابا أنا كنت فعلا قبل كده مش بفكر في الجواز ، لكن من ساعة ما شوفت يارا وأنا آآآ... آآ

-رأفت مكملًا : وأنت مستحلفلها !!

-خالد: لأ مش كده ، بس الحكاية اني كنت محتاج وقت اني آآ...

-رأفت: ماشي ، أنا عارف ان حلمي من لحظة ما يارا جت تعيش معانا هنا أنها تتجوز حد من العيلة وتفضل معانا على طول ، بس مش معنى كده اني أوافق انها تتبهدل وع أيد حد من عيالي

-خالد: لالالالا .. الموضوع فيه سوء فهم يا بابا

-أدهم: أيوه

-عمر متدخلًا في الحوار بصوت مرتفع : بابا أنا عاوز اتجوز يارا

-رأفت: ابيبيه ؟؟؟

-خالد: نعم يا زفت ؟؟؟

-أدهم: ما طلعتش من البيضة وعاوز تتجوز ، اتركن ياله على جمب !!!

كانت فريدة على وشك الصعود إلى غرفتها حينما سمعت طلب عمر ، فأسرعت إلى
غرفة المكتب و...

-فريدة مقاطعة : ابييه اللي بسمعه ده يا عمر ؟؟؟

-عمر: أنا عاوز أتجوز يارا ، أنا بحبها ، أنا هحميها من أي حاجة

-رأفت: ولد انت اتجننت !!

-عمر: لأ أنا ماتجننتش أنا بحب يارا أوي ، وهتجوزها حتى لو عرفي

!!!!

.....

الحلقة السابعة والأربعون :

في غرفة المكتب ،،،

-عمر : أنا عاوز أتجوز يارا ، أنا بحبها ، أنا هحميها من أي حاجة

-رأفت: ولد !! انت اتجننت ؟؟؟

-عمر: لأ أنا ماتجننتش أنا بحب يارا أوي ، وهتجوزها حتى لو عرفي ...!!!

-فريدة: انت اتجننت ؟؟ ايه الكلام الي بتقوله ده ؟؟؟

-خالد: ابن امبارح بيقول عاوز يتجوز لأ وعرفي كمان !!!!

-أدهم: ده انت شاحت كل مصروفك مني !! عاوز تتجوز يا حيلتها ، لولا بابا وماما

كان زمانك سامع كلام مايتوصفش !!!!!!!

- رأفت: والله لو كنت كبير شوية يمكن ..يمكن كنت جوزتهالك
- عمر: طب ما أحنا فيها ، هو الفرق بينا كام سنة يعني ؟؟؟ 3 ، 4 ولا 5 حتى ، مش كتير أوي يعني ، وبعدين مش دي القضية !
- خالد: يا سلااااام ، بقى مش دي القضية ، طب وناوي ان شاء الله تصرف عليها منين ؟؟؟
- أدهم: من جيبنا طبعاً !! هو البيه حيلته حاجة
- عمر: لو سمحت أنا مسمحش ان حد يصرف على مراتي غيري
- ادهم: أوام عملتها مراتك !!
- خالد: لأ راجل ياض
- رأفت: بس كلكوا ، بطلوا هبل
- عمر: سييوني أجرب حظي معاها ، أنا الوحيد اللي حاسس بيها ، وهي كمان حاسة بيا
- فريدة: حتى الواد صغير لفيت عليه يا بنت الشغالين
- رأفت بحدّة: بسسسسسس .. فريدة كام مرة أقولك متقوليش عليها كده ؟؟؟
- عمر: أنا مش صغير يا ماما ، أنا راجل
- أدهم: بس ياله ، تحب أجيبك المشمع من ع السرير ؟؟؟
- رأفت: فريدة لأخر مرة بحذرك ، يارا خط أحمر متجيش جمبها ، دي بنت أخويا ، فاهمة بنت أخويا !!!!
- فريدة: أنا بقول الحقيقة اللي انت بتنكرها ، دي بنت الخدمة بتاعتي ، عارفها !!! عاوز الوقتي تجوزها لحد من عيالي ، دي ..دي بنت شوارع ، دي تربية خدامين كل وظيفتها انها توقع الرجالة وبسسس
- رأفت وهو يصفع فريدة : اخرسي !!!!!!!
- أدهم بصدمة : بابا !!!

-خالد بضيق : بابا، ايه اللي بتعمله ده

-فريدة بغضب: انت بتضربني عشاتها؟؟؟ بتضرب مراتك عشان واحدة من يوم ما جت عندنا جابت الخراب لينا

-رأفت وهو يحاول ان يضرب فريدة مرة أخرى : وأموتك كمان

-فريدة: بعد العمر ده كله بتمد ايدك عليا ، ولسه ياما هنشوف طول ما الزفتة دي معانا!!!!

-رأفت: ده اللي كان المفروض أعمله من زمان

-أدهم: ازاي تمد ايدك ع ماما يا بابا؟؟؟

-فريدة: شايفين أبوكو؟؟ هانت عليه كل حاجة وبيمد ايده عليا !!

-رأفت: وأموتك يا فريدة لو اتكلمتي عليها نص كلمة

-فريدة: أهو ده اللي كان ناقص

-خالد: دي مش طريقة تفاهم يا بابا ، كله إلا كده!

-رأفت: غلبت أفهمك واقولك ان دي بنت اخويا ويتيمة .. اخويا رفعت اللي ضحي بحياته عشاني ، نسيتي كل ده وفاكرة بس انه اتجوز خدامة ، نسيتي ان لولاه كان زماني أنا مكانه؟؟؟

-خالد: ايه اللي بتقوله ده يا بابا؟؟؟

-فريدة: أخوك هو اللي اختار بمزاجه يعمل ايه ، ولأ مش هنسى انها بنت خدامتي ، ايوه خدامتي اللي كنت بعطف عليها ، عرفت ازاي تلف ع أخوك وتساوي راسها براسي ، وده اللي بنتها جاية تعمله الوقتي مع عيالي ، حتى أصغرهم !!

-عمر: ماما يارا مالهاش دعوة بده كله ، أنا بحبها من قلبي

-ادهم: وجع في قلبك ، مش شايف أبوك وأمك بيتخانقوا وتقولي بحب البت دي

-رأفت: وفيها ايه لو اتجوزت حد من العيال؟؟؟

-فريدة: فيها ايه ؟؟؟ فيها انك بتعمل اللي اخوك عمله وتخلي الشغالين راسهم براسي
!!! أه لو بابا كان عايش مكنش سمح بده كله

-عمر: ماما بظلي تتفرجي ع فيلم الأيدي الناعمة كثير ، الزمن ده خلص من قرن !!

-رأفت: ولعلمك بقى أنا هدي ليارا أكثر من حقها وزيادة ، واللي عندك اعلميه

-فريدة: انت واحد مفتري ونسيت كل حاجة عملتها عشانك ووقفتي معاك وعاوز
تضيع ده كله وتديه للي ماتسواش

-رأفت: اه ، أنا مفتري ، و كلمة كمان وهتشوفي الوش الثاني يا فريدة !!!

-فريدة ببكاء: شايف يا أدهم ابوك؟؟ شايف يا خالد؟؟ ع آخر الزمن امك بتتهان قصاد
عينكم ومحدث فيكو بيتكلم !!!

-شاهي من خارج الغرفة : أنطي فريدة ، مالك بتعطي ليه؟؟؟

-ناهد: خير يا جماعة في ايه اللي حصل

-فريدة: تعالي يا ناهد شوفي اللي بيحصلي ع آخر الزمن

-ناهد: طب اهدي بس يا فريدة

-شاهي: مالها أنطي فريدة يا ادهم؟؟؟

.....

ثم رن هاتف عمر ، فوجد أن المتصل هو يارا ، فانسحب بهدوء من الغرفة ليجيب
عليها و...

-عمر هاتفياً: ألووو .. أيوه يا حبيبتي

-يارا: عمر أنا عاوزاك

-عمر: وأنا كمان والله

-يارا: طب اطلعلي يا عمر بسرعة من غير ما حد يحس بيك

-عمر: اوك ، هتلاقيني قصادك

التفت عمر ليجد أن الحوار مازال دائراً في المكتب بين أفراد عائلته ، فتوجه على الفور إلى غرفة يارا

.....

في غرفة يارا ،،،

طرق عمر باب الغرفة ، ففتحت له يارا وادخلته وتأكدت من أن احداً لا يتبعه ثم ...

-يارا : عمر أنا عاوزة أهرب من هنا

-عمر: ايبيه؟؟

-يارا: وعاوزاك انت اللي تساعدني في ده

-عمر: انتي بتقولي ايه

-يارا: أنا ماينفعلش أقعد في البيت ده أكثر من كده ، أنا لازم أهرب من هنا فوراً

-عمر: بس... بس آآآ

-يارا: عمر انت الوحيد اللي فاهمني في البيت ده وعارف أد ايه انا بتعذب بوجودي

هنا ، يرضيك أفضل كده ملطشة للي يسوى واللي مايسواش؟؟؟

-عمر: لأ طبعاً ميرضنيش ، وبعدين أنا موجود جمبك أقدر أحميكي منهم

-يارا: أنا عارفة ده يا عمر ، بس انت ..انت لوحدك

-عمر: لأ أنا مش لوحدني أنا معايا ربنا

-يارا: ونعمة بالله ، بس مش هينفع أفضل هنا أكثر من كده ، أنا هاموت لو فضلت

اعدة أكثر من كده هنا ، يرضيك ده يا عمر؟؟ يرضيك اني أموت؟؟؟

-عمر: بعد الشر عنك إن شاء الله البت شاهي

-يارا: انت أقرب حد ليا في البيت ده ، أرجوك يا عمر ساعدني أهرب من هنا ، صدقني أنا مش عاوزة حاجة ، صدقني والله ، أنا هاسيب كل حاجة ، أنا همشي بالهدمة اللي عليا ، بس أخرج من هنا

-عمر وقد أخذ يفكر فيما تقوله : ممم...

-يارا: عمر وجودي كل يوم هنا بيدمرني نفسياً ، أنا هرجع من مكان ماجيت ، هاعيش حياتي وهنسى الفترة دي من عمري ، مش هفتكر بس إلا انت

-عمر: بس يا يارا أنا ...أنا بحبك

-يارا: انت لو بتحبني بجد مش هترضى ان حد يتعرضلي بكلمة ، فمابالك بقلة قيمة وتهزيق

-عمر: ماشي يا يارا ، أنا موافق اني أساعدك

-يارا: ربنا يخليك ليا يا عمر ، انت بجد أنقذت حياتي من الجحيم اللي هنا

-عمر: انا يهمني يا يارا انك تكوني مرتاحة وبعيدة عن أي أذى

-يارا: أنا قولت من الأول انك الوحيد اللي هتقدر تساعدني

-عمر: طيب بصي عشان محدش ياخذ باله خليكي قافلة ع نفسك، و جهزي نفسك واستني مني تليفون ، وأنا هتصرف وأخرجك من هنا

-يارا: ماشي

-عمر: ولو حد جه يكلمك ، أي حد ، قوليله انك تعبانة وهتتلمي معاه الصباحية

-يارا: تمام

-عمر: وخليكي مستعدة لاتصالي

-يارا: أوك

-عمر: ممم.. أنا هكلم رامي وهنتصرف

-يارا: عمر أنا مش عارفة أقولك ايه ، بجد انت فعلا راجلي اللي في البيت ده

-عمر: ياما كان نفسي أبقى راجلك طول العمر

-يارا: انت هتفضل كده دايماً في نظري

-عمر: طب يالا جهزي نفسك اوام

-يارا: حاضر

.....

في غرفة فريدة ،،،

-ناهد: انتي السبب في اللي حصل ده يا شاهي

-شاهي: أنا السبب ازاي يا مامي؟؟

-ناهد: لو مكوناتيش وقعتي يارا كان زمان الليلة عدت ع خير

-شاهي: والله هي اللي جلبت لنفسها ، وأنا معملتش حاجة ، ماشي !!

-ناهد: أنا لازم أبلغ جاسر باللي حصل

-شاهي: مامي مش لازم يعني يعرف

-ناهد: لأ لازم يعرف ، ولا عاوزاه يتفاجيء لما حد يجي يعاتبه؟؟؟؟

-شاهي : يوووو !! والله هو لو عرف هيجي عليا أنا ومش هيلوم السنكوحة دي

-ناهد: بكرة الصبح هنرجع فيلتنا ، قعاد أكثر من كده هنا معدتش ينفع !!

-شاهي : اووف

.....

في غرفة المعيشة ،،،

-فريدة: يرضيك يا أدهم اللي حصلني؟؟

-أدهم: لأ طبعاً يا فيرووو

-فريدة: شايف أبوك عمل فيا ايه وانتو موجودين ، أو مال لو لوحدنا كان ممكن يموتني
! وكله بسبب البت دي

-أدهم: ماما أنا تعبت وزهقت من الحكاية دي

-فريدة: وأنا أكثر منك ، نفسي أفتح عيني وألاقي البت دي طلعت منها ، نفسي
ملاقيهاش قصادي ، نفسي يجيلها حديطلع عينها وعين اللي جابوها ع كل حاجة هي
عملتها فيا

-أدهم: ممممم...

-فريدة: انت مش عارف يا ادهم امها عملت فيا ايه زمان ، وبنتها جاية تعيد ده تاني
معاكو ، أمها دي كانت عاوزة تخرب بيتي أنا وأبوك ، فاهم؟؟ كانت بترسم ع أبوك
وأنا اللي كنت بقلها

-أدهم: ايه اللي بتقوليه ده يا ماما؟؟

-فريدة: الحقيقة اللي أبوك مش عاوز حد فيكو يعرفها ، بنت الخدمة نجاة كانت
راسمة ع ابوك في الأول ولما ما ادهاش ريق حلو ، دارت على عمك وضحكت عليه ،
أمها أصلاً ماشيها كان بطل

-أدهم: ماما .. بلاش الكلام ده !!!

-فريدة: دي الحقيقة ، ولو مش مصدقني تقدر تسأل ناهد اختي هي هتأكدك كلامي ..

-أدهم: أنطي ناهد !!!!

-فريدة: وزى ما أمها عملت مع أبوك ، البت دي بتعمل معاكو ، بتخرب عليكو كلكو ،
داخلة عليكو من سكة انا يتيمة وبنيت عمكو ومش طمعانة في حاجة وهي بتلف ودور
عليك أنت وأخوك ، حتى عمر الصغير اللي لسه مايعرفش حاجة قدرت تضحك ع عقله

...

-أدهم: هه

-فريدة: والله أعلم ناوية ع ايه تاني ، هي الوقتي عارفة ان ابوك غلبان وطيب ويمكن تقنعه انه يكتبلها كل أملاكنا ولا الفيلا كمان ، مش بعيد تلاقيها بعد كده طردتنا من الفيلا !!!!

-أدهم: ماما الكلام اللي بتقوليه ده مايخشش العقل

-فريدة: عشان انت مش شايف الحقيقة اللي انا شايفها ، يوم ما البت دي مش هتلاقي منك انت ولا اخوك راجي هتدور ع حد تاني

-أدهم: ايه ؟؟

-فريدة: ايوه ، هي كل همها الفلوس وبس .. انت أو أخوك ايه بالنسبالها غير كنز فلوس ماشي ، طب...طب فكر معايا كده ، انت واحد محبوب من كل البنات ، أقل واحدة تتمنى منك نظرة رضا ولا حب ، هي عارفة كويس انك بتحب البنات وبتعاملهم كويس ، هي حبت تلفت نظرك ، فعملت ايه ؟؟ اتجاهلتك فخليتك تركز معاها

-أدهم: مممم..

-فريدة: تفتكر هي لو كانت بتكلمك زي ما بتكلم الكابتن سليم ولا غيره من اللي نعرفهم او منعرفهمش كانت هتفرق معاك ؟؟

-أدهم: لأ

-فريدة: هي عرفت تلعب ع الحتة دي عشان تشدك ليها ، وبالنسبة لأخوك خالد ، ده بقى مالوش غير في الشغل وبس

-أدهم: ايوه ، هو مش بتاع حب وكلام من ده

-فريدة: هي بقى دخلتله من سكة الشغل ، رسمت ع أبوك انها عاوزة تتعلم الشغل وتدرّب على ايد خالد ، طب ما كان ممكن تدرّب على ايد اي حد تاني ، اشمعنى خالد بالذات ؟؟؟

-أدهم: أها

-فريدة: عشان خالد بتاع شغل ، واكيد هتلفت نظره لما يلاقيها زيه بتاعه شغل ، تقدر تقنعي في واحدة المفروض عندها أملاك تستحمل بهدلة واهانة من أخوك في الشغل إلا ان كانت راسمة عليه هو الثاني

-أدهم: أه صح ، محدش فعلاً بيستحمل خالد في الشغل، أنا كنت مستغرب هي ازاي مستحمله

-فريدة: كل دي خطط رسمتها مع جدتها عشان توقعكوا في شباكها !! وأخرتها أخوك اللي مايعرفش حاجة ضحكت عليه ولعبت بمشاعره وخليته زي الخاتم في صباعها
-أدهم: هه

-فريدة: وأهي تكون بده ضمنت أن الكل حواليتها ، وتقدر تتجوز أي حد فيكو وتكوش ع كل حاجة .. ماهي مش معقول تطلع من المولد بلا حمص
-أدهم: لأ مش معقول

-فريدة: طب ركز كده يا أدهم ، من يوم ماهي جت هنا وحال البيت ده اتشقلب !!
-أدهم: أنا.. أنا ..

-فريدة: بكرة تلاقيا لو معرفتش ترسم ع حد فيكو تلف وتدور ع جاسر اخو شاهي
-أدهم: نعم؟؟ جاسر؟؟؟

-فريدة: ايوه ، ماتستبعدش أي حاجة!!!!

-أدهم بتوعد : لو اللي بتقوليه ده صح يا ماما ، يبقى أنا مش هرحم البت دي ،
وهاعرف ازاي اطلع منها القديم والجديد !!!

.....

نسق عمر مع صديقه رامي بحيث ينتظرهم بجوار الفيلا ، ثم اتصل بيارا هاتفياً حنما
تأكد من عدم وجود أي أحد و...

-عمر هاتفياً: الووو ، أيوه يا يارا

-يارا: ها يا عمر؟؟؟ ايه الاخبار

-عمر: كله تمام ، الجو عندي هادي ، عاوزك تتسحبي وتطلعي من باب أوضتك ع باب
المطبخ اللي بيطل ع الجنينة الورانية ، هتلاقيني مستنيكي هناك

-يارا : اوك

بالفعل خرجت يارا من غرفتها ، ومشيت بهدوء إلى أن وصلت للمطبخ ، ثم فتحت الباب الخلفي وتوجهت إلى الحديقة الخلفية

-عمر هامساً : بسس.. بسسس

-يارا وهي تلتفت : هه

-عمر مشيراً بيده إليها : ياراااا .. أنا اهوو

-يارا وقد توجهت ناحيته : ايوه يا عمر

-عمر وهو يعطيها سويت شيرت أسود اللون : خدي ده يا يارا

-يارا: ايه ده ؟؟

-عمر: ده سويت شيرت البسيه وغطى وشك ، وتعالى ورايا

-يارا : اوك

-عمر : بسرعة من هنا

-يارا: احنا هنعمل ايه بالظبط

-عمر: بصي احنا هنط من ع السور اللي من ورا ، أنا دايماً بزوغ من الحتة دي ،
وبعدين رامي هيكون مستنينا بره ، هخليه يوصلنا لمحطة السوبر جيت ومن هناك
تاخدي أول تذكرة وترجعي ع الغردقة

-يارا بفرحة : أنا مش عارفة اقولك ايه ؟؟

-عمر: خلي الأحضان والبوس أما نوصل المحطة ان شاء الله ، أهم حاجة الوقتي
اخرجك من هنا !!..

-يارا: اوك

.....

في احد نقاط التفتيش بطريق القاهرة الغردقة ،، ،

كان جاسر متواجداً مع عدد من زملائه في نقطة التفتيش للقيام بمهمتهم في تأمين الطريق خاصة بعد أن اعتذر احد من الحضور لظروف طارئة و...

-يوسف: معلى يا جاسر بيه جنبناك في يوم اجازتك

-جاسر: وده ينفع برضوه يا يوسف بيه ، حتى الأجازة مش عارفين نتهنى بيها

-يوسف: هنعمل ايه بس طارق مراته بتولد فاعتذر ، ومكنش في بديل نجيبه تاني ، ان شاء الله هنعوضك

-جاسر: هو في حد بيتعوض برضوه يا يوسف بيه؟؟

-يوسف: انت عارف ان شغلتنا دي مالهاش لا اجازات ولا مواعيد ، دي ضريبة خدمة الوطن !

-جاسر: ايوه

-يوسف: بص الشغل في المعاد ده بيبقى رايق ع الاخر ، كل اللي جاي أو راجع بيبقى يا طالع يصيف يا راجع من المصيف

-جاسر: اها

-يوسف بغمزة: ممكن نقابل وفد سياحي آآ.. انت عارف بقى ، مليون مزز وكده وتبقى الليلة طرية

-جاسر: مميم

-يوسف: وممكن نقابل واد سيس من اياهم ضارب سيجارة بني متلغمة ويقل ادبه وآآ...

-جاسر مقاطعاً: متقلش انا واخذ ع كده

-يوسف: طب حلو اوي ، واحنا سهرتنا للصبح ان شاء الله ، ومتقلقش هتشوف العجب هنا

-جاسر: يا مهون

-يوسف بصوت مرتفع: فتشلي المكروباص اللي راكن هناك ده يا أمين

-أمين الشرطة : حاضر يا باشا ، يالا يا رجالة !

.....

في محطة السوبر جيت ،،،،

أوصل عمر يارا إلى محطة السوبر جيت ، ثم حجز لها تذكرة ذهاب إلى الغردقة و..

-عمر وهو يعطيها التذكرة : اتفضلي يا يارا ، تذكرتك اهي

-يارا: شكراً يا عمر

-عمر وهو يقدم لها بعض النقود : وخدي دول كمان

-يارا: ايه دول ???

-عمر: دي فلوس خليها معاكي

-يارا: بس أنا مش محتاجة لكل ده

-عمر: خليهم بس معاكي ، لحد ما توصلي بالسلامة وبعد كده ماترديهومش

-يارا: عمر !! أنا مش عارفة أقولك ايه???

-عمر: متقوليش حاجة ، أنا أهم حاجة عندي انك تكوني بخير

-يارا وهي تصافح عمر: بجد أنا عمري ما هقابل حد زيك كده في طبيبتك وأخلاقك دي

-عمر: بس بقى عشان ان دمعتي قريبة ، وهي خلاص قربت تفر من عيني !!

-يارا: دايمًا هأكون ع اتصال بيك عشان اطمن ع أحوالك

-عمر: وأنا ان شاء الله هحاول أتصرف واجي اسأل عليكي

-يارا: بأمر الله

-عمر: طب يالا عشان متأخريش ، ميعاد الباص جه

-يارا: اوك

-عمر: يارا !!!

-يارا: أيوه ???

-عمر: هتوحشيني أوي !!

-يارا: وانت كمان يا عمر

-عمر: خدي بالك من نفسك

-يارا: حاضر ، وانت كمان انتبه ع دروسك وتدريباتك

-عمر: ماشي .. لا إله إلا الله

-يارا: محمد رسول الله

-عمر: مع السلامة يا يارا !

-يارا: سلام يا عمر ...

ركبت يارا الاتوبيس المتجه إلى الغردقة ، ووقف عمر يودعها والدموع تترقق في عيني كل منهما .. كان عمر يشعر أنه فقد جزءاً قد ملاً فراغ كبير في حياته ، ويارا شعرت أنها فقدت انساناً حانياً عليها ..

.....

في نقطة التفتيش بالطريق ،،،،،

وصل الاتوبيس بعد ساعة من انطلاقه إلى نقطة التفتيش و...

-يوسف: أنا طالع اشوف الاتوبيس ده ، وانت شوف العربية اللي وراه يا جاسر بيه

-جاسر: عنك يا يوسف بيه ، أنا هطلع افتشه وخليك انت مرتاح

-يوسف: اوك

-جاسر بصوت مرتفع: اجهز يا عسكري منك ليه ، فتش الاتوبيس ده حته حته ، مش

ناقصين يكون في حد ارهابي متنيل مستخبي فيه

-العسكري: حاضر يا باشا

تعرفت يارا على صوت الضابط الذي ينادي على العساكر في الأسفل ، وايقنت أنه هو
حينما رآته

-يارا برعب : لأ مش ممكن ده... ده جاسر!!!!!!

.....

الحلقة الثامنة و الأربعون :

في نقطة التفتيش بطريق القاهرة الغردقة ،،،،،

وصل الاتوبيس بعد ساعة من انطلاقه إلى نقطة التفتيش و...

-يوسف: أنا طالع اشوف الاتوبيس ده ، وانت شوف العربية اللي وراه يا جاسر بيه

-جاسر: عنك يا يوسف بيه ، أنا هطلع افتشه وخليك انت مرتاح

-يوسف: اوك

-جاسر بصوت مرتفع: اجهز يا عسكري منك ليه ، فتش الاتوبيس ده حته حته ، مش

ناقصين يكون في حد ارهابي متنيل مستخبي فيه

-العسكري: حاضر يا باشا

تعرفت يارا على صوت الطابط الذي ينادي على العساكر في الأسفل ، وايقنت أنه هو
حينما رآته

-يارا برعب : لأ مش ممكن ده... ده جاسر ..!! أعمل أنا ايه الوقتي؟؟ ده ..ده لو
شافني هنا مش..مش بعيد آآ..يرجعي تاني ليهم .. للألأ .. مش لازم يشوفني ، طب
أتصرف ازاي؟؟ أحسن حاجة أعطي وشي كده واعمل نفسي نايمة كده ، وربنا يستر
بقي !!

.....

في فيلا رأفت الصياد ،،،

عاد عمر من الخارج وعلى وجهه الحزن و..

-عمر: بجد البيت هيبقى قبر من غيرك يا يارا ، كان غصب عني اني أسيبك تمشي بس
هاعمل ايه ، مش هستحمل تتعذبي هنا ، ومحدث هيدافع عنك غيري

كانت شاهي تقف في الشرفة تتحدث هاتفياً مع رزان حينما لمحت عمر يدلف لداخل الفيلا و...

-شاهي هاتفياً: طبعاً ، أنا كنت ناويالها ع أكثر من كده ، بس لأجل بختها نفدت مني

-رزان: الصراحة الكل في النادي وع الواتس بيحكوا عن اللي حصل ، بس مقولتليش أدهم جابلك ايه ؟؟

-شاهي بتردد: آآ.. جابلي حاجة ماتتوصفش

-رزان: ايه هي يعني ؟

-شاهي وقد لمحت عمر : هه.. هي عبارة عن آآ... الله ! مش ده عمر ؟؟؟ أيوه هو

-رزان: عمر مين ؟؟؟

-شاهي: بقولك ايه يا روزا ، أنا هقفل دلوقتي واكلمك بعدين

-رزان: ليه في ايه ؟؟

-شاهي: بعدين ، بعدين

رأت ناهد ابنتها وهي تدلف من الشرفة وترتدي ملابسها وتتجه لخارج الغرفة فاستوقفتها و

-ناهد: في ايه يا شاهي ؟؟ رايحة فين ؟؟

-شاهي: رايحة أشوف عمر

-ناهد باستغراب: عمر مين ؟؟؟

-شاهي: عمر أخو ادهم

-ناهد: وتشوفيه الوقتي ليه ؟؟؟

-شاهي: أصلي لمحتة راجع من برا ، فعاوزة أعرف كان فين

-ناهد: ملكيش دعوة يا شاهي ، سيببه في حاله

-شاهي: لأ طبعا مش هاسيبه ، اصل خروجه ورجوعه الوقتي من بره مش مريحني ،
حاسة ان وراه حاجة

-ناهد: شاهي ، كفاية أوي اللي حصل النهاردة ، ده خالتك كان ممكن تطلق في اللي
حصل ، واحنا كان ممكن نطرد من الفيلا بعد اللي عملتبه لكن جوز خالتك طلع راجل
ابن اصول ومحترم ومكلمناش بكلمة واحدة

-شاهي: يوووو ، مامي ! أنا عارفة أنا بعمل ايه

-ناهد: انتي مش عارفة حاجة خالص !!!

-شاهي: بعدين نتكلم

أسرعت شاهي في خطواتها لتلحق بعمر ثم استوقفته و...

-شاهي: كنت فين يا عمر

-عمر: وانتي مالك !!!

-شاهي: لأ مالي ونص

-عمر: بقولك ايه ابعد ع السعادي عشان أنا مش فايقلك خالص

-شاهي: مش هابعد عنك غير لما أعرف انت كنت فين ???

-عمر: استغفر الله العظيم يا رب ، يا بنتي حد مسلطك عليا ، خليني أطلع أوضتي
أرتاح

-شاهي بصوت مرتفع: ترتاح من ايه يا عمر ، انت ليه مش عاوزني أعرف انت كنت
فين ، ولا خايف حد يعرف في الفيلا انك خرجت من غير ما يعرفوا

-عمر: والنبي علي صوتك أكثر لأحسن اللي فوق لسه ماسمعوش

.....

في غرفة المعيشة ،،،

-سمعت فريدة وأدهم صوت شجار بين عمر وشاهي بالخارج و...

-فريدة: ايه صوت الزعيق اللي بره ده

-أدهم: ده عمر بين مع شاهي

-فريدة: طب تعالى نشوف في ايه بيحصل بره

-أدهم: اوك

.....

في غرفة المكتب ،،،

استمع رأفت مع خالد لصوت شاهي العالي واشتباكها مع عمر ، فخرجا من الغرفة ليعرفا السبب و...

-خالد: مكنش يصح يا بابا انك تمد ايدك ع مامام مهما كان

-رأفت: امك خرجت الواحد عن شعوره

-خالد: كنت اصبر عليها شوية

-رأفت: اصبر عليها لحد ما تخلي البنت تنتحر ولا تعمل حاجة في نفسها ، امك هتفضل طول عمرها كده ومش هتتغير

-خالد: ايه الصوت اللي بره ده

-رأفت: تعالى نشوف في ايه

-خالد: ده عمر مع شاهي

.....

في نقطة التفتيش بالطريق ،،،

-جاسر بصوت مرتفع : نزل الناس كلها اللي في الباص ده وفتشوه كويس ، وخذ بطايق الكل واكشف عليها

-العسكري: تمام يا فندم

-جاسر: شوفلي العربية الملاكي اللي هناك دي يا أمين

-أمين الشرطة : حاضر يا فندم

بالفعل أنزل العساكر كل من كان يوجد بالاتوبيس وحاولت يارا قد المستطاع أن تتوارى عن الأنظار ، كانت تتابع جاسر بعينها ، وكلما كانت تشعر أنه يمكن أن يراها تختفي من أمامه فوراً و...

-يارا في نفسها: استر يا رب ومايشوفنيش ، الحمدلله انه ملبوخ ومش مركز معانا وإلا كان زمانه شافني ، الحمدلله يارب

.....

عودة إلى فيلا رأفت الصياد مرة أخرى ،،،

-رأفت مستفهماً : يعني ايه كنت مع يارا وانت لسه راجع من بره

-أدهم: انت أهبل يا ض

-خالد: وبعدين فين يارا ???

-شاهي: ده كداب يا أنكل

-ناهد: كفاية بقي يا شاهي اللي بتعمله ده !!!

-شاهي: لا يا مامي لازم الكل يعرف ان البت دي خلت عمر الكيوت المحترم يتعلم الكذب

-عمر: أنا مش كداب ، وبطلني بقى تتكلمي كده عن الناس وتتهميهم بالباطل

-فريدة: ولد اتكلم عدل مع اللي اكبر منك !!

-عمر: هي عشانها أكبر مني يبقى من حقها انها تتهمني بالكذب وانتو ع طول تصدقوها من غير ما تسمعوني ، انتو بالظبط بتعملوا معايا زي ما بتعملوا مع يارا ، اقسم بالله البت ليها حق تطفش من هنا

-رأفت: بتقول ايه؟؟

-خالد: تطفش

-عمر: والله ده ربنا بيحبها عشان نجدها مننا

-رأفت: فين يارا ؟؟ اتكلم يا عمر ؟؟ هي فيبييين؟؟

-خالد: أنا هطلع أشوفها في أوضتها

-عمر: ماتتعبش نفسك ! مش هتلاقيها !!

-رأفت: عمر ، انطق ! فين يارا ؟؟؟

-عمر: مش قايل ، بس اللي عاوزكوا تعرفوه اني هربتها من هنا

-أدهم: هربتها ؟؟؟

-فريدة في نفسها: خير ما عملت !

-رأفت: يعني ايه هربتها ؟؟؟ اتكلم !!!

-عمر: كل يوم وجودها معانا كان بيدمرها نفسياً ، انا مش هفضل أقف اتفرج عليها وهي بتتهان من كل واحد فينا شوية

-خالد: انت اتجننت ازاي تعمل كده

-ناهد: مبسوطة دلوقتي أما ولعتيها بزيادة

-شاهي: أنا ..أنا

-رأفت لشاهي: انتي أوس البلاوي كلها يا شاهي

-شاهي: يا أنكل ..آآآ

-فريدة: رأفت مايصحش يا رأ...

-رأفت مقاطعاً: ده بدل ما تكوني اخت ليها ، عمالة تنفذي اللي فريدة تقولك عليه بالنص ، لأ وكمان طفشتيهالي من هنا !!!

-ناهد: احنا أسفين يا رأفت ع اللي حصل ، وهنلم حاجتنا ونمشي الوقتي

-فريدة: ايه الكلام اللي بتقوليه ده يا ناهد ، تمشوا ايه السعادي

-ناهد: معدتش ينفع نقعد أكثر من كده هنا

-شاهي: يالا يا مامي

-خالد: لأ محدش هيمشي

-رأفت: يا ناهد هانم وجودك هنا على عيني وراسي ، لكن عمايل بنتك خلتنني مش طايق أبص في وشها بصراحة

-ناهد: انت عندك حق وأنا هاخذ بنتي وأمشي

-أدهم: بابا !! قول حاجة

-رأفت: الصباح رباح يا ناهد هانم

-شاهي: يالا يا مامي .. احنا بنطرد عشان بندافع عن الأصول والتربية

-عمر: في داهية

-فريدة: بتطردوا ايه ، رأفت لو ناهد وبنتها خرجوا من الفيلا الوقتي أنا هخرج معاهم ومش راجعة تاني

-أدهم: بابا ، لازم تمنعم يمشوا

-رأفت مستسلماً: محدش هيمشي من هنا الوقتي

-ناهد: بعد اللي اتقال ده آآآآ...

-رأفت مقاطعاً: اتفضلي يا ناهد هانم ارتاحي انتي وبنتك فوق ، يالا يا فريده خديهم معاكي

-فريده: تعالي يا ناهد ، يالا يا شاهي

-رأفت مشيراً لعمر: هاتولي الزفت ده ع أوضة المكتب

-عمر: والله لو عدمتوني العافية ما هنطق واقول فين يارا !!!

-أدهم: انجر قدامي

-خالد: تعالي !!!

.....

في نقطة التفتيش بالطريق ،،،

انتهى العساكر من تفتيش الأتوبيس ، ومن التحقق من جميع بطاقات الهوية الشخصية ، وبدأوا في تسليمها للركاب ، كانت يارا تتنفس الصعداء لأن جاسر ظل بعيداً عنها ولم يلحقها و...

-يارا: الحمد لله ربنا لبخه بعيد عني ، هانت فاضلي بس أخذ بطاقتي ,اكت من هنا .. الحمد لله

بدأ أمين الشرطة في المناداة على الأشخاص بصوت مرتفع لتسليمهم بطاقات الهوية والصعود إلى الأتوبيس و...

-أمين الشرطة : داليا رؤوف منسي

-أحد الفتيات: أيوه

-أمين الشرطة : أحمد عبدالله السمان

-أحد الأشخاص : أنا اهوو

-أمين الشرطة : يارا رفعت الصياد

كان دوي الاسم كالصاعقة التي نزلت على كلاً من يارا وجاسر الذي صُدم حينما سمع الاسم بكل وضوح ، فترك ما بيده وتوجه إلى الاتوبيس على الفور ليتأكد مما سمع و...

-جاسر: لأ مش ممكن !!!

-يارا: يادي النصيبة ، يارب ميكونش سمع ، يارب ميكونش خد باله ، كان لام يني
تعلي صوتك وانت بتقول الاسم

-أمين الشرطة مكرراً: يارا رفعت الصياد !!

-يارا بقلق: آآ... أيوه

-أمين الشرطة : اتفضلي .. يالا يا اسطى ، اتوكل على الله

-السائق: حاضر يا بيه

-جاسر بصوت مرتفع من بعيد : يارارار

-يارا: ماتبوصيش يا يارا ، طنشيه يا يارا ، كأنك مش سمعاه

صعدت يارا إلى الاتوبيس بسرعة ، فأسرع جاسر ورائها وطلب من السائق ألا يتحرك بالأتوبيس ، ثم صعد على متن الاتوبيس وظل يتفقد الركاب و...

-جاسر: الباص ده مايمشيش

-السائق: ليه بس يا باشا ???

-جاسر بحدّة: افتح الباب بسرعة

-السائق: حاضر يا باشا

-جاسر في نفسه : أنا سمعت الاسم صح ، مش معقول تهيوّات ، لازم اتأكد بنفسى انها هي...!!

ظل جاسر ينظر بتمعن إلى وجوه الركاب ، بينما جلست يارا في رعب خائفة من أن يراها جاسر و...

-يوسف بصوت مرتفع: جاسر بيه ، في حاجة ؟؟

-جاسر : متأكد بس من حاجة يا يوسف باشا

-يوسف: اوك

-يارا: استر يا رب

لم تكمل يارا كلامها حتى وجدت جاسر أمامها ينظر إليها بغضب و...

-جاسر: يارا

-يارا: آآآ...

-جاسر: بتعملي ايه هنا ???

-يارا: آآ..

-جاسر: انتي ازاي تسيبي الفيلا وتيجي لوحدك هنا

-يارا: أنا.. أنا

-جاسر: تعالي معايا

-يارا: هه ، لأ ...

-جاسر: ايه؟؟

-يارا: مـ..مش هينفع ، أنا لازم ارجع الغردقة فوراً

-جاسر: نعم؟؟؟ ترجعي الغردقة؟؟؟ طب عمي رأفت عارف بده

-يارا: هه؟؟؟

.....

-السائق من بعيد: ها يا باشا في حاجة؟؟؟

-جاسر: خليك في حالك

-السائق: حاضر يا باشا ، أنا بس بسأل ان كان في مشكلة كده ولا كده

-جاسر بحددة: تحب تشرف معنا الليلة

-السائق: خد راحتك يا باشا

.....

-جاسر: تعالي يا يارا ، مش هينفع نكمل كلامنا هنا

-يارا: لأ وأنا مش هينفع أنزل من الباص

-جاسر: تعالي معايا بالذوق أحسنك

-يارا: آآآ...

جذب جاسر يارا من يدها بقوة وسحبها خلفه لينزلا سوياً من على الأتوبيس ...

-جاسر وهو يجذبها من يدها: يالا بينا

-يارا : استنى بس .. استنى !

-جاسر: لأ ، هنتكلم تحت

-يارا: كده الباص هيمشي و آآ...

-جاسر مقاطعاً: مايمشي ، يالا !!!

ثم طرق بيده على باب الأتوبيس و...

-جاسر بحدة: يالا يا اسطى من هنا

-السائق: حـ.حاضر يا باشا

-يارا: انت عملت ايه ؟

-جاسر: تعالي معايا هنتكلم جوا في المكتب

لمح يوسف من بعيد ما يحدث بين جاسر واحد الفتيات فتدخل على الفور و...

-يوسف في نفسه: ايه اللي بيحل هناك ده ، ومين البت دي ؟؟

-جاسر: امشي يا يارا معايا

-يارا: استنى بس

-يوسف مقاطعاً: خير يا جاسر بيه ، مين دي ؟؟؟؟

-جاسر: آآ.. دي بنت عمي رأفت الصياد

-يوسف: أها ، في حاجة ؟؟

-جاسر: لأ ، بس كانت مسافرة لوحدها وانا آآ.. كنت مستغرب من ده و آآ...

-يوسف متفهماً : ممم... مافيش مشكلة

-يارا: هه

-جاسر: انا بس بستأذنكيا يوسف بيه 5 دقائق أتكلم معها في الأوضة جوا وارجع تاني

-يوسف: اوك

-جاسر: عن اذنك بس يا يوسف بيه

-يوسف: اتفضل

-جاسر: شكراً

.....

في داخل الغرفة الموجودة بنقطة التفتيش ،،،

خلع جاسر الحزام الخاص بالمسدس الذي يرتديه ووضع على الطاولة، وطلب من يارا الجلوس ثم ...

-جاسر: ممكن تفهميني ايه اللي بيحصل هنا؟؟ وازاي تيجي لوحدك في السوبر جيت بالليل؟؟؟

-يارا: ماحصلش حاجة ، واحدة وراجعة بيتها دي فيها ايه !!

-جاسر: نعم؟؟ بيتها؟؟؟ بعد نص الليل؟؟ وازاي عمي رأفت يسمح بده؟؟

-يارا: والله ده أمر يخصني لوحدني أنا وبس

-جاسر: لأ مايخصكيش ، انتي مش عايشة لوحدك عشان تتصرفي زي ما أنتي عاوزة وAAA

-يارا مقاطعة: عاوزني أقعد عشان اختك تبهدل فيا أكثر

-جاسر باستغراب: اختي؟؟

-يارا: ايوه الست شاهي هانم ، سليلة الحسب والنسب ، بنت الأصول اللي مالهاش زي

-جاسر: اتكلمي عدل يا يارا

-يارا: هو أنا قولت حاجة غلط؟؟ ده انا بمجد في اختك وبعلي من شأنها

-جاسر: يارا !!

-يارا: خلاص خلاص .. أمثالي المفروض مايتكلموش عن أسيادهم ، فهمت

-جاسر: يارا ماتتكلميش كده !!

-يارا: مش هكلم خالص أصلاً

-جاسر وهو يزفر بضيق: طيب خلاص اهدى ، انا هكلم عمي رأفت وأفهم منه اللي حصل

-يارا بفرع: لأ

-جاسر وهو يخرج الهاتف المحمول من جيبه : لأ ليه بس ؟ ده هو عاوز يظمن عليكى

-يارا: ماتكلمش حد ، أنا مش عاوزة حد يعرف أنا فين

-جاسر: لأ مش هينفع ، لازم اكلمه واعرفك انك معايا

-يارا: لألألأ

-جاسر مكماً: زمانته يا يارا قلقان عليكى ، ماينفعلش أسيبه كده

-يارا وهي تحاول أخذ الهاتف من يده : بقولك متكلمش عمي

-جاسر وهو يدفعها بعيداً : لأ هطلبه !

لمحت يارا المسدس الخاص بجاسر على الطاولة فأسرعت ناحيته ، ثم جذبته من جرابه و...

-يارا وهي تهدد جاسر بالمسدس : بقولك سيب الموبايل ومتكلمش حد

-جاسر بقلق: ي...يارا .. سيبى المسدس من ايدك

-يارا: مش قبل ما تسيب الموبايل

-جاسر: ماشي حاضر

-يارا وهي تمد يدها : هاته

-جاسر: حاضر ، بس ..بس هاتي المسدس

-يارا: لأ

-جاسر وهو يمد يده بالهاتف : طب .. خدي الموبايل أهوو

-يارا : هاته

-جاسر: اتفضلي

مد جاسر يده بالهاتف إلى يارا ، وما إن أمسكت بالهاتف حتى جذبها بشدة إليه وحاول تخليص يدها من المسدس الذي تحمله و...

-جاسر وهو يجذب المسدس من يدها: هاتي ده

-يارا وهي تقاوم: آآه

-جاسر: كان ممكن تودينا في داهية بعملتك دي ، الحمد لله ربنا ستر

-يارا: آآ....

وفجأة سُمع صوت طلقات نارية بالخارج وهتاف عالي و...

-يارا بفرع: في ايه

-جاسر: الظاهر ان في كارثة بره بتحصل

-يارا: ايببيه ؟؟؟

-جاسر وقد أسرع للخارج : خليكي هنا يا يارا ، متخرجيش مهما حصل

-يارا: يااالهوي

-يوسف من الخارج : كله يستعد، الأوامر جت بفتح النار ع الأوترا البيضا اللي جاية
علينا

-أمين الشرطة : حاضر يا باشا

-يوسف : أمنوا الكمين كويس

-أمين الشرطة : جاهزين يا باشا

-جاسر : ايه اللي حصل يا يوسف بيه ؟؟؟؟

-يوسف: عربية اوترا فيا ملثمين ضربوا على الكمين اللي قبلنا نار ، واحنا مكلفين
باصطيادهم

-جاسر: تمام يا باشا

-أحد العساكر : باشا ، العربية جاية من بعيد

-يوسف: افتح النار

.....

في داخل الغرفة بنقطة التفتيش ، ،

-يارا في نفسها: بيتهالي الجو بقى هادي الوقتي ، أما أخرج من هنا بدل ما يتحذف
عليا قنبلة ولا صاروخ أر بي جي ومحدث يدري بيا هنا !

.....

توجهت يارا خارج الغرفة وهي تبحث بعينيها عن جاسر ، ولكنها استغربت من اختباء
الجميع وانبطاحهم في وضعية استعداد للقنص و...

-أدهم: احنا تعبنا معاه وهو مش سائل فينا ولا أي حاجة

-رأفت: يا بني الله يهديك قولنا فين يارا

-عمر: في الغردقة !

-رأفت: ايبيه ؟؟

-خالد: فين ؟؟

-عمر: الغردقة !!

-رأفت: بتعمل ايه هناك ؟؟؟

-عمر: رجعت بيتها تاني

-خالد: انت مجنون ، ازاي تعمل كده ؟؟؟

-عمر: مش احسن ما تفضل تتعذب هنا

-خالد: هي كانت في معتقل ولا حاجة

-رأفت: لا حول ولا قوة إلا بالله

-خالد: وازاي وديتها ؟؟؟؟

-رأفت: البت ضاعت ، البت ضاعت !!!

-عمر: ماضعتش ولا حاجة يا بابا ، دي ركبت السوبر جيت وزمانتها قربت توصل

-رأفت: كمان ركبت لوحدها !!

-خالد: انت غبي !

-عمر: متقولش كده

.....

في نقطة التفتيش بالطريق ،،،

دوت الطلقات النارية في المنطقة وكان الحرب أعلنت فيها قبل ثواني ، وما كان من جاسر إلا أن تخلى عن مكانه وتوجه مسرعاً ناحية يارا ليحميها من الطلقات و...

-جاسر بصوت عالي: وطي يا يارا ، انزلي تحت بسررررعة

-يارا: ايبيه؟؟

-جاسر: حااaاااaاااaاااaاااaااaااaااااااااااااااااااااااااااااااااااااaاااaاااaااااااااااااااااااااااااااااااااااااaاااaااااااااااااااااااaااااااااااااااااااااااااااااااااااااaااااااااااااااااااااااااااااااaاااااااااااااااااا

-يارا: هه

تلقي جاسر رصاصة في ذراعه وهو يحاول أن يقفز على يارا ليحول بينها وبين التعرض للقتل و...

-جاسر وقد قفز عليها: انزلي لتحت بسرعة

-يارا: ايه اللي بيحصل هنا؟؟ هي الحرب قامت ولا ايه؟؟

-جاسر متألماً : آآآآآ ..

-يارا: جالاسر

-يوسف بحدة: حاسب يا جاسر ، انت في مكان مكشوف

-جاسر وهو يحاول التغلب على ألمه : تعالي معايا بسرعة

اختبأت يارا خلف جاسر وراء أحد الحواجز الموضوعة و...

-جاسر: خرجتي ليه من المكتب؟؟؟ مش أنا قايلك تقهدي جوا وماتطلعيش منه

-يارا: أنا ...أنا مكو نتش أعرف ان الدنيا والعة بره كده

-جاسر: والله هي مكنتش كده ، بس ربنا أراد

-يارا وهي تنظر لذراعه: طب انت كويس ???

-جاسر: آآه.. الحمد لله

-يارا: بس...بس الرصاصة جت فيك

-جاسر: لأ ده جرح سطحي ان شاء الله

توقف اطلاق النيران ونجح الكمين في اصابة سائق السيارة وقتل اثنين من الملتئمين والقاء القبض على الشخص الرابع ، ثم حضر الاسعاف إلى المنطقة وتم نقل جاسر إلى المستشفى ومعه يارا و...

-يوسف هاتفياً : الوووو

-ناهد: الوو ، ايوه مين معايا

-يوسف: حضرتك معاكي النقيب يوسف زميل الرائد جاسر

-ناهد بخضة: جاسر ابني ?? ماله حصله حاجة ???

-يوسف: اظمني هو بخير حالياً

-ناهد: او مال بتكلمني ليه ???

-يوسف: أنا بس بعرفك انه موجود في مستشفى الشرطة وآآ...

-ناهد بصريخ: ابنييي ... يبقى جراهه حاجة ، انت مخبي عليا ايه ???

-فريدة: في ايه يا ناهد ??? ايه اللي حصل ؟؟؟؟

-شاهي: مامي في ايه ???

-ناهد هاتفياً: ابني ، هاتلي ابني

-يوسف هاتفياً: يا حاجة اهدي شوية ، واسمعي لي للأخر ، هو الوقتي موجود في
المستشفى ومعاه بنت عمه ، وأنا ببلغك بده عشان تيجي تطمني بنفسه

-ناهد: نعم !! بنت عمه ، أنا جاية حالياً

-فريدة: مين بنت عمه ???

-شاهي : في ايه يا مامي ??? جاسر ماله

-ناهد: جاسر اتصاب وفي مستشفى الشرطة دلوقتى ، وانا ربحاله

-شاهي: أنا جاية معاكي يا مامي

-فريدة: استني يا ناهد ، أنا كمان جاي معاكي وهخلي رأفت يوصلنا

-ناهد: طيب .. طيب

.....

أبلغت فريدة رأفت وأبنائها بما حدث و...

-فريدة : يااا رأفت ، يااا رأفت

-رأفت: خير ! في ايه تاني ???

-فريدة: الحق يا رأفت ، جاسر اتصاب ونقلوه المستشفى

-رأفت: ايه ?? يا ساتر يا رب

-خالد: لا حول ولا قوة إلا بالله

-أدهم: جاسر

-عمر: اووبا

-فريدة: ناهد وشاهي بيلبسوا ورايحينله حالياً

-رأفت: استني أنا جاي أوصلهم

-فريدة: وانت يا أدهم ???

-أدهم: جاي طبعاً

-خالد: يالا بينا كلنا يا جماعة ، مايصحش نسييهم وهما كده

-رأفت: طب ويارا ???

-خالد: هنظمن ع جاسر ، وبعدين نطلع ع الغردقة نجيب يارا

-رأفت: اوك

.....

في مستشفى الشرطة ،،

بالفعل توجه الجميع إلى مستشفى الشرطة للاطمئنان على جاسر ، وكانت المفاجأة هناك حينما وجدوا يارا تجلس خارج الغرفة و...

-عمر: يارا !! انتي هنا ???

-رأفت: يارا ، بنتي ???

-خالد: يارا !!

-أدهم: انتي ??

-فريدة: فين جاسر ?? عملتي فيه ايه ???

-شاهي: أكيد انتي السبب في اللي حصل لأخويا !!

-ناهد: ابني فين ??

-يوسف: اهدوا يا جماعة انتو هنا في مستشفى مش في شارع !

-رأفت: معلىش يا بني ، فين جاسر ??

-الطبيب: الحمد لله ، هو بخير تقدرؤا تدخلؤا تظمنؤا عليه

-ناهد: شكرأ يا بني

-فريدة وهي تنظر ليارا : محور الشر في البيت كله هي البت دي

-شاهي: أيوه يا أنطي

دلف الجميع إلى داخل الغرفة ليظمنؤا على جاسر ما عدا يارا التي فضلت الانتظار في الخارج وجلس معها عمر و...

-ناهد ببكاء : جاسر حبيبي ، ازيك يا بني ؟؟؟ انت كويس ، فيك حاجة ؟؟ حاسس بايه ؟؟

-جاسر: الحمد لله تمام

-ناهد: ايه اللي حصلك ؟؟

-جاسر: ماتقلقيش يا أمي ، دي حاجة بسيطة والله

-رأفت: حمد لله ع السلامة

-جاسر : الله يسلمك يا عمي ، يارا كويسة صح ؟

-رأفت: أيوه

-جاسر: هي فين ؟؟؟

-رأفت: موجودة برا

-جاسر: طب خليها تدخل معاكو

-رأفت: نادي على يارا من بره يا خالد

-خالد: حاضر

.....

-عمر: الحمد لله انك انتي بخير

-يارا: الحمد لله

-عمر: بس تصدقي أنا فرحان انك رجعتي تاني

-يارا: يعني رجعت للجنة ياخي

-عمر: لأ .. بس كفاية انك موجودة معايا

-خالد: يارا

-يارا: نعم

-خالد: تعالي جوا عاوزينك

-عمر: في ايه ؟

-خالد: مافيش حاجة

-عمر: اوعى حد يكلمها

-خالد: مافيش حاجة يا عمر ، جاسر بس بيسأل عليها

-يارا: طيب ، انا داخلة

.....

دلفت يارا إلى داخل الغرفة و...

-جاسر: ازيك يا يارا الوقتي ؟

-يارا : الحمد لله ، المهم انت اخبارك ايه ؟

-جاسر: زي ما انتي شايقة ، الحمد لله

-يارا: يستاهل الحمد على كل حال ، وميرسي ع اللي عملته معايا

-جاسر: أنا معملتش حاجة ، المهم انك بخير قصادي

-فريدة هامسة لأدهم: واخذ بالك !

-ادهم: أها

-رأفت: كتر خيرك يا بني ، دايمًا بتثبت انك راجل ابن راجل

-جاسر: يارا غالية عليا ، قصدي علينا كلنا ، وانا مكوئتش هسيبها مهما حصل

-رأفت: ده العشم برضوه

-ناهد: ارتاح يا بني وبلاش تتكلم كثير

-جاسر: أنا بس كنت عاوز أعرف ايه اللي شاهي عملته عشان يارا تسبب البيت في

الوقت ده وترجع تاني الغردقة

-شاهي: هه

-خالد: آآ...

-فريدة: مش وقته يا جاسر ، بعدين هنبقى نقولك

-رأفت: محصلش حاجة يا جاسر خلاص

-جاسر باصرار: لأ أنا عاوز أعرف ، شاهي عملت ايه تاني

-شاهي: آآ... أنا ..أنا معملتش حاجة

-عمر: لأ عملتي ، هزأتها قصاد الناس كلهم ورميتها في البسين ومسحتي بكرامتها

البلاط

-فريدة بحدة: عمر !! اسكت

-رأفت: خلاص يا عمر ، نتكلم بعدين

-عمر: لأ مش هاكست ، مش لازم يعرف اخته عملت ايه

-جاسر بضيق: عملتي كده يا شاهي ؟؟؟ انطقي ؟؟؟

-شاهي: آآآ...

-ناهد: اهدى يا جاسر

-جاسر بحدّة: لأ مش ههدى غير لما أعرف الهانم عملت كده ليه ؟؟

-شاهي: أنا آآآ... أنا مقصدش

-جاسر: متقصديش ؟؟؟ لا والله

-شاهي: آآآ... أصل آآآ...

-جاسر بضيق : مش عيب عليكي تعلمي في بنات الناس كده ؟؟؟ افرضي انتي كنتي

مكانها ترضي حد يبهدلك بالشكل ده ؟؟؟ انتي نسيتي انك ضيفة عندها ؟؟؟؟

-فريدة: خلاص يا جاسر مافيش داعي للزعيق

-رأفت: خلاص يا بني الموضوع اتحل

-جاسر: يا عمي ان كانت اختي مش عارفة الأصول نعرفها !!!!

-رأفت: اهدى بس

-فريدة لأدهم: شايف البت دي عملت ايه في جاسر ؟؟ عملته غسيل مخ !

-أدهم: هه..

-فريدة: اكيببيد هي اللي بخت في ودانه السم عشان يبهدل اخته قدامنا ، ماهي لما

ملاقش فايده منك انت ولا أخوك ، قالت ترسم ع جاسر ، اهو برضوه من العيلة وابن

ناس !

-ادهم: ممم...

-جاسر: معلش يا يارا ، امسحها فيا

-يارا: محصلش حاجة خلاص

-جاسر: لأ أنا عارف انه حصل ، وانتي عشان كويسة مش بتكلمي

-عمر: أخيراً ااا حد في البيت ده بي فهم

-ناهد: ارتاح يا بني ، عشان خاطرني متجهدهش نفسك

-جاسر: أنا كويس الحمد لله ، وكلامي هيبقى مع شاهي لما أخرج من هنا

-ناهد: اخرج بس بالسلامة من هنا وبعدين نتكلم

-جاسر: ان شاء الله

ثم دلف الطبيب إلى داخل الغرفة و...

-الطبيب: بعد اذنكم يا جماعة ، الرائد محتاج يرتاح شوية

-رافت: طبعاً ، يالا بينا

-جاسر: يارا

-يارا: ايوه

-جاسر: خلي بالك من نفسك

-يارا برقة: حاضر

-فريدة: السهوكة اشتغلت

-أدهم: اووف

-جاسر: ماما روعي معاهم

-ناهد: لأ أنا هبات معاك هنا ، مش هسيبك

-جاسر: يا ماما ماينفعش ، روعي مع شاهي

-ناهد: لا يمكن أبداً ، أنا مش هسيبك يا جاسر وده آخر كلام

-فريدة: خلاص يا جاسر ، كده كده شاهي هتفضل بايئة معانا النهاردة كمان

-جاسر: ماشي

-خالد: حمدلله ع سلامتكم يا خالد مرة ثانية

-جاسر: شكراً يا خالد

.....

في فيلا رأفت الصياد ،،،

عاد الجميع إلى الفيلا ماعدا ناهد التي فضلت البقاء مع ابنها في المستشفى ، طلب رأفت أن يتحدث مع يارا قليلاً قبل أن تصعد إلى غرفتها و...

-رأفت: يارا ، تعالي عاوزك شوية

-يارا: اوك

دخل رأفت مع يارا إلى غرفة المكتب و..

-رأفت: ممكن أفهم ليه سيبتي البيت ومشيتي ؟

-يارا: آآآ...

-رأفت: مش عشان حنت بت ضايقتك شوية تمشي

-يارا: أنا تعبت ، وزهقت

-رأفت: مش مبرر برضه انك تسيبي البيت وتمشي ، لازم تكوني أقوى من كده يا بنتي

-يارا: يا عمي أنا ساعات كتير بحس ان أنا لوحدي

-رأفت: انتي مش لوحديك ، احنا كلنا معاكي

-يارا: مين بالظبط اللي معايا ؟؟؟ انا مش بلاقي حد إلا عمر وبس
-رأفت: من هنا ورايح هتلاقيني معاكي في كل حاجة ، واوعي تاني مرة تسيبي البيت
ده مهما كان اللي حصل فيه ، فاهمة
-يارا: ربنا يسهل
-رأفت: اطلعي اوضتك ارتاحي ، اليوم كان فعلا طويل النهاردة
-يارا: اوك

.....

في غرفة فريدة ،،،
-فريدة: خلاص يا شاهي اهدي
-شاهي: يعني بدل ما يجي في صفى بيهزاني ، اومال لو مكنش أخويا وأنا من لحمه
ودمه
-فريدة: معلش يا حبيبي ، بكرة هنحاسبها ع اللي عملته كله

ثم طرق ادهم باب الغرفة و...
-أدهم: ممكن أدخل
-فريدة: تعالى يا حبيبي
-أدهم: ازيك يا شاهي الوقتي ؟؟
-شاهي: زي الزفت طبعا يا أدهم ، انت مش شايف جاسر عمل فيا ايه من 5 دقائق
أعدها مع البت دي
-أدهم: أها

-فريدة: خلاص يا شوشو .. كل حاجة هتتحل

-شاهي بباء : ده كان أسوأ عيد ميلاد في حياتي ، أنا متوقعتش ان ده يحصلي !!

-فريدة: بس يا حبيبتي ، دموعك بتقطع فيا

-أدهم: شاهي بليز بطلي تعيطي

-شاهي: انت ...انت مش عارف يا أدهم البت دي بتعمل في الواحد ايه ?? طالما جه جاسر في صفها مش بعيد تسحرله وتخليه يموتني ولا آآآ... ولا الله أعلم ممكن ايه تاني عمله !!!!!

-أدهم: اطمني أنا هتصرف معاها

-فريدة: ناوي على ايه يا أدهم

-أدهم: كل خير .. اصبروا .. بس لازم تبقوا عارفين ان اللي هعمله ده عشان خاطر مصلحة الكل

-شاهي: انت ..انت هتقتلها ??

-فريدة: اوعى يا جاسر ، متضيعش نفسك عشان بت زي دي

-أدهم: مش للدرجادي

-فريدة: اومال ايه ???

-أدهم: بعدين هتعرفوا ، أنا بس كنت جاي أطمئن ع شاهي

-فريدة: تسلم يا حبيبي ، كلك ذوق

-شاهي: ميرسي يا ادهووومة

.....

في صباح اليوم التالي ،،،

ذهب الجميع إلى المشفى للاطمئنان على جاسر ، بينما ظل باقياً في الفيلا يارا وصباح
وعمر ... و.. أدهم ... !!!

.....

في غرفة ادهم ،،،

كان أدهم يتحدث مع أحد الأشخاص هاتفياً ليطلب منه احضار بعض الأشياء إلى الفيلا
بسرعة و...

-أدهم هاتفياً: عاوزك تجيبلي الـ stuff ده بسرعة

-المتصل:

-أدهم: تمام ، يبقى تكون عندي كمان 10 دقائق

-المتصل:

-أدهم: اوك ، انا هستناك بره الفيلا ...!!!

وبالفعل خرج أدهم إلى خارج الفيلا ، وأخذ من شخص ما بعض الأشياء ، ثم ودعه
وانصرف عائداً إلى الفيلا ...

توجه أدهم إلى غرفة عمر و....

-أدهم : اصح ياله ، عاوزك

-عمر وهو ناعس : هه ، في ايه؟؟

-أدهم: فوقلي كده واسمعي كويس

-عمر: عاوز ايه ع الصبح

-أدهم: هتعمل اللي هاقولك عليه بالنص ، وإلا قسماً بالله ماهرحمك

-عمر: انت هتقتلني ولا ايه ???

-أدهم: لأ .. ! بس ماتستبعدش ده !!!

-عمر: طب عاوز ايه ????

-أدهم: عاوزك تدي العصير ده ليارا

-عمر: طب ما تدهولها انت

-أدهم: وله ، بقولك ايه ، ادهولها واتأكد انها هتشربه

-عمر: انت حاطط لها سم فيران فيه ???

-أدهم: انت أهبل ولا عبيط

-عمر: لأ أنا مش أهبل .. بس آآ... بس انت ناوي ع ايه بالظبط ، واشمعى يارا ؟؟

-أدهم: هتعرف بعدين ، بس المهم اديها العصير ده ، يالا انجزز في يومك

-عمر: طيب ، استنى أما أغسل وشي الأول ، ولا هروحلها كده بعوماصي !!..

.....

في غرفة يارا ،،،

حمل عمر صينية افطار ووضع بها العصير ، ثم طرق عمر باب غرفة يارا وهو متوجس خيفة مما قد يحدث ..

-عمر في نفسه : استر يا رب ، عديها ع خير

-أدهم من بعيد وهو يشير له : يالا يا ض ، ، انجز !

-عمر: طيب !

طق... طق..... طق

-يارا من داخل غرفتها : أيوه

-عمر: افتحى يا يارا ، انا عمر

-يارا: حاضر ، ثواني يا عمر

-عمر: اوك

فتحت يارا باب الغرفة و...

-يارا: خير يا عمر في حاجة ؟

-عمر: آآآ... أنا ..انا كنت جايبك فطار ..آآآ.. قولت يعني نفطر سوا وكده

-يارا: بس انا ..أنا ماليش نفس

-عمر: هه .. ليه بس آآ .. طب ده انا كنت عثمان اننا هناكل مع بعض ونفتح نفس بعض وكده

-يارا: والله يا عمر ما ليا نفس

-عمر: طب أنا هفضل شايل الصينية دي كتير ، خليني حتى أسندها عندك

-يارا: طب تعالى ، حطها عندك يا عمر

-عمر بتردد: آآآ... يارا

-يارا: ايوه يا عمر

-عمر: طب لو مش عاوزة تاكلي حاجة ، خلاص اشربي العصير ده

-يارا: والله ماليا نفس لأي حاجة

-عمر وهو يعطيها العصير : يعني هتكسفي ايدي

-يارا: ممم..

-عمر: عشان خاطري بس ، أي حاجة وإلا كده هتقعي من طولك

-يارا مستسلمة: حاضر يا عمر ، والله ما هكس فك ، هات العصير

-عمر: اتفضلي

وبدأت يارا ترتشف من العصير قليلاً و...

-يارا: مبسوط يا عمر

-عمر بقلق: هه..

-يارا: مالك يا عمر ، وشك لونه مخطوف كده ليه

-عمر: آآ...

وفجأة وقع العصير من يد يارا التي أمسكت برأسها ثم سقطت هي الأخرى على الأرض
و...

-عمر بخضة: أنا قولت من الأول العصير ده طلع مسموم ، ياااااا .. يا يااااا

ثم فتح أدهم باب الغرفة و...

-عمر: انت عملت ايه فيها؟؟ حطيتها ايه في العصير؟؟؟ انت مش قايلي انه
مافيهوش حاجة خطيرة

-أدهم: ده مخدر !

-عمر: ابييه؟؟؟

-أدهم: اطلع بره شوفلي السكة

-عمر: ليه؟؟؟

-أدهم: يالا بسرعة ، مافيش وقت نضيعه

خرج عمر من الغرفة وهو يتلفت حوله ليتأكد من عدم وجود أي أحد بالخارج ثم أبلغ أدهم بهذا و...

-عمر: مافيش حد بره ، ممكن بقى تفهمني انت ناوي على ايه؟؟

-أدهم: هتعرف دلوقتي ، حاسب بس

حمل أدهم يارا وتوجه بها نحو غرفته ، ثم وضعها على الفراش ووضع فوقها الملاءة و...

-عمر بدهشة: انت واخدها ورايح على فين؟؟

-أدهم: تعالى ورايا

-عمر: قلبي مش مطمئن ، حاسس انك ناوي ع كارثة

-أدهم: ششششششششش ..

أغلق ادهم باب غرفته خلفهما ثم طلب من عمر أن يمسه بالهاتف المحمول و...

-أدهم: عاوزك تصور يارا وهي معايا

-عمر: نعم ياخويا؟؟؟

-أدهم: اعمل اللي بقولك عليه

-عمر: لأ طبعاً ، انت اتجننت؟؟؟ مش هيحصل أبداااااااا ، ده لو فيها قطع رقبتني

-أدهم: بص بقى من الآخر كده أنا هتجوز يارا

-عمر: نعم؟؟؟ تتجوز مين؟؟؟ ده مش هيحصل ، على جثتي لو فكرت في ده

-أدهم بحدة: فوق ياض وانت بتتكلم ، اللي بقوله هيحصل

-أدهم: انت معلق نفسك بالأوهام .. يارا هتكون مراتي أنا !

-عمر: لألألاً ...

-أدهم: عمر .. امك هتقتل يارا لو أنا متجوزتهاش ، يا رب تكون فهمت !!

-عمر: نعم ???

-أدهم: ايوه

-عمر: مش مصدقك

-أدهم: براحتك .. بس اعمل حسابك باللي هنعمله يبقى هنحميها من أي أذى ، امك

هتخاف تقرب منها طول ما أنا جوزها ، عارف ليه ??

-عمر: ليه ???

-أدهم: لأنها بتحبني وهتخاف إني أزعل منها

-عمر: ممم... مش مقتنع بصراحة

-أدهم: أنا غلبت معاك !!! خلاص حاسب أما أرجعها أوضتها ، بس اوعى في يوم

تلومني لو حصلها حاجة

-عمر: هه

-أدهم: لأحسن تكون مفكر ان امك هتموتها بايدها .. تبقى عبيط وأهبل بجد ، في

حوادث كتير بتحصل ، عربية طايشة تخبطها ، حرامي بدل ما يسرقها يدبجها ، تطلب

أكل جاهز يكون مسموم وآآ...

-عمر: خلاص .. خلاص كفاية

-أدهم: أنا بوعيك ، أنا اكبر منك وفاهم أمك ودماغها

-عمر: عشان يارا بس أنا هساعدك ، بس اوعدي الأول انك مش هتأذيها

-أدهم: عيبيب رقبتي

-عمر: كده أنا اطمنت !! ناوي على ايه بقى ??

-أدهم: بص احنا هنقلعها

-عمر: ابييييييييه ، من أولها كده هنقلعها ???

-أدهم: يا ض افهم ، هنقلعها التيشيرت بتاعها بس وهي متغطية بالملاية ، وهنشمر رجل البنطلون بتاعها حبة ونبين رجلها من تحت الملاية وأنا هنام جمبها وتصورنا ، فهي لما تصحى وتشوف نفسها كده هتتخض ، ولما أوريها صورها كده وأطلب منها يا أتجوزها يا أقول لعمها باللي حصل ، وطبعاً هي عشان نفسها هتوافق ع طول اني اتجوزها واستر عليها

-عمر: والله العظيم أنا خايف منك

-أدهم : متخافش ، اومال أنا جايبك معايا ليه

-عمر: أيوه عشان أخدم عليكو

-أدهم: يالا بقى قبل ما تفوق

-عمر: استر يا رب ، قلبي مش مطمئن!!!!!!

.....

الحلقة الخمسون :

في فيلا رأفت الصياد ،،،

في غرفة ادهم ،،،

كانت يارا نائمة بفعل المخدر على فراش أدهم ، بينما كان عمر وأدهم يتناقشان حول

....

-أدهم: خلاص فهمت هتعمل ايه؟

- عمر: اه ، هتيل أصورك وانت جمبها
- أدهم: عاوز صور نار ، مش هوصيك
- عمر: ماتقلقش هصورك صور توديك جهنم حذف
- أدهم: اهو هو ده الشغل
- عمر: أعوذو بالله ، ده انت مش اخويا ! ده ابليس يقولك يا عمي
- أدهم: انجز يالا قبل ما تصحى
- عمر: اتنيل اطلع ع السرير
- أدهم: ثانية اقلع التيشرت بتاعي
- عمر: اقلع ياخويا اقلع ، ماهو الموضوع جايلك ع الطبطاب
- أدهم: عاوز مرة تصورني بالفانلة ومرة من غيرها
- عمر: هو حد قالك اني بصور اعلان قطنيل لا سمح الله ؟؟
- أدهم: ياض عشان الشغل يطلع مطبوظ
- صعد أدهم على الفراش بجوار يارا ، ثم وضع الملاعة فوقه و..
- أدهم: كده انا باين في الصورة ولا أقرب أكثر
- عمر: اقسام بالله طالع في الصورة ، ومتقربش منها
- أدهم: ليه بس عشان الصور تبان منطقية
- عمر: لا منطقية ولا غيره ، خليك مكانك ، انا مش بصور فيلم استغفر الله هنا !!
- أدهم: فقري ، وبعدين يارا هتشرك ع المعروف اللي عملته معاها
- عمر: لأ طبعااااا ، أنا واثق ان يارا هتضربني بالنار لما تعرف اني كنت شريكك في الجريمة دي

-أدهم: والله ما هتعملك حاجة ، ها صورت كام صورة ؟؟

-عمر: اتنين

-أدهم: بس

-عمر: كفاية

-أدهم: لأ أنا عاوز ألبوم محترم

-عمر: محترم !!! أشك !!!

-أدهم: عاوزك ياض تصورني صور كده كلها شقاوة ونعنشة

-عمر: قولي انك عاوز البوم ابن ستين في سبعين

-أدهم: ايوووه ، خليك كده معايا ع الخط

-عمر: مش هيحصل ، ع جثتي

-أدهم بحدة : عمر !! أعمل اللي بقولك عليه احسنك ، كده كده انت شريكي في
اللي حصل

-عمر: حسبي الله ونعم الوكيل

بدأ أدهم في الاقتراب من يارا وهي نائمة ، ثم وضع يده على الوسادة وكأنها نائمة في
أحضانها و...

-أدهم: صور

-عمر: الهي تولع يا بعيد

-أدهم: بسسسس .. صور وانت ساكت

-عمر: ده انت هتولع في جهنم باللي بتعمله ده

-أدهم: ششش ، بص أنا هانتور شعرها عليا ، وانت صورنا

-عمر: طيب ، انجز بقى ، وكفاية كده

-أدهم: ماشي ، بس وريني الأول الصور اللي صورتها يمكن أحب أعيد تاني اللي عملناه

-عمر: هو ده تصويري وان كان عاجبك ، ماشي !!

-ادهم: طيب

-عمر: قوم بقى من جنبها

-ادهم: اووف .. انت غيران ولا ايه؟؟ وبعدين دي هتبقى مرات أخوك ، يعني المفروض تتقبل ده

-عمر: على عيني أسيبها

-أدهم: اظمن .. طول ماهي معايا مش هيحصلها حاجة ، وأنا اديتك وعد

-عمر: وده اللي مخوفني منك

-أدهم وهو يرى الصور: مممم... مش بطل

-عمر: هو ايه اللي مش بطل ، ده انت تحمد ربنا اني وافقت اصورك الصور الزفت دي

-أدهم: صور ايه اللي زفت ، ده انت مش مبينها خالص ، ومطلع خيالات في الصور

-عمر: ايوه ، ده اللي عندي !!!

-ادهم : اوعى كده ، انا هصورها

-عمر بعشم : وأنا هنام مكانك صح؟؟

-أدهم: لا يا خفيف .. اتفرج بقى على شغل المحترفين

بدأ أدهم يلتقط عدة صور ليارا وهي نائمة ، وما إن انتهى حتى أمر عمر بالخروج من الغرفة ...

- أدهم: اطلع بقى يا حلو ، انا كده تمام
- عمر: مش هيحصل ، أنا أعد في قلب الأوضة دي للصبح
- أدهم: يا غبي افهم ، يارا لما تصحى لازم تشوفني أنا بس اللي أعد معاها ، وإلا هتفهم ان ده فيلم معمول فيها
- عمر: لأ مش ماشي برضوه
- ادهم: طب أخبيك فين
- عمر: تحت السرير طبعاًااااا ، ده المكان الطبيعي
- أدهم: اخبيك ازاي تحت السرير ، وهو مقفول من الجانبين
- عمر: معرفش اتصرف
- أدهم: ومش معقول هاخبيك في الدولاب
- عمر: لأ أنا كده هموت مخنوق
- أدهم: خلاص استخبي بره في البلكونة ، بس اوعى تشوفك ، انت فاهم !!
- عمر: ماشي
- أدهم: داري نفسك كويس
- عمر: عارف لو عملت حركة غدر ولا خيانة هعمل فيك ايه ؟؟؟
- ادهم: غدر ايه اللي هعمله بس
- بدأت يارا تستعيد وعيها وتتقلب على الفراش ، فأسرع أدهم بدفع عمر للاختباء داخل الشرفة و...
- أدهم : بسرعة ، دي بتفوق أهي
- عمر: أنا أعدلك هنا ، استر يارب

-أدهم: مش عاوز صوت ، ولا حركة ..

-عمر: أدهم ، بلاش تغدر بيها

-أدهم: يا عم ماهو كل حاجة قدامك ، هو أنا لمستها أصلاً

-عمر: ماشي

أغلق أدهم الشرفة بسرعة ، ثم خلع فائلته الداخلية ، ثم جلس بالشورت فقط على الكنبه المقابلة للفراش منتظراً أن تستيقظ يارا و...

-عمر من داخل الشرفة: وده اللي اسمه مش هتغدر ، اخصص ع كده !!!

.....

بدأت يارا تفتح عينها تدريجياً ، حاولت أن تتغلب على الصداع الذي كانت تشعر به ، استغربت في البداية انها في مكان آخر ، ولكن ما إن رأت أدهم يجلس مقابلها بلا ملابس وهو يبتسم لها وممسكاً بكأس في يده حتى نهضت من الفراش و...

-ادهم: أهلا بست العرايس ، ولانقول صباحية مباركة

-يارا برعب: انت..انت ... ايه اللي جابك هنا ??

-ادهم: ايه اللي جابني هنا ?? انتي بتسألني غلط على فكرة ??

-يارا: آآآ... أقصدك ايه ???

-أدهم: انتي اللي منورة أوضتي بوجودك فيها

-يارا وهي تنظر حولها: أنا ..أنا ايه اللي جابني هنا ????

-ادهم : رجلكي يا حلوة

-يارا: لأ مش ممكن ، أنا كنت ..أنا .. أيوه أخر حاجة كنت مع عمر وآآآ...

-أدهم بثقة: لأ ممكن أوي .. ايه رأيك في الصور دي؟؟ حلوة صح؟؟ كان مزاجك عالي أوي فيها الصراحة

-يارا: انت .. انت ... عملت الصور دي ازاي

-أدهم: ايه مش معقول ، انتي بجد لحقتي تنسيي؟؟؟ ده انت كنتي مولعة الدنيا ع الآخر .. اووووباللا مش قادر أحكيك ، كنتي خرباها .. يالهوري ، طلعتي فعلاً صاروخ

-يارا: انت كداب

-أدهم: عندك الصور أهي ، تحبي بقي أبروزها لك ولا أعملها لك بوستر كبير ، ايه رأيك في بانر يتعلق كده ع مدخل الفيلا ، ولا أقولك أبعثها واتس لعمك؟؟؟

-عمر من داخل الشرفة: ده انت إبليس بنفسه هيقف يصقفلك ويصفر ويقول أدهم بيه استاذي وتاج راسي ..!!!!!!

-يارا: حرام عليك تعمل فيا كده ، أنا عملتك ايبويه؟؟؟؟

-أدهم: انتي .. ده انتي هتشوفي أيام ما يعلم بيها إلا ربنا

-يارا: انت عاوز ايه مني؟؟؟ عاوز ايبويه؟؟؟

-أدهم: بصي يا حلوة ومن غير لف ولا دوران ، أنا هطلبك للجواز من أبويا ، وانتي زي الشاطرة هتوافقي

-يارا: مش يحصل

-أدهم: وماله ، بس أما هيشوف الصور دي ، بيتهيألي هيغير رأيه فيكي ، ولا أقولك أنا هوريها لجاسر حبيب القلب الجديد

-يارا: ج...جاسر !! انت .. انت

-أدهم: أيوه جاسر ، شوفي بقي لما يعرف ان بنت عمنا المصون بايتة في حضن ابن عمها ، ومقضيهاها ، وآخر النهار عنده بتظمن عليه!!!!

-يارا: حسبني الله ونعم الوكيل فيك

-أدهم: بالذوق بالعافية هتوافقي تتجوزيني !!

-يارا: لألألاً

-أدهم: تحبي أطلبك للجواز بفضيحة ، ولا نخلي الطابق مستور أحسن؟؟ الكورة في ملعبك واختاري يا قطة اللي يناسبك

-يارا: حرام عليك تعمل فيا كده

-أدهم: ده لسه الحرام كله جاي قدام ، واياكي تفكري تهربي مني ، هاجيبك يعني هاجيبك .. ده أنا ادهم الصياد يا ..يا حلوة

-عمر من داخل الشرفة: ده انت ادهم الشيطان مش الصياد !!!!!

-أدهم: خدي وقتك وفكري يا حلوة ، وأنا كده كده هطلبك للجواز بعد الغدا ، ويالا بقى من أوضتي لأحسن محتاج أخذ شاور وانتي معطلاني ..

-يارا: منك لله ، منك لله

-أدهم: كلنا مننا لله .. طريقك أخضر

خرجت يارا من غرفة ادهم والدموع تتفجر أنهاراً من عيونها ، بينما ظل أدهم يصفر بفرحة نصر ، ثم فتح عمر الشرفة وقفز فوق أخيه و...

-عمر: انت مش ممكن تكون بني آدم ، انت شيطان .. شيطان

-أدهم: في ايه يا عم

-عمر: ايه اللي انت عملته ده؟؟

-أدهم: هو أنا لسه عملت حاجة

-عمر: ده انت طلعتني شريكك في الجريمة ، طلعتني أوطى خلق الله ، كده البت مش هتبص في وشي للأبد

-أدهم: وماله

-عمر: وماله ??? انت ..انت

-أدهم: عشان لو فكرت تغدر بيا البت ماتصدقش أبدأأأأ

-عمر: هي أصلاً هتولع فيا لما تشوفني ، ربنا يهدك

-أدهم بارتياح: ياأأأأأأأأأأأأأأأأأأه .. أول مرة أحسن اني ...آآآ

-عمر: واطي

-أدهم: لأ

-عمر: زبالة

-أدهم: لأ

-عمر: حيوان قدر

-أدهم: لألألأ ... انت شغال شتيمة على فكرة وانا ساكتك !!!!!!!

-عمر: أنا مش بشتمك ، أنا بديك الوصف المناسب ليك !!!!!!!!

-أدهم: استعد بقي للميلودراما اللي جاية

-عمر: ناوي ع ايه تاني

-أدهم وهو يمسك بخدود عمر : It's Show Time يا عموري

-عمر متألماً: آآآه

.....

في المستشفى ،،،،،،

-جاسر: مالهاش لازمة الأعدة هنا ، أنا عاوز أرجع البيت تاني

-ناهد: لما الدكتور يقول ترجع يبقى ترجع

-جاسر: يا أمي ، أنا بقيت كويس والله

-ناهد: برضوه

-جاسر: اومال شاهي فين ???

-ناهد: واقفة مع خالتك بره

-جاسر: طب كويس عشان أنا كنت عاوز أفتحك في موضوع

-ناهد: خير يا بني ??

-جاسر: ماما أنا نويت والنية لله اني أخطب

-ناهد بفرحة : بجد ??

-جاسر : ايوه يا ماما

-ناهد: الحمدلله يا رب ، ومين دي بقى سعيدة الحظ اللي أمها دعيالها عشان تبقى من نصيبك

-جاسر: يارا !

-ناهد بصدمة: يارا مين ???

-جاسر: يارا يا ماما، يارا بنت أخو رأفت بيه

-ناهد: لأ مش ممكن

-جاسر: في ايه يا ماما

-ناهد: مش ممكن أوافق انك تتجوز البنت دي

-جاسر: ليه بس يا ماما

-ناهد: كله إلا كده ???

-جاسر: يا ماما البنت كويسة وماتتعيش

-ناهد: أيوه أنا عارفة ان البنت كويسة وماتتعيش بس لأ

-جاسر: ليه ؟؟؟ قوليلي سبب مقتع

-ناهد: من غير ليه ، هو كده

-جاسر: طالما مافيش سبب مقتع يبقى أنا هاكلم عمي رأفت واطلب منه ايد بنت أخوه
يارا !!!

-ناهد: لو صممت ع اللي في دماغك يا جاسر لا انت ابني ولا أعرفك

-جاسر: ليه كل ده يا ماما

-ناهد بغضب : هو كده ، فاهمني ، هو كده احنا مش هنعيده تاني ، فإاااااهم ، مش
هنعيده !!!!!!!

-جاسر: هو ايه اللي مش هنعيده

-ناهد وهي تتجه لباب الغرفة : مش مهم تفهم ، مش مهم تعرف .. بس جواز من يارا
لا ، مش هيحصل يا جاسر !

-جاسر: ماما

.....

أغلقت ناهد باب الغرفة وهي تكاد تختنق ، ثم أخرجت هاتفها المحمول وطلبت شخصاً
ما و..

-ناهد ببيكاء : الووو .. ايوه يا عدلي ، الحقني في مصيبة!!!!

.....

في فيلا رأفت الصياد ،،،

طلب أدهم أن يجلس مع والده في مكتبه ليحدثه في أمراً هاماً و...

-أدهم: اه يا بابا ، ها ايه رأيك؟؟

-رأفت: والله .. آآآ.. أنا مش عارف أقولك ايه

-أدهم: وافق يا بابا ، من فضلك وافق

-رأفت: والله لازم اسأل يارا الأول ، وهي اللي تقولي يا أه يا لأ ..

-أدهم بثقة: اطمن يا بابا ، هتوافق ان شاء الله

-رأفت: وايه اللي مخليك متأكد من كده

-أدهم: عشان واثق من حب يارا ليا

ثم دلف خالد إلى غرفة المكتب وتفاجيء بوجود أدهم مع أبيه و..

-خالد: سوري مكونتش أعرف أنكم أعيدين هنا

-رأفت: هه

-أدهم: تعالى يا خالد ، احنا مش بنقول حاجة سر ، اكيد لازم هتتعرف

-خالد: أعرف ايه

-أدهم: مش أنا نويت أتجوز

-خالد : لا والله ! وده من امتي ان شاء الله؟؟

-أدهم: من دلوقتي

-خالد: مبروك يا سيدي

-رأفت: مش لما تعرف الأول مين وتبقى تباركله

-خالد: هتكون مين يعني يا بابا؟؟

-أدهم: يارا !!!

-خالد بصدمة: نعم؟؟ ميبيبيبيبين؟؟؟

كان عمر يحاول أن يهون على يارا ما حدث ، ظل يطرق باب الغرفة عدة مرات ويتوسل لها أن تفتح له الباب أو تسامحه على الأقل

-عمر: يارا افتحي ، عشان خاطري افتحي ، والله العظيم أنا اضحك عليا ، أدهم ده كداب ، أنا معملتش حاجة صدقيني .. يا يارارا ، سامحيني والله انا مقصدش ، محصلش حاجة والله ، يا يارا بس افتحي عشان أعرف اتكلم معاكي

-صباح: عمر بيه

-عمر: خير يا صباح في ايه

-صباح: أنا عاوزة يارا هانم

-عمر: يا ريت لو تعرفي تخرجيها من الأوضة

-صباح وهي تطرق الباب: يارا هانم ، يا ست البنات !! رأفت بيه عاوزك تحت في المكتب

-يارا من الداخل: قوليله نازلة

-صباح: حاضر

فتحت يارا باب الغرفة وآثار البكاء تملو عيناها ، حاول عمر أن يتحدث معها ويبرر لها موقفه ولكنها تجاهلته تماماً و...

-عمر: بصي يا يارا ، أنا بريء ، والله أدهم ضحك عليا ، هو فهمني انه بيعمل كده لمصلحتك عشان ، عشان خايف عليكي .. اسمعيني بس ، أنا استحالة اسمح ان حد يأذيني

-يارا:

وصلت يارا إلى غرفة المكتب ، فرأت أدهم مبتسماً ابتساماً النصر ، وخالد ورأفت ينتظران بالداخل ، فدخلت إلى داخل غرفة المكتب و...

-رأفت متسانلاً : يارا يا بنتي ، أدهم ابني كان طلب مني طلب ، وأنا ماينفعش دايله موافقتي من غير ما أسمع موافقتك انتي الأول

-خالد: بابا مافيش داعي تجبرها ع حاجة

-رأفت: ما أنا لسه بقول أهو مش هوافق إلا لما أسمع موافقتها الأول

-يارا: خير يا عمي

-رأفت: أدهم آآ... طلب .. انه ..انه يتجوزك !!!

-خالد: اوعي تكوني موافقة عليه !!!

-رأفت: ها يا بنتي قولتي ايه

كانت يارا في حيرة من أمرها ، نظرت إلى أدهم قبل أن تجيب ووجدته يبتسم لها ابتساماً شيطانية ويرسل لها بقبلة في الهواء و..

-خالد: يارا متخليش حد يفرض عليك حاجة انتي مش عاوزاها ، خدي وقتك في التفكير

-أدهم: يا عم هي موافقة

-رأفت: اسمع منها الأول

-خالد: يارا ، أدهم ده مايجب...

-يارا مقاطعة: أنا موافقة!!!!

.....

الحلقة الحادية والخمسون :

في فيلا رأفت الصياد ،،،

في غرفة المكتب ،،،

كانت يارا في حيرة من أمرها ، نظرت إلى أدهم قبل أن تجيب ووجدته يبتسم لها
ابتسامة شيطانية ويرسل لها بقبلة في الهواء ..

-خالد: يارا متخليش حد يفرض عليكي حاجة انتي مش عاوزاها ، خدي وقتك في
التفكير

-أدهم: يا عم هي موافقة

-رأفت: اسمع منها الأول

-خالد: يارا ، أدهم ده مايجب...

-يارا مقاطعة: أنا موافقة !!

-رأفت: موافقة على ايه ؟؟؟

-يارا: موافقة اني..اني.. اتجوز أدهم

-خالد: لبيبيه ؟؟

-أدهم: سمعتوا ؟؟

-خالد: ليه يا يارا ؟؟ لبيبيه ؟؟؟

-رأفت بفرحة : بجد يا بنتي ؟

-يارا: أيوه ، وعن اذنكم

-رأفت: اه اتفضلي يا حبيبتي

-أدهم: طبعااااا

-خالد: معتقدش

-أدهم: هتشوف ، وهتيجي بنفسها تبارك الجوازة

-خالد: بابا الجوازة دي مش لازم تتم

-رأفت: ليه يا خالد ؟؟؟ ها قولي ؟؟؟ اخوك عاوز يتجوز يارا وهي وافقت عليه ، فين
بقي المشكلة ؟؟؟

-خالد: المشكلة ان أدهم مش بتاع جواز

-أدهم: برضوه بتقول نفس الكلام ، لاحظ انك بتجرحني

-خالد: أما أرحك أحسن أما تجرح بنت مالهاش ذنب

-أدهم: يوووووه ، هتفضل تقول كلام مالوش معنى ، احسن حاجة اعملها اني اطلع
اجهز نفسي ، وبالمره أبلغ ماما بالخبر السعيد

-رأفت: امك هتروح فيها لما تعرف ده

-أدهم: ماهو عشان كده أنا ناوي أبلغها بنفسي

.....

في المستشفى ،،

كانت ناهد تتحدث هاتفياً مع عدلي وتطلب مقابله لأمر هام و...

-ناهد هاتفياً: مش هينفع الكلام في التليفون يا عدلي ، لازم اشوفك فوراً

-عدلي: طيب أنا عندي شغل الوقتي

-ناهد: سيبوه وتعالى نتقابل في المكان القديم بتاعنا

-عدلي: حاضر يا ناهد ، حاضر

-فريدة في نفسها: يا ترى بيعملوا ايه في المكتب؟؟ مش بعوايدهم يتجمعوا في المكتب
إلا ان كان في حاجة خطيرة!!!

-شاهي: في حاجة يا أنطي

-فريدة: هه.. لا.. مافيش حاجة يا حبيبتى ، يالا بينا بس نغير هدومنا

-شاهي: أوك

.....

في غرفة يارا ،،،

كانت يارا تتحدث هاتفياً مع صديقتها سمر و...

-سمر: طب ليه وافقتي ليه؟؟؟

-يارا: مكنش قدامي حل تاني إلا ده ، وإلا كان الواطي هيفضحني بالصور

-سمر: انتي كده بتضيعي نفسك

-يارا: حسبي الله ونعم الوكيل ، مين كان هيصدقني؟؟؟ مين هيقف معايا ، حتى عمر
اللي كنت مفكراه أحنواحد في البيت ده ، طلع بيشتغلني قابض تمن ده

-سمر: يارا ، روعي احكي لعمك اللي حصل وأكد هو مش هيسمح بده

-يارا: عمي!! ده ماصدق ان أدهم طلبني للجواز والفرحة بقت هتنط من وشه

-سمر: يعني عشان هو يفرح انتي تتنكدي

-يارا: مش عارفة أعمل ايه

وفجأة وجدت يارا من يقتحم عليها الغرفة من شرفتها و...

-يارا بصدمة : انت؟؟؟

-سمر هاتفياً: في ايه يا يارا؟؟

أخذ عمر الهاتف من يارا وانهى المكالمة و...

-عمر: ما أنا لازم أتكلم معاك ، وانتى رافضة تسمعيني

-يارا: اسمعك ، اطلع بره !!

-عمر: مش هطلع غير لما تعرفي الحقيقة

-يارا: انت كذاب !!

-عمر: اقسم بالله أنا بريء أنا مكونتش متوقع ان أدهم يعمل كده ، هو قالي انه بيحبك
وعاوز يجوزك عشان يحميكي ولو عملنا كده انتي هتوافقي

-يارا: ازاي تقبل انك تعمل فيا كده؟؟؟

-عمر: ماحصلش حاجة والله ، هو مجاش جمبك أصلاً ، الصور متصورة من زوايا
يبان ان في حاجة لكن والله ماحصل

-يارا: حرام عليك .. حرام .. انا لو كنت اختك كنت ترضى يحصل فيا كده ، انت
اتسببت في تعاستي

-عمر: متقوليش كده ، وزى ما أنا ورطتك في الموضوع ده ، هطلعك منه !!!

-يارا: بس بقى مش عاوزة أسمع كلام تاني

-عمر: والله ما هسيبك وفضل معاك

-يارا: امشي اطلع بره

-عمر بحدة ممسكاً كتفي يارا : مش هطلع غير لما تسمعيني للأخر !!!!

وفجأة وجدت يارا من يفتح الباب بقوة و...

-أدهم: زي ما انتو يا حلوين

-عمر: أدهم

-يارا بصدمة: انت كمان ???

-ادهم: ثانية بس أطلع الموبايل عشان أذكوا صورة للذكري

ترك عمر كتفي يارا وابتعد عنها قليلاً ، وما كان من ادهم إلا أن استمر في التقدم داخل
الغرفة و...

-أدهم: بتعمل ايه هنا ؟

-عمر: بـ..بتكلم مع يارا شوية

-أدهم: ما تتكلم معاها تحت ، ولا ماينفعلش الكلام إلا هنا في أوضتها؟؟؟ لا وانت كمان
ماسكها وعمال تفصلي في كتافها

-يارا: في ايه؟؟ انت بتكلم كده ليه؟؟

-أدهم: انتي تخرسي خالص ، انتي ناسية انك هتبقي مراتي ولا ايه يا هانم؟؟

-يارا: بس أنا لسه مش مراتك

-عمر: في ايه يا أدهم ???

-أدهم: عاوز أقعد مع خطبتي شوية لوحدنا

-يارا: لا

-أدهم: هو ايه اللي لا .. جرى ايه يا عروسة ولا انتي بس بيعجبك العيال الصغيرين ،
هما اللي بيخشوا دماغك

-عمر: أدهم !!!!

.....

-يارا: لأ .. انت غلطان

-أدهم: ده انتي دخلتي بالخراب علينا كلنا ، البيت ده قبل ما تيجي كان

-عمر: كان قبر

-أدهم: اخرس يا ض .. احنا كنا عايشين حياتنا ، مافيش حاجة مخلينا متعكنين إلا من ساعة ما رجلك حطت هنا ، شايفة نفسك ع ايه ، بس بيني وبينك ، انتي عاجبك لمة الرجالة حواليك صحتي؟؟

-يارا: على فكرة انت انسان مش كويس عشان تظن فيا كده ، مش مكفيك اللي عملته فيا ، لأ كمان بتشوه سمعتي؟؟

-أدهم: هو انتي لسه شوفتي حاجة ، ده أنا هخليكي تتلقتي حوالين نفسك ، هخليكي تشوفي أيام أسود من قرن الخروب ، هندمك ع اليوم اللي دخلتي فيه هنا !!!!

.....

سمع أدهم صوت أمه يأتي من الخارج فأسرع بضم يارا إليه وسط ذهولها ودهشة عمر و..

-فريدة من الخارج: طول ما البت دي هنا مش هنلاقي غير بلاوي سودة

-أدهم في نفسه: ده صوت فيرووو، لازم أتصرف بسرعة

-يارا بصدمة : انت بتعمل ايه ???

-عمر: ادهم!!!!!!

دلفت فريدة وشاهي إلى غرفة يارا ليتفاجئوا بالمنظر (أدهم يحتضن يارا) و ...

-فريدة بغضب: ايه اللي أنا شايفاه ده

-شاهي بضيق وغضب : أدهم!!!!!!!

-أدهم مدعياً البراءة : ماما .. شاهي !!

-فريدة: ايه اللي بيحصل في بيتي ???

-أدهم: مش تباركيلى

-فريدة: على ايه ??? ع المسخرة اللي أنا شايفها ؟؟ ع قلة الأدب اللي بتحصل هنا ???

-أدهم: قلة الأدب جاية بعدين

-فريدة: أدهم !!!!

-شاهي: ايه المنظر ده ??? ازاي .. ازاي انت و..و آآآ .. دي .. كده ????

-يارا: أنا...أنا ... آآآ

-أدهم: الله مش هي هتبقى مراتي فبباركلها

-فريدة بصدمة: ايبيببييه ????

-أدهم: ايوه يا ماما ، ما أنا طلبتها من بابا وهي وافقت

-فريدة: مش ممكن ، استحالة !!!

-شاهي: انت اكيد بتهزر ، ازاي انت تتجوز البت دي ؟؟

-أدهم: لأ مش بهزر يا شاهي ، يالا جهزي نفسك عشان تبقي وصيفة العروسة

-شاهي: لآلآلآلآلآ

خرجت شاهي مسرعة من الغرفة وهي لا تكاد تصدق أذنيها ولا عينيها مما سمعت
ورأت ، خرجت ورائها فريدة وهي في حالة ذهول وصدمة ، بينما ظل أدهم واقفاً
للحظات و..

-أدهم: وانتي يا عروسة جهزي نفسك لفرحنا .. يومين وهنتجوز ! ماهو خير البر
عاجله ، ولا ايه ????

-يارا: حقيير

-عمر: أحقر خلق الله

.....

في أحد الكافيهات بالمهندسين ،،،

كانت ناهد تجلس وعلى وجهها علامات القلق والتوتر وتنظر وصول عدلي إليها و...

-عدلي وهو يسحب الكرسي ليجلس عليه: اتأخرت عليكي

-ناهد: مش أوي

-عدلي: خير يا ناهد ، كنتي عاوزاني في ايه؟؟

-ناهد: جاسر عاوز يتجوز يارا

-عدلي: ايبييه؟؟؟

-ناهد: زي ما سمعت

-عدلي: وانتى قولتيله ايه؟؟؟

-ناهد: لأ طبعااااا .. هو ينفع يتقال كلام غير ده

-عدلي: مممم ، طب وهو اقتنع بسبب رفضك

-ناهد: لأ .. انت لازم تتصرف

-عدلي: عاوزاني أعمل ايه؟؟

-ناهد: انت السبب في اللي حصل ده كله ولا نسيت؟؟؟

-عدلي: لأ ما نسيتش !!! مش كل شوية لازم تفكريني يعني ، وبعدين انتى مقولتليش

ليه ان يارا لسه عايشة؟؟

-ناهد: آآآ... ماهو...م...ماجتش مناسبة

-عدلي: ماجتش مناسبة ولا صعبت عليكي؟؟؟

-عدلي: أنا بقول الحقيقة يا ناهد ، اختك فريدة لما معرفتش تجوز رفعت لافت ع اخوه رأفت واتجوزته ، وانتي كنتي واقفة تتفرجي مش عارفة تطولي أي حاجة ، أصلاً هتطولي تتجوزي من عيلة الصياد ازاوي وانتي واقعة في الغلط كله ، ولما كنتي هتتكشفي روحتي تعطي لرفعت واسترجتية يتستر عليكي ، والراجل لأجل شهامته وافق انه يتجوزك من غير ما حد يعرف ده وتنفصلوا في هدوء ، لكن ديل الكلب عمره ما يتعدل

-ناهد: بس بقى كفاية !! كفاية !!

-عدلي مكماً: مخلصكيش تفضلتي بنت ناس كتير ، مع أول واحد شاورلك رميتي نفسك في حضنه

-ناهد: رفعت عمره ما حبني ، ولا كان هيحبني

-عدلي: لأن رفعت اتجوزك بس عشان يسترك ، خدمة لوجه الله ، لكن انتي حرقك انه طلقك لما كشف خيانتك ليه وانتي ع ذمته ، فسافر بعدها ، فحببتي تحرق قلبه على ابنه ، يشوفه قصاده وميعرفش ان ده ابنه

-ناهد: ايوه ، كل يوم كان بيقتلني بنظراته الطيبة ليا

-عدلي: أل يعني كان بياثر فيكي

-ناهد: كان حنين أوي عليا لدرجة كانت بتخليني نفسي أكون عبدة تحت رجله

-عدلي: ههههههههه عبدة خانت سيدها

-ناهد: ضعفت ، هعمل ايه ؟؟ انا ست وليا احتياجاتي ، وهو كان سايبني ، بيقرف يقرب مني

-عدلي: عنده حق

-ناهد: كنت عاوزة انتقم منه ، بس حرق قلبي فقولت أحرق قلبه ع ابنه

-عدلي: ما هو لو كان يعرف انه ابنه ، كان قلبه اتحرق

-ناهد: ده أنا اللي كنت بولع كل يوم ، جاسر بيقول ليسري يا بابا ، وانا مش قادرة أنطق

- عدلي: اللي خدمك ان يسري كان مريض ومالوش في أي حاجة
-ناهد: تفتكر كان ينفع اتجوز واحد غير كده عشان يصدق ان جاسر ابنه
-عدلي: ايوه ، عشان وقت ما تحبي تكشفي ورقك تقدري تتخلصي منه بسهولة
،مايقدرش يقف في طريقك ، بس متكريش ان اللي جنك أكثر انه اتجوز هالة بنت
نجاة
-ناهد: دي الحاجة اللي ولعت فيا بزيادة ... كنت مفكراها نزوة يومين وهيفوق منها ،
لكن كمل حياته معاها وخلف منها كمان .. وأنا ابني بيتربى بعيد عنه وعن نعيمه !!
-عدلي: و اهو مات هو ومراته ، وخلص كنت فاكرا ان كلنا ارتحنا
-ناهد بضيق : كنت مفكرة ان بموته حقي وحق ابني هيرجعنا
-عدلي ببرود : ومافيش حاجة رجعت
-ناهد: ايوه ، كله كان باسم يارا ، ومكونتش اعرف ده ، والبت ماكنش حد عرفها
طريق
-عدلي: عيلة الصياد مش سهلة يا ناهد ، وانتي عارفة ده كويس
-ناهد: بس يارا الوقتي عايشة !!
-عدلي: ما أنا لسه عارف يا هانم ، وانتي طنشتي تبليغيني بده
-ناهد: كنت مفكرة انها مش هتستحمل العيشة مع فريدة وتطفش وتسبب الجمل بما
حمل ، لكن اللي حصل بقى ومكنش في الحساب ان آآ...
-عدلي مكملًا : ابنك حبها .. !!
-ناهد: ايوه ، ودي مصيبة
-عدلي وهو يعتدل في جلسته : طبعاً ازاي اخ هيتجوز أخته ..!!!!
-ناهد: لازم تفكر معايا نشوف حل للمصيبة دي بسرعة
-عدلي: عاوزاني أعمل ايه تاني ؟؟؟ اقتلها زي ما عملت مع أبوها ؟؟؟

-أدهم: بكل بساطة يا ماما ، أنا ناوي اطلع عين البت دي لحد ما تقول حقي بـرقبتي ،
ومش هينفع أعمل ده من غير ما أتجوزها

-فريدة: يا سلام

-ادهم : اه طبعااااا ، ازاي هاقدر أخذ راحتى معاها من غير ما أكون مسيطر عليها ،
ورقبتهـا تحت ايدي

-فريدة: لا يمكن أوافق بده

-أدهم: ده أنا هوريها اللي عمرها ماشافته ، لأ وهخليها تمضي تنازل عن كل اللي
تملكه ليا ، وبعد كده هرميها في الشارع مطرح ماجت

-فريدة: واشمعنى انت اللي تجوزها ، اشمعنى ???

-ادهم: لأنى أنا الوحيد اللي هاقدر أعمل كده

-فريدة: اعمل فيها اللي انت عاوزه لكن من غير جواز

-ادهم: وتفتكري بابا كان هيرضى ??

-فريدة: هه

-أدهم: يا ماما انا لو كنت اتأخرت شوية في اللي عملته كان زمانت خالد هو اللي
بيطلب يتجوزها

-فريدة: انت.. انت بتقول ايه ؟؟؟؟؟

-أدهم: بقول اللي شافته عيني تحت وأنا بقول لبابا عاوز أتجوز يارا ، خالد كان
هيجراله حاجة

-فريدة بصدمة: خالد !!!!

-ادهم: اها .. بس أنا مبسوط اني بوظت عليه الليلة هو كمان

-فريدة: أنا خايفة يا أدهم

-أدهم: ماتخافيش يا ماما ، كل اللي نفسك فيه هعمله ، المهم الوقتي عاوزك تباركي
الجوازة ، خلينا ننفذ اللي انتي عاوزاه ، وإلا كل اللي بخططته هيبوظ

-فريدة: أدهم

-ادهم: ايوه يا فيروو

-فريدة: توعدني انك هتطلقها بعد ما تاخذ منها كل حاجة

-ادهم: هه!!!!

.....

الحلقة الثانية والخمسون :

في غرفة فريدة ،،،

-أدهم: ماتخافيش يا ماما ، كل اللي نفسك فيه هعمله ، المهم الوقتي عاوزك تباركي
الجوازة ، خلينا نفذ اللي انتي عاوزاه ، وإلا كل اللي بخططته هيبوظ

-فريدة: أدهم

-ادهم: ايوه يا فيروو

-فريدة: توعدني انك هتطلقها بعد ما تاخذ منها كل حاجة

-ادهم: هه ..!!

-فريدة: ماردتش عليا

-أدهم: حاضر يا أمي ، أوعدك !

-فريدة: والغلبانة شاهي دي هنعمل فيها ايه؟؟

-ادهم: يومين هتزعل وبعد كده أنا هصالحها بطريقتي .. ومتنسيش أنا متجوز الهبابة
دي لمصلحة وبس

-فريدة: قصدك يعني انك ناوي تتجوز شاهي؟؟

-أدهم: مش بعيد .. يمكن أتجوز الاتنين سوا

-فريدة: ده انت مجنون

-ادهم: كله يهون عشان المصلحة ، ريحي يا فيروو ، وانا هاشوف شاهي

.....

في أحد الكافيهات بالمهندسين ،،،

-عدلي: يالا بقى لأحسن كده اتأخرتي على ابنك

-ناهد: هاشوفك امتى؟

-عدلي: أما أخلص من موضوع مستر شرودر ده الأول واطمن

-ناهد: ماشي ، بس ماتسنيش !

-عدلي: ربنا يسهل ، وابقى بلغيني بالجديد يا ناهد

-ناهد: طيب

.....

في فيلا رأفت الصياد ،،،،

-يارا: شايف أخوك

-عمر: واطي

-يارا: شايف انت عملت ايه فيا ايه لما ساعدته

-عمر: ماكونتش اعرف والله

-يارا: بيتهياي لو روت قولت لأبوك ده مقلب معمول فيا مش هيصدق ، وخصوصا لما الست فريدة هانم والمحروسة شاهي شافوني

-عمر: اها

-يارا: يا رب حلها من عندك

.....

في الحديقة ،،،

كانت شاهي تبكي بحرقة مما حدث و...

-شاهي في نفسها: مش ممكن ادهم يتجوز بنت الخدامين دي ، مش ممكن ، انا هيجرالي حاجة لو ادهم راح مني .. بس..بس هو اللي طلب يتجوزها ، يعني كان بيضحك عليا ؟؟؟ كان بيستغلني ، لأ مش ممكن !!! أنا لازم أبلغ ماما باللي حصل ده

-أدهم من بعيد: شوشوووو

-شاهي: ابعده عني ومتكلمنيش ، انت..انت كداب !!!

-ادهم مقترباً منها : شوشو بيبي ، اهدي بس واسمعيني

-شاهي: اسمعك؟؟ روح اسمع عروستك يا عريس مش أنا !!!

-أدهم: شاهي ، استني بس!!!!

-شاهي: عاوز ايه مني؟؟

-أدهم: مش عاوزك تزعلي ، اللي بعمله ده لمصلحتنا

-شاهي: مصلحتنا ازاي؟؟؟ انك تتجوز الزفتة دي؟؟ وانا ايه مطلوب مني؟؟ أصقف ولا أرقص؟؟

-أدهم: بكرة هتشكريني لما تعرفي اللي عملته ، وبعدين يا مزتي أنا هتجوزك انتي ، لكن هي هطلع عينها

-شاهي: هه ! تتجوزني؟؟؟

-ادهم: طبعاًااa

.....
في المستشفى ،،،

كان جاسر يرتدي ملابس استعدداً لترك المستشفى ، ولكن جاءت إليه ناهد و...

-جاسر: مالهش لازمة الأعدة هنا ، أحسن حاجة اني أرجع البيت تاني

-ناهد وهي تفتح الباب: ايه اللي بتعمله ده؟؟

-جاسر: زي ما أنتي شايفة ، بلبس !

-ناهد: ده انت لسه تعبان يا حبيبي

جاسر: ماما ، انا زهقت ، ومش هافضل أعد هنا كثير ، وبعدين عاوز أشوف

الموضوع بتاعي

-ناهد: موضوع ايه

-جاسر: جوازي من يارا !!!

-ناهد: وأنا قولتلك انسى الموضوع ده يا جاسر ، مش هيحصل

-جاسر: يا ماما ليه؟؟ انتي مقولتليش سبب مقنع لرفضك ، بالعكس أنا شايف انك

بتحبيها وبتعاملها كويس كمان

-ناهد: يووووه ، جاسر هي كلمة وخلص ..

-جاسر: برضوه أنا مصمم ع اللي في دماغي

-ناهد مدعية البكاء: أنا تعبت الصراحة ، مابقتش قادرة أعمل حاجة خلاص ، كل

واحد في البيت بيعمل اللي عاوزه ومحدث عاوز يسمعلي

-جاسر: اهدي يا ماما خلاص

-صباح: ايوه يا رأفت بيه

-رأفت: نادي على ادهم ويارا خليفهم يجولي هنا في أوضة المكتب

-صباح: حاضر

-فريدة: لأ انا مش هاقدر استحمل اللي هيجصل ، بقولك ايه أنا طالعة اوضتي ولما تخلصوا المهزلة دي ابقى بلغني

-رأفت: ليه بس ما تقعدني وتسمعي رأي الأولاد

-فريدة: لأ ...

-رأفت: براحتك

.....

ذهبت صباح لتبلغ أدهم بأن والده يريد ، فوجدته يجلس في الحديقة يتمازح مع شاهي و..

-صباح في نفسها: ايه اللي بيعمله ده ؟؟؟ مش عيب عليه يبقى ناوي يتجوز بنت عمه ، وأعد يهزر مع شاهي ، ربنا يهدي

-شاهي : بس بقى

-أدهم: خلاص روقتي ؟

-شاهي: لأ ، هاروق أزاى وانت بتجهز لجوازتك

-أدهم: قولي جنازتي مش جوازتي

-صباح من بعيد: يا أدهم بيه ، يااااااا أدهم بيه

-ادهم: خير يا صباح

-صباح: رأفت بيه عاوز حضرتك في المكتب دلوقتي

-أدهم: طيب ، جاي

-شاهي: أنكل رأفت عاوزك ليه

-أدهم: اكبييد عشان يكلمني في اجراءات الجواز

-شاهي: تاني هاتقولي جواز

-أدهم: يا بنتي والله صدقيني .. دي جوازة مصلحة وبسس

-شاهي: كفاية انك هتجوزها

-أدهم: يا شوشو ما أنا هتجوزك انتي كمان

-شاهي: وهو أنت هتقاريني بيها ???

-أدهم: لأ طبعاااا ، هي فين وانتي فين !

-شاهي: أها

-أدهم: عاوزك بقى يا شوشو تعملي اللي هاقولك عليه

-شاهي: ايه ؟

-أدهم: عاوزك توهمي الكل انك مباركة الجوازة دي

-شاهي: انت عارف اني مش هاقدر

-أدهم: يا شاهي لازم تعملي كده

-شاهي: ليه ???

-أدهم: انتي هتساعديني في ادلال البت دي ، ولازم قدام الكل تباني انك موافقة عادي

ع اللي حصل ، وإلا كل اللي برسمله هيتكشف

-شاهي: مش مطمئناك

-أدهم: يا شوشو أنا ناوي ع نية سودة للبت دي ، فمش عاوز حد يحس انك بتساعديني في ده ..!!

-شاهي: اطلب مني أي حاجة إلا كده

-أدهم: أنا بحبك يا شوشو وهتجوزك لكن مش قبل ما أكسر مناخير البت دي وأرميها رمية الكلاب في الشارع

-شاهي: أها .. اوعدني انك هتعمل ده

-أدهم: أوعدك يا شوشو ... يارا مش هتتهنى ع يوم واحد معيا !!

-شاهي: وأنا معاك يا أدهم !

-أدهم : عاوزك بقى توصلي للي عندك ان يارا سلمت نفسها ليا ،وأنا بتستر عليها !!

-شاهي: ايبييه ???

-أدهم: وخدي الصورة دي كمان معاكي اثبات

-شاهي: انت...انت مجنون ، انت عارف ده معناه ايه ??

-أدهم: ايوه ، مش عاوز حد من العيلة يفكر يساعدها لو هي لجأتها ، وخصوصاً جاسر

! عاوز الكل يقول انها بنت رخيصة باعت نفسها لابن عمها !!!

-شاهي: أها .. سيب الموضوع عليا

-أدهم: أيوه بقى .. هو ده الكلام .. هاروح أنا أشوف بابا ، وانت بقى مش هوصيكي

-شاهي: اعتبره حصل يا ادهوم

.....

في غرفة يارا ،،،

طرقت صباح باب غرفة يارا لتطلب منها الذهاب إلى عمها و...

-صباح: يا ست يارا

-يارا: ايوه

-صباح: رأفت بيه عاوزك تحت

-يارا: حاضر .. انا جاية

.....

-يارا هاتفياً : هكلمك بعدين يا سمر

-سمر: عرفيني بالجديد كله يا يارا

-يارا: ادعيلي بس ربنا ينجيني من اللي انا فيه

-سمر: ربنا يعينك يا حبيبتي

.....

في غرفة المكتب ،،،،،

-رأفت: ها يا ولاد اتفقتوا هتعملوا ايه في الفرع ؟

-أدهم: آآ...

-يارا مقاطعة : عمي أنا مش عاوزة فرح كبير ، أنا عاوزة حاجة ع الضيق

-رأفت: ليه يا بنتي

-يارا: هو كده

-رأفت: وانت يا أدهم؟؟

-أدهم: لأ أنا عاوز فرح كبير طبعاً ، هو أدهم الصياد هيتجوز ع الساكت ولا ايه؟؟

-يارا: وأنا مش عاوزة غير حاجة بسيطة

-أدهم: انتي تعوزي اللي تعوزيه ، لكن أنا اللي اختار وأقرر هنعمل ايه

-يارا: يا سلام

-رأفت باستغراب: بس يا بني آآ...

-أدهم: يا بابا احنا هنكون عرسان جداد ومايصحش نقعد في أول حياتنا معاكو ، كده مش هناخد راحتنا ، ولا رأيك ايه

-رأفت: احم.. عندك حق

-أدهم: عاوزين خصوصية واحنا مع بعض

-رأفت: اها ... طيب شقتك جاهزة أصلاً ، على ما أذكر كانت محتاجة آآآ...

-ادهم مقاطعاً: دي لعبتي بقي يا بابا ، في يومين هتكون خالصة

-رأفت: على بركة الله

-يارا: طيب أنا عاوزة أنزل الشركة

-رأفت: ايه ؟

-أدهم: ليه ؟؟

-يارا: ايوه عاوزة أنزل الشركة اشوف الشغل ماشي ازاي

-رأفت: بس انتي عروسة لازم تشوفي ايه اللي ناقصك ؟؟

-يارا: البركة فيك يا عمي ، مش حضرتك قولت مانشيلش هم أي حاجة ، أنا عاوزة في الفترة دي أتعرف ع الشغل أكثر قبل ما اتلبخ في الجواز

-أدهم: اه يا أروبة ، عاوزة تقربي مني في الشغل كمان ؟ لأ فعلاً سوسة

-يارا:سوسة !!

-رأفت: ممم... وماله ، بالمره تقربوا من بعض وتفهموا سوا الشغل ماشي ازاي ، بس هما يومين بس هاسيبك فيهم تنزلي الشغل واهو بالمره تشرفي ع توضيب مكتبك انتي وأدهم قبل ما تتجوزوا ، خلاص ؟؟؟

-أدهم: أنا معنديش مانع يا بابا ، يااااه يارا حبيبتي هتبقى معايا في البيت والشغل ، ده أنا مش مصدق نفسي

-يارا: لله الأمر

-رأفت: ربنا يسعدكوا يا ولادي

-أدهم في نفسه: حلووو أوي ، أهى جتلى ع الطبطاب، كده الواحد هيعرف يظبط الليلة مع خالد كمان ، وابقى قابلينى لو حد فكر بس يمد ايده ليكى...!!

.....

في فيلا ناهد الرفاعي ،،،

عادت شاهي إلى الفيلا بعد أن أبلغتها والدتها ناهد أنها متواجدة مع جاسر بالفيلا ، ثم أبلغتهم بموضوع زواج أدهم ويارا و...

-جاسر : مش ممكن

-ناهد بفرحة : بجد ؟؟ طب ده حصل امتى ؟؟؟

-شاهي بضيق: النهاردة الصبح

-جاسر: يعني...يعني يارا وافقت ع أدهم

-شاهي: طبعا دي ماصدقت

-جاسر بحزن : طب ليه ؟؟؟

-شاهي: عاوزة تضمن ان كل حاجة بقت في حجرها وخصوصاً بعد اللي حصل.. وانا اللي اضحك عليا في الآخر !!!

-جاسر: هه

-ناهد: من الأول احنا قولناللك ان أدهم ده مش بتاع جواز يا شوشو

-شاهي: يا ريتني صدقتكوا ، يا ريتني .. الحمدلله انها جت ع أد كده ، أخري هزعل يومين لكن هكمل حياتي ، مش هاقف عنده

-جاسر: لا والله ، ع اساس ان قبل كده مكونتيش تعرفي ده

-شاهي بحدّة : يوووه ، أنا عارفة مهما قولت وعدت انت مش هتصدقني ، هتفضل تدافع عن البت دي ، أهي راحت اتجوزت أدهم بعد ما سلمتله نفسه

-ناهد: ايه؟؟

-جاسر: انتي بتقولي ايه؟؟؟؟

-شاهي: ايوه يا مامي ، ده اللي سمعته !

-ناهد: طب وفريدة؟؟؟

-شاهي: أنطي فيرووو هتعمل ايه؟؟ دي قصة حب ملتبهة ع الأخر يا مامي ، وفي بينهم صور وفيديوهات

-ناهد: كمان؟؟

-جاسر: نعم؟؟

-شاهي: ايوه ، أنا شوفت بالصدفة صورة ليهم سوا وكانت حاجة استغفر الله صعب أوي

-جاسر: ايببيه؟؟؟

-شاهي: ايوه هي كانت هتموت ع أدهم وملاقتش إلا كده عشان تدبسه فيها ، مش بقولكم شيطانة .. !!

-ناهد: عيني عليكي يا فريدة ، مش ملاحقة !!

-شاهي: ايوه

-جاسر وهو يبتعد : عن اذنكو ..

-ناهد: استنى يا جاسر

-جاسر: ماما سيبيني لوحدني شوية

-شاهي: ماله ده

-ناهد: مالوش ، هو مضايق شوية

-شاهي بابتسامة : اها ..

-جاسر في نفسه: بقى انتي تعلمي كده يا يارا !! مش ممكن ، استحالة ، لا !! طب ليه
؟؟ ومع مين؟؟ مع أدهم !!! لألأ .. مش ممكن مش ممكن ...!!

.....
في شركة الصياد ،،،

في صباح اليوم التالي ، توجه الجميع إلى الشركة ، أصرت يارا على أن تتركب مع
عمها ، بينما استقل كلاً من خالد وأدهم سيارتهما ، وانطلقوا ورائهم ، أسرع خالد
بسيارته فتجاوز سيارة أبيه ، بينما ظل أدهم بسيارته خلف سيارة أبيه ..

-رأفت: ليه ماركيتيش مع أدهم؟؟

-يارا: مش عاوزة

-رأفت: ممكن اسألك سؤال يا بنتي؟

-يارا: اتفضل يا عمي

-رأفت: هو انا ليه حاسس انك مش مبسوطة يا بنتي؟؟

-يارا: هه .. لأ عادي

-رأفت: بصي لو في حاجة مضايقاكي قوليلي ، وأنا معاكي

-يارا: يعني لو أنا .. مثلاً .. طلبت منك آآ...

-رأفت مقاطعاً: اطلبني أي حاجة ، وقولي ع اللي جواكي من غير خوف وأنا معاكي ..

-يارا: بجد؟؟

-رأفت: طبعاااا ..

-يارا : طب يا عمي أنا كنت عاوزة أقولك إني آآآ...

بوووووووووووووووووووو

وفجأة سمع صوت فرقعة قوية ، لقد انفجر اطار السيارة فاضطر السائق أن يوقف السيارة و...

-رأفت: يا ساتر يا رب ، في ايه؟؟

-يارا: ايه اللي حصل

-السائق: الكاوتش فرقع يا رأفت بيه

-رأفت: الحمدلله انها جت ع أد كده

-يارا: الحمدلله

-رأفت: انتي كويسة يا بنتي؟؟

-يارا: أيوه

ركن أدهم سيارته وترجل منها وأسرع إلى سيارة أبيه و...

-أدهم بلهفة : خير ، انتو كويسين؟؟؟

-رأفت: الحمدلله

-أدهم: مش تخلي بالك وانت سايق

-السائق: والله يا باشا الكاوتش فرقع لوحده

-رأفت: خلاص يا بني حصل خير ، هو أصلاً مالوش ذنب

-أدهم: طب تعالوا معايا ، أنا هوصلكم

-رأفت: اوك

-يارا: لا أنا هستنى السواق لما يصلح الكاوتش

-أدهم: ايه هتقفي في الشارع لوحدك ???

-يارا: لا أنا مش لوحدى حواليا ناس كتير اهوو ، انت مش شايفهم ولا ايه ؟

-رأفت: لا يا بنتي مايصحش

-ادهم: يالا بينا يا يارا ، دي كمان مش مستاهلة خناق

-رأفت: ايوه ، تعالي يالا

اضطرت يارا أن تتركب سيارة أدهم مع عمها و...

-رأفت: قوليلي بقى يا بنتي

-يارا: نعم يا عمي ...

-رأفت: كنتي عاوزة تقوليلي ايه قبل ما الكاوتش يفرقع ??

-يارا: هه .. آآآ

-أدهم: في ايه ??

-رأفت: يالا قوليلي ماتكسفيش ؟

-يارا: هه ، آآآ...

-أدهم: الله هو في أسرار بينكو وأنا معرفش ???

-يارا: لا مافيش

-رأفت: مالکش دعوة ، سيبها في حالها ، دي حاجة بيني وبينها ، ها كنتي عاوزة

تقولي ايه ??

-يارا: لا يا عمي كنت بس بأكد ع حضرتك اني اني عاوزة مكتب لوحدى

-رأفت: أها .. بس انتي كنتي عاوزة تقولي ليها علاقة بالجواز

-يارا: آآ..

-أدهم : جواز ؟؟؟؟؟

.....

الحلقة الثالثة والخمسون :

في سيارة أدهم ،،،

-رأفت: ها يا بنتي كنت عاوزة تقولي ايه ؟؟؟

-يارا: لأ يا عمي كنت بس بأكد ع حضرتك اني اني عاوزة مكتب لوحدي .

-رأفت: أها .. بس انتي كنتي عاوزة تقولي ليها علاقة بالجواز

-يارا: آآ..

-أدهم بدهشة : جواز ؟؟؟

-يارا: آآآ...

-أدهم وهو ينظر ليارا في المرأة: ممم.. في ايه يا يارا ؟؟

-يارا: مافيش

-أدهم: اومال كنت عاوزة تقولي ايه لبابا عن جوازنا

-يارا: هه

-رأفت: ملكش دعوة يا ولد ، سييها تقول اللي هي عاوزاه

-يارا: آآ... بس بتأكد ان كنت هلبس فستان ..آآ... آآ .. ولا اتنين

-رأفت: البسي اللي يعجبك يا حبيبتي ان شاء الله مليون فستان

-أدهم: ممم..

-يارا: ميرسي يا عمي

-أدهم بلووم : وماله .. فستان أو عشرة كله في الآخر معروف نهايته ايبويه !!

-رأفت: اتلم يا أدهم ، ده أنا أبوك اللي أعد جمبك مش صاحبك

-أدهم: حاضر يا بابا

.....

في الشركة ،،،

وصل الجميع إلى الشركة ، سعدت يارا مع عمها إلى غرفة مكتبه ، بينما توجه خالد إلى غرفة الاجتماعات للتحضير للقاء مع الوفد الألماني .. كان ادهم يفكر في طريقة ما لجعل خالد يظن سوءاً بيارا ..

-ادهم: طب أخلي خالد ازاي يشوف الصور دي ؟؟؟ لازم أفكر في طريقة !! ايوه ، احسن حاجة اروحله اوضة الاجتماعات ، هناك هخليه يعرف يشوف الصور ، ويبقى يوريني هيساعد يارا ازاي لو بس فكرت تلجأله..!!

.....

في غرفة الاجتماعات ،،،

كان خالد مندمجاً بالتحضير للاجتماع مع الوفد الألماني بعد عدة ساعات ، فجاء إليه ادهم و...

-خالد بدهشة: أدهم !! بتعمل ايه هنا ???

-ادهم: بشوف لو انت حابب اني أساعدك ولا حاجة

-خالد: لأ شكراً ، كل حاجة الحمد لله تمام ، ال presentation في مكانها ، الفايلات موجودة ، كل حاجة ، اظمن

-ادهم: أها

-خالد: ها في حاجة تانية ???

-ادهم: آآآ.. بقولك انت عندك شغال ع الموبايل

-خالد: ايوه ، ليه ؟؟

-ادهم: أصله معلق عندي ومش شغال ، ممكن تشوفهولي

-خالد: طب هات موبايلك كده

-ادهم بخبث : اوك

أعطى أدهم الهاتف المحمول لأخيه خالد وعليه صورة يارا معه ، فانصطدم خالد لرؤيتها و...

-خالد: لأ... مش ممكن

-ادهم بلووم: هاه ؟؟ في حاجة يا خالد ؟؟ عرفت تصلحه ؟؟

-خالد بضيق: ايه الصورة دي ???

-أدهم: صورة ايه ؟؟

-خالد وهو يريه الصورة : دي !!!

-ادهم: آآآ... دي... دي

-خالد: مش محتاج تبرر ، بس يا ريت أي حاجة تخصك انت ويارا تبعدها عني ، فاهم !!! انت حر معاها ،

-أدهم: انت.. انت فاهم غلط

-خالد: شششششش .. مش عاوز أتكلم في حاجة ، انا ورايا شغل

-أدهم: احم.. سوري إنني عطلتك !!

خرج أدهم من الغرفة وهو يبتسم ، بينم كان خالد يشعر بالضيق مما رأى ، لم يكن يتخيل أن تكون يارا في مثل تلك الصورة ..

-خالد في نفسه: ليه بس يا يارا ، كنتي اصبري شوية !! أنا مش هقدر أظلمك ، لأن انا عارف ان أدهم عرف يلف عليكى بأسلوبه وضحك عليكى ، ماهو انتي مش هتسلمي بالسهل ، لازم يكون اشتغلك صح وكل عقلك، وانتي طيبة وصدقته ، وأنا .. أنا ماليش بخت معاكي .. !! واسلوبه القدر ده عشان يخليني أغير رأيي فيكي ، لكن ده مش هيحصل ، أنا فضل سند ليكي يا يارا مهما حصل ، ممكن ماكونش الزوج المناسب ، بس هاكون الأخ الكبير ليكي!!!

.....

في مكتب رأفت ،،،،

حضر خالد إلى المكتب ووجد يارا تطالع احد الملفات ، فاقترب منها وجلس إلى مواجهتها و...

-خالد: يارا

-يارا: ايوه يا بشمهندس

-خالد : ماتقوليش يا بشمهندس

-يارا: الله مش احنا في الشغل

-خالد: انتي تقولي علي خالد عادي سواء كنا هنا أو في البيت

-يارا: اها

-خالد بصعوبة : يارا ، أنا عاوزك تعتبريني زي...زي آآآ.. أخوكي الكبير

-يارا: أها

-خالد: عاوزك تقوليلي ع أي حاجة مضايقاكي ، عن أي حاجة مزعلاكي ، اوعي تخافي من حاجة ، أنا موجود هنا عشان أساعدك واحميكي

-يارا: شكراً

-خالد: أنا بتكلم جد ، أنا معاكي وهاكون سندك مهما حصل ومهما كانت الظروف ، عاوزك تبقى واثقة من ده

-يارا: ربنا يخليك

ثم دلف ادهم إلى داخل الغرفة و..

-أدهم: الله ، انتو اعدين هنا ؟؟؟

-خالد: ايوه

-ادهم: ممم... وتضح اني جيت قطعت حاجة مهمة ، كنتو بتقولوا ايه ؟

-يارا: ولا حاجة

-خالد وهو ينهض من مكانه : طب يا يارا ، اعملي اللي قولتلك عليه وماتقلقيش ، طول ما أنا موجود كل حاجة هتبقى تمام

-ادهم: حاجة ايه؟؟؟

-يارا: آآآ...

-خالد : يالا عشان تحضري الاجتماع

-يارا: اوك

-أدهم: طيب اسبقتي انت يا خالد أنا عاوز أقول ليارا حاجة

-يارا: لأ .. استناني يا خالد أنا جاية معاك

-خالد: اوك

-أدهم بضيق : يار اااا !

-يارا: ده ..ده مكان شغل ، واحنا مش عندنا وقت عشان نضيعه ، في البيت نبقي نتكلم

-أدهم وهو يجز على أسنانه : طيب !!!

انصرفت يارا بصحبة خالد وهي تشعر أنها وجدت سناً آخر لها ، بينما ظل أدهم في مكانه يشعر بالغضب والحنق لأن خططه مع أخيه فشلت

-أدهم : مفكرة انك فلتني يا يارا ، ده لسه اللي جاي اكرررر

.....

في غرفة الاجتماعات ،،،

حضر الوفد الألماني إلى الشركة ، وكان على رأس الوفد الألماني مستر شرودر .. مستر شرودر تربطه علاقات وطيدة بعائلة الصياد ، هو يعرفهم منذ فترة طويلة .. أصر عدلي أن يحضر ذلك الاجتماع هو الآخر في حالة وجود مستر شرودر ، فما كان من أفت الصياد إلا أن يطلب من صديقه الحضور ..

رحب رأفت بمستر شرودر ، وكان ينتظر وصول خالد ابنه لكي يبدأ الاجتماع و..

-رأفت: أهلا وسهلا بيكو في مصر

-مستر شرودر: أهلا بيك مستر رأفت ، نحن سعداء بأننا سنتعاون من جديد معكم

-رأفت: احنا الأكثر والله ، عاوز أقولك يا عدلي ان بقالنا سنين مشوفناش بعض أنا ومستر شرودر

وما إن انصرف عدلي ، حتى دلف خالد إلى غرفة الاجتماعات وخلفه يارا بعدها بلحظات قليلة ، ثم لحق بهم أدهم و...

-رأفت: تعالي يا خالد ، مستر شرودر جه من بدري قبل ما باقي الوفد يجي عشان يسلم علينا بنفسه

-خالد : أها

-رأفت: ده ابني الكبير خالد يا مستر شرودر

-خالد مصافحاً إياه: Welcome to Egypt مستر شرودر

-مستر شرودر: شكراً لك

-خالد مندهشاً: حضرتك بتكلم عربي؟؟؟

-مستر شرودر : بلى

-خالد: والله ده شيء عظيم جدااااااا ، يارا حظي الملفات هناك ، وشغلي ال presentation ، وصورى الورق ده كمان بعد اذنك

-يارا: اوك

كان مستر شرودر يجلس مع رأفت بعيداً عن طاولة الاجتماعات ، ثم نظر مستر شرودر إلى يارا لبرهة وكأنه يحاول تذكر شيئاً ما، فقطع تفكيره رأفت و...

-رأفت: عارف مين دي اللي هناك يا مستر شرودر

-مستر شرودر: وجهها يبدو مألوفاً لدي ، أشعر وكأنى رأيتته من قبل !

-رأفت: دي يارا بنت رفعت الصياد

-مستر شرودر بدهشة: غير معقول

-رأفت: ايه رأيك فى المفاجأة دي؟؟

-مستر شرودر: أنا لا أصدق عيناى .. إنها كأمرها الراحلة

- رأفت: بالظبط ، لأ وأخدة طيبة أبوها وحنيته
- مستر شرودر: ولكن بلغني أنها توفت مع والديها
- رأفت مندهشاً : مين قالك كده ؟؟
- مستر شرودر: مستر أدلي أبلغني بهذا !
- رأفت: نعم ؟؟؟ عدلي ؟؟؟ طب ليه قال كده ؟؟
- مستر شرودر: لا أعلم ، ولكني حينما سألته عن أبناء رفعت قال أنهم توفوا معه في حادث السيارة الأليم
- رأفت: ممم...ممم...
- مستر شرودر: الآن يمكنني أن أفهم السبب
- رأفت: ايه هو
- مستر شرودر: كان لأخيك الراحل رفعت سندات وأوراق مالية باسمه موضوعة في أحد البنوك التابعة لحكومتنا ، وبموجب وصية مكتوبة مسبقاً فإن ملكيتها تؤول لأبنائه حال وفاته ، وإن لم يتم تسليمها لأي من أبنائه خلال فترة معينة تحول قيمة تلك السندات والأوراق المالية إلى الشركة التي كان يملكها هو وشركائه
- رأفت: بس اللي أعرفه ان الشركة اللي كان رفعت شريك فيها اتصفت من زمان
- مستر شرودر: هذا غير صحيح
- رأفت: اييه ؟؟ يعني ايه الكلام ده ؟؟ أنا مش فاهم حاجة
- مستر شرودر: مازالت الشركة التي كان أخيك الراحل شريكاً بها موجودة إلى الآن ، حجم أعمالها ليس كبيراً ولكنها قائمة ، وصاحب اكبر نسبة أسهم فيها على ما أذكر هو مستر أدلي
- رأفت: اييبه ؟؟؟
- مستر شرودر: دعني أتأكد لك من المعلومات التي تخص الشركة أولاً قبل أن نتحدث مع مستر أدلي في أي شيء

-رأفت: اوك

-خالد: كل حاجة جاهزة يا بابا

-أدهم مقاطعاً: اتأخرت عليكو

-خالد: احنا لسه مبدأناش

-رأفت: ده بقى يا مستر شرودر ابني التاني أدهم ، وقريب أوي هيبقى جوز يارا

-مستر شرودر: أهلاً بك مستر أدهم

-أدهم: أهلاً يا مستر شرودر ، ماشاء الله حضرتك بتكلم عربي كويس

-مستر شرودر: شكراً جزيلاً لك ، ومبارك الزواج

-أدهم وهو ينظر ليارا: الله يبارك فيك ..

.....

في مكان ما بالشركة ،،،

-عدلي هاتفياً: ايوه يا ناهد

-ناهد: ايوه يا عدلي ، في ايه

-عدلي: في نصيبة حصلت

-ناهد: ايه تاني؟؟

-عدلي: مستر شرودر طلع موجود في الوفد الألماني

-ناهد: انت قولتلي الاسم ده قبل كده

-عدلي: ايوه ، ده اللي عارف يا هانم بموضوع شركة رفعت بره مصر وبالفلوس اللي

ليه

-ناهد: ايبييه؟؟

-عدلي: عارفة ده لو بلغ رأفت بالكلام ده يبقى كل اللي خططنا ليه وصبرنا عليه ضاع هدر

-ناهد: مش ممكن

-عدلي: ده في ملايين ممكن تروح علينا

-ناهد: لألألأ.. مش بعد العمر ده كله ، لأ مش ممكن

-عدلي: لازم نتصرف وبسرعة ، مش لازم يعرف مستر شرودر بأن يارا لسه عايشة

-ناهد: طب هتعمل ايه

-عدلي: لازم يارا ماتشوفش مستر شرودر ولا هو يشوفها!!!!

-ناهد: طب هتعمل ده ازاي؟؟؟

-عدلي: مممم... هاتصرف ، سلام دلوقتي

.....

أسرع عدلي عائداً إلى غرفة الاجتماعات ، فوجد رأفت يجلس مع مستر شرودر يتحدثان على جنب ، ويارا تصور بعض الأوراق في ماكينة التصوير ، وخالد يتحدث هاتفياً ، وأدهم يجلس على أحد المقاعد

-عدلي : احم.. ازيك يا أدهم

-أدهم: الحمدلله يا أنكل ، أخبار حضرتك ايه؟؟

-عدلي: الحمدلله ، الشغل حلو ؟

-أدهم: يعني ، أديني بجرب نفسي فيه

-عدلي: أها ... ربنا يوفقك يا بني ، ها بدأتوا ولا لسه؟؟

-أدهم: لأ .. بنجهز أهوو

-عدلي: طب كويس ، انا قولت فاتني حاجة كده ولا كده

-أدهم: لأ محصلش حاجة ، يدوب سلمت ع مستر شرودر ، وبعدين سبته أعد مع بابا
بيستعيدوا ذكريات الطفولة

-عدلي مدعياً الضحك : ههههههه ، أيوه ..

.....

-خالد هاتفياً : وصل بقية الوفد؟؟

-المتصل:

-خالد: طب كويس أوي ، أنا جاي أستقبلهم بنفسي

-خالد ليارا: أنا نازل استقبل الوفد الألماني ، حاولي تخلصي الورق بسرعة عشان
هنحتاجه

-يارا: اوك

....

كان عدلي يفكر في طريقة لإبعاد يارا من الغرفة أو التخلص منها ان حالفه الحظ و...

-عدلي : لازم أبعد يارا عن الأوضة .. ممم ، ايه اللي أعمله ، ايه يا ترى !!!

لمح عدلي وجود نافذة من الزجاج بالقرب من يارا ، فقرر أن يذهب إلى هناك ويفتح
النافذة ، ومن ثم يجعل يارا تسقط منها بدون قصد ، فيتم إلهاء الجميع بما يحدث مع
يارا وبالتالي لا يحدث اللقاء المرتقب ، وإن ماتت .. سيكون هو الرابع الأكبر ...

-عدلي : الواحد مش عارف هو حران كده ليه ، الظاهر ان التكيف مش شغال

-أدهم: مش عارف ، بس أنا عادي يعني

-عدلي: أنا هفتح الشباك شوية ، أهوو يجيب حبة هوا

-أدهم: اوك ، براحتك يا أنكل

توجه عدلي ناحية يارا ، وطلب منها أن تبتعد قليلاً حتى يتمكن من فتح النافذة و...

-عدلي: معلش يا بنتي ، عاوز أفتح الازاز ده شوية

-يارا بحسن نية : اه طبعاً اتفضل

قام عدلي بفتح النافذة قليلاً ، ثم ألقى بنظارته الطبية وراء ماكينة التصوير بدون أن تنتبه يارا لما يفعل ، وأدعى انها وقعت منه و..

-عدلي بضيق وحزن : يادي النصيبة نضارتي ، نضارتي

-يارا: في ايه اللي حصل ???

-عدلي: نضارتي وقعت وراء الماكنة دي وأنا مش بعرف أشوف من غيرها ، لا حول ولا قوة إلا بالله ، أعمل انا ايه الوقتي

-يارا: طب .. طب مافيش مع حضرتك واحدة تانية ??

-عدلي: لا والله يا بنتي ، ومافيش وقت أبعث أجيب واحدة تانية ، ده الوفد زمانته جاي هنا

-يارا: طب والعمل ايه ???

-عدلي: يعني لو مافيهاش مضايقة منك ، ممكن يعني بعد اذنك تطلعي تجيبهالي من ورا البتاعة دي

-يارا وقد اخذت تفكر : هه

-عدلي: أنا عارف انه طلب بايخ بس ، أنا أسف يا بنتي اني بطلبه منك ، ولا أقولك بلاش مش مشكلة وربنا يعني بقي

-يارا : ممم.. خلاص أنا هاجيبها لحضرتك

-عدلي: مش عارف أقولك ايه بس يا بنتي ، ربنا يكرمك يا رب

-يارا: شكراً

-عدلي : استني بس أما أقفل الازاز عشان مايحصلش حاجة

-يارا: اوك

أوهم عدلي يارا بأنه أغلق النافذة الزجاجية ، ولكنه للأسف لم يفعل ..

-عدلي في نفسه: كده تمام اوي ، الازاز مش مقفول !!

أحضرت يارا المنضدة الصغيرة ووضعها أمام ماكينة التصوير وأصقتها بالحائط الموجود فيه النافذة المفتوحة ، ثم صعدت فوقها وفوق الماكينة لتحضر النظارة الطبية ، وبالفعل نجحت في الإمساك بالنظارة ، وبحركة خفيفة بيديه قام عدلي بازاحة المنضدة قليلاً خاصة أن أدهم كان منشغلاً بالنظر إلى هاتفه المحمول فلم ينتبه لما يحدث ...

-عدلي في نفسه : كويس محدش واخد باله ، انا هزوء التربيذة دي شوية ، وهي بقي تتعامل !!..

أعطت يارا النظارة الطبية لعدلي الذي شكرها وانصرف مبتعداً عنها ، فهو يعلم الآن انها على وشك السقوط من النافذة ، فهي حينما تهبط عائدة من فوق ماكينة التصوير ستبحث عن شيئاً ما لتستند عليه ، فلن تجد إلا النافذة المفتوحة لتستند عليها ، ومن ثم ستسقط على الفور

-عدلي: يالا بقى يا يارا ورينا هتحصلي ابوكي ازاي !

.....

الحلقة الرابعة والخمسون:

أعطت يارا النظارة الطبية لعدلي الذي شكرها وانصرف مبتعداً عنها ، فهو يعلم الآن انها على وشك السقوط من النافذة ، فهي حينما تهبط عائدة من فوق ماكينة التصوير ستبحث عن شيئاً ما لتستند عليه ، فلن تجد إلا النافذة المفتوحة لتستند عليها ، ومن ثم ستسقط على الفور

-عدلي: يالا بقى يا يارا ورينا هتحصلي ابوكي ازاي ... !

-يارا في نفسها: انا ايه بس اللي خلاني أحشر نفسي في الركنة دي ، ما كنت ناديت لأى حد يجيبه النضارة ، يالا بقى هعمل ايه ، وعلى رأي المثل اعمل الخير وارميه للبحر

كان أدهم ينظر إلى شاشة هاتفه المحمول حينما لمح يارا وهي تصعد فوق ماكينة التصوير ..

-أدهم في نفسه : دي بتعمل ايه دي ؟؟ ايه اللي كان حاشرها جوه أصلاً عشان تطلع ؟؟ هي اتهبلت ولا ايه ؟؟

ثم رأى يارا وهي تمد يدها لتستند على النافذة الزجاجية المفتوحة و..

-أدهم بفرع في نفسه : ده...ده الشباك مفتوح ، هي مش واخدة بالها ولا ايه ، ده كده ممكن ..ت-تقع !!

-ادهم بصوت مرتفع: ياااااااااااارا

-يارا بخضة: هه

-ادهم : حاسبي

-يارا وهي تستند على النافذة : ماتخفش ، أنا مش محتاجة مساعدة من حد أنا أقدر آآآ.... لألألأ

انطلق أدهم كالطلقة في اتجاه يارا ليحاول أن يمسك بها قبل أن تسقط من النافذة

-أدهم: ياااااااااااارا

-يارا برعب : آآآآآآآآآه

-رأفت: في ايه اللي بيحصل

-مستر شرودر: ما الذي يحدث؟؟

-عدلي: يا ساتر يا رب

استطاع أدهم أن يمسك بذراع يارا ، بينما تدلى باقي جسدها من النافذة ، كانت يارا تنظر إليه برجاء ألا يفلتها و...

-أدهم: امسكي فيا يا يارا ، اوعي تسيبي ايدي

-يارا برجاء: ماتسبنيش يا أدهم ، ماتسبنيش أقع

-ادهم: والله ما هاسيبك ، امسكي بس كويس فيا

-يارا بخوف : أنا هاقع ، أنا عارفة .. انت..انت هتسيبني

-أدهم: والله العظيم ما هاسيبك

-رأفت من الخلف: ياراللا ، ايه اللي حصل؟؟ ازاي وقعتي

-مستر شرودر: حاول ألا تتركها يا أدهم ، أمسكها جيداً ، حاول ألا تجعلها تفلت منك

-أدهم وهو يحاول رفعها : مش وقتك يا عم شرودر

-رأفت: خليني أشدها معاك يا بني

-أدهم: امسكني انت بس يا بابا ، وثبتي وانا هحاول أرفعها بايدي الاتنين

-يارا برعب : أنا ايدي بتزفلط ، هاقع .. هاللاقق

-أدهم: اهدي بس عليا وماتحركيش كتير ، الحركة الكثير هي اللي بتخليكي تتزفلطي
مني

-يارا: طيب.. طيب

-رأفت: امسك معانا أدهم يا عدلي

-عدلي: هه.. أيوه حاضر

ثبت كلاً من رأفت ومستر شرودر أدهم جيداً وأمسكا به من وسطه حتى يستطيع أن
يمسك هو بيارا بكلتا يديه ويرفعها إليه ، بينما أوهم عدلي الجميع أنه يساعدهم و..

-أدهم وهو يمد يده الاخرى ليارا : هاتي ايدك الثانية

-يارا: مش عارفة

-أدهم: لأ حاولي تمديها ، يالا

-يارا: أنا خايفة

-أدهم: متخافيش ، أنتي مش واثقة فيا؟؟

-يارا: لأ !

-أدهم: صدقيني والله ، أنا مش هاسيبك تقعي

حاولت يارا أن تمد بيدها الاخرى إلى أدهم الذي أمسك بها ثم حاول جاهداً أن يسحبها إليه

-أدهم وهو يحاول الامساك بيدها : كمان يا يارا ، حاولي

-يارا: طيب

-ادهم: هانت ، قربت أمسكها

-يارا: أنا ..أنا مش عارفة

-أدهم: حاولي يا يارا ، مرة كمان بكل قوتك مديلي ايدك

-يارا وهي تحاول ان تمد يدها : ط...طيب

-ادهم وقد أمسك بيدها : ايوه ، اهوو مسكتك .. آآآآ... يالا

-يارا: اوعى افلت منك

-أدهم: متخافيش

بدأ ادهم في سحب يارا تجاهه تدريجياً ، وكانت هي تتمسك به بكل قوة إلى أن نجح تماماً في رفعها إليه ..

-أدهم: امسكي كويس يا يارا

-يارا: حاضر

-ادهم: انتي قربتي توصليلي

-يارا: اوعى تسيبني

-أدهم: اطمني ، بس أهم حاجة امسكي فيا مهما حصل ، اوعى تفلتي ، يالا .. اجمدي ، وانا مش هاسيبك

-أدهم وهو يدفع نفسه للخلف : مش هيجصل !!..

-يارا بصريخ: آآآآآآه

.....

سقطت يارا فوق أدهم وظلت ممسكة به لفترة وهي مغمضة العينين ، وظل أدهم حاضناً يارا بكلتا يديه ولم يتركها حتى صاح رأفت بـ...

-رأفت: أدهم ، يارا !! انتو كويسين ؟؟

-أدهم متألماً: آآآآآه .. لحد الوقتي أنا عايش ، بس ضهري الصراحة مش حاسس بيه

-رأفت: يارا !! انتي كويسة ، ياراااا ..!! ردي عليا ؟؟ انتي كويسة

-مستر شرودر : هل أنتم بخير ؟؟ هل أصابكما مكروه

-أدهم: كلا البتة ، ارحمنى أبوس ايدك من ام الدبلجة دي ، أنا تعبتك الصراحة !!

-مستر شرودر: فلنطمأن على مستر أدلي ، لقد فقد وعيه !

-رأفت وهو يحاول تحريك يارا من على أدهم : يارااا ، يارااا .. سمعاني

-أدهم وهو يحاول تحريرها منه : انتي يا بنتي ؟؟؟ ماتردي علينا ولا عجبك الوضع كده ؟؟

-رأفت: دي قاطعة النفس

-أدهم: اييه ؟؟؟

-مستر شرودر: يبدو أنها فقدت الوعي هي الأخرى

-أدهم: هو مش يبدو ، ده أكيببيد

-رأفت وهو يهز يارا: يارااا .. يارااااا !! سمعاني يا بنتي ، ردي عليا

حاول أدهم أن يبعد يارا عنه حتى يستطيع النهوض ولكن للأسف لم ينجح لأن يارا كانت ممسكة به بكل شدة ...

-أدهم وهو يحاول ابعاد يارا عنه : دي قافشة فيا ولا المخبر اللي قافش حرامي غسيل

-أفت: يارا .. يااااارا

-أدهم : طب حد يبعد شعرها عن وشي ، داخل في عيني ومش شايف

-أفت: أكبيد اغمى عليها من الخضة

-أدهم: اها ..

-مستر شرودر: أفسحوا لها المجال لتتنفس ، أمل رأسها قليلاً كي لا تصاب بالاختناق

-أفت: متقلقش يا مستر شرودر ، هي الوقتي هتفوق

-أدهم : يعني أنا هفضل كده لحد ما تفوق؟؟؟

-أفت: لأ طبعا

-مستر شرودر : ماذا عن مستر أدلي ؟

-عدلي: آآآآه .. أنا ..انا الحمدلله ..آآآه

-أفت: ايه اللي حصلك يا عدلي؟؟

-عدلي: مش عارف ، ضغطي باين نزل وآثر على قلبي .. الحمدلله

-أدهم : مابدهاش بقى

قرر أدهم استخدام كل قوته للنهوض من على الأرض وهو يحمل يارا بين يديه و..

-أدهم: يا قوي يا رب

-أفت: هتوديه فين يا أدهم

-أدهم : هوديتها المكتب عندك يابابا لحد ما تفوق ، لأن مايصحش الناس تيجي تتفرج علينا واحنا كده

-رأفت: عين العقل يا بني ، وخليك جمبها لحد ما تفوق

-أدهم: طيب

كان عدلي يشعر بالضيق لأن خطته بائت بالفشل ، كان يتمنى لو سقطت يارا من النافذة فارتاح منها للأبد .. ولكن ما جعله صامتاً هو أنها لم تتحدث مع مستر شرودر ...

-عدلي في نفسه: يابااي ، كان نفسي البت تغور في داهية وتقع ، محظوظة بنت اللذينة ، انكتبلها عمر جديد ، كان زماني ارتحت منها ، يالا ، اهي الحمد لله مش هتعرف تتكلم مع مستر شرودر وإلا كان كل حاجة انكشفت وبانت !!..

.....

في مكتب رأفت بالشركة ،،،

توجه ادهم بيارا ناحية مكتب أبيه ، وضعها على الأريكة وجلس بجوارها يحاول افاقتها و...

-أدهم برقة: يارا .. يارا ، سمعاني ، يارااا .. ردي عليا !! ممم.. طب أفوقها ازاي دي ؟؟ ممم.. ايوه أحسن حاجة اعملها أجيب مياه وأدلوها ع وشها ، بس هي مش ناقصة خضة ، بدل ما تصوت وتعملي فضيحة ، واحنا هنا في الشركة مش في البيت ، ممم.. طيب أنا هنتور شوية مياه قليلين ع وشها .. بالظبط ، هو ده اللي هينفع

وبالفعل وضع أدهم بعضاً من قطرات المياه على يده ، ونثرها ببطء على وجه يارا والتي بدأت تفيق تدريجياً و...

-أدهم: لأ ، الحمدلله

-يارا: أومال ايه اللي حصل ???

-أدهم: مافيش ، أنا بس مسكتك كويس ، وشيلتك بعد كده ، وانتي قفشتي فيا ورفعتك
لحد ما دخل...آآآ

لم تمهل يارا أدهم الفرصة لكي يكمل حديثه ، وإنما حضنته كتعبير عن امتنانها لما فعل
و...

-يارا مقاطعة وقد حضنت أدهم : الحمدلله ، الحمدلله ، شكرآآآ ع اللي انت عملته

تفاجيء أدهم بما فعلته يارا و..

-أدهم: احم... والله أنا لو كل يوم حد هيشكرني بالطريقة دي أنا مستعد أشغل شيال
للصبح

-يارا باحراج: لا مؤاخذة مقصدش، بس أنا فرحانة الحمدلله اني بخير

-أدهم بابتسامة : الحمدلله

ثم دلف خالد إلى غرفة المكتب و...

-خالد بخضة: ياراآآ ، انتي كويسة؟؟ جراك حاجة ، بابا قالي ع اللي حصل؟؟

-يارا: انا الحمدلله بخير ، اظمن

-خالد: الحمدلله ، الحمدلله !!

-أدهم: ومافيش أي شكر للراجل اللي انقذها؟؟ كيس جوافة أعد؟؟؟

-خالد: ما انت في وشي طول اليوم وزى القرد أهوو ، المهم الغلبانة دي اللي لا حول
لها ولا قوة

-أدهم: اها ، قولتلي بقى

-يارا: أنا تمام يا خالد ، شكراً ع سؤال

-أدهم محذراً بغمزة : اياكي تفكري تشكريه زي ما شكرتيني

-يارا : هه

-خالد بعدم فهم: تقصد ايه ؟؟

-أدهم: ده موضوع بيني وبينها كده

-خالد: أها

-ادهم: بس نفسي أعرف ايه السبب الخطير والفظيع اللي خلاكي تتنيلي تطلعي فوق

الزفتة الماكنة دي والشباك مفتوح ؟؟؟

-يارا: كنت بجيب نضارة مستر عدلي

-أدهم بضيق: ما تولع أم النضارة ، مايشترى غيرها

-خالد: نضارة ايه ؟؟

-يارا: مستر عدلي وقعت منه نضارته ورا الماكنة ، فطلعت أجيبها

-خالد: يا سلام !!

-أدهم: كده عادي ، تطلعي وتنطي وتطيري عادي كده

-يارا: ماهو الشباك كان مقفول

-أدهم: ازاي كان مقفول وحضرتك كنتي هتعملي فيها سبايدرمان وتنطي

-يارا: والله كان مقفول ، مستر عدلي قفله بنفسه

-أدهم: أكيد انتي بيتهيألك انه عمل كده

-يارا: اقسام بالله أبداً ، هو قفله بنفسه عشان أما انزل من ع الماكنة ماقعش

-خالد: طب ايه اللي حصل ؟؟

-يارا: أنا كنت سائدة تربيذة صغيرة عشان أطلع عليها ، بس للأسف ملاقتهاش لما جيت أنزل تاني

-خالد :ممممم...

-أدهم: يعني هتكون دي كمان مشيت لوحدها

-يارا: مش عارفة

-خالد: خلاص ، مش مهم ، الحمدلله ان يارا بخير وربنا نجاها

-أدهم: أنا رايبى مافيش بقى شغل الفترة الجاية ، ونركز أحسن في فرحنا ، مش ناقصين كوارث تانية تحصل

-خالد: اول مرة تقول حاجة عليها الطلا

-أدهم: ليه يعني؟؟

-خالد: يارا انتي ارتاحي الفترة الجاية عشان تنوري في الكوشة

-أدهم: ايوه ، وعشان أنا كمان أضلم جمبك

-يارا: ان شاء الله

-خالد: ده أمر يا يارا ، خدي راحة اليومين الجايين ، ومافيش داعي للشغل خالص الوقتي

-أدهم: وانا كمان هاخذ اجازة انجز فيها اللي ناقصني

-رأفت مقاطعاً: انا معاك يا خالد في الكلام ده ، انتو الوقتي عرسان مافيش داعي للشغل خالص ، استعدوا لفرحكم وتجهيزاته ، وسيبوا الشغل ده لناسه

-أدهم: اشطأ

-يارا: بس يا عمي

-رأفت: خلاص ، هي كلمة !

- خالد: اسمعي الكلام يا يارا وبلاش مناهدة
- يارا مستسلمة: طيب ، ربنا يسهل
- رأفت: بالمناسبة يا خالد ، الاجتماع مع الوفد الألماني اتأجل
- خالد: مافيش مشكلة يا بابا ، وقت ثاني نبقى نجتمع بينهم
- رأفت: بصراحة بعد اللي حصل ليارا مستر شرودر أصر اننا نأجله وخصوصاً كمان لما عرف أن فرحها على أدهم كمان يومين...
- أدهم: عظيم
- يارا: أها
- خالد: تمام
- رأفت: يالا بقى يا ولاد مافيش داعي لوجودكم هنا ، شوفوا وراكوا ايه وجهازوه
- أدهم: وماله ، مش يالا بينا يا يارا
- يارا: هه
- أدهم: تعالي معايا
- يارا: بس آآ...
- أدهم وهو يسحبها من يدها : يالا يا عروسة عاوزين نشوف ناقصنا ايه
- رأفت بضحكة : مع السلامة يا حبايبي
- وما إن انصرف أدهم مع يارا حتى تحدث خالد مع رأفت و...
- خالد: بابا أنا حاسس ان موضوع وقوع يارا ده مش بالصدفة ، لأ مدير
- رأفت: وانا كمان
- خالد: أنا هشوف كاميرات الأوضة الأول وبعدين نتكلم

-رأفت: وأنا عاوز أقولك كمان عن حاجة قالها لي مستر شرودر
-خالد: ايه هي ???

.....

في سيارة أدهم ،،،

-أدهم: تعالي اركبي جمبي

-يارا: لا أنا هركب ورا

-أدهم: ليه كنت سواقك الخصوصي وانا معرفش

-يارا: انا متعودة أركب ورا

-أدهم: الكلام ده كان زمان ، من هنا ورايح هتركبي جمبي

-يارا: لما أبقى مراتك أبقى اركب جمبك

-أدهم: يارااا .. خلي يومك يعدي ع خير ، واستهدي بالله واركبي

-يارا: اووف

-أدهم وهو يفتح الباب لها : اتفضلي

-يارا: شكراً

-أدهم بخبث: شكراً كده ناشفة !!!

-يارا: الله !! انت هتسوق فيها ، قولتك مكوناتش أقصد

-أدهم: لا أسوق ولا أركن .. يالا خليني أوصلك ع الفيلا .. !!

.....

في فيلا ناهد الرفاعي ،،،

-ناهد هاتفياً : انت اتجننت يا عدلي ، ازاي تعمل كده ؟؟؟

-عدلي: يعني كنت لاقيت حل تاني وقولت لأ

-ناهد: طب افرض كن اتكشفنا ؟؟ كنت هتعمل ايه ساعتها

-عدلي : اطمني ماحصلش حاجة ، المهم ان الاجتماع اتأجل وشرودر ماخدش باله من البيت

-ناهد: عدلي أنا خايفة المستور بيان !

-عدلي: من الاخر كده طول ما البيت دي عايشة لازم تخافي

-ناهد: احنا لازم نتصرف ونشوف حل بعيد عن القتل وآآآ...

-شاهي مقاطعة من بعيد : مامي .. ماااااامي

-ناهد مسرعة: طب اقفل انت الوقتي يا عدلي لأحسن شاهي جاية ، وهبقي أكلمك بعدين

-عدلي: اوك .. سلام

-ناهد: أيوه يا شاهي

-شاهي: مامي بقولك أنا هاروح عند أنطي فيرووو

-ناهد: ليه ؟

-شاهي: ايه يا مامي ، مش في فرح وكده ولازم أساعدها فيه

-ناهد: اها .. بس من امتي الحنية دي ؟؟

-شاهي: مش حنية ولا حاجة ، انا بس رايحة أهون ع أنطي فيرووو اللي حصل واخذ بخاطرها

-ناهد: طيب .. متأخريش

-شاهي: مش هاتيحي معايا

-ناهد: هه.. لأ ورايا مشوار كده هاعمله

-شاهي: مشوار ايه ???

-ناهد: آآ... ناس ..ناس غلابة بعطف عليهم .. آآ.. يعني محتاجين ..قصدي واقعين
في أزمة ولازم أساعدهم

-شاهي : اوك

-ناهد: ع العموم أنا هابقى اجيلك الفيلا عند فريدة ، وجاسر لما يخلص شغل يبقى
يوصلنا بالليل

-شاهي: ايه ده هو جاسر نزل الشغل ???

-ناهد: ايوه ، أصر يا شوشو ينزل رغم ان الدكتور مديله أجازة

-شاهي: براحته بقى يا مامي ، يالا باي

-ناهد: باي يا شوشو ..

.....

في فيلا رأفت الصياد ،،،

عادت يارا إلى الفيلا بعد أن أوصلها أدهم ، ثم صعدت إلى غرفتها ، بينما توجه أدهم
بسيارته إلى شقة الزوجية الجديدة ليطمأن على ما بها من توضيحات تليق ب... يارا !

في غرفة المعيشة ،،،

كانت فريدة تتحدث مع شاهي حول كيفية افساد فرحة يارا و...

-شاهي: انا لازم أعكّن عليها ، لازم اخليها متتهناش لحظة واحدة مع أدهم

-فريدة: ياما نفسي أدهم يخلي حياتها كلها جحيم

-شاهي: على ايدي يا أنطي هنعمل كده

في تلك الأثناء عاد خالد مع أبيه من العمل ، توجه رأفت إلى المكتب ، بينما سعد خالد إلى غرفته ، ولكن أوقفه ما سمعه من حديث بين شاهي وأمه فريدة و...

-خالد في نفسه : ايه اللي بسمعه ده ؟؟ يعني شاهي ناوية ماتجيبهاش لبر مع يارا !
أنا لازم أتصرف وأمنعها .. طب ازاي ؟؟؟ هعمل ايه ؟؟؟ ما فيش قدامي إلا .. إلا الحل
ده .. صحيح أنا هاجي فيه على نفسي ، بس كله يهون عشانك يا يارا !!!..

.....

دلف خالد إلى غرفة المعيشة بصورة مفاجئة و...

-فريدة بدهشة: خالد !!

-شاهي: خالد !!

-فريدة: في ايه يا خالد ؟؟

-خالد: ازيك يا شاهي

-شاهي : تمام

-فريدة: مالك يا خالد داخل علينا الأوضة كده ليه ؟؟

-خالد: ماما .. أنا .. شاهي ، آآ...

-فريدة: في ايه ؟؟

-شاهي: عاوز ايه يا خالد

-خالد وقد أخذ نفساً طويلاً : شاهي أنا عاوز أتجوزك
!!!!!!

.....

الحلقة الخامسة والخمسون:

في فيلا رأفت الصياد ،،،

في غرفة المعيشة ،،،

-شاهي: عاوز ايه يا خالد ???

-خالد وقد أخذ نفساً طويلاً : شاهي .. أنا عاوز أتجوزك ...!!!!!!

-فريدة بصدمة: ايبيه ??

-شاهي : نعم ???

-خالد: اللي سمعتوه ، أنا كنت مستني الفرصة من زمان عشان أكلمك في ده

-شاهي : آآآآ...

-فريدة: ايه اللي بتقوله ده يا خالد ؟

-خالد: ماما كلمي طنط ناهد وجاسر وحددي معاهم ميعاد أجي اخطب فيه شاهي

-شاهي: بس آآآ...

-خالد: عن اذنكو ، أنا نازل أفتح بابا في الموضوع ده

انصرف خالد من الغرفة تاركاً فريدة وشاهي في حيرة من أمرهما و...

-شاهي بصدمة: أنطي فيرووو ، ايه اللي خالد بيقوله ده

-فريدة: انا مصدومة ، ومش عارفة أقول ايه

-شاهي: لأ طبعاً .. أنا عاوزة أتجوز أدهم مش خالد

-فريدة: مش عارفة أقول ايه ، لازم أتكلم مع ناهد الأول

-شاهي: وانا يا أنطي ، وخططي مع أدهم

-فريدة: بصي الاتنين أولادي وأنا اللي يهمني انك تفضلي معايا

-شاهي: يا أنطي أنا اللي يهمني أكون مع أدهم ، أنا بحبه ، مش بطيق خالد يبقى ازاي

أوافق أتجوزه

-فريدة: مش عارفة أقولك ايه ، أنا نفسي مصدومة ومحتارة من اللي قاله خالد

.....

في غرفة المكتب ،،،

فاتح خالد والده في طلب الزواج من شاهي و...

-رأفت بفرحة: انت بتكلم جد؟؟

-خالد: ايوه يا بابا

-رأفت: أنا مش مصدق نفسي والله ، ولادي الاتنين هيتجوزوا ورا بعض

-خالد: اها

-رأفت: تحب يا حبيبي تعمل الخطوبة امتى؟

-خالد: أما ناخذ رأي العروسة الأول ، بس أنا عاوز جواز على طول ، أنا مش محتاج

أضيع وقت ، شاهي مش غريبة

-رأفت: صح .. نتكلم مع ناهد وجاسر وان شاء الله خير

-خالد: ان شاء الله ، عن اذنك يا بابا

-رأفت: اتفضل يا عريس

.....

اتصلت فريدة تليفونياً بناهد لتطلب منها الحضور فوراً إلى الفيلا لتبلغها بأمر هام

-فريدة هاتفياً: هو ايه اللي مش وقته يا ناهد ، بقولك تعالي بسرعة ، الموضوع

مايستناش

-ناهد: طب ما تقولي لي ايه هو في التليفون و خلاص

-فريدة: الموضوع ده ما ينفعش في التليفون ، سيبي اللي في ايدك وتعاليلي بسرعة

-ناهد : طيب .. طيب

.....

في منزل ما بأحد المناطق الراقية ،،،

-عدلي : في ايه يا ناهد ، اختك عاوزة ايه

-ناهد: معرفش ، بتقول موضوع مهم وما ينفعش يتقال في التليفون

-عدلي: روحيلها ، وبعدين بلغيني لو حاجة تستاهل

-ناهد: طيب .. المهم انت بلاش تتهور تاني ، مش عاوزين أي غلطة تضيعنا

-عدلي: بصي بقى يا ناهد ، مش بعد الوقت ده كله وأنا هضيع الملايين دي كلها من

ايدي عشان خاطر حنت بت ماتسواش نكلة ، وبعدين وش الحنية ده مش لايق عليك

، او عي تكوني صدقتي نفسك يا ناهد

-ناهد: يوووه ، أنا بقولك مش عاوزين غلطة تضيعنا ، افهم بقى

-عدلي: بقولك ايه ، روعي شوفي اختك وبعدين نتكلم

-ناهد: ماشي

.....

في فيلا رأفت الصياد ،،،

في غرفة خالد ،،،

كان خالد يحاول أن يجد المبررات لنفسه لزواجه من شاهي و..

-خالد: كان لازم أعمل كده عشان خاطر يارا ، ماهو أنا مش هاقف اتفرج عليها وهي حياتها بتتخرب بسبب شاهي أو غيرها ، لازم يارا تدوق معنى السعادة ، حتى لو كان على حساب سعادتي أنا !!..

.....

في غرفة يارا ،،،،

طرق عمر باب غرفة يارا ليخبرها بما عرف و...

-عمر: يارا ، ياااااااااا

-يارا من الداخل: ايوه يا عمر

-عمر: افتحي بسرعة عاوز أقولك حاجة

-يارا وقد فتحت الباب: خير يا عمر في ايه؟؟

-عمر: مش خالد قرر يتجوز شاهي

-يارا بصدمة : ايبيه ، مين اللي هيتجوز مين؟؟؟

-عمر: بقولك خالد هيتجوز شاهي

-يارا: شاهي شاهي

-عمر: ايوه ، شاهي الشريرة

-يارا: طب ليه؟

-عمر: مش عارف ، بس كل اللي وصلني انه عاوز يتجوزها في أسرع وقت ممكن

-يارا: بقى خالد الطيب الشهم ده يتجوز دي

-عمر: سبحان الله

-يارا: شيء مش ممكن حد يصدقه

.....

-أدهم من بعيد: الله ! الله ! مش هانخلص بقى من أم موضوع الرغي ع الأبواب ده

-عمر بصوت هامس : خميرة العكنة جه

-أدهم: ايه يا فرقع لوز ، مش هتبطل بقى لوكلوك في وذن المدام ؟

-عمر: في ايه ؟

-أدهم: بتتكلّموا في ايه كده ، انا شايف يعني ان الموضوع حيوي ع الآخر

-يارا: عادي

-أدهم: هو ايه اللي عادي ، ده انتو واكلين وذن بعض

-عمر: في ايه يا أدهم ؟؟ ، وبعدين الموضوع أصلاً مش هايستخبى

-أدهم: موضوع ايه اللي مش هيستخبى ؟؟

-يارا: شاهي هتتجوز

-أدهم: ايه ؟؟

-عمر: والمفاجأة ان اللي هيتجوزها هو آآ... قولي انتي يا يارا !

-يارا مكلمة: خالد

-أدهم بصدمة: نعم ؟؟

-يارا وهي تعقد ساعديها أمام صدرها : مش هتبارك لأخوك ولبنت خالتك !

-أدهم: ازاي كده !! مش ممكن

-عمر: و له في ذلك حكمة

-أدهم: مش معقول خالد يعمل كده ، أكيد انتو بتهزروا

-يارا: والله ما بنهزر ، الموضوع جد وحققيقي ، وعندك أخوك ما تسأله

-ادهم: أيوه هسأله

-يارا: وبعدين انت ايه اللي مضايقتك كده ؟؟

-أدهم: وانتى مالك

-يارا: طيب خلاص خلاص .. انت حر

.....

توجه أدهم إلى غرفة خالد ولكنه لم يجده بها ، فتوجه إلى غرفة المعيشة ليعرف حقيقة ما يحدث وتفاجئ بوجود ناهد وخالد ورأفت مع شاهي وفريدة يتحدثون في غرفة الصالون و...

-ناهد بسعادة: طبعااا موافقة

-شاهي: مامي !!!

-فريدة: ايه

-رأفت بسعادة: هو ده الكلام

-ناهد: أنا مش هلاقي أحسن من خالد لبنتي شاهي

-خالد: شكراً يا طنط

-ناهد: واعتبر جاسر موافق ، ده أخوك قبل ما يكون ابن خالتك

-خالد: اكيبييد ، بس برضوه لازم نكلمه وناخذ رأيه

-ناهد: تمام يا بني

-أدهم من الخارج : يبقى اللي سمعته صحيح

-خالد بتحدي: ايوه

-رأفت: تعالى يا أدهم بارك لأخوك ، خطب شاهي

-أدهم: طب ليه ؟

-فريدة: آآ...

-شاهي: ادهم آآ.. أنا م...

-ناهد مقاطعة: يالا خلي الفرحة تبقى اتنين

-فريدة: هه

-رأفت: طبعاًااا .. نتكلم بس مع جاسر وبعد كده نحدد ميعاد الفرحة على طول

-شاهي: فرح !!!

-رأفت: طبعاًااا ، خالد مستعجل ، واهو خير البرعاجله

-ناهد: اكيييبيد .. هما مش لسه هيتعرفوا على بعض ، دول تقريباً متربيين سوا

-رأفت: بالظبط

-أدهم بضيق: م...مبروك

-شاهي: ادهم

-أدهم: عن اذنكو

.....

في فيلا ناهد الرفاعي ،،

عادت ناهد مع ابنتها إلى الفيلا وهي تكاد لا تصدق عرض الزواج من خالد ، لم تكن تتوقع أن يحدث هذا ، بينما كانت شاهي تشعر بالصدمة خاصة بعد أن وافقت أمها على عرض الزواج الخاص بخالد و...

-شاهي: مامي ، ازاي توافقي ع حاجة زي كده ، انتي عارفة كويس أني بحب أدهم
مش خالد

-ناهد: بقولك ايه أنا أدري بمصلحتك

-شاهي: مصلحة ايه يا مامي ، ده انا توقعت انك هتقفي معايا وتقولي لأ

-ناهد: أقول لأ ع حاجة مضمونة ، انتي هبلة؟؟ خالد ده اللي في ايده كل حاجة ، هو الأمر النهائي في ثورة أبوه وفي كل اللي يخص عيلة الصياد ، عاوزاني أقول لأ .. يبقى اكيد اتجننتي

-شاهي: يا مامي انتي عارفة اني بحب أدهم و...آآآ

-ناهد مقاطعة: مش انتي قولتي من يومين انك شلتيه من دماغك والحمدلله ان ربنا كشفه ع حقيقته ، في ايه بقى؟؟

-شاهي: آآآ... مامي آآآ...

-ناهد: خلاص أنا موافقة ، ولما يرجع جاسر من الشغل هعرفه بده ، واحنا مش محتاجين نضيع وقت ، بالعكس بموافقتنا ع جوازك من خالد ضمنا جزء من حقنا

-شاهي بعدم فهم: حق ايه

-ناهد: هه.. ولا حاجة ، اطلعي ع أوضتك وسيبيني أرتاح شوية

-شاهي: اوووف ..

.....

في غرفة أدهم ،،،،،

كان أدهم في حالة صدمة ، لم يتوقع أن يتزوج أخيه من شاهي و...

-أدهم في نفسه: انت يا خالد تتجوز شاهي ، ملاقتش إلا دي .. طب أي حد تاني غير شاهي ، ده انت اكتر واحد عارف ان شاهي ماتنسبكش .. بجد أنا مش مصدق اللي بيحصل ده ، له عملت كده في نفسك؟؟ ده شاهي عمرها ما حبت حد إلا أنا .. يبقى ازاي توافق عليك ..في شيء غريب أنا مش فاهمه ، بس اللي بقيت واثق منه الوقتي ان مافيش واحدة تضمن !!!!

.....

في فيلا ناهد الرفاعي ،،،

فاتحت ناهد جاسر بشأن موضوع زواج أخته من خالد و..

-جاسر بدهشة : خالد يتجوز شاهي !! طب ازاي؟؟

-ناهد:ده اللي حصل ، وانا قولتلهم اني موافقة ، وبلغتهم بموافقة شاهي ومنتظرين رأيك

-جاسر: منتظرين رأيي ايه بقي ، ما انتي خلاص يا ماما قررتي اللي عاوزاه ، يبقى رأيي مهم في ايه؟؟؟

-ناهد: مش أنت اخوها الكبير

-جاسر: لو كنت أخوها الكبير زي ما بتقولي وعامليني اعتبار كنتو ع الأقل استنيتوا أما خدتوا رأيي الأول وبعدين بلغتهم برأينا النهائي .. لكن أنا رأيي الوقتي يعتبر تحصيل حاصل

-ناهد: أنا مقصدش والله يا جاسر ، بس فرحتي بجواز شاهي خلاني آآآ.. يعني آآآ..

-جاسر: خلاص يا ماما مافيش داعي تدوري ع أي حجج وأعدار ، أنا موافق ، مش هلاقي حد أحسن من خالد يتجوز اختي ، انسان محترم وأخلاق وهو بصراحة اللي هيعرف يربي بنتك صح

-ناهد: قصدك ايه

-جاسر: لا قاصدي ولا ماقصديش ، مبروك لشاهي

-ناهد: عقبالك انت كمان يا بني

-جاسر: حالياً .. لأ

.....

في شركة الصياد ،،،،،

استقل خالد سيارته وتوجه بها إلى الشركة خاصة بعد أن أبلغه مدير أمن الشركة بتفريغ شريط الفيديو الخاص بمراقبة غرفة الاجتماعات وضرورة حضوره فوراً و...
-خالد في نفسه: يا ترى هيعوز مني ايه السعادي ، أكيد في حاجة مهمة ، وإلا ماكنش طلب مني إني اجي فوراً

-مدير أمن الشركة : خالد باشا ، اتفضل

-خالد: خير في ايه

-مدير أمن الشركة : احنا يا خالد باشا فرغنا شريط المراقبة الخاص بأوضة الاجتماعات

-خالد: اها

-مدير أمن الشركة : من الأفضل ان حضرتك تشوف الفيديو بنفسك

-خالد: ليه فيه ايه؟؟

-مدير أمن الشركة: حضرتك هتعرف لما تشوف

-خالد: طيب

شاهد خالد محتوى شريط الفيديو ، وكانت الصدمة جلية على وجهه ، لقد كان عدلي يبدو واضحاً وهو أولاً يلقي بنظارته الطبية عن عمد ، ثم وهو يترك سحب النافذة مفتوحاً ، وأخيراً وهو يزيح المنضدة الصغيرة بعيداً عن المكان الذي وضعت يارا و...

-خالد بصدمة: مش ممكن ، عدلي !! طب ليه عمل كده؟؟؟ ليه
؟؟؟

.....

الحلقة السادسة والخمسون :

في فيلا رأفت الصياد ،،،

عاد خالد إلى الفيلا بعد أن رأى الفيديو الذي يوضح تخطيط عدلي للتخلص من يارا ، كان السؤال الذي يدور في ذهنه هو ..

-خالد في نفسه: طب ليه عمل كده؟؟؟ ليه كان عاوز يموت يارا !! الحكاية دي مش لازم تعدي بالساهل ، لازم بابا يعرف بده .. الموضوع زاد عن حده !!

طلب خالد والده هاتفياً وطلب منه أن ينزل إلى غرفة المكتب ليتحدثا سوياً و..

-خالد هاتفياً: ألو .. ايوه يا بابا

-رأفت: خير يا بني في حاجة حصلت في الشركة

-خالد: لأ .. بس أنا عاوز أتكلم معاك ضروري ، بس من غير ما حد في الفيلا ياخذ باله

-رأفت: طب انت فين دلوقتي

-خالد: أنا في عربيتي ، واقف في جراج الفيلا

-رأفت: طب أنا هسبقتك ع المكتب ، اركن عربيتك وحصلني ع هناك

-خالد: حاضر

وبالفعل توجه خالد إلى المكتب حيث ينتظره والده هناك و..

-رأفت: خلي النور مطفي يا خالد

-خالد: حاضر يا بابا

-رأفت : خير يا بني في ايه ؟

-خالد: عدلي يا بابا

-رأفت: ماله ؟

-خالد: كان ناوي يقتل يارا !

-رأفت بصدمة: بتقول ايبيه

-خالد: زي ما قول لحضرتك يا بابا ، عدلي كان ناوي يقتل يارا النهاردة الصبح في الشركة

-رأفت: طب ليه ??? ليبيه

-خالد: ماهو ده اللي أنا عاوز أعرفه

-رأفت: اكييد انا مش هعدي الموضوع ده بالساهل

-خالد: لازم نفتح عينيا يا بابا وناخد بالننا أكثر ع يارا

-رأفت: مستر شرودر كان بلغني بحاجة كده بس هو لسه مش متأكد منها

-خالد: حاجة ايه ??

-رأفت: اما أعرف كل حاجة عنها هبلغك يا خالد

-خالد: بابا ، احنا مش لازم ندخل في صفقات أو اتفاقيات جديدة مع عدلي ده

-رأفت: اظن يا ابني ، أنا أجلت كل حاجة لحد ما مستر شرودر يبلغني باللي عاوز أعرفه

-خالد: تمام أوي

-رأفت: عاوزك الوقتي تفتح عينيك كويس ، وتنبه ع راضي وبتوع الأمن ياخدوا بالهم من أي حد يقرب من الفيلا ، لحد ما فترة الفرحة دي تعدي

-خالد: تمام يا بابا ، ولو عاوزني أعين حراسة خاصة ع يارا أنا مستعد

-رأفت: لالالا.. كده احنا هنلقت الانظار ، احنا مش عاوزين حد يشك في حاجة ، أو يحس اننا بندور ع حاجة ، خلي كل حاجة تبان طبيعية

-خالد: ماشي

-رأفت: كمان نبه ع مدير الأمن انه ميعرفش أدهم أو يارا باللي حصل ، مش ناقصين قلق

-خالد: أنا خلاص عملت كده

-رأفت: هما يومين بس ويارا هتجوز أدهم وبعد كده يسافروا ويبعدوا عن القلق ده كله لحد ما احنا نكون كشفنا اللي بيحصل كله

-خالد: اوك

-رأفت: عرفت ان جاسر وافق ع جوازك من اخته

-خالد بتوتر: هه .. آآآ.. طب كويس

-رأفت: انت يا بني واثق من قرار ارتباطك بشاهي؟؟

-خالد بتردد: آآآ.. اه يا بابا طبعا

-رأفت: بس أصل يعني .. آآآ.. شاهي كانت طول عمرها عينها ع..آآآ..

-خالد: ادهم !

-رأفت: بصراحة أه ، فالواحد مستغرب من قرارك ده

أخذ خالد نفساً عميقاً ثم بدأ في التحدث و...

-خالد: بص يا بابا مسألة الجواز بالنسبالي زي الصفقة المتكافئة والمتكاملة الأركان ، أنا شايف ان شاهي مناسبة ليا وفيها مميزات البنات اللي بحلم بيها

-رأفت: اها

-خالد مكملاً بثقة : وكون ان هي كان في اعجاب لأخويا ده مياثرش ع قراري ، لأن لو هي كانت بتحبه بجد فعلاً كانت اعترضت ع طلب جوازي ، لكن هي رحبت وكذلك خالتي وجاسر ، وعادي أي حد في الدنيا كلها بيعجب بشخصية ادهم ، وحضرتك عارف ليه ، ده الواد الجان المحبوب الخفيف ، لكن أنا عكسه تماماً .. وزي ماقولتك يا بابا من الأول ، دي جوازة متكافئة بالنسبالي

-رأفت: رغم إنني مش مقتنع بصراحة باللي بتقوله ، بس هاقول ايه غير ربنا يصلح حالك يا بني ويفرحك

-خالد: يا رب .. بقولك يا بابا

-رأفت: ايوه يا بني

-خالد: أنا علوز أتجوز شاهي في نفس يوم جواز أدهم

-رأفت: ابييه

-خالد: مالوش لازمة نضيع وقت

-رأفت: بس آآ...

-خالد: أنا هكلم خالتي وهظبط معاها ، وحضرتك بقى تظبط ماما

-رأفت: مم...

-خالد: وجاسر سيبوه عليا

-رأفت: بس انتو هتعيشوا فين؟؟

-خالد: هنا طبعاً

-رأفت: اخوك قرر يعيش مع يارا في شقته

-خالد: وماله ، كده أحسن

-رأفت: اها

-خالد: عاوزين الفرحة تدخل البيت ، بقالنا زمن مافرحناش

-رأفت: يا رب يا بني يفرحكم ويسعدكم ويكرمكم بالأحسن

-خالد: اللهم أميييين

-رأفت: اطلع بقى ع أوضتك ، وان شاء الله اللي جاي هايكون افضل

-خالد: بأمر الله

.....

في فيلا ناهد الرفاعي ،،،

في غرفة ناهد ،،،

اتصلت ناهد هاتفياً بعدلي لتبلغه بأخر التطورات التي حدثت و...

-عدلي هاتفياً: هي دي الأخبار الحلوة ، أيوه اتحفيني

-ناهد: كده يبقى ضمنا ان شاهي هتخط رجلها ع أول الطريق اللي يودينا لثروة الصياد
!

-عدلي: المهم تنصحي بنتك كويس عشان تعرف تخلي خالد زي الخاتم في صوباعها

-ناهد: أيوه ، وخصوصا ان الواد خالد ده خام ومالوش في جو البنات

عدلي: بالظبط

-ناهد: اظمن أنا هوعي البت كويس

-عدي: وخليكي عارفة ان برضوه مش هتنزل عن حقي في الملايين اللي تخصصني ،
ماشي

-ناهد: طيب ، خلاص عرفت ، بس مش الوقتي ، أما أظمن ان شاهي بقت في عصمة
خالد

-عدي: وماله ، واهو زيادة الخير خيرين

-ناهد: ايوه ..

.....

وبعد مرور يومين ،،،،

في فيلا رأفت الصياد ،،،

كانت الفيلا تعج بالكثير من الأشخاص الغرباء ، فالبعض مسنول عن توضيب العروس
، والبعض الآخر مسنول عن توضيب ملابسها ، وكانت فريدة وسط كلها هذا تشعر
بالغيظ و...

-فريدة: لأ بجد كده كتير ، مش ممكن اللي بيحصل ده ، ده مابقاش بيت ، ده بقى
سويقة كل من هب ودب داخل وطالع عادي .. اوووف ..

-عمر: مالك يا ماما؟؟

-فريدة: هطأ من اللي بيحصل في بيتي

-عمر : ده انتي المفروض يا ماما تبقى فرحانة ، ده فرح ادهم بكرة

-فريدة: قول جنازته ، حفل تأبينه ، لكن جواز استحالة !!!

-عمر: يا ساتر يارب ! طيب يا ماما هاسيبك انتي في أحزانك ، وأروح اشوف
العروسة

-فريدة: انت هتنقطني انت التاني؟؟

-عمر: ليه بس يا ماما

-فريدة: عروسة ايه اللي عاوز تشوفها ، دي بوز الاخص اللي دخلت علينا بالنحس

-عمر: لأ يا ماما دي مش بوز الأخص ، دي يارا

-فريدة بعصبية : امشي من قدامي .. امشي !!!

.....

في غرفة يارا ،،،

كانت الفتيات يقمن بتوضيب يارا وتجهيزها في استعدادات خاصة لما قبل الزواج و..

-يارا : ليه كل ده ؟؟

-أحد الفتيات: هي العروسة بتعمل الحاجات دي كلها

-يارا: ده اسمه انتحار ، أنا تعبت وزهقت

-فتاة اخرى : تعبتي اييه بس ، ده احنا لسه بنقول يا هادي

-يارا: اوووف ، ويا ريت كل اللي بيتعمل ده لحد يستاهل

طرق أدهم باب غرفة يارا ليعرف ما يحدث عندها ، ولكن منعه أحد الفتيات من الولوج للداخل و..

-أدهم: او مال فين يارا ؟؟

-أحد الفتيات: موجودة جوه ، بتنزوء

-أدهم بخبث: مممم.. والله ! طب أنا عاوز أشوفها

-أحد الفتيات: مايصحش حضرتك تشوفها

-أدهم: ليه يعني ؟؟

-أحد الفتيات: ده فال وحش

-أدهم: فال وحش؟؟ ليه هي هتتحول لعم راضي لو أنا شوفتها ، وسعي بس عاوز أبص

-أحد الفتيات: لأ عيب ، عن اذنك

ثم أغلقت الفتاة الباب وهي تضحك ...

-أدهم بصوت مرتفع : يا خبر مداري دلوقتي، بكرة يبقى ع المفتشي ولا بس الشفتيشي

-يارا من الداخل: اوووف ، بارد...!!!

طلبت يارا صديقتها سمر هاتفياً لتطلب منها أن تحضر إلى حفل زفافها و..

-يارا هاتفياً: لأ حاولي تيجي ، ماتبقيش بايخة

-سمر: يا بنتي ده انتي في بلد وأنا في بلد تانية

-يارا: أنا كده هبقى لوحدني

-سمر: وحدك ازاي وانتي معاكي عيلتك

-يارا: يا بنتي برضوه ، محدش بيخاف عليا ، ده انتي عارفة اللي حصل كله والجوازة أصلاً تمت ازاي

-سمر: ممم...

-يارا: بالله عليك يا سمورة ، حاولي تيجي ، كلمي الكابتن وليد وبقية الناس في المركز خليه يجوا

-سمر: ربنا يسهل ، هبلغهم

-يارا: هستناكوا كلكم .. ماشي !

-سمر: ان شاء الله

.....

في غرفة ادهم ،،،

كان ادهم يتحدث هاتفياً مع أحد الأشخاص و...

-ادهم هاتفياً : أها .. كله تمام

-المتصل:

-أدهم: لأ متقلقش ، انا مسيطر طبعاااا

-المتصل:

-أدهم: كعادتها يعني ، هتعمل غير كده

-المتصل:

-أدهم: والله كله تمام يا عم متقلقش ، سيبها انت بس على الله ، وجهاز الشقة

-المتصل:

-أدهم: ماشي .. يالا سلام !

.....

في فيلا ناهد الرفاعي ،،،،

-ناهد بغضب: والله ما هيتعمل إلا اللي قولناك عليه

-شاهي: يعني عاوزاني اكون تعيسة

.....

تم الانتهاء من طبع دعاوي الأفراح ، وتوزيعها على المقربين فقط .. وتم حجز القاعة بأحد الفنادق الفاخرة لإقامة ليلتي الزفاف ...

لم يتصور رأفت أن يتم الانتهاء من كل شيء في خلال يومين فقط ، فقد سخر جيشاً من الموظفين والإداريين من أجل العمل على إنهاء كل شيء ، وبالفعل في الوقت المحدد كان كل شيء جاهزاً ..

-رأفت في نفسه: الحمدلله كل حاجة تمت زي ما كنت بأحلم ، رغم اني حاسس ان في حاجة مش مطبوطة ، بس الحمدلله انها عدت ، ربنا يهون بالفرح كمان وبعد كده نفو بقى لعدلي واللي مستخبي وراه ..!!!!!!

.....

في مركز التجميل ،،،

كانت فتيات مركز التجميل يتسابقن في اظهار جمال كلاً من يارا وشاهي ، حضرت فريدة وناهد إلى المركز ، ولكن تجاهلت كلتاهما يارا و...

-فريدة بضيق: اوووف

-ناهد: خلاص بقى يا فريدة ، دي هتبقى مرات ابنك

-فريدة: ابداءا ، ده مش هيغير حاجة

-ناهد: بس ايه رأيك في شوشو

-فريدة: زي القمر ، بس الفقرية اللي جمبها مضبعة فرحتي بيها

-ناهد: خلاص بقى يا فريدة عشان خاطري أنا

-فريدة: اووف

.....

في خارج مركز التجميل ،،،،

كان يقف عمر مع جاسر وينتظران وصول كلاً من أدهم وخالد و...

-عمر: مين كان يصدق ان ادهم وخالد يتجوزوا في ليلة واحدة ، لأ ومن مين من شاهي ويار

-جاسر بضيق: أها

-عمر: ع اد ما أنا مضايق ان يارا هتتجوز ادهم إلا إني مبسوط انها هتقعد معانا

-جاسر: أها ..

-عمر: بس انتو طبعاً ما صدقتوا تخلصوا من شاهي عشان تبلونا بيها ، ارتاحوا انتو واحنا نتعرف .. بس ان جيت للحق لو خالد صدرلها الوش الخشب بتاع الموظفين اللي في الشغل اختك هتمشي ع العجين متلخبطوش !!..

-جاسر: هه..

-عمر باستغراب: جالسر .. يا جاسر

-جاسر: ايوه يا عمر بتقول حاجة؟؟

-عمر: ده انت مش معايا خالص ، أنا عمال أرغي من الصبح وانت بس بتهز في دماغك

-جاسر: معلش يا عمر أصل أنا مش فايقلك الوقتي

-عمر: اللي واخذ عقلك

-جاسر: ولا حاجة .. شوف الجماعة كده خلصوا ولا لسه

-عمر: طيب ثواني

وصل كلاً من ادهم وخالد بسيارتهما بعد فترة قليلة ، ثم ترجلا كلاهما من السيارتين وكان يبدو عليهما الضيق و...

-عمر: مبروك يا عرسان ، يا رب تشرفونا النهاردة وترفعوا اسم مصر لفيك

-أدهم: اخرس يا زفت

-خالد : اتلم ياله

-عمر: حاضر

-جاسر بتردد: آآآ.. م..مبروك

-أدهم: الله يبارك فيك

-خالد: الله يبارك فيك يا جاسر وعقبالك ان شاء الله

-جاسر: شكراً

-عمر: مافيش أي دعوة حلوة ليا

-أدهم: افلح بس في دراستك الأول

-عمر: لأ انا هاتجوز وأقعد في البيت

-خالد: ياخي اتلهي

-ادهم: اومال العرايس جهزوا

-عمر: شاهي أه

-خالد متلهفاً : طب ويارا .. احم.. قصدي يارا خلصت هي كمان ولا لسه؟؟

-عمر: الله أعلم ، أنا معرفش عنها حاجة

-جاسر: دلوقتي يخرجوا الاتنين

-أدهم: هي لسه ماما قرفانة من يارا

-عمر: يووووه ، دي زي ما تكون حاطة طن لمون ع مناخيرها

-أدهم بفرحة : أنا كده اطمنت

-عمر: الله يكون في عونك يا يارا ، هتلاحقي ع مين ولا مين !!

-خالد: خش يا عمر اسأل ان كانوا خلصوا ولا لا ، مش هنفضل ملطوعين بره كده كثير

-عمر: ولو اتهزأت تاني

-خالد: عادي ، أل يعني كان بيفرق معاك

-عمر: لأ أبداً

بالفعل دلف عمر مرة أخرى إلى داخل مركز التجميل ليتأكد من انتهاء كلاً من يارا وشاهي من استعدادهما ، وأخبرت مديرة المركز عمر أن كلتا الفتاتين جاهزتين للخروج بصحبة عرساتهما ، فأسرع عمر بالخروج لابلاغ خالد وأدهم بهذا ..

-عمر : العرايس جهزوا ، العرايس جهزوا

-ادهم بفرحة : اشطالال

-جاسر: خير ان شاء الله

-أدهم لخالد: ها جاهز يا عريس ؟

-خالد بضيق: أيوه

-أدهم وهو يفرك كلتا يديه : استعنا ع الشقى بالله

-عمر ساخراً : أل يعني داخل يحارب

-أدهم بغمزة: لأ أكثر من كده .. !!

.....

دلف أدهم وخالد إلى داخل مركز التجميل ليصطحبا العروستين ، خرجت يارا أولاً من الداخل وتفاجيء الجميع بشكلها الرائع ...

كانت يارا ترتدي فستاناً رقيقاً مزداناً بالفصوص البيضاء الصغيرة ، و شعرها كان منسدلاً على كتفها الأيمن ، وطرحه طويلة تغطي ظهر الفستان .. وتمسك في يدها بوكيه من الورد الأبيض ..

-عمر: ماشاء الله ع الجمال ، خمسة وخميسة في وش العدو

-ادهم: الصراحة فاجئتيني ، كنت فاكرك هتطلعي أي كلام

-عمر: اي كلام ايه يا عم ، دي دي حاجة تتاكل أكل .. !!!

-خالد في نفسه : ماشاء الله ربنا يحميكي ويهنيكي

-جاسر: ماشاء الله

في حين خرجت شاهي بعدها بلحظات ، و كانت ترتدي فستاناً مكشوفاً من الصدر يبرز مفاتها ، ومفتوحاً من الانبين فأبرز ساقها ، وشعرها مرفوعاً للأعلى ومزدان بتاج كبير عليه ، مما أعطاها مظهر الملكة المتوجة

-أدهم لشاهي: ايه الجمال ده كله ؟ يا بختك يا عم خالد ، أخذت البونبوناية بتاعتنا

-خالد: انت هتركز مع شاهي ولا مع يارا ، أنا مش فاهمك الصراحة

-أدهم: هو حد يقدر يقول للجمال لأ .. وانت عارفني

-خالد: اتلم بقى

-جاسر: ادهم ، خلاص كفاية ، مايصحش كده

-أدهم: خلاص أديني هاسكت خالص عشان ترتاحوا

-خالد: يكون أحسن برضوه

-عمر: خير ما عملت

ركبت يارا في سيارة أدهم وقاد هو السيارة بنفسه ، وركب معهما عمر .. بينما تولى جاسر قيادة سيارة خالد ، وجلست شاهي في الخلف مع خالد .. في حين ركبت فريدة وناهد السيارة الخاصة بعائلة الصياد مع السائق ، ثم انطلق الجميع نحو قاعة الأفراح أو هكذا ظنت فريدة وناهد ...

في سيارة أدهم ،،،،،

-أدهم: افردى بوزك شوية ، دي النهاردة دخلتنا مش خرجتنا

-يارا: اوووف ، أنا كده مبسوطة

-عمر: وبدأنا الخناق بدري بدري

-أدهم: جوازة الندامة والهم والغم

-يارا: وأما هي كده ليه عملت ده كله عشان تتجوزني

-أدهم: عشان أكسر مناخيرك

-عمر: خف يا أدهم ، مش في ليلة فرحكم برضوه ، ولا انت مصمم انك تعكنن وتنكد

على يارا في يوم زي ده

-أدهم: والله أنا أعمل اللي أنا عاوزه في الوقت اللي أنا أحبه .. وبعدين احنا معندناش

وقت نضيعه في العكننة ولا ايه يا عروسة

-يارا بضيق: يا رب هون

-أدهم: ان شاء الله هيهون ، اصبري وهتشوفي العجب .. ده انتي هتشوفي حاجات فل

!!!!!!

.....

في سيارة خالد ،،،،،

-جاسر: مبروك يا شوشو ، مبروك يا خالد ، مش هوصيك بقى ع عروستنا

-خالد: ان شاء الله

-شاهي: تانكس

-جاسر: او عي تزعلي في يوم جوزك يا شاهي ، خالد انسان محترم وكويس وهيحك في عينيه

-خالد باقتضاب: اها.. اكيد

-جاسر: ربنا يديم عليكم الفرحة

.....

في سيارة فريدة ،،،

-فريدة بقرف: أنا مش طايقة نفسي بصراحة ، بجد مخنوقة

-ناهد: يا فريدة ماهو ابنك التاني بيتجوز بنتي ، يعني المفروض تفرحي

-فريدة: البت دي وعملة أدهم مخلياني متكتفة مش قادرة أحس بالفرحة

-ناهد: والله أنا غلبت معاكي يا فريدة ، ع الأقل لو مش عاوزة تفرحي لنفسك افرحي عشان الناس اللي موجودة دي كلها هتقول ايه لما تلاقيكي في فرح ولادك بالشكل ده

-فريدة: هه

-ناهد: ده احنا هنبقى حكاية النادي كله لو مخدناش بالنا من مظهرنا قصادهم

-فريدة: ممم...

-ناهد: اعملي اللي انتي عاوزاه بعد الفرحة ان شاء الله تولعي فيها ، لكن دلوقتي لازم نفضل محافظين ع شكلنا قصاد الناس

-فريدة: اها

-ناهد: خلاص يا فريدة

-فريدة باقتضاب: طيب

.....

في قاعة الأفراح

وصلت سيارة فريدة وناهد أولاً إلى قاعة الأفراح بالفندق ، كانت القاعة قد بدأت تمتليء بالمدعوين ، بحثت فريدة بعينها عن رأفت ولكنها لم تجده ، سألت عنه مدير القاعة فأخبرها أنه كان موجوداً منذ قليل وربما يرحب بالمدعوين في مكان ما بالقاعة
و...

-فريدة: اومال رأفت فين؟؟

-ناهد: مش شايفاه ، يمكن هنا ولا هنا

-أحد المدعوين : الف مبروك

-ناهد: الله يبارك فيك ، ميرسي

-فريدة بقرف: تانكس

-ناهد: تعالي أما نسأل عليه مدير القاعة

-فريدة : ماشي

-سيدة ما: ألف ألف مليون مبروك ، بجد ده فرح الموسم

-ناهد: ميرسي ع ذوقك ، حضرتك شرفتنا والله .. اتفضلي

-سيدة ما: شكراً

-ناهد: ايه يا فريدة ، الناس بتباركلنا ، خليكي ع طبيعتك

-فريدة: اوووف .. خرينا بس نشوف فين رأفت

-ناهد مشيرة بيدها: بصي ، اهو مدير القاعة هناك اهوو .. تعالي نسأله !

-فريدة: اوك

توجهت فريدة وناهد إلى مدير القاعة ليستفسرا منه عن رأفت و..

-ناهد: لو سمحت

-مدير القاعة: ايوه يا هانم

-ناهد: احنا بنسأل عن رأفت بيه الصياد

-فريدة مكلمة : انا مراته

-مدير القاعة: أهلا وسهلاً يا هانم

-فريدة: هو فين ؟؟؟

-مدير القاعة: والله يا فندم ، هو كان موجود من شوية هنا

-ناهد: طب ماتعرفش راح فين الوقتي ؟؟؟؟

-مدير القاعة : مش عارف

-فريدة: هايكون راح فين ده كمان ؟؟؟؟؟

-ناهد: ممكن يكون هنا ولا هنا بيسلم ع أي حد ، ما أنتي عارفة جوزك حبايبه كتير

-فريدة : أها

.....

في سيارة أدهم ،،،،

كان أدهم يقود سيارته نحو مكان آخر غير القاعة و...

-عمر: ع فكرة طريق القاعة مش من هنا يا أدهم ، انت نسيت السكة ولا ايه

-أدهم: أها

-عمر: يا عم احوذ يمين

-أدهم: ده طريق مختصر

-عمر: طريق مختصر ازاي وهو اتجاه واحد

-أدهم: اسكت انت متعرفش حاجة يا فرقع لوز

-عمر: حتى في دي كمان طلعت معرفش ، والله يا عم انت تايه وبتوهنا معاك

.....

في سيارة خالد ،،،

طلب خالد من جاسر أن يسلك طريقاً آخر غير الذي يؤدي للقاعة و...

-خالد: معلش يا جاسر حود من الشارع الجاي

-جاسر: ليه؟؟

-خالد: ده طريق مختصر أدهم كان قالي عليه

-جاسر: اها

-خالد: يمين بقى من اللي جاي

-جاسر وهو يدير عجلة القيادة : اوك

-خالد: تسلمنا يا جاسر ، نتعبك يا رب يوم فرحك

-جاسر: ان شاء الله

.....

وصلت كلاً من سيارة أدهم وسيارة خالد إلى مكان يشبه دار المناسبات و...

-جاسر باستغراب: ايه ده؟؟

-خالد: اركن هنا بقى يا جاسر

-جاسر: بس المكان هنا غريب أوي .. ده مش القاعة اللي احنا رايعين عندها

-خالد: لأ مش هي ، بس كان لازم نيجي هنا الأول

-جاسر: اها

-خالد: يالا يا عروسة

-شاهي: ايه ده ، انا مستحيل انزل هنا

-خالد: يالا يا عروسة لازم تنزلي هنا

-شاهي: اووف

-جاسر: يالا يا شاهي

.....

-عمر باستغراب: ده ايه المكان ده يا أدهم؟؟

-أدهم: يالا انزلوا

-يارا: هنا؟؟

-أدهم: ايوه

-عمر: بس ..بس ده مش مكان القاعة

-أدهم: القاعة هنروحها بعدين ، بس لازم كنا نيجي الأول هنا

-عمر: ليه يعني؟؟

-أدهم: من غير ليه ، يالا يا عروسة ، ولا عاوزاني أشيك

-يارا: لأ انا ما اتشلتش عشان تشلني ، انا أقدر أمشي

-عمر: طب خلي بالك من الفستان ، مش عاوزينوه يتبهدل

-أدهم: ايوه ، لأحسن ده أبيض والوساخة بتبان فيه بسرعة

-يارا: ههههه .. خفة

-ادهم: طبعااااا .. مش أدهم الصياد يبقى لازم اكون خفيف

وما إن ترجل الجميع من السيارتين حتى دلفوا إلى داخل دار المناسبات و..

-شاهي: نفسي أعرف بنعمل ايه هنا

-خالد: شوية وهتعرفي

-جاسر: اها

-عمر: أدهم جايبنا في حنت غريبة

-أدهم: اصبروا ع رزقكم

-يارا: يا مهون ..

كانت قاعة دار المناسبات شبه خالية إلا من بضعة أشخاص ، ثم فجأة التفت ناحيتهم شخصاً ما مهناً بفرحة و...

-رأفت : مبروووووك يا ولاد ، الف مبروووووك ، تعالوا يالا

-شاهي بدهشة : أنكل رأفت

-يارا: عمي

-جاسر: عمي رأفت ، بتعمل ايه هنا ؟؟؟

-عمر: بابا .. الله !! انت مش كنت في القاعة ، ايه اللي جابك هنا ؟؟؟

-رأفت وهو يمد يده ليارا: يالا يا عروسة

-يارا: هه

-رأفت: تعالي عشان نكتب الكتاب

-أدهم: كل حاجة جاهزة ، صح يا بابا

-رأفت: تمام يا حبيبي

-أدهم: مش يالا يا عروسة عشان تنوري الكوشة

-شاهي بدهشة: هو في ايه ؟؟؟؟

-جاسر: أنا مش فاهم حاجة

-عمر: ولا أنا .. ده أنا عامل زي الأطرش في الزفة !!

اصطحب رأفت يارا ابنة أخيه من يدها واجلسها على كرسي مخصص للعرائس و...

-رأفت بصوت عالي : يالا يا حضرت الماذون ، الكل موجود وجاهز لكتب الكتاب

-الماذون : على بركة الله ..

-رأفت: تعالي يا بني ، اقعد جنب عروستك

-خالد وهو يترك يد شاهي : حاضر يا بابا

-شاهي: انت رايح فين يا خالد ؟؟؟؟

ترك خالد يد شاهي التي صدمت مما فعل ، و توجه إلى حيث تجلس يارا ، ثم أمسك

بكف يدها وقبله و...

-خالد برومانسية : يارا .. تقبلي تتجوزيني ؟؟؟

.....

الحلقة السابعة والخمسون :

في داخل دار المناسبات ،،،

اصطحب رأفت يارا ابنة أخيه من يدها واجلسها على كرسي مخصص للعرائس و...

-رأفت بصوت عالي : يالا يا حضرت المأذون ، الكل موجود وجاهز لكتب الكتاب

-المأذون : على بركة الله ..

-رأفت: تعالي يا بني ، اقعد جنب عروستك

-خالد وهو يترك يد شاهي : حاضر يا بابا

-شاهي: انت رايح فين يا خالد ؟؟؟؟

ترك خالد يد شاهي التي صدمت مما فعل ، و توجه إلى حيث تجلس يارا ، ثم أمسك بكف يدها وقبله و...

-خالد برومانسية : يارا .. تقبلي تتجوزيني ؟؟؟؟

-يارا بصدمة: ايبيه ؟؟ انت .. انت ...

-خالد: يارا أنا بحبك وعاوز أتجوزك مش من النهاردة ، لأ من زمان أوي ..!

-شاهي: ايه اللي بيحصل هنا ؟؟؟؟

-جاسر: ايه اللي بتعمله ده يا خالد ؟؟؟

-عمر: هو أنا صاحي ولا بحلم ؟؟ أكيد بحلم صح !!

-خالد مكملًا: يارا ، أنا بحبك ومستعد أضحي بعمرى كله عشانك

-يارا: انت .. انت .. طب .. آآ... ادهم

-أدهم بابتسامة : أنا لحد كده ودوري خلص ، تمام يا ريس

-خالد: تمام يا برنس

-يارا: أنا مش فاهمة حاجة

-عمر: ولا أنا .. طب ماحد يفهمنا في ايه؟؟

-شاهي: انتو هتسيبوني واقفة كده؟؟ في ايه يا خالد في ايه يا أدهم؟؟؟

-جاسر: ما تفهمنا يا عمي اللي بيحصل

-رأفت بفرحة: اللي بيحصل ان خالد ابني هيكتب كتابه على يارا بنت أخويا رفعت الله
يرحمه ، وادهم هيبقى شاهد على العقد

-عمر: ازاي؟؟؟

-يارا: ايه؟؟

-خالد: أنا أسف يا يارا ، احنا اضطرينا نعمل ملعوب صغير ع الكل

-يارا بعدم فهم: ملعوب؟؟

-ادهم مكملاً بثقة : أيوه ملعوب .. بي جاب نتيجة ولا ايه ؟

-رأفت: أيوه

-جاسر : ماتفهمونا اللي بيحصل بالظبط

-خالد : هنفهكم كل حاجة يا جاسر ، بس اللي عاوزك تعرفه ان شاهي بالنسبالي زي
اختي ، يعني مكنش ينفع أتجوزها

-شاهي بارتياح: أحسسن

-خالد: اطمني يا شاهي

-شاهي: معنى كده ان ..ان أدهم دلوقتي حر

-أدهم: اينعم

-شاهي بفرحة: يعني احنا نقدر الوقتي نتجوز صح ؟؟؟؟

-ادهم: للأسف لأ..!

-شاهي بصدمة: ايبيه ؟؟

-أدهم: هو في حد يتجوز اخته برضوه يا شاهي

-شاهي: انت بتقول ايه ؟؟؟؟؟؟

-أدهم: بقول الكلام اللي المفروض تكوني عارفاه من زمان ، أنا عمري ما حبيتك يا شاهي ولا كنت هاحبك أصلاً

-شاهي: ايبيه ؟؟؟ انت... انت ب.. بتقول ايه ؟؟؟

-أدهم: انتي بنت خالتي ، أه ليكي معزة عندي بس معمرهاش تخطت مرحلة اكر من كده

-شاهي: لأ مش ممكن ..

-يارا: فهموني دلوقتي ايه اللي بيحصل بالظبط

-رأفت: بصي يا بنتي آآ...

-خالد مقاطعاً: أنا هفهمك كل حاجة ، بس الكلام اللي هيتقال هنا مايخرجش بره المكان اللي احنا فيه

-جاسر: تقصد ايه يا خالد بكلامك ده ؟؟؟

-خالد: أقصد ان كلامي يمس ناس كثير وهتكشف فيه أمور كثير ، بس آآ...

-أدهم: تعالي يا شاهي معايا

-شاهي: أنا مش مصدقة اللي حصل ده ، أكيد انا في كابوس مش في حلم

-ادهم: تعالي معايا

خرج أدهم بصحبة شاهي من قاعة دار المناسبات ، بينما ظل الباقيين في انتظار تفسير خالد لما حدث و...

-خالد : الحكاية وما فيها إن آآآآ...

-رأفت مقاطعاً: قبل ما تحكي الجزء اللي يخصك يا خالد ، سيبنى اقول الجزء اللي يخصني

-خالد: اتفضل يا بابا

-يارا: ايه يا عمي؟؟

-رأفت: بصي يا بنتي ، كل اللي كنت أقصده من يوم ما جيتي تعيشي معانا إن آآ.....

Flash Back لما حدث ،،،

كان رأفت يريد أن يزوج يارا لأحد ابنائه ، ولكنه لم يكن يعلم أي منهما سوف يحبها بصدق ..

هو يعلم أن خالد جاد في عمله لا مكان للمشاعر في قلبه ، ورغم هذا ففي قلبه كمية كبيرة من الحنان والعطف تحتاج لإمرأة يحبها بصدق كي تظهر ..

أما عن أدهم ابنه الثاني فهو شخصية محبوبة مرحة ، ولكنه لا يلتزم بأي وعود تخص الزواج أو الاستقرار الأسري ، فهو يحتاج إلى إمرأة يحبها بصدق فتغير له مجرى حياته إلى الأفضل

لذا قرر أن يلقي بالطعم لأبنائه ويرى أي منهما سوف يستجيب لحب يارا ، تعمد رأفت في البداية أن يجعل يارا تعمل مع خالد حتى يعطيه الفرصة ليتعامل مع امرأة تحب العمل مثله وتحاول جاهدة أن تثبت نفسها ، وكان للاحتكاك الدائم أكبر الأثر و...

-رأفت: ها ايه الاخبار؟؟ طمني يا صباح

-صباح : خالد بيه اشترى للست يارا حاجات أنا معرفش ايه هي ، بس دخل من شوية
اوضتها وحطها فيها

-رأفت: طب هو خد باله منك ???

-صباح: لأ يا رأفت بيه ، مخدش بالي اني مرقباه

-رأفت: عظيم أوي ، عاوزك تفتحي عينك كويس مع خالد وادهم ، وتبلغيني باللي
بيحصل ، وخدمي بالك من فريده أوعى تعرف أي حاجة

-صباح: حاضر يا بيه

-رأفت: روعي انتي ع شغلك دلوقتي

.....

□□□ في شركة الصياد ،،،

كان لرؤية رأفت ليارا مع خالد في مكتبه وهو يحاول تدليك قدمها بعدما انزلت بفعل
المياه وهي تهرب من خالد حينما رآها خارج المكتب الأثر الطيب في نفس رأفت ، فقد
اعتقد أن يارا بدأت تحرك في خالد ابنه مشاعر جديدة ..

-خالد: مدي رجلك شوية

-ليارا: أفندم ؟

-خالد: عشان أدهنهالك

-ليارا: لأ كله إلا كده ، أنا هدهن لنفسي

ثم فتح الباب فجأة رأفت الصياد ، فارتبكت يارا لرؤيته وحاولت أن تنهض من مكانها
ولكنها تألمت للحركة الفجائية ...

-رأفت: احم.. هو انا جيت في وقت غير مناسب ولا حاجة

-يارا بفزع وآلم : عمو رأفت .. آآآآه

-خالد ببرود: أهلا يا بابا ، تعالى

-رأفت: في ايه اللي حصل

-خالد: يارا حبت تلعب باليه مائي في الشركة فوقعت

-رأفت: مايوقع إلا الشاطر ، انتي كويسة؟؟

-يارا وهي تدهن قدمها بالمرهم : أها .. الحمد لله

-رأفت: ألف سلامة عليكي ، أنا بأكد عليك يا خالد على معاد الاجتماع مع الوفد

الألماني كمان يومين

-خالد: أها ، خلاص عرفت يا بابا وظبطت الدنيا

-رأفت: طب تمام

-رأفت في نفسه: يا مسهل يارب ، على الله يكون خالد حس بأي حاجة ، ولا يارا

حركت في ايه حاجة بدل ماهو عامل زي الجبل كده، تقيل في مشاعره !!

.....

□□□ لاحقاً حينما علم رأفت الصياد بوجود أدهم مع خالد في المكتب من السكرتيرة

وطلبه لمقابلة يارا قرر رأفت أن يطلب من مهندس الصيانة أن

-رأفت: عاوزك تفصل الكهربا عن الجانب اللي فيه مكتب خالد ابني

-مهندس الصيانة: يا فندم ده خطر

-رأفت: اعمل اللي بقولك عليه ، ماشي !!!

-مهندس الصيانة: حاضر يا رأفت بيه ، اللي تؤمرني بيه

-رأفت في نفسه: أما نشوف بقى مين فيكو اللي هايكون قلبه ع يارا أكثر من التاني
!!..

ولما علم رأفت بتعاون كلاً من خالد وادهم في انقاذ يارا احتار كثيراً ، فهو الآن لا
يعرف أي منهما أثرت فيه يارا بطيبتها عليه

-رأفت: طب الوقتي الاتنين زي بعض معها، خافوا عليها وساعدوها ، أنا محتار مين
فيهم هيجب يارا ، الخوف ان الاتنين يحبوها ، ساعتها هتبقى الكارثة اللي بجد !!!..

.....

□□□ في فيلا رأفت الصياد ،،،

في مكتب رأفت بالفيلا ،،،

كان رأفت على وشك الشعور بالفشل حينما أبلغته يارا بعدم رغبتها في العمل مع أي
من أدهم أو خالد بالشركة خاصة بعد حادثة المصعد، وعزمها أن تعمل بمفردها بعيداً
عنه ، فهو من كان وراء تلك الحادثة وليس لأي من أبنائه دخل فيها ، لذا قرر رأفت
أن يلعب بطريقة مباشرة ويوجه خالد إلى ما يريد و...

-رأفت: هي أمانة عندنا لحد ما يجي ابن الحلال اللي أسلمهاله بايدي وأجوزهاله وانا
مظن

-خالد بخضة : هه .. تجوزها

-رأفت: طبعااااا ، او مال يعني هسيبها كده

-خالد: طيب ، ربنا يسهل ، عن اذنك بقى يا بابا

-رأفت: وقول لأخوك يكبر كده ويعقل وبلاش حركات النادي دي مع بنت عمه

-خالد: ان شاء الله

أثار هذا الكلام تفكير خالد مما جعل رأفت يطمئن إلى أن الأمور تسير كما يريد ...

-رأفت في نفسه بعد أن انصرف خالد : على الله الجبل يتحرك مايفضلش كده كتير ،
وإلا فعلا البنت هتروح منه

.....

□□□ ثم أبلغت صباح رأفت ما حدث مع أدهم ويارا من تصادم خاصة في حادثة غرق حمام غرفة يارا بالمياه وذهايبها للمشفى ، وزيارة خالد لها ...

-صباح: اهوو ده اللي حصل يا بيه

-رأفت: ده كده احلوت ع الاخرر

-صباح: المشكلة ان أدهم بيه بيتصرف بقسوة مع يارا هانم وده اللي آآ...

-رأفت مقاطعاً : أدهم معدنوش دم ، أنا من الأول كنت خايف على يارا منه ، هو هيبقى ناوي يخلص عليها الحمدلله ان ده حصل ، بس على الله خالد يتحرك شوية ، وإلا بعمائل أدهم يارا هتفكر فيه وماتشوفش خالد وحنيته

-صباح: أنا خايفة يا رأفت بيه ان يارا تحب الاتنين والاتنين يحبوها

-رأفت: أنا بقى خايف ان الاتنين يحبوا يارا ، ويارا نفسها ماتحبش حد فيهم ، وتحب جاسر

-صباح:جاسر بيه ???

-رأفت: ايوه ، لحد الوقتي جاسر هو أجدع من ولادي الاتنين ، شهم مع يارا لدرجة اني فعلاً اتمناه ليها ، بس أنا مش عاوز يارا تتجوز إلا من ولادي ، وياريت يبقى خالد

-صباح: ربنا يكتبلها اللي فيه الخير

-رأفت: أنا رايح المستشفى أظمن على يارا ، وانتي خلي بالك ، ولو في جديد حتى لو كان ايه بلغيني بيه ، واحذري من فريدة

-صباح: حاضر يا رأفت بيه ، اظمن

.....

□□□ في المشفى ،،،

أثار رأفت مرة أخرى قضية عقده العزم على تزويج يارا مع خالد كي يحرك فيه شيئاً ،
وبالفعل شعر لأول مرة أنه نجح في هذا حينما رأى علامات الصدمة والدهشة تعلو
وجه خالد لأول مرة و...

-رأفت: والله لو بايدي كنت خلّيت حد فيكو يتجوزها ، سواء انت ولا أخوك ، بس أنا
عارف ان يارا مش في دماغكو ، ولا انتو في دماغها

-خالد بدّهشة : نعم ؟؟ حد فينا يتجوزها ؟؟؟

-رأفت: طبعاًااا ، هو أنا هستخسر بنت أخويا في واحد من ولادي ، بس أنا عارفكوا ،
مش البنت اللي تجذبكوا ليها

-خالد: هه

-رأفت: ربنا يصلح حالها وحالكوا ، وهنعمل ايه بس ، دي سنة الحياة ، لكن ان شاء
الله اللي هيتجوزها لازم أكون واثق فيه مليون % انه هيحافظ عليها ، وطبعاً هتكون
دي مهمتك يا خالد انك تسأل عنه وتجيبنا أراه ، واخوك ادهم برضوه اهو لو كان
عضو في النادي بتاعنا يبقى يسألنا عليه ويعرفلنا علاقته مع الناس ايه

-خالد: كمان

-رأفت: طبعاًاااا ، ما انتو هتبقوا زي اخواتها وتقفوا معاها

-خالد: هه.. ربنا يسهل

-رأفت في نفسه : يا رب حد فيكو ينتحرر والكلام ده يآثر فيكو ، لكن أعمل ايه شايف
واحد عامل زي الجبل مافيش بنت بتأثر فيه ، والتاني عاملي فيها كازانوقا وكل البنات
بتجري عليه ... ده أنا لو مكان يارا مابصش لخلقتكم ، بس انا مستخسرها تروح
للغريب وأنا عندي شحوظة زيكم كده !!!!

.....

□□□ في داخل غرفة يارا بالمشفى ،،،

-رأفت: أنا عاوزك يا يارا يا بنتي تطمني ، وطول ما أنا عايش ماتشليش هم أي حاجة ،
انتي في عينيا وعينين اخواتك خالد وأدهم وعمر

-أدهم باستغراب : اخواتها ???

-عمر: نعم ، أخوها ???

-جاسر بابتسامة : اكيبيد طبعا يا عمي ، هي هتلاقي اخوات زيهم فين ???

-أدهم: نقطنا بسكاتك دلوقتي يا جاسر

-جاسر بخبت: ماشي يا أخويا

-عمر في نفسه: أل أخوها أل .. ده أنا لو اطول ابقى جوزها هبقى ايبيبويه سلطان
زمانى ، يا سلاالم

-رأفت: دول هما يا بنتي اللي هيقفوا معاكي يوم ما نفرح بيكي ونجوزك لحد يستاهلك
، اخواتك دول هيساعدوكي ومش هيسبوكي لوحدك إلا لما نسلمك لعريس الهنا
وساعتها هخليكي تسببي الفيلا وأنا مطمئن

-يارا: ان شاء الله ، ده يوم المنى لما أنا اسيب الفيلا وأنجو بيدني

-أدهم: اسلمها لعريستها ???

تمنى رأفت بكلامه هذا أن يثير في نفوس أبنائه أي شيء ويحرك مشاعرهما تجاه يارا

..

-رأفت في نفسه : على الله يحسوا بقى، أنا اقدر من كده هتكشف وبان ، ده أنا قولتها
ع المفتشي قدام كل الناس ، فاضل ايه تاني وأعمله ، أشد كل واحد من ايده عشان
يحب البت ولا يتجوزها ..

□□□ كانت المفاجأة بحق لرأفت حينما علم من صباح قيام خالد وأدهم وجاسر بشراء
الفساتين ليارا و...

-صباح: كل واحد فيهم اشترالها فستان يا رأفت بيه

-رأفت: ايه؟؟

-صباح: ادهم بيه بعث بتاعه معايا ، وناهد هانم وصلت بتاع جاسر ، وعمر بيه وصل
بتاع خالد للست يارا

-رأفت: يبقى اللي أنا خايف منه حصل !!

-صباح: ان الثلاثة حبوها

-رأفت: ايوه .. كده الدنيا اتعقدت ، وكل اللي كنت بخطله هيبوظ □□□ !!!!!

.....

عودة للوقت الحالي ،،،

-رأفت: أنا كان نيتي والله يا بنتي اني ألفت انتباه الولاد ليكي وأخليكي تاخدي بالك
منهم وهما كذلك ، بس مكونتش أعرف ان في تطورات تانية هتحصل

-يارا بعدم فهم: تطورات ايه؟؟؟

-جاسر: تقصد اني احب يارا أنا كمان؟؟ صح يا عمي

-يارا: ايبيه؟؟؟

-رأفت بتردد: آآآ... يعني ، حاجة زي كده !

-جاسر: مممم...

-عمر: الواحد عامل زي ما يكون بيتفرج على فيلم أبيض واسود من أيام الأربعينات ..
ايه الحكاوي دي كلها؟؟؟

- رأفت: بس يا ولد ، الكلام اللي بقوله مهم
- عمر: بس انا كمان بحب يارا ، اشمعنى سقطتني من حساباتك
- رأفت: حب ايه وزفت ايه يا مفعوص انت !!!
- عمر: الله ، أنا مش مفعوص ، أنا راجل
- خالد: ايوه راجل وملو هدومك كمان ، بس ماينفمش تتجوز يارا
- عمر: ليه يعني
- خالد: هنعيده تاني
- رأفت: لا تاني ولا تالت ، ماينفمش وخلص
- يارا: أنا عاوزة أفهم ايه اللي بيحصل بالظبط؟؟ وليه اتعمل عليا ملعوب بالشكل ده ، أنا مش فاهمة أي حاجة خاااااالص
- رأفت: والله يا بنتي أنا قولت اللي يخصني وآآ...
- خالد مقاطعاً : بابا ، بعد اذن حضرتك ممكن أكمل الجزء اللي يخصني
- يارا: هو لسه في تاني ???
- خالد: ده الجزء المهم يا يارا ، وفي حاجة فيه تتعلق بجاسر وشاهي ، بس احنا ماحبناش شاهي تعرفه بالطريقة دي
- جاسر: جزء ايه اللي يخصنا يا خالد؟؟
- خالد: الجزء اللي فيه آآ.....

Flash Back ■■■ لما حدث منذ عدة أيام ،،،

أثناء تحضير خالد للاجتماع مع الوفد الألماني ، وخاصة بعد تولي خالد لمهمة تدريب يارا على العمل في الشركة ، كان خالد يرتب لعقد هذا الاجتماع ، فاتصل بمستتر

-خالد: لأ يارا مكانتش معاهم ، والحمد لله كانت عايشة بس مش معانا ، لكن الوقتي هي أعدة معانا في الفيلا وبتدرب معايا ع الشغل

-شرودر: أنا لا أعلم السبب الذي دفع مستر أدلي لابلأغي بهذا ، فهو على علم بأن ثروة رفعت لا بد أن تسلم لأحد أبنائه

خالد: ثروة !! أنا مش فاهم حاجة

-شرودر: لقد كان مستر رفعت شريكاً في أحد الشركات بألمانيا ، وكانت له حصة من الأوراق النقدية والأسهم والسندات والموضوعة في أحد البنوك التابعة لحكومتنا

-خالد: ايوه وبعدين؟؟

-شرودر: وبموجب وصية كتبت فإن تلك الممتلكات تؤول لأبنائه في حالة وفاته

-خالد: هاه

-شرودر: وإن لم يتم تسليمها لأي من أبنائه خلال فترة معينة تحول قيمة تلك السندات والأوراق المالية إلى الشركة التي كان يملكها هو وشركائه

-خالد: ايبيه؟؟ طب مين أصحاب الشركة دي

-شرودر: على ما أعتقد أن صاحب نسبة الأسهم الكبير هو مستر أدلي وزوجته مسز ناهد الرفاعي

-خالد: بتقوول ميبيبيبيبيبين؟؟؟؟

□□□ كان وقع ما يحكيه مستر شرودر بمثابة صدمة شديدة لـ خالد ، لذا طلب من مستر شرودر أن يتكتم على الأمر و...

-خالد: مش معقول ! اكيد في غلط في الموضوع ده ، ناهد الرفاعي متجوزة عدلي

-شرودر: إن ما أخبرك به صحيح 100 %

-خالد: مش ممكن

-شرودر: ويبدو أن شركة مستر أدلى هذه تعاني من ازمات مالية ، حيث علمت أنها تحتاج لسيولة مالية كبيرة لكي تستطيع أن تدفع مديوناتها

-خالد: كمان

-شرودر: نعم .. هذا ما أعرفه ! فلا يوجد شيء يمكن أن يختبيء في عالم الأعمال
مستر خالد!

-خالد: طب معلش يا مستر شرودر أنا مش عاوز حد يعرف حاجة من اللي حضرتك قولتها ، ممكن

-شرودر: لماذا؟؟؟

-خالد: معلش ، أصلي أنا شاكك في حاجة معينة وعاوز اتأكد بس منها

-شرودر: لك ما تريد

-خالد: أه ويا ريت لو اتقابلنا بعد كده ، حضرتك تعمل نفسك متفاجيء انك أول مرة تشوفي وتعرفني فيها ، ماشي؟

-شرودر: اوك

-خالد: أنا أسف هتعب حضرتك معايا ، بس ده لمصلحة الكل

-شرودر: لا تقلق مستر خالد

-خالد: ثانكس مستر شرودر ...

□□□ أنهى خالد المكالمة مع مستر شرودر وهو في حيرة من أمره و...

-خالد في نفسه: الكلام اللي قاله مستر شرودر ده خطير جداااا ، معنى كده ان حادثة عمي دي مكانتش قضاء وقدر ، لأ في إن في الموضوع ، بس ..بس ازاي خالتي أصلاً متجوزة من اللي اسمه عدلي ده ومن غير ما حد فينا يعرف !! لازم اعرف الحقيقة فين واكشفها، بس الأهم من ده كله اني وأنا بدور ع الحقيقة ملفتش الأنظار وإلا هيتعرض كل اللي بعمله للخطر ، وممكن معرفش الحقيقة فين ...!!!

*** ثم اتصل خالد بأحمد مندوب الشركة ليكلفه بمهمة جديدة وهي تجميع معلومات عن عدلي وزوجته (ناهد الرفاعي) ..

-خالد هاتفياً : أحمد عاوزك في موضوع حيوي

-أحمد: خير يا بشمهندس

-خالد: عاوزك تجملي معلومات عن ناس معينة

-أحمد: اساميهم ايه يا فندم

-خالد: هاقولك اساميهم ، بس الأهم الوقتي ان محدش يعرف أي حاجة عن الموضوع ده ، ولا حتى والدي ، ماشي؟؟

-احمد: أوامرك يا بشمهندس ..

.....

*** حينما علم خالد بنية والده في تزويج يارا كاد أن يجن مما عرف ، فهو بدأ يشعر تجاهها بمشاعر غريبة ، وأثار غيرته وحنقه عزم والده تزويجها لأي شخص ... لقد كان يشعر أن مجرد التفكير في هذا الأمر يمزقه من الداخل و..

-خالد في نفسه: بابا عاوز يجوز يارا !! مش معقول انه يفكر في ده ، يعني ..يعني كلامه ده معناه ان هي هتروح لحد تاني غيرنا ، استحالة ، لأ مش ممكن !!..

.....

*** في الشركة ،،،

-خالد : ها يا أحمد عملت ايه

-أحمد: الملف ده يا بشمهندس خالد فيه كل المعلومات اللي حضرتك طلبتها؟؟؟

-خالد: شكراً يا أحمد ، معلش تعبتك ، بس مش عاوز أي حد يعرف أي حاجة عن ده ، ولا حتى البشمهندس رأفت

-أحمد: اظمن يا بشمهندس ، كل حاجة اتجمعت بدون ما حد يحس

-خالد: تمام يا أحمد ، دايماً يعتمد عليك

-أحمد: شكراً يا بشمهندس خالد ، عن اذن حضرتك

-خالد: اتفضل

□□□ قرأ خالد الملف الذي يحوي المعلومات عن عدلي وناهد الرفاعي وصددم لما قرأه فيه حيث وجد أن ناهد الرفاعي متزوجة من عدلي منذ وفاة عمه رفعت تقريباً ، وهي شريكة أساسية بحصص معقولة في شركات يملكها عدلي خارج البلاد ، بالإضافة إلى صحة ما قاله شرودر عن وجود أسهم وأوراق مالية وسندات باسم رفعت الصياد في ألمانيا قيمتها تتجاوز الملايين حالياً و...

-خالد بصدمة: مش ممكن ، مش معقول !! دي بلاوي سودة حصلت ، بقى يطلع كل ده منك يا خالتي ، تبقي متجوزة في السر فوق العشرين سنة ، وجوزك كان شريك لعمي رفعت الله يرحمه وخبا موضوع ميراث يارا اللي في ألمانيا ، طب ليه عمل كده؟؟ مش معقول للألألألأ، معنى كده ان عمي رفعت ممكن ميكونش مات قضاء وقدر ، وان في حد دبر الحادثة دي عشان يتخلص منه هو وعيلته وياخد الفلوس دس ، بس..بس ده برضوه معناه انك ...انك جايز يا خالتي تكوني متورطة في حادثة موت عمي رفعت !!! طب ليه؟؟ ليبيبيه؟؟؟؟ مش معقول الفلوس تكون السبب ، أكبيبيد في حاجة تانية !

□□□ ظل خالد يقرأ الملف مراراً وتكراراً محاولاً أن يربط الأحداث ببعضها البعض و..

-خالد مكماً : ولو حطينا الكلام اللي قاله مستر شرودر وربطناه بالشركة بتاعة عدلي واحتياجها لسيولة مالية أكيد هيكون في صلة بين ده وده .. مممم.. ايه وجه الصلة

بين الاتنين؟؟؟؟ نفسي أعرف ... لألألألألألألألأ .. استحالة ، انا ازاي مفكرتش في ده ، يارا هي الصلة ! أيوه يارا اللي من حقها تاخد فلوس أبوها ، ولو شرودر عرف بده يبقى هيبغ السلطات الألمانية تسلّم يارا ميراثها ، لكن لو يارا مش موجودة ومستر شرودر معرفش بده ، يبقى كل حاجة هتمشي عادي .. اووووباللا ، ده معناه ان حياة يارا في خطر ، أيوه ، يارا ممكن تضيع بسبب الموضوع ده
!!!!

.....

الحلقة الثامنة والخمسون :

ظل خالد يقرأ الملف مراراً وتكراراً محاولاً أن يربط الأحداث ببعضها البعض ..
-خالد مكماً : ولو حطينا الكلام اللي قاله مستر شرودر وربطناه بالشركة بتاعة عدلي واحتياجها لسيولة مالية أكيد هيكون في صلة بين ده وده .. مممم.. ايه وجه الصلة بين الاتنين؟؟؟؟ نفسي أعرف ... لألألألألألألألأ .. استحالة ، انا ازاي مفكرتش في ده ، يارا هي الصلة ! أيوه يارا اللي من حقها تاخد فلوس أبوها ، ولو شرودر عرف بده يبقى هيبغ السلطات الألمانية تسلّم يارا ميراثها ، لكن لو يارا مش موجودة ومستر شرودر معرفش بده ، يبقى كل حاجة هتمشي عادي .. اووووباللا ، ده معناه ان حياة يارا في خطر ، أيوه ، يارا ممكن تضيع بسبب الموضوع ده؟؟؟

قضى خالد معظم النهار وهو يفكر في محاولة ايجاد الحل المناسب لحماية يارا
...

-خالد في نفسه: طب انا المفروض هتصرف ازاي الوقتي؟؟ هعمل ايه؟؟ أنا لازم
أحمي يارا؟؟ طب هحميها ازاي ومافيش صلة قوية بيني وبينها؟؟ ممم... مافيش
قلامي إلا كده إنني أتجوزها ..!! طب هي يارا ممكن توافق انها تتجوزني أصلاً؟؟؟ لازم
أخلي يارا ميكونش قدامها حل ثاني غير إنها تتجوزني .. بالظبط هو ده الحل الوحيد
اللي أقدر اضمن بيه ان يارا تكون ليا وأقدر أحميها براحتي...!!!

-خالد: طب هاقدر أخليها تتجوزني ازاي؟؟؟ أنا أصلاً لو طلبت ايدها كده عادي ممكن
هي متوافقش ، لأ وماما ممكن مترضاش أبداً .. طب والعمل ايه؟؟ ممم... أنا
مقدميش غير اني استعين بأدهم يساعديني في الموضوع ده !!

.....

□□□ طلب خالد أخيه أدهم ليتحدث معه بشأن يارا و...

-ادهم: لأ مش معقول الكلام اللي انت بتقوله ده

-خالد وهو يريه الملف : ادي الملف عندك اهو ، إقرى المكتوب فيه وهتأكد إنني اللي
بقولها صح

-ادهم: ده كلام يودي في داهية ، أنطي ناهد والتاني ده اللي اسمه عدلي !!!

-خالد: ومحدث فينا يعرف بالكلام ده ، احنا بنتكلم في حاجة بقالها أكثر من 10 سنين

-ادهم: ممم...

-خالد بتردد: أدهم .. آآآ .. انا .. آآآ... كنت عاوز آآ...

-ادهم: خير

-خالد: بص يا أدهم أنا .. آآآ...

-ادهم: ما تقول على طول انت عاوز ايه

-خالد: أنا عاوزك تساعديني أتجوز يارا وأحميها

-أدهم: انت بتقول ايه ؟؟؟؟

-خالد: أنا الصراحة عندي مشاعر ناحية يارا ، وشايف انها هتكون الزوجة المناسبة ليا ، وفي نفس الوقت مش قادر أسكت ع اللي عرفته واللي ممكن يحصلها لو فضلت ساكت وواقف في مكاني أتفرج

-أدهم: وجوازك منها هو اللي هيحل المشكلة دي

-خالد: ايوه ، أنا شايف كده

-أدهم: ممممم...

-خالد: ها قولت ايه ؟؟

-أدهم: مش عارف الصراحة

-خالد: بص أنا عاوزك بس تساعدني ، انت الوحيد اللي تقدر تتحرك بحرية عني وتصرفاتك مقبولة ومحدثش هيقدر يشك فيك

-أدهم: يعني عاوزني أعمل ايه ؟؟؟

-خالد: عاوزك آآآ... آآآ..

-أدهم: ما تقول يا عم عاوز ايه ، هو انا بسحب منك الكلام بالعافية !

-خالد: بص اللي أنا فكرت فيه ولاقيته مناسب ان..آآآ... انك يعني توهم الكل انك هتجوز يارا

-أدهم بدهشة: نعم ؟؟؟؟؟

-خالد: أنا لو طلبت أتجوزها كده عادي هلاقي اعتراض من فريدة هانم ، وانت عارف ماما هتولع حريقة في البيت ومش بعيد تولع في يارا نفسها

-أدهم: وانت من امتي يعني بتخاف من ماما

-خالد : مش مسألة خوف ، بس أنا مش عاوز الدنيا تولع ، وانا عاوز أركز في حماية يارا وآآ

-أدهم مقاطعاً: حماية يارا

-خالد: ايوه ، ماتستبعدهش ان ممكن عدلي ده يتخلص منها ، وخصوصاً انها المانع الوحيد بينه وبين ملايين مستنيها بقاله سنين

-أدهم: ممم...

-خالد: وبصراحة أنا شايف انك انت الوحيد اللي تقدر تعمل ده

-أدهم: أها

-خالد: انت شخصيتك متمردة ، بتعمل اللي عاوزه من غير ما حد يراجع وراك ، ده غير انك الوحيد اللي هتقدر تقنع ماما انك بتعمل ده عشان تطرد يارا من الفيلا

-أدهم: واطردها أصلاً ليه ، هي كانت أداة فوق دماغي

-خالد: امك بتستنى اليوم اللي تولع فيه في يارا وتطردها بره الفيلا وترميها رمية الكلاب في الشارع

-أدهم: في دي عندك حق

-خالد: وانت الوحيد اللي هاتقدر تقنعه انك لما تعمل كده وتجاوز يارا هتحققها حلمها

-أدهم: يعني انت عاوزني اقول لأمك أنا هتجاوز يارا ، وانت اللي هتجاوزها أصلاً صح كده

-خالد: بالظبط

-أدهم: لأ طبعاً ، مش هعمل كده

-خالد: ليه بس ???

-أدهم: معنى كده ان أنا اللي هاكون في وش المدفع وانت بعيد عن اللبش كله

-خالد: ايوه

-أدهم: يا سلام

-خالد: أنا عندي مهمة تانية اني أحمي يارا ، وأوصل لحقيقة حادثة عمي بالمستندات

-أدهم: ماشي يا عم جيمس بوند ، بس في مشكلة صغيرة كده

-خالد: ايه هي

-أدهم: يارا أصلاً مش طيقاتي ، يبقى ازاي هتوافق تتجوزني

-خالد: هه

-ادهم: لو امك مش هتوافق ان حد من عيالها يتجوز يارا قيراط ، فيارا نفسها مش هتوافق 24 قيراط ..!!!!

-خالد: ممم..

-ادهم: شوف بقى هنحل المشكلة دي ازاي يا أبو العريف

.....

□□□ ظل خالد يتحرك في غرفة المكتب بالشركة ذهاباً وإياباً محاولاً إيجاد طريقة لاقناع يارا بأن تتزوج أدهم و...

-خالد فجأة : ايوووه ، مافيش إلا كده

-أدهم: ابييه؟؟

-خالد: بص انا عندي اقتراح ، هو صحيح صعب عليا اني أطلب ده منك أو أعمل حاجة زي كده في حياتي ، بس آآ.. آآ .. مافيش قدامي إلا كده

-ادهم: وايه هو الحل يا كرومبو؟؟

-خالد: احنا عاوزين نوهم يارا انها آآ... يعني غلظت وكده

-أدهم: غلظت ازاي مش فاهم

-خالد: آآ... اقصد يعني انها بتحبك من فترة وسلمتك نفسها ، وانك معاك الدليل ع ده فيا إما تتجوزك يا تفضحها

-أدهم بخضة: أفندم؟؟؟؟ انت واعي للي بتقوله؟؟

-خالد: ماهي دي الحاجة الوحيدة اللي هانقدر نجبرها بيها ع تقبل فكرة الجواز

-ادهم رافضاً : لألألألأ

-خالد: ماهو اللي هيحصل هيكون كده وكده ، يعني مش حقيقي

-ادهم: انت أكيد بتهزر صح

-خالد: غصب عني والله إني أفكر في حل زي ده ، بس أنا شايف ان ده الحل الوحيد
اللي قدامي

-ادهم: أنا مش موافق ع اللي بتقوله ده

-خالد: احنا مضطربين نعمل كده

-ادهم: لأ طبعاً مش مضطربين ، ازاي عاوزني اوهم بنت عمنا اني غلظت معاها ، لأ
وكم ان عاوزني أهدها إني هفضحها لو موافقتش

-خالد: ماهو هيبقى هزار مش حقيقي

-ادهم: اقسم بالله أبدا

-خالد: ده عشان خاطر مصلحتها ، وبعدين انت بتخدم أخوك مش حد غريب

-ادهم: اخدم أخويا في مصلحة ، في صفقة ، مش في فضيحة والمتاجرة بالأعراض

-خالد: يووووه ، ده انت دماغك أنشف من الحجر ، عمال أفهمك وأقولك يارا في خطر ،
وانا عاوز أتجوزها ، وأمك مش هتوافق بده ، ومافيش بديل إلا كده ، وانت تقولي
فضيحة ومعرفش ايه

-ادهم: بص أنا ممكن اكون صايح مع البنات ، أحب دي شوية ، أهرز مع دي شويتين
، ألاغي دي حبة ، لكن أبداً ما عمريش تاجرت بشرف بنت ولا عرضها

-خالد: أنا بقولك كل اللي هيحصل كده وكده ، احنا هنوهمها بده

-أدهم: اوووف

-خالد: يعني اجيب الغريب يعمل معاها كده ، ساعتها انت هتتبسط؟؟؟

-ادهم: نعم؟؟؟ انت معندكش دم ، بقولك انا رافض الفكرة كلها ، وانت تقولي أنا أولى
من الغريب

-خالد: أنا غلبت معاك ومش عارف أقنعك

-أدهم: ممم

-خالد: بص أنا عندي فكرة ، خلي الزفت عمر معاك في الليلة دي ، وأهوو نضمن ان يارا لما تعرف بان اللي حصل ده كان مقلب ، ينفعنا الواد ده بعد كده كشاهد اثبات

-أدهم: ممم...

-خالد: ومش هوصيك عاوز تنشر انك هتطلع عين يارا وتطردها من البيت لما تجوزها للكل ، وخصوصاً شاهي وأمها

-أدهم: لا والله !!! بقي كمان مش مكفيك ان الفضيحة تبقى ع الضيق ، عاوز أمة لا إله إلا الله تعرف بده .. انت مش طبيعي ع فكرة

-خالد: انا اللي يهمني ان اللي يعرف بموضوع الطرد ناهد ، ومش هنقدر نوصلها ده إلا من خلال شاهي

-أدهم: وتكون بقي البت اتفضحت واتجرت واللي كان كان .. لأ طبعاً!!!!!! مش ها يحصل

-خالد: يا أدهم افهم ، هما مايفرقش معاها انك تتجوز يارا ولا لأ ، أد ما يفرق معاهم ان يارا تطرد وتطلع بره الفيلا من غير ولا مليم

-أدهم: ممممم

-خالد: ها فكرت؟؟ موافق ولا لأ

-أدهم: سيبيني اخد وأدي مع نفسي في الموضوع ده

-خالد: مافيش وقت نضيعه في التفكير ، لازم ننفذ فوراً

-أدهم: يووووه

-خالد: حاول تخلصلي الموضوع ده بسرعة ، وخذ عمر معاك ، أنا برضوه ماضمنكش

-أدهم: أنا مش واطي للدرجادي يعني

-خالد: الحرس واجب برضوه

.....

□□□ كاد خالد أن يجن حينما قرر ادهم تنفيذ خطته مع يارا ، فهو شعر بالندم لأنه فكر في مثل هذا الحل ، كان عليه أن يتمهل قليلاً ويفكر في حل آخر بدلاً من هذا الموقف المحرج ...

انتهى أدهم من تنفيذ الملعب ، ثم اتصل بخالد ليخبره بأخر المستجدات و...

-خالد هاتفياً : نيلت ايه؟؟

-ادهم: ده ع اساس انه كان اقتراحي وأنا معرفش

-خالد: قول بسرعة بقى ، أنا مش ناقص حرقه دم

-ادهم: اللي انت عاوزه حصل ، وصورت كعب رجل يارا وكتفها ، و لعبت في زوايا التصوير عشان أظبط الدنيا من غير ما أقرب منها ، وفي نفس الوقت وهمتها ان ده شكلها !!!

-خالد: طب أخوك عمر حس بحاجة؟؟؟

-ادهم: عمر كان هيلوع فيا ، الواد ده عنده دم عنك الصراحة !!

-خالد: طب ابعثلي الصور اللي انت صورتها عاوز اظمن

-ادهم: لأ ، أسف مقدرش ، افرض الصور دي راحت كده ولا كده

-خالد: هو أنا هنزلها ع النت ، بقولك ابعثهالي ع الواتس عاوز اظمن

-ادهم: أما أشوفك في الشركة هوريهالك ، غير كده أنا هعمل الملف مخفي وبباسورد وأحذفه ، ماشي ، أنا مش ع آخر الزمن هاكون لامواخدة

-خالد: طيب

.....

□□□ في الشركة

في غرفة الاجتماعات ،،،،

تعهد أدهم أن يوهم خالد بأنه يوجد عطل في هاتفه ، وأعطاه هاتفه المحمول ليرى الصور التي التقطها ، وكانت صور عادية ليس بها أي شيء

-خالد في نفسه : ممم.. هما دول ، عمال تبستف فيا ع الكام صورة دول ، ماشي يا أدهم ، اما نرجع البيت !!

-ادهم بابتسامه في نفسه: زمانته هيطق من الصور ، احسن !

.....

□□□ وحينما شعر خالد أن خطته مهددة من قبل شاهي ، قرر أن يلهي الجميع من خلال ايهامهم بفكرة رغبته في الزواج منها ، ونجح هذا معهم

.....

□□□ رأى أدهم أن يارا مهددة بالسقوط الفوري من النافذة خاصة حينما كانت فوق ماكينة التصوير ، تحرك مسرعاً لانقاذها دون التفكير في أي شيء ، وأبلغ خالد هاتفياً بما حدث حينما كانت يارا فاقدة للوعي في مكتب أبيه و...

-خالد هاتفياً: ازاي ده حصل

-أدهم: معرفش حصل ازاي، بس فجأة يارا كانت فوق الماكنة وبتسند في ايدها ع الهوا ، ولولا اني لمحتها كن زمانها في خبر كان

-خالد: عشان تصدقني لما أقولك ان حياة يارا في خطر

-ادهم: انا فعلا صدقت كلامك ، بس احنا هنعمل ايه؟؟ وهنتصرف ازاي؟؟؟

-خالد: مش عارف ، بس لازم موضوع الجواز ده يمشي بسرعة ، ويارا تفضل في البيت اليومين دول

-ادهم: اوك .. سيب الموضوع ده عليا

-خالد: تمام

.....

□□□ كان مدير أمن الشركة قد اتصل بخالد ليبلغه بما في محتوى شرائط فيديو المراقبة الخاصة بغرفة الاجتماعات ، ولما تأكد خالد من ظنونه ، قرر أن يخبر والده بما حدث من البداية ، وتفاجيء خالد أن رأفت كان على علم بجزء من الحقيقة خاصة من مستر شرودر ، وانه كان يحاول لفت أنظار أبنائه ليارا ... لذا ضماناً لسلامة يارا قرر كلاً من رأفت وخالد أن يتم عقد قران يارا أولاً في أحد دور المناسبات ومن ثم ابلاغها بالحقيقة ، ثم العودة لقاعة الأفراح وتفجير المفاجأة ...

-خالد: يعني انت كنت عارف يا بابا

-رأفت: كنت عارف شوية حاجات ، وانت كملتلي الصورة

-خالد: بس .. بس خالتي وعدلي ده ليه يعملوا كده ???

-رأفت: مش عارف ، وده محيرني ع الآخر

-خالد: أكيد كل حاجة هتبان مع الوقت

-رأفت: طبعاً ، وأنا شايف ان حل كتب الكتاب ده مناسب جدا

-خالد : بالظبط

-رأفت: بس انت مش شايف انك يا خالد باللي عملته ظلمت شاهي معاك

-خالد: أنا مظلمتهاش يا بابا ، أنا كنت مضطر أعمل ده و... آآآ

.....

□□□ ظل الحديث دائراً بين خالد ورأفت إلى أن سمع خالد ورأفت صوت وقع أقدام يقترب ، فقررُوا أن يغيروا مجرى الحديث و...

-خالد: شششش.. الظاهر يا بابا ان في حد هنا

-رأفت: هه

-خالد: آآ... بابا غير الموضوع بسرعة !!!

-رأفت: عرفت ان جاسر وافق ع جوازك من اخته

-خالد بتوتر: هه .. آآ.. طب كويس

-رأفت: انت يا بني واثق من قرار ارتباطك بشاهي؟؟

-خالد بتردد: آآ.. اه يا بابا طبعاً

□□□ وحاول خالد أن يرتجل في حديثه مع والده ليوهم المستمع أن زواجه من شاهي هو أمر مفروغ منه ، وبالفعل نجح خالد في هذا إلى أن وصلوا لليلة الزفاف
□□□

.....

عودة للوقت الحالي ،،،،

-خالد: ده بس باختصار اللي حصل

-جاسر بدهشة: يعني انت عاوز تقولي ان امي ناهد هانم الرفاعي متجوزة من مدة من اللي اسمه عدلي ده

-خالد باحراج: للأسف أه

-جاسر: طب ازاي؟؟؟ وليه؟؟؟

-رأفت: ممم...

-جاسر مستفهماً: طب هي أصلاً عملت كده ليه؟؟؟ تبقى في وشي الصباحية وأخر النهار في حضن راجل تاني

-خالد: آآآ...

-جاسر بضيق: أبص أنا في وشها الوقتي ازاي ، امي أنا تعمل كده ، وانا اللي بقول ياريت كل الستات تبقى زيها

-خالد: أنا مش عارف اقولك ايه ، بس احنا محبناش شاهي تعرف بده الوقتي

-جاسر مكماً بصدمة : كانت مفكرة انها لما تخبي احنا مش هنعرف ، ليه يا أمي عملتي كده ، ليه ؟؟؟ كل السنين دي واحنا منعرفش ، ليبيبيه ؟؟؟

-رأفت: أكيد ليها عذرها يا بني

-جاسر: عذر ايه بس ، أنا مش مصدق اللي بسمعه ده

حاول رأفت تهدئة جاسر خاصة بعد صدمته في والدته

-جاسر: مش ممكن ، دي أكيد مش امي اللي بتحكوا عنها

-رأفت: اهدى يا بني ، انت لما هتكلم معاها ، أكيد هتعرف هي ليه عملت

-جاسر: مش عاوز أعرف حاجة ، مش عاوز ، عن اذنك ، أنا هاشوف فين أختي وأمشي من هنا .. أنا مش طابق حد ، مش طابق أسمع حد !!!!!

-رأفت: يا بني استنى بس ...

انصرف جاسر وحاول رأفت أن يلحق به ولكنه فشل ، ثم مال خالد قليلاً على يارا وحاول أن يعرف منها رأيها و...

-خالد: يارا ، حبيبتي ، ها قولتي ايه ؟

-يارا: في ايه ؟؟

-خالد: في مسألة جوازنا ، طبعاً أنا عارف اني كان المفروض معملش اللي حصل ، واني كان المفروض أقولك آآآ...

-يارا مقاطعة: أنا مش موافقة اني أتجوزك

-خالد بصدمة: ايبيه

-يارا وقد نهضت من مكانها بصوت مرتفع : اللي سمعته يا بشمهندس خالد ، أنا مش موافقة أتجوزك !!!

-خالد: ليبيه ???

-يارا بحدة: اللي سمعته ، مش هاتجـوزك !!!

عاد رأفت من الخارج على أثر صوت يارا المرتفع و...

-رأفت وقد انتبه لصوت يارا العالي : بتقولي ايه يا بنتي ???

-يارا: اللي سمعته كلكم ، أنا مش هتجوز حد .. مش هتجوز خالد ، ولا غيره ، انتو كلكو اعتبرتوني لعبة في ايديكم تحركوني زي ما انتو عاوزين ، وحرمتوني من أبسط حقوقي اني أعرف الحقيقة واختار بنفسي الانسان اللي أعيش معاه !!!

-خالد: يارا أنا أنا بحبك

-يارا: وأنا مش بحبك !!! مش بحبك !!!!

-خالد بصدمة: ايبيه

-يارا: أنا مش بحب حد ، ومش عاوزة أتجوز حد ، حرام عليكو اللي عملتوه فيا وفي شاهي

-رأفت: هه

-خالد: يارا .. أنا .. آآآ

-يارا: انتو ايبيه ??? نسيتموا اني انسانة وليا مشاعر ، فضلتوا تلعبوا بيا وتدمروني عشان خاطر ايه ، لأ وكمان لعبتموا بمشاعر واحدة تانية ، أه أنا بكرهها ومش بطيق عمائلها السوداء لكن هي كانت زيي ، ضحية لعبة !!!

-خالد: يارا احنا كنا خايفين عليكو وآآ...

-يارا: بس مش عاوزة أسمع حاجة ، مش عاوزة أعرف حاجة ،،، أنا كرهت اليوم
اللي جيت فيه الفيلا دي ، واليوم اللي عشت فيه فيها
-خالد: آآآ...

-يارا مكلمة ببكاء: كنت هتجوز مجبرة ، كنت هعيش تعيسة ، ليه عملتوا فيا كده ، انتو
مش متصورين الكام يوم اللي عشتهم هنا عملوا فيا ايه؟؟
-رأفت: اهدي يا بنتي .!

-يارا: حرام عليكو ، حرام الام!!!!.....

.....

الحلقة التاسعة والخمسون :

في قاعة دار المناسبات ،،،

-يارا مكلمة ببكاء: كنت هتجوز مجبرة ، كنت هعيش تعيسة ، ليه عملتوا فيا كده ، انتو
مش متصورين الكام يوم اللي عشتهم هنا عملوا فيا ايه؟؟
-رأفت: اهدي يا بنتي .!

-يارا: حرام عليكو ، حرام الام!!!!

-خالد: يارا أنا كنت مفكر انك آآآ...

-يارا: مفكر ايه بالظبط؟؟ ده انت حتى مدتنيش فرصة للتفكير ، كل همك بس تحميني
، ماشي متشكرين يا سيدي ، لكن حمايتك ليا شيء والجواز شيء تاني خالص

-رأفت: هو كان غرضه شريف يا بنتي

-يارا: حتى انت يا عمي حاولت تفرض عليا شيء بدون ما تسألني رأيي ايه

-رأفت: أنا والله غرضي يا بنتي انك تفضلي معانا

-يارا: أفضل معاكو بالحب مش بالاجبار ، مش انه يتم التشهير بيا عشان خاطر أتجوز خالد أو أدهم حتى

-خالد: انا غرضي أحميكي ، مش هستحمل حد يمسخك بقشاية

-يارا: وانا مش عاوزة الحماية اللي من النوع ده ، انت يا خالد ياللي فكرت فيه وعملتته مش بس دمرتني ، لأ كسرت بقلب واحدة تانية في ليلة فرحها ، حتى لو كنت بكرها وعاوزاها تولع لكن كسرة القلب وحشة .. وحشة

-خالد: أنا مقصدتش ده ... بس مكنش قدامي حل غير اني آآ...

-يارا: الحلول كتير ، بس فكرة حب التملك والسيطرة هي اللي جت في بالك ، بحكم بقى شغلك أو شخصيتك أنا مش عارفة تحديداً، لكن اللي أعرفه ان أنا مشاعري في كل ده ملغية...!!!

-خالد: يارا آآ...

-يارا: أنا عاوزة أمشي من هنا ، أنا أسفة ، كفاية تمثيل لحد كده

-رأفت: ايه

-يارا: اللي حضراتكو سمعتوه ، انا عاوزة أروح

-رأفت: طب والفرح والمعازيم والناس اللي موجودة وآآ...

-خالد مقاطعاً: خلاص يا بابا .. مافيش داعي ، اعمل اللي يارا عاوزاه

-رأفت: لا حول ولا قوة إلا بالله .. حاضر

.....

في خارج القاعة ،،،

كان أدهم يجلس مع شاهي في سيارته و...

-أدهم: شاهي أنا أسف ع اللي حصل ، أنا عارف ان انتي مكنش ليكي ذنب ، واتخذتي غلط في الرجلين بس آآ...

-شاهي: ليه عملت فيا كده يا أدهم ؟؟؟ ليه ؟؟

-أدهم: أنا مقصدش

-شاهي: ليه خلتنى احبك ؟؟؟

-أدهم: شاهي انت عارفة كويس من الأول اني مش بتاع جواز

-شاهي: كان عندي أمل اننا نتجوز

-أدهم: أنا أسف يا شاهي ، انتي ليكي معزة في قلبي ، بس ..بس آآ..

-عمر مقاطعاً: جاسر بيدور عليكى يا شاهي

-شاهي: هو فين

-عمر: كان في الحمام ، وبعد كده أعد يسأل عليكى

-شاهي: اوك ، قوله ان أنا هنا

-أدهم: روح يا عمر ناديله ، أنا هوصلهم للبيت

-شاهي: يكون أحسن

-عمر: طيب

-أدهم: يارا مش عاوزك آآ...

-شاهي: انا شاهي يا أدهم مش يارا !!!

-أدهم باحراج : آآ.. سوري يا شاهي

-شاهي بضيق: اوووف

ظل أدهم صامتاً لفترة من الوقت ، هو يشعر بالضيق لما حدث مع شاهي ، ولما صارت إليه الأمور مع يارا ..

كان يظن في البداية أن مسألة عناده مع يارا وتحديه الدائم لها هو تحدي الصياد لفريسته ، ولكن للأسف لم يدرك انه وقع دون قصد في حبها ، وعليه الآن أن يكتم هذا الحب بداخله لأنه غير مصرح له أبداً ان يعلن عنه ، فيارا قد صارت زوجة أخيه .. أو هكذا اعتقد !

خرجت يارا من القاعة والدموع على وجهها ، ترجل أدهم من السيارة محاولاً أن يفهم ما حدث و..

-أدهم : الله مش دي يارا

-شاهي: أه هي ست بتاعة

-أدهم: مالها بتعيط ليه ، أنا نازل اشوفها

-شاهي: انت حر

-أدهم وهو يتوجه مسرعاً ناحية يارا: يارا !! ياااارا ، مالك في ايه ???

-يارا: ملكش دعوة

-أدهم: خالد زعلك في حاجة ?? وبعدين مش المفروض انتو كتبتوا الكتاب خلاص ??

-رأفت مقاطعاً: مافيش كتب كتاب !

-أدهم: ايبيه ??? طب ليه ???

-رأفت: يارا قالت لأ

-يارا: بعد اذنك يا عمي ، مش عاوزة أتكلم في أي حاجة

-رأفت: حاضر يا بنتي

-ادهم مستفهماً: هو ايه اللي حصل جوا؟؟؟

-رأفت: بعدين .. بعدين

حضر خالد من الداخل ولحق به عمر وجاسر ، وركب الجميع السيارات وتوجهوا إلى فيلاتهم أولاً ، ثم توجه رأفت إلى قاعة الأفراح ليُلغى حفل الزفاف...

في قاعة الأفراح ،،،

علت الهمهمات والأحاديث الجانبية حينما أعلن رأفت بكل وضوح عن الغاء حفلي الزفاف و...

-رأفت بصوت مرتفع : أنا بعتذر يا جماعة بس هنضطر نأجل الفرح ، شرفتونا كلكم ، وشكراً على حضوركم .. ومرة ثانية احنا أسفين

-تنوعت ردود المدعوين ما بين

- اووه ، ليه بس؟؟

-هو ايه اللي حصل؟؟

.. OMG -

- اكيد في حاجة حصلت

- العريس مرضاش بالعروسة أو في مشاكل ...

-طبعا فريدة هانم السبب

-هي أصلاً مش موافقة ع الجواز

- ناهد بصدمة: ايبيه؟؟؟ فرح مين اللي هيتأجل؟؟
- رأفت: الكل ! أدهم ويارا ، خالد وشاهي
- ناهد: ليبييه؟؟؟ عشان ايه؟؟؟
- رأفت: هفهمك يا ناهد هانم بعدين
- فريدة بفرحة : احسن
- ناهد بصدمة: مش ممكن ، مش معقول
- رأفت: معلىش ، لما تعرفي اللي حصل أكيد هتعذري
- ناهد بعدم تصديق : ازاي !! ازاي ده يحصل؟؟ وفين شاهي وجاسر وآآ...
- رأفت: زمانتهم في الفيلا
- ناهد: أنا ..أنا مش عارفة أقول ايه ، بجد أنا مصدومة ، عن اذنكو
- فريدة: أنا مكوئنتش حابة الجوازة دي أصلا
- رأفت: اهو الفرحة اتأجل عشان ترتاحي
- فريدة: خير ما عملت ، الحمدلله اننا خلصنا منها
- رأفت: خلصنا منها ايه بس ، ده احنا لسه بنقول ربنا يستر من اللي جاي

.....

-ناهد هاتفيا: شوفت الكارثة اللي حصلت

-عدلي: اه

-ناهد: هنتصرف ازاي دلوقتي

-عدلي: معرفش

-ناهد: انت بتترد عليا باختصار كده ليه ، هو في حد جمبك

-عدلي: أيوه ، انا مروح مع المدام

-ناهد: اوووف

-عدلي: هنتكلم بعدين ان شاء الله ، سلام

.....

-رحاب: مين يا عدلي

-عدلي: مافيش ، ده بس عشان الفرحة اتلغى فالناس بتسأل

-رحاب: اها

-عدلي: كده مابقاش قدامي غير اني أتصرف بطريقتي

-رحاب: في ايه

-عدلي : هه ، ماتخديش ف بالك

-رحاب: اوك

.....

في فيلا رأفت الصياد ،،،

في غرفة يارا ،،،،

طرق عمر الباب ، ثم سمحت له يارا بالدخول و..

-عمر: ازيك دلوقتي ؟

-يارا: الحمد لله

-عمر: أنا عارف ان الموقف كان صعب و آآ...

-يارا: عمر ، بجد أنا عاوزة أشكرك ع اللي عملته

-يارا: يالا انت بقى يا عمر ع أوضتك

-عمر: اوك ، بس تصدقي الواحد كان نفسه يشوف ردة فعل خالتي ناهد لما تعرف ان جاسر عرف بكل اللي حصل

-يارا: بجد الوحيد اللي صعبان عليا ، انسان نقي وطيب ، لكن أمه أعوذو بالله

-عمر: اه والله

-يارا مكلمة: ورغم ان شاهي دي بت تستاهل الحرق بس برضوه صعبان عليا تعرف ان امها ضاحكة عليها كل المدة دي

-عمر: ربنا يكفيننا الشر ، عيلة مفككة

-يارا: اها ..

.....

في فيلا ناهد الرفاعي ،،،

وصلت ناهد إلى الفيلا لتتفاجيء بوجود شاهي وجاسر يجلسان في انتظارها و..

-ناهد: احم... انتو .. انتو جيتو ، ايه اللي حصل بالظبط فاهموني؟؟؟

-جاسر: مين عدلي ده يا ماما

-ناهد: هه.. عدلي !!! آآآ...

-جاسر : ده جوزك صح؟؟؟

-ناهد: لأ .. آه ... اقصد ، انت جبت الاسم ده منين وبتسأل أصلاً عنه ليه؟؟؟

-جاسر: مش مهم جبت الاسم منين ، المهم مين ده وايه علاقتك بيه؟؟؟

-ناهد: آآآ... علاقة ايه بس يا جاسر ، ايه الكلام الغريب اللي انت بتقوله ده ، وبعدين

حاسب كده خليني اشوف اختك واللي جرالها

-شاهي: انا عاوزة اعرف مين عدلي ده يا مامي !!

-ناهد: هه.. انتي كمان ???

-جاسر: ايه يا ناهد هانم ، هو صعب عليكي انك تقولي ان عدلي ده يبقى جوزك

-ناهد بصدمة: هه.. انت.. انت بتقول ايه ???

-جاسر: بقول اللي مخبياه بقالك سنين عننا

-ناهد: لألألأ... انت فاهم غلط

-جاسر: يا ناهد هانم ، هو ايه اللي فاهم غلط، طيب فهميني انتي الصح

-ناهد: أنا... انا معملتش حاجة غلط

-شاهي: بتتجوزي يا مامي من غير ما تقوليننا ??? طب ليه ??? ليه يا مامي ???

-جاسر: الغلط يا ماما انك تتجوزي في السر !!!

-ناهد: أنا اتجوزت على سنة الله ورسوله ، يعني مش عرفي ولا حاجة ، وبعدين أنا ..أنا مغلطتش ، ده حقي

-جاسر: ولما هو حقك يا ناهد هانم ، مخبياه ليه من سنين ???

-ناهد: آآ... عشان ..عشان آآآ... ، انت أصلاً بتحقق معايا زي ما أكون متهمة يا

حضرت الظابط ، ونسيت ان أنا أمك !!!

-جاسر: ماهو عشان انتي أمي أنا مش قادر اتصرف معاكي ، حاسس اني متكتف ، لأ

الأخطر اني حاسس انك استغفلتينا من سنين

-ناهد: هه

-جاسر: تسوى ايه اني أعرف زيي زي الغريب ان امي متجوزة من زمان ومش قايلة

!!!

-ناهد: ظروف

-جاسر: ظروف ايه اللي تخليكي تتجوزي في السر ومن غير ما تقوليننا ???

-ناهد: كنت خايفة ماتوا ففوش لما تعرفوا

-جاسر: وكده احنا هنوافق يعني ???

-ناهد: والله اللي حصل بقى ، وبعدين أنا قصرت معاكو في حاجة ؟؟ ، ما أنا شايقة كل طلباتكم

-جاسر: هو ده اللي همك وبس !! انك مقصرتيش في حاجة !!

-ناهد: أيوه ، عاوزني أفضل كده من غير جواز ، أديني اتجوزت ، عاوزني آمن مستقبلكم ازاي ؟؟ كان لازم اتجوز وأعمل بيزنس عشان أصرف عليك انت واختك

-جاسر: طب بمناسبة البيزنس بقى يا ناهد هانم ، ايه علاقتك برفعت الصياد ومراته؟؟؟؟

-ناهد بخوف: هه .. آآآ... ر...رفعت الصياد

-جاسر: ايوه رفعت

-ناهد: أنا... أنا ماليش علاقة بيه

-جاسر: طيب تفسري بايه انه بيتقال ان ليكي علاقة بموته

-ناهد: كذب !! الكلام ده كذب ، أنا ماليش دعوة بحاجة ، هو مات في حادثة

-جاسر: اللي بيتقال غير كده خالص

-ناهد: ده افتري وظلم ، أنا ماليش دعوة بحاجة

-جاسر: ازاي ملكيش دعوة وانت مرات عدلي بيه شريك رفعت الصياد وليكي نسبة في الشركة

-ناهد: ده ..ده حقي

-جاسر: حقك !!

-ناهد: ايوه ، ده جزء بسيط أوي من حقي عند عيلة الصياد !!

-جاسر: مش فاهم !

-ناهد: مش مهم تفهم ، بس اللي عاوزاك تعرفه اني بعمل كل حاجة عشان مصلحتك
انت واختك ، عشان أضمن مستقبلكم واجيب حقكم

-جاسر: حقنا؟؟؟ من مين؟؟

-ناهد: من عيلة الصياد

-جاسر: ليبيبيه؟؟؟ احنا مالنا ومال عيلة الصياد

-ناهد: ده مالنا ونص

-جاسر: أفندم؟؟؟

-ناهد: ايوه ده حقك وحقى من زمان

-جاسر: حقى فى ايه بالظبط

-ناهد: حقك اللي ابوك كله عليا ، صحيح كانت غلطي فى الأول ، بس أنا بحاول أصلح
غلطي دي وأرجعك حقك

-جاسر: حقى ايه ده اللي عمالة تتكلمى عنه ، انا ماليش حق عند عيلة الصياد

-ناهد بحدة: لأليك حق ، لما تكون ابن رفعت الصياد يبقى لازم اجيبك حقك من عيلته
!!!!!!

-جاسر: انتى بتقولى ايه؟؟؟ ايه الكلام ده

-شاهي: مامى ، يعنى ايه كلامك ده؟؟؟

-ناهد: أيوه مش انت عاوز تعرف الحقيقة ، انت ابن رفعت الصياد

-جاسر واضعاً يده على رأسه: مش ممكن

-ناهد: دي الحقيقة ، ابوك مش يسرى ، انت ابن رفعت الصياد الكبير ، بس.. بس
رفعت مايعرفش ده ، أنا خبيت عليه انك ابنه ولما طلقني اتجوزت يسرى وبعدها
خلفتك ويسرى فاكر انك ابنه

-شاهي: لألأ مش معقول

دلفت شاهي إلى غرفتها وهي لا تكاد تستوعب ما حدث معها خلال هذا اليوم ، وقررت
أن تضع حداً لهذه المعاناة و... و.. تنتحر!!!!!!

.....

الحلقة الستون :

في فيلا ناهد الرفاعي ،،،

دلفت شاهي إلى غرفتها وهي لا تكاد تستوعب ما حدث معها خلال هذا اليوم ، وقررت
أن تضع حداً لهذه المعاناة و... و.. تنتحر ..

ظلت شاهي تتحرك في غرفتها كالمجنونة ذهاباً وإياباً وتلقي كل ما تراه في طريقها
على الأرض وتحطمه ، إلى أن رأت نفسها في المرآة ، فألقت بإحدى المزهريات عليها
، وظلت تبكي كالمجنونة و..

دشششششش ..طااااااخ

-شاهي: كذب ، كذب ، كل اللي سمعته ده كذب ، مافيش حد هنا بيقول الحقيقة ، مامي
ضحكت عليا ، أدهم كداب ، خالد استغفني ، كلكم كدابين ، أنا تعبت وزهقت

-ناهد خارج الغرفة: شاهي يا حبيبتي افتحي ، افتحي

-شاهي: أنا قرقت منكم ومن الدنيا كلها ، كلكم ضحكوا عليا ، كلكم كدابين

-ناهد: افتحي بس وأنا هفهمك ع كل حاجة

-شاهي: ليبييه بتعملوا فيا كده ، ليبييه

أنا ابن رفعت الصياد وهي اتجوزت من أبويا يسري !! لألألاً في حاجة غلط ، أنا مش فاهم، مش فاهم...!!!!!!

ثم سمع جاسر صوت طرقات وصراخ خارج الغرفة من أمه، ففتح الباب ليجد والدته تصرخ بطريقة هستيرية عند باب غرفة أخته و...

-ناهد بصريخ: شالاهي ، ياالاهي شالاهي ، افتحى يا بنتى ، أبوس ايدك يا حبيبتي ماتعمليش فيا كده ، افتحى بس وأنا هفهمك

-جاسر: في ايه اللي بيحصل

-ناهد برجاء: جاسر ، شاهي مش بترد عليا ، كانت بتصوت وتصرخ جوا وبعدين سكتت ، وأنا خايفة اوي عليها

-جاسر بلهفة: شالاهي (طق...طق...طق) افتحى يا شالاهي ، شالاهي !!!

-ناهد: مش بترد يا جاسر ، أنا ..أنا خايفة عليها

-جاسر: افتحى يا شاهي !! أنا هكسر الباب لو مافتحتيش (طق...طق...طق)

لم ينتظر جاسر أكثر من هذا ، حيث قام بكسر الباب ليتفاجيء هو ووالدته ناهد بمنظر دماء شاهي و...

-ناهد برعب: شالاهي !!!

-جاسر: شالاهي ، عملتي في نفسك ايبويه ؟؟ ليه كده يا شالاهي

-ناهد: بنتى ، بنتى هتروح منى ، الحقووونى

حاول جاسر ايقاف النزيف ، ثم حمل أخته وتوجه بها مسرعاً إلى أقرب مستشفى ، وتم إدخالها إلى غرفة الطوارئ للتعامل معها ، بينما ظل هو باقياً في الخارج مع والدته و...

-ناهد: بنتي هتروح مني !!!

-جاسر: انتي السبب في اللي وصلتله

-ناهد: أنا...إنا

-جاسر: انتي استحالة تكوني أم

-ناهد: متظلمنيش يا جاسر ، أنا اللي كنت بعمله ده عشان خاطر مصلحتكم

-جاسر: مصلحتنا؟؟ بلاش الكلام ده

-ناهد: انت متعرفش حاجة

-جاسر: سؤال واحد محيرني !! انتي ازاي يجيلك قلب تخبي على أبويا اللي حصل

-ناهد: تقصد مين فيهم؟؟ يسري ولا رفعت

-جاسر ساخراً: هه ! أقصد مين؟؟؟ أنا أصلاً مش مصدق الكلام اللي انتي بتقوليه ده ،

ابويا هو يسري الله يرحمه

-ناهد: لأ يا جاسر انت ..انت ابن رفعت الصياد

-جاسر : طب ازاي؟؟ ازاي؟؟؟

-ناهد: ما أنا قولتلك أنا كنت متجوزاه وبعدين اطلقنا ، وكنت حامل فيك واتجوزت

يسري بعدها على طول

-جاسر: ولما كنتي حامل فيا وهو طلقك ليبييه ما استنتيش شهور عدتك تخلص يا

ناهد هانم !!!

-ناهد: آآ... كنت...كنت عاوزة احرق قلبه عليك

-جاسر: تحرقي قلبه بانك تغضبي ربنا وتعملي الحرام وانت عارفة ده كويس

-ناهد: أنا...إنا كنت ..آآ.. كنت عاوزة أنتقم منه ، يشوفك ومايبقاش عارف انك ابنه

وآآ...

-جاسر: كل ده مش مبرر للى انتي عملتيه ، انتي ضيعتيني وضيعتي نفسك وضيعتي الغلبنانة شاهي دي بعمالك كلها !!!!

-ناهد: أنا مقصدش ده .. كان ممكن محدش يعرف أصلاً بأي حاجة ، لكن..لكن الظروف هي السبب

-جاسر: الظروف ولا الفلوس؟؟ وضحي يا ناهد هانم !!!

-ناهد: أنا... ماليش ذنب ، أنا كنت ضحية برضوه

-جاسر: ضحية !!!

-ناهد: ايوه ، ابوك هو اللي عمل فيا كده ، كان يدوب بيديني حقي بالعافية وهو قرفان مني ، كان محسني طول الوقت بالذنب رغم أنه مكنش بينطق بحرف واحد، بس كفاية نظراته ليا ، كانت بتقتلني !!!!

-جاسر: طب ليه؟؟؟ ليه كان بيعمل كده فهميني؟؟؟ وليه انفصلتي عنه؟؟؟

-ناهد: عشان آآ... آآآ.. الظروف

-جاسر: برضوه هتقوليلي الظروف !!!

-ناهد: كان ممكن ماتعرف بده كله ، لولا...لولا انك طلبت تتجوز يارا

-جاسر : يـ...يارا ، عشان كده رفضتي جوازي منها

-ناهد: ايوه ، طلبك للجواز من يارا هو اللي فتح القديم كله ، هو اللي خلاني اتصرف كده

-جاسر مكملًا: ماهو يارا دلوقتي تبقى.. تبقى اختي !!!

-ناهد: ايوه

-جاسر محاولاً استيعاب ما يحدث : ممم... يارا تبقى اختي وماتعرفش بده ، وأنا..أنا كان ممكن أتجوزها ، وعادي محدش يعرف بده !!!!

-ناهد: ماهو أنا حاولت أمنعك من ده

-الطبيب: حاولوا الفترة الجاية تبعد عن أي ضغوطات نفسية

-ناهد: اوك يا دكتور ، طب...طب أقدر أدخل اشوفها

-الطبيب: ايوه ، تقدري ، بس هي هتلاقيها اخدة حقنة مهدنة

-ناهد: أها

-الطبيب مضيفاً: وأنا بأكد تاني ع حضراتكم لازم تبعد عن اي ضغوط نفسية وعصبية

خلال الفترة الجاية وتتابعوا حالتها مع طبيب نفسي متخصص !!..

-جاسر: ان شاء الله يا دكتور

دلفت ناهد إلى غرفة ابنتها بالمشفى وهي تبكي بحرقة ، ولحق بها جاسر ، وظل يتأمل منظر اخته شاهي وهي بتلك الحالة ، ويتذكر ان لديه اخت اخرى هي ..هي يارا ، والتي لا تعلم بهذا إلى الآن ...!!

-جاسر في نفسه: لا حول ولا قوة إلا بالله ، ايه اللي احنا فيه ده ، ازاي وصلنا لكده؟؟ ازاي شاهي تكون ضعيفة بالشكل ده وتنهار !! لازم أقف جنب أختي وماسيبيهاش لوحدها .. أختي !! دي ..دي يارا كمان تبقى أختي ، بس هي متعرفش بده ! طب ازاي هبلغها بده؟؟ ازاي؟؟ اذا كنت أنا مش مصدق اللي حصل ، يبقى هي هتصدق ازاي ومافيش معايا دليل واحد يثبت صحة كلامي !!! أنا مش عارف أعمل ايه ولا اصرف ازاي ؟؟؟؟؟ يا رب دبرها من عندك ، ياااااااااااا رب !!!

.....

كانت ناهد تحاول أن تجد حلاً سريعاً لكل ما حدث ، هي لا تريد لمخططاتها أن تفسد ، لذا قررت أن تدعي أن ماحدث لابنتها هو بسبب ما تعرضت له على يد أبناء رأفت الصياد

-ناهد في نفسها: مش لازم حد يعرف باللي حصل ، وإلا كل اللي كنت بخططته أنا وعدلي هيضع ، لازم أتصرف ..ايوه ..ايوه مافيش قدامي إلا كده ، أيوه أنا هاقول إن ولاد فريدة هما السبب في اللي حصل لشاهي!!!!

.....

في فيلا رأفت الصياد ،،،،

أبلغت ناهد اختها فريدة بما حدث مع شاهي ، وأوهمتها أن تخلي خالد وأدهم عنها هو ما دفعها لفعل هذا ..

-فريدة هاتفياً : اهدي يا ناهد ، اهدي يا حبيبتي ، احنا جايين عندك دلوقتي

-ناهد مدعية الصدمة والحزن: ماكنش العشم يا فريدة ان ولادك يعملوا في بنتي كده ، حرام عليهم ، حراااام

-فريدة: اطمني هتبقى كويسة

-ناهد: هتبقى كويسة ازاي وهي حاولت تنتحر بعد اللي حصل ، ولو ..ولو مكوناش لحقناها كان ممكن يحصل أسوأ من كده

-فريدة: حبيبتي يا شوشو ، احنا جايين عندك دلوقتي وان شاء الله كل حاجة هنتحل ، لازم تبقي قوية يا ناهد عشان خاطر بنتك

-ناهد: مش قادرة !! بنتي بتضيع مني ومحدث حاسس بحاجة

-فريدة: احنا كلنا معاكي ، اهدي بس

أنهت فريدة المكالمة مع اختها وأسرعت إلى رأفت لتبلغه بهذا و...

-فريدة: الحق يا رأفت ، الحق

-رأفت: خير ، في ايه ع الصبح كده

-فريدة: شاهي حاولت تنتحر وفي المستشفى الوقتي

-رأفت: بتقولي ايه ???

- فريدة: اللي سمعته ، وناهد منهارة ع الاخر
-رافت: احنا لازم نروحها الوقتي ونظمن ع البننت
-فريدة: ايوه ، وخصوصا أنها حاطة اللوم كله على عيالنا في اللي حصل لبننتها
-رافت: اها .. معلىش ، ان شاء الله بننتها تعدي الأزيمة دي ع خير
-فريدة: ايوه، يالا بينا ع المستشفى
-رافت: هتقولي لأدهم وخالد
-فريدة: طبعاًاااا ، ماهما السبب في اللي حصل للبننت
-رافت: احم... أها
-فريدة: وطبعاً أنت الخدامين دي ماهتصدق تفرح لما تعرف باللي حصل لشوشو
-رافت: يا شيخة حرام عليكى ، يارا مش قلبها أسود كده
-فريدة: اسكت انت ، أنا عارفة البت دي كويس بتفرح في المصايب
-رافت: والله انتي ظلماها ، هي برضوه اللي بتفرح في المصايب ولا آآآ...
-فريدة: تقصد ايه ???
-رافت: هه.. ولا حاجة ! يالا بسرعة عشان نلحق نروح المستشفى

.....

- أبلغت فريدة أدهم وخالد بما حدث مع شاهي و...
-خالد بخضة: مش ممكن ، شاهي عملت كده
-فريدة: ايوه ، البننت الرقيقة ما استحملتش اللي اتعمل فيها فانهارت
-خالد: لا حول ولا قوة إلا بالله
-فريدة: اعمل حسابك انك هتروح معنا المستشفى تظمن عليها

-خالد: أكيد طبعا

.....

-أدهم: ايبييه ??? شاهي حاولت تنتحر ???

-فريدة: ايوه ، وناهد بتقول انك انت واخوك السبب في اللي حصلها

-أدهم: بس ..بس احنا مكوناش نقصد ده

-فريدة: طبعا البننت انهارت من اللي عملتوه فيها

-أدهم: والله آآآ.. أحنا ..احنا

-فريدة مقاطعة : ششش .. يالا الوقتي ! هنتحاسب بعدين ع اللي حصل

-ادهم: اوك ، أنا هلبس ع طول وجاي

.....

-عمر: هو في ايه ??

-فريدة بضيق: شاهي انتحرت

-عمر بفرحة: ايه ده بجد ، خير ما عملت

-فريدة: امشي يا ولد من وشي السعادي ، أنا مش نقصاك

-عمر: والله هي عملت الحاجة الصح ، تأخرت بس في القرار ده شويتين ، لكن أنا

بحيها على ده

-فريدة : اتم يا ولد ، انت فرحان فيها

-عمر: لأ بالعكس ، ده أنا مبسوط انها عملت كده ، يعني هي ريحت واستريحت

-فريدة: والله لو مامشيت من قدامي الوقتي هخليك تحصلها

-عمر وهو يبتعد : ايه ده يا ماما ، أخلاقك اتغيرت أوي...!!!

.....

توجه عمر إلى غرفة يارا ليبلغها بما عرف و...

-عمر: عرفتني باللي حصل ؟

-يارا: في ايه؟؟؟

-عمر: حبيبتك

-يارا: حبيتي مين؟؟

-عمر: البت شاهي

-يارا بقرف: مالها !!

-عمر: الحمد لله انتحرت

-يارا بفزع: بتقول ايه

-عمر: أه وربنا ، لسه ماما مبلغاني بده

-يارا: يادي النصيبة ، البت انتحرت !

-عمر وهو يهز رأسه : أينعم

-يارا: طب.. طب وهي عايشة ولا آآ...

-عمر: لأ لسه مفلسعتش ! احنا مستنيين الخبر بين لحظة والثانية

-يارا: بس يا عمر !! أوعى تتمنى حاجة وحشة لحد

-عمر: ده احنا مستنيين انها تاخذ القرار ده من بدري ، بيني وبينك هي تستاهل

-يارا: عمر اوعى تشمت في حد مهما كنت بتكرهه

-عمر: بس يا يارا هي آآ....

-جاسر: ان شاء الله

-يارا بتردد: آآ... ألف سلامة ع شاهي

-جاسر وهو ينظر لها بنظرات حانية : الله يسلمك يا يارا ، انتي عاملة ايه الوقتي ???

-يارا مندهشة :هه ، آآ.. الحمدلله

-جاسر: يارا .. أنا.. أنا كنت عاوزك في موضوع كده ، بس آآ.. بعدين

-يارا: آآ... ماشي ، مافيش مشكلة

-خالد متدخلًا: احم...المهم شاهي عاملة ايه الوقتي ??

-جاسر: اخدت حقنة مهدنة

-أدهم: ربنا يشفيها

عمر: سلامة شاهي يا جاسر

-جاسر: الله يسلمك يا عمر

-فريدة: قلبي عندكو يا حبيبي ، احنا هندخل نطمن عليها

-جاسر: اتفضلوا

دلف الجميع إلى داخل الغرفة للاطمئنان على شاهي ، بينما قررت ناهد أن تستمر في تمثيليتها و...

-ناهد: انتو السبب في اللي حصل لبنتي !!

-رأفت: اهدي يا ناهد هانم

-فريدة: مش وقته الكلام ده يا ناهد ، نتكلم بعدين

-ناهد وهي تنظر لخالد وأدهم : بنتي هتروح مني بسبب عمايلكوا السوداء معاها ، عملت ايه فيكو عشان تعملوا فيها كده ???

-خالد: والله يا طنط احنا مكوناش نقصد ،بس آآ...

-أدهم مقاطعاً: ألف سلامة ع شاهي يا طنط .. والله هي غالية عندنا واحنا مـ.آآ

-ناهد بحدة: غالية عندكو وتعملوا فيها كده !! لبييه ، لبييه ???

-فريدة وهي تحتضن اختها : اهدي يا ناهد ، ان شاء الله شاهي هتفوق وهتبقى كويسة ، وكل حاجة هتتحل ، أنا معاكي اطمني

-يارا: الف سلامة ع شاهي يا طنط

-ناهد وهي تنظر ليارا بغل: ايه اللي جابك هنا ??? جاية تشمتي في بنتي ???

-يارا بصدمة: لا والله أبداً ، أنا جاية أطمن ع شاهي والله

-ناهد: تطمني عليها ولا تفرحي فيها !!

-جاسر بحدة: ماما !!! لوسمحتي

-ناهد : لأ يا جاسر ، سيبنى أقول اللي في قلبي ، هي البت دي ورا كل حاجة حصلت لبنتي

-جاسر: انتي عارفة كويس ان يارا مش السبب

-يارا بدهشة: أنا السبب ???

-عمر: هي أنطي ناهد بتقول ايه ??

-خالد: نعم ??

-أدهم: هه !

-رأفت: ناهد هاتم ، لو سمحتي الكلام ده مش مكانه هنا

-ناهد: انتي السبب في ان بنتي هتروح مني ! عمايلك السوداء ولفك ع أدهم وجاسر وصلوهم انهم يعملوا في بنتي كده

-أدهم بحدة : أنطي ناهد !!! يارا مالهاش دعوة باللي حصل

-خالد: من مفضل حضرتك ماتتكلميش عن يارا كده
-يارا: أنا والله ما أقصد أي حاجة يا طنط ناهد ...أنا آآ...
-ناهد: اخرسي ماتنطقيش اسمي على لسانك ، انتي فاهمة
-جاسر بحدّة وضيق : ماما !!! متكلميش مع يارا اختي بالشكل ده
!!!!.....

.....

الحلقة الحادية والستون ،،،

في المستشفى ،،،
كانت ناهد تتجادل مع يارا وتتهمها أنها السبب فيما حدث لابنتها ، إلى أن صاح جاسر
بحدّة و..
-جاسر بحدّة وضيق: ماما !!! متكلميش مع يارا اختي بالشكل ده
-الجميع بدّهشة وهم ينظرون لجاسر : ايبييه !!!
-ناهد: بسسسسس يا جاسر بسسسسس
-جاسر: أيوه يارا تبقى اختي الصغيرة !!!
-يارا باستغراب : نعم ؟؟ اختك
-عمر: هي مين اللي اخت مين ؟؟
-رأفت: انت بتقول ايه يا بني ؟

-ادهم: أفندم !! وده من امتي ان شاء الله !!!

-خالد: ايه ! اختك؟؟ طب تيجي ازاي ???

-ناهد: اسكت يا جاسر !!!!

-جاسر: وأسكت ليبيبيه ??? أنا بقول اللي المفروض الكل يعرفه

-ناهد: حرام عليك ، مش شايف بنتي واللي فيها

-جاسر: انتي السبب في اللي هي وصلته !!

-رأفت: يا جماعة مايصحش كده ، ده لا المكان ولا الزمان المناسب لده

-فريدة: أنا مش فاهمة حاجة !!!

-جاسر: وأنا بقى هفهمك يا خالتي ، الست المحترمة ناهد هانم الرفاعي كانت متجوزة
رفعت الصياد

-فريدة: ايبييه ???

-رأفت محاولاً اسكات جاسر : بسسس يا جاسر ، مافيش داعي للكلام ده الوقتي

-فريدة : انت بتقول ايه يا جاسر ؟؟؟؟؟؟؟

-يارا: اييه ??

-خالد: ايه الكلام الغريب اللي بتقوله ده يا جاسر

-جاسر: انا بقول الحقيقة ، انتو مش قولتوا اللي عندكو ! أنا بكملمكم اللي ناقص

-ناهد: بس يا جاسر ، بسسسسس

-فريدة: حقيقة ايه انا مش فاهمة حاجة

-جاسر: تيجي ازاي يا فريدة هانم ?? مش معقول متكونيش عارفة ان ناهد هانم اخت
حضرتك كانت متجوزة من رفعت الصياد

-فريدة: ايبيبييه

-جاسر : بس جوازة كده كانت ع السريع ، لأ وكانت حامل فيا واتجوزت تاني من غير ما تقول ده لحد ، تخيلي خالفت شرع ربنا عشان تنتقم من رفعت الصياد وتحرق قلبه

-فريدة: مش ممكن ، مش ممكن ، انتي يا ناهد تعملي كده ؟؟ انتي !!!

-ناهد: بسسس.. بسسس !!! كفاية بقي

-جاسر مكملاً: مكفهاش ناهد هانم ده ، ضحكت ع يسري جوزها وفهمته اني أبقى ابنه ، ولما مات اتجوزت تاني في السر .. بتكمل منظومة الجواز السري

-فريدة: لألألألألأ .. مش معقول ، انت اكيبيد غلطان

-جاسر: يا ريتني كنت غلطان !! ايبيه يا ناهد هانم ، ماتكلمي عدلي بيه يجي يشرفنا هو كمان ويأكد كلامي

-فريدة: مين عدلي ده كمان ؟؟

-جاسر: ده بقي ليه حكاية تانية لوحده ، هبقى أحكهاليك بعدين

-فريدة: الكلام اللي بيقوله جاسر ده صحيح يا ناهد

-ناهد ببكاء: اهي .. اهي ..

-فريدة: ما تردي عليا !! انتي كنتي متجوزة رفعت ومحدث يعرف ؟؟؟

-رأفت: آآآ... انا ... أنا كنت عارف ده من اخويا

-فريدة بصدمة: نعم

-ناهد: هه

-جاسر: ايبيه ؟؟؟

-خالد: كنت عارف يا بابا

-عمر: ده الظاهر ان الفيلم كبير أوي

-فريدة: انت بتقول ايبيه ؟؟؟ يعني ايه كنت عارف

-رأفت: أنا مش حابب احكي قصاد الأولاد بس آآآ...

-فريدة: لأ احكي ، مافيش حاجة خلاص محتاجة انها تستخبي

-جاسر: قولي يا عمي ، خلي الفضايح كلها تبان

-يارا: اكيبيد ده كابوس

-فريدة: قول يا رأفت ، انت كنت عارف بده ؟؟؟؟

-رأفت: ايوه ، رفعت الله يرحمه قالي انه اتجوز ناهد لظروف معينة وانفصلوا عن بعض بعدها

-فريدة بحددة: ظروف ايه اللي تخلي رفعت أخوك يتجوز اختي ؟؟؟

-رأفت: معرفش

-فريدة لناهد: ابييه اللي خلا رفعت يتجوزك يا ناهد ؟؟؟ انطقي ؟؟؟

-ناهد بتردد: كان .. كان آآآ...

-فريدة: قولي !!!

حاولت ناهد أن تجد اجابة سريعة على سؤال فريدة ، فهي لا تريد أن يفتضح أمرها أمام الجميع لذا قالت ...

-ناهد: كان بيحبني

-فريدة بعدم تصديق: انتي بتقولي ابييه ؟؟ بيحبك انتي

-ناهد : ايوه ، كان بيحبني

-فريدة: انتي كداية ، رفعت مكنش بيحب حد

-ناهد: لأ حبني واتجوزني ، بس انفصلنا

-رأفت: يا جماعة مايصحش اللي بيتعمل ده ، الكلام ده كله مكانه البيت مش هنا !!

-جاسر: لازم الكل يعرف ان يارا تبقى اختي

-يارا: مستحيل اللي انت بتقوله ده ، بابا متجوزش غير ماما وبسس

-فريدة: بنت الخدامة

-يارا: بنت الخدامة بنت العفريت الازرق بابا ماتجوزش ولا حب إلا ماما هالة
وبسسسس ، وأي كلام تاني غير ده يبقى كذب كذب !!!

-ناهد: لأ حصل ، هو اتجوزني ، وعندني الورق اللي يثبت كلامي

-يارا: ده أكيد ورق مزورمش حقيقي ، أنا خارجة من هنا ، استحالة افضل واقفة وأنا
بسمع كلام زي ده

-عمر: استني يا يارا أنا جاي معاكي

-رأفت: ايوه خليك معاها يا عمر ، واحنا هنحصلكم

-أدهم: أنا رأيي ان أي كلام يخصصكم يكون في حنة تانية ، مافيش داعي ليه هنا

-ناهد: لأ .. أنا عاوزة الكل يعرف الحقيقة ، انا اتجوزت رفعت ، اه مقولتش ع ان
جاسر ابنه، بس أنا كنت مراته !!!!

-فريدة: انتي مش ممكن تكوني اختي !! ازاي تعملي كده

-ناهد: أنا معملتش حاجة غلطت ، انا حبيت واتجوزت !!!

-جاسر ساخرأ : اه صح فعلاً ، انتي حبيبتي واتجوزتي ، وبعدها اتطلقتي واتجوزتي
وانتي حامل فيا وخالفتي شرع ربنا وآآآ...

-ناهد مقاطعة: ابيبييه زهقتني بكلامك عن شرع ربنا ، قولتلك أنا كنت مضطرة لده ،
وبعدين ربنا غفور رحيم ، ابييه هتعلقلي المشنقة ؟؟؟؟

-جاسر: حراااام عليكى أصلاً اللي عملتياه وبتقوليه ، ماخوفتيش من ربنا وانتي آآآ...

-رأفت متدخلأ : جااااسر ! ناهد هاااااانم ، من فضلكم ، احنا في مستشفى، بيتهيألي
كده احنا خرجنا عن السبب الرئيسي لوجودنا هنا ، احنا جايين نتظمن على شاهي ،
وأي مواضع تانية مكانها الفيلا مش هنا

-خالد: بابا عنده حق

-أدهم: وانا موافق ع ده

-فريدة بنظرات غضب لناهد: لسه كلامنا مخلصش يا ناهد .. لسه !!!

انصرف الجميع من المستشفى وهم غير مصدقين لما حدث ..

استغلت ناهد الفرصة وطلبت عدلي هاتفياً وأخبرته بكل ما حدث و....

-عدلي هاتفياً: ازاي كل ده يحصل ومتقوليليش

-ناهد: ملحقتش ، كله حصل ورا بعضه

-عدلي: انتي نيستي الدنيا خالص

-ناهد: هعمل ايه يعني

-عدلي: يعني الكل عرف اني أنا أبقي جوزك ??? وجاسر ابن رفعت

-ناهد: ايوه ، بس هما يعرفوا اني اتجوزت واحد اسمه عدلي

-عدلي بنرفزة : غبية !!! ده ع اساس ان كده مش هيعرفوني ، انتي عبيطة يا هاتم ،

اوووف !! أتصرف أنا ازاي الوقتي ، كل ما أحل حاجة تتعقد

-ناهد: أنا بنتي كانت هتضيع مني عاوزني كنت أتصرف ازاي ???

-عدلي: اهو بغباءك ده كل حاجة هتضيع مننا ، تخطيط السنين كله هيروح عشان

جنانك اللي عملتيه

-ناهد: مكونتش أقصد ، جاسر فاجئني بانه عارف كل حاجة ، وبعدها شاهي حاولت

تموت نفسها ، كنت عاوزني أعمل ايه ??? كنت بحاول أدور ع حل سريع

-عدلي: ويا ريته نفع !!! سيبيني الوقتي أفكر في حل للمصيبة دي كمان

-ناهد بضيق: اوووف ، أنا تعبت من كل حاجة ، كله إلا ولادي

-عدلي: شششش ، اسكتي شوية ، أنا بفكر في حاجة كده ويا ريت تنفع

-ناهد: حاجة ايه ؟؟

-عدلي: قوليلي الأول ، البت اللي اسمها يارا دي عرفت ان جاسر أخوها

-ناهد: ايوه

-عدلي وهو يفكر في شيئاً ما : ممممم...

-ناهد: بتسأل ليه

-عدلي: بفكر في حاجة كده

-ناهد: طب قولي

-عدلي: اصبري عليا !!

-ناهد : اوك

ظل عدلي يفكر في شيئاً ما ربما سيخدمه في مسعاه و...

-عدلي بعد لحظات من التفكير : قوليلي جاسر ناوي ع ايه

-ناهد: معرفش

-عدلي: طب أنا عاوزك تلعبني ع تحت نلم شمل الأسرة

-ناهد: ايه ؟

-عدلي: يعني تقولي لجاسر ابنك انك عاوزة تلمي عيلتك حواليك وتصلحي غلظتك دي

-ناهد: غلظة ايه

-عدلي: انتي مش مركزة معايا ليه ، بصي يا ناهد

-ناهد: ها

-عدلي : عاوزك تفهمي ابنك ان بعد اللي حصل مع شاهي انك ناويتي تغيير حياتك

وتصلحي غلظك

-ناهد: ازاي

-عدلي: هتفهميه انك عاوزة تطلقي مني ، وولادك عندك بالدنيا كلها ، وكل حاجة تهون عشانهم والكلام بتاع الأفلام ده وخصوصاً بعد اللي حصل لشاهي فخلاي تفوقني !

-ناهدي: أها ، بس أنا مش عاوزاك تطلقتني !!

-عدلي: ده كلام يا غبية

-ناهدي: اوك

-عدلي مكملأً: وتركزي بقى مع جاسر ع حتت انه لازم يجيب اخته يارا تعيش معانا

-ناهدي: نعم؟؟

-عدلي: اللي سمعته

-ناهدي: ازاي عاوزني اجيب البت دي تعيش معايا

-عدلي: لازم تيجي تعيش معاكي ، لأن بكده هنقدر ناخد حقنا براحتنا بعيد عن عيلة الصياد

-ناهدي: مممم...

-عدلي: رتبي كلامك كويس ، وشغلي مخك معايا

-ناهدي: اها

-عدلي: لو اللي في دماغى ده عملته بالنص ، أقدر أقولك ان البت يارا دي مش هتاخد في ايدي غلوة، وخصوصاً انها هتكون تحت ايدينا

-ناهدي: هحاول

-عدلي: مافيش حاجة اسمها هتحاولي ، انتي هتعملي اللي بقولك عليه

-ناهدي : طيب

.....

في فيلا رأفت الصياد ،،،

في غرفة فريدة ،،،،

كانت هناك معركة حامية الوطيس بين فريدة ورأفت داخل غرفتهما ..

-فريدة: ازاي تبقى عارف بحاجة زي دي وماتقوليش

-رأفت: دي كانت من سنين

-فريدة: يعني ايه كانت من سنين ؟؟؟؟ يعني كنت عارف ان ناهد اختي اتجوزت رفعت

وفضلت ساكت المدة دي كلها !!!

-رأفت: اهوو اللي حصل بقى

-فريدة بغضب: وماتقوليش ؟؟؟

-رأفت: احم.. مجاتش مناسبة

-فريدة: انت هتجنني بكلامك ، يعني ايه مجاتش مناسبة كنت مستني يعدي كام سنة

عشان أعرف

-رأفت: أنا مش عارف انتي مضايقة ليه

-فريدة: ايوه مضايقة لأن رفعت... رفعت ده رفض الجواز وراح يتجوز خدامة وفي

نفس الوقت بيتجوز اختي وآآ...

-رأفت: لأ عندك ، هو اتجوز اختك بس لسبب خاص بيه هو وهي ، لكن هالة حبها

واتجوزها عن حب فعلاً

-فريدة: بقى أنا أترفض منه ويتجوز اختي والخدمة !!!

-رأفت: نعم ؟؟

-فريدة: اقصد ان أخوك رفض يتجوز من عيلتنا وبعد كده يتضح انه اتجوز اختي من

أكثر من 30 سنة !!!

-رافت: ما انا قولتلك ظروف

-فريدة: لازم اعرف ايه اللي خلاه يتجوز ناهد ، مش هعدي الموضوع ده بالساهل

-رافت: أنا مش عارف انتي هتستفيدي ايه من ده كله ، ماهو اللي حصل حصل ،
وخلصنا !

-فريدة: ده اللي حصل بلاوي واللي جاي بلاوي !!

-رافت: سيببها انتي بس على الله ، وكله هيعدي

-فريدة: اللي مش مصدقاه ان جاسر يطلع أخو البت دي

-رافت: يووووه ، عمالة انتي تغلطي في بنت اخويا ، وأنا ساكتلك على فكرة

-فريدة: سيبني في اللي أنا فيه ، أنا مش مصدقة اللي حاصل ده كله

-رافت: برضوه مش هتريحي نفسك ، أنا عارف هتفضلي تحربي كده وتدوري ع
المشكال وتروحيلها !!!!

.....

في غرفة المعيشة ،،،،،

-أدهم: يعني جاسر طلع أخو يارا

-خالد: حاجة مكانتش متوقعة

-أدهم: ايوه

-خالد: طب والعمل ايه الوقتي

-أدهم: في ايه؟؟؟

-خالد: يعني جاسر هيتصرف ازاي مع يارا ، ويارا نفسها هتتصرف ازاي معاه

-أدهم: مش عارف

-ادهم في نفسه: أسعد خبر في حياتي النهاردة ، كده ان شاء الله يكون ليا لي فرصة أفضل ...

-خالد: سرحت في ايه؟؟؟

-ادهم: هه.. مافيش ! بفكر بس في اللي حصل

-خالد: طيب

.....

في الحديقة ،،،،

-عمر: انا مش عارف أقولك ايه يا يارا ، بجد مش لاقى كلام

-يارا: عمر سيبني الوقتي مع نفسي

-عمر: أنا بحاول أهون عليك اللي عرفتيه

-يارا: تهون عليا ايه ولا ايه؟؟؟ تهون عليا ان بابا كان متجوز قبل ماما ومش قايل ولا
آآآ....

-عمر مقاطعاً: ماهو طلقها

-يارا: طلقها ولا مطلقهاش هو حر ، بس انه يخبي ده علينا حاجة مش سهلة

-عمر: ماهو يمكن كان قايل لمامتك أو جدتك

-يارا: لأ .. كانت قالتلي !

-عمر: واللي أنا مستغربه ان أبويا عارف ومقالش

-يارا: طب ليه مقالش هو كمان ، لأ وجاسر يطع اخويا ، ده بجد حاجة مش قادرة
أستوعبها لغاية دلوقتي

-عمر: والله ولا أنا .. !

-يارا: الكلام ده فيه حاجة مش مطبوطة ، أنا مش مصدقاه ، كله كذب

-عمر: هو أنا ممكن بس أفهم منك حاجة

-يارا: ايه؟

-عمر: ع كده انتي بقى تطلعي اخت البت شاهي

-يارا: عمر !!! أنا مش فايقالك

.....

في المستشفى ،،،

توجهت ناهد إلى حيث يجلس ابنها جاسر وحاولت أن تبدو امامه بمنظر الأم المنكسرة
النادمة على ما فعلت و...

-ناهد ببكاء: جاسر يا بني ، أنا عارفة اني غطت ، وغلطتي ده أنا متحملاه ، بس
اللي مش هاقدر اتحملة انك انت أو أختك يحصلكوا حاجة ، ده أنا عايشة عشانكوا

-جاسر: واضح فعلاً انك عايشة عشانا

-ناهد: صدقني يا بني ، انتو كل حياتي

-جاسر: ناهد هانم أنا عاوزك تعرفي ان شاهي بس تشد حيلها وتخرج من هنا ، وأنا
هاسيب البيت وامشي واخدها معايا

-ناهد: انت بتقول ايه ???

-جاسر: اللي حضرتك سمعته ، أنا مش هاقبل أقعد في البيت بعد اللي سمعته وعرفته
! أنا هاخذ اختي وأمشي ، وانتي تقدري تعيشي مع جوزك براحتك

-ناهد: لألألاً ... اوعى تعمل كده يا بني ، أنا هاطلب الطلاق

-جاسر: تطلبه أو لأ ، دي حاجة تخصك ، أنا اللي يهمني الوقتي هو اخواتي وبسس

-ناهد: تقصد شاهي و... يارا

-جاسر: ايوه

-ناهد: طب أنا عندي اقتراح

-جاسر: مش عاوز أسمع حاجة منك

-ناهد: ده عشان مصلحتك انت وشاهي و...آآآ...ويارا

-جاسر: هه

-ناهد: ايه رأيك لو يارا تيجي تعيش معنا ???

-جاسر: أصلاً يارا وجودها في بيت عمي وأنا موجود غلط ، هي هتيجي تعيش معايا أنا وشاهي ، لكن أسف مش هتعيش مع حضرتك

-ناهد: يا بني اسمعني

-جاسر: انتي أمي على عيني وراسي ، لكن للأسف مش هاقدر أعيش معاكي بعد اللي عرفته ، أنا حاسس اني كنت عايش مع أم تانية مش انتي ، ازاي أقدر أعدي كل ده ببساطة

-ناهد: أنا بعترف اني غلظت ، بس سامحني ، سامحني يا بني !!!

-جاسر : ربنا ممكن يسامح ، لكن انا لأ ... أسف مقدرش انسى كل اللي عملتية والوهم اللي عشنا فيه لسنين وانا مصدق ان يسري ابويا وأمي مضحية بحياتها عشاننا ، وهي متجوزة في السر وعندها شغل خاص بيها ، مش يمكن يكون في بلاوي تانية انا معرفش عنها أي حاجة

-ناهد: لأ يا بني متقولش كده ، انتو دنيتي كلها، أنا بقولك أنا مستعدة أصلح غلظتي وأجيب يارا تعيش معنا وأعوضها عن اللي فات ، وانت واختك اشيلكوا في عينيا زي الأول وأكثر وآآآ...

-جاسر: كل الكلام ده مالوش لازمة الوقتي يا أم... قصدي يا ناهد هانم ..

-ناهد: جاسر ، عشان خاطري ، اديني فرصة بسسس

-جاسر: عند اذنك أنا محتاج أروح أشوف أختي واطمن عليها

-ناهد: شاهي لسه نايمة ، أنا كنت جاية من عندها

-جاسر: أنا أقصد اختي الثانية يارا ..!!!!!!

انصرف جاسر تاركاً والدته وهي تتوعد بالانتقام من يارا و...

-ناهد في نفسها: بنت رفعت هي السبب في كل ده، هي ورا كل مصيبة حصلت
وبتحصلي ، كنت أعدة في حالي مش هاممني أي حاجة ، لكن من وقت ما ظهرت
والدنيا عمالة تتعقد ، فلوسي مش عارفة أخدها بقالي سنين بسببها ، و بنتي كانت
هتبقى متجوزة من ادهم ولا خالد ، بس هي ضحكت ع الاتنين وخليتهم يلعبوا ع بنتي
ويسيبوها وتنتحر ، والوقتي هتخلي ابني جاسر يبعد عني بعد ما شغلت باله بيها ، لأ
وياخد شاهي كمان .. مش هاسيبك يا بنت الصياد ، مش هارحمك يا بنت رفعت !!!!

.....

في فيلا رأفت الصياد ،،،،

استقل جاسر سيارته ووصل إلى الفيلا ، بحث بعينه عن يارا فوجدها تجلس بمفردها
في الحديقة ، فتوجه ناحيتها و....

-جاسر: يارا

-يارا: هه

-جاسر: تعالي معايا

-يارا: على فين

-جاسر: أنا مش هاسيب اختي نعقد لوحدها بعيد عني

-يارا: نعم؟؟ انت بتقول ايه

-جاسر وهو يمك ذراعها : يالا يا يارا ، كفاية انك بعدتي عننا السنين دي كلها ، لازم اعوضك عن اللي فات

-يارا وهي تبعد يده : انت اتجننت ، اختك ايه والكلام الفارغ اللي بتقوله ده

-جاسر: أنا بقول الحقيقة

-يارا: حقيقة ايه اللي عاوزني أصدقها ، أنا ماليش اخوات ! أنا طول عمري وحيبيبيدة ، ماليش لا أخ ولا أخت ، فجأة كده طلعتي أخ معرفش منين

-جاسر: يارا

-يارا بحدة : بلا يارا بلا زفت ، أوعى كده

-جاسر: أسف أنا مش هاسيبك هنا ، انتي لازم تيجي مع أخوكي

-يارا بصوت عالي: اخ مين ??? انا معرفكش

-جاسر: لأ يا يارا لو متعرفيش يبقى لازم تعرفي ، وأنا مش هاسيبك

-يارا: انتو هتكذبوا الكدبة وتصدقوها

-جاسر: دي مش كدبة

-يارا: لأ كدبة وملعوب جديد بيتعمل عليا ، أنا مش هصدق أي كلام يتقالي بعد كده ، أنا خلاص اتعلمت كويس من اللي حصلي قبل كده

-جاسر: يارا

لمح ادهم من شرفة غرفته ما يحدث من صدام بين يارا وجاسر في حديقة الفيلا ، فقرر أن ينزل على الفور إليهم ، بينما حضر عمر من الداخل على أثر صوت يارا العالي و...

-عمر من بعيد: ازيك يا جاسر ، هو في حاجة جديدة حصلت لشاهي ؟

-جاسر: لأ

-يارا متأمة : سيب دراعي ، آآآه

-جاسر: لأ مش سايبك وهاتيحي معايا

-يارا وهي تقاومه : لأ

-عمر متدخلاً: سيب يارا يا جاسر

-جاسر وهو يدفع عمر بيده: خش جوا انت يا عمر ومتدخلش !!!

-عمر: لأ مش هادخل

-أدهم وقد وقف في وجه جاسر: سيب يارا يا جاسر

-جاسر: ادهم ابعده عن سكتي ، يارا هاتيحي معايا

-ادهم: لأ مش هاتيحي

-عمر: انا هنادي بابا يجي يشوف حل لده

-جاسر: نادي للجن الأزرق حتى ، يارا هتمشي معايا يعني هتمشي معايا

-يارا: لألألأ

-ادهم: وأنا بقولك يارا مش هاتمشي من هنا يا جاسر

-جاسر: يبقي انت هتخليني أتعامل معاك

ترك جاسر يد يارا وتشاجر مع أدهم ، تبادل الاثنين اللكمات والركلات ويارا تحاول أن تبعد بينهما ، أحضر عمر أبيه من الداخل وكذلك لحق به خالد حينما سمع صوت الشجار العالي و...

-رأفت : جالالاسر ، ادهم ، ايه اللي بتعملوه ده

-جاسر: أنا مش هاسيبك ، هموتك يا أدهم

-أدهم: وأنا مش هاخليك تاخذ يارا من هنا إلا ع جتتي

-أدهم: يثبتهولك ازاي ، وانتو أبوكو مات من سنين

-خالد: أها

-عمر: كلام منطقي

-جاسر يعني هي دي مشكلتك

-يارا: ايوه

-جاسر: ماشي وانا هثبتك اني أخوكي سواء بالورق بتحليل الـ DNA ، بأي وسيلة هثبتك كلامي ، وساعتها هتيجي تعيشي معايا ومع شاهي !

-يارا: أما تثبت اللي بتقوله بيقالنا كلام ساعتها

-جاسر: وأنا مش هرتاح إلا لما أعمل ده

-رأفت: خشي انتي يا يارا الوقتي جوا

-يارا: اوك

أمتثلت يارا إلى أوامر عمها ودلقت إلى داخل الفيلا ، بينما ظل الحوار دائراً و...

-جاسر: لأ هخليها واقفة ، ماتمشيش

-رأفت: يا جاسر يارا أعدة في بيت عمك مش في بيت حد غريب

-جاسر: على عيني وراسي ، بس خلاص طالما الحقيقة ظهرت لكل يبقى نصلح
الوضع ده كله

-رأفت: مميم

-خالد: طيب لحد ما ده يحصل ، يارا هتفضل هنا

-أدهم: ايوه

-عمر: وأنا أتفق معهم

-رأفت: أنا عارف انك هتقدر تعمل كده ، بس لازم تدي يارا وشاهي الوقت انهم يتقبلوا ده ، شاهي اختك برضوه واللي حصل مش قليل عليها

-خالد: فعلا .. لازم تقف مع شاهي زي ما انت ناوي تقف مع يارا ، واحنا معاك

-أدهم: أنا رأيي تركز مع شاهي اكثر

-عمر: بالظبط

-رأفت: الفترة اللي جاية هي اهم فترة في حياتكم كلكم ، ولازم تبتدوها صح

-جاسر: ماشي .. بس هي مسألة أيام ! لكن بعد كده يارا وشاهي هيعيشوا معايا أنا وبسس

-رأفت: ان شاء الله

انصرف جاسر من الفيلا ، وطلب رأفت من عمر أن يلحق بيارا للاطمئنان عليها ، بينما ظل أدهم وخالد ورأفت يتناقشون سوياً و...

-رأفت: عمر

-عمر: ايوه يا بابا

-رأفت: روح شوف يارا واقعد معاها ، ماتسيبهاش لوحدها

-عمر: غالي والطلب رخيص يا بابا ، ده أنا هلزقلها !!..

-أدهم بغيظ : جبالك ع الطبطاب

-عمر: هذا من فضل ربي ، الحاجة بتيجي لحد عندي كده من غير ما أسعالتها ، الحمد لله يارب

دلف عمر إلى داخل الفيلا و...

-أدهم: يعني انت يا بابا موافق ان يارا تسبب البيت وتعيش مع جاسر وعيلته؟؟؟

-رأفت: طالما الحقيقة بانك قصاد الكل ، من حقه ان اخته تعيش معاه

-خالد: بس احنا عارفين ان ناهد مرات عدلي ، وعدلي الأكيببيد انه ماهيصدق ان يارا تعيش مع ناهد عشان ينفذ خطته الدنيئة

-أدهم: بالظبط

-رأفت: والله أنا ما عارف ، احنا حتى كل ظنوننا وشكوكنا حوالين عدلي من غير دليل ، محتاجين أوراق أو دليل يثبت اللي بنقوله ده

-خالد: يبقى مقدمناش غير اننا ندور على اللي يثبت ان عدلي ليه يد في اللي حصل لعمي رفعت الله يرحمه وانه بيدبر لقتل يارا

-أدهم: طب فيديو يوم الاجتماع

-خالد: مايثبتش حاجة ، مش قوي بالدرجة اللي تدينه

-رأفت: ممم...

-أدهم: طب والعمل

-خالد: بصراحة أنا بفكر إنني أسافر ألمانيا أجمع كل المعلومات عن عدلي وشكرته بالمستندات ، واشوف مع مستر شرودر هنعمل ايه في اللي يخص يارا

-رأفت: فكرة برضوه

-أدهم: يا ريت والله يا خالد ، ويا سلام بقى لو تطول في السفرية اد شهرين ثلاثة كده لحد ما تجمع كل الأوراق والمستندات براحة راحتك

-خالد: أفندم ???

-أدهم: بهزر معاك

-رأفت: خلاص يا خالد يا بني ، شوف ايه المطلوب وأعمله وانا معاك

-خالد: تمام ، انا هحاول أجهز نفسي للسفر ، بس ياريت محدش يعرف حاجة باللي هنعمله ده

-رأفت: اكيد طبعاااا

-أدهم: اظمن

.....
في المستشفى ،،،

أفاقت شاهي ، وتذكرت ما حدثت خاصة حينما رأته وجه والدتها أمامها و...

-شاهي بضيق: لبييه؟؟ ليه عملتي فينا كده!!!

-ناهد: شاهي حبيبتى ، الحمد لله انك فوقتي

-شاهي: لبييه يا مامي ، لبييه؟؟؟

-ناهد: أنا غطانة يا بنتي ، أنا مكوئنتش أقصد

-شاهي: طب أنا كده أبقي بنت مين؟؟ مين بابا؟؟ ميبين؟؟؟؟

-ناهد: انتي بنت أبوكي يسري يا حبيبتى ، والله بنت يسري

-شاهي: لألألاً.. ممكن اطلع بنت أي حد تاني وانتي مخبية ده ، زي جاسر ، طول عمره مفكر انه ابن بابي ، وفي الآخر طلع ابن حد تاني، هطلع انا أحسن منه

-ناهد: لأ يا شاهي متقوليش كده ، انتي بنتي وبنت يسري الله يرحمه

-شاهي ببكاء: لبييه ، ليه عملتي فينا كده؟؟؟

-ناهد: الظروف يا حبيبتى هي اللي أجبرتني أعمل ده ، لكن أنا ندمانة يا حبيبتى

-شاهي: أنا.. أنا مصدومة!! أنا أكيد بحلم

-ناهد: شوشو اهدي يا حبيبتى ، كل حاجة هتبقى كويسة

-شاهي: كويسة!!!!

-ناهد: أيوه يا حبيبتى ، أنا هصلح كل حاجة ، اسمعيني بس للأخر وهتعرفني اني
مظلومة

-شاهي وهي تضع يديها على أذنها : أنا مش قادرة أشوفك ، مش قادرة أسمعك ،
لألألاً مش قادرة

-ناهد: اهدي يا شاهي

-شاهي بصريخ : لألألألألأ... انتي هاتقولي أكيد إني مش بنتك ، مش عاوزة أسمع
أي حاجة ، حراااااام ، طول عمري كنت عايشة في وهم

-ناهد: لأ يا حبيبتي ، انتي بنتي والله بنتي

-شاهي: لألألألألأ... حرااااااام

خرجت ناهد مسرعة تطلب المساعدة من إحدى الممرضات الموجودة بالخارج والتي
استدعت الطبيب على الفور و...

-الطبيب: بسرعة امسكيها كويس ، حالتها سيئة

-المرضة: حاضر يا دكتور

-ناهد: بنتي حبيبتي

-الطبيب: ارجوكي يا مدام اطلعي بره الوقتي

-ناهد: أنا مش هاسيب بنتي

-الطبيب: يا مدام حضرتك مش شايقة حالتها عاملة ازاي ، اطلعي بره من فضلك

-المرضة: يا مدام تعالي معايا

-ناهد: حبيبتي يا شوشو ، أنا السبب في ده كله

-الطبيب: يالا يا مدام ، لمصلحة بنتك اطلعي الوقتي بره

خرجت ناهد خارج غرفة شاهي ودموعها تغرق خدودها ، وكان جاسر قد عاد لتوه من
عند عمه ، فاستفسر عما يحدث مع شاهي و...

-جاسر بلهفة: في ايه اللي بيحصل هنا

-ناهد ببكاء: اهي.. شاهي . ش..شاهي

-جاسر: مالها شاهي

-ناهد: تعبانة اوي جوا ، والدكتور طردني من عندها

-جاسر: ايبييه ??? وده حصل من ايبييه ???

-ناهد: معرفش ، هي فاقت وفجأة بدأت تصرخ بكلام مش مفهوم و...آآ...

-الطبيب مقاطعاً: يا مدام أنا فهمت حضرتك ان الأنسة شاهي بتعاني من حالة نفسية سيئة ومحتاجة انها تبعد عن أي ضغوط عصبية ونفسية

-ناهد: ح...حاضر يا دكتور ، أنا هعمل كل اللي تقولي عليه ، المهم انها تبقى كويسة وترجع زي الأول

-جاسر: طب هي عاملة ايه الوقتي ???

-الطبيب: هي خدت حقنة مهدئة ! وأنا لسه عند كلامي ، لازم تتابعوا مع دكتور نفساني بدل ما حالتها تدهور اكثر من كده

-جاسر: حاضر يا دكتور

-ناهد: بنتي حبيبي !

-جاسر: أي حاجة هتحصل لشاهي انتي هتكوني مسئولة عنها

-ناهد: ج...جاسر

-جاسر : لو سمحتي يا ناهد هانم ، سيبي شاهي في حالها الوقتي

-ناهد: دي...دي بنتي !!

-جاسر: بنتك هتضيع بسبب اللي عملتيه ، ارجوكي سيبيها تستوعب اللي حصل !!
وابعدي عنها الفترة دي

-ناهد: لألاً يا جاسر متقولش كده

كان جاسر يفكر في طريقة من أجل معرفة مكان الأوراق التي تثبتت زواج ناهد من رفعت الصياد ومقارنتها بورق شهادة ميلاده وعقد زواج ناهد من يسري ، وبالتالي يصل إلى أول طرف الخيط الذي يثبت صحة كلام ناهد من عدمه ...

-جاسر : انتي آآآ... انتي فعلا ندمانة ع اللي عملتيه

-ناهد: ايوه يا بني ، ومستعدة أعمل أي حاجة عشان اثبتك ده

-جاسر: أي حاجة

-ناهد: أيوه ، انا وعدتك اني هصلح كل غلطي ، انت نسيت مش أنا قولتلك هات يارا تيجي تعيش معانا وأنا هعوضها عن اللي فات

-جاسر: ماشي ، وأنا مستعد أسامحك ع اللي عملتيه بس بشرط

-ناهد: ايه هو

-جاسر: هو شرط واحد بس

-ناهد: قول يا بني

-جاسر: فين الورق اللي يثبت جوازك من رفعت الصياد

-ناهد: هه

-جاسر: أنا عاوز الورق اللي بيثبت انك مرات رفعت الصياد ، ولا هو كان جواز آآآ...

-ناهد: لألألاً أنا كنت متجوزاه والله

-جاسر: طب فين الورق ???

-ناهد: آآآ.. هو موجود

-جاسر: طب هاتيه ! ولا تكوني بتكدي عليا وبتسكتني بأي حاجة وخلص ، ع العموم أنا آآآ...

-ناهد مقاطعة : لألألاً ، الورق موجود يا جاسر بس آآآ...

-جاسر: بس ايه ؟

-ناهد: هو مش معايا

-جاسر: يعني ايه مش معاكي ، انتي سايبه فين

-ناهد: في آآ...

-جاسر: سايباه في الفيلا ؟

-ناهد: آآ... لأ

-جاسر: مع البيه جوزك اللي اسمه عدلي؟؟؟

-ناهد: لأ.. برضوه

-جاسر: اومال فين؟؟؟

-ناهد: آآ.. في .. في

-جاسر: فين يا ناهد هانم؟؟

-ناهد: في ألمانيا

-جاسر بدهشة: نعم !!!

-ناهد: هو في ألمانيا في بيتي أنا وآآ... وعدلي اللي هناك

-جاسر بضيق: بيتك !!

-ناهد: أنا.. أنا

-جاسر: خلاص ، خلاص.. متقوليش حاجة

-ناهد: لو عاوزني أجيبك الورق أنا مستعدة أسافر اجيبهولك بس أما اظمن الأول ع شاهي ، أنا معايا المفاتيح وأرقام الخزنة هناك وآآ...

-جاسر: مافيش داعي انك تسافري ، خلاص أنا مش عاوز حاجة

-ناهد: للألألاً ، أنا عاوزة اثبتك صحة كلامي

-جاسر: طيب هاتلي أرقام الخزنة والمفاتيح وأنا هتصرف

-ناهد: هه

-جاسر محاولاً خداع ناهد : اطمني ! متخافيش ، أنا عاوز أثبت اني ابن رفعت الصياد
عشان أجيب حقي اللي ضاع السنين اللي فاتت كلها بنفسي

-ناهد بفرحة : بجد ؟؟؟

-جاسر: ايوه ، معدتش عندي حاجة اخسرها

-ناهد: ايوه يا بني أنا مش عاوزاك تسيب حقك ولا حقي

-جاسر: اها ..

-ناهد: ثواني يا بني أكتبك الأرقام وأجيبك المفاتيح

-جاسر: بس ياريت متجيبش سيرة لعدي جوزك بده ، أنا عاوز أجيب حقنا بدون
مساعدة من حد ، مش عاوز حد يشاركنا في ده

-ناهد: طبعاً يا بني ، اطمن ، انت عارف بكلامك ده رديت فيا الروح من ثاني

-جاسر: اها

-ناهد مكلمة: انا حاسة ان كل حاجة هتتغير للأحسن

-جاسر: ان شاء الله ، ده اللي هيحصل ، كل حاجة هتتغير !!! بس أنا عاوز منك الفترة
الجاية تاخدي بالك من شاهي ، بيتهيألي ده مش هايكون صعب

-ناهد: اطمن يا بني ، شاهي بنتي وأكيد يهمني مصلحتها

-جاسر: اوك .. وانا واثق من ده

.....

عقد جاسر العزم على السفر إلى ألمانيا ، ثم اتصل برأفت الصياد ليبلغه بهذا وما اتفق عليه مع والدته ناهد ، ثم اقترح رأفت عليه أن يسافر هو وخالد سوياً من اجل الحصول على جميع الأوراق التي تخصه هو ويارا ...

-رأفت هاتفياً: كويس أوي يا بني انك انت عملت كده

-جاسر: ايوه ، مكنش قدامي غير اني أعمل ده ، وأنا هحاول اخلص اجراءات السفر لألمانيا عشان آآ...

-رأفت: سيب الموضوع ده عليا ، أنا هخلصك ورقك مع خالد

-جاسر باستغراب: مع خالد !!!

-رأفت: أيوه ، خالد كمان هيسافر ألمانيا عشان يشوف موضوع ميراث يارا اللي هناك ، فانا رأيي انكو تسافروا سوا وتخلصوا كل حاجة مع بعض

-جاسر: أها

-رأفت: ان شاء الله في السفرية دي تتحل كل حاجة ، وتوصلوا للحقيقة

-جاسر: ان شاء الله

.....

بفضل معارف رأفت وعلاقاته القوية مع مسئولين رفيعي المستوى ، استطاع أن ينهي الاجراءات الخاصة بسفر كلاً من خالد وجاسر إلى ألمانيا ، بينما حصل جاسر على اجازة مفتوحة من عمله حتى يستطيع أن يتصرف بحرية خلال الفترة القادمة ..

تم نقل شاهي إلى مصحة نفسية لمعالجتها نفسياً مما حدث وما مرت به من أحداث دمرتها ودفعتها نحو الانتحار، حاول جاسر ان يتأكد من حصول اخته على الرعاية الكاملة خاصة خلال فترة سفره للخارج ، واستمر في ايهام والدته بأنه يسعى للحصول على حقه المسلوب ، كما أكد عليها عدم اخبار عدلي بأي شيء حتى يضمن أن يسير كل شيء وفق ما يريد ...

.....

في فيلا رأفت الصياد ،،،

كان خالد على موعد مع السفر ، وتعهد خالد ألا يخبر يارا أو والدته أو حتى عمر بهذا ، وإنما أبلغ الجميع أن سفره المفاجيء لألمانيا من اجل انهاء اجراءات صفقة هامة للشركة و...

-فريدة: كان لازم يعني تسافر يا خالد واحنا في الظروف دي

-رأفت: سيبه يا فريدة ، هو يعني رايح يتفصح ، ده رايح يشتغل

-خالد: ده هما يومين يا ماما ، مش هاغيب

-فريدة: برضوه ،مكنش ينفع أي حد تاني غيرك

-خالد: يا ماما محدش هيخاف ع الشغل زينا

-رأفت: خد بالك من نفسك يا بني

-فريدة: وكل كويس ، أوعى تسيب نفسك من غير أكل

-خالد: حاضر ..!!

-صباح : خالد بيه ، جاسر بيه وصل تحت ومنتظر حضرتك في العربية

-فريدة باستغراب : جاسر !!

-خالد: آآ... أصل هو اللي هيوصلني للمطار يا ماما

-فريدة: اها

-خالد: يالا مش عاوزين حاجة ؟

-رأفت: لا يا بني ، خلي بالك ع نفسك بس

-خالد: إن شاء الله

-رأفت: يالا يا بني عشان متأخرش ع ميعاد الطائرة

-خالد: ماشي ، بس أسلم الأول ع يارا وعمر وأدهم

-فريدة: اووف

-خالد: معلش يا ماما ، شيء واجب ، هما فييين ؟؟ مش باينين ليه؟؟

-فريدة: انا معرفش اخواتك بيغطسوا فين ، لكن البتاعة دي مرزوعة في اوضتها

-خالد: ماسمهاش بتاعة ، اسمها يارا يا ماما

-فريدة: Whatever

توجه خالد نحو غرفة يارا لكي يسلم عليها قبل أن يسافر و...

-خالد (طق..طق ..طق) : يارا

-يارا من الداخل: ايوه ، جاية اهو

فتحت يارا باب غرفتها لتتفاجيء بوجود خالد و...

-خالد: يارا ، أنا جاي أسلم عليكى قبل ما أسافر

-يارا: تسافر !

-خالد: ايوه ، ورايا كام حاجة في الشغل عاوز اخلصها

-يارا: اها ، ربنا يعينك

-خالد: يارا عاوزك تعرفي ان أي حاجة عملتها ويعملها عشان مصلحتك

-يارا: شكراً

-خالد: مش هوصيكي يا يارا على نفسك

-يارا: ان شاء الله ، وع العموم احنا كلنا هنتظرك ، وتروح وترجع بالسلامة

-رأفت: ناديلي يارا ، خليها تيجي تكلمني

-صباح: حاضر

-رأفت: قوليلها تيجي الوقتي

-صباح: حاضر يا رأفت بيه

وبالفعل أبلغت صباح يارا برغبة عمها رأفت في رؤيتها في مكتبه ، فتوجهت يارا إليه
و....

-يارا: خير يا عمي

-رأفت: ايه يا بنتي ، هتفضلي واخدة جمب كده لوحديك ومنعزلة عن الناس كلها

-يارا: عادي يا عمو ، أنا بحاول بس أفوق من كل اللي حصل وأستوعبه

-رأفت: الحياة مش بتقف على حاجة ، أنا عاوزك ترجعي زي الأول

-يارا: ربنا يسهل

-رأفت: انا مش عاوزك تشيلي هم أي حاجة ، كل حاجة بتعدي ، وكل مشكلة وليها حل

-يارا: أها

-رأفت: قوليلي بقي ، مش ناوية تنزلي الشركة تاني

-يارا: ان شاء الله ، يومين كده ولا حاجة

-رأفت: لالالا.. أنا مش هاقبل أي حجج ، انتي بكرة الصبح ان شاء الله هترجعي
تنوري مكتبك في الشركة ، انتي مشوفتيش أنا وضبتهولك ازاي ، يارب بس يعجبك
ذوقي

-يارا: أكيد طبعاً هيعجبني يا عمي

-رأفت: هستناكي ، جهزي نفسك ، ان شاء الله بكرة الصبح هتيجي معايا

-يارا: ربنا يسهل

-رأفت: وبعدين بلاش الحبسة السوداء دي ، اخرجي وغيري جو ، روي النادي ،
انزلي اشترى أي حاجة ، ده كل البنات اللي في سنك مش راحمين نفسهم طلبات وشرا

-يارا: أصل أنا يعني مش غاوية الحاجات دي

-رأفت: رفهي عن نفسك يا بنتي ، والله ده هيغير من مودك كثير

-يارا: ان شاء الله يا عمي

-رأفت: او عديني يا بنتي انك تعملي كده ، ترجعي زي الأول وأحسن

-يارا: أو عدك يا عمي

انصرفت يارا إلى غرفتها وقد أخذت العهد على نفسها أن تحاول أن تبدأ من جديد ..

.....

في صباح اليوم التالي ،،،

بدأ يوم جديد في حياة يارا التي استعدت للذهاب إلى العمل بصحبة عمها و...

-صباح: صباح الفل على ست البنات

-يارا: صباح الخير عليك يا صباح

-صباح بابتسامة : ست يارا

-يارا: ايوه يا صباح

-صباح: آآ... كنت عاوزة أقولك آآ..

-يارا: خير يا صباح

-صباح: رأفت بيه مستنيكي في العربية بتاعته من بدري

-يارا: والله ، طب ده انا مش هلحق أفطر

-صباح: اجهز لحضرتك فطار تخديه في الشركة

-يارا: هه .. لأمش مشكله ، انا هبقى اطلب أي حاجة أكلها على خفيف ، سلام قى الوقتي لأحسن مايصحش أتأخر عليه اكثر من كده

-صباح مبتسمة: ربنا يجعلك في كل خطوة سلام و.. آآآ.. وسعادة

توجهت يارا إلى سيارة عمها ، فتحت باب السيارة لتركب في الخلف و...

-يارا: الله ! أومال فين عمي؟؟

-أدهم وهو جالس مكان السائق : صباح الخير

-يارا: انت !!

-أدهم: أينعم

-يارا: بتعمل ايه هنا مكان السواق؟؟

-أدهم: أصل أنا قررت أكون السواق بتاعك النهاردة وآآآ.. وكل يوم

-يارا بدهشة : نعم؟؟

-أدهم: طبعاااا .. اومال ايه يا ... يا أم عيالي ان شاء الله!!!

.....

الحلقة الثالثة والستون :

توجهت يارا إلى سيارة عمها ، فتحت باب السيارة لتركب في الخلف و...

-يارا: الله ! أومال فين عمي؟؟

-أدهم وهو جالس مكان السائق : صباح الخير

-يارا: انت !!

-أدهم: أينعم

-يارا: بتعمل ايه هنا مكان السواق ??

-ادهم: أصل أنا قررت أكون السواق بتاعك النهاردة وآآ.. وكل يوم

-يارا بدهشة : نعم ??

-أدهم: طبعاااا .. اومال ايه يا ... يا أم عيالي ان شاء الله !

-يارا: أفندم ??? عيد كده تاني اللي قولته

-ادهم: بقولك يالا يا أم العيال

-يارا: عيال مين ???

-ادهم بخبث: عيالي ان شاء الله

-يارا: استغفر الله العظيم يا رب ، بص يا أدهم ، أنا مش فايقة لهزارك ده اللي ع الصبح ، أنا عاوز أركز في الشغل ، ولو سمحت تبطل الحركات دي معايا ، ممكن ؟

-أدهم: هو انا لسه عملت حاجة ، ده أنا بقول يا هادي

-يارا: نعم ??

-أدهم: فطرتي ولا لسه ??

-يارا: اوووف ، أدهم اتوكل على الله وخلي السواق يركب مكانك خليني ألحق أروح الشركة

-أدهم: نعم ?? سواق ايه اللي اخليه يجي يقعد معاكي لوحد

-يارا: الله ! ماهو طول عمره بيوصلني ، ايه الغريب في كده

-أدهم: خلاص جبرنا معدتش في سواق

-يارا بخضة: ايه ده قطعتموا عيشوه؟؟ حرام عليكموا ، ليه تعملوا كده

-أدهم: ابيبيه ، اصبري شوية ع رزقك ، احنا مقطعنناش عيش حد ، انا بس فكرت أريحه شوية ، أنا شايف الراجل بيشقى ودايخ معانا في المشاوير ، رايح جاي ، جاي رايح ، فقولت أخلي في قلبي شوية رحمة وأتولى مهمة توصيلك للشركة ، شوفتي أنا حنين ازاي

-يارا: لأ واضح فعلاً

-أدهم: ولسه ياما هتشوفي العجب مني

-يارا: ربنا يستر

-أدهم: نتوكل بقى على الله

-يارا بدهشة: الله ، هو احنا مش هنستنى عمي

-أدهم: عمك مين

-يارا: ابوك

-أدهم: لأ أبا الحاج راح الشركة من بدري

-يارا: نعم؟؟ ازاي قدر يصحى بدري ويروح لوحده

-أدهم: الراجل ماشاء الله من الجيل المتربي ع السمنة البلدي ، مش زينا جيل مخستع ، بصي وشي خاسس ازاي؟؟ يرضيكي كده

-يارا: لا والله

-أدهم: ايوه ، ده أنا حتى الدكتور موصيني أقعد جنب الحاجات اللي تفتح الشهية عشان صحتي ترد

-يارا: يا سلام ، ده باعتبار ان انا دوا فاتح للشهية

-أدهم: وهو في احلى من كده فاتح للشهية

-يارا: ممم.. طب اطلع يا اسطى ع الشركة

-أدهم وهو ينطلق بالسيارة نحو الشركة : اسطى !!!!

-يارا: ايه مش عاجبك ؟؟

-ادهم بخبت : لأ عاجبني ، اسطى اسطى بس المهم نفضل اتنين مش ثلاثة لحد ما نوصل بالسلامة الشركة ...!!!

-يارا مستفهمة : ثلاثة !! طب مين التالت ده اللي هيركب معانا ؟؟

-أدهم بثقة: الشيطان

-يارا: نعم ؟؟؟

-أدهم: اصله هو استغفر الله العظيم عمال يرمح في دماغي من الصباحية ، وانا حايشه بالعافية انه يطلع من دماغي ويجي يقعد جمبنا ، وأنا عارفه ماهيصدق

-يارا: أها .. قولتلي بقي ، طب استعيز بالله من الشيطان الرجيم ، ماشي!! احنا مش ناقصين ذنوب ع الصبح ، عاوزين نكسب حسنات مش سيئات

-ادهم وهو يعدل المرآة الأمامية ويوجهها ناحية يارا : عندك حق ، انا فعلا عاوز اشوف الحسنات الحلوة اللي منورة رقبتك .. قصدي أعد الحسنات دي ، يوووه آآ..قصدي أكسب حسنات واهوو كله بثوابه ...!!!

-يارا مقاطعة: لو سمحت

-أدهم: ما أنا بحاول أتوب اهوو وأدور على الحسنات

-يارا: بص قدامك

-ادهم: لأ أنا مبسوط أوي كده

-يارا: في حد يسوق وعينه ع المرآة دي طول الوقت

-ادهم بابتسامة : أيوه أنا

-يارا: والله بعمالك دي مش هنوصل الشركة

-ادهم: ان شاء الله هنوصل

قاد أدهم السيارة بسرعة بطيئة جداً لا تتجاوز الـ 30 كيلو متراً كحد أقصى مما أصاب
يارا بالضيق والملل و...

-يارا: مافيش اسرع من كده

-أدهم: الله !! بلاش تسربعيني ، وبعدين في التاني السلامة ، وفي البسكتة الندامة

-يارا: بسكتة !!

-ادهم بغمزة : ماهي العجلة هي البسكتة ولا ايه ؟

-يارا: ممم.. تصدق مكونتش أعرف ، بس احنا كده مش هنوصل ولا السنة الجاية

-ادهم: وماله

-يارا: أفندم

-أدهم: قصدي متلبوخنيش ، وبعدين انتي مش شايفة الشبورة قصادي عاملة ازاي ،
عاوزانا نعمل حادثة !!!

-يارا : شبورة ايبه دي اللي في الشارع السعادي ؟؟؟ ده الشمس طالعة مزهرة أهي
في السما ، بص كويس وشوووف

-ادهم: ما أنا باصص اهو كويس وشايف القمر منور معايا تحت

-يارا: أنا مش هخلص منك بقي

-ادهم: لأ

-يارا: يا مهون يا رب

-ادهم: ايوه ادعي كده من قلبك ، ربنا يهون علينا ويقرب البعيد

.....

في شركة الصياد ،،،،

-رأفت: وفي طقم سكرتارية خاص بيكي ، مسنول عن كل حاجة تخص شغلك
وهيساعدك في كل حاجة

-يارا: تمام أوي

-رأفت: وطبعاً لو احتاجتي أي حاجة أنا موجود

-يارا: اوك يا عمو

-رأفت: اه بالمناسبة مكتب ادهم جمبك

-يارا: جمبي !!

-رأفت: ايوه ، انا قولت تبقوا جمب بعض عشان لو في حاجة في الشغل متأخرة
تنجزوها سوا

-يارا بضيق : أها

-رأفت: عاوز اشوف حماستك في الشغل

-يارا: ان شاء الله

-رأفت: اسيبك بقى الوقتي ، ولو عوزتي حاجة عندك السكرتارية يا تكلميني

-يارا: اوك

انصرف رأفت إلى مكتبه ، بينما ظلت يارا تتأمل مكتبها في فرحة إلى أن قطع تأملها
أدهم ، حيث دلف إلى الداخل من باب جانبي وهو يحمل صينية بها شربات و....

-أدهم بفرحة: أحلى شربات بمناسبة المكتب الجديد

-يارا بخضة: انت... انت دخلت هنا ازاي

-أدهم: من الباب طبعاً

-يارا: أقصد ايه اللي جابك هنا ???

-أدهم: ايه ده انتي متعرفيش ، مش أنا وصيت بابا يعمل باب بينا كده ، اذ ربما يعني
أحتاج لحاجة كده ولا كده ، مش معقول هفضل داخل خارج قصاد الموظفين

-يارا: أنا هقفل الباب ده بالمفتاح

-أدهم: لأ ده من غير كالون أصلاً ، حاجة كده مالهاش لازمة ، وقريب أوي هنشيله

-يارا: يا رب هون

-أدهم وهو يمد يده بالشربات : خدي بقى اشربي ده

-يارا: ايه ده

-أدهم ببراعة : شربات فرحنا

-يارا : نعم؟؟؟ فرح مين ان شاء الله؟؟؟

-أدهم: بقول فرحتنا مش فرحنا ، انتي كده دايماً ظلماني وبتفهميني غلط !

-يارا: يا سلاالم ، أنا برضوه

-أدهم: أيوه طبعاً ، وأنا مش هاسكت على ده بعد كده

-يارا: هتعمل ايه يعني

-أدهم وهو يقترب منها: هاصلح غلطي

-يارا بتوتر: من فضلك

-أدهم: هو انتي خلتي فيها من فضلي

-يارا: ارجوك

-أدهم برومانسية : ده أنا آآ.. آآآ

-يارا بصوت مرتفع وقوي : اتفضل يا عموووو رأفت

-أدهم بخضة : ميبين؟؟ فييبين؟؟

-يارا وقد ابتعدت عنه وتوجهت ناحية باب مكتبها : اتفضل بقى من غير مطرود ، أنا ورايا شغل

-أدهم وهو يتجه ناحية الباب المشترك : لأ أنا هخرج من هنا ، أصل الباب ده جرار ، لا بيصد ولا بيرد .. حاجة كده آآ...

-يارا مكلمة: مالهاش لازمة

-أدهم: الله يفتح عليكى يا أخت يارا

خرج أدهم من باب الغرفة المشترك ، بينما ابتسمت يارا و...

-يارا بابتسامة : واحد مجنون

-أدهم وهو يدلّف مرة أخرى للمكتب: أه والله ، أنا فعلاً مجنون ، بس مجنون يارا !!..

.....

في مكتب رأفت ،،،،

كان رأفت يتحدث مع أحد الأشخاص حول أهمية حضور احد المؤتمرات المنعقدة في مدينة الغردقة و....

-رأفت هاتفياً: أها ، تمام ، والمؤتمر ده امتى

-المتصل :

-رأفت: مممم.. بس انا عندي ضغط اليومين دول

-المتصل:

-رأفت: هو الصراحة فرصة اننا نشوف الجديد في عالم العقارات ، انت قولتلى هيتعمل فين؟؟

-المتصل :

-رأفت: ايه ده بجد ؟؟ في الغردقة ! طب والله كويس اوي

-المتصل :

-رأفت وقد أخذ يفكر في شيء ما : لالا لا .. اظن أنا هتصرف واخلي حد تبغي يحضر المؤتمر

-المتصل :

-رأفت: على بركة الله ، متقلقش ، مش هضيع الفرصة دي ان شاء الله

-المتصل:

-رأفت: ماشي ماشي .. أشوفك ع خير ان شاء الله ، سلام !!..

-رأفت لنفسه بعد ان أنهى المكالمة: والله فكرة ، أنا لو قولت ليارا ع المؤتمر ده اكييد هتوافق انها تروح ، وخصوصاً انه في الغردقة ، واهي فرصة تشوف أصحابها وزمايلها اللي هناك ، وكمان تزور قبر جدتها نجاة ..

طلب رأفت من السكرتيرة أن تبلغ يارا بأن تحضر إلى مكتبه على الفور و...

-رأفت للسكرتيرة : ابعيلي الأنسة يارا فوراً ع مكنتي ، قويلها عمك عاوز حالاً

-السكرتيرة: حاضر يا فندم

-رأفت: ولو مشغولة خليها تسيب اللي في ايدها

-السكرتيرة: تمام يا فندم

.....

حضرت يارا إلى مكتب عمها الذي أبلغها برغبته في أن تحضر المؤتمر بالغردقة ، رحبت يارا بالفكرة كثيراً و...

-رأفت: ها ايه رأيك ؟

-يارا: أنا موافقة طبعاً يا عمو

-رأفت: انا قولت كده برضوه انك اول ما هتعرفني ان المؤتمر في الغردقة هتوافقي بدون تفكير

-يارا: طبعاً ، حضرتك متعرفش اد ايه الغردقة وحشتني جدا ، وأصحابي وزمائي نفسي كنت اشوفهم من زمان ، ده غير اني عاوزة أزور جدتي الله يرحمها

-رأفت: الله يرحمها

-يارا: اللهم امين

-رأفت: خلاص يا بنتي ، جهزي نفسك لحضور المؤتمر ، هو هيكون بكرة ان شاء الله ، وأنا هاحجزلك تذاكر الطائرة ، وهتلاقي مندوب الشركة هناك هيساعدك ويدلك ع كل حاجة

-يارا: اوك يا عمو

-رأفت: بس اعملي حسابك مافيش بيات هناك ، التذكرة رايح جاي ، هتخلصي المؤتمر وتسلمي ع أصحابك وترجعي

-يارا: اوك

-ادهم وقد دلف للمكتب: تذكرة ايه دي اللي بتحكوا عنها

-يارا: حاجة تبع الشغل

-أدهم: يعني مش تذاكر سينما

-رأفت: هو في حد أصلاً بيروح السينما الوقتي

-أدهم وهو ينظر ليارا : لا والله يا بابا مافيش ، بس أنا ممكن اروح لو في ناس معينة رايحة

-يارا: ماشي يا عمو ، هتعوز مني حاجة تانية

-رأفت: لأ ، وانتى استعدي وشوفى المطلوب ايه ، انا هبعثك نسخة من كل حاجة عن المؤتمر

-يارا: اوك .. عن اذنك

-رأفت: اتفضلي

-أدهم: مؤتمر ايه ده يا بابا

-رأفت: ده مؤتمر عن الاستثمار العقاري ، حاجة كده بنستفيد منها في صفقات وأفكار جديدة

-أدهم: اها .. وده هيكون فين ؟

-رأفت: في الغردقة

-أدهم: ايه ، الغردقة

-رأفت: ايوه ، وانا كلفت يارا انها تروح المؤتمر ده

-أدهم: لوحدها

-رأفت: اها .. وبعدين أحمد مندوب الشركة هيكون هناك

-أدهم: يا سلاااام .. يعني عادي تروح مع أحمد ده كده لوحدها

-رأفت: هي رايحة تتفسح ، ده شغل

-أدهم: طب أنا بقى عاوز احضر المؤتمر ده

-رأفت: اشمعنى ???

-أدهم: أنا عاوز أكتسب خبرة ، دي فيها ايه دي

-رأفت: لا والله ، وانت من امتى بتهمم بالمؤتمرات يعني؟؟ ده انا ياما كنت بسترجاك تروح تحضر مع اخوك وتتعلم منه وكنت بترفض

-أدهم: أهوو طقت في دماغي أروح الوقتي ، وبعدين أنا رايح مخصوص عشان ي...
قصدي أتعلم

وصل كلاً من خالد وجاسر إلى العاصمة برلين ، استقلوا سيارة الأجرة إلى حيث الفندق الذي سيقمون فيه ، وعقدوا العزم على الاتصال بمستر شرودر للبدء في مرحلة تقصي الحقائق حول كل ما يخص يارا وجاسر ...

-خالد: احنا نرتاح شوية ، وبعد كده نكلم مستر شرودر نبلغه ان احنا وصلنا

-جاسر: مافيش وقت للراحة ، أنا عاوز أخلص وارجع مصر تاني

-خالد: ان شاء الله ننجز

-جاسر: يا ريت والله ، عاوز اظمن ع شاهي واخذ يارا في حضني وأعوض الاتنين ع اللي حصلنا

-خالد: جاسر

-جاسر: ايوه يا خالد

-خالد: هو أنا ممكن أسألك سؤال

-جاسر: اتفضل

-خالد: بص أنا مش عاوزك تفهمني غلط ، ولو مش عاوز تجاوب براحتك ، أنا كنت حاسس ان .. ان في حاجة بينك وبين يارا ، يعني مش قادر أحدد ايه هي بالظبط

-جاسر: تقصد مشاعر؟

-خالد: اها .. حاجة زي كده

-جاسر: أها

-خالد: فكنت عاوز اعرف ايه كان شعورك لما يعني عرفت آآ... عرفت ان يارا طلعت اختك وآآ... وكده يعني

-جاسر: بصراحة أنا اتصدت

-خالد: اها

-جاسر: أنا مش هاكذب عليك ، أنا فعلاً كان جوايا مشاعر ناحية يارا ، من الأول خالص ، من أول ماشوفتها وهي بتحاول تهرب برا الفيلا بدون ماعرف هي مين ، ولا

تقرب ايه للي في الفيلا ، هي شدتني بطريقتها ببساطتها بمحاولتها أنها تصمد في كل اللي مرت بيه ، حد غيرها كان انهار ، وأبسط مثال شاهي اختي ماستحملتش اللي حصلها منك انت أو أدهم ..

-خالد: أنا بجد أسف للي حصل لشاهي

-جاسر مكملاً: الفرق بين شاهي ويارا ، ان يارا كل ما بتقع بتحاول تقف تاني على رجلها ، كل ما يقابلها تحدي ولا مشكلة بتحاول تتخطاهم وتبدأ من جديد ، ويمكن ده اللي خلاني احس بيها أوي ، أفهمها ، أبقى عاوز أدافع عنها بأي شكل

-خالد: أها ...

-جاسر: عارف يا خالد ، انا كنت حاسس ان في رابط بيني وبينها ، رابط كان مخليني مستعد احارب الدنيا كلها عشانها

-خالد: ممم...

-جاسر: الرابط ده كان الحب ، أياً كان ايه هو نوع الحب ده ، بس طلع موجود بينا ، ويارا أثبتت لكل انها أقوى من الظروف ، أقوى من أي ازمة اتعرضت لها

-خالد: ده حقيقي فعلاً ، وده اللي شدني بصراحة ليها ، انها مش بتنهار بالساهل ، ساعات بتتضعف ، لكن بترجع تاني أقوى من الأول

-جاسر: انت حبيتها ؟

-خالد: اكذب عليك لو قولت لأ محبتهاش ، أنا اتعلقت بيها أوي ، حسيت ان دي الانسانة اللي محتاجة في حياتي ، انها هتعرف تتعامل معايا وتطلع اللي جوايا من غير ما اتكلم وأقول ده على لساني ، هتفهمني من غير ما أنطق

-جاسر: لكن ردة فعلها معاك كانت آآ...

-خالد: هي معذورة ، أنا اندفعت بدون ما أديها فرصة تختار ، بدون ما أخليها تحس بيا وتحبني .. انت عارف يا جاسر ان يارا كل يوم بتثبتي أنها بنت قوية يعتمد عليها

-جاسر: اهوو أنا كان نفسي شاهي تكون كده

-خالد: معلش ان شاء الله شاهي هتفوق وهترجع أقوى من الأول

-جاسر: يا ريت

-خالد: وأنا هعمل بقى بنصيحتك وأطلب مستر شرودر أبلغه ان احنا هنا وهشوف
هنعمل ايه بعد كده

-جاسر: اوك

طلب خالد مستر شرودر هاتفياً ليبلغه بمجيئه إلى ألمانيا ويطلب مساعدته في معرفة
كل ما يخص يارا و...

-خالد هاتفياً: هاللو مستر شرودر

-شرودر: مرحباً بك مستر خالد

-خالد: احنا وصلنا من شوية برلين ، ونازلين الوقتي في فندق ((....))

-شرودر: حقاً ، هذا خبر جميل ، ساتي إليكم بعد ساعة من الآن

-خالد: ماتتعبش نفسك يا مستر شرودر ، احنا مستعدين نجيك في أي حته ، قولنا بس
العنوان وهتلاقينا عندك

-شرودر: لا تقلق مستر خالد ، هذا لن يسبب لي التعب بالمره ، فانا أريد أن أرحب بكم
بنفسي في بلدكم الثاني Germany

-خالد: ثانكس مستر شرودر ، واحنا منتظرين حضرتك

-شرودر: اوك مستر خالد

أنهى خالد المكالمه مع مستر شرودر و...

-خالد: مستر شرودر لا بنفسه هو اللي جاي

-جاسر: طب كويس ، وهو قالك جاي امتي

-خالد: كمان ساعة

-عمر وهو ينظر لأشياء أدهم : ايبيه كل اللي انت اخده ده معاك ، هو مش المؤتمر ده رايح جاي

-أدهم: محدش ضامن الظروف

-عمر: ايوووه يا سيدي ، ماشية معاك آخر حلاوة ، مؤتمر والغردقة ، والمياه والهوا وأحب اتنين سوا

-أدهم: اعوذو بالله ع الحقد ، ده شغل يا بني ، شغل

-عمر: اه شغل ، بس على ثقيل

-أدهم: جدااa

-عمر: طب هو أنا ماينفعلش اجي معاكو المؤتمر ده

-أدهم: هو احنا رايحين دريم بارك نتفسح ، ده شغل يا فرقع لوز

-عمر: شغل برضوه، عليا

-أدهم: اينعم

-عمر: مش عارف ليه حاسس ان في بلاوي سودة هتحصل هناك

-أدهم: عيب عليك ، ده أنا اخوك ، ازاي تقول كده !

-عمر: ماهو عشان انت أخويا ، فأنا واثق من الكوارث اللي هتحصل هناك

-أدهم وقد انتهى من توضيب متعلقاته : احم... ان شاء الله مش هيجصل غير كل خير

وما إن انتهى ادهم من تجهيز حقيبة سفره حتى توجه إلى الأسفل ، جلس على الأريكة في ردهة الفيلا منتظراً نزول يارا وسفرها معه إلى المؤتمر ..

-أدهم: يا مسهل يارب ، اجعله مؤتمر الخير علينا ان شاء الله يا رب

.....

أعدت يارا حقيبة صغيرة لتأخذها معها خلال رحلتها إلى الغردقة ، ثم توجهت إلى الردهة حيث تفاجئت بوجود أدهم و.....

-يارا بدهشة: انت بتعمل ايه ؟

-أدهم وهو يأخذ الحقيبة من يدها: عنك

-يارا: سيب الشنطة ، ورد عليا ، انت بتعمل ايه؟؟؟

-أدهم: بأخذ الشنطة

-يارا: يوووو ، لأ انت بتعمل ايه هنا ، مش المفروض تكون في الشركة الوقتي

-أدهم بابتسامة: ماشاء الله ده انتي متبعاني بقى ، للدرجادي أنا مهم عندك

-يارا: لا حول ولا قوة إلا بالله ، أنا مش هخلص منك

-أدهم: لأ طبعاً

نزل عمر إلى الردهة ليسلم على يارا قبل أن تسافر و...

-عمر: صباح الفل على عيونك يا أحلى يارا

-يارا: صباح الخير عليك يا عمر

-عمر: مالك مضايقة ليه

-يارا وهي تنظر بقرف لأدهم: مافيش

-أدهم: بطلي بس تحطي حبهان تحت ضرسك ، وقرفة النفس اللي عندك دي هتروح

-يارا: اوووف ، انا مش هرد عليك

-عمر مقاطعاً : انتي مسافرة صح؟؟؟

-يارا: ايوه بس مش بعيد ، رايحة الغردقة ان شاء الله ، عندي شغل ، هخلصه وأرجع

ع طول

-عمر: بأمر الله ، هتغيبني كثير ؟

-يارا: لا هو يوم واحد بس

-عمر: هتسافري بالطيارة ولا السوبر جيت

-يارا: لا الطيارة ، عشان متأخرش

-عمر: هتوحشينا والله ، البيت هيبقى ضلمة من غيرك

-يارا: ميرسي أوي يا عمر

-أدهم بصوت مرتفع: صباحاااااااااا ح .. خدي الشنط وديهم العربية

-صباح: حاضر

انصرف أدهم خلف صباح ، بينما ظل عمر باقياً ليودع يارا و...

-يارا: أحسن انه مشى ، ياباي ، خنقة !!!

-عمر بصوت هامس : احم... ربنا يستر لو عرفت بأنه آآ..

-يارا: بتقول حاجة يا عمر

-عمر : هه .. آآ بقول مع السلامة يا يارا ، خلي بالك من نفسك

-يارا: حاضر ، وانت كمان

-عمر: متقلقيش عليا ، المهم مهما حصل خليكي قوية

-يارا: ربنا المعين ان شاء الله

-عمر انتي عارفة انا اليومين دول بدرب ع البطولة

-يارا: ربنا يوفقك يا عمر

-عمر: هتحضري صح ؟

-يارا: ده أكيببيبيد مش محتاجة سؤال ، ده انا من أول المشجعين ليك

-عمر: انا عارف والله

-يارا وهي تنظر لساعة هاتفها المحمول: الوقت جه ، يدوب ألحق أمشي ، اشوفك ع
خير ان شاء الله

-عمر: بأمر الله ، واربطي الحزام كويس

-يارا : حاضر ، متخافش ، سلام

-عمر: باي يا يارا

.....

توجهت يارا إلى حيث سيارة عمها ، والتي من المفترض ان تقلها إلى المطار ، وما إن
ركبت بالداخل حتى أمرت السائق بالانطلاق والتوجه إلى المطار ، ولكن كانت المفاجأة
بالنسبة لها أن أدهم هو من يقود السيارة و....

-يارا وهي تركب السيارة: بسرعة ع المطار لأحسن أنا اتأخرت أوي

-أدهم: أها ..

-يارا: ال أنا كنت ناقصة عطلة ، ولا أصطبح كمان بالخلقة العكرة واللي تضايق ع
الصبح

-أدهم وهو يلتفت لها: تقصدي أنا؟؟

-يارا بفرع: ان..انت

-أدهم بابتسامة عريضة: أينعم ، أنا الخلقة العكرة

-يارا: انت..انت بتعمل ايه ؟؟؟؟

-ادهم: بوصلك

-يارا: انت مش بتزهق

-أدهم: هو انتي لحقتي تنسي بسرعة ، مش أنا قايلك هاكون السواق بتاعك على طول

-يارا: اووف ، وطبعاً هتسوق زي السلحفاة كعادتك ومش هنوصل المطار في يومنا

-ادهم: لالالا .. أنا قررت أغير من أسلوبى وأسوق بسرعة الأرنب

-يارا: امتى يا رب تتوب عليا من الغلب ده

-أدهم: احم... فى المشمش ان شاء الله

.....

فى ألمانيا ،،،،

فى الفندق ،،،

وصل شرودر بعد فترة من الزمن إلى الفندق الذي يقيم فيه خالد وجاسر ، ثم نزل إليه
الاثنين ليقابلاه و...

-شرودر: مرحباً بكم فى برلين

-خالد: تانكس مستر شرودر

-شرودر : من هذا الذي معك ؟

-خالد: ده جاسر ابن خالتي ناهد الرفاعي

-شرودر: ممم.. زوجة مستر أدلي

-خالد: ايوه

-شرودر: أهلا بك مستر جاسر

-جاسر: شكراً

-خالد: احنا مش عاوزين نضيع وقتنا هنا ، احنا محتاجين نعرف كل حاجة تخص عمى
الله يرحمه رفعت من أملاك وأوراق وعقود .. كل حاجة كل حاجة

-شرودر: اعطني بعض الوقت كي أتدبر اموري هنا

-خالد: ماشي ، بس ياريت فى أسرع وقت ننجز ده كله

-شرودر: لا تقلق ، ستكون الأوراق لديك في أقرب وقت ، وما يخص الأملاك ستكون أوراقه الموثقة بين يديك وقتما انتهى من المعاملات الخاصة بها

-جاسر: معلى أنا برضوه عاوز أعرف كل حاجة تخص اللي اسمه عدلي ده كمان

-شرودر: لا تقلق ، سأتي إليك بكل المعلومات المطلوبة

-جاسر: معلى احنا هنتعب معانا

-شرودر: هذا لا يهم

-جاسر: طب معلى في حاجة كمان ممكن أطلبها منك

-شرودر: ماذا تريد ؟

-جاسر وهو يعطيه ورقة ما: هو أنا ممكن آآ.. أعرف العنوان ده فين

-شرودر: ممم.. أنا أعرف مكانه ، وسأخذ إليه وقتما تريد

-جاسر: بجد؟؟ طب .. لو ينفع دلوقتي أنا جاهز

-شرودر: اذن ، فلنذهب الآن

-جاسر: اوك

-خالد: تمام

.....

في السيارة التي يقودها أدهم ،،،

ظلت يارا جالسة في المقعد الخلفي ورفضت أن تجلس بجوار أدهم ، بينما ظل أدهم يقود السيارة ببطء إلى حد ما و...

-يارا: ع فكرة احنا هنتأخر

-أدهم: اها .. نسييتي القاعدة بتاعتي في السواعة

- يارا: لا مانستش ، بس ياريت تتبع قاعدة خير البر عاجله !!
-ادهم بخبث: ما أنا ناوي ع كده ان شاء الله قريب ، هبل الشربات وأعلي الجواب ...
-يارا: استغفر الله العظيم
-ادهم: يعجبني فيكي انك بتذكري الله كل شوية .. يا سلاالم !
.....

لاحظت يارا أن أدهم يتخذ طرقاً غير تلك المعهودة إلى المطار ، ولكنها طرقاً اخرى
تؤدي إلى خارج القاهرة و....

- يارا: اوعى تقولي ده طريق مختصر ومعرفش ايه
-أدهم: لأ مش طريق مختصر
-يارا: اومال ايه؟؟ انا كده هتأخر ع معاد الطائرة
-أدهم وهو يتنحج: احم.. آآآ... هو أنا لو قولتلك حاجة ممكن تضايقي
-يارا: حاجة ايه تاني
-أدهم: هي حاجة صغيرة بس
-يارا: استر يارب
-أدهم: بصي احنا ..آآآ... هنسافر الغردقة بس مش بالطيارة
-يارا: ثانية واحدة بس ، هو انت بتقول احنا؟؟؟
-ادهم: ايه ده هو أنا مقولتكيش
-يارا : قولتلي ايه
-ادهم: لا بجد والله ماقولتكيش
-يارا: تقولي ايبييه؟؟؟

-أدهم: أصل أنا بلا فخر مسافر معاكي الغردقة

-يارا: نعم ??? انت مسافر معايا

-أدهم بفرحة : أه شوفي الحظ بقى

-يارا: طب ازاي ??

-أدهم: حظي الحلو

-يارا: مش معقول

-أدهم: أنا عارف انتي الفرحة مش سيعاكي ، صح ???

-يارا: لألأ مش ممكن

-أدهم: هي كلها 4 ولا 5 قولي 6 ساعات ونوصل

-يارا: نعم ?? بتقول ايه

-أدهم: بقولك كلها بتاع 6 ولا 7 ساعات ونوصل

-يارا: ليه ان شاء الله ??? هتسوق الطائرة بنفسك

-أدهم : لالا لا .. طائرة ايه ، ما أنا سايق العربية بنفسى اهوو

-يارا: ايبيببييه ???

-أدهم: اه ما انا قررت اننا نساغر سوا بالعربية ، واهو احسن من زحمة الطائرة

والمطبات وكده

-يارا: انت بتهزر صح

-أدهم: هو الحاجات دي فيها هزار

-يارا: مش ممكن ، يعني معنى كده اني مضطرية أسافر معاك وأستحملك طول الطريق

ده كله

-أدهم : ومتنسيش هحضر معاكي المؤتمر كمان

-يارا: كمان !

-أدهم: طبعاً .. دي فرصة عشان أكتسب خبرات

-يارا بسخرية: انت هتقولي ، هو انت فالج غير في كده

-أدهم: حلاوتك وانتي فهماني كده وقريناني !!!

-يارا: اللهم إني لا أسألك رد القضاء ، ولكني أسألك اللطف فيه

.....

في أحد المستشفيات الخاصة بالأمراض النفسية ،،

كانت شاهي تجلس في غرفة منعزلة خاصة بها ، وتجلس معها أحد الممرضات ترعاها ، بينما كانت ناهد تحاول أن تتحدث هاتفياً مع عدلي خارج الغرفة و...

-ناهد هاتفياً يبكاء: عدلي أنا محتاجك ضروري

-عدلي: أنا مش فاضي الوقتي يا ناهد ، ورايا شغل

-ناهد: هو انت من امتي بتفضالي ؟ انا علوزاك جمبي

-عدلي: يوووو يا ناهد

-ناهد: عدلي لو مجتليش دلوقت في الفيلا ، مش هيحصل طيب ، ماشي !

-عدلي بضيق: اووف أنا جاي

.....

أنهى عدلي مكالمته الهاتفية مع ناهد ليتفاجيء بوجود رحاب زوجته في الخلف و..

-رحاب: مين ناهد دي يا عدلي اللي بتكلمها

-عدلي بتردد: آآآ... دي...دي عميلة عندي في الشركة وآآآ

-رحاب بعدم تصديق: عميلة !!

-عدلي: ايوه في..في مشكلة في الشغل وعاوزاني أتصرف

-رحاب: عدلي انت بقالك فترة مش على بعضك ، انا حاسة ان في حاجة غريبة
بتحصل وانت مش قايلي عليها

-عدلي بضيق : آآ.. يووو قولتك مافيش يا ناهد !!..

-رحاب: ناهد !!! أنا رحاب يا عدلي

-عدلي: انا أسف ، والله ما أقصد ، بس..بس الشغل تاعبني أوي ومش مخليني مركز

-رحاب بقرف : طيب يا عدلي .. براحتك

-عدلي: طب أنا هاقولك على حاجة ، جهزي نفسك أنا هخلص بسرعة اللي ورايا
ونتغدى سوا

-رحاب: اوك

-عدلي وهو يحتضنها : حبيبتي يا رحاب ، دايماً صابرة عليا ومستحملاني

.....

في ألمانيا ،،،

وصل شرودر ومعه خالد وجاسر إلى العنوان المذكور في الورقة و...

-شرودر: أعتقد ان هذا هو العنوان

-خالد: اها

-جاسر وهو يتأمل المكان: ده ..ده شكله شبه الفيلا مش مجرد بيت عادي

-شرودر: بلى

-خالد: ممم.. لأ وعليه حراسة كمان

-شرودر: إنهم رجال الأمن المكلفون بحراسة المنازل في تلك المنطقة

-جاسر: طب احنا محتاجين ندخل الفيلا دي

-خالد: بالظبط

-شرودر: لماذا؟؟؟

-جاسر: في ورق يخصني جوا ، وأنا محتاجه ضروري

-شرودر: ولكنه أمر خاطيء اقتحام منزل ما بدون علم أحدهم

-جاسر: ومين قالك انه مش بعلمهم ، أنا معايا المفاتيح

-شرودر: إذن لا توجد أي مشكلة

وبالفعل توجه شرودر ومعه جاسر وخالد إلى الفيلا ، وقاما بفتح الباب ، ودلفا إلى الداخل ليبدأ جاسر وخالد رحلة البحث عن أوراق زواج ناهد من رفعت الصياد .. وما لم يكن يعلمه كلاهما أنهما سيجدان الكثير من المفاجآت تنتظرهما بداخل الخزينة الموجودة بالفيلا

.....

في فيلا ناهد الرفاعي ،،،،

حضر عدلى إلى فيلا ناهد الرفاعي ليقابلها و...

-عدلى : خير يا ناهد طلبتي تقابليني هنا ليه

-ناهد: بنتي حالتها كل مدى بتسوء ، وانت وعدتني تساعدني وتشوف حل ، وأنا لحد الوقتي مش شايفاك بتعمل حاجة

-عدلى: عاوزاني أعملها ايه؟؟ ماهي كويسة اهي قدامك وبتتعالج في أحسن مستشفى ، عاوزاني أعمل ايه تاني

-ناهد: ماهي لو كانت زي ولادك كنت اهتمت بيها

-عدلي: يوووه ، ناهد أنا مش فاضي قوليلي عاوزة ايه

-ناهد: أنا عاوزاك تقف معايا ، وتقول للناس كلها اني مراتك من زمان ، اني معملتش حاجة غلط ، اني عملت ده بس عشان مصلحة عيالي

-عدلي: أديكي قولتي بنفسك ، عملتي كل ده عشان مصلحة عيالك انتي مش عشانى أنا

-ناهد: طب ما انت كمان استفدت معايا من اللي حصل كله

-عدلي: لأ لسه يا هاتم ، أنا كل ده مستني حقي

-ناهد: مستني حقك ، ده انت مكوش ع شركة الصياد بحالها بقالك سنين

-عدلي: والله ده حقي ولسه مستني الباقي

-ناهد: يا عدلي حرام عليك ، انت ضيعتني باللي عملته واللي بتعمله

-عدلي : انتي اللي ضيعتني نفسك مش أنا ، سيبيني بقى اصلح البلاوي السوداء اللي عملتها

-ناهد: انت السبب في كل البلاوي دي ، انت السبب فاهم !!

-عدلي: غلطتي من البداية اني اتجوزت واحدة زيك ، واستمريت كل المدة دي معاها

-ناهد: ابييه

-عدلي: كان المفروض سيبنتك من وقت ما عرفت انك معاكيش مليم من يسري ولا من ساعة مافشلتني تجيبلي فلوس من رفعت

-ناهد بصدمة: تسيبيني ???

-عدلي: ايوه ، انتي كلفتيني كتير ، وأنا ..أنا ماخدتش من وراكي غير وجع الدماغ والمصايب ، لبستني في حادثة رفعت ، وضحكتي عليا بالملايين اللي سايبها ، وفي الآخر جت بنته تقش كل حاجة

-ناهد: جاسر ليه في الفلوس دي كمان

-عدلي: انتي اكيد بتحلمي ، الفلوس يا هاتم باسم وريث رفعت الصياد الشرعي ، وهي بنته يارا !! مش جاسر !

-ناهد: انت غلطان

-عدلي وهو يسير مبتعداً عنها : وسعي بقى من سكتي ، خليني أشوف ورايا ايه

-ناهد بحدة: بقى كده ، ماشي يا عدلي ، ع العموم ابني جاسر هيجيب حقه وهيثبت انه ابن رفعت الصياد ، وبكرة تشوف

-عدلي وقد التفت إليها: تقصدي ايه

-ناهد بغضب: جاسر سافر ألمانيا عشان يجيب كل الرق اللي يخصني أنا وأبوه من بيتنا اللي هناك

-عدلي بغضب : انتي بتقولي ايه

-ناهد: اللي سمعته ، جاسر هيثبت حقه ، وساعتها هيطالب بكل حاجة ، وانا بقى اللي هاكون مش عاوزاك

-عدلي وقد أمسكها من رقبتها : انتي غبية ، ازاي جاسر يسافر ومتقوليليش

-ناهد: اوعى ، سيب رقبتى ! أنا ..أنا ..

-عدلي: انت غبية وبتصرفاتك دي هتضيعينا احنا الاتنين

-ناهد وهي تقاومه : آآآآ... أنا بتخنق

-عدلي: غبية !! غبية ، هتصرف أنا ازاي

-ناهد: آآ... سيبنى ..

-عدلي وقد تركها: ازاي تعملي كده ؟؟؟ ازاي تخلي جاسر يسافر من غير ما تقوليلي

!! انتي عارفة الفيلا دي فيها ايه هناك ؟؟؟؟

-ناهد بعصبية : مش مهم فيها ايه ! المهم انه يعرف كل حاجة ، أنا خلاص تعبت وزهقت من كل القرف ده

-عدلي بضيق: القرف ده انتي اللي جيبتيه لنفسك

-ناهد بحدة وغضب : في دي عندك حق ، أنت أصلاً واحد واطي ، خلنتي اعمل كل حاجة غلط عشان مصلحتك وبس ، انت خلنتي أقرف من نفسي ومن كل حاجة

لم يتحمل عدلي قيام ناهد باهاتته لفظياً فقام عدلي بدفعها بكل قوة لتسقط على الأرض ، ثم انهال عليها بالركلات واللكمات و...

-عدلي: اخرررسي يا بنت ال... ، انا هعرفك أنا مين !!!!!!!

.....

في السيارة التي يقودها أدهم ،،،،

-أدهم: اشغلك التكييف؟؟

-يارا : لأ

-أدهم: اجيبك حاجة ساقعة طيب

-يارا: لأ

-أدهم: طب أجيبك حاجة تاكليها

-يارا: مش عاوزة

-أدهم: فكيها شوية ، ده لسه الطريق طويل

-يارا: انت السبب ، كان زمانا وصلنا !!! أقولك ع حاجة انسى اني موجودة معاك اصلاً

-أدهم: ممم.. اوك ، وأنا هشغل أغاني أفرش بيها نفسي

وبدأ أدهم في تشغيل بعض الأغاني الرومانسية والغناء معها مما أزعج يارا و..

-أدهم وهو يغني: والله وهتجمعنا الحياة ، كان حلم غالي ، افرح يا قلبي وعيش معاه ،
أحلى الليالي ، واللييلة حبيبي اللييلة ليلة عمرنا ، الليلا دي أجمل ليلة في حياتي أنا لـ
-يارا: اووووف

-ادهم: الأغنية حلوة صح ، باين على وشك

-يارا: هي حلوة ، لكن أنت صوتك وحش

-أدهم: عندك حق محتاج أشرب يانسون قبل ما أغني

وفجأة سُمع صوت انفجار قوى لإطارات السيارة ، فاختلت عجلة القيادة من يد أدهم
الذي حاول أن يوقف السيارة جانباً بينما اصطدمت رأس بالمقعد الأمامي و...

بوووووووووووووووووووووووو

-يارا بصريخ: عاااa

-أدهم : ما أنا بحاسب أهووو .. اوووبا !!

نجح أدهم في ايقاف السيارة جانباً ، ثم ترجل منها لينظر إلى ما حدث و...

-أدهم وهو ينظر لإطارات السيارة : ايه ده

-يارا متألمة: آآه يا دماغى !

-ادهم لنفسه : اوووف ، ال كنا ناقصين ده ، دي تاني مرة تحصل !! العربية دي كانت
محتاجة صيانة

-يارا: في ايه ؟

-ادهم : الكاوتش انفجر

-يارا: طب غيره

-ادهم: نعم ؟؟؟

-يارا: غير الكاوتش ، دي فيها ايه دي

-أدهم: لأ مافيهاش حاجة ، انا يدوب أغير واحد ، واستنى الفرغ بقى

-يارا: ليه ؟

-أدهم: أصل الكاوتشين انفجروا ، شوفتي الحظ

-يارا وقد ترجلت من السيارة : الاتنين !!!!

-ادهم: نصيبنا بقى !

-يارا : وده ايه اللي خلاهم ينفجروا

-شخص ما من بعيد : أنا يا حلوووة!!!!

.....

الحلقة الخامسة والستون :

انفجر اثنين من إطارات السيارة التي يقودها أدهم ، فترجل هو ويارا من السيارة و...

-يارا: غير الكاوتش ، دي فيها ايه دي

-أدهم: لأ مافيهاش حاجة ، انا يدوب أغير واحد ، واستنى الفرغ بقى

-يارا: ليه ؟

-أدهم: أصل الكاوتشين انفجروا ، شوفتي الحظ

-يارا وقد ترجلت من السيارة : الاتنين !!!!

-أدهم: نصيبنا بقى !

-يارا : وده ايه اللي خلاهم ينفجروا

-شخص ما من بعيد : أنا يا حلوووة ...!!!

كان هذا الشخص ملثماً ويبدو من مظهره أنه ينتمي لأحد عصابات قطع الطريق ويحمل في يده سلاحاً .. ارتعدت يارا من شكله ، ثم اختبأت خلف أدهم ، والذي وقف بكل جسده أمامها ليحميها و...

-يارا بخوف : يا ماما

-أدهم: تعالي ورايا

-يارا: اوك

-أدهم: انت مين ؟؟؟؟

-الحرامي: إب يا حيلة أمك بالمعلوم

-أدهم: نعم ، اتكلم عدل

-الحرامي: بقولك اطلع باللي في جيبك ياله بسرعة

-أدهم: يعني انت اللي فرقت الكاوتشات

-الحرامي: أه أنا يا روح أمك ، حظيت مسامير ع الطريق عشان أسرق الحلوين اللي زيكم

-يارا: ايه ده انت حرامي بقى ؟

-أدهم ساخراً: برافو عليكى ، عرفتيها لوحدك ، لأ ماشاء الله تتحسدي الصراحة

-الحرامي: اه ياختي حرامي ، هاتوا كل اللي معاكو !!

-يارا مكلمة : ولما انت حرامي ينفع اللي عملته ده ، ينفع تفرقع الكاوتشات كده ، طب أنا راضية ذمتك في حد لسه بيستخدم الطرق البدائية دي !!

-الحرامي : لأ عندك حق ، المرة الجاية هحط قنابل

-أدهم: وانتى مالك باللي بيستعمله ، انتى هتصاحبيه

-يارا: الله مش هو السبب فى اللي حصلنا

-الحرامي: جرى ايه ياض انت وهى ، هتتخانقوا قصادي ، هاتوا اللي معاكو بسرعة

-أدهم: اتفضل

-يارا: سوري أنا مش هاديك حاجة من بتوعى

-أدهم: نعم ياختى؟؟ هو بيعزم عليكى بحاجة ، ده مجرم يعنى تتنبلى تديه اللي معاكى

وانتى ساكنة وإلا هيخلص عليكى

-الحرامي: اسمعى كلام جوزك يا ست انتى

-يارا: ع فكرة ده مش جوزى

-أدهم: هو انتى تطولى

-يارا: لا أطول ولا أقصر

-الحرامي : جوزك مش جوزك ماشية معاه مصحبا ، المهم تطلعي كل اللي معاكى

-يارا: ايه ماشية معاه دي كمان ، انت غلطان يا حضرت ، لو سمحت متكلمش عنى

بالاسلوب ده

-أدهم: ما تسيبيه يتكلم ، والمصحف ما هترتاحي إلا لما يطخك

-الحرامي: اخرررسي يا بت بدل ما أقطعك لسانك

-يارا: لسان مين ده اللي تقطعهولى

-أدهم وهو يكتم فمها بيده : شششش ، اسكتى بقى ، وانت يا عم الحرامي ملكش

دعوة بيها ، واتكلم معايا انا

-الحرامي: الله يكون فى عونك دي بت صداع

-أدهم: معلىش ، شوف انت عاوز ايه تانى وأنا أجيبهولك لحد عندك خلينا نخلص

-يارا: عاملي فيها حرامي وهو مش عارف يسرق ، لأ وانت كمان عاوز تساعده

-الحرامي: انا حرامي أه بس محترف

-يارا: لأ واضح فعلا

-أدهم: اتفضل يا عم الحرامي ، دي كل الفلوس اللي معايا ، وده الموبايل اهوو كمان،
واتفضل السندوتشات يعني عشان لو جوعت ولا حاجة في السكة ، أنا هاحطهملك هنا
أهوو

-يارا: كمان ، بتديله الحاجة كده

-أدهم: يعني اعمل ايه

-يارا : ولا حاجة !! كفاية انك بتساعده

-أدهم: يا بنتي ده معاه سلاح ، يعني ممكن بغبائك ده يتهور ويقتلنا واحنا في الحطة
المقطوعة دي

-الحرامي: والله لولا الظروف مكونتش سرقت ، بس اعمل ايه مضطر !!

-يارا: ليه ؟؟

-أدهم: انتي لسه هترغي معاه وتعرفي قصة حياته

-يارا: مش يمكن آآآ

-أدهم: شششششش

-الحرامي: العيال وطلبات أمهم قاطمين وسطي ، أعمل ايه يعني عشان أتنيل أجيبهم
كل حاجة ، محدش راضي يشغل واحد زي معهوش شاهدات ولا صنعة

-يارا: اه طبعا وانت ماصدقت فملاقتش إلا السرقة عشان تجيبهم طلباتهم بيها

-الحرامي: اكل العيش مر

-أدهم: فعلاً الحياة بقت غالية أوي

-يارا: ومش خايف من ربنا انه يحاسبك ع اللي بتعمله ده

- الحرامي بنرفزة : وانتي مالك انتي ، هتحاسبني ولا ايه
-ادهم: أبوس أي حاجة فيكي اسكتي !!!
-يارا وهي تنظر له : أفندم ؟؟؟ تقصد ايه بأبوس أي حاجة دي
-أدهم: مش وقتك !!!!
-الحرامي: بقولكم ابييه ، انجزوا في يومكم
-ادهم: ايوه صح ، عشان تلحق تشوف حد تاني تسرقه
-الحرامي وقد لمح سلسلة في رقبة يارا: اقلعي يا بت السلسلة اللي انتي لابساها دي
-يارا: لأ بقى كل الا السلسلة دي ، أنا مش هفرط فيها
-أدهم: ماتديهاله بقى وتخلصينا
-يارا: ع جثتي لو خدها ، دي بتاعة ماما
-الحرامي وهو يصوب سلاحه ناحيتها: يبقى انتي الجانية ع نفسك
-أدهم وهو يحاول أخذ السلسلة منها : استنى بس ، هاتي أم السلسلة دي دلوقتي
-يارا وهو تمسك بها: لأ مش هيحصل
-أدهم: يا بنتي هيموتني
-يارا: يموتني لكن مش هاسيبها
-ادهم: ده مجرم وقتال قتلة مش واحد عادي
-يارا: برضوه !!!
-الحرامي: ماتخلصونا بقى ، هات يا بت السلسلة وإلا هقتلك
-يارا: موتني
-الحرامي وهو يوجه سلاحه ناحيتها : اتشهدي ع روحك
-أدهم صارخاً : يا عم استنى ، وانتي ماتفتحيش صدرك أوي كده للحرامي

-يارا: سيبنى عليه

-أدهم وهو يمسكها : أنا عاينك للتقيلة

-يارا وهي تتحس رقبتها : سلسلتي ! راحت فين؟؟ انت خدتها

خاف أدهم أن يخبر يارا بأنه أخذ السلسلة منها وأضاعها وهو يضرب اللص حتى لا
تجن عليه و...

-أدهم بتردد : آآ... لأ

-يارا: او مال ميبين؟؟ أكيبيد الحرامي

-ادهم: هه.. مش عارف ، يمكن وقعت منك

-يارا: وقعت مني !! طب ازاي؟؟ انا أخر حاجة فكراها انك كنت ماسك دماغى ،
وبعدين الدنيا ضلمت فجأة

-ادهم: يمكن النور قطع

-يارا: انت هتهزر

-أدهم: أنا هعمل ايه؟؟ ما أنا كنت ملبوخ بالحرامي ، هبقى فايق لسلسلة ولا لغيره

-يارا وهي تضع يدها في رأسها: طب هاتكون راحت فين

-أدهم: احم.. مش عارف

-يارا: أنا لازم أدور عليها

-أدهم: هتدوري عليها فين بس

-يارا: هنا ، مكان ما وقعت !

-ادهم: براحتك

.....

في مكان ما ،،،

كان عدلي يجري اتصالاً دولياً بأحد الأشخاص يطلب منه التوجه على الفور إلى فيلته والتحقق من عدم وجود أي شخص بداخلها و...

-عدلي هاتفياً: Go to my home now and make sure that none is there

-المتصل:

-عدلي: I am waiting your call

-المتصل:

-عدلي: If you found someone, just get rid of him (لو وجدت أحد ما تخلص منه فوراً)

-المتصل :

-عدلي: اوك ، باي

-عدلي في نفسه: اه يا جاسر لو طلعت فعلا موجود هناك ، هيبقى اخر يوم في عمرك
!!!!!!...

.....

عودة مرة أخرى إلى أدهم ويارا ،،،

ظلت يارا تبحث عن سلسلتها ، ولكن دون جدوى ، بينما وقف أدهم مستنداً على السيارة ، منتظراً قدوم الشرطة إلى حيث مكانهم و...

-أدهم: ها ! لاقيتها

-يارا بحزن: لأ

-أدهم: معلش

-يارا: ماهي لو كانت سلسلة عادية مكونتش سألت ، بس دي من ماما اللي يرحمها ،
أعمل أنا ايه الوقتي

-أدهم: نصيبها بقي انها تضيع هنا

-يارا: اوووف !!!

.....

في ألمانيا ،،،

في فيلا ناهد وعدلي هناك ،،

ظل خالد وجاسر يبحثان في أرجاء الفيلا عن أي شيء يفيدهم ، كانت معظم الأوراق
الموجودة باللغة الألمانية وبالتالي تعذر عليهم فهمها ، بينما كان مستر شرودر يقرأ
ما يقع تحت يده من أوراق إلى أن ...

-شرودر: يالك من لص حقير مستر أدلي

-خالد: ها لاقيت حاجة يا مستر شرودر

-شرودر: بلى ، لقد وجدت بعض الأوراق لصفقات وهمية وتحويلات من البنوك
لحساب خاص بمستر أدلي في أحد البنوك السويسرية

-جاسر: الحرامي النصاب

-شرودر: والعجيب أنه يضع أوراق توضح أن شركته على وشك الإفلاس

-خالد: طبعاً عشان الضرايب

-شرودر: لا ، ليس الأمر هكذا ، هو يحاول أن يخفي شيئاً ما وراء ذلك الاعلان ، وأنا
سأحاول كشفه

-خالد: اها

-جاسر: المهم الوقتي انا عاوز ورقة الجواز اللي كانت بين أمي ورفعت الله يرحمه

-خالد: أنا بدور عليها

-جاسر: اوك

-شرودر: أنا أريد أن أخذ تلك الأوراق

-خالد: خد اللي انت عاوزه يا مستر شرودر ، احنا الوقتي بس بندور على ورق يخص جاسر

-جاسر: ايوه

.....

حضرت سيارات الشرطة بعد فترة ، ثم أقلت القبض على اللص ، وطلبت من يارا وأدهم الذهاب معهم إلى القسم التابع للمنطقة لتحرير محضر و...

-الضابط: اتفضلوا حضراتكوا معانا عشان نعمل محضر

-أدهم: اوك

-يارا معترضة: بس كده احنا هنتأخر ع المؤتمر اللي هنروحه ، وده لسه في الغردقة مش قريب من هنا حضرتك

-الضابط: يا مدام آآ...

-يارا: آنسة من فضلك

-الضابط: يا آنسة لازم نعمل محضر باللي حصل ، وبعد كده حضراتكوا أحرار تروحوا في المكان اللي عاوزينوه

-يارا: يا فندم أنا بقولك آآ...

-أدهم مقاطعاً : خلاص بقى يا يارا ، ده شيء ضروري ، ماشي يا حضرت الظابط ، احنا جايين معاك

-يارا: بس كده آآ...

-أدهم: يالا بقى

-يارا: طب والعربية

-الضابط: المرور هيجي يقطرها ويسلمها لحضراتكو في القسم

-أدهم: ماشي

-يارا: طب واحنا هنركب فين ع كده ؟؟

-الضابط: في البوكس

-يارا: مع الحرامي !!!

-الضابط: والله يا آنسة مافيش مكان إلا فيه !

-أدهم: اوك ، مافيش مشكلة

-يارا معترضة: لأ في !!!!!!!

سحب أدهم يارا من ذراعها ليتحدث معها على انفراد وبعيداً عن الضابط ويقنعها
بالموافقة على الركوب في سيارة الشرطة و...

-أدهم وقد سحبها من يدها: ثواني بس يا حضرت الظابط

-يارا: في ايه ، بتشدني من دراعي كده ليه

-أدهم: اسمعي بقى ، الضابط مش فاضيلنا ، ولا فايق لخناقتنا ، احمدى أصلاً ربنا انهم
جوم ع طول ومتأخروش

-يارا: انت ماسمعتش بيقول ايه ، ده عاوزنا نركب البوكس مع الحرامي

-أدهم: وماله ، كان عندنا بديل وقولنا لأ

-يارا: بس آآ...

-أدهم: طب قوليلي في حد السعادي تاني يوصلنا للقسم غيرهم ؟؟؟

-يارا : آآ... لأ

-أدهم: احنا مقدمناش حل تاني إلا ده ، فيالا بقى لأحسن الظابط اتخفق مننا ، والجو أصلاً حر ومحدث طايق نفسه !!

بالفعل ركبت يارا وأدهم سيارة الشرطة (البوكس) وجلس معهم الحرامي وبعض المخبرين ، ثم توجهت السيارة نحو قسم الشرطة التابع للمنطقة ..

-يارا هامسة : شايف الأشكال اللي احنا راكبين معاها

-أدهم: أهى أحسن من الوقفة في الشمس

-يارا: ع آخر الزمن نركب البوكس مع النشالين والحرامية

-أدهم: نصيبك بقى

-يارا: انت السبب

-أدهم: وانا مالي؟؟ هو انا يعني اللي كنت قولتله والنبي لاتيحي تسرقنا يا أخ

-الحرامي متدخللاً في الحوار : محسوبك عطوة !

-أدهم: قولها يا أخذ مطوة ، أنا قولتلك تيحي تسرقنا

-الحرامي: اسمي عطوة يا بيه

-أدهم: عطوة ، مطوة ، مفرقتش كثير ، قولها بس أنا قولتلك تعالى اسرقنا

-الحرامي: الشهادة لله لأ !

-أدهم: سامعة بودانك

-يارا: اووف

-أدهم: طب أقولك ع حاجة حلوة تبسطك ابقي اعلمي منشور ع الفيس بوك واكتبي

فيه " أنا في البوكس مع الحرامية ، غطيني يا ولية وصوتوا عليا ، و Feeling

excited " ومنتسيش تعملي منشن ان انا معاكي

-ناهد: ف... في الفيلا بـ. بتاعتي

-فريدة: انا جياك حالياً ... وهطلبك الاسعاف ، امسكي نفسك لحد ما نجيك

انهت فريدة المكالمة الهاتفية مع أختها ناهد ، ثم طلبت رأفت في الشركة لتبلغه بما حدث و...

-فريدة هاتفيا: الوو ، الحقني يا رأفت

-رأفت: في ايه يا فريدة؟؟

-فريدة: ناهد اختي عدلي موتها من الضرب وخلصانة في فيلتها

-رأفت: اييه ، بتقولي ايه؟؟؟ طب انا رايجلها ، و هطلبها الاسعاف

-فريدة: اوك ، وأنا هسبقتك ع هناك

-رأفت: خدي عمر معاكي

-فريدة: طيب !!..

.....

في ألمانيا ،،،

في فيلا ناهد وعدلي ،،،،

وصل بعض الأشخاص الملتمين إلى حيث توجد الفيلا ، ثم اعطاهم شخصاً ما يبدو أنه قائدهم بعض الاشارات للتحرك والاحاطة بالفيلا ، ومن ثم باقتحامها دون أن يشعر بهم أحد .. وبالفعل تسلل هؤلاء الملتمين للداخل بهدوء ، كان جاسر وخالد مشغولين بالاطلاع على الأوراق التي بحوزتهم وفجأة سمعوا دوي طلقات النيران ، فأنبطحوا على الأرض و...

-جاسر وهو يطالع أحد الأوراق: هي دي الورقة اللي كنت علوزها

-جاسر متألماً: آآه.. آآه

.....

في قسم الشرطة ،،

انتهى أدهم ويارا من تحرير المحضر للص ، ثم دلفوا خارج القسم وبدأ الجدل مرة
اخرى بينهم ...

-يارا: عاجبك كده ، أديني على ايدك دخلت القسم

-أدهم: كان لازم نروح القسم ، او مال هنعمل المحضر ازاي بالواتس آب مثلاً؟؟؟ ولا
هنعمل تاج للظابط ع منشور ع البرو فيل !!!

-يارا: طيب اتفضل شوف هنروح المؤتمر ازاي

-أدهم: أما المرور يجيب العربية

-يارا: وهو هيجيبها امتي

-ادهم وقد جلس على الرصيف: ودي أداة !

-يارا: أنا بسألك هو هيجيبها امتي؟؟

-أدهم: وقت ما يحبوا

-يارا: يعني هنفضل كده واقفين في الشارع

-أدهم: لأ طبعاً!!!!!!، احنا اعدين ع الرصيف مش واقفين

-يارا: انت فايق وبتهزر !!

-ادهم: يعني عاوزاني أصوت ولا أندب حظي عشان تتبسطي ، مش الحمد لله انها عدت
على خير وطلعنا منها كويسين

-يارا: الحمد لله

-أدهم: تعالي بقي ريحي جمبي لحد ما العربية تيجي

-يارا: لأ ، متشكرة

-أدهم: خلاص خليكي براحتك !

-يارا وقد تذكرت شيئاً ما: اوووبا ! دي ... دي هدووومي موجودة في العربية

-ادهم: اينعم ، وهدومي أنا كمان

-يارا: طب هاعمل انا ايه الوقتي ???

-أدهم: الله اعلم

-يارا: اوووف مش معقول

-أدهم: هدي نفسك ، كل حاجة هتتحل

-يارا: كده كتير والله

-ادهم: أها

-يارا: وأنا اللي كنت عاملة حسابي أبقي أول واحدة حاضرة في المؤتمر

-ادهم: مش مكتوبالك الطلعاوي

-يارا: طب حتى لو لحقت معاد المؤتمر ، هاروحه ازاي وأنا كده

-ادهم وهو يشدها من يدها لتجلس بجواره : يخربيت ده مؤتمر ، ده وقته ، احنا في بلد ما نعرفش هي فين ، ومش معانا عربية ولا أي حاجة ، وانتي كل اللي شاغل بالك المؤتمر هتروحيه ازاي ولا بسة فيه ايه ، اترزعي كده جمبي واصبري على رزقك بقى

-يارا: عاوزني أطلع فاشلة في اول مؤتمر ليا

-أدهم: ال يعني انتي اللي كنتي هتقدميه واحنا مش عارفين !

.....

في أحد المستشفيات بألمانيا ،،،

وصل مستر شرودر بسيارته إلى أحد المستشفيات الخاصة بالعاصمة الألمانية برلين ،
ثم طلب المساعدة من الممرضين ، وتم نقل جاسر إلى قسم الطوارئ .. كانت حالة
جاسر متأخرة للغاية ، وفقد دماً كثيراً .. كان خالد قلقاً عليه للغاية و...

-خالد: استر يا رب ، استرها معنا وعديها ع خير يارب

-شرودر: لا تقلق مستر خالد ، سوف يتولى الأطباء رعاية مستر جاسر

-خالد: أنا خائف عليه أوي ، خائف لا قدر الله يحصله حاجة هنا وآآ...

-شرودر: لا تقل هذا مستر خالد ، سيكون بخير

-خالد: يارب عديها ع خير

.....

في فيلا ناهد الرفاعي ،،،

وصلت فريدة إلى فيلا أختها ومعها عمر ، طرقت الباب ولكن لم يفتح إليها أحد ، لذا
اقترح عليها عمر أن يتسلل من شرفة المكتب الخلفية حتى يستطيع أن يفتح لها باب
الفيلا ، وبالفعل نجح في هذا ، ثم بحث كلاهما عن ناهد إلى أن وجدوها راقدة على
الأرض تعاني من آلام وكدمات مبرحة في كل أنحاء جسدها و..

-فريدة وهي ترن الجرس : ناهد مش بترد

-عمر: بصي يا ماما ، أنا هحاول أنظ من بلكونة المكتب اللي ورا ، وأفتحلنا الباب

-فريدة: ماشي ، بس خلي بالك

-عمر: اطمني

-عمر بعد أن فتح الباب : يالا يا ماما

-فريدة: تعالي نشوف ناهد راحت فين

-عمر: اوك

-فريدة بفزع بعد أن رأت اختها: ناهد حبيبتي ، ايه اللي حصلك

-عمر: أنطي ناهد !!!

-ناهد: آآآ... م...مش قادرة

-فريدة: عدلي الزفت عمل فيكي كده

-ناهد: آآآ... أه ، هو اللي بهدلني

-فريدة: الكلب الجبان ، معلش يا حبيبتي ، الاسعاف جاي مع رأفت دلوقتي

-عمر: اسندي عليا يا انطي

سمعت فريدة صوت سيارة الاسعاف بالخارج فأسرعت لتفتح الباب لرجال الاسعاف ،
ووجدت معهم زوجها بالخارج و...

-فريدة: بسرعة تعالوا ، هي موجودة جوا

-رأفت: اخبرها ايه يا فريدة

-فريدة: متبهدة ع الأخر يا رأفت ، الجبان ضربها بوحشية

-رأفت: لازم ناهد تعمل فيه محضر ، وماتسيبش حقها

-فريدة: نوديتها المستشفى الأول ، وبعدين نعمل فيه محضر

-رأفت: تمام ، يالا بس ندخل نشوفها

-فريدة: اوك

.....

نقل رجال الاسعاف ناهد إلى أحد المستشفيات الخاصة ، ثم تم وضعها في العناية
المركزة نظراً لسوء حالتها ..

-فريدة: والله حرام اللي حصلها ده

-رأفت: المهم هي تكون اتعلمت من اللي جралها

-فريدة: أنا مكونتش أتخيل ان ناهد اختي يحصلها كده ، ولا حتى تطلع عاملة كل
الكوراث دي ومش قايلة لحد

-رأفت: محدش عارف ظروفها ايه وقتها ، بس أهم حاجة الوقتي انها ماتسكوتش عن
حقها

-فريدة: اها

-رأفت: بصي أنا هاسيبك معاها ، وهاروح أشوف ورايا ايه

-فريدة: طيب ، وأهو عمر موجود معايا هنا

-رأفت: اوك

.....

خارج قسم الشرطة ،،،

بعد مرور عدة ساعات ، خرج الضابط من القسم وبحث عن أدهم ليبلغه بأن السيارة
لن تصل اليوم و....

-الضابط: الاستاذ أدهم

-ادهم وقد نهض من مكانه : أيوه

-الضابط: حضرتك العربية مش هتيجي النهاردة

-يارا : ابيبييه !!

-أدهم: طب ليه

-الضابط: والله الطريق مقفول

-أدهم: مقفول !! طب ليه ??? ايه اللي حصل

-يارا: ماهو كان مفتوح أما كنا فيه

-الضابط: ده حقيقي ، بس الظاهر ان الحرامي كان عامل أفخاخ تانية فقلبت عربية نقل
ع الطريق

-أدهم: بركاتك يا عم عطوة ، انت محبوس جوه بس مش راحم الناس بره

-يارا: طب ماتشيلوها

-الضابط: حضرتك دي عربية كانت كلها متحملة بالسولار !!

-أدهم: اوووبا

-الضابط مكملاً : وطبعاً ده خطر ع باقي المواطنين انهم يعدوا الوقتي في الطريق ،
فبالتالي ادارة المرور قررت غلق الطريق لحين ما ينتهي رجال المرور من رفع
الشاحنة وتنظيف الطريق

-أدهم: اه طبعا وإلا الناس هتولع

-يارا: اوووف ، طب والعمل ايه ???

-الضابط: معرفش ، حضراتكو تقدرؤا تاخذؤا أي مواصلة تواصلكؤا للمكان اللي
عاوزينؤه ، بس نصيحتي ليكو بلاش تركبؤا مع أي حد خصوصاً إن الليل قرب يدخل

-أدهم: ايوه ، وإلا هيتعلم علينا تاني من أمثال عطوة

-يارا: بس أنا محتاجة شنطة هدومي ضروري ، ومحتاجة أوصل الغردقة في أسرع
وقت ، ومحتاجة أكل ويعني احم... ادخل التويلت

-الضابط: والله دي مش شغلتي يا استاذة

-أدهم وهو يصافح الضابط : شكراً يا حضرت الظابط ، احنا هنتصرف

انصرف الضابط وتوجه إلى داخل القسم مرة أخرى ، بينما عاتبت يارا أدهم على ما فعل و....

-يارا بضيق : انت هتخليه يمشي من غير ما يشوفلنا حل للمصيبة اللي احنا فيها دي

-أدهم: يعني هيعمل ايه اكر من اللي اتعمل

-يارا: لأ يقدر يعمل كتير ، هو ظابط يعني واصل ويقدر يتصرف

-أدهم: والله هو مش فاضي يشوفلنا شنطة هدومك ولا يجيبك أكل .. خليهشوف
الحرامية وقاتلين القتلة اللي موجودين في البلد

-يارا: الله ! مش الشرطة في خدمة الشعب ، يعني ده واجبه انه يخدمني

-أدهم: احم.. طب خشي قوليله كده ، وهو هيعدمك آخر خدمة

-يارا وهي تتجه ناحية القسم : أه هخش أقوله ده ، وهو هيبعت معايا عمو المخبر
يجبلي اللي ناقصني

-ادهم وقد أمسكها من يدها: ابييه يا بنتي ، انتي ما بتصدقي ، ايه اللي عمو المخبر
هيجي معاك ، انتي فاهمة المخبرين غلط على فكرة !! تعالي هنا

-يارا: يووووه ، ما أنت زي قلتك بصراحة لا بتحل ولا بتربط ، مش لو كنت ركبت
الطيارة كان زمانى وصلت الغردقة وخلصت المؤتمر ، بدل ما أنا متنبيلة واقفة معاك
هنا

-أدهم: اعصري ع نفسك لمون ، واصبري شوية

-يارا: أنا زهقت

-أدهم: خلاص أنا هنتصرف ..

-يارا: هتعمل ايه يعني ???

-أدهم: في عينيا يا بابا ، المهم انتو كلكم بخير

-رأفت بتردد : هه.. آآآ ... ايوه

-أدهم: طب الحمدلله

-يارا: هات بقى الموبايل ، خليني اكلمه

-ادهم: يوووو ، اصبري أما أخلص ، أيوه يا بابا

-رأفت: المهم انت خلي بالك من يارا ، ومتخليش حد يضايقها

-أدهم: حاضر

-رأفت: طب يا حبيبي ، شوف أنت وراكو ايه ، عشان بس عندي شغل

-أدهم: ماشي يا بابا ، سلام

-يارا: هات أكلمه

-أدهم: خلاص هو قفل

-يارا: قفل !!

-أدهم: ايوه ، أبا الحاج مش فاضي

-يارا: طب هات موبايلك

-أدهم: ليه

-يارا: هشوفه بس

-أدهم: خدي

أعطى أدهم هاتفه المحمول إلى يارا ، وما إن أمسكت به حتى ألقته على الأرض
وحطته بقدمها وسط دهشة أدهم و...

طاااخ ...دش .. دششش

-أدهم بدهشة: ايه اللي عملتية ده

-يارا: اهوو كده نبقي خالصين

-ادهم: وربنا انتي مجنونة ، في حد يعمل كده

-يارا: محدش أحسن من حد ، انت كسرتلي موبايلي ، وأنا كسرتلك بتاعك

-أدهم وهو يضع يده على رأسه: انتي.. انتي

-يارا: خدت حقي

-أدهم: أنا.. أنا مش عارف أعمل فيكي ايه ، انتي ضيعتي وسيلة الاتصال باللي نعرفهم

-يارا: هه.. ابقى اشتريك واحد جديد

-ادهم: منين السعادي؟؟ ها منين؟؟؟ قوليلي يا فالحة

-يارا: من محل الموبايلات طبعاً

-ادهم: حسبي الله ونعم الوكيل ، انا مش هرد عليك ، انا هكتم في نفسي كده ، خليني

اطق وأموت وأنا واقف كده عشان ترتاحي

-يارا: يكون أحسن برضوه

.....

في ألمانيا ،،،

في المستشفى الذي يرقد به جاسر ،،،

خرج الأطباء من غرفة العمليات وتحدثوا مع مستر شرودر عن حالة جاسر ، ثم عاد

هو ليخبر خالد بما قالوه و...

-خالد بلهفة: هاااا يا مستر شرودر ، جاسر كويس؟؟؟

-شرودر : آآ.. لا أعرف كيف أخبرك بهذا

-خالد: اوعى تقول انه .. انه آآآ.. مـمـمات

-شرودر: كلا ، إنه لم يمت

-خالد بارتياح: الحمدلله ، او مال في ايه ؟؟؟

-شرودر: إن حالته الصحية حرجة ، ويصعب تقييمها حالياً ، وعلينا أن ننتظر للغد
لنعرف مصيره

-خالد: ايبييه ؟؟؟

-شرودر: بالاضافة لهذا ، لقد قاموا بابلاغ الشرطة عما حدث ، وهم قادمون للتحقيق
معنا وأخذ افادتنا

-خالد: اها ..

-شرودر: هل ستبلغ أفراد عائلتك بما حدث ؟؟

-خالد: لأ طبعاً ، مش قبل ما أظن ع جاسر الأول ، انا لو بس قولتلهم ع اللي حصلنا
مش عارف ممكن ايه اللي يجرى

-شرودر: من تظن أنه وراء هذا كله ؟؟

-خالد: طبعاً عدلي

-شرودر: اها

-خالد: بس للأسف احنا معدناش دليل واحد يثبت انه هو ورا اللي حصلنا

-شرودر: هل تعلم أن مظهر هؤلاء الأشخاص يوحي بأن مستر أدلي هذا على صلات
وثيقة برجال المافيا

-خالد: ايبييه ؟؟؟

-شرودر: بلى ، كمان أنه في الحقيقة لدي شك أن الأوراق التي وجدناها بالفيلا لها
علاقة بالهجوم الذي تعرضنا له

-خالد: يبقى اكيد حد بلغه ان احنا موجودين في الفيلا

-شرودر: لا تستبعد هذا

-خالد: لازم ناخذ حذرنا

-شرودر: ها قد جاءت الشرطة

-خالد: تمام

-شرودر: لا تقلق ، سوف أتعامل معهم وأساعدك في فهم ما يقولون

-خالد: اوك

.....

في مكان ما بالقاهرة ،،،،

كان عدلي يتحدث مع أحد الأشخاص ذو الصلة بما حدث في فيلته بألمانيا و...

-عدلي هاتفيا: How did they escape ??? (كيف استطاعوا الهرب)

-المتصل:

-عدلي: that's mean that I am in a deep shit (هذا معناه أنني واقع في

مشكلة كبيرة)

-المتصل:

-عدلي: All the papers were there inside the safe (لقد كانت كل

الأوراق موجودة بالخزنة)

-المتصل:

-عدلي: I don't know .. I will try to come as soon as possible (لا

أعرف ، ولكنني سأحاول أن أتي في أسرع وقت)

-المتصل:

-عدلي: Ok, keep in touch with me (كن على اتصال معي)

أنهى عدلي المكالمة وهو في قمة غضبه و...

-عدلي: ده اللي ماكونتش عامل حسابه فعلا انهم يكونوا وصلوا للي مخبيه هناك ، الله يحرقك يا ناهد ، بوظتي الدنيا كلها بغباءك وتسرعك ، لازم اشوف هما وصلوا لايه ولا عرفوا ايه بالظبط عن الورق اللي هناك ، أنا لو حد من اللي بره عرف اني اتكشفت مش بعيد مايطلعش عليا نهار !! لازم أخلي الولية دي تكلم ابنها يرجع فوراً القاهرة ، وإلا .. هو الجاني ع نفسه !! أيوه ، أنا ههددها بده هي هتخاف لما تعرف ان ابنها في خطر وتخليه يرجع !!..

قررت عدلي الاتصال بناهد ، ولكن كان هاتفها غير متاح و...

-عدلي: الله ! هي قفلت موبايلها ولا ايه؟؟ كده أنا مضطر اني أروحها ، اوووف ، بدل ما أركز في الشغل الجديد عما أحل في البلاوي اللي مابتخلصش !

.....

عودة إلى أدهم ويارا ،،،

قرر أدهم أن يتجول في المكان القريب من القسم لعله يجد من يساعده في الوصول إلى الغردقة ، وجاءت يارا معه ، ولكنها كانت تتذمر من كل شيء و...

-يارا: ها يا سبع الرجال فكرتلنا في حل

-أدهم: أديني بشوف هنعمل ايه

-يارا: أنا تعبت وجوعت ، وبصراحة كده عاوزة أدخل التويلت

-أدهم: والمطلوب مني ايه ؟

-يارا: اتصرف مش انت الراجل هنا

-أدهم: يعني عاوزاني اعمل ايه؟؟؟

-يارا: معرفش ، اتصرف و خلاص

-أدهم: اصبري ، وأكيبيد هنلاقي أي حل

لمح ادهم مقهى شعبياً يجلس عليه بعض الأفراد ، فطلب من يارا أن تنتظره ، ثم توجه إليه و...

-أدهم: الله في قهوة هناك اهي

-يارا: أها

-ادهم: بصي ، استنيني هنا ، وأنا شوية وراجعك

-يارا: هتسيبني لوحدي

-أدهم: هسيبك فين ، أنا بس رايح أسأل حد من اللي أعدين على أي حاجة تساعدنا في اللي احنا فيه ، ومش معقول يعني هخليكي تقعد مع الرجالة ع القهوة ولا أطلبك شيشة كمان !!!!

-يارا: اووف ، ماشي روح بس متأخرش عليا

-أدهم: ع طول ، وانتي متتقليش من هنا

-يارا: طيب

-أدهم بصوت مرتفع: سلامووو عليكوو يا رجالة

-الجميع: وعليكم السلام

-احد الأشخاص: اتفضل

-ادهم: يزيد فضلك ، معلش بس كنت عاوز استفسر عن حاجة

-أحد الأشخاص: خير يا حضرت

-أدهم وهو يشير إلى يارا : كنت عاوز أدور على عربية ولا مواصلة توصلني أنا وال
... آآآ.. احم وال..

-أحد الأشخاص: المدام

-ادهم: هه .. أيوه .. عاوزين بس عربية توصلنا للغردقة

-أحد الأشخاص: الصبحية بقى و عليك خير

-أدهم: نعم؟؟

-أحد الأشخاص: اخر عربية اجرة طلعت يجي من نص ساعة ، ومافيش عربيات تانية
هتطلع إلا ع بعد الفجر ان شاء الله

-ادهم: طب.. طب ما فيش أي بديل

-شخص اخر متدخلاً في الحوار : أصلاً الطريق مقفول من الضهرية

-شخص ثالث: ليه

-شخص آخر: في عربية بنزين اتقلبت ع الطريق وقفلوه بتوع الأمن ، فما فيش حد
بيروح ولا حد بيجي

-أدهم: طب والعمل ايه

-شخص ما: ما فيش قدامك يا حضرت غير انك تستنى هنا للصبح

-أدهم: استنى هنا للصبح ، مش ممكن ، ده أنا مش معايا أي حاجة ولا آآ...

-أحد الأشخاص: في لوكاندة قريبة من هنا

-أدهم: لوكاندة

-شخص ما: أيوه يا أوستاذ ، وده احسن حل ليك ، لأحسن بعيد عنك المكان هنا بالليل
بيبقى مليون بناس استغفر الله مجرمين وولاد ليل وسفاحين وحاجات كده أعوذو بالله

-شخص آخر: أيوه فعلا ، الله يكفيننا شرهم

-ادهم مفكراً فيما يقولون : مممم...

-شخص ما: بس خد بالك يا أوستاذ ان اللوكاندة دي صاحبها الحاج يونس مش
بيسكن لامواخذة عذاب ، كلهم يا متجوزين ، يا عائلات ، يا رحلات مدارس

-أدهم: ايبيه؟؟

-شخص اخر: اه من ساعة لما قفش اتنين استغفر الله العظيم في اللوكاندة عنده وهما
آآآ... لامواخذة يعني .. ربنا يستر علينا ، وهو حلفان ماحد يبات في اللوكاندة إلا بس
اللي قايل عليهم

-شخص ما: ايوه ، دي كانت فضيحة بجلاجل

-شخص آخر: لولا ستر ربنا والناس اللي ادخلت كان زمانته دفانهم بالحيا

-شخص ما: الحاج يونس معندهوش تفاهم ، والكل عارف كده

-شخص آخر: أصله صعيدي ماصل ، ودماغه ناشفة الله أكبر ! صعب أوي حتى تتفاهم
معاه .

-أدهم: الله يكرمك طمنتني ، طب مافيش اوبشن للقرايب عنده؟؟

-شخص ما: ايه؟؟؟

-ادهم: أقصد القرايب ، أولاد العم ، أولاد الخالة ، الصلات دي !!

-شخص ما: معتقدش ، بتسأل ليه يا حضرت؟؟ هو في مشكلة؟؟؟

-ادهم: هه ..لالالا .. م.مافيش ، ماشي يا رجالة متشكر أوي

-أحد الأشخاص: العفو يا حضرت

-شخص آخر: ماشي يا استاذ

.....

عاد أدهم مرة أخرى إلى حيث تقف يارا و...

-يارا: ها عملت ايه ؟

-أدهم: عندي ليكي خبرين

-يارا: ايه

-أدهم: واحد وحش والتاني نصه حلو ونصه آآآ... يعني

-يارا: يعني ايه ???

-أدهم: بصي الخبر الوحش ان مافيش مواصلات للغردقة قبل الصبح بسبب الطريق المقفول !

-يارا: ايبيه ، ربنا ياخذك يا عطوة ، انت السبب

-أدهم: الحمدلله مش أنا يعني المرادي!

-يارا: طب والخبر الحلو ايه ؟

-أدهم: لأ هو نص حلو ، مش حلو أوي ، لأن في نص آآآ.. يعني مش هيعجبك

-يارا: نص حلو ، ربع حلو ، المهم قوله

-أدهم: احم.. أنا لاقيت لوكاندة قريبة من هنا

-يارا وهي تتقدم أدهم : طب كويس أوي ، يالا بينا عليها ، أهوو الواحد يبات فيها للصبح لحد ما الطريق يتفتح تاني

-أدهم وهو يوقفها : حيلك حيلك .. أنا لسه مكملتش بقية كلامي

-يارا: في ايه تاني؟

-أدهم: اللوكاندة دي صاحبها مش .. آآآ.. مش بيسكن فيها غير المتجوزين والعائلات وبس

-يارا: طب ودي فيها ايه ??

-أدهم: لأ مافيهاش حاجة ، احنا بس .. آآآ.. سناجب

-يارا: ايه ?? سناجب ??

-أدهم :سوري ، أقصد سناجل ، جاية من سينجل !

-يارا: طب ودي فيها ايه ???

-أدهم: لأ مافيهاش حاجة عنده خالص !!!

-يارا: بص أنا هتكلم مع الراجل صاحب اللوكاندة وهو اكيد هيوافق

-أدهم: لالالا.. انتي متعرفيش الحاج يونس

-يارا: أل يعني انت اللي تعرفه

-أدهم: استني بس يا يارا

-يارا: ملكش دعوة أنا هتصرف

-أدهم: والله انتي ناوية ع أديتنا

بالفعل توجهت يارا إلى مكان اللوكاندة القريبة من المقهي الشعبي ، ودلفت إلى الداخل لتتحدث مع الحاج يونس ، ولحق بها أدهم ولكنه وقف في الخارج منتظراً إياها و...

-أدهم: يا يارا استني ، هو مش هيوافق والله !!

-يارا: استناني برا وهتشوف

-أدهم: يا بنتي مافيش داعي ، مش هينوبك منه إلا كلمتين بايخين وبس

-يارا: ملكش دعوة ، خليك واقف هنا ، وهتشوف أنا هعمل ايه

-أدهم: مصيبة طبعا !!

.....

-يارا: سلامو عليكم يا حاج

-يونس وهو ينظر لها متفحصاً: وعليكم السلام ، في حاجة ؟

-يارا: كنت بسأل يا حاج آآآ... عند حضرتك أوض فاضية وكده نبات فيها

-يونس : إيوه عندي ، بس لمين ؟؟

-يارا وهي تشير لأدهم : ليا ولـ. آآ... ولـ...

-ادهم من بعيد مشاوراً: أحم... وليا

-يونس بقرف: أني معنديش اوض فاضية للحريمات ، ولا للعذاب

-يارا: لالالا ، أنا مش حريمات ، أنا واحدة بس

-يونس: ولو حتى 100 ، أني مش بسكن إهنة إلا المتجوزين يا عيلات وبس

-يارا: والله أنا بنت ناس محترمين بس الظروف اللي اضطرتني اني اجي أبات هنا ،
عربيتنا عطلت في السكة وطلع علينا حرامي وآآ...

-يونس مقاطعاً بقرف: ميخصنيش

-يارا: يا حاج يونس ، مش حضرتك صعيدي برضوه

-يونس: إيوه

-يارا: طب ده معروف عن الصعايدة انهم كرما وولاد أصول وبيساعدوا آآ...

-يونس مقاطعاً: إيوه الصعايدة كرما وولاد أصول بس مش لامؤاخذة !!

-يارا بعدم فهم: هو ايه اللي لا مؤاخذة؟؟ أنا مش فاهمة حضرتك

-يونس بحدة: امشي يا بت من إهنة ، بدل ما اطخك وانتي واجفة مُطرحك ، وخدي
النطع اللي واقف بره ده كمان ، جتكم الجرف ، ماليتوا البلد

-يارا: نعم؟؟؟ تقصد ايه

-يونس وهو يشيح في وجهها : أجصد معنديش مكان ، ويالا بجي طرجينا

-يارا: ماشي يا حاج ، شكراً

-يونس: أني مش عارف هما ساكتين على البلاوي السوداء دي ليه !!

-يارا: استغفر الله العظيم !

.....

خرجت يارا من اللوكاندة وعلى وجهها علامات الضيق و...

-أدهم: مش محتاجة تقولي حاجة ، انتي مدياني الـ face التمام

-يارا: اسكت مش عاوزة أي كلمة

-أدهم: ما انا قولتلك من الأول ، وانتي مسمعتيش كلامي

-يارا: اووف

-أدهم: خلاص ماترزرريش عليا ، اصبري وهنلاقي حل

-يارا بنرفزة : حل ايه؟؟ ها قولي على حل؟؟ هنعمل ايه هنا في الحطة المقطوعة دي
؟؟ ها اتصرف يا حلال المشاكل والعقد

-أدهم: ماتتعصبيش عليا ، وأكد هلاقي حل

-يارا وهي تلوح بيدها في الهواء: ها ، وريني هتلاقي فين الحل ده !! يمكن هتبص ع
شمالك تلاقيه ، ولا أقولك بص ع يمينك هتلاقي الحل بيقولك أنا هو و...و...!!

ظل يارا تتحدث بعصبية مع نفسها ، بينما حاول أدهم أن يبدو هادناً وظل ينظر من
حوله حتى لمح شيئاً ما .. وأخذ يفكر أنه ربما يكون الحل المناسب (موقتاً) لمشكلتهما
و...

-أدهم وقد نظر إلى يمينه : تصدقي لاقيت الحل

-يارا: لا والله ، ع طول بالسرعة دي ، لأ فعلا أنت جبار

-أدهم: اسمعيني بس ، أنا آآ...

-يارا مقاطعة : بسسس ، كفاية بقى ، أنا مش نقصاك تغظني

-أدهم: والله بتكلم بجد ، أنا فعلا لاقيت الحل

-يارا : فينه؟؟

-أدهم وهو يشير بيده إلى لافتة ما : أهوو

-الحارس: لا يا بيه

-عدلي: راحت فين

-الحارس: راحت المستشفى

-عدلي مدعياً عدم تورطه: ليه ???

-الحارس: والله ما أعرف يا بيه ، الست فريدة هانم اختها جت من شوية وبعدها الاسعاف ونقلوها ع المستشفى

-عدلي: متعرفش مستشفى ايه

-الحارس: أيوه يا بيه عارف ، هي راحت مستشفى ((....))

-عدلي وهو يعطيه نقوداً في يده: شكراً

-الحارس: تحت أمرك يا بيه

-عدلي في نفسه: ممم... مضطر أروحك المستشفى واعمل فيها قلقان عليكي وندمان ع اللي حصل ، أنا مكونتش متخيل ان ايدي هتبقى ثقيلة أوي عليكي ، يالا هاجي ع نفسي عشان مصلحتي ، وإلا الله أعلم الولية دي بغبانها ممكن تتضيعني اكثر من كده لو أنا ملحقتش أصلح معاها !!

استقل عدلي سيارته وتوجه إلى المستشفى حيث ترقد ناهد ..

.....

كان كلاً من أدهم ويارا يحاولان ايجاد حلاً ما لمشكلة البحث عن مكان للنوم فيه حتى يحين الصباح ويتوجها إلى الغردقة ..

-أدهم: اقري اليافظة دي

-يارا: مالها

-أدهم: اقريها بس وهتلاقي الحل

-يارا وقد اقتربت من اللافتة لتقرأها: مأذون شرعي ، ايه بقى الحل اللي فيها !!

-ادهم: ماهو باين قصادك

-يارا: مش فهماك

-ادهم: احنا احم... آآآ... نتجوز !!!

-يارا بصدمة: نعم ياخويا

-ادهم: ده الحل المناسب لمشكلتنا

-يارا: قولتلي بقى ، ضاقت بيبك الحلول كلها وملاقتش إلا الحل ده ، انت اكيد اتلطشت في مخك

-أدهم: ما تحترمي نفسك شوية معايا ، مش كتر خيري اني بفكرلنا في حل للمصيبة دي

-يارا: وده بقى الحل اللي ربنا أنعم عليك بيه

-أدهم: والله لو عندك غيره قوليه ، وبعدين احنا مش هنتجوز زي ما انتي فاهمة ، احنا بس هنخلي المأذون يكتب الكتاب وخلص ، وناخذ منه إفادة اننا متجوزين ونقدمها للحاج يونس ، وتاني يوم نطلق ، بس خلاص !!!

-يارا: بالبساطة دي

-أدهم: ايوه ، ايه اللي هيعقدها

-يارا: انت مش طبيعي ، وكلامك كلام مجانيين

-أدهم: اسمعيني بس

-يارا: لا أسمع ولا ماسمعش ، أنا مش موافقة ع اللي بتقوله ده

-أدهم: بصي مقدمناش غير الحل ده

-يارا: ممم...

-أدهم: وانا قولتلك ع بكرة الصبح هاكون مطلقك ، ويبقى كأن حاجة محصلتش

-يارا بتردد: بس آآ...

-أدهم : مافيش بس ، اسمعي بس اللي بقولك عليه ، وانتي مش هتخسري حاجة !

-يارا: ممم

-أدهم: تعالي يالا ، لأحسن مكتب المأذون قرب يقفل

-يارا مستسلمة: اووف

-أدهم بفرحة : ايوه كده ربنا يهديكي يا شيخة

.....

دلف أدهم ومعه يارا إلى مكتب المأذون الذي رحب بهم و...

-المأذون: ايوه

-أدهم: سلامو عليكمو يا شيخنا

-المأذون: وعليكم السلام ورحمة الله وبركاته

-أدهم: آآ... احنا جايين النهاردة عشان نكتب كتابنا

-المأذون: اها

-أدهم: ويعني شوف حضرتك ايه المطلوب واحنا نعمله

-المأذون: بص يا بني ، أهم شيء هو وجود الرضا والقبول بين الزوج والزوجة

المقبلين على الزواج

-ادهم: تمام

-رأفت: ليه

-أدهم: هتعرف دلوقتي

-رأفت: طيب

قام رأفت بفتح برنامج السكايب الخاص بمكالمات الفيديو و..

-رأفت: خير يا أدهم ، في ايه

-ادهم بتردد : بابا أنا .. أنا ويارا آآ...

-رأفت بخضة: مالكوا

-ادهم: آآ.. احنا قررنا نتجوز

-رأفت: افندم؟؟

-ادهم: زي ما حضرتك سمعت ، احنا قررنا نتجوز

-رأفت: وده من امتي ان شاء الله؟؟؟ ايه اللي حصل يا ولد؟؟ انت عملت ايه في البننت؟؟

-أدهم: والله ما عملت حاجة ، احنا بس واقعين في مشكلة ، ومافيش قدامنا إلا الحل ده
الوقتي

-رأفت: انت اتجننت ، مشكلة ايه اللي مالهاش حل إلا كده

-أدهم: بابا بعدين هحكلك ، بس المأذون آآ.. يعني مش موافق نعمل حاجة بدون
موافقة ولي الأمر ليارا ، اللي هو حضرتك يعني

-رأفت: عنده حق ، وأنا أصلاً مش موافق

-أدهم: ليه يا بابا

-رأفت: مش قبل ما أعرف ايه اللي حصل بالظبط ، هي مش سلق بيض الحكاية

-أدهم: يا بابا اللي حصل باختصار ان

.....

في ألمانيا ،،

في أحد المستشفيات الخاصة ،،

انتهى خالد ومستر شرودر من اعطاء إفادتهم للشرطة الألمانية ، ولم يتهم خالد أحداً ،
ثم ذهب ليطمئن على جاسر ، والذي أخبره الأطباء أن حالته مازالت كما هي ، ثم عاد
وجلس بجوار مستر شرودر في منطقة الانتظار للزائرين بالمشفى و...

-شرودر: لماذا لم تتهم مستر أدلي بأنه وراء الاعتداء علينا

-خالد: عاوزه يطمئن اننا معرفناش أي حاجة ، وبيانه هو ورا اللي حصل عشان يغلط
كمان وكمان !!!..

-شرودر: ولكن أخطائه تعني تعرضنا نحن للخطر

-خالد: ما هو احنا لازم نتصرف بسرعة ونسبقة بخطوة قبل ما هو يتحرك

-شرودر: اها

-خالد: مش انت لسه معاك يا مستر شرودر الورق

-شرودر: بلى

-خالد: يبقى لازم نتصرف بالورق اللي معانا ده ، ونشوف مين ورا عدلي وبيموله
ومخليه يعمل كده ، والورق ده أكيد هيفيدنا بحاجة

-شرودر: اوك ، سوف أبذل ما في وسعي

-خالد: تمام ، وأنا هفضل في المستشفى مع جاسر لحد ما أطمئن عليه

-شرودر: وأنا سأجري بعض الاتصالات الهامة

-خالد: اوك

.....

في المستشفى التي ترقد بها ناهد ،،،

كانت فريدة تحاول الاطمئنان على اختها حينما دلف عدلي للداخل و...

-فريدة: ألف سلامة عليكي يا ناهد

-ناهد: آآه ...

-فريدة: ماتحوليش تتكلمي ، ارتاحي الوقتي ، بس مش لازم تسكتي عن حقك وآآ...

-عدلي وهو يحمل بوكيه ورد: ازيك يا ناهد ، ألف سلامة عليكي

-ناهد برعب: آآ... انت

-فريدة: انت !!

-عدلي: أهلاً يا فريدة هانم !!

-فريدة: انت جاي تعمل ايه هنا بعد ما اتعرضت لأختي

-عدلي: أظن انها لسه مراتي لحد الوقتي

-فريدة: يعني ايه مراتك؟؟؟ ده يدك الحق انك تبهدلها بالشكل ده

-عدلي وهو ينظر لناهد: أنا... أنا معملتش فيها حاجة

-فريدة بحدة : انت كداب ، انت اللي عملت فيها كده ، ناهد قانتلي كل حاجة ، وشوية

وهيجي البوليس وهنعمل محضر اعتداء عليها

-عدلي: فريدة هانم ، معلىش انا هستأذنك محتاج أتكلم مع مراتي شوية لوحدنا

-فريدة: وانا مش هاسيبك معاها ، انت فاهم !!!

-عدلي: ناهد ، ها قوليلها يا حبيبتي تسبيننا لوحدنا ، وده عشان مصلحتنا ومصلحة

الأولاد ، ها فهماني !!!

-ناهد بخوف: آآ.. فـ.فريـدة ، مـ.معلش سيننا شوية

-فريـدة: لأ مش هسيبك معاه

-ناهد: مـ...معلش ، 5 دقائق بس ، عشان خاطري

-فريـدة بضيق: اوووف ، ماشي ، أنا هقف بره الأوضة هستنى عمر لما يجي وهادخل على طول

-ناهد: اوك

-عدلي: ميرسي يا فريـدة هانم

-فريـدة محذرة : اياك تفكر تيجي جمب اختي ، مش هايجصلك طيب

-عدلي: متخافيش ، انا بس هاطمن عليها وهمشي

-فريـدة: اووف !!

.....

خرجت فريـدة من الغرفة ، ليبدأ عدلي في توبيخ ناهد وتهديدها بصوت منخفض و...

-عدلي: او عي تكوني مفكرة ان في حد هيحوشك مني ، لأ تبقى غلطانة ، ومتعرفيش مين عدلي !!

-ناهد: آآآ....

-عدلي: بصي يا ست هانم ، انتي تكلمي المحروس ابنك وتقوليله يفكه من اللي بيعمله ده ويرجع فوراً القاهرة ، وإلا قسماً بالله هخليه يرجعك في صندوق ، انتي فاهمة ..!

-ناهد: حـ...حاضر

-عدلي: المرادي كانت قرصة ودن ، لكن المرة الجاية مش هيجصل طيب ، واطنك شايقة أنا ممكن اعمل ايه ، ومافيش حد هيحوشني !

-ناهد: ماشي.. ماشي ، هاعمل كـ...كل اللي انت عاوزه

-عدلي: تكلمي ابنك وتعقلية، وإلا هتصرف ، وده أخر ما عندي

-ناهد: اوك !

-انصرف عدلي من غرفة ناهد ، ثم دلفت فريدة للداخل وعلى وجهها الضيق و..

-فريدة: كان عاوزك منك ايه ???

-ناهد: هه... آآ

-فريدة: قولي يا ناهد متخافيش ، كان عاوز منك ايبيه

-ناهد: ولا حـ...حاجة .. كان بس بيسأل عني

-فريدة: مم.. ماشي مش عاوزة تقولي براحتك ، بس الشرطة هتيجي وآآ...

-ناهد مقاطعة: للألألأ .. أنا مش عا..عاوزة الشرطة تدخل

-فريدة: هتضياعي حقك يا ناهد ???

-ناهد: أضيع حقي أحسن ما أضيع ولادي

-فريدة: تقصدي ايه ???

-ناهد: هه.. ولا حاجة ، أنا.. أنا محتاجة أرتاح شوية يا فريدة

-فريدة: اها .. طيب ، انا هاروح أشوف فين عمر ، واجيلك بعدين

-ناهد: اوك

.....

خرجت فريدة من غرفة ناهد ، وهي تشعر بالضيق لقرار اختها بالتخلي عن حقها من اجل ذلك المدعو عدلي ، ظلت تبحث بعينيها عن عمر إلى أن وجدته يجلس في ردهة المشفى ومعه هاتفه المحمول و..

-فريدة: عمر

-عمر: ايوه ياماما

-فريدة: انت فين؟؟

-عمر: ما أنا موجود اهوو

-فريدة: بتعمل ايه؟؟

-عمر: كنت بحاول أتصل بأدهم ولا يارا عشان اظمن عليهم

-فريدة باستغراب: نعم؟؟ بتقول ايه

-عمر: أصلهم سافروا من الصبحية ومحدثش فيهم كلمني لحد الوقتي

-فريدة بغضب: هما مسافرين مع بعض؟؟؟؟

-عمر بتردد: آآ... والله آآ...

-فريدة: انطق

-عمر: ايوه ، عندهم مؤتمر وكده

-فريدة: ومحدثش قالي !

-عمر: أنا مفكر انك عارفة يا ماما

-فريدة: اه طبعااا، وتقولولي ليه ، ما أنا معدتتش ليا لازمة في البيت

-عمر: لا والله يا ماما ، بس هو آآ.. الموضوع جه بسرعة وآآ...

-فريدة: ماشي يا أدهم ، بس أما أشوفك

-عمر: استر يا رب

.....

في مكتب المأذون ،،،

قص أدهم ما حدث لوالده غير برنامج السكايب (احد تطبيقات برامج الاتصال بالفيديو) و...

-أدهم: هو ده كل اللي حصل يا بابا باختصار شديد

-رأفت: ممم..

-ادهم: ها قولت ايه بقى

-رأفت: مافيش قدامك فعلاً إلا الحل ده

-أدهم: بالظبط

-رأفت: طيب ، خلىني اكمل المأذون

-أدهم: اوك

-أدهم للمأذون: معلىش يا شيخنا ، ده والدي هيكلم حضرتك فيديو ، وهو في نفس الوقت عم العروسة

-المأذون: اها

-رأفت: السلام عليكم يا شيخنا

-المأذون: و عليكم السلام ورحمة الله

-رأفت: أنا رأفت الصياد ، وأبقى والد العريس وعم العروسة

-المأذون: يا أهلاً سهلاً بحضرتك

-رأفت: ودي بطاقتي أهي ، أنا هحطهاك قدام الشاشة عشان تتأكد

-المأذون : تمام

-رأفت: أنا ببلغك بموافقتي ع جواز يارا بنت أخويا من ابني أدهم

-المأذون: وماله ، نسمع العروسة ونشوف رأيها

-أدهم: ها يا يارا

-المأذون : رأيك ايه يا بنتي؟؟

-يارا بتردد: آآ...

-ادهم: يالا يا يارا ، احنا هنعمل اللي اتفقنا عليه ، اطمني

-يارا: آآ...

-رأفت: قولي يا يارا رأيك

-المأذون: موافقة يا بنتي ولا لأ

-يارا: آآ...

-أدهم: انطقي بقى الله يكرمك ، عم الشيخ مش فاضيلنا

-يارا: اوك

-المأذون: أوك على ايه يا بنتي

-يارا وهي تشير برأسها لأدهم : أنا موافقة على الجواز من ده

-أدهم: الله اكبر ، يالا يا شيخنا بسرعة قبل ما تغير رأيها

-رأفت: خير ما عملتي يا بنتي

-المأذون: طيب أنا هجهز في الأوراق لحد ما تشوفلي شهود

-ادهم: فوريرة ، هاجيبهم من ع القهوة

-يارا: بقى ع آخر الزمن الشهود بتوعي يكونوا من ع القهوة

-أدهم: ادعي ربنا أنهم يكونوا لسه موجودين ، ومحدش يكون مشى

-يارا بضيق: يارب يكونوا كلهم طفشوا

-ادهم: ان شاء الله هلاقي أي حد وهاجيبوه !

.....

انطلق ادهم مسرعاً خارج مكتب المأذون ليبحث عن شهود ما ، بينما تحدث رأفت مع يارا عبر برنامج السكايب و...

-رأفت: انا عارف يا بنتي انك مكونتيش متوقعة ان ده يحصل ، بس الظروف

-يارا: ده وضع مؤقت يا عمي ، وهينتهي بسرعة ان شاء الله

-رأفت: اها ...

.....

عاد ادهم بعد خمس دقائق ومعه اثنين من الشهود ، كان أحدهما صاحب المقهى والأخر هو ...

-ادهم وهو يلهث: اتأخرت عليكو

-المأذون: لأ يا بني

-أدهم: اتفضلوا يا حضرات

-يارا: مين ده

-ادهم: ده عم صابر ، صاحب القهوة اللي ع الناصية ، الراجل كتر خيريه وافق يجي يشهد قبل ما يقفل قهوته ويمشي

-يارا: لا والله

-صابر: ألف مبروك يا مدام ، ربنا يسعدكم

-يارا: شكراً

-أدهم بفرحة: والتاني بقى مش هتصدقي مين

-يارا: مين ???

-ادهم: اتفضل يا حاج يونس

-يارا بدهشة: ميبين؟؟

-أدهم: الصراحة ملاقتش أحسن من الحاج يونس بنفسه صاحب اللوكاندة اللي هنبات فيها عشان يجي يشهد بنفسه ع عقد الجواز ، وأهوو يظمن ويتأكد كمان اننا متجوزين ويشوف الافادة من المأذون نفسه

-يارا: ايبييه !!

-أدهم وهو يرتب على كتف الحاج يونس : ها كده اظمنت يا حاج ???

-يونس: إيوه يا بني ، ع بركة الله

-أدهم: ايه رأيك بقى يا عروسة

-يارا مستسلمة: لله الأمر من قبل ومن بعد !!

-أدهم بابتسامة عريضة: الله يبارك فيكي

.....

انتهى المأذون من اجراءات عقد القران ، ووقع الشهود على العقد ، كان أدهم يشعر بالارتياح والفرحة ، بينما تشعر يارا بالضيق مما حدث .. فهي لم يكن لديها أي خيار آخر سوى الموافقة ، وما يعزيها أن غداً سوف تنهي تلك المسألة تماماً ...

-المأذون: بارك الله لكما وبارك عليكما وجمع بينكما في خير

-رأفت: الف مبروك يا ولاد

-أدهم : الله يبارك فيك يا بابا ، معلى زهقتاك

-رأفت: مش هوصيك ع يارا ، ها ؟

-ادهم: حاضر

-رأفت: يالا سلام ، وابقى طمني عليكو أما توصلوا الغردقة

-أدهم: حاضر .. باي

أنهى أدهم المكالمة مع والده ، ثم نزع شريحته من الهاتف ، وأعطى الهاتف للمأذون مرة اخرى وشكره ..

-أدهم: شكراً يا شيخنا ع الموبايل

-المأذون: عفواً

-أدهم: مبروك يا عروسة

-يارا: احم.. شكراً

-أدهم هامساً: هو أنا بعزم عليكي بكوز بببسي ، ده أنا بباركلك يا مدام أدهم

-يارا: استغفر الله العظيم ، بدأنا

-يونس: مبروك يا أدهم يا بني ، مبروك يا بتي ..

-أدهم: الله يبارك فيك يا حاج يونس

-صابر: مبروك يا عرايس ، أنا هاجيبلكم الشربات

-يونس: لأ يا صابر ، الوكل والشرب بتاع العرسان عندي أني

-أدهم: لا والله ، مافيش داع للتكليف ده كله ، احنا بس محتاجين نرتاح شوية وننام ، ولا انتي رأيك ايه يا عروسة

-يارا: اها

-يونس : ههههه حجك يا عريس

-المأذون: اتفضل يا بني ، دي الافادة بتاعك ، والقسيمة هتطلع خلال يومين ان شاء الله

-أدهم: اوك ، شكراً يا شيخنا ، تعبناك معنا

-المأذون: ولا تعب ولا حاجة ، أنا بس بوصيك بالزوجة زي ما الرسول عليه الصلاة والسلام وصانا

-أدهم: في عينيا والله

-يونس: يالا بيني يا بني ، أني هاحجزلك أجدعها أوضة عندي في الأكائدة

-أدهم: توشكر يا حاج يونس

-صابر: تؤمروني بحاجة تانية

-أدهم: متشكرين يا عم صابر ، نجاملك في الأفراح ان شاء الله

-صابر: ان شاء الله ، ومبروووك مرة تانية

-أدهم وهو يصافحه: الله يبارك فيك

دلف الجميع خارج مكتب المأذون ، ثم انطلق بعد ذلك أدهم ومعه يارا خلف الحاج يونس وتوجهوا إلى اللوكائدة حيث تنتظر ادهم ويارا مفاجآت جديدة و...

-يونس وهو يعطي مفتاح الغرفة لأدهم : اتفضلوا يا عرايس ، إمنورين الأكائدة

-أدهم: الله يكرمك يا حاج يونس

-يونس: العشا هيكون جاهز كمان اشوية

-أدهم: تمام يا حاج، وشوف حضرتك هتاخذ كام مننا

-يونس: ماشي يا بني

-أدهم: مش يالا بينا يا عروسة عشان نطلع أوضتنا نرتاح شوية

-يارا: أها

-يونس بصوت مرتفع وبحدة : عندك يا عريس

-أدهم بخضة: في ايه يا حاج يونس؟؟ وربنا ما عملت حاجة غلط ، دي ..دي مراتي ،

ده أنا جايبك معايا شاهد ع العقد يا حاج ، لحقت تنسى؟؟؟

-يونس ضاحكاً: هههههههههه ، لأ يا ولدي ، أني عارف ، أني بس كنت عاوز اجولك

حاجة

-أدهم: ايه يا حاج

-يونس: من عايدنا في بلدنا ان العريس يشيل عروسته ليلة دخلتهم

-ادهم: أها

-يارا محذرة أدهم وهي تنظر له : لا .. اياك تفكر في ده

-يونس مكملاً : يالا يا بني ، شيل عروستك واطلع بيها ع أوضتك

-يارا: شكراً يا حاج ، أنا مش عاوزة ، أنا بعرف أطلع لوحدي والله

-يونس: جرى ايه يا ولدي ؟؟ انت مش هتعمل اللي بجولك عليه ولا ايه ؟؟

-ادهم: لأ ازاي ، طبعا هعمل

-يارا وهي تتراجع للخلف : لأ

-ادهم وقد أمسك بيارا : استعنى ع الشقى بالله

حمل أدهم يارا على كتفه ، ثم توجه بها صاعداً إلى غرفتهم بالأعلى و....

-أدهم وقد حملها : بيقولك عاويدنا ومعرفش ايه ، انتي عاوزاه يطخني عشان انتي

مش موافقة ، لأ يا مدام ، أنا مش مستغني عن عمري

-يارا: نزلني ..!! لا لأ لأ لأ

-ادهم: متشكرين أحاج يونس ، ربنا يخليك للبشرية ، ومنتساش بقى العشا

-يونس: حاضر يا بني

-ادهم: تسلّم أحاج!!!!

.....

الحلقة الثامنة والستون :

في ألمانيا ،،،،

في أحد المستشفيات الخاصة ،،،

خرج أحد الأطباء وحاول أن يبلغ خالد بشأن حالة جاسر الصحية و...

-خالد: أنا مش فاهم حاجة ، طب أعمل ايه الوقتي ، **Do you speak English** ؟؟؟

-الطبيب: **Yes**

-خالد: الحمد لله ، **Can you tell me how is Gasser now** ؟ (هل يمكن ان

تخبرني عن حالة جاسر الآن)

-الطبيب: **His condition is suitable now** (حالته الآن مستقرة)

-خالد: **Do you mean that he will be okay** ؟ (هل تعني أنه سيكون بخير)

-الطبيب: **Sure**

-خالد: ثانكس ..

-خالد لنفسه: الحمد لله يارب ، الحمد لله ، يااااه ، أنا كنت خايف يحصلك حاجة يا

جاسر ، الحمد لله انها عدت ع خير

.....

في المستشفى الخاص بالقاهرة ،،،،

حاولت ناهد مراراً وتكراراً الاتصال بابنها جاسر ، ولكن للأسف الهاتف دائماً غير

متاح مما أثار الشك والريبة بداخلها و...

-ناهد في نفسها: مش بيرد ليه جاسر ، بقالي كتير عما أطلبه والتليفون يقولي غير

متاح ! طب هاعمل انا ايه الوقتي ؟؟ هاظن عليه ازاي ومن مين ؟؟ أنا السبب في

اللي حصل ده كله ، أنا بغبائي اللي ضيعت الدنيا ، ربنا يستر ، أنا مش مرتاحة ، حاسة

ان في حاجة غلط ... يا رب عديها ع خير ... !!!

.....

-فريدة: يعني ايه اخوك لسه ما بيردش

-عمر: والله أنا طلبته كتير وبيقولي الهاتف مغلق

-فريدة: طبعااا لازم يبقى مغلق ، طالما الزفتة دي معاه

-عمر: احم .. ما اسمهاش زفتة يا ماما ، اسمها يارا

-فريدة : اخرس

-عمر: حاضر

-فريدة: ممم... أنا لازم أكلم رأفت وأعرف منه إيه اللي بيحصل بالظبط

.....

طلبت فريدة رأفت هاتفياً لتستفهم منه عما يحدث و..

-فريدة هاتفياً بغضب: ألوووو

-رأفت: ايوه يا فريدة ، في حاجة حصلت تاني ؟

-فريدة: ازاي متقوليش ان أدهم مسافر مع الزفتة يارا

-رأفت: 100 مرة أقولك اسمها يارا ، مش زفتة ، وانها بنت أخويا الله يرحمه ، ده أنا
تعبت من كتر ما أنا عمال أفكرك

-فريدة: برضوه ماردتش ع سوالي ، ليه مقولتليش ان أدهم سافر معاها ???

-رأفت: آآآ... والله آآآ...

-فريدة بضيق: رد عليا يا رأفت وقولي

-رأفت: بصي هو الموضوع جه بسرعة ، واحنا اتلبخنا في ناهد واللي حاصل عندها ،
ف... فماجتش مناسبة

-فريدة: انت عارف اني مش بطيق البت دي ، فتروح باعتها مع ادهم ولوحدهم كمان

!!!!

-رأفت: ده شغل يا فريدة

-فريدة: والشغل ده فين؟؟ وهيقعد أد ايه؟؟

-رأفت: ده مؤتمر استثمار عقاري ، مدته يومين بالكثير

-فريدة: مكانه فين؟؟؟؟

-رأفت: آآ... في حته قريبة كده مننا

-فريدة: فين يعني؟؟

-رأفت: في الـ... في الغردقة

-فريدة : ايبيبيبية؟؟؟ بتقول ايه؟؟ الغردقة!!!

-رأفت: ايوه

-فريدة: وازاي توافق ان ابنك يروح مع البت دي لوحدهم المكان البعيد ده؟؟؟؟ ها!!!

-رأفت: ده مش بعيد يا فريدة ، وبعدين هو أنا بعثهم برا مصر ، دول هنا جمبنا ، يعني
فركة كعب

-فريدة بحنق : ازاي تبعت ابنك معاها؟؟؟ ازاي؟؟؟ مش خايف عليه منها؟؟؟

-رأفت بابتسامة : ابنك مايتخافش عليه ، ده طلع دماغ ، ومش أي دماغ كمان!!!

-فريدة: تقصد ايه يا رأفت؟؟؟

-رأفت: هه .. آآ... ولا حاجة يا فريدة ، ولا حاجة !

-فريدة: أه يا رأفت لو عرفت ان في حاجة بتحصل من ورايا ، مش هيحصل طيب

-رأفت: اطمني يا فريدة ، مش هيحصل غير كل خير ان شاء الله...!!

.....

في اللوكاندة ،،،

وصل أدهم إلى غرفته ، ورفض ان ينزل يارا حتى يفتح الباب ويصير كلاهما بالداخل
و...

-يارا بضيق: نزلني بقى

-أدهم: أما نخش جوا أوضتنا

-يارا: يوووو

-أدهم: الله ، انتي عاوزة الحاج يونس يزعل مني ، ده صعيدي ، يعني التار ولا العار !

-يارا: اووف

فتح أدهم باب الغرفة ودلف للداخل ، ثم أنزل يارا ..

-أدهم: منورة أوضتك يا عروسة

-يارا: ياباااي .. ده انت تزهب

-أدهم: شكراً شكراً

-يارا: أنا مش عارفة أيه اللي خلاني أوافق أصلاً ع اقتراحك ده ، عشان أبات في

أوضة أتنبيل أتجوز !!!

-أدهم: حكمة ربنا ، بتيجي ع أهون سبب .. اعترضني بقى !

-يارا: هي كلها كام ساعة وننتهي من المهزلة دي

-أدهم: قولي يا باسط

-يارا وهي تتأمل الغرفة: إيه منظر الأوضة دي

كانت الغرفة التي حجزها الحاج يونس لأدهم ويارا غرفة تمتاز بالأثاث القديم وشبه

المتهاك ، ألوانها كئيبة ، حتى شراشفها لا تبشر بخير و...

-أدهم بسعادة : دي أحسن أوضة عند الحاج يونس ، دي للعرايس اللي زينا كده

-يارا بدهشة : دي !!!!

-أدهم: اينعم ، ده كل حاجة فيها أنتيكا ، من أيام الحملة الفرنسية أو قبلها بشوية يعني ، الحقيقة هو مش متذكر الصراحة

-يارا : دي ..دي روبايكيا

-أدهم وهو ينفض أحد الملاعات : وده أكبر دليل على عبق التاريخ والتراث ، شامة العبق ! كح...كح ..كح

-يارا وهي تنفض الغبار عن وجهها : كح...كح ..آآآ... لأ واضح فعلا العبق ، ده ...ده ... كح ..كح .. ده احنا هنتخفق من الغبار والعفرة اللي مالية الأوضة

-أدهم: بقولك ايه ، أهى أي حاجة تقضي الغرض النهاردة وخلص ، مش احسن ما نبات في الشارع ، وأظنك عارفة اللي هيجصلك

-يارا: نعم ???

-أدهم: أنا معروف نهايتي هيدبحوني ، لكن انتي هيتسلوا عليكي وآآآ...

-يارا مقاطعة: بسسس .. خلاص !! مش عاوزة أسمع حاجة

-أدهم: براحتك .. أنا داخل الحمام

-يارا: طب بسرعة ، خليني أدخل أنا كمان ، لأحسن مش قادرة من الصبح

-أدهم: ع طول

دلف أدهم إلى داخل الحمام ، بينما ظلت يارا تنتظره وهي تتأمل الغرفة المتهالكة التي أجبرت أن تمكث بها ...

-يارا في نفسها: بقى دي الأوضة اللي ضحيت بحريتي ووافقت إنني أرتبط بأدهم عشانها ! استغفر الله العظيم ، ده النومه في الشارع أهون من المكان ده .. ايه المنظر اللي أنا شايفاه ، حاجة تقرف ! أنا مش عارفة ايه اللي خلاني أتسرع وأوافق ع الوضع ده !!..

خرج أدهم من الحمام وهو يحاول أن يحذر يارا من

-يارا: خلصت

-ادهم : اها

-يارا: طب حاسب بقي ، خليني اخش

-أدهم وهو يقف أمامها : احم... أنا بس يعني .. آآ... كنت عاوز أقولك يعني

-يارا: في ايه؟؟

-أدهم: يعني ان الحمام مش زي ما انتي فاكرة

-يارا: ليه ماله هو كمان؟؟

-ادهم: هو انتي لو شوفتيه هتنبهري انبهار ، يمكن تتشلي من الصدمة

-يارا: الله اكبرررر ، انت حد مسلطك عليا؟؟

-أدهم: لا والله ، بالعكس ده أنا عاوز مصلحتك

-يارا: مصلحة ايه دي اللي ليها علاقة بالحمام؟؟؟

-أدهم: احم.. آآ... بصي يعني حاولي تتخلي انك في العصر البدائي وكده ، فالناس وقتها كانت بتتصرف آآ.....

-يارا مقاطعة : بقولك ايه ، أنا مش فايقة لكلامك ده ولا لتخيلاتك الرهيبة ، وسع من طريقي

-أدهم: أنا بحاول بس يعني أنبهك وكده للي هتشوفيه عشان ماتتصدميش

-يارا: اوووف ، اوعى بقي

-ادهم وهو يفسح لها الطريق : براحتك .. أنا كده عملت اللي عليا

.....

في مستشفى الأمراض النفسية الخاصة ،،،

أفاقت شاهي لتجد نفسها في غرفة ما بمفردها ، لا تعلم أين هي ، فسألت الممرضة
عن

-شاهي: أنا... أنا فين؟؟؟

-الممرضة: ازيك يا أنسة شاهي

-شاهي: أنا... أنا بعمل .. ايه هنا؟؟؟

-الممرضة: انتي كنتي تعبانة شوية ، فمامتك وأخوكي جابوكي هنا عشان تبقى كويسة

-شاهي: مامي ! جاسر ! طب هما فين؟؟؟

-الممرضة: كمان شوية هيجوا ، ارتاحي انتي بس

-شاهي بخوف وقلق : أنا... أنا

-الممرضة: متخافيش أنا موجودة معاكي هنا ، وهما شوية وجايين ، اهدي بس
ومتقلقيش ، كل حاجة هتبقى كويسة

-شاهي وهي تنزع الغطاء عنها : لألأ... أنا عاوزة جاسر ، عاوزة مامي ، هما فييين
؟؟؟ فييين؟؟؟

-الممرضة: والله موجودين ، اهدي بس

-شاهي وهي تحاول النهوض من الفراش: لأ .. أنا عاوزاهم دلوقتي ، أنا عاوزة أمشي
من هنا !!

-الممرضة بصوت مرتفع وهي تحاول الامساك بها: اهدي بس ... يا سوسن، يا
فاااااطمة تعالوا بسرعة ساعدوني

دلفت ممرضتين اخرتين لداخل غرفة شاهي لمعاونة زميلتهن في الامساك بشاهي ،
ومن ثم طلبوا الطبيب الذي أمر باعطائها حقنة مهدئة اخرى

-شاهي: سيبوني ، سيبوووني ، أنا عاوزة أمشي من هنا ، عاوزة أرجع بيتنا تاني

-الطبيب: اهدي يا بنتي ، ان شاء الله هترجعي تاني

ثم سمع ادهم ويارا طرقات على باب غرفتهم ، فتوجه ادهم ناحية الباب ليفتحه ، فوجد الحاج يونس ومعه صينية عشاء و...

طق... طق... طق

-يارا: روح شوف مين بيخبط

-أدهم: طيب ، أيوووه ياللي ع الباب

-يونس: إمساء الخير عليكم يا عرسان

-أدهم: حاج يونس ، منور والله

-يونس: ايه رأيك في الأوضة

-ادهم: الصراحة مافيش حاجة بعد كده

-يونس: عشان تعرف بس أني مديك أحلى حاجة حدانا إهنة في الأكائدة

-أدهم: لأ واضح

-يونس: خُد يا ولدي الصينية دي

-ادهم: ده العشا صح

-يونس: إيوه ، حاجة ع ما أوسم إكده

-ادهم وهو يأخذ الصينية : كتر خيرك يا حاج ، والله تاعب نفسك

-يونس: لا متجولش إكده ، انت زي ولدي ..

-ادهم: الله يخليك يا رب

-يونس: وأنا عامل حسابي في وكل زيادة للعروسة عشان لو هي ماشية ع اللي

بيجولوا عليه ابنتة اليومين دول

-أدهم: ايه؟؟

-يونس: البتاع ده اللي بيخليهم كيف جريد النخل ، لا فيهم شحم ولا لحم

-أدهم: تقصد دايت يا حاج

-يونس: ايوه ، هو ده

-أدهم: توشكر يا حاج

-يونس: اشرب انت بجى الشورية وادعيلي

-أدهم بخبت: ده أنا هسفها سف

-يونس: ههههههههه ، مش هعطلك بجى ، خش جوا مع عروستك

-ادهم: حاضر

-يونس: ولو عوزت حاجة أني موجود

-ادهم: كتر خيرك ، احنا يدوب ناكل اللقمة ونام

-يونس: ماشي يا ولدي ، ربنا يهنيكم

-أدهم: الله يكرمك يا رب

انصرف الحاج يونس ، ثم أغلق أدهم باب الغرفة ووضع الصينية على الطاولة الصغيرة الموضوعه في الغرفة و...

-أدهم: العشا وصل

-يارا: طب بسرعة شيل الغطا اللي ع الصينية خرينا ناكل

-ادهم: ماشي

رفع ادهم الغطاء الموضوع على الصينية ليتفاجيء كلاً من أدهم ويارا بالعشاء

-يارا : لألاً .. يععع ... انت وقعته عليا

-أدهم: اووبا

-يارا: يامامي الدود ماشي عليا

-أدهم: اقلعي بسرعة القميص بتاعك ، ده ..ده منظره يقرف ، اوووبا ، دي دودة كبيرة اللي ماشية عليكي دي ، اووووف شكلها مقرف أوي

-يارا وهي تحاول نزع قميصها بسرعة: يااااي .. لألاً .. دود عليا ، الحقووني

-أدهم: هاتي أساعدك ، هاااتي

-يارا: انت السبب

-أدهم بابتسامة : وأنا مالي ، دي حتى بركات الحاج يونس ابتدت تشتغل أهي ..

اضطرت يارا أن تخلع قميصها المتسخ ، وتظل فقط بالبلوزة الكاب عارية الكتفين التي كانت ترتديها أسفل القميص و...

-أدهم وهو يتأملها : هيببيح

-يارا: بتبصلي كده ليه

-أدهم: هه .. بشوف إن كان في دود ولا لسه

-يارا وهي تنفض نفسها: يععع ، لسه في؟؟

-أدهم: لأ .. كده حلو أوي ..أوي أوي !

-يارا: اووووف ، بارد !

-أدهم: الحاج يونس كان موصيني أشرب الشورية

-يارا: أنا مش مطمئة للشورية دي ولا للحاجات اللي فيها دي ، شكلها غريب عليا

-أدهم: احم ...الظاهر انها شورية آآآ... كوارع

-يارا: شوربة رجلين !!

-أدهم: ايوووه ، هي دي ، اسمها كوارع ، ودي اللي فيها البهاريز كلها

-يارا: يادي القرफ

-أدهم: قرف ايه بس ، ده انتي مش فاهمة حاجة

-يارا: مش عاوزة أفهم

-أدهم: أتاري الحاج يونس موصيني أبدأ بيها ، الله يخليك آحاج يونس ، يا مظبط الشباب ، الله يخليك لمصر وتفضل دايماً كده رافع راسها لفوق

-يارا: ايه الكلام الغريب اللي بتقوله ده ، انت هتشرّب أصلاً البتاعة دي

-أدهم وهو يمسك بطبق الشوربة : طبعاً!!!!!! ، مش هاسيب فيها نقطة

-يارا بقرف : إيوو

-أدهم: مش ناوية تتعشي ؟

-يارا: لأ مش عاوزة ، أنا هاكل بس الفطير ده

-أدهم: غمسيه بالعسل والطحينة ، ويا سلام لو بالقشدة هيعجبك اوي

-يارا: اللي يشوفك وانت بتكلم عن الحاجات دي ، ميقولش عليك واد فافي ونايتي وبتاع نوادي

-أدهم: مين قالك كده ؟؟ لأ انتي لسه متعرفنيش.. يا بنتي ده أنا أعرف حاجات انتي ذات نفسك ماتعرفيهاش ، وجربت حاجات انتي لا تتخلي اني جربتها

-يارا باستغراب: سبحان الله

-أدهم: أنا لافيت كتير وزورت أماكن كتير أوي في مصر ، واعرف حاجات كتير عن مناطق زي كده ، فماتستغريش

-يارا: انا تعبانة وعاوزة أنام

-أدهم: اوك

-يارا: أنا هغسل ايدي ، وانام بقى لأحسن مش قادرة

-أدهم: ماشي

.....

في فيلا رأفت الصياد ،،،

اتصلت الممرضة من مشفى الأمراض النفسية الخاصة بهاتف فريده الرفاعي لتبلغها بما حدث مع شاهي ، ورغبة الطبيب في أن يلتقي بأحد أفراد الأسرة و...

-فريده هاتفياً: وده حصل امتي؟؟

-الممرضة : من شوية يا فندم ، والدكتور عاوز يشوف حد من عيلتها الوقتي لو أمكن

-فريده: تمام ، أنا جيالكم

-الممرضة: في انتظارك يا هانم

-فريده : طيب

طلبت فريده زوجها رأفت لتبلغه بأمر ذهابها إلى مستشفى الأمراض النفسية الخاص و...

-رأفت هاتفياً: لأ طبعاً لازم تروحي ، البنيت أصلاً متعرفش ان أمها في المستشفى ولا أخوها مسافر بره

-فريده: ايه ده هو جاسر مسافر بره

-رأفت: هه ... أقصد يعني عنده شغل في محافظة تانية ، مأمورية وكده

-فريده: في ايه يا رأفت وانت مخبيه عليا

-رأفت: مافيش يا فريده ، روعي بس انتي لشاهي ، وبعدين نتكلم

-فريده: أنا مش مرتحالك يا رأفت ، مش مبسوطة بالي بيحصل ، حاسة ان في حاجات كتير بتحصل من ورايا ، وانا معرفش عنها حاجة

-رأفت: ايه بس اللي بيخليكي تقولي كده

-فريدة: عمايلك انت و عيالك !

-رأفت: فريدة بقولك ايه ، أنا مضطر أقفل لأحسن عندي عملاء في المكتب ومش فاضي ، ابقى بس طمني على شاهي لما تروحيلها

-فريدة: ماشي يا رأفت ، ماشي

-رأفت: وخدي عمر معاكي

-فريدة: أكبيد طبعاً

-رأفت: اوك .. سلام

-فريدة: باي

-فريدة في نفسها بعد أن أنهت المكالمة : مش عارفة ليه حاسة أن رأفت مخبي عليا حاجات كتير ومش عاوزني أعرفها ، عمال بيلف ويدور عليا لما يسأله عن أي حاجة ! أنا لازم أعرف ايه اللي بيحصل بالضبط ..

.....

غسلت يارا يديها ، ثم وقفت في منتصف الغرفة لتقرر كيف سينام كلاهما في الغرفة و..

-يارا : ها هتعمل ايه ؟

-أدهم: في ايه ؟

-يارا: في النوم

-ادهم: ودي محتاجة سؤال ، هنام طبعاً

-يارا: أقصد يعني هتنام فين؟؟

-ادهم بخبث: انتي تحبيني أنام فين؟؟؟

-يارا: مش جمبي طبعاً

-ادهم: يا خسارة ، وأنا اللي كان عندي أمل

-يارا: لأ أمل طفشت ، هاه !! دماغك متروحش في حته بقى كده ولا كده

-ادهم: طيب ، يا خسارة الشوربة اللي شربتها ! راحت هدر ، وضاع الحلم يا ولدي

-يارا: بص أنا جسمي مكسر ، هنام ع السرير ، وانت ع الكنبة الأثرية اللي هناك دي

-ادهم: طب ما ننام احنا الاتنين سوا ع السرير ، ونخلي الكنبة الحزينة دي في حالها

-يارا: بقولك ايه ، أنا مش هاقعد أجادل معاك ، انا تعبانة من الصبح و عفاريت الدنيا

بتتنطط في وشي

-أدهم:وليه يتتنططوا ، ما تقوليهم يقعدوا بدل ما هما خايلينك كده

-يارا: ارحمني بقى

-ادهم: خلاص ماشي ، ولا هزعلك انتي ولا عفاريتك المأططين اللي زيك

ذهب ادهم لينام على الأريكة الشبه أثرية ، بينما توجهت يارا لتنام على الفراش
المتهالك ذو الشراشف القديمة و

-يارا بقرف لشراشف الفراش: ياااي ، ملايات شكلها يقرف ، متغيرتش بقالها زمن

-أدهم: لو مش عاجبك السرير ، تعالي نامي جمبي

-يارا: ده لو آخر مكان في الدنيا ، مش هاجي فيه طبعاً

-ادهم: خلاص براحتك ، بس مترجعيش تقولي والنبي يا ادهم ، الحقني يا ادهم

-يارا: ملكش انت دعوة بيا ، ونام

-ادهم: ماشي

-يارا: لأ ، اصحى وشوف حل للمصيبة اللي أنا فيها

-أدهم: not my business

-يارا: اووف ، طب هاعمل انا ايه الوقتي؟؟

-أدهم وهو يتقلب على الأريكة : اظفي بقى النور ، وخليني أنام ع كنبتي حبيبتى ،
وانجوي يا بيبي مع صرصور الحقل!!!!

.....

الحلقة التاسعة والستون :

في اللوكاندة ،،،

-يارا: انت هتنام وتسيبني كده

-أدهم: أيوه

-يارا: لأ ، اصحى وشوف حل للمصيبة اللي أنا فيها

-أدهم: not my business

-يارا: اووف ، طب هاعمل انا ايه الوقتي؟؟

-أدهم وهو يتقلب على الأريكة : اظفي بقى النور ، وخليني أنام ع كنبتي حبيبتى ،
وانجوي يا بيبي مع صرصور الحقل ...!!

-يارا: هو ايه اللي كنبتي حبيبتى ،اصحى كده وفوقلي

-ادهم: يوووه ، علوزاني أعملك ايه ، انا تعبان وعاوز أنام

-يارا: يعني يرضيك أنام ع الأرض

-ادهم: لأ طبعاً

-يارا: طب ما تخليك حلو كده وتروح انت تنام ع السرير

-ادهم: قصدك اللي كان سرير

-يارا: مش مهم ، بس روح انت نام عليه ، ماشي ؟

-ادهم: تو .. أنا مبسوط بالكنبه بتاعتي دي

-يارا: ما تعمل حاجة لله بقى

وبينما كانت يارا تتحدث إليه ، لمح أدهم شيئاً ما يتحرك ببطء بجوار يارا وعلى مقربة منها

-ادهم وقد لمح شيئاً ما : آآآ... يارا .. آآآ

-يارا: أنا هفضل كده يعني أتحايل عليك للصبح

-أدهم: يارا .. آآآ

-يارا: انت مافيش حاجة تعملها أبداً من غير ما أفضل أذن عليك فيها

-ادهم: شششش .. ممكن تسمعيني

-يارا بنرفزة : في ايه ؟؟ عمال تقول يارا من الصبح ، في ايببييه ؟؟؟

-ادهم: هو أنا لو قولتلك ع حاجة كده صغيرة ممكن تصوتي ؟؟

-يارا: حاجة ايه دي اللي ممكن تخليني أصوت ؟؟

-أدهم: أصل .. آآآ... احم .. آآآ

-يارا مقاطعة : في ايه تاني غير البلاوي السوداء اللي شوفتها هنا ؟؟ قول ؟؟؟

-أدهم: وماله ، شوفي خدودك احمرروا ازاي

-يارا وهي تتحسس وجنتيها : هه.. ده.. ده من التوتر

-أدهم: وماله

-يارا: ايبيه في ايه؟؟ انت هتمسكهالي ذلة ولا ايه؟؟

-أدهم بخبت : عيب عليكى

-يارا: احم...

-أدهم : خد الجميبييل يا حلاوة

-يارا: أفندم؟؟

-أدهم: بقول انا عاوز اكل خد الجميل ، عادي يعني

-يارا: اوووف

-أدهم: خد الجميبييل .. خد الجميبييل

-يارا: بسسس

-أدهم: مش بيفكرك بحاجة كده كنتي قرفاني بيها ،باطل باين ، ايوه هي باطل

-يارا: مكنتش كلمة

-أدهم: ماشي .. يا ... يا خد الجميل

-يارا: أنا عارفة اني مش هخلص منك

-أدهم: طبعاً!!!

-يارا: المهم شوف حل في النوم ، انا مش هنام هنا مع البرايص ولا الصراصير ، وماخفي كان أعظم

-أدهم: ايوه فعلاً مايصحش تنامي مع كل دول ، انتي تنامي معايا أنا

-يارا: اتلم

-يارا بضيق : ادهم ، انا تعبانة ومش فايقة للمتاقرة معاك
-أدهم: وانا الصراحة الصحة ردت فيا بعد شوربة الكوارع وعاوز آآ...
-يارا: لأ ده أنا أنام مع البوريصة أهون ، اوعى كده أنا قايمة هنام ع السرير
-ادهم: خلاص .. خلاص .. مش هاتكلم ! مايهونش عليا تسيبني وتنامي مع البوريصة
، ده انا حتى أموتها ! أل بوريصة أل ... !!!!

.....

في مستشفى الأمراض النفسية الخاصة ،،
توجهت فريدة بصحبة عمر لرؤية الطبيب المشرف على حالة شاهي و..
-فريدة: خير يا دكتور ، حضرتك كنت عاوزنا في ايه
-الطبيب: حضرتك مامت شاهي ؟
-فريدة: لأ أنا فريدة هانم الرفاعي خالتها وزى مامتها بالظبط
-الطبيب: أها ، أهلا وسهلاً بحضرتك
-فريدة: مالها شاهي ؟
-الطبيب: شاهي للأسف بتعاني من حالة نفسية سيئة ، ومحتاجة مجهود كبير وتعاون
من جانب عيلتها معانا عشان نقدر نوصل لنتيجة
-فريدة: طب حضرتك قولي ايه المطلوب واحنا نعمله على طول
-الطبيب: شاهي ثقها في اسرتها اتهزت ، وخصوصاً والدتها ، وده اللي عامل الأزمة
عندها ، واحنا محتاجين نعيد بناء الثقة دي تاني من أول وجديد ، وإلا ممكن شاهي
تفكر تنتحر تاني
-فريدة: ابيه

-الطبيب : ايوه يا هانم ، الموضوع مش سهل وهياخد وقت ، وبالتالي أي تعاون من جانب حضراتكو في الوقت ده مهم جداً

-فريدة : أها

.....

في غرفة شاهي ،،،

توجه عمر إلى غرفة شاهي لكي يطمئن عليها ، وحزن كثيراً لرؤيتها في تلك الحالة ، فلم يكن عمر يتخيل ان تلك الفتاة الراقدة على الفراش هي من كانت تتسبب في اذاء الاخرين و...

-عمر: سبحان الله ، فعلاً دوام الحال من المحال ! مين كان يتصور ان شاهي اللي كانت السبب في أذية خلق الله تبقى راقدة بالشكل ده لا حول لها ولا قوة ، ربنا يشفيكي يا شاهي ، رغم اني مكونتش طايقك وكان بيجي عليا أوقات ببقى عاوز أخنقك فيها ، بس مرضلكيش الصراحة الرقدة دي ، ربنا يزيح عنك ويرجعك لعقلك تاني يا شاهي يا بنت ناهد !

.....

في ألمانيا ،،،

في المستشفى هناك ،،،

استطاع شرودر بفضل علاقاته واتصالاته الواسعة أن يتحرى عن الأوراق التي أخذها من فيلا عدلي وناهد ، وتوصل إلى معلومات خطيرة فذهب مرة أخرى للمستشفى الراقد به جاسر ليبلغ خالد بما توصل إليه من معلومات و...

-شرودر : مستر خالد

-خالد: خير يا مستر شرودر ، وصلت لحاجة؟؟؟

-شرودر: بلى ، لقد حصلت عل معلومات خطيرة بشأن أدلي سوف تدينه بشدة

-خالد: عظيم اووي

-شرودر: لا تقلق مستر خالد ، إنها فقط مسألة وقت حتى يتم اصدار أمر بالقبض على أدلي هنا

-خالد: احنا مش عاوزينه يتقبض بس عليه هنا ، لأ وفي مصر كمان

-شرودر : سيحدث هذا ، وسترى

-خالد: يا رب ، طيب بالنسبة لميراث يارا رفعت الصياد ؟

-شرودر: لقد أبلغت المحامي الخاص بي بأن ينتهي من المعاملات الخاصة بتسليم ميراث الليدي يارا في أقرب وقت ممكن

-خالد: بجد مش عارف أقولك ايه يا مستر شرودر ، حضرتك سهلتنا أمور كثير

-شرودر: أنا لم أفعل شيء هام

-خالد: لأ ازاي .. متقولش كده ، ده انت عملت كل حاجة

-شرودر: وكيف حال قريبك ؟

-خالد: الحمد لله ، الدكتور طمني ، وحالته بقت مستقرة

-شرودر: هذا خبر عظيم

-خالد: يقوم بس بالسلامة ، ونرجع القاهرة تاني واحنا معانا كل حاجة ، ورق اتهام الزفت عدلي ، والورق الخاص بجواز ناهد من رفعت ، وبعد كده الباقي سهل ان شاء الله يتحل

-شرودر: أها

.....

في المشفى التي ترقد بها ناهد ،،،

حاولت ناهد أن تتصل مرة اخرى بجاسر ، وكان الأمر كمان هو (الهاتف غير متاح) ، لقد انتابها القلق كثيراً ، لذا لم يعد أمامها أي خيار آخر سوى الاتصال برأفت ومحاولة معرفة اي شيء عن ابنها منه

-ناهد هاتفيا: ألو..

-رأفت: ناهد ! خير؟؟ في حاجة حصلت

-ناهد: آآ.. ر..رأفت بيه ..ممكن أطلب منك خدمة

-رأفت: اه طبعا

-ناهد: أنا... أنا عاوزة أعرف ابني فين ؟

-رأفت: ما أنتي عارفة يا ناهد ، هو في ألمانيا ، وأظن انه كان متفق معاكي انه يسافر ألمانيا

-ناهد: أيوه .. أنا.. أنا عارفة انه في ألمانيا ، بس.. آآ... بس المشكلة اني بطلبه .. وهو مش...مش بيرد عليا

-رأفت: ممم...

-ناهد: أنا خايفة عليه اوي .. خايفة عليه من عدلي يكون عمل فيه حاجة

-رأفت: عدلي !

-ناهد: أيوه ، هو هددي لو جاسر مرجعش القاهرة هي... هيموته !

-رأفت: ايبيه؟؟ طب وهو عرف ازاي انه في ألمانيا

-ناهد: أنا.. أنا غلطت بلساني وقولتله ده ، وهو ب.. بصراحة السبب اني في المستشفى دلوقتي

-رأفت: انتي غلطانة يا ناهد باللي عملتية ده ، انتي عارفة عدلي ده ايه؟؟ ده شيطان ! يعني ممكن يعمل حاجة في ابنك عشان يحمي نفسه

-ناهد: أنا عارفة اني غلظت ، بس أرجوك يا رأفت بيه ساعدني أعرف أي حاجة عن ابني ، أنا.. أنا هتجنن وأسمع صوته ، وهو تليفونه مقفول يا غير متاح ، أرجوك يا رأفت ، أنا مستعدة أعمل اي حاجة بس ساعدني

-رأفت: طب خلاص ، أنا هكلم خالد وهشوف الدنيا ماشية ازاي واطمنك

-ناهد: الله يخليك يارب ، طمني ، أنا هتجنن عليه

-رأفت: حاضر ان شاء الله

انهى رأفت مكالمته الهاتفية مع ناهد ثم قرر أن يتصل بابنه خالد ليطمئن منه على أحواله هو وجاسر

.....

في ألمانيا ،،،

رن هاتف خالد برقم والده ، فأجاب الاتصال الدولي عليه و...

-خالد: الوو ، ايووو يا بابا

-رأفت: ازيك يا بني ، وحشتني والله ، اخبارك ايه

-خالد: الحمدلله

-رأفت: ها وصلتوا لحاجة ؟

-خالد: يعني الحمدلله ، أدينا شغالين

-رأفت: ربنا يوفقكم يا رب ، المهم جاسر فين؟؟؟

-خالد بتوتر: هه.. آآآ.. جاسر

-رأفت: ايوه ، اصل خالتك ناهد هتجنن عليه ، وهو مش بيرد عليها

-خالد: اها

-رأفت: فمعلش يا بني من عندك انت ، خليه يكلم امه يطمئنها

-خالد: أصل آآ... آآ

-رأفت: في ايه يا بني ؟

-خالد: بصراحة يا بابا ، في حاجة حصلت ، بس أنا مش عاوزك تغلق

-رأفت: في ايه ؟؟ طمني !

-خالد: احنا انضرب علينا نار

-رأفت بخضة: ايببييه ؟؟؟ انضرب عليكو نار ؟؟ طب انت كويس يا بني ؟؟؟

-خالد : الحمدلله يا بابا ، أنا كويس ، بس .. آآ... جاسر هو اللي انصاب

-رأفت: يا ساتر يا رب ، طب وهو عامل ايه الوقتي

-خالد: الحمدلله ، حالته مستقرة ، بس آآ..

-رأفت : ايه تاني ؟؟؟

-خالد: يعني قدامنا كام يوم كده لحد ما يشد حيله ويخرج من المستشفى ، فطبعا مش هيقدر لا يكلم امه ولا أي حد ، أحنا مش قايلين لحد عن اللي حصل يا بابا

-رأفت: اها

-خالد: طب وهنعمل ايه مع خالتي

-رأفت: مش عارف ، بس اللي فهمته منها ، ان عدلي مستحلف لجاسر لو فضل في ألمانيا

-خالد: هو نفذ مخططته معانا يعتبر ..

-رأفت: الكلب الجبان

-خالد: بص يا بابا في حاجات كتير هنا احنا لسه احنا بنحاول نظبطها

-رأفت: اها

-خالد: ومستر شرودر بيحاول يخلصنا حاجات كتير عشان ننجز في الوقت

-رأفت: تمام

-خالد: المهم يعني أنا بس عاوزك تبلغ خالتي ان جاسر موصلش لحاجة ، وعنده مشكلة في الباسبورت بتاعه ويومين وهيرجع عشان متقلقش

-رأفت: اها .. تمام هبلغها

-خالد: وهو لما يفوق ان شاء الله هيكلها

-رأفت: بأمر الله ، جاسر يا بني

-خالد: ايوه يا بابا

-رأفت: أنا.. أنا عاوزك تخلي بالك من نفسك

-خالد: حاضر يا بابا ، اظمن ، احنا بنعمل كل ده عشان مين؟؟ مش عشان يارا

-رأفت: اها.. طب بمناسبة يارا أنا .. احم .. انا كنت عاوز أعرفك حاجة حصلت النهاردة

-خالد بلهفة : خير يا بابا ؟ في حاجة حصلت ليارا وأنا معرفش؟؟؟ قولي ومتخابيش عليا؟؟؟

-رأفت: آآآ... يارا وأدهم

-خالد: مالهم؟؟؟ قول يا بابا على طول متخضنيش

-رأفت: هما .. آآآ... اتجوزوا النهاردة !!

-خالد بصدمة : ابييييه؟؟؟ اتجوزوا!!!

.....

الحلقة السبعون :

في ألمانيا ،،،

كان خالد يتحدث مع والده هاتفياً حينما أبلغه بخبر زواج أدهم ويارا ...

-رأفت: اها.. طب بمناسبة يارا أنا .. احم .. انا كنت عاوز أعرفك حاجة حصلت
النهاردة

-خالد بلهفة : خير يا بابا ؟ في حاجة حصلت ليارا وأنا معرفش ؟؟؟ قولي ومتخابيش
عليا ؟؟؟

-رأفت: آآ... يارا وأدهم

-خالد: مالهم ؟؟؟ قول يا بابا على طول متخضنيش

-رأفت: هما .. آآ... اتجوزوا النهاردة !!

-خالد بصدمة : ايبيبيه ؟؟؟ اتجوزوا ؟؟؟

-رأفت: أيوه

-خالد بضيق: ايه الكلام اللي انت بتقوله ده يا بابا ، يعني ايه اتجوزوا ؟؟؟؟

-رأفت: يعني اتجوزوا يا بني

-خالد: وده حصل امتي وازاي ؟؟؟؟ قولي يا بابا ماتسبنيش كده

-رأفت: آآآ... الظروف اضطريتهم يتجوزوا يا بني

-خالد: ظروف ايه دي اللي تخليهم يتجوزوا ؟؟؟ فهمني يا بابا لو سمحت !

-رأفت: أما ترجع بالسلامة ان شاء الله هاقولك

-خالد بنرفزة : تقولي ايه بالظبط ، ما اللي حصل حصل ، وخلص اتفض المولد

-رأفت: يا بني اهدى

-خالد بضيق: لعبتها صح يا أدهم وعرفت تتجوز يارا ، عرفت ازاي تستغل إنني مش

موجود وبدور ع حقها وتلف عليها !!!

-رأفت: يا خالد اسمعنى ، اللي حصل مش كده

-خالد: أسمع ايه يا بابا تاني ، هو في كلام بعد اللي انت قولته ده يتقال !

-رأفت: يا بني محدش عارف الخير فين ولا آآآ...

-خالد مقاطعاً : خلاص يا بابا ، الكلام مش هيفيد بحاجة دلوقتي ، أنا موجود هنا ومش عارف أتصرف ، بس ليا لي كلام مع ادهم أما أرجع مصر تاني !

-رأفت: والله يا خالد ، أدهم كان مض...

-خالد مقاطعاً : مافيش داعي تبرر موقفه ، أنا بس اللي مستغربه ازاي يارا توافق تتجوزه ؟؟؟ وليه أصلاً ترضى بيه ؟؟؟

-رأفت: ظروف يا بني !

-شرودر بصوت عالي من بعيد: مستر خالد ، أريدك في شيء ما

-خالد: حاضر يا مستر شرودر

-خالد: أنا هاقفل دلوقتي يا بابا ، وبعدين نتكلم وتفهمني كل حاجة

-رأفت: حاضر يا بني

-خالد: والله العظيم أنا ما لاقى كلام أقوله ، هاقول ايه بس ، مش عارف أنا بجد مصدوم ، ومش مستوعب والله اللي بتقوله !!!!!

-رأفت: اهدى بس يا بني ، وركز في اللي وراك عشان ترجعلنا بالسلامة

-خالد: ربنا يسهل ، سلام دلوقتي

-رأفت: الله يسلمك يا بني

-خالد في نفسه بعد أن أنهى المكالمة : ازاي ده حصل ؟؟ ازاي ادهم قدر يقنع يارا انها تتجوزه ، دي ...دي كانت رافضة مبدأ الجواز خالص ؟؟؟ ازاي ؟؟ ازاي ترضى تتجوز ، لأ ومن أدهم !! أنا مش فاهم حاجة ...

-شرودر: مستر خالد

-خالد: أيوه ، حاضر

-شرودر: معذرة ، ولكن لدي أخبار جيدة

-خالد: قول يا مستر شرودر

-شرودر: لقد علمت من مصادر مقربة لي في الشرطة أنهم يجرون حالياً تحقيقاً موسعاً حول مستر أدلي ، ولديهم من الأدلة ما يدينه ، ولكنهم ينتظرون القاء القبض عليه خلال اتمامه للصفقة الجديدة

-خالد: عظيم

-شرودر: لماذا لا أراك سعيداً

-خالد: هه ، ولا حاجة

-شرودر: يبدو أن أحد ما قد أبلغكم أخباراً تحزنك

-خالد: عادي يا مستر شرودر

-شرودر: لا تقلق مستر خالد ، كل شيء سيصبح على ما يرام

-خالد: يا ريت

.....

في فيلا رأفت الصياد ،،،

طلب رأفت ناهد ليطمئننها على جاسر و...

-رأفت هاتفياً: أيوه يا ناهد

- ناهد بلهفة: الووو ، ايوه يا رأفت بيه ، ها عملت ايه ???
- رأفت: جاسر كويس الحمد لله ، بس مشغول
- ناهد: مشغول ?? طب ليه مش بيرد عليا
- رأفت: هه.. يعني هو آآ.. عنده مشكلة كده وهيحلها
- ناهد بقلق: مشكلة ايه دي
- رأفت: آآ.. أعتقد حاجة خاصة بالباسبورت بتاعه
- ناهد: أها .. طب قولتله يرجع ??? قولتله يسببه من أي حاجة ويرجع مصر تاني
- رأفت: ايوه ، ان شاء الله خلال يومين هيرجع
- ناهد: طب مش ناوي يكلمني ???
- رأفت: آآ.. ربنا يسهل
- ناهد: نفسي أسمع صوته أوي وأطمئن عليه
- رأفت: ان شاء الله هيكلمك ، اصبري ، وكل حاجة هتعدي
- ناهد: يا رب استرها على ولادي يااااا رب

.....

في صباح اليوم التالي ،،

في اللوكاندة ،،

استيقظت يارا بعد ليلة شبه متعبة وغير مريحة على الأريكة ، كانت يارا تحاول النهوض ولكن على ما يبدو أن جسمها تيبس لنومها لفترة طويلة على نفس الجانب و...

-يارا متألمة: آآه .. مش قادرة

-أدهم: مالك

-يارا: حاسة ان جسمي قفش في بعضي

-أدهم: من النوم العجيبة اللي كنتي نايمها

-يارا: هه

-أدهم: في حد ينام زي القوقعة كده ، ده انتي متحركتيش ولا ثانية حتى

-يارا: اها

-أدهم: ده أنا قلقت عليكى والله ، وشكيت انك تكوني نايمة أصلاً جمبي ع الكنبه

-يارا: هي دي نومتي ، أنا مبعرفش أنام جمب حد ، وبعدين أنا آآه .. كنت باخد حذري منك ، مش ضمناك وانت نايم

-أدهم: مش ضمناي !! ممم...

-يارا: آآه ... جسمي

-أدهم: أديكي قفشتي في بعضك

-يارا: آآه ، مش قادرة

-أدهم: تعالي أما أعملك مساج

-يارا: نعم؟؟ بتقول ايه؟؟؟

-أدهم: ده انا غرضي شريف وربنا ، عشان تفكي بدل ما تمشي مشضضة في بعضك كده

-يارا: لأ .. شكراً

-أدهم: يا بنتي اسمعي الكلام ، ده أنا حتى ايدي حنينة !

-يارا: لأ

-أدهم: ما تبقاش دماغك ناشفة بقى ، افردي ضهرك كده ع الكنبه وانا هظبطك

- اضطرت يارا أن تمدد جسدها على الأريكة لكي يحاول أدهم أن يقوم بتدليكه و...
- يارا: اتفضل ، بس بالراحة
- أدهم وهو يقطع أصابعه: عيب عليك ، بركاتك يا حاج يونس
- بدأ أدهم في تدليك جسد يارا وخاصة منطقة الكتف والرقبة و...
- أدهم بسعادة : يا سلاااام
- يارا: في ايه
- ادهم: احم.... هه ، لأ مافيش
- يارا: طب انجز
- أدهم رافضاً : لالالا ، أنا لازم أدي الشغل حقه ، كله إلا الكروته ، أنا ضد المبدأ ده ، لازم الواحد يتقن في عمله
- يارا: آآآها ، وانت في الحاجات دي ضميرك بيصحى
- ادهم: يااااه ، ده انتي متعرفنيش ، ده انا لو ضميري ميت ، ساعة القفش قصدي الشغل بيصحى وبيحب يدي بزيادة
- يارا وقد نهضت من مكانها : طب خلاص كفاية
- أدهم: الله ، ده أنا ملحقتش أكمل
- يارا: كفاية عليك كده
- ادهم: يا خساااارة ، الشغل الطري بيخلص بسرعة
- يارا: أفندم
- ادهم: هه .. ولا حاجة

-يارا: طب يالا بقى ، لأحسن انا اتخنت وزهقت من المكان ده ، وعاوزة أسيبه
وأمشي بقى

-ادهم: ليه بس ده أنا حتى ملحقتش أخذ ع الجو، ده المكان مناسب أوي

-يارا وهي تتجه ناحية الباب : لو عاجبك اقعده فيه لوحك ، لكن أنا هامشي من هنا

-ادهم: استني عندك ، انتي هتنزلي كده

-يارا وهي تنظر لنفسها : هه .. آآآ .. احم ، لأ طبعاً

-ادهم: هو مش معنى اني راجل سبورت ، إنني أقبل ان مراتي تنزل بالشكل ده

-يارا: طب بالمناسبة بقى ، عاوزين نعدي ع المأذون

-ادهم: ليه

-يارا: عشان ننهي المسألة بتاعة مراتي دي

-ادهم: اها .. ربنا يسهل

-يارا: طب يالا ، وانا هاتصرف وألبس أي حاجة

-أدهم بضيق: ماشي

-يارا لنفسها : أنا مضطرية ألبس القميص ده تاني ، اوووف ، ريحته تقرف ، أما
أبص فيه كويس لأحسن يكون فيه دود ولاحاجة

-أدهم: ريحته تقرف ، معفن ، بدود ، ببلاوي سودة مش مشكلة ، المهم مافيش نزول
كده أبداً

-يارا: طيب ، أنا قولتلك حاجة

-ادهم: ماشي ، أنا هاسبقك ع تحت

-يارا: اوك

نزل أدهم إلى الطابق الأسفل وقابل الحاج يونس الذي شكره ع حسن الاستقبال والضيافة ...

-يونس: ها يا ولدي اتبسطت ؟

-أدهم: الحمد لله ، مافيش بعد كده

-يونس: ما تجعدلك يومين كمان ولا حاجة

-ادهم: كده تمام أوي

-يونس: ماشي يا ولدي ، ابراحتك !

انهى أدهم حسابه مع الحاج يونس، ثم انتظر يارا التي نزلت على الفور وكان على وجهها علامات الضيق ..

-يارا وقد نزلت للأسفل: مش طايقة نفسي

-أدهم: يلا يا يارا ، أنا حاسبت الحاج يونس وخلصت معاه خلاص

-يارا: ماشي ، يالا بينا ، أنا عاوزة أروح الغردقة ، بس قبلها نعدي ع المأذون الأول !

-ادهم: ربنا يسهل ، احنا بس نشوف العربية بتاعتنا ان كانت جت عند القسم ولا لسه ، وبعد كده نشوف اللي ناقص ،

-يارا: ماشي

بالفعل توجه الاثنين إلى قسم الشرطة ، ووجدا السيارة هناك ، استلمها ادهم وتأكد من وجود متعلقاتهم وحقائبهم الشخصية بها ، فشكر الضابط ..

-أدهم: شكراً يا حضرت الظابط

-الضابط: ها ، كل حاجة تمام ؟

-أدهم: ايوه ، كله تمام

-الضابط : اوك

-ادهم: اركبي يا يارا

-يارا: اوك ، خلىنا بقى نعدي ع المأذون

-أدهم: هه ... السعادي ، ده زمانته لسه مجاش

-يارا: برضوه ، هنستناه

-أدهم: ممم.. طيب

توجه أدهم مع يارا إلى مكتب المأذون ، ولكنه كان مازالت مغلقاً ، فاقترحت يارا على أدهم أن يجلسا على القهوة لبعض الوقت حتى يفتح المأذون مكتبه و...

-أدهم: اهوو ، الحمدلله ، لسه المكتب مقفول

-يارا: مش مشكلة هنستناه !

-أدهم: في الشارع كده

-يارا: ايوه

-أدهم: لأ ما يصحش ، احنا نروح نشوف ورانا ايه ، وبعد كده نبقى نعدي عليه

-يارا: لأ انا مش همشي من هنا إلا لما نخلص من الموضوع ده

-أدهم: افرضي أعد للعشا ومافتحش هنفضل كده

-يارا: ان شاء الله للسنة الجاية

-ادهم: يا رب مايفتح

-يارا: بتقول حاجة !

-أدهم بضيق: لأ

-يارا: طب ايه رأيك نروح نقعد ع القهوة اللي هناك دي ناكل حاجة لحد ما يفتح
المأذون

-ادهم: أنا ع آخر الزمن مراتي تقعد ع قهوة

-يارا: ودي فيها ايه؟؟ مش احسن ما نفضل أعددن كده للي رايح ولا للي جاي

-ادهم: يووووه

-يارا: بص أنا عارفة انك مخنوق وطرشان زيي ، وأنا كمان تعبت من الحكاية دي ،
فخلينا نصبر شوية لحد ما ننتهي خالص من الموضوع ده

-ادهم: ماشي ، تعالي ، أنا هركن العربية قصاد القهوة ، ونطلب اللي عاوزينه ، وناكله
واحنا جوا ، ماشي

-يارا: اوك

انطلق أدهم بالسيارة ناحية المقهى الشعبي القريب ، ثم ترجل من السيارة ليحضر ما
طلبتة يارا من طعام للافطار و...

-أدهم: خليكي هنا لحد ما أجيب الأكل

-يارا: طيب

-أدهم وهو داخل القهوة: سلامو عليكمو

-صابر: و عليكم السلام يا بني ، ازيك ؟

-أدهم: الحمد لله يا عم صابر

-صابر: أو مرني يا بني

-ادهم: بقولك ايه يا عم صابر ، انا عاوز منك خدمة كده

-صابر : خير

-ادهم: بص عاوزك تيجي كمان شوية ليا هناك كده ، يعني وأنا أعد في العربية وتقول
اللي هاقولك عليه بالظبط

-صابر: ليه

-ادهم: معلش خدمة لله

-صابر: ماشي يا بني

-ادهم: الله يكرمك يا رب ، بس أوعى تنسى يا عم صابر لأحسن تضيعنا

-صابر: سيبها على الله يا بني

وبعد أن انتهى ادهم من شرح ما يريد للعم صابر ...

-أدهم: فهمت يا عم صابر

-صابر: اها ، بس أصلاً المأذون زمانته فتح ، ده ماشاء الله الشيخ بيصلي الفجر
ويفتح

-أدهم: شوف أنا بقوله ايه وهو بيقول ايه ، يا عم صابر أنا مش عاوزك تيجب سيرة
أنه فاتح أصلاً

-صابر: طيب

-أدهم: اعمل بس اللي بقولك عليه ، خلي الليلة تعدي ع خير

-صابر: ماشي

عاد ادهم إلى السيارة مرة أخرى بعد أن غاب لفترة ، ثم حرك سيارته ناحية الجهة
الخلفية لمكتب المأذون و ..

-يارا: ايه اللي أخرك كل ده

-أدهم: مش عقبال ما بجيب الطلبات

-يارا: طلبات ايه اللي تاخذ كل ده، ده بسكويت وشاي ، يعني مش وجبة لا سمح الله

-أدهم: هاعمل ايه المياح كانت مقطوعة فكنت مستنيها تتخبط

-يارا: تتخبط ! بايخة ع فكرة !

-ادهم: يا بنتي اضحكي ، خلي اليوم يعدي

دار أدهم بالسيارة خلف المكتب و...

-يارا باستغراب: انت حركت العربية ليه ???

-ادهم: الشمس جامدة

-يارا: شمس ايه اللي جامدة ، ده احنا كنا واقفين في الضلة

-ادهم: هنا أحسن ، وأمن

-يارا: أمن من ايه ???

-ادهم: هه .. ولا حاجة

-يارا: أنا تعبت وزهقت ، وعاوزة أخلص من الموضوع اللي خانقتي ده

-أدهم مدعياً عدم الفهم : موضوع ايه

-يارا: انت فاهم قصدي كويس

-أدهم: أها ... تقصدي المأذون

-يارا: ايوه ، كويس انك فهمت

-أدهم:ربك يسهلها من عنده

-يارا: ياباااي ، ده الواحد حاسس انه مخنوق ، محتاج فعلاً ياخذ حرите

-أدهم في نفسه: هو احنا لحقنا ، ايبيه يا عم صابر اللي أخرك كل ده ، او مال لو

مكونتش موصيك تيجي بعد ما أمشي بـ 5 دقائق

-صابر : سلامو و عليكو

-ادهم: اخيراااا ، ده انا كنت فقدت الأمل

-يارا: في ايه

-ادهم: هه ، مافيش

-صابر: ايه يا جماعة اللي موقفكم هنا ؟

-ادهم : أصلاً مستنين مكتب المأذون يفتح

-صابر: لأ هو مش هيفتح دلوقتي

-يارا: اوك ، هنستناه برضوه

-ادهم: احم ... ايه يا عم صابر؟؟ بس كده ، انت وقفت لحد هنا وخلص ، مافيش أي
اضافة تانية

-صابر وهو يحاول التذكر : آآ... هه

-يارا: ماله ده

-أدهم: اصبري عليه هو هيفتكر كان هيقولنا ايه

-يارا: مممم..

-صابر: انا فاكرا انت كنت قولتلي أقولك آآ....

-ادهم مقاطعاً: ايوه يا عم صابر أنا كنت بقولك ع الشاي ، ها الشاي ، هيتأخر ، بلاش
تودينا في داهية بذكانك ده

-صابر: ايوه ، ايوه افتكرت

-أدهم: الحمد لله ، قول بقى الله يكرمك

-صابر: انتو مستنين المأذون صح

-يارا: أها

-صابر: هو مش هيفتح دلوقتي ..

-أدهم: بس كده !! ده اللي ربنا قدرك عليه !! ايه الجديد بقى اللي قولته ؟؟؟؟

-صابر: لأ يا بني في حاجة تانية

-أدهم: يا مسهل يارب وتفتكرها

-صابر: أه ، وآآآ... وهو مش هيفتح طول اليوم

-أدهم : الحمدلله ابتدت تندع

-يارا : ليه ؟

-صابر: اصله باين ، انت كنت قولتلي يا بني انه... انه آآآ... مات

-أدهم: مات ايه يا عم صابر ، مش ده اللي اتفقنا عليه خالص ، افكر الله يكرمك

-يارا: اييه مات ؟؟؟

-أدهم: لألألأ.. هو مايقصدش كده ، هو يقصد انه كان ميت من التعب ، صح يا عم صابر

-صابر: ايوه ، ايوه هو كده

-يارا: مش مشكلة ، احنا برضوه هنستناه

-أدهم: أيوه وأهوو يكون صحى من الموت براحته ، عم صابر مش فاكّر حاجة تانية تقولها قبل ما تمشي وترجع قهوتك؟؟ سفر ، هيغيب .. كلام كده ، هاااا ، ركز !!!

-صابر: ايوه، خلاص يا بني ، الحمدلله افكرت

-أدهم: يا رب ما نروح في داهية

-صابر: هو مش هيفتح مكتبه قبل كام يوم ع الأقل

-أدهم بفرحة : الحمدلله ، ليه بقى يا عم صابر ، كمل الجملة للأخر

-صابر: أصله قال هيغيب بتاع يوم يومين

-يارا: هيغيب ??? طب ليه ???

-ادهم: ما تبجح ايدك شوية يا عم صابر ، خليها اسبوع حلو

-صابر: اسبوع ، اسبوعين

-يارا: اسبوع !!!!

-ادهم: ويمكن شهر شهرين ، سنة سنتين

-يارا: ليه ???

-صابر: وراه شغل في حنت تانية

-أدهم : الله يعينه ، أنا رأيي نمشي الوقتي ونرجعله يعني بعد بتاع 7 ولا 8 ولا نقول
15 سنة يكون فتح كده وخلص الشغل اللي وراه

-يارا: استنى بس يا أدهم

-صابر: تؤمرني بحاجة تانية يا بني ???

-أدهم: لأ يا عم صابر ، كده رضا أوي

-يارا: انا مش فاهمة حاجة

-ادهم: مش فاهمة ايه بس يا يارا ، الراجل بيقولك ان المأذون تعبان وعنده شغل
ومش راجع الوقتي خالص

-يارا: يعني ايه الكلام ده ???

-ادهم: يعني هو مش فاضي

-يارا: لالالالالا .. أنا مش ينفع معايا اللي بيتقال ده ، انا كنت عاوزة أخلص من الحكاية
دي قبل ما أروح المؤتمر

-ادهم: فكرتيني بالمؤتمر

-يارا: هاتلنا رقم المأذون نكلمه ، ابوه أنا كنت فاكرة ان ليه تليفون ع اليافطة بتاعته

-ادهم وهو يقود السيارة: اووبا ، ده احنا تأخرنا اوي ، نتكلم في السكة

-يارا: استنى يا أدهم ، ماتمشيش من هنا ،أنا عاوزة اكلم المأذون

-أدهم: ياااااه ، ده المؤتمر زمانته متعطل عشاننا

-يارا: ماتتوهش في الحوار ، اركن العربية الأول

-ادهم: اوووبا ، ده اقتصاد مصر هيبوظ

-يارا: أدهم !!!

-ادهم: كله إلا الشغل يا يارا !!!

انطلق أدهم بالسيارة وهو متجاهل تماماً لما تقوله يارا التي كادت أن تجن مما فعل خاصة أنها لمحت المكتب مفتوح و...

-يارا: انت قاصد تمشي من هناك

-أدهم: قاصد ايه بس ، ده انا يهمني الصالح العام

-يارا: انت مش عاوز تطلق صح ???

-ادهم: ليه بس بتقولي كده

-يارا: باين عليك ، انت وعدتني على فكرة وحلفت انك هتطلقني

-ادهم: هبقى اصوم 3 أيام

-يارا: نعم ???

-ادهم: اقصد عليا 3 أيام عاوز أعوضها

-يارا بضيق: انت كنت بتشتغلني صح ???

-ادهم: هه

-يارا: وحوار الراجل صاحب القهوة ده فكسان ???

- ادهم وهو يعني : تراااااا ر ااا
- يارا بنرفزة : أدهم رد عليا
- ادهم: نعم ، عاوزة ايه
- يارا: انت هتطلق امتي
- ادهم: ربنا يسهل
- يارا: امتي يعني ???
- أدهم: ما أنا قولتلك ربنا يسهل ، ماتزنيش بقى كتير
- يارا: انت وعدتي ، هترجع في كلامك
- ادهم: أرجع ايه بس في كلامي ، ما أنا روحت معاكي عند المأذون ومكنش موجود
- يارا: انا حساه فيلم كان معمول عليا
- ادهم: فيلم ايه بس
- يارا: معرفش بس ده اللي وصلني
- أدهم : بقولك ايه خليني أركز في الطريق لأحسن ممكن نعمل حادثة
- يارا: نعمل حادثة ازاي ، والطريق شبه فاضي ومافيش حد إلا احنا
- ادهم: الحادثة بتحصل في ثانية
- يارا: أدهم ، لف وارجع تاني للمأذون ، أنا عاوزة أتأكد بنفسي ، مش مرتاحة للي حصل
- ادهم: حاضر ، نخلص بس المؤتمر وبعدين ألف وأرجع
- يارا: يا أدهم
- ادهم : ياااااااااا ، متلبوخنيش خلي أعرف أسوق

-يارا: طيب ماشي ، بس مهما عملت برضوه مش هتعمل غير اللي انا عاوزاه وبسس
!!!

-أدهم: ان شاء الله

-أدهم في نفسه : ابقى قابلني لو فكرت أصلاً اطلقك!!!

.....

الحلقة الحادية والسبعون :

وصل أدهم ويارا إلى الغردقة ، كانت يارا ترغب في أن تغير ملابسها وهيئتها المزرية ، فطلبت من ادهم ان يوصلها إلى منزلها ، كانت تلك هي المرة الأولى لأدهم التي يزور فيها منزل يارا و...

-يارا: بقولك ايه

-أدهم: ايوه

-يارا: أنا عاوزة أخذ شاور ، وأغير هدومي

-أدهم بخبث : عاوزاني أساعدك ؟

-يارا: لأ ، متشكرين ، أنا أقدر أعمل كدع بنفسي

-أدهم: يا خسارة ، وأنا اللي كنت عاوز أعمل خير

-يارا: وصلني من فضلك بيتي ويبقى كده عملت فيا معروف

-أدهم: ماشي انت تؤمر يا ... يا خد الجميل

-يارا: برضوه

-ادهم: حلاوتك وانت متعصب !

أوصل ادهم يارا إلى منزلها ، ثم ترجل من السيارة و...

-يارا: انت رايح فين؟؟

-ادهم: طالع معاكي

-يارا: نعم؟؟ طالع معايا فين؟؟؟

-ادهم: فوق

-يارا: ده اللي هوا ازاي يعني

-أدهم : زي الناس

-يارا: لأ معلش ، انت تستنى هنا ، وأنا هاطلع لوحدي

-ادهم: ودي تيجي برضوه

-يارا: لأ تيجي ونص ، انت عاوز الجيران تتكلم عليا وتقولي مين ده؟؟

-ادهم : وفيها ايه لما يتكلموا

-يارا: فيها كتير ، دي سمعتي

-أدهم: وانتي جايبه حد من الشارع ، ده أنا جوزك

-يارا: أها ... قولتلي بقى ! التمثلية السخيفة دي مافيش داعي نتمادي فيها ، احنا كنا

مضطرين لده ، ولا أنت نسيت؟؟؟

-أدهم: آآ.. أنا مانستش ، بس برضوه يعني

-يارا: لولا ان المأذون مش موجود كان زمان الموضوع انتهى

-ادهم بصوت هامس: وان شاء الله مش هيبقى موجود

-يارا: بتقول ايه

-ادهم: بقول أنا...أنا..أه .. أنا مزنوق ومحتاج أخش الحمام ضروري

-يارا: اتصرف في اي حته ، وانا مالي !

-أدهم: وده يصح برضوه ؟؟ انتي ترضهالي

-يارا: معاك ... أه أرضى أوي

-ادهم : اخص !

-أحد الجارات من بعيد: مش معقول يارا !

-يارا بتوتر: هه ... آآ... ازي حضرتك يا طنط سامية

-الجاره سامية سامية: ازيك يا بنتي ، وحشانا كثير ، فين أراضيكى ؟؟؟

-يارا: انا الحمدلله تمام

-الجاره سامية : أعدة فين دلوقتي ؟؟ أنا سمعت انك روحتي أعدتي عند عمك باين

-يارا: أها

-الجاره سامية: ها رجعتي تاني هنا ؟؟ ولا ناوية تقعدى هناك ؟؟

-يارا: لسه مش عارفة

-الجاره سامية: ربنا يصلح حالك يا بنتي ، بس مال شكك مبهدل كده

-يارا: آآ... الطريق وكده

-الجاره سامية: ايوه يا حبيبتي ، تلاقىكي محتاجة ترتاحى

-يارا: ايوه

-ادهم متدخلأ في الحوار: فعلاً ، والله كلنا محتاجين نرتاح يا حاجة

-الجاره سامية وهي تنظر لأدهم : مين ده ؟

-يارا: ده .. ده .. آآآ .. ابن عمي

-الجاره ساميه وهي تتفحصه من رأسه لأخمص قدميه : أها .. ابن عمك ! مممم...
قولتيلي

-أدهم مصافحاً إياها: أنا أدهم الصياد ابن عم يارا

-الجاره ساميه: أها .. أهلا بيك

-ادهم مضيفاً: وجوزها كمان

-يارا بدهشة: هااه

-الجاره ساميه بفرحة وهي تقبلها من وجنتيها : بجد ؟؟ ايه ده انتي اتجوزتي يا بنتي
، ألف ألف مبروووووك ، والنعمة فرحتك من قلبي

-يارا: آآآ....

-أدهم: شكراً يا حاجة

-الجاره ساميه: بس اتجوزتي امتي ؟؟

-أدهم: احنا اتجوزنا امبارح وجايين نقضي شهر العسل هنا

-ارا: نعم ؟؟ شهر عسل مين ؟؟؟

-الجاره ساميه: يا طعامتكم يا حبايبي ، معنى كده انكو لسه عرسان جداد

-يارا: أها

-ادهم: اه والله ، لسه عرسان طازه

-الجاره ساميه: ربنا يهنكم يارب

-أدهم: أمين

-الجاره ساميه : أكبيد انتي يا بنتي صاحبة فكرة انك تيجي هنا صح ؟

-يارا بصدمه: آآآ.. أنا .. آآآ

-ادهم وهو يضم يارا بذراعه : لأ أنا الصراحة صاحب الفكرة ، أصلي عارف أد ايه
يارا كانت مرتبطة بالمكان ، فقولت نيحي نقضي يومين هنا

-الجارا سامية: فيك الخير يا ابني والله ، أصيل بن اصول

-أدهم: شكراً يا حاجة

-الجارا سامية : لازم تيجوا تتغدوا عندي بقي

-ادهم: مافيش داعي والله

-الجارا سامية: لا والله مايصحش أبداً ، ده انتو عرسان جداد ، والحاجة نجاة الله
يرحمها كان خيرها ع الكل ، وده ندر عليا من زمان ، يوم ما يارا تتجوز أنا أحضرلها
أكل العرسان بنفسي

-أدهم: أها

-يارا: خلاص يا طنط، احنا أصلاً مش هنطول هنا كتير

-الجارا سامية : كده يا بنتي ، عاوزة تزعليني منك

-ادهم: لالالا يا يارا ، مايصحش تكسفي الحاجة ، ده كله إلا الندر

-الجارا سامية: قولها يا ابني

-ادهم: خلاص احنا جايبين ، بس خليها ع العشا

-يارا: عشا؟؟؟

-ادهم: ايوه ، نكون ارتحنا من السفر

-الجارا سامية: صح ، ده انتو جايبين من مشوار يهد الحيل

-أدهم: ايوه

-الجارا سامية: أنا هستناكو بالليل تنوروني ، او عوا ماتجوش

-ادهم: لأ ازاي ، واحنا نقدر ، صح يا يارا؟؟

-يارا: أها...

-الجارا سامية: ماشي يا ولاد ، مش هعظلكم ، بس متنسوش ، مستنياكوا بالليل

-أدهم: ان شاء الله

-الجارا سامية : مع السلامة يا ولاد

وما إن انصرفت الجارة سامية حتى انفجرت يارا في أدهم و...

-يارا: ايه اللي انت هبته ده

-أدهم: عملت ايه ؟؟؟

-يارا: ازاي تقول لطنط سامية اننا متجوزين ؟؟

-أدهم: او مال اقولها ايه ؟؟ احنا متصاحبين

-يارا: برضوه مكونتش تقولها كده ، اهو زمانت مصر كلها عرفت

-أدهم: يعني هاوقف سوقك لا سمح الله !

-يارا : اوووف ، انت عارف انت عملت ايه دلوقتي

-أدهم: عملت ايه ؟؟؟

-يارا: انت فضحتني في المنطقة كلها

-أدهم: ليه بس ؟؟؟ مش احسن ما تظن فيكي السوء

-يارا: ياريتها كانت ظنت السوء ، كان هيبقى أرحم ، لكن ملاقتش إلا طنط سامية دي

وتقولها

-أدهم: خلاص بقى ، أهو اللي حصل ، وبعدين ما أنا بقولك تاني مش أحسن ما كانت

طلعت عليكى كلام بطل

-يارا: ياريتها كانت قالت عني أي حاجة ولا طلعت البلى الأزرق

-أدهم: في ايه لكل ده

-يارا: أصلك لو تعرف طنط سامية زي ما كل الناس تعرفها هتعدرنى

-ادهم: مالها يعني

-يارا: بجانب انها رويتر ونقالة كلام ، فهي الله اكبر حسودية

-ادهم: يا ساتر يا رب

-يارا: استلقى بقى وعدك يا حلو معاها

-ادهم بقتل: حسودية

-يارا: ده اقل حاجة عندها

-ادهم: عادي ، هو أنا بيهمني حاجة

-يارا: والنصيبة انك صممت اننا ناكل عندها كمان

-ادهم: اهوو اللي حصل

-يارا: افلتت انا منها ازاي دلوقتي

-ادهم: عزومة تفوت ولا حد يموت

-يارا: تعلاي هنا صحيح ، انت ازاي أصلاً تحدد ان العزومة ع العشا

-ادهم: احم.. أصل أنا تعبان ، و...وآآ.. محتاج ارتاح شوية

-يارا وهي تتجه لمدخل العقار: أنا طالعة أغير هدومي ورايحة المؤتمر ، وماليش

دعوة بيك ، عاوز تصرف امورك ، صرفها براحتك بعيد عني !!!!

-أدهم وهو يتبعها : ماشي

-يارا: انت رايع فين ؟

-ادهم: طالع معاكي

-يارا: نعم ???

-أدهم: مش بقولك عاوز أرتاح

-يارا: ما ترتاح بس بعيد عن هنا

-أدهم: نعم ???

-يارا: اللي سمعته

-ادهم: اها .. قولتيلي ، بصي يا يارا ، أنا كده كده طالع معاكي فوق ، توافقى بقى ولا ترفضى ، أو حتى تتشقلبي في مكانك ، أنا طالع يعني طالع ، فمن الآخر كده يا نطلع سوا بهدوء ، يا برضوه هنطلع سوا بس بفضيحة ، وأنا مش هيهمني ، الكرة في ملعبك واختاري !

-يارا: يا رب أخلص منك ياااا رب

-ادهم بهدوء: ان شاء الله ... مش هيحصل !

.....

في ألمانيا ،،،،

في المشفى الخاص ،،

استعاد جاسر وعيه ، ودلف إليه خالد ليطمئن عليه و...

-خالد : ألف حمدلله ع سلامتك يا جاسر

-جاسر: الله ..الله ي...يسلمك

-خالد: أنا كنت هاموت من القلق عليك ، الحمدلله انها عدت ع خير

-جاسر: ال...الحمدلله

-خالد: في أخبار كتير كويسة حصلت ، وان شاء الله قريب نمسك الزفت عدلي ونخلص منه القديم والجديد

-جاسر: اها .. خير

-خالد: وبالنسبة لورقك فهو معايا ، وان شاء الله أما تشد حيلك كده وتقوم بالسلامة
نكمل بقية موضوعك

-جاسر : تـ..تمام ... خالد !

-خالد: ايوه

-جاسر: أنا ..انا متشكر أوي ..ع ..ع وقفك معايا

-خالد: متقولش كده يا جاسر ، ده أنت أكثر من اخويا

-جاسر: ربنا..يخليك .. بس... بس انت شكل في حاجة مـ...مضايقاك

-خالد: هه.. لأ عادي

-جاسر: في..ايه .. حصل يا خالد ???

-خالد: مافيش يا جاسر

-جاسر: مـ...ماتخبيش عليا لو أنا... أنا فعلا زي أخوك

-خالد بحزن: اصل .. أصل..آآآ... يارا

-جاسر بخضة : مال يارا ؟؟ مالها ؟؟؟ حصلها حاجة ؟؟؟ الكلب عدلي..آآآ... اتعرضلها

-خالد: لألألأ ، اظمن يارا محصلهاش حاجة

-جاسر: او مال

-خالد: أصل ...آآآ... هي اتجوزت

-جاسر بدهشة: اييه ؟؟ اتجوزت

-خالد: ايوه

-جاسر: طب..ده ..ده حصل امتى وازاي ؟؟؟ ومين أصلاً ده اللي اتجوزته

-خالد: هي .. اتجوزت .. آآآ.. أدهم

-جاسر: مين ؟؟؟ أدهم !!!

-خالد: اها !

-جاسر: مش معقول

-خالد: ده اللي حصل

-جاسر: طب لبيبيه ???

-خالد: معرفش ، بس .. بس بابا قالي انهم اضطروا لكده

-جاسر: ايه اللي خلاهم ...ي..يعملوا كده

-خالد: معرفش

-جاسر: اكيد في حاجة حصلت وهما مش عاوزين يقولولنا ، طب وانت محاولتش ..تعرف يا خالد السبب

-خالد: بصراحة أما سمعت خبر جوازهم مكنش عندي أي رغبة اني أسمع أي حاجة

-جاسر: اها

-خالد: وفي حاجة تانية عاوز أقولهالك

-جاسر: ايه هي ???

-خالد: مامتك

-جاسر: ناهد هانم ! مالها هي كمان ???

-خالد: هي بتسأل عليك وهموت وتعرف أي حاجة عنك ، أنا وصيت بابا ميقلهاش عن اللي حصلك

-جاسر: وانت ليه تقوله يا خالد ، كده هتقلقهم بزيادة علينا

-خالد: ماكنش ينفع مقولهمش

-جاسر: ممم...

-خالد: المهم امك كانت عاوزة تظمن عليك وتسمع صوتك

-جاسر: اها

-خالد: معلش يا جاسر ، عشان خاطري أنا كلمها

-جاسر: بعدين

-خالد: يا عم الست هتتجنن عليك ، ريحها الله يكرمك

-جاسر: اوووف ، ماهي السبب في كل اللي احنا فيه

-خالد: معلش ، عشان ربنا يرضى علينا ويسهلنا الأمور ، برضوه مهما عملت
وغلظت هي هتفضل أمك .. وهي ملهوفة ع أخبارك ، بلاش تكون قاسي عليها ، كفاية
اللي هي فيه

-جاسر مستسلماً : لا حول ولا قوة إلا بالله ، هات موبايلك

-خالد: اتفضل يا جاسر

طلب جاسر والدته هاتفياً و...

-جاسر هاتفياً: الووو

-ناهد بلهفة: ج... جاسر

-جاسر: ايوه يا ...يا ناهد هاتم

-ناهد: حبيبي يا بني ، ياااااه ، كنت مشتاقة أوي اني اسمع صوتك ، طمني عليك انت
كويس؟؟ عامل ايه؟؟ صحتك تمام

-جاسر: ال..الحمد لله

-ناهد: جاسر يا حبيبي ، أنا.. أنا عاوزاك ترجع تاني مصر ، سيب كل اللي في ايدك
وتعالى ، أنا...انا خايفة عليك اوي

-جاسر: متخافيش عليا ، أنا ..انا بخير

-ناهد: أنا عارفة اني غلظت ، واني استاهل كل حاجة تجرالي ، لكن يا بني مقدرش أستحمل أي حاجة تجراك انت ولا اختك .. عدلي ده انسان جبان وواطي ممكن يعمل اي حاجة عشان مصلحته

-جاسر: والله حضرتك السبب في ده ، مش انا ! وأنا يدوب بحاول آآ...

-ناهد مقاطعة: سيبك من أي حاجة وارجع ! ارجع عشان خاطر اختك لو حتى مش عشاني

-جاسر: اخواتي يا ناهد هانم ... شاهي و...و يارا !!

-ناهد: اخواتك الاتنين محتاجينك

-جاسر: وأنا عشان خاطر اخواتي محتاج اثبت اني أخو يارا

-ناهد: أنا.. أنا خايفة عليك ، مش عاوزة حاجة تحصلك

-جاسر: اطمني ، عمر الشقي بقي

-المرضة بصوت مرتفع : ناهد هانم ، ميعاد الدوا بتاع حضرتك جه ، والدكتور منبه يتاخذ عشان هنروح نعمل الأشعة

-ناهد: حاضر

-جاسر مستفهماً: دوا ايه ، وأشعة ايه اللي بتكلم عنها الست دي؟؟

-ناهد: آآآ... ما... ما فيش حاجة يا بني

-جاسر: انتي فين بالظبط؟؟

-ناهد: أنا ... آآآ...

-جاسر: لوسامحتي يا ماما من غير ما تقولي أي حجج ، من فضلك قوليلي دوا ايه اللي الست دي بتكلم عنه ، وأشعة ايه اللي المطلوب عملها

-خالد: كلنا مش هنرحمه ...!!!

.....

في منزل يارا بالگردقة ،،،،

دلفت يارا إلى داخل منزلها ، ظلت واقفة للحظات تتذكر حياتها مع جدتها في ذلك المكان ، وقف أدهم صامتاً يشاهدها ، بدأت الدموع تتجمع في عيون يارا حينما أدركت انه هذا المكان اصبح حالياً بلا حياة بعد وفاة جدتها نجاة و... .

-ادهم: يارا !

-يارا والدموع تترقق في عيونها : البيت من غيرها ميت ، مالوش حياة

-أدهم: ادعيها بالرحمة

-يارا: كل حاجة هنا فيها ريحتها ، فيها روحها

-ادهم: هي في مكان أحسن دلوقتي

-يارا: وحشتني أوي يا نوووجة ، نفسي أبقى في حضنك تاني

جلست يارا على ركبتيها باكية ، فجلس ادهم بجوارها ثم أحاطها بذراعيه و...

-يارا ببكاء : ليه يا نوووجة سيبتيني لوحدني

-ادهم وهو يحضنها : انتي الوقتي مش لوحديك ، أنا معاك

-يارا: كان نفسي تشاركيني كل حاجة ، تفرحي لفرحي ، تشوفيني وأنا بثبت نفسي في شغلي وبحقق كل احلامي

-ادهم: هي أكيبيد حاسة بكل ده

-يارا: ليبه؟؟؟ ليبه سيبتيني

-أدهم وهو يربت على ظهرها : خلاص يا يارا ، متعمليش في نفسك كده يا حبيبتي

-يارا: انت بتعمل ايه

-أدهم مدعياً البراءة : عيطي يا يارا ، كملّي يا حبيبتي

-يارا وهي تحاول أن تتحرر منه : اوعى كده

-ادهم: كملّي ، انتي وقفتي ليه

-يارا: انت قافش فيا كده ليه ، اوعى

-أدهم وهو يحكم قبضته : أنا الصدر الحنين ، عيطي يا شابة ، فضفضي وطلعي كل اللي جواكي

-يارا بعد أن دفعته بكل قوة : اوعى بقى

-أدهم: مالك بس

-يارا: انت ايه ما بتصدق !

-ادهم: ده أنا بحاول بس أهون عليكي ، بس الظاهر ان تعاطفي لوحده مش كفاية

-يارا: تهون عليا ولا مصدقت أنا بعيط فقولت تستغني وأنا مش واعية

-ادهم: بلاش الكلام ده ، عشان أنا لو عاوز أستغلك كنت استغليتك من بدري ، ماشي !

-يارا: ربنا يهون باليوم ده كمان ، خليني أخلص بقى

-ادهم: طب وسعي شوية ، خليني أخش الحمام

-يارا: ع فكرة ده بيتي أنا

-ادهم: وبيتي انا كمان

-يارا: من امتى ان شاء الله ??

-ادهم: والله طول ما احنا متجوزين ، فكل حاجة بالنص بينا ، ماشي يا ... يا خد الجميبييل

-يارا: بطل بقى !

-أدهم: هاتقوليلي فين مكان الحمام هنا ولا أكتشفه بنفسي؟

-يارا: ع ايدك الشمال

-ادهم: شكراً

.....

خرج ادهم من الحمام بعد أن اغتسل ،

-يارا: خلصت

-ادهم: الحمد لله ، ده الواحد حاسس انه كان معفن ، وبقاله سنين ماستحماش

-يارا: ماشي ، اتفضل بقى انزل شوفلنا حاجة ناكلها

-ادهم: انا جسمي مكسر ومحتاج اريح ، وبعدين خلىنا خفاف عشان عشا بالليل
عن الست الحسودية

-يارا: وأنا هفضل كده جعانة لحد بالليل ، انزل هات اي حاجة من المطعم اللي قصاد
البيت

-أدهم: عشان خاطرك بس يا قمر

-يارا: يا ريت متتأخرش ، أنا عاوزة أكل وألحق البس عشان أروح المؤتمر اللي مش
مكتوبلي أحضره ده

-أدهم: حاضر ، أنا نازل

.....

دلفت يارا إلى الحمام ، كان ادهم على وشك النزول للأسفل حينما تذكر أنه نسي
محفظته بداخل الحمام ، لذا قرر أن ينتظر يارا لحين خروجها من الحمام ثم ينزل
ليشتري الطعام

قضت يارا وقتاً طويلاً بالحمام ، حيث حاولت أن تسترخي في بانيو الحمام لفترة بعد أن ملأته بالماء الساخن ، لتنفذ عن نفسها ارهاق اليومين الماضيين ، وتستعد للقدام ، وما إن انتهت حتى خرجت منه وهي ترتدي (البورنس) الخاص بها ، ثم توجهت إلى غرفتها لتتفاجيء بوجود أدهم بالداخل و...

-يارا بصدمة: انت... انت بتعمل ايه هنا في اوضتي؟؟ انت .. انت المفروض تكون تحت

-أدهم: اصل نسيت محفظتي جوا في الحمام ، فقولت استناكي لما تخلصي

-يارا: يا سلاالم ،وملاقتش إلا اوضتي وتستناني فيها

-أدهم مدعياً الجهل: ايه ده ، هي طلعت دي اوضتك ، مكونتش أعرف

-يارا: ليه مش باين عليها !

-أدهم: لأ أنا قولت دي بتاعة عيلة صغيرة

-يارا: طب اتفضل لو سمحت أنا عاوزة ألبس

-أدهم بابتسامة : حاضر

خرج أدهم من الغرفة ووقف في الصالة ينتظر ردة فعل يارا بعد أن ترى ما فعل بملابسها و...

-يارا بصريخ: أدهم!!!

-أدهم: احم .. ايوه ، في حاجة

فتحت يارا باب غرفتها بعصبية وهي تمسك في يدها قطع من الملابس و...

-يارا: ايه دول؟؟؟

-أدهم: معرفش ، قوليلي انتي

-يارا: انت فتحت دولابي ولعبت فيه؟؟؟

-أدهم: ان شاء الله يا رب آآ... آآ... أنا أعمل كده؟؟ لالالا ... هذه ليست أخلاقي

-يارا: لأ دي أخلاقك كويس ، أنا فهماك ، انت استغلّيت اني كنت في الحمام وفتحت دولابي ولعبت فيه

-أدهم: أنا !

-يارا: أيوه انت ، فين هدومي يا أدهم

-أدهم: ماهي في ايدك

-يارا: لأ مش دول ، أنا أقصد هدومي الثانية، راحت فين

-أدهم: الله اعلم

-يارا: انا الدولاب بتاعي كان مليون هدوم ع أخره ، راحوا فين؟؟

-أدهم: العلم عند الله

-يارا: أدهم أنا مابهررش

-أدهم: يمكن كالتهم العتة

-يارا: والله !! وهي العتة بتاكل الهدوم بالشكل ده؟؟؟

-أدهم: اكيببييد ، لو كانت جعانة

-يارا: انت بتستعبط

-أدهم: لأ

-يارا بنرفزة : اطلع بالهدوم يا أدهم

-أدهم: فتشيني ، ولو لاقيتي معايا حاجة يبقالك الكلام

-يارا: والله العظيم أنا عارفة انك ورا الحكاية دي ، فهمني أنا هلبس ازاي الهدوم دي

؟؟ لأ وقصادك كمان !!!

-أدهم بفرحة: وفيها ايبييه ؟؟؟ ده انا حتى مش غريب دلوقتي

-يارا: احترم نفسك ، وقولي وديت الهدوم فين

-ادهم: ممم... مش هاقولك

-يارا: يعني انت اللي خدتهم

-أدهم: ايوه

-يارا وهو تحاول أن تأخذ نفساً طويلاً: بص أنا مش هتعصب ولا حاجة ، انا عاوزاك
تقولي حطيتهم فين !

-ادهم محاولاً اغاظتها : تو ، مش هاقولك ، أصل الصراحة أنا .. أنا كبرت في دماغي
اني أتجوز بجد!!!!!!

.....

الحلقة الثانية والسبعون :

في منزل يارا بالگردقة ،،،

-يارا وهو تحاول أن تأخذ نفساً طويلاً: بص أنا مش هتعصب ولا حاجة ، انا عاوزاك
تقولي حطيتهم فين !

-ادهم محاولاً اغاظتها : تو ، مش هاقولك ، أصل الصراحة أنا .. أنا كبرت في دماغي
اني أتجوز بجد!!!!!!

-يارا وهي تتراجع للخلف : آآ.. افندم؟؟ ايه الكلام ده

-أدهم وهو يقترب منها : أصلهم يقولوا الجواز حلو ، وانا عاوز أعرف ايه الحلو اللي فيه

-يارا وهي مستمرة في التراجع : بس.. آآآ... احنا مش .. مش متجوزين .. ده .. ده آآآ...

-أدهم وقد جذبها إليه : عارف كل اللي هتقوليه ، ومش فارق معايا ، آآآ...أنا عاوز آآآ...

-يارا وهي تحاول التحرر منه : لو سمحت ... سييني آآآ...

-ادهم: لأ مش هاسيبك ، ده أنا مصدقت انك بقيتي في حضني

-يارا: ابعد عني ، انت اتجننت عشان تعمل كده

-أدهم: الجنان لسه مجاش ، بس انا عاوزك تعرفي اني لو عاوز أقرب منك محدش هيحوشني عنك

-يارا: آآآ... ابعد .. بعد اذنك

-ادهم: بس أنا عاوز أقرب منك ، ومش عاوز ابعد خالص

-يارا: وأنا لأ ..

-أدهم: ليه بس ، ده أنا حتى القرب مني .. آآآ... حلو

-يارا: لأ مش عاوزة الحلو ده

-أدهم: يا بنتي ده كتير اتمنوا يبقوا في مكانك ، ويمكن لو عرفوا بانك اتربعتي ع عرش قلب أدهم الصياد هيحسدوكي ع كده

-يارا: وأنا مش عاوزة أكون واحدة من الكتار دول ، ولا عاوزة حد يحسدني ع أي حاجة ، أنا عاوزة أكون لوحدي.. !

-أدهم: بس أنا مش عاوز إلا انتي

-يارا: يووووه ، أنا مش بحب كده

-أدهم وقد تركها: ع العموم أنا سايبك براحتي ، مش لحاجة ، بس لأن الحاجة لما
تيجي بالمزاج والرضا بتكون أحسن بكتير من اللي يجي غصبانية
-يارا: هه..

-أدهم: أنا نازل أجيبلنا أكل ، وبعد كده جهزي نفسك عشان نشوف المؤتمر
-يارا: اها

.....

في فيلا رأفت الصياد ،،،،

كادت فريدة أن تجن من غياب أدهم ويارا سوياً ، بالاضافة لعدم اتصال أدهم بها إلى
الآن و...

-فريدة: أكبييد البت دي عملت في ابني حاجة ، مش بعيد تكون عملتله غسيل مخ ،
ماهو مش معقول يقعد يومين من غير ما يكلمني ويطمني فيها عليه ، انت السبب يا
رأفت ، اه لو كنت أعرف قبل ما يسافر أدهم بانها معاه ، كنت منعته من انه يطلع برا
الفيلا أصلاً

-صباح: أجهز ع الغدا ايه النهاردة يا فريدة هانم؟؟؟

-فريدة بعصبية : اي زفت وخلص

-صباح: ح... حاضر يا هانم

-عمر: مالك يا ماما ، متضايقه ليه؟؟ في حد قالك حاجة تزعل

-فريدة: البيه ادهم أخوك لحد الوقتي لا حس ولا خبر

-عمر : ايوه طبعاااا ، زمانته هايص مع المهلبية ، هيبقى فايقلنا ازاي

-فريدة: بتقول ايه؟؟

-عمر: بقول ده تلاقيه مطحون شغل ع الآخر ، و مش لاقى وقت يكلمنا فيه

-فريدة مكملة: بقالي يومين بطلبه وتليفونه يا مقفول ، يا غير متاح
-عمر: وهو هيبقى متاح عشان خاطرنا مثلاً ، ده حتى تبقى عيبة في حقه
-فريدة: ولد !
-عمر: أنا رأيي أقوم أجهز للتمرين بدل ما أنيل الدنيا أكثر من كده .. انا عارف نفسي
أما بتفتح مش هاسكت

.....

في ألمانيا ،،،
في المستشفى الخاص الذي يرقد به جاسر ،،،
طلب خالد من جاسر أن يعودا إلى القاهرة من اجل حل بعض المسائل العالقة و...
-خالد: الحمدلله الدكتور طمني عليك وقالي انك تقدر تخرج كمان
-جاسر: الحمدلله
-خالد: جاسر ، ممكن أطلب منك طلب
-جاسر: خير يا خالد
-خالد: بص أنا ... انا كنت عاوز أرجع القاهرة
-جاسر: هاه
-خالد: يعني عاوز اخلص شوية امور وكده ، ومش هينفع أعملها وأنا هنا
-جاسر: أها
-خالد: فمعلش يا جاسر أنا بس هستأذنك اننا نسافر ونبقى نرجع تاني نخلص أي
حاجة متعطلة
-جاسر: اوك ، مافيش مشكلة

-خالد: ع العموم أنا هحجز التذاكر بكرة ان شاء الله ، وربنا يسهل وألحق أظبط الدنيا قبل ما نرجع

-جاسر: انا أصلاً خلصت اللي كنت جاي عشانه، وبينني وبينك أنا زهقت من اعدة المستشفى وعاوز أرجع تاني القاهرة ، عاوز اظمن ع اخواتي وع ماما وأثبت حقي

-خالد: اها .. يبقى على بركة الله ، هتكلم بس مع مستر شرودر عشان التحقيقات اللي شغالة هنا

-جاسر: تمام

-خالد: ماشي هاسيبك ترتاح وأروح انا أخلص اجراءات خروجك والسفر بالمرة

-جاسر: اوك

.....

في الغردقة ،،

في منزل يارا ،،،

عاد أدهم من الخارج وهو يحمل بعض المأكولات الجاهزة ، كما اشترى لنفسه هاتف محمول جديد ليستخدمه بدلاً من ذاك الذي أتلفته يارا .. وما إن دلف للداخل حتى تفاجيء بشكل يارا التي كانت ترتدي الملابس المنزلية لجدتها الراحلة نجاه ، فبدأت فيه غريبة الشكل ، حيث كانت الملابس واسعة فضفاضة و...

-أدهم: ايه ده ؟؟؟

-يارا وهي ترتدي ملابس جدتها : زي ما انت شايف ، لابسة هدوم جدتي الله يرحمها

-أدهم: اه صح .. أنا برضوه بقول ده مش استايلك خالص

-يارا: لا والله

-أدهم: ايوه ، اصل الهدوم واسعة حبتين ، يعني مرحة بزيادة عليك

-يارا بضيق: فين هدومي ؟

-ادهم وهو يشير بيده : احم ... آآ..هناك !

-يارا: هناك فين ???

-ادهم: في المطبخ

-يارا بدهشة : نعم ??? في المطبخ ??

اسرعت يارا إلى المطبخ لتجد أن ملابسها وضعت داخل كافة الدواليب مع الأطعمة
والمأكولات المخزنة و...

-يارا بنرفزة: أنا هدومي ع آخر الزمن تتحط في دواليب المطبخ

-أدهم: اللي جه في بالي

-يارا: حرام عليك ، شايف بوظت هدومي كلها

-أدهم: مابظوش اوي

-يارا وهي تحمل إحدى قطع الملابس : بص ، شايف بقع الزيت عليه ازاي ???

-أدهم: اها .. انقعيه شوية وهتروح البقع

-يارا وهي تقرب البلوزة من وجه أدهم : ولا البلوزة دي ريحتها فلفل

-ادهم وهو يعطس : هأتشووو... اها ، عندك حقك ، هأتشوووو

-يارا: والبنطلون ده كله دقيق ، وده ... ده فيه ايه ده كمان ???

-ادهم: اقولك على حاجة استعملي بونكس ، نضافة وريحة وتوفيررر

-يارا: ماتنرفزنيش

-ادهم: والله كنت بهزر معاكي يا قمر

-يارا: هزار بايخ وسمح زيك

-ادهم: انا كنت عاوزك تفرشي كده

-يارا: وأنا كنت اشتكيتك ؟؟؟؟ اتصرف أنا الوقتي ازاي ؟؟

-أدهم: اعملك ايه يعني ، اهوو اللي حصل بقى

-يارا: طب وأنا هروح المؤتمر الوقتي ازاي ؟؟

-أدهم بسعادة: هو أنا ماقولتلكيش

-يارا: تقولي ايه ؟؟

-أدهم: مش احنا اتكنسلنا من المؤتمر والحمدلله

-يارا بصدمة : ايبيبيبيبيبه ؟؟؟ اتكنسلنا ؟؟؟

-أدهم: أينعم

-يارا: يادي النصايب اللي بتيجي ورا بعضها ، يعني معدتش ينفع نحضر

-أدهم: ايوه ، لسه أحمد مندوب الشركة مبلغني بده ، أصلاً أنا من الأول مكنش ليا
الغرض اني أحضر

-يارا: انت السبب ، ضيعت الفرصة عليا

-أدهم وهو يمسك بهاتفه الجديد : ممم.. بصي لو عاوزاني أعملك مؤتمر ، أنا جاهز ..
بمكالمة واحدة اظبط الدنيا هنا في الشقة ، واعملى أجدعها مؤتمر لينا احنا الاتنين

-يارا: هو انت جبت موبايل ؟؟

-أدهم: ايوه ، بس بعينك لو خدتيه !

-يارا: يعني ضيعت عليا المؤتمر ، وبوظت هدومي ، وجايب لنفسك موبايل ، وأنا
ماليش حاجة خالص

-أدهم بغمزة : ازاي بتقولي كده، ده انتي ليكي أهم حاجة في كل ده .. الهدوم اياها ..

هااه +18

-يارا: اوووف !

- أدهم: والنعمة لو ليبيستهوملي في المؤتمر اللي انا هنظمه هنا ، انا مش عارف أوصفك شعوري هيكون عامل ازاي
- يارا وهي تخرج من المطبخ : ماشي يا أدهم .. ماشي !!!
- أدهم وهو يتبعها : أنا حابب في المؤتمر ده أشوفك لابسة الهدوم اياها كلهاااا ، ماتسيبش حاجة ، التنوع مطلوب برضوه
- يارا من خارج المطبخ : والله لأوريك
- أدهم: يا سلام لو جربتي تلبسي كل قطعة على حدا ، ياااه ، ده المؤتمر هيبقى حماسي ، وتهحصل استجابة سريعة لكل الطلبات المعروضة فيه ، ومش بعيد اجيبك موبايل جديد ، ويالا يا ستي هيكون تاتش عشان متزعلش
- يارا في نفسها : فين ازازة الكلور ، نوجة كانت بتحطها فين
- أدهم: أنا أقترح ان المؤتمر يكون فيه ورش عمل كتيررر ، دي بقى اللي بتثبت كل اللي بيتقال
- يارا وقد دلفت للحمام: ايوه .. هي كانت هنا
- أدهم: بصي مش هوصيكي ، انا عاوز عدد لا نهائي من ورش العمل ، طول عمرنا عارفين ان الجزء العملي عليه درجات كثيرة وهو اللي فيه الفائدة كلها ، بيتثبت اللي خدناه في المؤتمر أو اللي سمعنا عنه ، صح ولا ايه؟؟
- يارا: ممم... ان ما وريتك
- أدهم باستغراب : انتي بتعملي ايه ???
- ظلت يارا تبحث عن زجاجة الكلور الخاصة بالملابس البيضاء داخل الحمام ، حتى وجدتها ، ثم أخذتها وخرجت لتبحث عن حقيبة ادهم لتفرغها على ملابسه ، ظل أدهم في حيرة مما تفعله يارا و...
- أدهم بتعجب : انتي بتدوري على ايه ???
- يارا: ملكش دعوة

-ادهم: قوليلي طيب عشان أساعدك

-يارا وهي تمسك بحقيبتيه : هتعرف دلوقتي

-ادهم : انتي عاوزة حاجة من شنطتي؟؟

-يارا: هتشوف

أفرغت يارا محتويات زجاجة الكلور على ملابس أدهم وسط زهوله و...

-ادهم بصدمة: اييه اللي عملتية ده

-يارا: زي ما عملت معايا بالظبط

-ادهم: انتي اتجننتي؟؟

-يارا: واحدة قصاد واحدة

-ادهم: والله العظيم انتي .. انتي فعلا مش طبيعية ، طب أنا كنت بهزر معاكي

-يارا:وانا كمان بهزر ، ليه مضايق بقى؟؟

-ادهم : أنا مش عارف اعمل فيكي ايه

-يارا: عشان تعرف بس احساس الواحد بالهزار البايخ ، وخصوصاً في الحاجات

المهمة اللي زي دول

-ادهم: أنا... أنا مش عارف أتصرف معاكي ازاي ، ماهو لو مسكتك واتعافيت عليكي

مش هتطلي من تحت ايدي سليمة

-يارا: طب جرب كده ، أنا بلعب آيروبكس

-أدهم وهو يبعد عنها : لأ فعلاً خوفت .. ! أحسن حاجة اعملها أبعد عن وشك السعادي

بدل ما أرتكب جناية وأنا مضايق !!

-يارا: أحسن ، تستاهل ..!!!!

توجه أدهم ناحية غرفة الجدة نجاة ، فصاحت يارا في وجهه و..

-يارا بصوت مرتفع : انت رايح فين ؟؟؟

-ادهم: داخل الأوضة دي

-يارا: دي اوضة نووجة

-أدهم: وايه يعني

-يارا بضيق: يعني محدش يدخلها ولا يقعد فيها !!!

-ادهم بخبث : خلاص أنا موافق أقعد معاك في اوضتك

-يارا: هه... للألا .. تقعد معايا ايه

-ادهم: ماهو أنا يا اقعد في الأوضة دي يا عندك ، اختاري ؟

-يارا مستسلمة : اوووف ، اتفضل روح الأوضة

-ادهم بابتسامة وهو يتجه لغرفة يارا : ماشي

-يارا مندفعة ناحيته : حيلك حيلك .. انت رايح فين

-أدهم: الله مش قولتيلي أتفضل

-يارا: لأ يا حلو ، مش هنا ، ع الأوضة الثانية

-ادهم وهو يمسك ذقتها بطرف اصبعه : وهو أنا حلو كده زيك !

-يارا: لو سمحت نزل ايدك.. آآ... مايصحش

-ادهم: والله في حاجات كتير تصح ، بس عشان زي ما قولتلك قبل كده أنا بحب الحاجة

تيجي بالرضا مش بالغصبانية !

دلف أدهم إلى غرفة الجدة يارا ليرتاح بها ، ثم قرر أدهم أن يربك يارا بطريقة أخرى تجعلها تتوتر وفي نفس الوقت يشغل كل تفكيرها ، لذا وبينما كانت يارا تعد الطعام

-يارا: يووه ، انت ايه

-أدهم: انا أحلى حاجة حصلت في حياتي هي وجودك فيها !

-يارا: آآ... بـ.. بلاش الكلام ده ، وسيبني بقى

-أدهم: ماشي ، ممكن بقى جزر لو عندك

-يارا باستغراب : جزر !

-أدهم: ايوه ، انا محتاجه

-يارا: هاشوف ان كان في ولا لا

وبينما كانت يارا في طريقها لإحضار الجزر لأدهم ، أوقفها أدهم بكلامه و..

-أدهم بصوت عالي : ع فكرة حلو قميص البيت اللي انتي لابساه ده

-يارا: نعم؟؟ حلو ! انت بتتريق

-أدهم: أبداً والله

-يارا: هه ، اشمعنى

-أدهم: اه والله ما بهزر ، اصله الصراحة ومن غير زعل كده مبين كل حاجة تحته ، انا شايف اللون الأحمر مشعل اهوو

-يارا باحراج وهي تتحسس القميص : ايبويه؟؟ مبين كل حاجة؟؟ طب ازاي

-أدهم: اه والله ، القماش من النوع اللي بيشف في الضوء

-يارا: اووبا

-أدهم مكملاً بسعادة : خلاص أنا حبيت هدوم جدتك الله يرحمها ، بتوضح الرؤية أوي،

وانا في الحاجات دي نظري بيبقى 6 على 6 ...

-يارا محرجة وهي تحاول ان تداري نفسها : آآ... انا.. انا ..

-ادهم: روجي هاتلي الجزر بقى عشان أزود درجة الوضوح ، ماهما بيقولوا الجزر
بيقوي النظر ، وفي حالتك دي بيبقى عامل زي الأشعة تحت الحمراء ، بيوضح
المستخبي كله

.....

حل المساء ، وكانت المشكلة الحقيقية تكمن في عدم وجود ملابس لائقة لأدهم بعدما
أفسدت يارا ملابسها ، وخاصة أنه قرر ألا يرتدي أي شيء ليستمر في مسلسل ارباك
يارا واشغال تفكيرها ، لذا اضطرت يارا أن تقرض ادهم جلباب جدها القديم ...

-يارا: أوم إلبس بقى

-ادهم: انا مبسوط كده

-يارا: انت نسيت عندنا عزومة عند الست سامية الحسودية

-ادهم وقد توجه ناحية الباب: لأ مانستش ، وانا هاروكلهم كده ، يالا بينا

-يارا وهي تقف أمامه: لالالا .. مش ممكن تروح كده

-أدهم بابتسامة وهو يتحسس شعرها : مش عاوزة حد يشوفني كده غيرك ، صح ؟

-يارا وهي تبعد يده : آآآ .. ل.. لأ .. مش .. مش كده

-أدهم : اومال ايه يا مشمش انت ؟

-يارا: انت.. انت متعرفهاش ومجربتهاش ، دي عينها الله اكبر تفجر الحجر مش بس
تقلقه

-ادهم وهو يضع يده على رقبتها : آآآ .. خايفة عليا

-يارا بتوتر : آآآ .. أه .. قصدي لأ ، هي .. هي بـ..بس حسودية أوي

-ادهم: عشان خاطر ك بس هلبس الفانلة

-يارا: لالالا .. انت تلبس اللي أنا هاجيبهولك

-ادهم: ايه ؟

دلفت يارا لغرفة جدتها ثم خرجت مسرعة وهي تحمل جلباب مطوي و...

-يارا: خد

-ادهم: ايه ده ؟؟

-يارا: دي جلابية جدي الله يرحمه ، البسها

-ادهم: ودي بتشف هي كمان

-يارا: احم .. لأ

-ادهم: حاضر هلبسها

استعدت يارا وادهم للذهاب إلى الجارة سامية حيث تنتظرهم معاناة من نوع جديد، ارتدت يارا عباءة جديدة كنت تحتفظ بها في دولاب جدتها ، بينما ارتدى أدهم الجلباب الخاص بالجد ، كان أدهم على وشك الخروج من المنزل حينما أسرع يارا إليه و..

-يارا بلهفة : استنى

-ادهم: في ايه

-يارا وهي تعدل ياقة الجلباب: ماينفمش تنزل والياقة معوجة

-أدهم وقد أمسك بكف يدها ثم قبله : شكرآآآآآآآآآآ .. أهو انا كنت مستنى اللمسة دي من الصبح

-يارا: آآآ.. انت..

-أدهم: أنا مش ورايا حد إلا انتي

-يارا: آآآ.. أنا كنت عاوز أقولك آآآ...

-ادهم وهو ينظر لها برومانسية : تقولي ايه ؟

-يارا: آآ... انت عند طنط سامية م... ما تتكلمش كثير

-ادهم وهو يميل بوجهه عليها: ها .. وايه كمان؟؟

-يارا: يعني آآ... تفضل ساكت و..آآ... وتسيبني ..أنا.. آآ

-ادهم وقد اقترب من وجنتها : انتي ايه؟؟

-يارا بتوتر : تسيبني آآ... اتكلم

-ادهم وهو يهمس لها : حاضر

قبل ادهم يارا في وجنتها برقة ، ثم ابتعد عنها قليلاً وهو يبتسم

-أدهم: وايه كمان

-يارا بصدمة : احم.. لأ .. آآ... مافيش

-ادهم: طب يالا بينا !

.....

توجه أدهم ويارا إلى الجارة سامية ، طرخوا الباب ثم سمعا صوت صراخات يأتي من الداخل وأعقبه فتح الباب لهما و...

-سامية : اهلااااا بالعرسالان ، نورتوني

-يارا: ازي حضرتك يا طنط

-سامية وهي تقبلها : ازيك يا حبيبتي ، حلوة العباية الجديدة اللي انتي لابساها دي

-يارا: دي..دي مش جديدة ، دي قديمة أوي ، انا اشترتها من خمس سنين ، بس

عشان معنديش حاجة ألبسها الوقتي ، فقولت ألبسها وخلص

-سامية: إيهي ، ولا باين عليها !

-يارا: استر يا رب وماتولعش بيا

.....

دلف أدهم ويارا إلى داخل منزل الجارة سامية ، ثم رحب بهم الحاج مهدي و..

-مهدي : يا مساء الخير على أحلى شباب

-يارا: ازيك يا حاج مهدي

-مهدي:الحمدلله يا بنتي ، أنا بخير

-يارا: يا رب دايمًا

-مهدي: ان شاء الله ، ازيك يا عريسنا

-أدهم: تمام الحمدلله

-مهدي: نورتونا والله

-أدهم: ده نورك يا حاج

-مهدي: سامية قالتلي انكو اتجوزتوا امبارح

-أدهم: اه ، وجايين نقضي شهر العسل هنا

-مهدي: ايوه يا بني ، دي أحلى أيام .. صدقني بعد كده الحقيقة بتتكشف وبتقضي أسوأ

أيام حياتك .. كلها بتبقى بصل في بصل !

-أدهم: متقولش كده يا حاج

-مهدي: انت لسه يدوب ع البر و مجربتش الغويط !!

-سامية بصوت عالي : يالا يا عرسان ، العشا جاهز ، وانتوا ولاد تعالوا ، سيبيوا

الزفت ده وتعالوا

-مهدي : تعالوا افضلوا

-يارا: حاضر ..

-أدهم: احم.. كل الأطفال في سنهم كده ، ولا رأيك ايه يا يارا

-يارا وهي منشغلة بكم عباعتها: هه .. بتقول حاجة يا أدهم

-ادهم: خلاص بقى يا يارا ، سيبك من الكم وركزي معانا

-يارا: طيب

-رقية: هو انتي يا يارا طفشتي من هنا

-سامية: بت ، اتلمي ، اسمها أبله يارا

-أدهم مستفهماً بصوت هامس : هو انتي طفشتي امتي ???

-يارا بضحكة مصطنعة: لأ يا حبيبتى أنا سافرت ورجعت

-رقية: أصل أمي كانت بتقول انك طفشتي بعد ما اتجننتي لما تيتة نوجة ماتت

-سامية بحدة: بت !! هااا !

-رقية: الله مش انتي قولتي كده يا ماما لظنط روحية وظنط سيده ، وظنط هاجر

-سامية: شششششش .. هههههههههههههه .. عيال يا يارا ، ماتخدش عليهم

-يارا: احم ... اه طبعاً

-ادهم: انتي في سنة كام يا ..يا آآآ... اسمك ايه يا حلوة ???

-رقية : انا اسمي رقية مش حلوة

-ادهم: ظريفة .. في سنة كام بقى

-رقية : وانت مالك !!

-ادهم: احم ... يادي الكبسة

-سامية: اسكتي يا بت واتهدي ربنا يهدك ، معلى اصلها لمضة حبتين ، وبتاخذ ع

الناس بسرعة

-أدهم: لأ واضح فعلاً ..

مال أدهم قليلاً على يارا ثم قال لها بصوت هامس ...

-أدهم: هو احنا المفروض نمشي امتى من هنا؟؟

-يارا: الله أعلم

-ادهم: احم.. واضح اننا هنشوف حاجات زي الفل .. بس أنا اللي استاهل ، كان لازم

يعني أنسحب من لساني وأوافق ع العشا العجيب ده

!!

.....

الحلقة الثالثة والسبعون :

في منزل الجارة سامية بالگردقة ،،،

كانت سامية تقوم بتوزيع الطعام على جميع الموجودين و...

-علي: عموو

-ادهم: ايوه يا حبيبي

-علي: هي دي عضلات بجد ولا سيلكون

-مهدي: بس يا ض ، سيب عمك في حاله

-ادهم: احم.. لأ دي مش سيلكون

-علي: ولا حتى نفخ يا عمو ???

-ادهم: ولا نفخ يا حبيبي ، وبعدين انا مش محتاج انفخ

-علي هامساً لآخيه: مطلعش نافخ

-محمود: يبقى بيضرب حقن

-علي: أها

-أدهم: على فكرة أنا سامعكم

-سامية: يا واد كل وانت ساكت منك ليه ، وسيب عمك ياكل ويتبسط ، خد الشورية يا
أدهم مني

-أدهم: حاضر

-يارا محذرة: خلي بالك

-أدهم: متقلقيش

-يارا: استر يا رب

مد أدهم يده ليلتقط طبق الشورية الساخن ، ولشدة سخونته لم يتحمل أدهم ألم
السخونية والامسك به فسقط من يده و...

-أدهم متألماً: هاااااااا .. ده مولع

-يارا: حااسب

-سامية: أصل أحنأ بنحب نشرب الشورية سخنة ومقطوع قلبها من الغلية ، غير كده
مايبقاش ليها طعم

-علي: طلع طري ، مش بقولك كل ده هوا ، نفخ

-محمود: طلعت صح يااض

-أدهم في نفسه: الله يحرقكم ، الظاهر ان يارا عندها حق

-يارا: انت كويس

-أدهم: يعني

-يارا: معلش ، ما أنا قولتلك

-ادهم: وأنا كنت هاعرف منين

-سامية: بتحب يا ادهم تاكل الفخد ولا الصدر ???

-أدهم وهو ينظر ليارا : آآآ...

-رقية: ماما أنا عاوزة الصدر عشان كله فصوص ، مش هاخذ الفخد المعضم ده

-سامية: بس يا بت ، انتي تاكلي اللي ادهولك

-مهدي لأولاده : كلوا وانتو ساكتين يا زفايت ، عيب كده

-رقية بضيق: الله !!!

-ادهم: خليها يا حاجة سامية تاكل اللي هي عاوزاها ، انا ..أنا مش عاوز حاجة

-سامية: لأ ازاي ، لازم تاكل وتدوق اللي أنا عملاه

-علي : هي أمك حجت أمتي آحوودة

-محمود: ولا أعرف ، هاتلي بس الطرشي اللي قدامك

-علي: طيب

-محمود: عارف أعمو

-أدهم: ايه

-محمود: امي دبحتك الديك مسعود اللي ع السطح ، وده مش بيحصل إلا في المناسبات يعني

-أدهم: امك دبحت مسعود ! الله يظمنك

-رقية بصدمة : هو ده مسعود ??

-سامية: اه هو يا بت !

-رقية: موتيه ياماما ??? طب ليبيه ??

-محمود: خذ أعموو مصمص

-أدهم بقرف: نعم

-محمود: ايه مش بتحب التممصصة !!!

-ادهم: لالا لا..

-يارا: أصل عمك ادهم مش بياكل لأحسن عنده دود في بطنه

-ادهم: نعم ، دود

-يارا: اه

-علي: ايه ده عندك دود ولسه عايش

-أدهم: حكمة ربنا

-محمود: عارف الرز ده يا عمو من بتاع التموين

-سامية: وماله بتاع التموين يا حيلة امك ، ده اجدع رز الحكومة بتعمله

-علي: أصل ده اللي بيبقى فيه سوس وزلط

-سامية: واياه يعني ، كله مع الطبخ والغلية بيروح ، مش صح يا يارا؟

-يارا: احم... أه طبعا

-علي: فاكر لما جبنا كيس الشيبسي ولاقينا فيه بورص ميت أحووودة

-محمود: اه يومها فضحنا الدنيا على الفتيس

-أدهم: برص في الشيبسي !

-علي: اه يا عمو ، كان كبير أوي أد الكف كده ، بس محمر بقى وقدد من كتر الزيت

-يارا: الله يقرفك

-ادهم بقرف: خلاص يا حبيبي كفاية !

-مهدي: بس يا ض يا علي ، احنا بناكل يا وله ، بلاش قرف جتلك القرف انت واللي جابوك

-أدهم ليارا: الحاج مهدي أخلاق

-يارا: اها

-محمود: انت عندك فتيس أعمو

-ادهم: فتيس !

-محمود: اه الفيتس بوك ، انا بحب ادلعه ،قولي عندك اكاونت ؟؟

-أدهم: لأ

-محمود: يا خسارة كنت هاعملك طلب اضافة ، ملكش نصيب تشوف اللي بشيره

-ادهم: الحمد لله

-محمود: ده انا كنت هاوريك صورة البروفيل

-ادهم: مش مشكلة

-محمود: لعلمك ده انا أعجبك أوي في الكامبايوتر والنيت

-ادهم: كامبايوتر .. احم .. ماشاء الله انت بتعرف في الحاجات دي؟؟

-محمود: اه اوي

-سامية: بلا خيبة ، ده متنيل على عينه ساقط وييجيب كحك في الشهادة ، ومش فالح غير في قلة الأدب

-محمود: الله آماما .. ده هما اللي مستأصدني

-سامية: اتوكس مطرح ما انت اعد ، الله ! مش بتاكلوا ليه ، فسخي يا يارا الفرخة وكلي

-يارا : آهاا.. ده مسعود ???

-سامية: لأ ده أبو صبع !

-ادهم: لأ الصراحة معرفش

-سامية: يا ريتها جت ع اللمون وبس ، ده كل حاجة بقت مولعة ، مافيش حاجة رخيصة إلا النبي آدم

كان محمود يحاول أن يعصر الليمونة ، ولكنه فشل فانزلت من يده وطارت لتسقط في طبق الخضار المقابل لأدهم ، فتناثر حساء الخضار على جلباب أدهم ووجهه و...

-محمود: لامواخذة

-ادهم: ابييه ده

-سامية: مش تفتح يا واد

-يارا: معلىش يا أدهم

-محمود: مكونتش أقصد الله ، هتعلقولي المشنقة !!!

-سامية: يخربيت لسانك ، تربية زبالة

-أدهم: اه والله .. انا قايم اغسل ايدي

-سامية: ده انت ماكلتش حاجة

-ادهم: كتر خيرك ، انا شبع

-سامية: العيال قرفوك أنا عارفة ، بس انت لما يبقى عندك عيال هتعدرنى

-ادهم في نفسه : ده انا لو عندي عيال بالشكل ده هاقتل نفسي قبل ما أجيبهم وأبتلي البشرية بيهم

-يارا: استنى أنا جاية معاك

-سامية : الله وانتي كمان يا يارا

-يارا: معلىش يا طنط ، ماينفعش أسيب جوزي لوحد

-ادهم وهو يلتفت لها : بجد ؟؟

-مهدي بقرف: لأ مش فاكِر ، ولا عاوز أفكر ، حاسبي بقى اما اكلم السباك يجي يصلح الحنفية اللي باظت دي

-سامية: دايماً منشف ريقى ع الكلمة الحلوة ، يا بختك يا يارااااا ، معاكي واحد انما ابيبييه ...!!

.....

في نفس التوقيت كان أدهم يصعد السلم إلى الشقة حينما تعثر وسقط على وجهه و...

-أدهم : آآآه

-يارا: خلي بالك

-ادهم: رجلي

-يارا: ايه اللي حصلك

-ادهم: مش عارف ، فجأة رجلي لفت تحتي

-يارا: طب قادر تقف عليها

-أدهم متألماً: آآه ... لا مش قادر خالص

-يارا: اكيد الولية سامية الحسودية دي جابت في سيرتك

-ادهم: انا مش مصدق أصلاً إني خرجت من عند العيلة الغريبة دي

-يارا: عشان تعرف أما أقولك ان الولية دي وحشة و عيالها فظاع

-ادهم: هما دول عيال ، دول شياطين

-يارا: الحمدلله اننا خرجنا على رجلنا من هناك

-أدهم: انتي بس ، أنا رجلي خالص مش قادر منها

-يارا: طب اسند عليا كده لحد ما نوصل شقتنا

-ادهم بسعادة : ماشي

استند أدهم على يارا ، وكان في قمة سعادته ، وتعهد أن يلقي بمعظم ثقله عليها حتى يضم أنها تتمسك به جيداً و...

-يارا: يااه ، ده انت ثقيل أوي

-ادهم وهو يستند بذراعه على كتفها : ثقيل ايه بس ، ده انتي اللي سوفيفة

-يارا : طب ماتريحش أوي عليا

-ادهم: اجمد يا وحش

وصل كلاً من أدهم ويارا إلى الشقة بعد أن أخذوا وقتاً طويلاً في الصعود ، والذي أرهق يارا كثيراً لأنها معظم الوقت كانت تحاول أن تتحمل ثقل وزن ادهم على كتفها ، وهو كان يحاول ألا يضيع الفرصة هباء ، فتحت الباب ثم استمرت في سند أدهم إلى أن داخلوا للشقة و..

-أدهم: آآآه

-يارا: اصبر قربنا نوصل

-أدهم: مش قادر

-يارا: ده أنا كتفي خدل

-ادهم: وأنا مبسوط

-يارا: نعم

-ادهم: قصدي أنا مكسور ، آآآه يا رجلي

-يارا: اسند بس ع الحيطه لحد ما أفتح الباب

-أدهم: لأ أنا ممكن اقع

-أدهم: وأنا بقى أحب أرد الجمائل أول بأول ، وبعدين أنا ورايا ورشة عمل عاوز
أشتغل عليها

-يارا: يا باااي .. سييني بقى

-ادهم: يا قوي يا رب

نهض ادهم من الأريكة وهو يحمل يارا بين ذراعيه و...
-يارا: ايبيه ده ، انت رجلك سليمة؟؟

-أدهم: الحمدلله

-يارا: يعني كنت بتضحك عليا

-أدهم: بصراحة آه

-يارا: نزلني

-ادهم: مش قبل ما أبدأ أول ورشة عمل!!

.....

في ألمانيا ،،،

-خالد: جاهز يا جاسر

-جاسر: اها

-خالد: معش أنا عارف انك لسه قايم من تعب بس مكنش ينفع ان نزولنا القاهرة
يتأجل

-جاسر: ربنا المعين

-خالد: ان شاء الله توصل بيتك وترتاح ، وانا هكمل بقية اللي ورانا

-جاسر: تمام

-خالد: طب يالا بينا

-شرودر: هل أنتم الآن مستعدون للذهاب

-خالد: ايوه

-شرودر: لا تقلق مستر خالد بشأن الأوراق والمعاملات هنا ، سأرسل لك بالفاكس نسخة عن كل ما أتوصل إليه

-خالد: شكراً يامستر شرودر ، احنا تعبنك معانا

-شرودر : لا تقل هذا مستر خالد ، وحمدلله على سلامة مستر جاسر

-جاسر: الله يسلمك

-خالد: احم..احنا مضطرين نستأذن عشان نلحق ميعاد الطائرة

-شرودر: اوك .. أراكم على خير

-خالد: ان شاء الله ، مع السلامة ...

.....

في شقة يارا بالگردقة ،،،

-يارا: بقولك نزلني

-أدهم: تو .. انا عاوز ابدأ العملي بقى

-يارا: عملي ايه ونظري ايه ده اللي بتكلم عنه

-أدهم: الله مش احنا جايين هنا عشان المؤتمر

-يارا: وده خلاص اتكنسلنا منه

-أدهم: ده المؤتمر الفكسان التاني ، لكن أنا بتاعي لسه شغال

-يارا: ده مش هيحصل

-أدهم وهو يضعها على الفراش : هيحصل وقريب أوي

-يارا: اها .. لأ انسى !! دي اوهام ، لو كنت نسيت أحب افكر ان بينا اتفاق ، وبكرة هينتهي ، المأذون اللي كتب الكتاب هيطلقنا ، ماشي

-ادهم: اوووف

-يارا: ولو سمحت اطلع برا أوضتي

-ادهم: ماشي ، هطلع ! أنا بس عاوزك تعرفي حاجة واحدة أخيرة

-يارا: ها ، ايه هي ؟

-ادهم: مسألة الطلاق دي بالنسبالي آآآ....

-يارا: ايه ؟؟

-أدهم: بصي من الآخر كده أنا مش هاطلق

-يارا بصدمة : بتقول ايبيبيبيبيبية.....؟؟؟

.....

الحلقة الرابعة والسبعون:

في منزل يارا بالغردقة ،،،

كان ادهم ويارا يتناقشان حول مسألة طلاقهما و...

أمسك أدهم برأس يارا ثم قبلها في شفيتها حتى تصمت ، وفي نفس الوقت صدمت يارا
مما حدث و...

-أدهم: مووووووه

-يارا: آآآآ....

-أدهم بابتسامة: اهي دي أحسن حاجة أقدر أسكتك بيها

-يارا بصدمة: انت ... انت .. آآآآ

.....

قبل أدهم يارا مرة أخرى و...

-أدهم : كل ما هتكلمي هابوسك

-يارا: آآآآ....

-أدهم بخبث : انا عاوزك بغبان ، ها ما تتكلمي ???

-يارا: انت .. انت ...ازاي تعمل كده ؟؟؟

قام ادهم بتقبيل يارا للمرة الثالثة و...

-أدهم : وربنا ما هاسيبك النهاردة

-يارا: آآآآ....

-أدهم: مش بقولك ورايا ورش عمل كتيررررر

اختل توازن يارا من صدمتها لما فعله أدهم ، فارتبك أدهم ، وأمسك بها جيداً و...

-أدهم: يارااااا .. ايه اللي حصل

-يارا: آآآآ....

-ادهم: هي كانت البوسة مسمومة ولا ايه ؟؟؟؟

-يارا: آآآه

-ادهم: طب استني اجر ب تاني كده عشان أتأكد

-يارا: لأ ...

-ادهم بعد أن قبلها : ما هو ما فيش حاجة اهوو

-يارا: كفاية

-ادهم : خلاص حاضر ، بس اعلمي حسابك كل ما هتزعقي ولا تتعصبي هبوس ،

متفقين

-يارا: لأ

-ادهم وهو يقبلها مرة اخرى : مووووه ، ولو قولتلي لأ برضوه هبوس

-يارا: خلاااص مش هاقول لأ

-أدهم وهو مُصر على تقبيلها : برضوه بتقول لأ .. مووووووووو

-يارا: طيب هاقول حاضر

-أدهم وقد تركها : ايوه كده ... ناس متجيش غير بال.. آآآ... بالبوس !

-يارا وهي تمسح فمها: ربنا يخلصني من الغلب ده

-أدهم وهو يقترب منها مرة اخرى: بايني سمعت حاجة

-يارا: لالالالا

-أدهم: الله ! انتي بتقولي لأ .. يبقى أنا مش سايبك النهاردة

-يارا برجاء: أبوس أيدك متقربش

-ادهم بخبث وهو يقترب منها : وليه تبوسي ايدي أما ممكن آآآ...

-يارا وقد فرت من أمامه: خلاص مش هاقول حاجة

-ادهم : ده أحسنك .. لأنى بصراحة كده بتلكك !!

-يارا: ماشي .. ماشي

-أدهم: بصي أنا هنزل اجيب عشا بدل الغلب اللي شوفناه عند الولية سامية

-يارا: لـ... قصدي مش مهم

-ادهم: قولتي ايه؟؟

-يارا: اتفضل اللي يريحك

-أدهم: والله العظيم انتي بتبقي قمر وانتي هادية كده وبتسمعي الكلام ..

-يارا: أها

-ادهم: ماتفتحيش الباب لحد .. أنا شوية وراجع

-يارا: اوك

ترك ادهم يارا في غرفتها ، ثم نزل هو ليحضر بعض الطعام لهما ومفاجأة صغيرة ليارا
أو ربما عدة مفاجآت على حسب المتاح أمامه ..

.....

في مطار القاهرة الدولي ،،،

وجد خالد حجراً مبكراً على إحدى الطائرات المتجهة من ألمانيا للقاهرة ، وبالفعل
وصلت الطائرة القادمة من العاصمة الألمانية برلين إلى مطار القاهرة الدولي
قبيل الفجر بوقت قليل ، و كان على متنها كلاً من جاسر وخالد .. تحامل جاسر على
نفسه كثيراً حتى يستطيع أن يعود للقاهرة و...

-خالد: أنا عارف يا جاسر انك تعبان ، وكان المفروض ترتاحلك يومين كمان قبل ما نرجع القاهرة تاني ، بس انت عارف الظروف

-جاسر وهو يحاول اخفاء الألم: اها ... الحمدلله ع كل حال ، المهم الوقتي ان احنا بقينا هنا !

-خالد: ايوه ، طب قولني انت هتعمل ايه الوقتي؟؟

-جاسر: في ايه بالظبط

-خالد: هتروح بيتك ولا هتيجي معايا

-جاسر: مش عارف والله

-خالد: انا رأيي تيجي معايا ، ع الاقل في حد موجود هيخلي باله منك

-جاسر: أنا مش محتاج مساعدة من حد ، أنا كل اللي يهمني الوقتي اخواتي ، وانتقم من الزفت اللي اسمه عدلي

-خالد: طب ومامتك؟؟

-جاسر: والله ما عارف أقولك ايه ، غصب عني مضايق من اللي عملته ، واللي وصلتنا ليه ، أنا بجد خايف أكتشف مصيبة تانية

-خالد: معلش يا جاسر ، برضوه مهما عملت فهي امك

-جاسر: اها .. وده اللي مخليني مش قادر أخذ قرار .. هي أمي مهما عملت !

-خالد: بص انت تيجي معايا الفيلا الوقتي ، ترتاح وتشوف بعد كده هتعمل ايه

-جاسر: طيب

.....

في منزل يارا بالگردقة ،،،،،

كانت يارا تجلس في غرفتها حينما طرق أدهم عليها الباب و...

-أدهم: ممكن ادخل

-يارا في نفسها : لو قولتله لأ ما هي صدق يسوء فيها وهاتيك يا بتاع ، مضطرية اقوله
ينتيل يدخل

-ادهم: هافضل مستني كتير ؟؟؟

-يارا: اتفضل

-أدهم: أنا جبنتك شاورمة وبورجر ، وكمان وافل عشان تحلي بعدهم

-يارا: كتير كل ده

-ادهم: كلي اللي تاكلييه ، والباقي اتصرفي فيه براحتك

-يارا: شكراً

-أدهم: عملتي ايه وانا مش موجود ؟؟؟

-يارا: عادي كنت بحاول أظبط الهدوم اللي بوظتها

-ادهم: مم... طيب أنا جبنتك حاجة كده يا رب تعجبك

-يارا: حاجة ايه

-ادهم وهو يناولها علبة مغلفة : اتفضلي يا قمر

-يارا: ايه ده ؟؟؟

-ادهم: دي حاجة بسيطة عشانك

-يارا باستغراب: عشاني ؟؟؟

-ادهم: اها ..

-يارا : ودي جواها ايه ؟؟؟

-ادهم: افتحيها وانتي تعرفي

فتحت يارا العلبه المغلفه لتتفاجيء بهاتف محمول جديد موديل آيفون و...

-يارا: ده... ده .. موبايل

-أدهم: ومش أي موبايل ، ده آيفون عشان يتحط ع خدك يا .. يا خد الجميل

-يارا: هه ...

-ادهم: مافيش بوسة ولا حضن ولا أي حاجة كده كتعبير رمزي عن التقدير للهدية ،
ده انا حتى دافع اد كده

-يارا: شكراً

-ادهم: بسسس .. كده ع الناشف

-يارا: أيوه

-ادهم: ماشي يا ستي ، يالا ، المرادي هاحسبك ع النوته ، بعد كده هاخلص حسابي
أول بأول..

-يارا: شاكرين أفضالك

-أدهم وهو يناولها عدداً من الأكياس: وخدي دول كمان

-يارا : ايه دول كمان ؟؟

-ادهم: هدوم جديدة بدل اللي باظت ، مايهونش عليا تفضلي كده

-يارا وهي تفتح الأكياس : ماكنش في داعي

-ادهم: يا رب بس يعجبك ذوقي

-يارا وهي تنظر للملابس: واو .. شكله حلووو أوي

-ادهم: هو حلو عشان انتي اللي هتلبسيه

-يارا: ممم... شيك الطقم ده

-أدهم: عاجبني فقولت مش هتلبسه إلا يارا ، والمقاس ان شاء الله يطلع مضبوط

-أدهم وهو يلتفت لها : ايوه

-يارا: شكراً ع اللي عملته

-ادهم بابتسامه : أنا معملتش حاجة لسه ..

-يارا: اها

-ادهم: انتي بس لو تدي نفسك فرصة عشان تقربي مني وتعرفيني ، هتتغير حاجات كثير

-يارا: اها .. طب ممكن طلب أخير؟؟

-ادهم: اطلبي اللي عاوزاه يا قمري

-يارا: اظفي النور ، أه وماتنساش تقفل الباب وراك عشان عاوزة انام لأحسن الفجر قرب يدن !!!

-أدهم: أظفي النور !!!!!

-يارا: اها ، والباب كمان

-أدهم: ضيعتي جو الرومانسية اللي كنت مندمج فيه

.....

في فيلا رأفت الصياد ،،،،

عاد خالد إلى الفيلا وبصحبته جاسر ، استقبلهم حارس البوابة العم راضي بكل ترحاب ، وأسرع بحمل الحقائب ، وتوجه بهم إلى الفيلا وهو يصرخ عالياً ..

-راضي: الف حمدلله ع السلامة يا خالد بيه ، حمدلله ع سلامتكم يا جاسر بيه

-خالد: الله يسلمك يا عم راضي

-راضي: والله الفيلا من غيرك ماليها حس

-خالد: شكراً يا عم راضي

-راضي: الله ! مال دراعك يا جاسر بيه

-جاسر: دي حاجة بسيطة ، ماتخدش في بالك

-راضي: أنا هاظير أبلغ الجماعة جوا ان حضراتكو جيتو

-خالد: طب خد الشنط معاك يا عم راضي

-راضي: حاضر يا بيه

.....

-راضي بصوت مرتفع: خالد بيه رجع ، خالد بيه رجع

- صباح: في ايه يا راضي ، ايه الصوت ده ؟؟ انت عارف لو فريدة هانم سمعتك مش
هيحصل طيب

-راضي: بقولك خالد بيه رجع

-صباح : ايبيه رجع ؟؟

-راضي: ايوه ، بلغني بقى الست هانم

-صباح: على طول

توجهت صباح إلى غرفة فريدة لتوقظها وتبلغها بأن خالد ابنها قد عاد من السفر و...

-صباح وهي تطرق باب الغرفة : فريدة هانم ... (طق...طق..طق) ، فريدة هانم

-فريدة بصوت ناعس: في ايه ؟؟

-صباح: يا فريدة هانم

-فريدة: عاوزة ايه يا صباح ع الصبح ده ؟؟؟

-صباح: خالد بيه رجع من السفر

-خالد: فين أدهم ويارا؟؟

-فريدة: أخوك مسافر مع الزفتة دي

-خالد: مسافر ، اكيد راحوا يقضوا شهر العسل ، انا مش عارف ظروف ايه اللي خلت
أدهم يتجوز يارا

-فريدة بصدمة: بتقول ايبيه؟؟

-عمر: اوووبيااااا

-خالد: ايه ده هو انتي يا ماما مكونتيش عارفة ان أدهم اتجوز يارا

-فريدة: آآآ.. ادهم .. ات... اتجوز البت دي؟؟؟؟

-عمر: كده ولعت ، انت دوست ع اللغم يا معلم

-جاسر: احم .. دي مش بت ، دي اختي يا طنط

-فريدة وهي تمسك في خالد : لألألأ .. مش ممكن .. انت اكييد بتهزر ، لأ استحالة
ادهم يعمل كده

-خالد وهو يحاول تهدنتها : ماما اهدي

-فريدة: انتو بتهزروا؟؟؟ قولي يا خالد انك بتهزر؟؟

-خالد: ماما ... دي .. دي الحقيقة

-فريدة: عملتها بنت الخدامة ، ضحكت على ابني واستغفلتنا كلنا

-جاسر: يا طنط يارا مالهاش دعوة ، أدهم هو اللي آآآ...

-خالد مقاطعاً: اهدي عشان صحتك بس ، أنا فكرتك عارفة

-فريدة: وهعرف منين؟؟؟؟ ها منيبييين؟؟؟

-خالد: انا لما بابا قالي آآآ.....

-فريدة مقاطعة: رأفت عارف؟؟

-خالد: ايوه

-عمر بصوت هامس : يا عيني عليك يا بابا ، هتكون الضحية النهاردة

-فريدة: ماشي يا رأفت ، أنا طالعة أصحيك وأعكنن عليك

-جاسر: خلاص يا طنط

كان رأفت قد استيقظ على صوت صباح ، فدلف للحمام واغتسل ثم بدل ملابسه وأسرع إلى الأسفل ليسلم على خالد ولكن

-رأفت: خالد حبيبي ، حمدلله ع سلامتك

-خالد: الله يس....

-فريدة مقاطعة : انت كنت عارف أن أدهم اتجوز يارا؟؟

-رأفت: هه

-فريدة: رد عليا يا رأفت ، انت كنت عارف بده؟؟

-رأفت: استني بس أما أسلم ع خالد وجاسر الأول

-فريدة: يعني كنت عارف؟؟؟

-رأفت متجاهلاً فريدة: ازيك يا خالد ، عامل ايه يا جاسر دلوقتي؟؟؟

-جاسر : الحمدلله

-فريدة بنرفزة: رأفت!!!

-رأفت: أيوه يا فريدة ، عاوزة ايه؟؟؟

-فريدة: انت كنت عارف ان أدهم ابنيك اتجوز البت دي؟؟؟

-رأفت: أولاً قولتلك اسمها يارا مش بت ، وثانيً أه كنت عارف

-فريدة: انت عاوز تشلني؟؟؟ يعني ايه كنت عارف؟؟ وازاي ده يحصل وأنا معرفش

-رأفت: اهوو اللي حصل

-خالد: بابا ، فهمني ازاي ادهم اتجوز يارا

-رأفت: النصيب

-جاسر: نصيب؟؟

-خالد: نصيب ازاي؟؟ أنا مش فاهم؟؟؟؟

-رأفت: ربنا أراد ان نصيبها يطلع مع ادهم ، هنعمل ايه بقى

-فريدة: انت اكيد اللي مدبر لكل اللي حصل ، من ساعة ما البت دي جت الفيلا هنا ،
وانت مصمم انها متخرجش منها

-رأفت: يووووه ، أنا مش فاضي للهري بتاعك ده ، تعالوا يا ولاد عاوزكم في المكتب
شوية

-فريدة: استنى يا رأفت ، انا لسه مخلصتش كلام

-رأفت: وأنا خلصت خلاص ، وبعدين أنا ورايا حاجات أهم من كده

-فريدة: ايه الأهم من كده ها؟؟؟ قولي؟؟؟؟ قولي يا رأفت؟؟؟؟

-رأفت: في يا فريدة ، في حاجات انتي متعرفيش عنها حاجة ومهمة في نفس الوقت ،
وجواز ابنك من يارا ده مايعتبرش حاجة أصلاً!!!!

-فريدة: مايعتبرش حاجة؟؟؟ انت... انت !!

-رأفت: اقولك على حاجة ، أنا رايح الشغل ، ويا خالد حصلني ع هناك ، انا عاوز اتكلم
معاك في حاجات مهمة

-خالد: ان شاء الله

-جاسر: أنا .. أنا مضطر امشي الوقتي

-رأفت: تمشي ايه يا بني ، انت ان شاء الله أقعد معانا

-جاسر: ربنا يسهل ، بس محتاج أظمن ع شاهي و.. و..

-رأفت: ناهد هانم مامتك

-جاسر: أها ...

-رأفت: طب تعالى اما أوصلك في سكتي

-جاسر: اوك

.....

انصرف رأفت مع جاسر ، بينما جلست فريدة على الأريكة تلوم رأفت ويارا في كل ما حدث ، حاول خالد أن يهدئها ولو قليلاً ولكنه فشل

-فريدة: انت.. انت ازاي كده ؟؟؟ ازاي تعمل كده يا رأفت ، ازاي ؟؟؟؟

-عمر: احم... أنا رأيي أخلع أنا كمان بدل ما ألبس في الليلة دي لوحدي

-خالد: ماما أنا مش عاوزك تتعصبي ، أنا هعرف ادهم ليه عمل كده

-فريدة: أنا معدتش حد بيعملي قيمة في البيت ده ، وخصوصاً أبوك ، أنا دائماً اخر من يعلم ، كل حاجة اتغيرت من يوم ما البت دي جت تعيش معانا هنا ، هي بقت ست البيت وأنا... أنا بقيت ولا حاجة

-خالد: متقوليش كده ، انتي لسه ست البيت يا ماما

-فريدة: آآه ... كل حاجة بتتغير خلاص

-خالد: ماما ، أنا هسافر الوقتي الغردقة ، وهعرف كل حاجة

-فريدة: ماشي يا بنت الخدامين ، اوعي تكوني مفكرة انك بجوازك من ادهم خلاص ملكتي كل حاجة في ايدك .. انتي بتحلمي !!! أنا لسه فريدة هانم الرفاعي ، وهعرف ازاي أخليكي تعاني الأمرين معايا !!!!!!!

-خالد: أنا ماشي ، حاولي متتعصبيش

-فريدة: اوعي البت دي تضحك عليك انت الثاني

-خالد: خلاص يا ماما ، نتكلم بعدين ، أنا أصلاً محتاج أتكلم مع أدهم واعرف ليه هو اتجوز يارا ، ومسافرله حالاً بالطيارة ، واكيد لما هعرف هاقولك !!!

أوصل رأفت جاسر إلى المستشفى الذي ترقد فيه شاهي لكي يطمئن عليها ، صد جاسر إلى غرفة اخته ، وما إن رأته حتى نهضت من فراشها وأسرعت إليه تحضنه وهي تبكي و...

-شاهي: جاسر

-جاسر: شاهي حبيبتي

-شاهي ببكاء وهي تحتضن أخيها : انت رجعتلي صح يا جاسر ، مش هاتسيبني لوحدي ، هاللا ، صح ؟؟؟

-جاسر: لأ طبعاً هاتسيبك ، انتي هتفضلني دائماً في حضني ، ومحدث هيعملك أي حاجة

-شاهي: ماتسبنيش هنا يا جاسر لوحدي ، أنا عاوزة أرجع البيت معاك ، ماشي؟؟

-جاسر: حاضر يا شاهي ، خفي انتي بس الأول وشدي حيلك كده ومش هاسيبك ، وأنا هافضل هنا معاك لحد ما تبقي أحسن

-شاهي: أنا بحبك أوي يا جاسر ، رغم إنني كنت بتخفق من كل اللي بتعمله معايا، بس انت الوحيد فعلاً اللي حبتني من قلبك ، الوحيد اللي فعلاً كنت بتحميني من نفسي

-جاسر: انتي اختي ، وماينفعش أعمل إلا كده

-شاهي: ربنا يخليك ليا

-جاسر: عاوزك بقي تتجدعني وتخفي بسرعة

-شاهي وهي تحتضنه بقوة : ح...حاضر

-جاسر متأماً : آآآه

-شاهي: مالك؟؟ انت.. انت متعور؟؟؟

-جاسر: ماتخافيش دي حاجة بسيطة ، وإن شاء الله هبقى كويس

-شاهي: ربنا يخليك ليا يا جاسر وما يحرمينيش منك

-جاسر: ياا رب

.....

كان الطبيب يتابع من بعيد ردة فعل لقاء شاهي بأخيها ، وأبلغ رأفت ان النتائج ربما تكون مبشرة بخير و...

-الطبيب من بعيد: واضح ان جاسر تأثيره قوي ع شاهي

-رأفت: فعلاً ، ده أخوها واكثر حد فعلا كان خايف عليها

-الطبيب: وجوده دلوقتي هيساعد شاهي انها تتجاوز المرحلة دي بسلام

-رأفت: يا رب

.....

في منزل يارا بالگردقة ،،،،

كانت يارا تستعد لاستقبال صديقتها سمر ، فظلت تنتقي أي قطعة من الملابس التي اشتراها أدهم لها سترتدي حينما تقابلها .. كانت يارا تشعر بالسعادة لأنها وبعد فترة ستقابل صديقتها المقربة ليستعيدا سوياً بعضاً من ذكريات الماضي

طرقت سمر باب المنزل ، ففتح لها ادهم و...

-سمر: آآ... سـ. سلامو عليكم

-أدهم: و عليكم السلام

-سمر: آآ.. مش .. مش ده بيت الحاجة نجاة

-ادهم: اه هو

-سمر: طب هو يارا موجودة؟؟

-أدهم: ايوه

-سمر: ممكن أقابلها؟؟

-ادهم: اه طبعاً اتفضلي ، بس انتي مين؟؟؟

-سمر: أنا صاحبته سمر

-أدهم: والله ، اهلا وسهلا بيكي

-سمر بتردد: آآآ الله يخليك

-أدهم: خدي راحتك ، ده بيتك !

-سمر: شكراً

-أدهم: ممم.. قوليلي هو انتي عارفة أنا مين ???

-سمر : احم.. الصراحة لأ

-أدهم: ايه ده مش معقول صاحبتهك ماقتلكيش عليا ??

-سمر نافية : لا والله هي مقاتلتيش حاجة

-أدهم: أنا أدهم

-سمر بقرف : ايه ده هو انت أدهم ????

-أدهم: واضح كده انها جابت سيرتي من شكل وشك

-سمر: سوري ، ما قصدش

-أدهم: ولا تقصدي

-سمر بصوت هامس : وده ايه اللي جابه هنا ??

-أدهم: بتقولي حاجة يا أنسة

-سمر: آآآ.. لأ

-أدهم: ممم.. أكيد انتي بتسألني نفسك انا بعمل ايه هنا مع يارا

-سمر: أه ... أقصد لأ

-أدهم: أنا أبقى جوز يارا

-سمر بصدمة: نعمم ??? جوز يارا !!

-ادهم: اينعم

-سمر: وده حصل امتي ??? دي أصلاً مش بتطيقك ولا بتقبلك

-أدهم: الله يكرمك ، واضح ان يارا مكنش ليها سيرة إلا أنا

-سمر: اه طبعاً ، طول اليوم كانت بتشتتم فيك وبتدعي عليك ، وبتقول فيك كلام وحش

-ادهم: ونعم الصديقة !!!

-سمر: أنا مستغربة انكم بصراحة اتجوزتوا ، هو انتو اتجوزتوا امتي ???

-ادهم: يووووه ، من زمان اوي

-يارا متدخلة في الحوار : ده اللي هو من يومين يعني !!

-سمر: يااااااا ، حبيبتي

-يارا وهي تحتضنها : سمر ، وحشاني اوي اوي اوي

-سمر: كده تيجي وماتقوليلش

-يارا: ما أنا مكنش معايا والله موبايل

-سمر: المهم اخبارك ايه ، وحشتني اوي

-يارا: وانتى أكثر

- أدهم : اسبيكوا تنموا مع بعض شوية ، وأنزل اشترى اكل ، ها تحبى تاكلي ايه يا

سمر ، ده انتى ضيفتنا

-سمر: لا والله مافيش داعي

-ادهم: يا ستي قولي ماتبقيش زي صاحبتك

-يارا: سيب سمر في حالها وملكش دعوة بيها

-أدهم: ما أنا سايبها ومركز معاك انت يا قمر

-يارا: انزل هات أي حاجة

.....
الحلقة الخامسة والسبعون:

في شقة يارا بالغرذقة ،،،،

خرجت يارا من الداخل لترى من الموجود لتتفاجيء بأنه خالد و...

-يارا بدهشة :خ... خالد !!!

-خالد: ايوه يا يارا ، ده أنا ..!!

-سمر في نفسها: انا شوفت الوش ده قبل كده

-يارا: انت.. انت عرفت اننا هنا ازاي ???

-خالد: مش محتاجة ذكاء يا يارا

-يارا: آآ...

-خالد بنرفزة وهو يقترب من يارا : ليه اتجوزتي ادهم ؟؟ ليبيبييه ???

-يارا: آآآ... أصل .. آآآ

-سمر: ممكن متزعقش حضرتك ؟؟

-خالد: عملتي كده ليه يا يارا ؟؟؟ فهميني طيب ؟؟ ايه السبب القوي اللي خلاكي

تتجوزيه ???

-يارا: الحكاية جت بـ.بسرعة و آآ

-خالد مقاطعاً بعصبية: هو ايه اللي جه بسرعة؟؟؟ أغيب يومي، ارجع ألاقي كل ده حصل

-يارا بخوف: أنا .. انا

-خالد وهو يحاول أن يبدو هادناً : أنا عارف انتي مالكيش ذنب هو اكيد استغل اني مش موجود وعمل كده ، صح؟؟ قوليلي .. انطقي

-يارا: آآآ... أنا .. أنا

-سمر : من فضل حضرتك اتكلم بهدوء شوية

-خالد لسمر بعصبية : انتي يا أنسة ، متدخليش أحسنك !

-سمر: لأ هادخل ، انت مش شايف نفسك بتتكلم ازاي؟؟

-خالد بحدة: وانتي مالك أصلاً؟؟؟ ايه اللي حاشرك بينا؟؟ احنا عيلة مع بعض

-يارا: متكلمش معاها كده

-سمر بضيق: أنا فعلاً ماليش في الموضوع ، بس برضوه مايصحش تتكلم معايا كده

-يارا: لو سمحت يا خالد ممكن آآآ...

-خالد: هو ايه اللي يصح ومايصحش ، وانتي كمان هتعرفيني أتكلم ازاي؟؟؟؟؟؟

-سمر: الله يكون في عونك يا يارا ، الحمدلله ان ربنا نجاكي

-ادهم : خالد !!!!

-خالد: انت شرفت

-أدهم: انت.. انت بتعمل ايه هنا؟؟؟

-خالد: كنت مفكر إنني مش هاعرف مكانك؟؟ ولا تلاقيك افكرت اني مش هعرف أوصلكم

-ادهم: لأ .. بس الحكاية إنني ماتوقعتش انك تكون رجعت وآآآ...

-عدلي: يعني أنا كده ضعت ???

-المتصل :

-عدلي : طب والمنظمة ??? هيعملوا ايه ?? مايقدرش حد فيها يتصرف ???

-المتصل :

-عدلي: ابييه ??? يعني ايه الكلام ده ?? معنى كده انهم باعوني ?? بس أنا لو وقعت

مش هاقع لوحدي ?? عرفهم كده كويس مش هاقع لوحدي !!!!!!!

أنهى عدلي الاتصال وهو في قمة الغضب ، فلقد انهار كل شيء تقريباً ، أصبح قاب قوسين أو ادنى من إلقاء القبض عليه ، وخسر كل ما يملك ..

-عدلي بنرفزة: كل حاجة كده ضاعت ، كده أنا ..أنا خلاص انتهيت ، لأ ، أنا مش هاضيع لوحدي ، أنا .. انا لازم انتقم من كل اللي ضيعني ، وأولهم بنت الزفت رفعت .. يارا !!!!

ثم رن هاتف عدلي برقم شخص آخر ، فأجاب على تلك المكالمة التي كان ينتظرها منذ فترة و ...

-عدلي : الوووو

-المتصل: عدلي باشا ، أنا عرفتك البت فين

-عدلي: فين ??

-المتصل: البت مع جوزها في الغردقة

-عدلي: جوزها !!!

-المتصل: ايوه يا باشا ، اتجوزوا من يومين وبيقضوا شهر غسل

-عدلي: مين جوزها

-جاسر: ازيك يا ماما

-ناهد وهي تنظر لاصابته : انا بخير يا حبيبي طول ما أنت بخير ، ايه اللي حصلك ???

-جاسر: عادي ، حاجة بسيطة

-ناهد: بسيطة ازاي ??? في حد اتعرضلك وانت سافر ?? قولي يا جاسر

-جاسر: يعني هتفرق ؟

-ناهد: أنا عارفة اني السبب ، بس غضب عني والله ، أنا فعلاً ندمانة اني عملت كده ، انا اللي غلظت من الأول ولازم أتحمل غلظتي

-جاسر: هو اللي مد ايده عليكي ??

-ناهد: مش مهم هو عمل فيا ايه ، المهم انك قدامي وبخير

-جاسر: أنا هاعرف ازاي أجيب حقنا منه

-ناهد: عشان خاطري يا جاسر ، ابعده عنه، انت متعرفهوش زي ما أنا عارفاه ، ده ايده طايلة وآآ...

-جاسر: على نفسه مش عليا ، لكن قسماً بالله لهدفحه كل اللي عمله فيا وفيكي

-ناهد: جاسر انا.. أنا عاوزاك آآآ

-جاسر: عاوزة ايه يا ماما

-ناهد: عاوزاك تقول لعمك رأفت يخلي باله من يارا

-جاسر بدهوة : ليه ??

-ناهد: أصل .. أصل عدلي مش ناوي خير ليارا ، ونايلها ع نية سودة

-جاسر: ماتقلقيش يارا محدش هيقدر يقرب منها

-ناهد: برضوه ، الحذر واجب

-جاسر: ماشي ، بقولك هو انتي عرفتي ان يارا اتجوزت ادهم

-ناهد: ايبييه ؟؟؟ يارا اتجوزت ادهم ؟؟ ده حصل امتى الكلام ده ؟؟ وازاي فريدة أصلاً
مقالتيش ؟؟؟

-جاسر: معنى كلامك انك متعرفيش برضوه

-ناهد: فهمني بالراحة ، يارا اتجوزت ادهم امتى وليه ؟؟؟

-جاسر: أنا معرفش هي اتجوزت أدهم ليه ، بس اللي اعرفه انها اتجوزته من يومين

-ناهد: وفريدة متعرفش الكلام ده

-جاسر: ايوه

-ناهد: دي زمانتها مولعة في الدنيا كلها

-جاسر: فعلاً .. هي من ساعت ما عرفت وهي قيذاها حريقة !!!

-ناهد: ربنا يستر من اللي جاي ..

.....

في منزل يارا بالگردقة ،،،،

في غرفة الصالون ،،،،

ادخل ادهم خالد إلى غرفة الصالون ليتحدثا سوياً و...

-خالد: ليه اتجوزتها ؟؟؟ عاوز تضمها لقايمة البنات اللي تعرفهم ؟؟؟

-ادهم: لأ مش كده خالص

-خالد: ماهو مش معقول تكون حبيتها ،

-ادهم: آآآ... أنا فعلاً .. آآآ.. حبيت يارا

-خالد: تيجي ازاي ؟؟؟ ده انت عمرك ما حبيت حد ! هتيجي الوقت وتحب يارا

-ادهم: أيوه ، وفيها ايه لما أحبها ، عملت جريمة
-خالد: أيوه عملت جريمة ، لما تكون عارف اني بحبها وتروح تتجوزها

-أدهم: ماهي قالتلك لأ

-خالد: وانت ماصدقت ؟؟؟؟

-ادهم: هي لو كانت عاوزاك مكانتش وافقت عليا أصلاً

-خالد: انت ضحكت عليها واستغلتها ، زي عوايدك

-أدهم: والله ما ضحكت عليها ، أنا فعلا بحبها

-خالد: انت كذاب

-ادهم : لأ مش كذاب

-خالد: انت تطلقها الوقتي حالاً

-ادهم: مش هيحصل ، مش هاطلق يارا مهما حصل

-خالد بصوت مرتفع : وأنا مش هاسيبك غير لما ترمي عليها اليمين

-ادهم بحدة : وأنا مش هاطلق ، فاهم يا خالد مش هاطلق !!!

.....

في الخارج ،،،

-سمر: ده الظاهر ان الدنيا والعة جوا

-يارا: أنا هدخل اشوف في ايه ، خليكي انتي هنا

-سمر: اوك

-خالد: هتطلقها غصبن عنك يا أدهم، وانا مش ماشي من هنا إلا لما تطلقها

-يارا وقد دافقت للداخل : وانت عاوزه يطلقتني ليه ؟؟؟

-أدهم: يارا

-خالد: لأن الجوازة غلط من البداية

-يارا: ومين قالك انها غلط ???

-خالد: عشان آآ...

-يارا مقاطعة : أنا بحب أدهم

-أدهم بفرحة وعدم تصديق : والله ؟ انتي بتتكلمي جد !

-خالد بحدة : انتي كدابة

-يارا: لا مش كدابة

-أدهم: خالد ، اتكلم كويس مع يارا

-خالد: لأ بتكدبي عشان انا عارفك كويس ، انتي مش بتطريقي حد يقرب منك ، فمابالك

ان الحد ده يكون أدهم

-يارا: لأ انت ماتعرفنيش

-خالد: انتي بتحاولي تبرري غلط حصل بغلط اكبر

-يارا: انت ليه مصمم ان اللي حصل غلط ???

-خالد: عشان ده أخويا وانا عارفه ، لما مش بيعرف يوصل لواحدة بيلف عليها

بطريقته

-أدهم: لأ يا خالد ، أنا مش كده ، أنا عمري ما ضحكت ع واحدة واستغلتها

-خالد: لأ انت كده ، كل قصصك عندي وبتوصلني ، واخرها كان رزان ، ولا نسيت ؟؟

-أدهم: ده كان لعب عيال

-خالد: مش بقولك ، كل حاجة عندك أمرها هين وسهل ولعب عيال ، والجواز عندك ما

يفرقش

-أدهم: لأ يفرق عندي

-خالد : بأمرأة ايه ان شاء الله ؟؟؟ ها قولي ؟؟؟ انت من امتى بتتحمل المسؤولية عشان تورط يارا معاك في ده ؟؟

-يارا: هه

-أدهم: انت غلطان ، انا مكونتش بتحمل المسؤولية عشان أنا مش حابب مجال الشغل ، لكن ده مش معناه اني مستهتر ولا اني مش اد المسؤولية

-خالد: ايوه ايوه ، اعمل راجل قصادها عشان تعجبها

-ادهم بحدة : خالد !!!

-خالد: زعلان عشان بكشفك قصادها ، ماهي المفروض تعرف ده عنك ، حقيقتك المستخبية

-ادهم: يارا ، اطلعي برا الوقتي

-يارا: آآ...

-ادهم: بعد اذنك يا يارا ، لأن الكلام اللي جاي بعد كده مايصحش تسمعيه

-يارا: آآ .. لأ أنا عاوزة أعرف

-ادهم وهو يدفعها خارج الغرفة : من فضلك يا يارا ، ده كلام بيني وبين أخويا !!!!

-يارا: استنى أنا ..أنا عاوزة أعرف آآ...

.....

أغلق أدهم باب غرفة الصالون ليتحدث مع أخيه حديثاً من نوع مختلف و...

-أدهم: كده نقدر نتفاهم أنا وانت

-خالد: وماله

-ادهم وهو يمسك بياقة أخيه: ازاي تقول عني الكلام ده قصاد يارا

-خالد وهو يدفع بيده : لإنها الحقيقة

-أدهم: انت تعرف عني ايه عشان تقول كده ؟؟؟ كل اللي بيوصلك بس أخباري ؟؟ لأ ومن مين من الناس ؟؟ دول مصدرك للمعلومات عني ، يعني انت بتسمع بس اللي الناس عاوزة تقوله عني وخلص ، وانت بتتلكك عشان تصدق ده من غير حتى ما تسألني !

-خالد: الناس مش هتكذب ، لأنه معروف عنك انك كده

-أدهم: لأ بيكذبوا لأنهم مايعرفوش حاجة عني ، بالظبط زي ما أنت ما تعرفش عني أي حاجة ، قولي تعرف ايه عن أدهم الصياد غير اللي الناس بتقوله ؟؟ ها قووول ؟؟؟؟

-خالد: عارف انك صايح بتاع بنات وبتلف عليهم وآآ

-أدهم مقاطعاً : لا والله.. بتاع بنات ، مش معنى اني بتعامل مع البنات باسلوب كويس وحنين معاهم أبقي كده

-خالد: ايوه ايوه ، برر لنفسك اللي بتعمله

-أدهم: لأ مش هبرر لنفسي ، أنا يوم حتى ما فكرت ارتبط برزان روحت طلبتها من ابوها وهو رفض

-خالد: رفض ليه؟؟؟ عشان مش عاوز يجوز بنته لواحد صايح زيك ، بيعتمد ع ابوه واخوه ولسه بيمد ايده ياخذ المصروف !!!!!

-أدهم: انت عندك حق اني فعلاً كنت بمد ايدي أخذ المصروف ، بس مسألتش نفسك ليه بعمل كده ؟؟؟ ليه ماوافققتش أنزل الشغل معاك ؟؟؟

-خالد: عشانك اتعودت ان كل حاجة تجيلك ع الجاهز

-أدهم: انت غلطان ، عشان أنا مش حابب الشغل معاك ، مش حابب طريقتك في التعامل ، مش حابب أكون متقيد بوظيفة تخنفتي ، كنت عاوز أشتغل في حاجة أنا بحبها ، لكن انت وبابا مصممين يا الشركة يا بلاش

-خالد: هه

-أدهم: ومع ذلك أنا كنت باجتهد في الرياضة اللي بحبها ، في الرماية ، تعرف اني حققت فيها بطولات وخذت من البطولات دي فلوس كثير ؟؟ تعرف ده ؟؟؟

-خالد: وايه يعني؟؟ الكل بيعمل كده

-أدهم: لأ مش الكل

-خالد: ممم....

-أدهم: تعرف ان وقتي معظمه مقضيه في النادي يا في التدريبات ، معمرش جربت
أشرب مخدرات ولا أنحرف زي ما كتير بيعمل .. ولا تلاقبك مفكرني كده ، مش بعيد
عندك

-خالد: كل ده ما يفرقش معايا

-أدهم: بس يفرق معايا أنا ... يفرق انك متعرفش عن اخوك حاجة غير اللي الناس
بتقوله وبس

.....

في نفس الوقت اسفل عقار يارا ،،،

-شخص ما: هي دي العمارة

-شخص آخر: اه هي

-شخص ثالث: عاوزين ننجز في السريع ، الباشا عاوز البت تكون عنده

-شخص ما : ماشي ، آمن انت الطريق ، واحنا طالعين نجيبها

-شخص ثالث: انا هدور العربية ، وانتو هاتوها بس او عوا حد يحس بيكوا

-شخص آخر : اظمن

.....

في شقة يارا ،،،،

-سمر: اهدي يا يارا

-يارا: أنا عاوزة أعرف ايه اللي بيحصل بينهم جوا

-سمر: هما أخوات وهيتفاهموا مع بعض

-يارا: انتي مش عارفة خالد ، ده في عصبيته وحش

-سمر: ربنا يستر

ثم رن جرس الباب ، فذهبت يارا لترى من الطارق و...

-يارا: ده مين ده اللي هيجيلنا السعادي

-سمر: اكيد حد من الجيران سمع الصوت، فعاوز يظمن

-يارا: أنا مش عارفة ايه الناس دي اللي بتحشر نفسها في اللي مايخصهاش

-سمر: اه والله

تررررر

-يارا: حاضر جاية

فتحت يارا الباب لتتفاجيء بأحد الأشخاص الملتئمين يمسك بها ويكلمها فمها و...

-يارا وهي تفتح : أيوه ، انت مين .. لألألا .. ممممممم

-شخص ما وهو يكلمها : أهلاً يا حلوة ، انتي هاتجي معانا

-سمر: في ايه يا يارا ؟؟؟ يالهووي !! مين دول ؟؟؟

أمسك الشخص الآخر بسمر وكلم فمها بيده ليمنعها من الصراخ و...

-شخص آخر: نجيب البت دي كمان معانا

-ادهم: فين يارا

-سمر: ي.. يارا .. خ..خدوها ، إل..الحقها

-ادهم : يارالالا

-خالد: ماتتكلمش ، أنا هاطلب الاسعاف بسرعة

-سمر متأمة: إل.. الحقوا ي... يارا ، ن...ناس خطفوها

جرى أدهم مسرعاً على السلام ليحاول اللحاق بيارا ، ولكن للأسف لم يجد إلا سيارة تنطلق مسرعة وفي داخلها يارا ، جرى ادهم وراء السيارة ولكنه لم يستطع اللحاق بها و...

-يارا بصريخ من داخل السيارة : أدهم ——— !!..

-شخص ما: سكت البت دي بدل ما تفضحنا

-شخص آخر وهو يلكمها بقوة: اخررسي يا بت طالاخ

-ادهم وهو يجري خلف السيارة : ي————ارالالا

!!!!!!

.....

الحلقة السادسة والسبعون :

-عدلي: في ايه ???

-شخص ثالث: البت الثانية اللي كانت معاها خلصنا عليها

-عدلي: ايبويه ???

-شخص ثالث: متقلقش يا باشا ، هي ماشفتش وش حد فينا ، بس زيادة حرص موتناها

-عدلي: انتو اغبية ، في حد قالكوا تعملوا كده

-شخص ثالث: محدش هيعرف حاجة يا باشا ، اظمن ، احنا في السليم

-عدلي: اقول ايه بس انا مشغل معايا بهائم !!!!!

-شخص ثالث: يا باشا احنا مش سايبين ورانا أي دليل

-عدلي: انت تخرس خالص ، وتجييلي البت ع البيت ، وانا جاي أتفاهم معاكو ، وأشوف اللي نيلتوه

-شخص ثالث: حاضر يا باشا

أنهى عدلي المكالمة مع أفراد العصابة ، ثم صاح احدهما في الباقي بـ...

-شخص ثالث: عاجبكوا الحال ?? اهو الباشا اتضايق من اللي حصل

-شخص ما: يعني كنا هنتصرف ازاي ، ماهو البت الثانية طلعتنا فجأة

-شخص آخر: طالما محدش شافنا ولا عرف حاجة يبقى احنا في السليم ، وبعدين زمانت البت الوقتي بتتحاسب ، يعني خلاص المشكلة اتحلت

-شخص ثالث: طب اطع ع البيت القديم

-شخص ما: حاضر يا كبير

.....

كاد ادهم أن يجن لأنه لم يستطع اللحاق بمن خطفوا يارا ، لكن لحسن الحظ استطاع أن يلتقط اول أرقام من السيارة ، فربما سوف يساعده هذا في ايجادها ، عاد أدهم مسرعاً إلى المنزل حيث سمر المطعونة ، كان خالد يحاول ايقاف النزيف ، وكانت سيارة الاسعاف في طريقها إليهم و...

-أدهم وهو يلهث : ملحقتش يارا يا خالد ، ملحقتهاش

-خالد: طب اهدى

-أدهم: فضلت أجري ورا العربية لكن هما سبقوني ، يارا ضاعت مني وأنا السبب ، أنا اللي غفلت عنها وملحقتهاش ، ملحقتهاش!!!!

-خالد: اهدى شوية ، احنا هنوصلها ان شاء الله

-ادهم: ولاد الكلب خدوها من وسطنا واحنا مش حاسين ، كان فين عقلي وأنا عارف انها مددة في أي وقت

-خالد: هنرجعها يا ادهم هنرجعها

-ادهم: يااااا رب ، او مال سمر ازيها الوقتي؟؟؟

-خالد: انا حاولت أوقف النزيف والاسعاف جاي في الطريق

-أدهم: ربنا يسترها عليها ، البت دي مالهاش ذنب في اللي حصل

-خالد : اها .. نصيبها للأسف

.....

في المستشفى العام بالگردقة ،،،،

وصلت سيارة الاسعاف ، ونقلت سمر إلى المشفى القريب ، كانت الاصابة غير خطيرة ، ولكن رغم هذا فقدت الكثير من الدماء ، ظلأدهم يندب حظه ويلوم نفسه كثيراً نتيجة ما حدث ليارا و...

-أدهم: انا مش عارف أعمل ايه يا خالد ، هوصل ليارا أزاى؟؟ احنا لازم نكلم البوليس
ونعرفهم باللي حصل

-خالد: لأ استنى ، احنا نكلم جاسر ونعرفه باللي حصل ، هو عنده الناس اللي تقدر
تساعدنا اننا نوصل ليارا

-أدهم: ايوه صح .. لازم نوصلها .. متخافيش يا يارا ، أنا هاعمل المستحيل عشان
أوصلك

ثم خرج الطبيب من غرفة الطوارئ و...

-الطبيب : احنا محتاجين نقل دم للآنسة

-أدهم: فصيلة دمها ايه؟؟؟

-الطبيب: A موجب

-خالد: ايوه أنا فصيلة دمي زيها

-الطبيب: طب ممكن حضرتك تتفضل معانا

-خالد: اوك .. أدهم !

-ادهم: أيوه

-خالد: ماتضيعش وقت كتير يا أدهم ، اتصل بجاسر وعرفه باللي حصل ، وهو
هيساعدنا ، مهما كان دي اخته

-ادهم: حاضر

.....

في غرفة اخرى بالمشفى ،،،

كان خالد جالساً على أحد الأسرة لكي يتبرع بدمه لسمر حينما جاءت إليه الممرضة وهي تحمل متعلقات سمر و...

-الممرضة: اتفضل يا حضرت

-خالد: ايه دول ???

-الممرضة: دي حاجات الأنسة اللي جوا يا حضرت ، أنا جبتهاك بدل ما تضيع في الدوشة

-خالد: اها... طيب شكراً

تفحص خالد متعلقات سمر الشخصية التي أعطتها له الممرضة ، فوجدها حافظة نقود وهاتف محمول وميدالية مفاتيح ، فوضعهم بداخل جيب بدلتة كي لا يفقدهم ...

-خالد: أحسن حاجة اعنهم في جيبى لحد ما أشوف هاعمل ايه بيهم بعد كده ...!!

.....

اتصل ادهم بجاسر ليبلغه بما حدث فجن جنونه حينما عرف ما جرى لأخته يارا و...

-جاسر : انت بتقول ابييه ??? يعني ايه اتخطفت

-أدهم: اللي حصل يا جاسر

-جاسر: وازاي ده يحصل وانتو الاتنين معاها

-أدهم: أصل .. أصل أنا وخالد كنا بنتخايق و..آآآ.. و

-جاسر: اصل ايه ??? انتو .. انتو عارفين ممكن يكون حاصلها ايه بسببكم ???

-أدهم: أنا شوفت أول 3 أرقام للعربية

-جاسر: طب قولهاالي واوصفلي العربية بالظبط وأنا هحاول أتصرف من عندي

-ادهم: جاسر ، لو في أي حاجة مضايقتك مني انساها الوقتي ، انا محتاج اننا كلنا نكون سوا عشان يارا مش عشاني

-جاسر: انت عبيط ، يارا دي أختي قبل ماتكون مراتك !! وأنا مش هاسيبيها ، اقلل معايا خليني أشوف هاتصرف ازاي

.....

طلب أدهم والده أيضاً ليبلغه بما حدث و...

-رأفت بصدمة: يارا !!! اتخطفت ???

-ادهم: ايوه يا بابا

-رأفت: طب ازاي وانت كنت معاها ؟؟؟؟

-ادهم: أنا .. أنا كنت بتكلم مع خالد وآ...

-رأفت: خالد !! هو كان عندك في الغردقة

-ادهم: ايوه ، بس مش ده المهم الوقتي يا بابا ، المهم احنا عاوزين نتصرف ونجيب يارا بأي شكل ، يارا ممكن تضيع مني ، وأنا مش هاستحمل يجرالها حاجة ، والله ما هستحمل !!!!

-رأفت: ان شاء الله هانجيبيها ، بس لازم تعرفني ليه خالد جه عندك ???

-أدهم: مش وقته يا بابا ، انا كل اللي يهمني يارا وبس ، مش خالد جه عندي ولا لا !!

-رأفت: طيب أنا هاعمل اتصالاتي واحاول أوصل لأي حاجة

-أدهم: بابا لازم تحط في الاعتبار حياة يارا قبل أي حاجة

-رأفت: اطمئن يا بني ، يارا دي بنتي

-ادهم: وهي مراتي الوقتي

.....

كان جاسر يجري العديد من الاتصالات التليفونية مع عدد من اصدقائه خاصة في المرور والمباحث الجنائية من اجل التوصل ليارا دون إثارة الشبهات حول عملية البحث و...

-جاسر هاتفيا: أيوه هي دي الأرقام والمواصفات

-المتصل:

--جاسر: تمام .. أيوه كانت في الغردقة

-المتصل:

-جاسر: مش بعيد انها تكون مسروقة ، بس لازم نتأكد

-المتصل:

-جاسر: خلاص ماشي ، وانا لو عرفت أي جديد برضوه هبلغك

.....

-جاسر هاتفيا: أيوه يا إسلام ، عاوزك في حاجة مهمة اوي

-اسلم: خير يا جاسر

-جاسر: اختي الصغيرة اتخطفت

-اسلام : ايبييه ??? اتخطفت ، وده مين اللي اتجرأ وعمل كده ???

-جاسر: انا شاكك في واحد معين بس مش متأكد منه

-اسلام: طب اديني اسمه وانا هعمل اللازم

-جاسر: اسمه عدلي وهو مدير شركة ((.....)) و.....

-اسلام : تمام ، انا هتصرف وابلغك بكل الجديد ، وان شاء الله ترجع بالسلامة

- جاسر: يا رب ان شاء الله ، بس مش هوصيك السرية
-اسلام : اظن يا جاسر بيه ، عمليات الخطف دي دائماً بتحصل واحنا ان شاء الله مش
هنرتاح إلا لما نوصلها
-جاسر: انا هبعثك صورة ليها كمان عشان يبقى عندك خلفية بشكلها
-اسلام: تمام اوي

.....

- في فيلا رأفت الصياد ،،،،،
أبلغ خالد أخيه عمر بما حدث مع يارا و...
-عمر هاتفياً : ازاي تتخطف يا خالد ؟؟
-خالد : اهوو اللي حصل
-عمر: طب هتصرفوا ازاي ؟؟ يارا لازم ترجع
-خالد: ادينا بنحاول نعمل اللي علينا
-عمر : اللي عليكموا مش كفاية لوحده ، لازم تتصرفوا !!!
-خالد: طيب ، أنا هاقفل الوقتي ، ونتكلم بعدين
-عمر: ماشي ، بس أمانة عليك يا شيخ تظمني أما تعرف حاجة عن يارا ، ماتسبنيش
كده
-خالد: طيب يا عمر ، سلام دلوقتني

.....

في المستشفى العام بالگردقة ،،،،

خرج الطبيب ليظمن خالد على سمر بعد نقل الدم إليها و....

-الطبيب: الحمد لله ، الأنسة اللي معاك بقت احسن

-خالد: طب الحمد لله

-الطبيب: ان شاء الله يومين بالكثير وتخرج من هنا

-خالد: يومين !!!

-الطبيب: اها .. يكون الجرح لم منها وقدرت تقف على رجلها

-خالد: الله مش حضرتك قولت انها كويصة

-الطبيب: ايوه ، بس أحدة طعنة في البطن ، ولازم نظمن عليها عشان لا قدر الله لو في مضاعفات ولا حاجة

-خالد: اها .. مافيش مشكلة

-الطبيب: اوك .. عن اذنك

-خالد: اتفضل

-خالد في نفسه: طب المفروض انا أعمل ايه الوقتي مع البنت دي ، لازم حد من اهلها يعرف باللي جرالها وإلا ممكن يفكروا ان في حاجة وحشة حصلت لها .. طيب أجيب أرقامهم منين ولا أكلمهم ازاى؟؟ ممم... أيوه صح أنا معايا الموبايل بتاعها ، هحاول أشوف ان كان في رقم لحد من عيلتها متسجل عليه!!!

.....

بحث خالد في هاتف سمر عن أي رقم لعائلتها وبالفعل وجد رقم والدها في بداية القائمة فطلبه و...

-عبد الجواد هاتفياً: الووو ، ايوه يا سمر ، انتي فين يا بنتي كل ده ، مش قولتي هاتروحي شوية عند صاحبك وترجعي ، احنا أعيدين مستنينك

-خالد : الوووو .. ايوه يا حاج

-عبد الجواد باستغراب: مين معايا ???

-خالد: حضرتك والد الأنسة سمر

-عبد الجواد: ايوه ، انت مين ??? وبتعمل ايه بموبايل بنتي ???

-خالد: احم... أنا خالد الصياد ، وآآ... كنت بكلم حضرتك عشان أبلغك ان بنتك في المستشفى وآآآ....

-عبد الجواد بصدمة: بنتي في المستشفى ??? حصلها ايه ???

-خالد: حادثة بسيطة ، بس اظن هي كويسة الوقتي

-عبد الجواد: بالله عليك يا بني تظني ??? هي كويسة ولا... ولا .. آآآ

-خالد: والله هي كويسة ، أنا بس قولت ابلغك باللي حصل ، وأنا موجود معاها حالياً

-عبد الجواد: طب... طب هي في مستشفى ايه يا بني ???

-خالد: في مستشفى الغردقة العام

-عبد الجواد: طب أنا جاي ع طول ، مسافة السكة

-خالد: اوك

.....

في فيلا رأفت الصياد

كان عمر يجلس حزينا في غرفة المعيشة ويدعو الله أن ينجي يارا مما أصابها ،
فدخلت عليه فريدة و...

-عمر: يا رب نجبها من اللي هي فيه ، يارب متخليش حاجة تحصلها يااا رب

-فريدة: مالك يا عمر

-عمر: مافيش

-فريدة: طب قوم البس عشان تروح التمرين ، انت ناسي عندك بطولة كمان كام يوم

-عمر: لأ مش رايح

-فريدة: ليه ان شاء الله

-عمر: هو كده

-فريدة: ولد اتكلم معايا عدل !!!

-عمر: سوري يا ماما ، بس أنا فعلاً مش فايق أروح التمرين دلوقتي

-فريدة: ليه ان شاء الله ؟؟؟؟؟

-عمر: ماما ، أنا هاقوم

-فريدة: استنى يا عمر ، أنا لسه مخلصتش كلامي

.....

وفي نفس الوقت كان رأفت قد دلف للفيلا فأسرع عمر إليه ليستفسر منه عن يارا و...

-عمر بلهفة : بابا عرفت أي حاجة عن يارا

-رأفت: لأ لسه يا بني

-عمر: استر يا رب

-رأفت: اظمن يا عمر ان شاء الله هنوصلها ، احنا مش ساكتين

-فريدة بعدم فهم : هو في ايه ؟؟؟

-رأفت: يارا مخطوفة وبنودر عليها

-فريدة بفرحة : ايبيه؟؟ اتخطفت !! بجد ؟؟؟

-رأفت: ايوه يا فريدة ، هو في هزار في الكلام دخ

-فريدة: احسن ، اياكش ماتلاقوها ، ولا عادت ترجع البيت ده تاني

-عمر: سامع يا بابا !!!

-رأفت بحدة : فريدة !!!

-فريدة: ده بقى اللي مضايقتك يا عمر ومش مخليك عاوز تروح التمرين ، مالكش

دعوة بيها البت دي !!!

-عمر: اهو عشان كده مكونتش عاوز أقولك

-فريدة: سيبك من الكلام الفاضي ده والتفت أحسن لمستقبلك وللبطولات اللي وراك

!!..

-عمر: يارا مش كلام فاضي ، دي بني آدمة زينا ، وفي موقف صعب جداً وكان ممكن

يكون أي حد فينا يتعرضله !!

-رأفت: في ايه يا فريدة ، اللي بتكلمي عنها دي بنت اخويا مش حد غريب ، واحنا في

حالة ما يعلم بيها إلا ربنا وانتي فرحانة ومافيش عندك دم خالص

-فريدة: اووف ..

-عمر: بابا طب أدهم وخالد عملوا أي حاجة ؟؟

-فريدة بصوت هامس : اياكش تولع مطرح ماهي أعدة ولا عنت أشوف وشها ده

-رأفت: اخواتك مش ساكتين، وكمان جاسر مكلف أصحابه يقلبوا الدنيا لحد ما يعرفوا

هي فين

-عمر: يا رب نلاقها قريب

-عبد الجواد : والنبي يا بني في بنت جتلكم من شوية المستشفى هنا ؟؟

-موظف الاستقبال: اسمها ايه يا حاج ؟؟؟

-عبد الجواد : اسمها سمر يا بني ، سمر عبد الجواد

-موظف الاستقبال: طيب ثواني أشوفها

-عبد الجواد: ماشي يا بني ، دور على الاسم ، استرها يا رب ، اجعل العواقب سليمة يا رب

-موظف الاستقبال : أيوه يا حاج ، هي موجودة عندنا فعلا ، هتلاقيها في الأوضة
((...))

-عبد الجواد : ودي مكانها فين ؟؟؟؟

-موظف الاستقبال: اطلع الدور الثالث هتلاقي الأوضة 3 واحدة ع ايدك اليمين

-عبد الجواد وهو يجري مسرعاً : شكر اااا يا بني

.....

أسرع الأستاذ عبد الجواد إلى الطابق الثالث حيث توجد غرفة ابنته ، ثم وجد أحد الأشخاص في الطريقة ، فحاول ان يستفسر منه أكثر عن ...

-عبد الجواد: معلش يا بني لو سمحت

-خالد: خير يا حاج

-عبد الجواد : ممكن تقولي بس في الأوضة رقم ((...)) ، أصل أنا تايه ومش عارف هي فين بالضبط

-خالد بتردد : آآ... هو حضرتك والد الأنسة سمر

-عبد الجواد: ايوه أنا ، انت تعرفها ؟؟ قولي الله يكرمك هي فين ؟؟؟؟

-خالد: هي في الأوضة اللي هناك دي

-عبد الجواد : شكراً يا بني .. بس انت مقولتليش انت مين ؟؟؟؟

-خالد: احم .. أنا .. انا خالد الصياد

-عبد الجواد: ايوه .. انت اللي كلمتني صح ؟؟؟

-خالد: أيوه يا حاج

-عبد الجواد: أنا مش عارف أشكرك ازاي يا بني ع اللي عملته ، أنا بس هاروح اظمن ع بنتي وأرجعك

-خالد: اتفضل ، ومتقلقش عليها هي كويسة

-عبد الجواد: الحمدلله يا رب ، الحمدلله

.....

دلف عبد الجواد إلى غرفة ابنته بالمشفى ليطمئن عليها ، وجدها نائمة ثم سأل الطبيب عن صحتها وبالفعل طمأنه الطبيب عليها ، وبعد ذلك خرج ليقابل خالد و...

-عبد الجواد : بنتي عاملة ايه يا دكتور ؟؟؟؟؟

-الطبيب: بخير يا حاج ، متقلقش

-عبد الجواد: طب هو ايه اللي حصلها ؟؟؟

-الطبيب: هي جت المستشفى وكانت أخدة طاعنة في البطن

-عبد الجواد بفزع: ايبيببييه ؟؟؟

-الطبيب: اهدى يا حاج ، الحمدلله احنا لحقناها ، كانت محتاجة نقل دم ، والاسناذ اللي جابها اتبرعها بالدم ، ومتقلقش يومين بأمر الله وهتخرج من المستشفى

-عبد الجواد: يعني حالتها كويسة ؟؟

-الطبيب: ايوه يا حاج

.....

خرج عبد الجواد ليتحدث مع خالد ويشكره على ما فعل و...

-عبد الجواد: أستاذ خالد

-خالد: ايوه يا حاج

-عبد الجواد: أنا .. انا مش عارف أشكرك ازاي ع اللي عملته مع بنتي ، الحمد لله
الدكتور طمني عليها ، وأنا جاي أشكرك ع اللي عملته

-خالد: أنا معمלתش حاجة يا حاج آآ...

-عبد الجواد: انا اسمي عبد الجواد يا بني

-خالد: انا والله معمלתش حاجة يا حاج عبد الجواد ، أنا بالعكس عاوز أعتذرلك ع
الموقف اللي بنتك اتخطت فيه بالغلط ، هي للأسف كانت موجودة وقت ما يارا اتخطفت
وآآ...

-عبد الجواد بخضة: هو يارا اتخطفت؟؟؟

-خالد: ايوه

-عبد الجواد: لا حول ولا قوة إلا بالله ، طب حصل ازاي ده؟؟

-خالد: للأسف من شوية ، وبنت حضرتك كانت موجودة وقت ما ده حصل ، وللأسف
اتخذت غلط في الرجلين

-عبد الجواد: لله الأمر من قبل ومن بعد ، ربنا يردهالك سالمة غانمة ان شاء الله

-خالد: يا رب امين

-عبد الجواد: لو في حاجة يا بني أقدر أقوم بيها ، قولي ، وأنا والله مش هتأخر ، يارا
دي زي سمر بنتي بالظبط

-خالد: الله يكرمك يا حاج ويقومهاالك بالسلام ، أنا مضطر استأذن ، والحمد لله اننا
اطمنا على الأنسة سمر

-عبد الجواد : اه يا بني اتفضل ، وابقى طمنا ع يارا ، وربنا يرجعهاكم بالسلامة

-خالد: ان شاء الله ، عن اذنك

.....
في منزل ما قديم ومهجور ،،،

وصل الخاطفون بيارا إلى منزل قديم ومهجور في أحد المناطق المنعزلة على الطريق للقاهرة و...

-يارا وهي تقاومهم : ممممم.. ممممم

-شخص ما: احدها عندك ياله

-شخص اخر: حاضر ، والنبي الجميل ده خسارته في البهدة

-شخص ما: ملكش دعوة بدل ما يجي الباشا ينفخنا كلنا

-يارا: ممممم...مممممم

-شخص آخر: طيب .. اترزعي هنا يا حلوة ، لحد ما نشوف هنعمل معاكى ابييه

ألقي أحد أفراد العصابة بيارا على الأرض في غرفة قديمة ، ثم أغلق الباب خلفها و...

-يارا في نفسها: مين دول ، وعاوزين مني ايه؟؟ انا ... أنا خايفة أوي .. يارب نجيني من اللي أنا فيه ده ، أنا لازم أحاول اهرب من هنا ، بس ازاي هأهرب وأنا متكتفة كده ، لازم أتصرف ، لازم أشوف هعمل ايه.....!!!!

الحلقة السابعة والسبعون :

في منزل يارا بالگردقة ،،،

كان ادهم يحاول التفكير في الشخص الذي ربما يكون له علاقة بختف يارا ، وكانت جميع شكوكه تتمحور حول عدلي ، خاصة هو المستفيد الوحيد من تلك المسألة و...
-أدهم: هو الزفت عدلي اللي ورا اللي حصل ليارا ، أيوه عاوز يخلص منها ويكوش ع كل حاجة ، ماهو مين ليه مصلحة في اللي حصلها غيره ..!!!

ثم طرق شخص ما باب المنزل ، كان ادهم على وشك فتحه ولكنه سمع صوتاً نسائياً يعرفه ، فنظر من العين السحرية ليجدها الجارة سامية و...

-سامية من الخارج : افتحي يا يارا ، افتحي يا عروسة ، أنا طنطك سامية

-أدهم وهو ينظر من العين السحرية : أعوذو بالله ، ايه اللي جاب الولية الفقرية السودية دي دلوقتي ، أل انا كنت ناقصها

-سامية (طق...طق...طق) : يا يارا ااااا .. افتحي يا حبيبتي

-أدهم في نفسه: أنا لو مافتحتلهاش يبقى مش هاخلص النهاردة

قرر ادهم أن يفتح لها الباب و...

-أدهم: خير

-سامية: ازيك يا أدهم ، عامل ايه؟؟

-ادهم: الحمدلله

-سامية: اومال فين يارا

-ادهم في نفسه: أنا لو قولت للولية دي أي حاجة مش بعيد تنشر الخبر في المنطقة كلها ، ده غير ان عينها اعوذو بالله مش بعيد يارا تروح فيها بسببها

-سامية: ايه يا بني؟؟ فين يارا؟؟؟

-ادهم: نامية يا حاجة ، تحبي أقولها حاجة أما تصحى

-سامية: نامية!! طب ازاي؟؟ ده أنا كنت سامعة دوشة جاية من عندكو من شوية ، وشوفت عربية اسعاف و آآآآ....

-أدهم مقاطعاً: مش احنا يا حاجة ، مش احنا ، وعن اذنك بقى لحسن أنا كمان تعبان ، مع السلامة

-سامية: طيب لما تصحى قولها اني عدت عليها

-ادهم: ان شاء الله

أغلق أدهم الباب في وجه الجارة الحسودية سامية وهو يزفر في ضيق ، هو يريد أن يعرف أي شيء عن يارا ، ولا يتحمل المكوث في المنزل في انتظار أي خبر عنها و...

-ادهم وهو يزفر في ضيق: لحد امتى هافضل متنيل أعد كده في البيت مش عارف أعمل أي حاجة ، لحد امتى؟؟؟ أناهموت ع يارا ومحدث حاسس بيا!! لازم اتصرف ، مش هافضل أعد كده

ثم سمع أدهم طرقةً آخر على باب المنزل و...

-ادهم بضيق: قسماً بالله لو طلعت الولية دي لهطع عليها غلبي كله ..

ذهب ادهم ليفتح الباب ليجد أن الطارق هذه المرة هو أخيه خالد و...

-أدهم: خالد

-خالد: ايوه أنا ..

-ادهم: في جديد ???

-خالد: لأ لسه

-ادهم: أنا خلاص اتخنقت وهاتجنن ، أعد في مكاني مش بأعمل أي حاجة ، والله اعلم
يارا بيحصلها ايه الوقتي

-خالد: ماينفعش نتحرك من غير جاسر ما يكلمنا

-ادهم: وانا مش هاستنى جاسر

-خالد: استنى يا أدهم ، انت هاتروح فين تدور عليها الوقتي

-ادهم وهو يتحرك ناحية الباب : هادور عليها في أي حطة ، بس مش هافضل أعد كده
وهي بتتبهدل برا

-خالد وهو يمسك ذراعه: اصبر بلاش تهور

ثم رن هاتف خالد برقم جاسر ، فأجاب عليه فوراً و...

-خالد: ده جاسر بيتصل

-ادهم: طب رد عليه يمكن يكون عرف حاجة

-خالد: اها

-خالد هاتفياً: الووو ، ايوه يا جاسر ، ها ايه الأخبار، عرفت أي حاجة ؟؟؟؟

-جاسر هاتفياً: يعني مش أوي ، بس اللي وصلني من أصحابي في المرور ان العربية
اللي ادتوني أرقامها ومواصفاتها متبلغ عن سرقتها

-ادهم مقاطعاً: ها قالك ابيه ???

-خالد: ثواني بس اسمع

-جاسر: بقولك يا خالد العربية مسروقة من يوم واحد بس ، لأ ومن الغردقة كمان

-خالد: يوم !! ومن الغردقة !!!

-جاسر: ايوه ، وفي نفس الوقت العربية دي مدخلتش القاهرة ، مافيش أي كاميرا ع الطريق أو رادار لاقطها

خالد: يعني في احتمال انها لسه هنا في الغردقة

-جاسر: بنسبة كبيرة ، ماتستبعدش ده

-خالد: طب و هتعمل ايه ???

-جاسر: أنا مكلم زمايل ليا في المباحث وهما شغالين ، وان شاء الله هنوصل لحاجة ، أنا مش ساكت .. دي يارا مش اي حد

-خالد: يا مسهل يا رب

-ادهم: ها ؟؟ ايه الأخبار ؟؟ طمني

-خالد لأدهم : حاضر يا ادهم ، هاتكلم مع جاسر وبعدين أقولك

-أدهم: طيب

-خالد هاتفياً: ماشي يا جاسر ، كلمني لو عرفت حاجة تانية

-جاسر: ماشي ، سلام

-ادهم: ما ترد عليا عرفت ايه ???

-خالد: مافيش جديد لسه

-ادهم: اووووف

-خالد: اصبر يا ادهم ، وان شاء الله هنلاقيها

-ادهم: ولحد ما ده يحصل هنفضل كده أعيدين مستنين أي خبر عنها !!!

-خالد: مقدمناش حاجة غير كده

-ادهم: وانا مش هاقدر اقعده ، هانزل أدور عليها في الشوارع ، يمكن أعرف أي حاجة

-خالد: يا أدهم استنى

-ادهم: لأ ... !!!!!!!

نزل أدهم من المنزل وهو في حالة يرثى لها ، كان يريد أن ينفث عن ضيقه و غضبه و حزنه على يارا بعيداً عن أي أحد ، ظل يقود سيارته وهو يبكي حزناً عليها ، لم يتصور أنه سيفقدها بعد أن بدأت تشكل جزءاً هاماً من حياته و...

-ادهم وهو يقود سيارته: ليه؟؟ ليه يحصلنا كده؟؟ ده أنا كنت خلاص قربت منها ، يارا بقت حياتي من يوم ما حبيتها ، أنا مش عارف ده حصل امتى ، بس أنا اللي عارفه اني هاموت عليها ، مش مستحمل بعدها عني ، انتي فين يا يارا؟؟؟؟ انتي فين يا حب حياتي !!!

.....

في المنزل القديم المهجور ،،،

كانت يارا تحاول أن تستكشف أين هي ، حاولت أن تتحرر من البل الذي يقيدها و جرحت يدها وهي تفعل ذلك ، ولكنها أصرت على الاستمرار في المحاولة ، فهي لا تريد أن تظل حبيسة في ذلك المكان البغيض ، وكانت تسمع للحوارات الدائرة بين الأشخاص الذين قاموا بخطفها و....

-يارا في نفسها: أنا.. انا مش هافضل محبوسة هنا ، لازم احاول اهرب من هنا ، بس هاعمل ده ازاي ، وفي شو حطة برا واقفين ممكن يقتلونني لو عملت ده ، أول حاجة بس لازم أعملها اني أفك الحبل اللي رابط ايدي .. آآآآه ... مش قادرة ، ده رابطينه جامد أوي، آآه .. ايدي ، مش مهم الوجع ، المهم اني اهرب

-فريدة: اها .. بقالي كتير ماحتفلتش ولا غيرت جو

-صباح بتردد: بس آآآ... بس

-فريدة: من غير بس ، يالا اعلمي اللي بقولك عليه ، أه ولما تيجي البنت بتاعة البيوتي سنتر خليها تطلعي الأوضة

-صباح : حاضر يا هانم .. !!

صعدت فريدة إلى غرفتها لتستعد لحفلتها المسائية ، بينما ظلت صباح تتعجب في ضيق مما تفعله فريدة و....

-صباح في نفسها: الولية دي معندهاش دم فعلا ، البونية الغلبانة مخطوفة والكل بيدر عليها ، ودي عاوزة تعمل حفلة وتزيط .. صدق اللي قال فعلاً ده اللي اختشوا ماتوا !!!

.....

لاحظ عمر قيام صباح بعمليات توضيب في الفيلا ، فاستغرب لهذا كثيراً و...

-عمر : صباح هو في ايه ???

-صباح: فريدة هانم عاملة حفلة النهاردة

-عمر: نعم ?? حفلة !

-صباح: ايوه يا عمر بيه

-عمر: هي ماما حصلها حاجة عشان تعمل حفلة واحنا في الظروف دي ???

-صباح: والله ما أنا عارفة يا بني

-عمر: أنا لازم اكلمها ، مايصحش اللي هي بتعمله ده ، احنا في ايه ولا ايه

-صباح: يا ريت يا عمر بيه

.....

صعد عمر إلى غرفة والدته ليتحدث معها بشأن الحفلة التي ستقيمها في المساء و...

-عمر : ماما ، هو الكلام اللي سمعته ده بجد

-فريدة: كلام ابييه؟؟

-عمر: انك ناوية تعملي حفلة بالليل هنا في الفيلا

-فريدة: اها

-عمر: يعني ده حقيقي

-فريدة: ايوه ، هو انا مش من حقي أفرح شوية واهون على نفسي

-عمر: من حقك يا ماما ، بس لما نكون في ظروف تانية غير دي

-فريدة: اوووف، ظروف ايه دي اللي تمنع اني أعمل حفلة

-عمر: يارا يا ماما

-فريدة: وأنا مالي بيها ، دي حاجة تخصني أنا مش هي

-عمر : ياماما ازاي نعمل حفلة وهي مخطوفة ومش عارفين عنها أي حاجة

-فريدة: بقولك ايه أنا مش فاضية للكلام الفارغ ده ، مخطوفة ، متولع فيها ،

مايهمنيش !!

-عمر: بجد أنا مستغربك والله .. يعني انتي ترضي يا ماما ان يكون حد فينا في مصيبة

وبابا بيحتفل

-فريدة: بعد الشر عنكو ، بس هي تستاهل كل حاجة بتجرالها ، دي بت بتاعة مشاكل

وخرابة بيوت ، فده كان اقل حاجة ممكن تحصلها ، مش كفاية سرقت ابني مني

وضحكت عليه واتجوزته ، ده أنا لو اطول أخنقها بايدي كنت عملت ده

-عمر: الظاهر ان كلامي مع حضرتك مالوش أي لازمة .. عن اذنك

-فريدة: هه ... اوك امشي يا عمر ، وخليني أستعد للبارتي بتاعتي .. واو ، أخيرا هاخذ
حريتي في بيتي وأعمل اللي عاوزاه !!!

.....

في احد مكاتب المباحث الجنائية ،،،

-اسلام: العربية موصلتش القاهرة ، وده فيه احتمالين انها لسه في الغردقة ، أو في
مكان قريب من القاهرة

-وائل: وممكن أصلاً يكونوا اتخلصوا من العربية ، وكانت بس وسيلة لخطف يارا

-اسلام: جايز برضوه

-وائل: احنا نحاول نشوف كاميرات المراقبة اللي ع طول الطريق من الغردقة للقاهرة
، لعل وعسى آآ...

-أيمن: انت عارف المسافة اد ايه ، احنا بنتكلم في فوق الـ 500 كيلو !!

-وائل: والله ممكن كاميرا منهم تكشف عن أي حاجة

-اسلام: احنا نحاول نشوف اقتراح أيمن بيه ، ونمشي في الخط الثاني ، اننا نسأل
المجرمين المعروفين في الغردقة ، اللي شغالين مرشدين لينا ، ان كان حد عرف حاجة
كده ولا كده عن عملية خطف

-وائل: اها

-اسلام: وماتنسوش ان احنا كمان معانا اسم مشتبه فيه

-وائل: الراجل اللي اسمه عدلي

-اسلام: اها

-ايمن: أنا بعت المخبرين بتوعي يراقبوه ويبلغوني بأخر أخباره

-اسلام: تمام ، وربنا يسهل ونوصل لأي حاجة

-وائل: يا رب

.....

في منزل يارا بالغرذقة ،،،

كان خالد يجلس بمفرده في المنزل ينظر لصور يارا وجدتها الموضوعين فوق الأرفف الزجاجية و...

-خالد: ضحكك حلوة يا يارا ، مكونتيش شايلة أي هم في الصور دي ، من يوم ما دخلتي حياتنا وضحكتك اتبدلت ، دايماً حزينة ومش واثقة في حد ، ويوم ما خدتي قرار يخصك أنا جيت عليكي ، يا ترى أنا فعلاً كنت غلطان لما انفعلت على ادهم وعليكي ؟؟؟؟ بس أنا ..أنا خايف أوي عليكي ! خايف حد يجرحك ولا يضايقك ، يا ترى ده حب ولا ..آآآ... ولا حاجة تانية ، أنا مش عارف !! بس اللي واثق فيه اني مش هاسكت لحد ما أرجعك بالسلامة !!

وضع خالد يده في جيب بدلته ليتفاجيء انه مازال محتفظاً بمتعلقات سمر الشخصية و...

-خالد: الله !! دي الحاجة بتاعة سمر لسه معايا ، ازاي أنا نسيت أديها لأبوها ، اوووف .. الرجل يقول عليا ايه الوقتي اني حرامي وسرقت حاجتها؟؟ بس هو أصلاً مايعرفش ان حاجتها معايا ، بأمر الله أول حاجة هاعملها بكرة إنني أرجعها اللي يخصها !!

أخرج خالد حافظة النقود الخاصة بسمر وفتحها فوجد صورة لها بالداخل مع عائلتها وبعض النقود ، ظل ينظر للصورة قليلاً ، ثم أغلق الحافظة ، وفتح هاتفها المحمول ونظر إلى الصور الموجودة بالاستديو الخاص بالهاتف ، فوجد صوراً كثيرة لسمر مع يارا في أماكن عدة بالغرذقة ، وصوراً أخرى لسمر مع أناس آخرين و....

-خالد: ماشاء الله ، ده الموبايل مليون صور مش ممكن ، ممممم... دول مع يارا ، لأ
فعلأ حلوين ، أول مرة أخذ بالي انك يا سمر فيكي شبه من يارا ، تحس ان الروح
واحدة ، وده باين أوي في صوركم مع بعض !! ومين دول كمان؟؟؟ ممممم... الله ايه
اللي أنا بعمله ده ! مايصحش أشوف حاجة ماتخصنيش بدون استئذان صاحبها ،
اووف .. الواحد متلخبط ومش عارف بيعمل ايه .. يا رب هونها علينا كلنا !!!

.....

في المنزل القديم المهجور ،،،

بعد عدة محاولات من يارا ، استطاعت أن تحرر قبضتي يدها من الحبل الذي كان
يربطها و...

-يارا في نفسها : الحمدلله ، آآآآه .. قربت أخرج ايدي من الحبل ده .. آآآه .. يا
...مهون يا رب .. اوووف ، أخيرآآآآ

بعد أن انتهت يارا من تحرير يدها ، نهضت من على الأرض ، وظلت تتأمل المكان
حولها في محاولة منها أن تجد أي منفذ لتهرب منه ، وبالفعل وجدت نافذة عالية في
أعلى الحائط ، كان أفراد العصابة بالخارج مندمجين في تناول الطعام ، فاستغلت يارا
الفرصة وقررت أن تهرب من تلك النافذة ، كل ما عليها أن تفعله هو أن تصل لتلك
النافذة ، وتخرج منها بهدوء دون أن تحدث أي جلبة فتلفت أنظارهم إليها ...

-يارا في نفسها: ايوه ، مافيش قدامي إلا الشباك ده عشان أقدر أهرب منه ، لازم أخلي
بالي وإلا المجرمين اللي بره لو حسوا باللي أنا بعمله ممكن يدبحوني .. !!

ظلت يارا تجمع بعض الأشياء القديمة وتضعها بهدوء فوق بعضها البعض حتى كونت
مدرجاً يمكنها من الصعود إلى النافذة

-يارا: الحمدلله ، كده كويس أوي ، أنا بس أطلع ع البتوع دول وأوصل للشباك وأفتحه
، ومنه أنط لبره ، وابقى حرة نفسي ان شاء الله

تسلقت يارا المدرج الذي صمته بوضع الأشياء القديمة فوق بعضها البعض ،
واقتربت من النافذة ، حاولت بدون أن تحدث أي ضوضاء أن تفتحها ، ونجحت في هذا
، ثم تسلقتها ، وقفزت خارج الغرفة ..

-يارا في نفسها: هاانت ... قربت أوصل أهو ، يا رب ، اييه .. اووه ، الشباك ده
بس لو يفتح بشويش هاعرف أخرج .. ايوه ، ايوه هو خلاص افتتح ، اخيرااااا ،
هاخرج من المكان ده ع رجلي ، الحمدلله يا رب ، الحمدلله

وما إن خرجت يارا من ذلك المنزل القديم ، حتى جرت بأقصى سرعتها بعيداً عنه ،
حاولت أن تبحث عن الطريق العام ، عن أي سيارة أو شخص ليساعدها .. ظلت تجري
وتجري وتجري إلى أن لمحت سيارة تأتي من بعيد فأسرعت إليها و...

-يارا: يا ربي ، لازم أجري من هنا .. ايوه ، حتى لو هاموت من التعب مش لازم أقف
خالص ، اومال فين الطريق؟؟ لازم أوصله أكيد هلاقي حد فيه يساعدي ، ايوه .. الله
! ده .. ده في عربية جاية اهي من هناك لازم ألحقها وأوقفها بسرعة

توجهت يارا ناحية السيارة ، وظلت تصرخ وتشير إليها بيدها لكي تتوقف ، وبالفعل
توقف قائد السيارة و...

-يارا بصوت عالي : يا كالأبتن ، ياالأبتن كابتن ، وقف العربية الله يكرمك ،
أرجووووك ساعدي ، ياالأبتن كابتن ، الحقني ..

-يارا وهي تلهث بعد أن توقفت السيارة : هه .. الحمدلله ، هااه ، أنا كنت خائفة أنك
ماتوقفليش ، بس الحمدلله أنك وقفلي

ترجل قائد السيارة منها ، لتتفاجيء يارا بأنه

-يارا : لألأ... ..

فرت يارا من أمامه مسرعاً ، ولكن عدلي أوقفها بصوت طلقة رصاص أطلقها في
الهواء ليخيفها و...

-بوووم

-عدلي: الطلقة الجاية هتكون في دماغك

-يارا برعب: آآآ... انت ... انت عاوز مني ايه؟؟

-عدلي وقد أمسك بها من ذراعها: عاوز كل حاجة منك ، كل حاجة !!

-يارا متألمة : آآآآه ...

-عدلي: اتنيلي اركبي العربية

-يارا: لا ...

-عدلي : خشي يا بنت الـ *** العربية

ضرب عدلي يارا بمقدمة سلاحه في رأسها مما أفقدها الوعي ، ثم وضعها داخل
السيارة و انطلق نحو المنزل القديم ..

في نفس التوقيت كانت هناك سيارة أخرى تمر بالطريق وشاهد من بداخلها قيام عدلي
بضرب يارا ووضعها بالسيارة و...

-سيدة ما: شوفت اللي أنا شوفته؟؟

-رجل ما: أها

-سيدة ما: العربية اللي عدينا عليها دي ، كان فيها واحد بيضرب بنت كده وآآآ....

-رجل ما مقاطعاً: مالناش دعوة

-سيدة ما: ازاي مالناش دعوة؟؟ البنت دي ممكن تكون مخطوفة ولا حاجة

-رجل ما: وممكن يطلع ده باباها ومضايق منها ، ليه احنا ندخل نفسنا في مشاكل
ووجع دماغ ، خرينا في حالنا

-سيدة ما: ما تبقاش سلبي ، افرض حياة الانسانة دي في خطر

-رجل ما: ما تبقى في خطر ، ولا تولع حتى...!!!

-سيدة ما : ياخي حرام عليك ، ترضى لو حد فينا مكانها واحد يقول عليك كده

-رجل ما: يوووه

-سيدة ما: بص انا مش هاسكت عن اللي شوفته ده ، لأن بسكوتنا ده هنكون بنشارك
في اللي هي بتعرضله

-رجل ما: يا شيخة بطلي كلام الجرايد والمثالية الزايدة بتاعتك دي

-سيدة ما: انت غلطان ، دي مش مثالية ، دي انسانية ، طب افرض الراجل ده عاوز
يغتصبها ولا بيعتدي عليها زي ما بنسمع عن الرجالة اللي بتعتدي ع البنات الصغيرين
، عاوزنا نقف نتفرج عليهم وهما بيعملوا كده وبيفلتوا من العقاب؟؟ عاوزنا نشيل
ذنبهم???

-رجل ما: اووف

-سيدة ما: لازم نبلغ عن اللي شوفناه

-رجل ما: والله انتي ما هترتاعي غير لما تودينا في داهية

-سيدة ما: وهنروح في داهية ليه؟؟ احنا هنقول عن اللي شوفناه ، والبوليس
هيتصرف

-رجل ما: يا ستي البوليس عندنا مش بيتحرك إلا في حالة واحدة ، لما تكون في كارثة
كبيرة وأخرتها بتتقيد ضد مجهول

-سيدة ما: لأ مش صح

-رجل ما: بصي هو ده اللي بيحصل !

-سيدة ما: بص أنا مش هرغي كتير ، بس من الآخر كده أنا هبلغ البوليس باللي شوفته ، وهما يتصرفوا

-رجل ما: انتي برضوه مصممة ع اللي في دماغك

-سيدة ما: أيوه .. وبعدين أنا بس هاقولهم ع اللي شوفته ، وآآ... ومش هاقول اسمي

-رجل ما: والله انتي غاوية مشاكل وبتدوري عليها فين وتروحيلها

-سيدة ما: شششش .. اسكت بقى عشان هاطلب النجدة

.....

وبالفعل قامت تلك السيدة بالاتصال بالشرطة وإبلاغهم هاتفياً بما رأته و..

-سيدة ما: ألو ، بوليس النجدة

-النجدة: أيوه يا فندم

-سيدة ما: لو سمحت أنا كنت عاوزة أبلغ عن حاجة شوفتها وأنا في الطريق

-النجدة: خير يا فندم

-سيدة ما: أنا شوفت واحد بيضرب بنت شكلها صغير في الطريق وخدها معاه بالعافية في عربيته ، فالظاهر كده انه خاطفها

-النجدة: وايه اللي خلى حضرتك تفتكري انه خاطفها ، ماهو ممكن يكون والدها أو
آآ...

-سيدة ما مقاطعة : يا حضرت الطابط مش ممكن يكون باباها ، وبعدين أنا شوفتهم ع طريق الغردقة القاهرة الصحراوي وفي حته تقريبا شبه مقطوعة ، والبنت كانت زي ما يكون مش في وعيها

-النجدة: فين بالظبط

-سيدة ما: زي ما قولت ل حضرتك في طريق الغردقة القاهرة الصحراوي ، تقريبا في الكيلو ((....))

-النجدة: تمام طب اسم حضرتك ايه؟؟

-سيدة ما: هااه

-النجدة: اسم حضرتك ايه عشان أكمل البلاغ؟؟؟

-سيدة ما بتردد : آآآ... بص أنا بلغت حضرتك باللي شوفته ، لكن بصراحة مش
هاقدر أقول اسمي لأنني مش حابة يحصلي أي مشاكل !

-النجدة : يا هانم كده البلاغ هيكون ناقص وبعدين مشاكل ازاي وآآ... الووو ..
الووووو

.....

أغلقت السيدة الهاتف و...

-سيدة ما: أنا كده عملت اللي عليا صح ؟

-رجل ما: ارتحتي الوقتي

-سيدة ما: أها يعني .. ع الأقل أنا عرفتهم باللي شوفته وهما بقى أحرار يتصرفوا

-رجل ما: ماشي

.....

في منزل يارا بالگردقة ،،،

وصل رأفت إلى الگردقة بالطائرة ، ثم توجه مسرعاً إلى منزل الجدة نجاة ، طرق الباب
ففتح له خالد و...

-خالد: بابا ، اتفضل

-رأفت: ازيك يا خالد ، ها في جديد؟؟

-خالد: لا والله لسه يا بابا

-رأفت: لا حول ولا قوة إلا بالله ، يا رب طمنا عليها

-خالد: يا رب

لاحظ رأفت ان ابنه خالد يمسك في يده هاتفاً محمولاً وحافضة ما ، فسأله عنهما و...

-رأفت: الله ، اومال ايه اللي في ايدك ده

-خالد وقد انتبه لما في يده : هه .. ولا حاجة يا بابا ، ولا حاجة !!!

-رأفت: اومال فين أخوك أدهم ؟؟؟

-خالد: من ساعة ما نزل وهو لسه مرجعش

-رأفت: اه يا عيني ، أكيببيد متأثر باللي حصل

-خالد: أها .. بصراحة يا بابا أنا مكونتش متوقع أن ادهم يكون كده

-رأفت: عشان انت مش عارف أخوك كويس

-خالد: هه

-رأفت: اخوك طول عمره من وهو صغير حنين، وبيحب غيره، بس ..بس ماتفهمش

اما كبر أمك لعبت في دماغه ولا عملت فيه ايه خليته يرفض يشتغل معانا وآآ...

-خالد مقاطعاً : لأ يا بابا ، مش كده ، الحكاية إن ادهم مكنش حابب مجال الشغل بتاعنا

، واحنا ماحولناش نفهمه كويس ، ولا نعرف هو عاوز ايببييه !!

-رأفت: نعم ؟؟

-خالد: ايوه يا بابا ، كلنا كنا فاهمين ادهم غلط .. لكن بالنسبالي هو طلع عكس اللي

كنت مفكره عنه ! وربنا يسامحني ع ظني السيء فيه ...!!!

.....

في المنزل القديم المهجور ،،،

وصل عدلي بسيارته إلى المنزل القديم ، ركن سيارته أمام المدخل ثم فتح الباب الخلفي
لسيارته وجرر يارا خارج السيارة و...

في داخل المنزل ،،،

-شخص ما : الظاهر إن الباشا وصل ، أنا سامع صوت عربيته بتركن برا

-شخص آخر: طب بسرعة يالا عشان نستقبله

في الخارج ،،

-عدلي وهو يجرها من شعرها : يالا يا بت ، قدامي

-يارا متألّمة: آآآآه .. سييني

-عدلي: كنتي مفكرة انك هتعرفي تهربي مني ، انتي مش هاتخرجي من هنا إلا على
نقالة

-يارا : آآآآآآآآه ... حرام عليك ، أنا عملتك ايه بس .. آآآه

خرج الأشخاص الموجودين بالمنزل ، فصاح بهم عدلي و...

-عدلي : لسه فاكرين يا بهائم

-شخص ما: ايه اللي جاب البت دي هنا

-شخص آخر: هي خرجت ازاي ???

-عدلي بعصيبة : ما انتو لو مركزين في اللي مكلفكم بيه ماكنتش هاتنتيل تهرب منكم ،
وانتو نايمين على ودانكم !!

-شخص ما وهو يمस्क بيارا: عنك يا باشا ، تعالي يا بنت الـ***

-يارا: ابعديك عني يا قدر

-فريدة: طب رحبي بيهم لحد ما أنزل تحت أرحب بيهم بنفسي

-صباح: حاضر يا هاتم

-صباح في نفسها: الولية اتجننت ، زي ما يكون يارا كانت عاملاها عمل ، ياني لو رأفت بيه عرف باللي هي بتعمله ، هيطلعهم عليها .. حظك حلو انه مش موجود في الفيلا ... !!

.....

في غرفة عمر ،،،

-عمر: لأ أنا مش هاسكت عن المهزلة اللي بتحصل تحت دي ، بقى احنا في مصيبة وماما مش مخلصها وعاملة حفلة .. دي ناقص تجيب زفة ، للدرجادي بتكرهي يارا ، أنا لازم أتصرف وأبوظ الحفلة دي بأي شكل ...!!!

.....

في أحد مكاتب المباحث الجنائية ،،،

حضر جاسر بصحبة زملائه في المكتب ليشاركهم ما توصلوا إليه من معلومات و...
-إسلام: مكنش في داعي أنك تيجي يا جاسر بيه ، لو كان في أي حاجة كنا بلغناك بيها
-جاسر: ازاي ماجيش و آآ.. دي ... دي اختي

-وائل: ان شاء الله هنلاقيها

-أيمن: احنا حاطين عينين لينا في كل حطة ، بس لحد الوقتي اللي اسمه عدلي ده
ماظهرش ، لا عند بيته ولا حتى في شركته

-جاسر: وده مخليني متأكد انه ورا خطف يارا

-اسلام: أنا كمان موصي حبايبنا في الغردقة لو بلغهم أي خبر عن يارا يتصلوا بيا فوراً
إن شاء الله حتى نص الليل

-جاسر: اها ...

.....

في منزل يارا بالغردقة ،،،

عاد أدهم من الخارج وعيناه حمراواتان من كثرة البكاء ، حاول أن يخفي حزنه ولكنه
لم يستطع ، تفاجيء بوجود والده ، فذهب إليه واحتضنه بشدة و....

-ادهم: بابا

-رأفت: ادهم يا بني

-ادهم وهو يحتضن أبيه : يارا ضاعت مني يا بابا ، مقدرتش احافظ عليها

-رأفت وهو يربت على ظهره : اهدى يا بني ، ان شاء الله هنلاقيها

-ادهم: انا اتلهيت عنها ، انا اديتهم الفرصة ياخدوها مني ، أنا السبب .. أنا السبب !!

-رأفت: بس يا بني ، إن شاء الله هنلاقيها وهترجعنا

-أدهم وقد امتلأت عيناه بالدموع: يااا رب يا بابا ، يااااا رب

.....

-خالد: ادهم !!

-أدهم وهو يمسح دموعه: أيوه يا خالد

-خالد بتردد: آآآ... أنا ، أنا أسف

-ادهم: هه !

-خالد: انا أسف يا أدهم على كل كلمة قولتها غلط في حقك ، سامحني ياخويا ، أنا .. انا

مقصده ده

-ادهم: مافيش مشكلة

-خالد: انا بس خايف على يارا ، وعاوزلها الأحسن ، و آآآ.. وكنت مفكر انك آآآ...

-ادهم مقاطعاً : ششش .. مافيش داعي تقول حاجة يا خالد خلاص

-خالد: انا كنت عاوزك تفهم إني

-ادهم مقاطعاً: انت أخويا ، ومهما قولت فأنا مش هازعل منك ، أنا كل اللي يهمني

الوقتي هو يارا ، إني ألقاها وأعرف فين مكانها !!

-خالد: إن شاء الله هنلاقيها ، وهنعمل المستحيل عشان نوصلها

-ادهم: يا رب

.....

في فيلا رأفت الصياد ،،،،

بدأت فريدة تستقبل ضيوفها في الحفل المبهر الذي أقامته ، كانت تضحك وتمزح مع الآخرين بطريقة أثارت فضول بعض المدعوين و...

-أحد الحضور: مش غريبة ان فريدة تعمل حفلة في التوقيت ده

-سيدة أخرى : أه فعلا .. عادة مش بتعمل بارتى إلا لما يكون في مناسبة أو حاجة تستاهل

-شخص آخر : أنا سمعت انها عاملة الحفلة دي مخصوص عشان خلصت من البنت قريبة جوزها

-سيدة رابعة: لا والله .. قولتلي بقى

-شخص آخر : أه طبعاااا .. دي البنت كانت مطلعة عينها

-سيدة أخرى : أها

-سيدة رابعة: طب ششش لأحسن هي جاية علينا

-عمر بصوت عالي: معلش يا جماعة ، أنا مش هاخذ من وقتكم كثير ، بس يعني كنت
عاوزك اقولكم على حاجة صغيرة ، انا عارف انها مش هتفرق معاكو في حاجة ، بس
هي هتفرق معايا أنا كتيررررر

-فريدة: عمر !!

-عمر مكملاً: النهاردة ماما قررت تعمل حفلة ، لأ ومش أي حفلة .. طبعاً زي ما
حضراتكو شايفين انها ع مستوى عالي كالعادة

-تنوعت ردود الجميع ما بين : هو في ايه ؟؟ هو عمر بيقتصد ايه ؟؟ الله ! عمر عاوز
ايه ؟؟

-عمر: الصراحة هي الحفلة معمولة لأن .. لأن ماما فرحانة ان يارا بنت عمي اتخطفت
!!!

-الجميع : ايبيبيبويه ؟؟؟

-عمر: وعشان يارا اتخطفت ففريدة هانم ملاقتش احسن من دي مناسبة عشان تحتفل
مع حضراتكو .. بس للأسف أنا اكتشفت أن .. ان آآآ...

-فريدة بحدة: عمررر !!!

-عمر: اكتشفت ان أمي مافيش في قلبها رحمة تجاه انسانة كل ذنبها ان امها كانت
بنت شغالة ، وان بنت الشغالة دي اتجوزت عمي الله يرحمه ، فإزاي تتشرف بيها
قصادكم

-فريدة : اخرس يا عمر

-عمر مكملاً: ونسيت في نفس الوقت ان الكل زعلان وحزين وقالب الدنيا عليها ،
فقررت تحتفل بالمناسبة دي .. وأظن لو أي حد في حضراتكو كان عنده حد من عيلته
مخطوف ، أبسط شيء انه هيشاركك ولو وجدانياً ويحس باللي انت فيه ، مش يحتفل
ولا كأن في حاجة حصلت .. فلو حضراتكو حابين تشاركوا فريدة هانم فرحتها
فبراحتكو ، لكن .. لكن أنا عاوز أقولكم ان بالنسبالي انا مش مرحب بوجودكم في
الظروف دي هنا في الفيلا

-فريدة: عمر ، انت اتجننت ، ازاي تقول كده

-عمر: أنا بس بعرف الضيوف الظروف اللي بنمر بيها ، وهما ليهم حرية الاختيار

-فريدة: انت.. ولد مش متربي ! ازاى تعمل كده ؟؟

-عمر: فعلاً أنا مش متربي، وناقص تربية .. اعذروني ع صراحتي .. أنا أسف ..
اتفضلوا كملوا اللي بتعملوه

شعر معظم الحاضرين بالاحراج مما قاله عمر عن يارا وظروف اقامة الحفل ، فبدأ البعض منهم في الانصراف ، والبعض الآخر في الهمس والتحدث بالسوء عن فريدة ، بينما شعرت فريدة بالضيق من تصرف عمر و...

-فريدة : ايه يا جماعة رايعين فين

-أحد الحاضرين : معلىش يا فريدة هانم ، مش هينفع نكون هنا في الظروف دي ،
سوري

-سيدة ما: فريدة هانم ، كان لازم حضرتك تقدرى الظروف ، ومكنش في داعي للبارتي
دي

-فتاة ما: واحدة معندهاش دم

-فتاة اخرى: جالها قلب ازاى تعمل الحفلة والبنت مخطوفة

-فتاة ما: مش عارفة والله

-فتاة اخرى: بقولك ايه ، أنا ماشية .. مالهاش لازمة البارتي دي

-فتاة ما: وأنا جاية معاكي

.....

في احد مكاتب المباحث الجنائية بالقاهرة ،،،

كان الجميع يعمل على قدم وساق من أجل ايجاد يارا و...

-اسلام: مافيش ولا كمين لحد الوقتي سجل دخول العربية دي القاهرة

-وائل: ممكن يكون اتخلصوا من العربية ، ودخلوا القاهرة بعربية تانية

-أيمن: أوصاف يارا مع كل الرجالة بتوعنا ع الطريق ، واكيد لو حد شافها هتتوقف العربية ، وهيبغونا ع طول

ثم طرق احد العساكر الباب و...

-العسكري: باشا

-اسلام: خير يا عسكري

-العسكري : يا باشا رامي باشا من مباحث الغردقة بيطلب حضرتك في مكتبك من بدري ومحدث بيرد

-اسلام: اها ... طيب أنا هاكلمه ، امشي انت

-العسكري : حاضر يا باشا

-اسلام : وهو رامي هيعوز ايه مني

-وائل: كلمه، يمكن عاوز يعرف منك حاجة عن يارا ، واهو برضوه عاوز يساعد

-اسلام: اوك

طلب اسلام زميله رامي هاتفياً و...

-اسلام هاتفياً: حبيب قلبي رامي باشا

-رامي: اسلام باشا ، منور والله

-اسلام : الله يخليك

-رامي: بقولك يا باشا

-اسلام: خير يا باشا

-رامي: احنا كان جالنا بلاغ غريب شوية

-اسلام: بلاغ غريب !! ده عن ايه ده ???

-رامي: بص انا مش عارف بالظبط عن ايه ، بس واحد زميلي كان بيحكي عن ان في واحدة اتصلت من شوية بالنجدة وبلغت عن انها شافت بنت بتتخطف ع طريق الغردقة القاهرة الصحراوي

-اسلام: ها وبعدين ؟

-رامي: والست دي مقاتش عن اسمها ولا عن أي تفاصيل غير ان البنت صغيرة والراجل كان كبير والكلام ده كان تقريبا في الكيلو ((...))

-اسلام: أها

-رامي : أنا قولت أبلغك باللي سمعته اذ ربما يفيدك في حاجة ، مش انتو لسه بتدوروا ع البنت اياها دي

-اسلام: ايوه

-رامي: أنا لما وصلني حاجة حاولت أوصلها لك

-اسلام: اها ، طب الست دي مقاتش اسمها ايه ???

-رامي : لا .. واحنا بعتنا دورية في المنطقة هناك تتحرى عن البلاغ بس ملقناش حاجة

-اسلام: هو البلاغ بتاع الست دي كان من امتي ???

-رامي: تقريبا من حوالي ساعتين تلاتة ، مش عارف بالظبط

-اسلام: مافيش أي بيوت في المنطقة اللي الست اتكلمت عنها؟؟ أي ناس عايشة ولا أي حاجة ???

-رامي: لا معتقدش ، معظم المناطق هناك صحرا ، يا بيوت خربانة مافيهاش حد

-اسلام: بيوت خربانة!!!!

-رامي : أها

-اسلام: رامي ابعث كل القوات اللي عندك تمشط المنطقة كويس ، يارا احتمال تكون هناك

-رامي: ماشي ، ولو اني أشك يعني

-اسلام: بس برضوه ماتستبعش ... أهو أي خيط بنمشي وراه

-رامي: تمام

-اسلام: ولو في حاجة عرفتها كلمني

-رامي: اوك

أنهى اسلام المكالمة مع رامي ، ثم اتصل بجاسر ليبلغه بما حدث و...

-اسلام هاتفيا: بس كده

-جاسر: اسلام انت قولتله يبعث أي دورية تمشط المنطقة اللي هناك

-اسلام: ايوه

-جاسر: أنا مسافر الغردقة الوقتي ، ولو عرفت حاجة بلغني

-اسلام: انت هتسافر وانت لسه تعبان

-جاسر: أي حاجة تهون ، المهم أظن ع يارا

-اسلام: ان شاء الله خير

.....

في منزل يارا بالغردقة ،،،،

طلب جاسر خالد ليبلغه بما عرف من معلومات عن يارا و...

-خالد هاتفياً: يعني .. يعني في احتمال تكون هنا؟؟

-جاسر: أه

-خالد: طب .. طب و هتعرفوا مكانها ازاي؟؟

-جاسر: بص الشرطة هتمشط المنطقة كلها اللي هناك ، ولو في جديد هيبلاغونا

-خالد: تمام ، يا رب يطمنا عليها

-جاسر: ع فكرة أنا جاي في الطريق ليكو

-خالد: ايه جاي؟؟ يا بني صحتك ! ده انت لسه تعبان وملحقتش ترتاح

-جاسر: يا خالد دي اختي ، هي مش حد غريب عشان أطنش وأقول أرتاح ، وبعدين أي حاجة تعدي لكن يارا لأ

-خالد: ربنا يبارك في عمرك يا جاسر ، بجد مافيش زيك

-جاسر: أنا لو عرفت جديد برضوه هبلغكم

-خالد : تمام

.....

-أدهم: خير يا خالد في ايه؟؟

-خالد: جاسر بيقول ان احتمال يارا تكون لسه هنا في الغردقة

-أدهم: ايبييه؟؟ لسه هنا !!

-خالد: ايوه ، وباعتين دوريات تمشط الطريق عليها

-أدهم بلهفة : دوريات؟؟ طب ليه؟؟ هو .. هو في حد شافها؟؟؟

-خالد: في بلاغ اتقدم ان في بنت اتشافت مع واحد ع الطريق وهو بيضربها ، وجاسر شاكك انها تكون هي

-ادهم: طب الكلام ده كان فين ???

-خالد: ما أنا قولتلك ع الطريق

-ادهم: يا خالد فين بالظبط

-خالد: معرفش ، هو بيقول ان في دوريات هتمشط المنطقة اللي اتشاف فيها البنت ، ولو في حاجة هبلغونا !!!

-ادهم: أنا .. انا عاوز أعرف هي فين ??? عاوز أروح انقذها بنفسي

-خالد: بلاش تهور ، مش لما نعرف بالظبط هي فين تبقى تروح !!!!!

.....

في المنزل القديم المهجور ،،،

سمع أفراد العصابة صوت سيارات الشرطة وهي تجول بالقرب من المنطقة و...

-شخص ما: سامع السرينة دي

-شخص آخر: ايوه سامعها

-عدلي: اطلع شوف في ايه بيحصل بس من بعيد ، واوعى حد ياخذ باله منك

-شخص ما: حاضر يا باشا

-عدلي : وانت جهز العربيات ، احنا هنمشي من هنا

-شخص آخر: والبت اللي جوا ??

-عدلي: كتفها كويس وغمي عينيها واكتم بؤها ، وحطها في شطنة العربية

-شخص آخر: عارفة يا مزة ، لو مكنش الباشا جه الوقتي ، كنت.. هااااا.. قضيت معاكي ليلة نار عبرتلك فيها عن مشاعري ! آآآخ ... حظك يا حلوة ، بس يالا ملحونة

-يارا: انت... انت قدر

-شخص آخر: القذارة هتيجي بعدين ، يالا معايا

-يارا: ابعد عني

-شخص ما وهو يحاول لمس جسدها : أبعاد بس ازاي عن الجمال ده

-يارا: لا أرجوك ، أنا .. آآآ...

-عدلي من الخارج : انت يا حيوان !!!

-شخص ما: ب... باشا

-عدلي : كتف البت ووديها ع العربية

-شخص ما: ماشي

وبالفعل تم تقييد يارا وتكميمها ووضعها في حقيبة السيارة ، ثم حضر فرد آخر من افراد العصابة مسرعاً ليبلغ عدلي ب ...

-شخص ما: عدلي باشا ، يا عدلي باشا

-عدلي: في ايه ???

-شخص ما وهو يلهث : الش... الشرطة يا باشا مالية المنطقة ، راشقة في كل حطة ، و... وآآآ .. شوية وهيبقوا عندنا !!

-عدلي: أنا كنت متوقع ده ، شوف العربيات جهزت ولا لأ

-شخص ما: ح... حاضر يا باشا

-عدلي: لازم نمشي من هنا وإلا هنتمسك

-شخص آخر: عدلي باشا ، كله تمام ، البت متكتفة في شنطة العربية ، واحنا جاهزين

-عدلي: تمام ... يالا !

انطلق عدلي مع بقية أفراد عصابته بالسيارات إلى القاهرة ، بينما كانت دوريات الشرطة مازالت تمشط المنطقة ، ظلوا يبحثوا في كافة البيوت القديمة ولم يجدوا أي شيء ..

اتصل رامي هاتفياً بإسلام ليبلغه بما حدث و...

-رامي هاتفياً: مافيش أي حاجة

-اسلام: يعني ايه مافيش

-رامي: يعني الدوريات وفرقة البحث اللي كانت طالعة معاهم فتشت كل المناطق اللي هناك وملاقتش أثر لأي حد .. جايز يكون البلاغ وهمي ، والست اتخيلت أي حاجة

-اسلام: جايز برضوه ، ع العموم شكراً يا رامي ، معلىش تعبنك معنا

-رامي: متقولش كده ، وانا لو عرفت حاجة برضوه هبلغك

-اسلام: تمام

-وائل : ها يا اسلام في حاجة جديدة ???

-اسلام: لأ للأسف مافيش

-وائل: يعني طلع كلام الولية ع الفاضي

-اسلام : ده احتمال ، وممكن يكون عدلي غير مكانه

-أيمن: ع العموم احنا برضوه هنكتف المراقبات ع الطريق لعل وعسى

-اسلام: اوك ، وانا هتصل بجاسر أبلغه باللي حصل

-وائل: تمام

اتصل اسلام بجاسر هاتفياً ليبلغه بأخر الأخبار و...

-جاسر بلهفة هاتفياً : الووو ، ايوه يا اسلام ، في جديد

-إسلام: لا والله يا جاسر ، للأسف لسه مافيش جديد ، الدوريات فتشت المنطقة كلها وملاقوش حاجة

-جاسر بضيق : أها .. ماشي

-إسلام: معلىش ، ان شاء الله هنلاقيها ، احنا مش ساكتين

-جاسر: ان شاء الله

.....

في منزل يارا بالگردقة ،،،،

اتصل جاسر بخالد ليبلغه أيضاً بما عرفه ، حزن خالد لعدم وجود أي أخبار تخص يارا ، وقرر أن يخبر أدهم ورأفت بما حدث و...

-خالد: آآآ...

-رأفت: في ايه يا خالد ؟؟؟

-خالد: جاسر لسه مكلمني من شوية

-أدهم: ها ؟؟ قالك حاجة ؟؟؟ لاقوها ؟؟ طب عرفوا مكانها ؟؟؟ وصلولها ؟؟ اكيبيد وصلولها ، يالا نروح نشوفها بسرررررعة

-خالد: اهدى يا أدهم ..

-رأفت: استنى يا أدهم أما نسمع من اخوك الأول

-ادهم: طيب ماشي قول بسرررررعة

-عمر: بابا

-رأفت: ايوه يا عمر

-عمر: لو عرفت حاجة عن يارا قولي

-رأفت: أكيد يا بني ، ادعي بس ربنا أنه يردها لنا بالسلامة

-عمر: ياااا رب انت العالم بالحال

.....

في المستشفى التي ترقد بها ناهد ،،،

قررت ناهد أن تترك المستشفى التي ترقد بها ، وتعود مرة أخرى إلى فيلتها ، فارتدت ملابسها واستعدت للرحيل ، حاول الطبيب أن يمنعها ولكنها أصرت ع رأيها و...

-الطبيب: يا هانم ماينفعش حضرتك تمشي

-ناهد: انا زهقت وتعبت من الأعدة كده ، أنا هارجع بيتي تاني

-الطبيب: يا ناهد هانم اللي بتعمله ده غلط

-ناهد باصرار: أنا مسئولة عن قراري ده ، و متحملة كل العواقب

-الطبيب مستسلماً : اللي تشوفيه

-ناهد في نفسها : لازم قبل ما أرجع البيت أجيب شاهي معايا ، أيوه أنا هحاول ألم ولادي من أول وجديد حواليا وأعوضهم عن اللي فات ...!!

انصرفت يارا من المستشفى ، واستقلت سيارة أجرة وتوجهت إلى المشفى الخاص بالأمراض النفسية من أجل اصطحاب ابنتها معها لتعودا سوياً إلى فيلتهم

.....

في سيارة عدلي ،،،

-عدلي هاتفياً: تمام ، انا هاخذ بالي ، انت بس عرفني فين بالظبط أماكن الكماين

-المتصل:

-عدلي: لأ مش هنسالك الخدمة دي

-المتصل :

-عدلي: اوك .. باي

-عدلي لأحد رجاله : اطلع من التقاطع اللي جاي

-شخص ما: ليه يا باشا ؟

-عدلي: من غير ليه ، انت تعمل اللي أنا بقولك عليه وانت ساكت !

-شخص ما: حاضر ..!

-عدلي في نفسه: كويس أوي انه بلغني بالكماين اللي قدام ، كان ممكن نتكشف فيها ،
أحسن حاجة اني أدخل القاهرة من الطريق القديم ، ايوه محدش يعرفه إلا قليلين أوي

..

.....

في فيلا رأفت الصياد،،،،،

كانت فريدة في قمة غضبها مما فعله عمر في حفلتها ، فصعدت إلى غرفته و...

-فريدة بحدّة: ايه اللي انت عملته ده ???

-عمر: أنا عملت الصح

- فريدة: انت .. انت بوظت حفلتي واحرجتني قصاد الناس كلها
- عمر: حضرتك عارفة ان الظروف ماتسمحش اننا نعمل اي حفلة
- فريدة: ظروف ايه دي
- عمر: خطف يارا يا ماما
- فريدة: يادي زفته يارا اللي مش هاخلص منها أبداً
- عمر: لأ مش هاتخلصي منها ، عارفة ليه لأنها مش بس بنت عمنا لأ بقت مرات أدهم ، مرات ابنك
- فريدة: اووووف ، ياريت يموتها عشان أخلص منها للأبد
- عمر بضيق: بعد الشر عنها ، ان شاء الله اللي بيكرهوها
- فريدة: انت بتدعي عليا ???
- عمر : لأ ، بدعي ع اللي بيكرها ، هو حضرتك بتكرهياها لا سمح الله ؟؟
- فريدة وهي تصفعه : اخرررررس ، انت فعلاً ولد مش متربي وقليل الأدب !!..
- عمر: بتضربني يا ماما عشان بقول كلمة الحق ، ماشي معنديش مانع ، اضربيني كمان ، بس مش هاسكت عن اني أدافع عن يارا !!!
- فريدة: الله يحرقها !! اياك تخرج من أوضتك النهاردة ، وأنا هاعرف أربيك من أول وجديد وأعلمك ازاي تحترم أمك
- عمر: اعملي اللي حضرتك عاوزاه ، وع العموم أنا بلغت بابا باللي حصل !!
- فريدة: ايه ???
- عمر: وهو لما يرجع بالسلامة هيربيني أنا من أول وجديد !!!
- فريدة بقلق : ر..رأفت عرف !!!!

انصرفت فريدة من غرفة عمر وهي تشعر بالقلق حيال معرفة رأفت بأمر الحفلة التي أقامتها في غيابه و...

-فريدة: رأفت عرف ، دي .. دي مصيبة كبيرة ، هاتصرف معاه ازاي؟؟ طب هاقوله ايبيه؟؟ يعني كان لازم يا عمر تنسحب من لسانك ، اووووف!!!

.....

في فيلا ناهد الرفاعي ،،،

وصل عدلي ومعه رجاله بالقرب من فيلا ناهد الرفاعي و..

-عدلي: في حارس أعد ع البوابة ، عاوزك تظبطه

-شخص ما: حاضر يا عدلي باشا

-عدلي: عاوز العملية تتم من غير ما حد يحس بحاجة فاهمني ، فضي السكة واديني التمام

-شخص ما: اظن يا باشا ، اعتبر السكة جاهزة

-عدلي : اوك

ترجل أحد أفراد عصابة عدلي من السيارة ، وتوجه ناحية حارس الفيلا الخاصة بناهد الرفاعي و...

-شخص ما: والنبي يا ريس قولي فين فيلا شوكت

-الحارس: شوكت مين؟؟

-شخص ما: شوكت بيه الدسوقي ، دول قالولي انه ساكن هنا

-الحارس: مافيش حد بالاسم ده في المنطقة ، انت متأكد انه ساكن هنا؟؟؟

-شخص ما: ايوه يا باشا ، حتى بص في الورقة اللي كاتبلي فيها العنوان

-الحارس : وريني كده

وما إن نظر الحارس في الورقة حتى انهال فرد العصاية بالضرب على رأس الحارس فأفقدته الوعي ، ثم سحبه إلى داخل الفيلا وفتح البوابة ، وأعطى الاشارة لباقي أفراد العصاية لكي يأتوا للداخل

-شخص آخر: عدلي باشا ، الطريق فاضي

-عدلي: خش ع الفيلا ، وأقفل البوابة بعد ما ندخل

-شخص آخر: تمام يا باشا

دلف عدلي إلى داخل فيلا ناهد بسيارته ، ثم ترجل من السيارة وفتح صندوق السيارة وأمر أحد رجاله بأخذ يارا إلى الداخل و...

-عدلي: خد البت دي ع فوق

-شخص آخر: حاضر يا باشا

-عدلي في نفسه بثقة : أظن ان محدش هيشك أبداً ان البت دي هنا ، وخصوصاً ان الولية ناهد في المستشفى وابنها البأف لسه مسافر .. يعني هاقدر اخذ راحتني هنا ، وافكر في الخطوة اللي جاية ، لازم أخذ حقي واهرب من هنا .. ايوه ، مش هاضيع بقية عمري في البلد دي !!!..

.....

في منزل يارا بالگردقة ،،،،

وصل جاسر إلى منزل جدة يارا بعد أن دله خالد على العنوان ، طرق باب المنزل ثم فتح له خالد و...

-خالد: حمدلله ع سلامتک يا جاسر

-جاسر: الله يسلمک يا خالد

-رأفت: ماکنش في داعي يا بني تيجي کل المسافة دي وانت تعبان

-جاسر: دي اختي يا عمي مش حد غريب !

-خالد: عندک حق

-جاسر: اومال فين أدهم؟؟؟

-خالد: أعد في أوضة يارا ، قافل عليه الباب

-رأفت: حالته صعبة أوي

-جاسر: لا حول ولا قوة إلا بالله

.....

في داخل غرفة يارا بمنزلها في الغردقة ،،،

كان أدهم جالساً على فراش يارا وهو ممسك بصورتها ، يلوم نفسه مراراً وتكراراً
لغفلته عنها ..

-أدهم بحرقة : أنا السبب ، كان لازم اخذ بالي اكثر منك ، أنا وعدتک مش هاسيبک ،
وظلعت مش أد وعدي ليكي ، أنا مش عارف فين أراضيكى ، أدور عليكى فين؟؟؟ يارا
!! انتى ... انتى وحشتنى أوي ، من غيرک الدنيا وحشة ، أنا مكونتش عارف انى
بحبک أد كده ، بس ألاقيكى وهعوضك عن اى حاجة زعلت في حياتك كلها ، هعوضك
عن كل اللى فات .. بس .. بس ألاقيكى الأول .. آآآآه يا يارا ، هاموت عليكى آآآه !!!

.....

في المستشفى الخاص بالأمراض النفسية ،،،

طلبت ناهد أن تأخذ ابنتها من المشفى على ضمانها الشخصي ، وتعهدت بأن توليها الرعاية اللازمة و...

-ناهد: أنا هاكون المسئولة عنها ، وهو فرلها كل اللي تحتاجه في البيت

-الطبيب: بس يا ناهد هانم خروجها من المستشفى في التوقيت ده ممكن يعملها انتكاسة

-ناهد: متخافش يا دكتور ، أنا هاكون معاها ، وجاسر اخوها برضوه ، ومش هانسبها

-الطبيب: ولو إني أفضل انها تفضل هنا كام يوم

-ناهد: ارجوك يا دكتور ، أنا مستعدية أمضي ع أي ورق يحملني المسؤولية لو حصلها حاجة ، بس أنا عاوزة بنتي تبات في حضني ، كفاية أوي كده ، كفاية بهدلتنا وبعدها عني

-الطبيب: ماشي يا هانم ، بس يا ريت حضرتك تتابعي معايا حالتها وتبلغيني بأي جديد لو حصل ، وكمان متنسش الجلسات العلاجية ليها ، دول مهمين أوي في المرحلة دي

-ناهد: حاضر ، اطمن يا دكتور ، أنا مش هاسببها أبداً ، وان شاء الله هتنتظم في الجلسات دي

-الطبيب: تمام يا هانم ، انا هاخلي الممرضة تجهزها ، وتقدري تاخديها معاكي

-ناهد: أنا مش عارفة أشكرك ازايا يا دكتور ، انت بموافقتك ع اني أخذ بنتي معايا كأنك رجعتلي روعي تاني ليا

-الطبيب: يا ناهد هانم أنا اللي يهمني في الأول والأخر مصلحة الأنسة شاهي

-ناهد: أكيبببب طبعاً

.....

في فيلا ناهد الرفاعي ،،،

كان عدلي قد اطمأن ان مخططه يسير على مايرام ، هو لديه يارا في يده ، ويجهبز
حالياً لسفره إلى الخارج و...

-عدلي: أنا أمضي البت دي ع أوراق التنازل عن كل أملاكها في شركة أبوها ، وبعدها
أكت ع بره ، أيوه ، بالظبط واعيئ ملك زماني وأتمتع بعد الغلب اللي شوفته ..
مممم... هاكلم بقى ياسر يخلصلي المطلوب عشان أقدر انجز في السريع ، صحيح هو
ابن ستين *** وحرارق في فلوسه ، بس الوحيد اللي هيعرف يظبطلي الورق اللي
هاخرج بيه بره مصر

.....

طلب عدلي ياسر هاتفياً ليبلغه بما يريد و...

-عدلي هاتفياً: الوووو

-ياسر: لأ مش ممكن ! عدلي باشا بنفسه بيتعطف عليا ويكلمني ، ده الدنيا أكيد جرالها
حاجة

-عدلي: ازيك يا ياسر

-ياسر: بخير يا عدلي ، ها عاوز ايه

-عدلي: مش تصبر لما أطمئن عليك الأول

-ياسر: يا عدلي ده أنا عاجنك كويس وخابزك ، انت مش بتكلمني غير لما تكون عاوز
مصلحة وبس ، فأقول عاوز ايه

-عدلي: عيبك انك فاهمني

-ياسر: طبعاً

-عدلي: عاوزك تضربلي ورق سليم أخرج بيه برا مصر

-ياسر : الله ! هو انت بقيت من اياهم !!

- عدلي: نعم؟؟؟ تقصد ايه؟؟؟
- ياسر: يعني من اللي بيضربوا ورق عشان يهربوا بره مصر
- عدلي: هاعمل ايه مضطر
- ياسر: او مال فين حبايبك اياهم؟
- عدلي: حبايب مين؟؟؟
- ياسر: ايهيبه، بتوع المنظمة
- عدلي بتردد: آآ... في .. آآ.. يعني عندنا ش.. شوية خلافات وكده
- ياسر: مممم.. قولتلي ، أصل أنا بلغني انهم اعتبروك كارت محروق ورموك رمية لامواخذة شبه رمية الكلاب
- عدلي في نفسه: يخربيت لساتك الزفر !
- ياسر: ساكت ليه؟؟؟ الكلام جه ع الجرح؟؟؟
- عدلي بضيق: لأ ، ماحصلش
- ياسر: أوعى تكون مفكرني نايم ع وداني يا عدلي ، ده أنا ليا لي عيون برضوه ، وبتبلغني بكل حاجة
- عدلي: ان شاء الله كل حاجة هترجع زي الأول ، أنا بس اخرج برا مصر وهاظبط الدنيا كلها
- ياسر: مممم.... ماشي
- عدلي: هاتجهزلي الورق امتي
- ياسر: في ظرف يومين بالكثير
- عدلي: تمام
- ياسر: بس هاخذ كتير

.....

وصلت ناهد وبصحبتها ابنتها شاهي إلى الفيلا ، اندهشت ناهد من عدم وجود الحارس بالبوابة ، ففتحت بنفسها البوابة بالمفتاح الذي معها ، ثم دلفت للداخل و...

-ناهد باستغراب: الله ! اومال الحارس ده راح فين؟؟؟ المفروض يكون أعد هنا بيحرس الفيلا ، مممم...اكيد نايم ومش سائل ، طيب حسابه معايا أما أشوفه ... يالا يا شاهي يا حبيبيتي عشان ترتاحي في اوضتك

-شاهي: هو جاسر هنا

-ناهد بتردد : هه.. آآآ... اه يا حبيبيتي هو هنا ، ده ... ده مستنيكي فوق

-شاهي: اوك

دلفت كلاً من ناهد وشاهي إلى داخل الفيلا ، وما إن أغلقت ناهد الباب خلفها حتى تفاجئت بوجود عدلي و....

-ناهد بدهشة : عدلي !! انت... انت بتعمل ايه هـ_____
؟؟؟؟؟؟

.....

الحلقة الثمانون:

في فيلا ناهد الرفاعي ،،

دلفت كلاً من ناهد وشاهي إلى داخل الفيلا ، وما إن أغلقت ناهد الباب خلفها حتى
تفاجئت بوجود عدلي و....

-ناهد بدهشة : عدلي !! انت ... انت بتعمل ايه هنا ???

-عدلي: ناهد !! ايه اللي جابك الوقتي

-ناهد: نعم ??? بتقول ايه ??? ايه اللي جابني ??? ده بيتي ، انت اللي بتعمل ايه فيه

-شاهي: مامي مين ده ؟؟

-ناهد: اطلعي يا شاهي ع أوضتك دلوقتي

-عدلي: لأ مش هتطلع لفوق

-ناهد: في ايه يا عدلي انت عاوز ايه ؟؟

-شاهي: مامي أنا عاوزة أعرف مين ده ???

-ناهد: ده ... آآآ... ده

-عدلي: ما تقوليلها أنا مين ؟؟ ولا خايفة البت تتصدم !

-ناهد: لأ انا معنتش خايفة منك

-عدلي : هه

-ناهد: ده يا شاهي الراجل .. الراجل اللي آآآ... اتجوزته بعد ... بعد باباكي الله يرحمه

-عدلي: بالظبط يا حلوة ، أنا أبقى جوز أمك

-ناهد: عدلي !! اتكلم كويس

-عدلي: الله ، هو أنا قولت حاجة غلط

-شاهي: ده .. ده يا مامي يبقى جوزك ??? ده

-عدلي: ايبيه مالي ؟؟ مش عاجبك

-ناهد: من فضلك يا عدلي ، كمن انا وملكش دعوة بشاهي ، انت ايه اللي جايبك هنا
؟؟؟

-عدلي : عادي ! جاي بيت مراتي

-ناهد بنرفزة: لأ مش عادي طبعاً ، ده بيتي وبيت أولادي ، وهما بس اللي يحددوا
مين اللي يجي ومين مايجيش ، فلو سمحت يا ريت تتفضل الوقتي من هنا
-عدلي : لأ

-شخص ما: عدلي باشا أنا طلبت آآآ... لا مؤاخذة !!

-ناهد : مين ده ؟؟؟

-عدلي: نسيت أقولك ، أنا مش جاي لوحدي ، أنا جاي ومعايا رجالتني

-شاهي: مـ..مين الأشكال دي

-ناهد: اتفضل برا ، وخذ معاك الأشكال دي

-عدلي: لأ مش ها يحصل

-شخص ما: في ايه يا باشا

-عدلي وهي يشير إلى شاهي : خد البت دي وطلعها مع البت اللي فوق وكتفها

-ناهد: ابيبييه ؟؟؟

-شخص ما : حاضر يا باشا ، ده انت تؤمر

-ناهد: انت بتقول ايه ؟؟؟

اقترب أحد رجال عدلي من شاهي وجذبها بشدة فصرخت به ناهد ، وقاومته شاهي
...

-شخص ما: تعالي يا بت معايا

-شاهي برعب: مامي الحقيني ، حوشيه عني

-ناهد وهي تضربه: ابعديك عن بنتي يا حيوان انت

-شخص ما وهو يدفع ناهد : حاسبي يا ولية

-شاهي وهي تقاومه : سيبيني يا مجرم سيبيني !!

-عدلي بحدة: ناهد

-ناهد: أنا هاطلب البوليس يجي يلمك انت والحيوانات بتوعك دول

-عدلي: طب فكري بس تلمسي السماعة ، وأنا هديح بنتك قصاد عينك

-ناهد بفرع: لألألألألأ

-عدلي: خد البت دي يالا فوق

-شخص ما: حاضر يا باشا

-شاهي: مامي !!!!

أخذ أحد رجال عدلي شاهي بالقوة وجذبها من ذراعها إلى الطابق العلوي ، بينما ظلت ناهد تتحدث مع عدلي وهي في قمة غضبها مما حدث ، بالإضافة إلى خوفها مما قد يحدث لها ولابنتها

-ناهد: انت بتعمل كده ليه يا عدلي ؟؟؟ ليبيبيه ؟؟؟

-عدلي : عشان المصلحة يا ناهد ، ايه لحقتي تنسي ؟؟؟

-ناهد: مصلحة ايه اللي تخليك تيجي تهجم عليا وع بنتي واحنا لوحدنا

-عدلي: انتي نسيتي اني أنا جوزك

-ناهد: أها ... دي بقى الحجة ، خلاص أحنا هنطلق ، وكل واحد يروح لحاله

-عدلي: متأخر أوي القرار ده يا ... يا هاتم !

-عدلي: مممم... لو موافقتش يبقى قولي يا رحمن يا رحيم ع .. ع شرف بنتك !!!!!

-ناهد بخوف : لألألألألأ .. كله إلا بنتي

-عدلي: ايوه كده يا حلوة ، فكري في مصلحة بنتك ، وأوعي قلبك يرق .. لأحسن لو
رق هيجي ع دماغك انتي وبنتك !!!

-ناهد : ط... طيب

-عدلي : ايوه كده خليكي زي الشاطرة واسمعي الكلام

-ناهد: اوك

-عدلي: واوعي تنسي أي حركة غدر ، رقبتك انتي وبنتك تحت ايدي ، فاهمة ???

-ناهد: خلاص عرفت

-عدلي: تمام .. كده تعجيبني ! فين موبايلك بقي

-ناهد: ايه ?? موبايلي ??? عاوزه ليه ???

-عدلي: فكراني عبيط .. عاوزاني أسيبه معاكي فتقومي مكلمة ابنك تبليغيه باللي
بيحصل هنا

-ناهد: آآ...

-عدلي بحدة : هاتيه يالا

-ناهد بصوت هامس : خد ... خدك ربنا

-عدلي: اطلعي اعلمي اللي قولتلك عليه

-ناهد وهي تزفر في ضيق: اوووف .. طيب

.....

في منزل يارا بالگردقة ،،،،،

قرر رأفت أن يعود مع ابنه أدهم إلى القاهرة ، بينما ظل خالد وجاسر في الغردقة
لمتابعة أي جديد فيما يخص يارا و...

-أدهم: أنا هرجع القاهرة تاني ، مش قادر أقعد هنا

-خالد: يا أدهم استنى ???

-أدهم: هاستنى لإيه بالضبط ??? ها قولي ???

-خالد: مش يمكن نعرف حاجة

-ادهم: هنعرف ايه ??? لو كان في حاجة كنا عرفناها ، لكن مافيش أي جديد ،
ووجودي هنا زي قلته ، أنا هنزل القاهرة أدور ع الزفت عدلي ده ، وأحاول أعرف هو
فين

-رأفت: أدهم عنده حق ، وجودنا هنا مش هيفيد بحاجة ، وخصوصا إن الشرطة
موصلتس لمكان يارا هنا

-خالد: يا بابا مش معنى انهم ملاقوش يارا ، انها مش هتكون موجودة هنا

-جاسر: بالضبط ، وده اللي انا بقوله ، وبعدين زمايلي واصحابي في المباحث بيحاولوا
يعملوا اللي عليهم ، ومحدث ساكت ، وأنا بفكر في الأماكن اللي ممكن الزفت عدلي ده
يكون مستخبي فيها وخصوصا انه مش ظاهر أبداً في اي حطة

-أدهم: اعملوا اللي تعملوه لكن أنا مش هأقدر اقعد أكثر من كده هنا

-خالد: يا بني اهدى ، وبلاش عصبية خرينا نفكر بالعقل

-ادهم: أنا معدتس فيا عقل خلاص

-رأفت: خلاص يا خالد ، أنا هرجع مع أدهم ، وانتو خليكوا هنا ، وأهو يبقى احنا
متقسمين ، جزء هنا وجزء في القاهرة ، واللي يوصل لحاجة يبلغ الباقيين

-جاسر: تمام

-ادهم: يالا يا بابا

-رأفت: ماشي يا بني ، نشوفكم ع خير ان شاء الله

-خالد: خلي بالك وانت سايق يا أدهم

-رأفت: لالا لا .. أدهم مش هيسوق العربية ، احنا هنسافر بالطيارة

-جاسر: يكون أفضل وأسرع

-خالد: أها

.....

في مستشفى الغردقة العام ،،،

أفاقت سمر لتجد والدها ووالدتها إلى جوارها ، فرح الأبوين كثيراً لرؤية ابنتهما تفتح
عينها من جديد و...

-سمر : آآآ...

-عبد الجواد: سمر.. يا بنتي .. سمر

-تيسير : بنتي حبيبتي ، حمد لله ع سلامتك يا قلبي ، خضتينا عليك

-عبد الجواد: اخبارك ايه يا بنتي الوقتي؟؟

-سمر: آآآ... أنا ... أنا فين؟؟

-عبد الجواد: انتي في المستشفى يا بنتي

-سمر: هه

-تيسير : ولاد الحرام هجموا عليك ، ربنا ياخذهم يا رب ، ضربوكي بالمطواة ،
وخطفوا يارا صاحبتك ، إلهي يتشكوا في قلبهم البعدة

-سمر بعيون مدمعة : يـ... يارا !

-تيسير: ان شاء الله يلاقوها ، أهلها مش ساكتين

-عبد الجواد: ربنا يرجعاهم بالسلامة

-سمر: يارب

-تيسير: ويقومك يا بنتي بالسلامة ، ويكرم الجدع اللي جابك هنا بالخير كله

-سمر : جدع ؟؟ مين ده

-عبد الجواد: الأستاذ خالد الله يباركله جابك لهننا وماسبكيش إلا لما اظمن عليكي

-سمر: هه .. خـ.خالد ؟؟

-تيسير: البت الممرضة قالتلي كمان انه اتبرعلك بدمه ، ربنا يحميه لشبابه

-سمر: كمان !

-عبد الجواد: والله ماعدناش بنشوف شباب فيهم الشهامة ولا رجولة في الأيام اللي

احنا فيها دي

-تيسير : أه والله يا عبده ، عندك حق

-سمر في نفسها : غريبة ... ده حتى اللي يشوفه قبل اللي حصل ميصدقش انه يعمل

كده .. سبحان مغير الأحوال

-تيسير: اجيبلك بقى تاكلي يا حبيبي

-سمر: مش عاوزة يا ماما حاجة

-تيسير: لأ يا بنتي ، انتي لازم تاكلي وتتغذي كويس عشان الجرح يلم بسرعة

-عبد الجواد: اسمعي كلام امك يا سموورة

-سمر: حـ... حاضر

.....

في فيلا ناهد الرفاعي ،،،

صعدت ناهد إلى الطابق العلوي لتجد كلاً من ابنتها ويارا مقيدتين في غرفة شاهي ،
توجهت ناهد إلى ابنتها لتحتضنها بشدة ، بينما نظرت إلى يارا بعيون كلها حزن وندم
و...

-ناهد: بنتي !

-شاهي: مامي ، في ايه اللي بيحصل ؟؟ ليه الراجل ده بيعمل معانا كده ؟؟

-ناهد: هه

-شاهي : وليه .. ليه يارا دي مربوطة معايا هنا

-ناهد: هه .. آآآ عشان آآ...

-يارا مقاطعة : الله يخليكي يا طنط خلي الراجل ده يسييني ، انا مش هافتح بؤي بأي
حرف ، بس ..بس متخليهوش يقرب مني ، خليه يسبني وأنا هختفي خالص من
حياتكو كلكم

-ناهد: أنا .. أنا

-شاهي: مامي ، انا خايفة اوي ، احنا مش عارفين احنا ليه مربوطين ؟؟ وبعدين
الراجل ده عاوز ايه مننا ؟؟

-ناهد: هو مش عاوز مننا احنا حاجة

-شاهي : او مال ايه ؟؟؟

-ناهد وهي تنظر ليارا: هو عاوز من يارا

-يارا: عاوز مني ايه ؟؟؟

-ناهد: هو عاوز كل حاجة بتملكيها

-يارا: ماشي أنا مستعدة أديله نصيبي في شركة عمي رأفت

-ناهد: لأ مش ده اللي عاوزه

-يارا: بس انا معنديش إلا ده

-ناهد: هو عاوز كل الملايين اللي باسمك ف ألمانيا

-يارا: ايبويه؟؟؟

-شاهي: مش ممكن

-يارا: الراجل ده مجنون

-ناهد: أيوه ، هو فعلاً مجنون

-يارا: ماشي أنا موافقة اديهومله ، حياتي أهم من أي فلوس

-ناهد: لأ أنا مش ممكن أوافق ع كده

-يارا: أنا عاوزة حرיתי وبس ، تغور الفلوس اللي تضيع عمري

-ناهد: يعني .. يعني انتي موافقة تضحى بالملايين بتاعتك عشان حياتك ؟

-يارا: ايوه ، الفلوس بتروح وتيجي ، لكن العمر لأ ، وأنا طول عمري راضية بنصيبي

وعايشة ع أدي ، فمش فارق معايا أي ملايين، أنا يهمني بس اني أطلع من اللي أنا فيه

-ناهد: هه

-عدلي وقد سعد اليهم: ها ، وصلتني لحاجة يا ناهد مع الأمور

-ناهد: آآ... لسه بتكلم معاها وبحاول أقنعها

-يارا: أنا آآ...

-ناهد مقاطعة: ياااااااااااا!! أنا لسه مخلصتش كلامي معاكي

عدلي: احسنك تعقليها يا ناهد ، بدل ما أنتي عارفة اللي ممكن أعمله مع .. مع بنتك !

-شاهي : آآآ

-يارا: ما أنا قولتلها إني آآآ....

.....

ثم رن هاتف عدلي برقم ياسر ، فخرج من الغرفة وأجاب عليه

-عدلي: هارد بس ع الزفت ده وأرجعلكم

-ناهد في نفسها: إلهي تغور في داهية ما ترجع منها أبداً ..

-عدلي هاتفياً: أهلاً .. يا ريت يكون عندك أخبار جديدة

-ياسر: مش لما أقبض الأول عشان اديك الجديد

-عدلي: هاتلي العينة وأنا أبعثك التحويل

-ياسر: لأ يا حلو ، أنا قررت أخذ الفلوس كاش

-عدلي: نعم ؟؟؟ كاش ؟؟ انت بتقول ايه

-ياسر: أصل الصراحة فكرت كده وحسبتها بعقلي ، لو أنا خدت الفلوس بالتحويل

ممكن أتكشف معاك ، لكن لو خدتهم كاش هابقي في السليم

-عدلي : نعم ياخويا ، طب أجيبك أنا سيولة منين الوقتي ؟؟؟ انت عارف ان فلوسي

كلها في البنك ومقدرش أتحرك بحرية اليومين دول

-ياسر: ده اللي عندي ، اتصرف بقى ، اكتب شيك لحد يصرفه ، حولهم لحد تاني ،

المهم الفلوس تكون عندي كلها وكاملة

-عدلي بضيق : كمان !!

-ياسر: ايووووه ، فكر بقى وكلمني .. سلام

-عدلي بعد أن انهى الاتصال : الله يحرقك

.....

في نفس التوقيت كانت ناهد تتحدث مع يارا وشاهي و...

ناهد: انتي مجنونة يا يارا عشان تقويله انك موافقة

-يارا: ايوه ، عاوزة أخلص بقي

-شاهي : لأ متعمليش كده

ناهد: هو وقت ما خد منك اللي عاوزه هيخلص عليكي

-يارا: وليه هيعمل كده ??? ماهو خلاص هيبقي خد الفلوس كلها

ناهد: انتي غلطانة ، وأنا بقولك انتي مش عارفاه زي ما أنا عارفاه كويس

-شاهي: مامي اوعي توافقي انها تعمل كده ، اوعي تخليه ياخذ منها حاجة ، ده راجل حيوان

ناهد: بالظبط .. طب ششش ، عشان هو جاي

نهضت ناهد من مكانها لتتحدث مع عدلي خارج الغرفة و...

-عدلي: ها ؟؟

ناهد: أديني بحاول أهوو معاها

-عدلي: طيب

ناهد: ايه مالك ؟ شكك مضايق

-عدلي : مافيش

ناهد وهي تحاول أن تبدو مهتمة لأمره : ازاي مافيش ؟؟ ده باين ع وشك خالص ،
قولي يمكن أساعدك

-عدلي: الزفت ياسر عاوز فلوسه كاش عشان يخلصلي الورق بتاعي

-ناهد: طب ودي فيها ايه ???

-عدلي: فيها يا هانم اني لو ظهرت قصاد الناس هيعرفوا فين مكاني ، وأنا رجالتني بلغوني ان في مراقبة عن الفيلا والشركة .. يعني مجرد ظهوري معناه اني وقعت في المصيدة ، وأنا مش هاينفع أروح بنفسي أسحب الفلوس ، ولا حتى أدي شيك الفلوس لحد مش مضمون ، ده مبلغ كبير !!!..

-ناهد: طب والعمل ؟؟

-عدلي : مش عارف ، أديني بفكر هاعمل ايه في الموضوع ده كمان

-ناهد: مممم... طب واللي يلاقيك الحل لده

-عدلي: حل ازاي يعني

-ناهد: أنا هاروح أسحبك الفلوس ، واجيبك الورق كمان لو عاوز

-عدلي: انتي هبلة !!

-ناهد: لأ مش هبلة وبتكلم بجد

-عدلي وقد اخذ يفكر في الموضوع : مممم

-ناهد: بص أنا محدش يعرف اني خرجت من المستشفى أصلاً ، فهأقدر أتحرك بحرية واجيبك الفلوس ، هادخل البنك زي أي عميل عادي وأسحب الفلوس واجيبها هنا لحد ما صاحبك ده يجيبك الورق

عدلي : أها

-ناهد: وأعتقد ان بنتي تحت ايدك يعني مش هيكون في غدر كده ولا كده

-عدلي : مممم... انتي عارفة أنا ممكن أعمل ايه فيكي لو شमित انك خنتيني

-ناهد: تقدر تبعت معايا حد من رجالتك عشان تبقى مطمئن اكثر

-عدلي : ماشي ، جهزي نفسك بكرة الصبح تروحي البنك

-ناهد: طيب

-ناهد في نفسها: أوصل بس البنك يا عدلي ، وهاعرف ازاي انقذ بنتي وأنا و.. آآآ..
ويارا!!!!!!

.....

الحلقة الحادية والثمانون :

في فيلا ناهد الرفاعي ،،،

-ناهد في نفسها: أوصل بس البنك يا عدلي ، وهاعرف ازاي انقذ بنتي وأنا و.. آآآ..
ويارا منك يا أسوأ حد عرفته في حياتي ..!!

-عدلي: سرحانة في ايه ???

-ناهد: ولا حاجة

-عدلي: ممم...

-ناهد: بقولك ايه ، أنا هافك الرباط عن البنات

-عدلي: نعم ???

-ناهد: انا عاوزة أخلي البت يارا تظمني ، ومش هاينفع أكلمها ولا أضحك عليها وهي
مربوطة كده

-عدلي: لأ معلىش ، كله إلا البت دي ، أصلها هربت قبل كده ، ومش بعيد تعملها تاني

ناهد: لأ اظمن ، هي أعدة في اوضة شاهي مش هاتعرف تهرب منها ، دي مافيهاش
إلا بلكونة ولو فكرت تنظ منها يبقى هتقع ع جدور رقبته تتقطم

-عدلي: مميمم...

ناهد: وبعدين رجالتك بيعملوا ايه هنا ؟؟ مش المفروض واخدين بالهم من كل حاجة
ولا أنا غلطانة

-عدلي: ماشي ، فكيها ، بس قسماً بالله لو هربت ، حسابي هيبقى مع بنتك مش معاكي
انتي

ناهد: ماشي

.....

نزل عدلي إلى الطابق السفلي ليبلغ أحد رجاله بمراقبة ناهد غداً حينما تتوجه إلى البنك
، و أحد أخر بأن يكون كظلمها داخل البنك ليضمن عدم حدوث خيانة أو أي أخطاء منها
..

-عدلي: انت هتراقبها من بعيد ، من غير ما تاخذ بالها

-شخص ما: تماالم يا باشا

-عدلي : وانت رجلك ع رجلها ان شاء الله تروح فين ، تخلصوا البنك وترجعوا ع طول
ع هنا ، وأنا هبلغكم باللي بعد كده

-شخص آخر: أوامرك يا باشا

لمح عدلي أن الإضاءة بمدخل الفيلا عالية ، فاستشاط غضباً و...

-عدلي: قول للزفت اللي برا يقفل النور ده ، احنا مش عاوزين حد يعرف أصلاً اننا في
الفيلا

-شخص ما: ماشي يا باشا

-عدلي: والمكان يتآمن كويس

-شخص آخر: اظمن يا باشا .. كله تحت السيطرة

عدلي في نفسه: اخذ بس الورق وامضت البت دي ، وهاتخلص من كل الديول اللي هنا ، هانت كلها بس كام ساعة

.....

صعدت ناهد إلى الأعلى ثم حلت وثاق الفتاتين وطلبت أن يظلا في الغرفة ولا يخرجوا منها إلا أن تعود غداً من الخارج و...

-ناهد: أنا هافككم انتو الاتنين بس خلوا بالكم من الحيوانات اللي تحت

-يارا: أها

-شاهي: مامي أنا خايفة أوي

-ناهد: متخافيش ، كلها بس للصبح وهنرتاح من ده كله

-يارا: يعني ايه ؟؟

-ناهد: هه.. ولا حاجة .. ناموا انتو بس ومتقلقوش ، كل حاجة هنتحل الصبحية

.....

في فيلا رأفت الصياد ،،،

وصل ادهم مع والده رأفت إلى الفيلا و...

-رأفت: اطلع يا بني ارتاح في اوضتك ، وبكرة الصبح ان شاء الله هيكون فيها حل

-أدهم: أنا تعبان يا بابا ، محدش حاسس باللي أنا فيه ، كل لحظة بتمر ويارا بعيد عني
أنا بتقطع فيها

-رأفت: اصبر يا بني ، وصلي ركعتين لله ، واطلب منه انه يحميها ونلاقيها ان شاء الله

-أدهم: يااااا رب أمين

-رأفت: وأنا عندي كلام مهم مع ...مع أمك

-ادهم: طيب

-عمر وهو يجري على الدرج : أدهم ، بابا !! عرفتموا أي حاجة ???

-أدهم: لأ لسه

-رأفت: لسه يا بني

-عمر: اووووف ...

-أدهم: أنا طالع اصلي

-عمر : استناني ، وانا كمان جاي أصلي معاك ، لعل ربنا يستجيب لحد فينا

-ادهم: ماشي

-عمر: هتوضي وأحصلك

-ادهم: اوك

.....

توجه رأفت إلى غرفة فريدة و...

-فريدة: رأفت !! انت ... آآآ... انت جيت

-رأفت وعلى وجهه الضيق: أيوه

-فريدة: ايه أخبارك

-رأفت: زي الزفت

-فريدة: ليه بس

-رأفت: تسمحي تقويلي يا هانم ايه اللي عملتيه ده ؟؟؟ حفلة واحنا في الظروف الزفت دي ؟؟؟

-فريدة: أنا .. انا

-رأفت: اوعي تنكري ولا تفكري تكدي عليا

-فريدة: لأ مش هاكذب ولا هانكر حاجة ، أنا فعلاً عملت كده بس آآ...

-رأفت: بس ايه يا هانم ؟؟ هااااه ؟؟؟ ايه السبب القوي اللي خلاكي تتنيلي وتعملي حفلة الوقت ده

-فريدة: مخنوقة يا رأفت ، زهقت وتعبت ، قولت أرفه عن نفسي شوية

-رأفت: لا والله !! ده ع أساس ان احنا كلنا فرحانيين والسعادة هتنظ من وشنا

-فريدة: يووووه ، انت دائماً كده مستخسر إنني أفرح شوية

-رأفت: تفرحي لما نكون في ظروف عادية ، مش في الظروف دي

-فريدة: كل شوية ظروف ظروف ، أنا ملّيت من اللي بيحصل

-رأفت: ملّيتي ؟؟؟ هو أنا بقولك تعالي نشوف فيلم ولا أغنية ، دي روحني أدمة في خطر ، يعني لازم يكون عندك شوية احساس

-فريدة: والله ده احسن حاجة اتعملت انها غارت من هنا

-رأفت بحدة: فريدة !!

-فريدة: من يوم ما جت البت دي هنا ، وهي جايبه المصايب معاها ، أنا محستش إن أنا في بيتي إلا لما هي غارت منه في داهية ، ده أنا بدعي ربنا إنها مترجعش أبداً هنا ، مش كفاية انها خطفت ابني مني واتجوزته

- رأفت: انتي اكيد مش واحدة طبيعية
- فريدة: لأ أنا ع طبيعتي ، ودي طريقتي واسلوبي ، ده أنا مستنية بفارغ الصبر اللحظة اللي تقولولي فيها إنها ماتت ولا اتقتلت
- رأفت: يا شيخة حرام عليكي ، انتي بتفكري في ايه ، وابنك هيموت نفسه عليها برا
- فريدة: بكرة ينساها ، وأنا بنفسى هاجوزه واحدة تانية !!!
- رأفت: انتي اتهبلتي في عقلك ولا اتلطشتي في مخك
- فريدة: ايه الاسلوب البلدي اللي بتكلمني بيه ده ؟؟
- رأفت: هو انتي لسه شوفتي مني حاجة ، ده أنا هطلعهم عليكي
- فريدة: نعم ؟؟؟
- رأفت: يارا ترجع بالسلامة وأنا ... أنا هعرفك قيمتك
- فريدة: تقصد ايه ؟؟؟
- رأفت: أنا هتجوز عليكي وأجيبلك ضرة تعيش معاكي هنا
- فريدة : ايبيبيبيبيبيه ؟؟؟
- رأفت: أنا خلاص اتخنقت من عمايلك السوداء دي كلها ، وكنت بفكر أطلقك بس بكده هبقى برحمك ، لكن أنا عاوز اطلع البلى الأسود ع جتتك ، فأحسن حاجة أعملها إني أتجوز عليكي
- فريدة بصدمة: تت... تتجوز عليا
- رأفت: أيوه ، ومش أي حد كمان ، أنا هتجوز صبـاح!!!!
- فريدة : نعم —؟؟
- رأفت: لأ ومش بس كده ، هخليها تبقى الكل في الكل و تدليني وتشوف مزاجي بدل النكد اللي أنا عايش يومياً فيه ، وهأعرفك إن الله حق !
- فريدة: لألألألألأ

-رأفت: اصبري عليا بس .. إن ما خليتك تباتي في اوضة صباح وهي تبات هنا مكانك
مابقاش أنا رأفت

-فريدة: انت... انت اتجننت

-رأفت: اوعي من وشي

ثم دلف رأفت إلى الحمام ليغتسل من الطريق والسفر ، وترك فريدة تتخبط من قراره
المفاجيء
.....

في صباح اليوم التالي ،،

في منزل يارا بالگردقة ،،

كان خالد يستعد للنزول مبكراً ، بينما كان جاسر يستعد للذهاب إلى زميله رامي
بمباحث الگردقة و...

-خالد: جاسر ، بقولك ايه

-جاسر: خير ؟

-خالد: انا نازل شوية وراجع

-جاسر: بدري كده ؟؟ ليه ؟؟

-خالد: ورايا مشوار مهم ، هخلصه وراجع

-جاسر: أها

-خالد: عاوز حاجة اجيبهاك وأنا جاي

-جاسر: لأ شكراً ، أنا أصلا نازل كمان شوية

-خالد: وراك حاجة ؟

-جاسر: هاروح لرامي في القسم أشوف عملوا ايه ، ولو في جديد عن يارا

-خالد: تمام .. ولو ملاقتاش اي جديد أنا بفكر بصراحة أرجع القاهرة ، هناك هأقدر أتصرف أكثر

-جاسر: اوك .. أنا هاشوف مع رامي الوضع ، ولو مافيش أي حاجة هرجع معاك

-خالد: تمام .. أشوفك ع خير

-جاسر: ان شاء الله

ركب خالد سيارة ادهم ، ثم توجه إلى محل بيع الأزهار ، واشترى باقة ورد كبيرة ، ووضع بداخلها كارت صغير كتب فيه ((حمدلله على سلامتكم)) ، ثم وضع الباقة بجواره على المقعد وتوجه بالسيارة إلى مستشفى الغردقة العام ..

صعد خالد إلى غرفة سمر ، طرق الباب ثم سمح له الأستاذ عبد الجواد بالدخول و...

-طق...طق...طق

-عبد الجواد: اتفضل

-خالد: السلام عليكم

-عبد الجواد بفرحة: عليكم السلام ، اهلا بيك يا بني ، ازيك عامل ايه؟؟

-خالد: الحمدلله تمام ، أخبار الأنسة سمر ايه النهاردة؟؟

-عبد الجواد: الحمدلله بخير ، هي بس بتعمل الأشعة مع أمها وراجعة

-خالد: أها

-عبد الجواد: والله ما كان في لازمة انك تتعب نفسك

-خالد: أنا معملتش حاجة يا حاج

-عبد الجواد: ازاي ماعملتش ، متقولتش كده ، ده جميلك هافضل شايله طول عمري
فوق راسي و آآآآ

ثم دخلت سمر إلى الغرفة ووالدها تسندها ..

-تيسير: بالراحة يا بنتي

-سمر متألمة : آآآه ... ما أنا ماشية بشويش أهوو

-خالد: احم... آآآ... حمدلله ع سلامتک يا أنسة سمر

رفعت سمر رأسها لتتفاجيء بوجود خالد في الغرفة ، فتعثرت في مشيتها ، فأسرع
إليها خالد وسندها بذراعه حتى لا تسقط و...

-سمر: هااه ... آآآ... انت

-تيسير: حاسبي يا بنتي

-خالد وهو يسندها : خلي بالك

-سمر: آآآ... هه .. شـ.. شكراً

-تيسير: متشكرين يا بني

-عبد الجواد: اسندي يا بنتي

جلست سمر على الفراش ، ثم وضعت تيسير عليها الغطاء ، وأمسك خالد بباقة الورد
ثم قدمها إلى سمر و...

-خالد مبتسماً: اتفضلي يا أنسة سمر

-سمر: هه .. ده... ده عشاني

-خالد: أيوه

-سمر: ميرسي أوي

-خالد: ع ايه بس ، دي حاجة بسيطة ، وآآ... احم ألف سلامة عليكي

-عبد الجواد: كلك ذوق والله يا بني ، الواحد مش عارف يقولك ايه

-تيسير: والنبي يا بني معاد في شباب زيك كده جدع وشهم وابن أصول وكله رجولة
وأخلاق اليومين دول

-خالد: لا إزاي ، ده في شباب جدع موجود

-تيسير: لألأ مش كتير

-خالد: أه قبل ما أنسى .. أنا كان معايا حاجات تخص الأنسة سمر ، ونسيت أديها لها

-سمر: حاجات ايه

-عبد الجواد: حاجات ايه دي يا بني ؟؟

-خالد: الموبايل بتاعها ، والمحفظة وكمان ميدالية المفاتيح

-سمر: أها

-عبد الجواد: ياااه يا بني ، دول مش حاجة

-خالد: لأ برضوه ، أنا بس اتلبخت في اللي حصل ، ونسيت أرجعهم لحضرتك أما
شوفتك ، فقولت لازم أجي بنفسي أرجع الحاجة للأنسة سمر وبالمره أشوفها .. آآ...
قصدي أشوفكم وأطمئن عليها

-عبد الجواد: فيك الخير يا بني

-خالد: طيب أستأذن أنا بقى

-تيسير: ليه يا بني ما أنت لسه أعد معانا

-خالد: معلىش عشان الأنسة سمر تاخذ راحتها

-سمر: لالالا .. خليك قاعد .. آآ.. اقصد يعني أنا مرتاحة كده

-عبد الجواد: استنى بس أجيبلك حاجة تشربها

-خالد: معلش وقت تاني ، وبعدين يدوب أرحق أرحق القاهرة

-سمر: ايه ده انت مسافر

-خالد: أيوه ، كمان شوية هنرجع القاهرة عشان نتابع أخبار يارا

-سمر: أمانة عليك لو عرفت حاجة عنها تظمني ...آآآ... قصدي تظمننا

-خالد: ان شاء الله حاضر

-تيسير: ربنا يرجعها لكم بالسلامة وتمسكوا ولاد الحرام دول

-خالد: يا رب أميين ، عن اذنكم ، ومرة تانية حمد لله ع سلامتك

-سمر: الله يسلمك ، وميرسي ع الورد

-عبد الجواد: أنا جاي معاك أوصلك لتحت يا بني

-خالد: مافيش داعي يا حاج تتعب نفسك

-عبد الجواد وهو يصطحبه للباب : لا والله أبداااااا .. لازم أوصلك لتحت .. تعالى يا بني

-خالد: اتفضل يا حاج

.....

وما إن خرج خالد من الغرفة حتى بدأت تيسير تتحدث عنه و...

-تيسير: ماشاء الله عليه ، راجل شهم ، وطول وعرض ، فعلاً ده اللي يتقال عليه ابن

ناس أوي ..

-سمر وهي تشم الورد: اها

-تيسير: ألا هو متجوز يا بت ولا خاطب ؟

-سمر: لأ يا ماما .. انتي بتسألني إيه ???

-تيسير: بظمن يا بت ، الصراحة هو عينه كانت هتطلع عليك

-سمر: نعم؟؟ ايه اللي بتقوليه ده يا ماما

-تيسير: بقول ياختي اللي شوفته بعينيا

-سمر: لا يا ماما مش معقول

-تيسير: يا بت أنا أفهمها وهي طيارة ، وهو باين عليه طاب

-سمر: هه

-تيسير: وبكرة تشوفي يا حبيبتي

.....

في خارج الغرفة ،،،

-خالد وهو يعطيه كارتاً ما : الكارت ده فيه أرقام تليفوناتي كلها ، ولو حضرتك عوزت
أي حاجة كلمني في أي وقت ، أنا تحت أمرك

-عبد الجواد: كتر خيرك يا بني ، مستورة والحمد لله

-خالد: أنا بتكلم جد والله ، ماتشلس هم أي حاجة ، الحساب بتاع المستشفى مدفوع ،
وانا مستعد أعالج سمر ع حسابي في أحسن مكان بس انت تؤمرني بده

-عبد الجواد: مايومرش عليك عدو يا بني .. الحمد لله انها فاقت وبقت كويسة ، ده
عندي بالدنيا كلها

-خالد: ربنا يطمنك عليها دائماً

-عبد الجواد: تسلم يا بني .. وربنا يسلم طريقك

-خالد: الله يخليك يا رب

.....

في فيلا ناهد الرفاعي ،،،

كانت ناهد تستعد للذهاب إلى البنك ، اطمأنت ناهد أن كلاً من يارا وشاهي يجلسان
سويًا في الغرفة ، ثم اصطحبها أحد رجال عدلي للخارج و...

-ناهد: خدوا بالكو من بعض ، وانتي يا يارا اعلمي نفسك رافضة لأي حاجة يقولك
عليها

-يارا: طب ليه؟؟؟

-ناهد: من غير ليه ، اعلمي اللي بقولك عليه وانتي ساكتة

-شاهي: مامي انتي رايحة فين ؟؟؟

-ناهد: مشوار تبع الزفت اللي تحت هاخلصه وأرجع بسرعة

-شاهي: مامي ماتسيبنيش

-ناهد: متخافيش يا شاهي ، أنا راجعة والله تاني

-عدلي بصوت مرتفع : ناهد ——— !!!..

-ناهد: ايوه جاية أهووو ...

-ناهد للفتاتين: خالوا بالكم من نفسكم ، هتوحشوني

-شاهي: مامي

-يارا:

-عدلي: خدي بالك أنا عيني عليكي

-ناهد: متخافش ، أنا هاعمل اللي اتفقنا عليه وأرجع تاني

-شخص ما: العربية جاهزة يا باشا

-عدلي: طب اسبقنا

-شخص ما: حاضر

-عدلي: يالا يا ناهد هانم ، ورينا شطارتك

-ناهد وهي تنظر لعدلي بتوعد: اطمــــن

.....

دلفت ناهد إلى خارج فيلتها وركبت في السيارة مع أحد رجال عدلي ، ثم لحق بهما رجل آخر ليراقبهما أكثر عن كثب ، بينما صعد عدلي إلى غرفة نوم ناهد ليرتاح قليلاً ، وظل باقياً أحد رجال عدلي في الأسفل و...

-عدلي: أنا هاطلع أريح فوق شوية لحد ما الولية دي ترجع من بره ، عاوزك تفتح عينك

-شخص آخر: حاضر يا باشا

-عدلي: ولو في حاجة حصلت كده ولا كده بلغني ع طول

-شخص آخر: اطمن يا باشا

-شخص آخر في نفسه: أما أضرب بقى الحباية السوبر دي عشان دماغى تونون كده وأفوق للشغل .. يااااااه .. مافيش احسن من كده

جلس الشخص الأخير من رجال عدلي في الحديقة ثم تعاطى مخدراً مما جعله يتخيل أشياء مثيرة ، ظل ينظر إلى الأعلى ثم قرر أن يقضي يومه وهو في حضن احدى الفتاتين أو ربما كلتاهما ...

-شخص آخر وهو يمسخ بيده على وجهه ورأسه : خلااااص مش قادر ، دماغى هتضرب منى ، لأ أنا لازم أظبط نفسي ، ايووووه ، ممممم... آآآآخ ، مافيش إلا كده ،

واحدة من المزتين اللي فوق دول هي اللي هتروق عليا ، أنا طالعكم يا حلوين ،
الشفاء كله هيبقى عندكم .. آآآآخ!!!!

.....

الحلقة الثانية والثمانون :

الأخيرة (الجزء الأول) :

في فيلا ناهد الرفاعي ،،،

خرج اثنين من رجال عدلي مع ناهد الرفاعي للذهاب إلى البنك واحضار النقود منه ،
بينما ظل عدلي ومعه أحد الرجال في الفيلا ، صعد عدلي إلى غرفة ناهد ليرتاح قليلاً ،
بينما ظل رجله الأخير جالساً في الحديقة يفكر في كيفية قضاء يومه مع إحدى الفتاتين
و...

-شخص آخر وهو يمسح بيده على وجهه ورأسه : خلااااص مش قادر ، دماغي
هتضرب مني ، لأ أنا لازم أظبط نفسي ، ايووووه ، ممممم... آآآخ ، مافيش إلا كده ،
واحدة من المزتين اللي فوق دول هي اللي هتروق عليا ، أنا طالعكم يا حلوين ،
الشفاء كله هيبقى عندكم .. آآآآخ .. !!

صعد هذا الشخص إلى غرفة شاهي ، ثم فتح الباب فجأة ، فارتعدت كلاً من يارا
وشاهي لرؤيته وخاصة عندما أغلق الباب بالمفتاح وألقاه بعيداً و...

-شاهي برعب: انت .. انت بتعمل ايه هنا ؟؟

-شخص آخر: صباحك فل يا مزة

-يارا: اطلع برا ، انت جاي هنا ليه

-شخص آخر وهو يغلق الباب بالمفتاح : أنا جاي عشانكو يا حلوين

-شاهي بخوف: ايبيه

-يارا وهي تقف أمام شاهي: أنت عاوز ايه ???

-شخص آخر: عاوز القطة اللي وراكي

-شاهي وقد أحتمت بيارا: نعم !! يارا الحقيني

-يارا: اياك تفكر تقرب منها

-شخص آخر: ولو قربت هتعملي ايبيه ???

-يارا: ه... هاموتك

-شخص آخر: طب يا ريت ، أحبك وإنت شرس

-شاهي: ي... يارا

-يارا وهي تتراجع للخلف مع شاهي: اطلع بره أحسنك

-شخص آخر و هو يقترب منهما : لأ مش طالع ، ده أنا مصدقت ان الجو خلي عشان
أظبط الجمجمة مع المزة الطلقة دي

-شاهي: هاصوت وألم عليك الناس

-شخص آخر: ولا حد هيقدر ينجدك مني ، ده الباشا زمانته في سبع نومة ، ومافيش
إلا انا وانتو يا مزز

-يارا: هه

-شاهي: لألأ

-شخص آخر: تعالي بقى يا حلوة مش عاوزين نضيع وقت

-يارا: ده انت اللي عمرك هيضيع لو فكرت تقرب منها أو تلمسها حتى
-شخص آخر: أموت أنا في العنف يا قمر

.....

في نفس التوقيت تقريبا وفي الطريق للقاهرة ،،،،

كان خالد يقود السيارة عائداً إلى القاهرة بصحبة جاسر و...

-جاسر: للأسف مافي اي حاجة جديدة برضوه

-خالد: عشان كده الأعدة مالهاش لازمة هنا

-جاسر: بالظبط ، هو ممكن يكون رجع القاهرة تاني ،

-خالد: لازم تتكثف عليه المراقبة

-جاسر: المشكلة انهلسه مظهرش في أي حطة

-خالد: أها

كان جاسر يحاول الاتصال بوالدته منذ الصباح الباكر ولكن لم يجبه اي أحد ، فشعر
بالقلق عليها خاصة حينما علم من المشفى أنها خرجت منذ الأمس و...

-خالد: مالك في ايه ???

-جاسر: عمال أطلب في ماما من الصبح ومش بترد

-خالد: ما يمكن في المستشفى و...آآ...

-جاسر: لأ مش في المستشفى !

-خالد: وعرفت منين ???

-جاسر: كلمتهم الصباحية لما مردتش عليا وقالولي انها خرجت من بالليل

-خالد باستغراب: خرجت؟؟

-جاسر: أها .. وانا عمال أطلبها من ساعتها ومحدث بيرد خالص

-خالد: ممم...

-جاسر: ربنا يستر

-خالد: احنا شوية وهنوصل إن شاء الله القاهرة ، متقلتش

-جاسر: ربنا يستر

-خالد: طب مش جايز راحت الفيلا عندكم ونايمة وعاملة الموبايل صامت ومش سمعاه

-جاسر: جايز برضوه

-خالد: بص أنا عندي اقتراح كلم أدهم خليه يعدي ع الفيلا يظمن عليها

-جاسر: هه

-خالد: كلمه يالا .. هو مش هيتأخر عنك

-جاسر: ماشي

بالفعل طلب جاسر أدهم هاتفياً ليطلب منه الذهاب إلى الفيلا و...

-جاسر هاتفياً : الووو .. ايوه يا أدهم

-أدهم: خير يا جاسر ، في أي جديد عن يارا

-جاسر: لأ لسه

-أدهم بضيق : اوووف

-جاسر: أدهم ممكن أطلب منك طلب

-أدهم: اتفضل

-جاسر: معلىش ممكن تعدي ع الفيلا عندنا تشوف ماما إذا كانت موجودة هناك

-أدهم: ليه ؟

-جاسر: أصلي عمال أطلبها من الصبح ومش بترد عليا ، وفي المستشفى قالولي انها خرجت من امبارح

-أدهم: أها .. خلاص ماشي

-جاسر: ربنا يكرمك يا أدهم ، وع العموم احنا في الطريق ليكم

-أدهم: توصلوا بالسلامة

-جاسر: الله يسلمك يارب ، وابقى طمني اما توصل هناك

-أدهم: ان شاء الله، سلام

-جاسر سلام

-خالد: ها قالك ايه؟؟

-جاسر: وافق انه يروح

-خالد: ربنا يهديه

-جاسر: يا رب ، ونظمن ع الكل يا رب

-خالد: اميييين

.....

عند البنك ،،،

وصلت ناهد وبصحبتها أحد رجال عدلي إلى البنك ، دلفت معه إلى الداخل ، ثم انتظر الرجل الثاني المكلف بمراقبتها من بعيد في الخارج .. توجهت يارا إلى الموظفة المسئولة عن صرف الشيكات و...

-ناهد : اقعد انت استتاني هنا

-شخص ما: الباشا موصيني رجلي ع رجلك

-ناهد: أنا هاروح منك فين يعني ، أنا هاكلم البنت وأصرف الفلوس وأرجعك

-شخص ما: لأ معلش مش هايحصل

-ناهد: اووف ، طب خليك واقف بعيد شوية ، عشان الموظفة ماتشكش في حاجة

-شخص ما: ماشي

اقتربت ناهد من الموظفة و...

-ناهد بصوت خافض: صباح الخير

-الموظفة: صباح النور يا فندم

-ناهد: احم.. أنا .. انا كنت عاوزة أصرف الشيك ده

-الموظفة: تمام يا فندم ، ممكن توريهوني

-ناهد: اتفضلي

-الموظفة وهي تنظر للشيك : ممم.. ده مبلغ كبير ، لازم أستدعي مدير الفرع بنفسه

عشان يتخذ الاجراءات

-ناهد: اوك ، بس ممكن اطلب منك خدمة انسانية

-الموظفة: خير يا فندم

-ناهد بصوت هامس: أنا محتاجة الموبايل بتاعك اعمل منه مكالمة مهمة

-الموظفة: سوري يا فندم ماينفعش

-ناهد: طب .. طب أقرب تليفون من هنا فين

-الموظفة وهي تشير لمكان ما: هناك يا فندم في منطقة خاصة بالخطوط الأرضية ،

تقدري تطلبي من الاستعلامات انهم يدوكي التليفون وتطلبي اللي عاوزاه

-ناهد: أها .. طب شكراً

-الموظفة: أنا هابلغ مدير الفرع وأرجع لحضرتك تاني

-ناهد: اوك

أخذت ناهد تفكر في حل لتلك المعضلة التي تواجهها ، ثم طرأ على بالها فكرة ما و...

-ناهد: انت يا أخ

-شخص ما: ايوه

-ناهد: انا رايحة التويلت ، استتاني هنا

-شخص ما: رجلي ع رجلك

-ناهد: يوووه ، انت كمان هتخش معايا الحمام ؟؟ أما صحيح معندكش دم

-شخص ما: لأ ، بس هأقف استناكي بره

-ناهد: حاجة تقرف

-شخص ما: دي أوامر الباشا ، وانا بنفذ كل اللي بيقله بالحرف

-ناهد وهي تنهره : اووف ، طب أوعى خليني أدخل .. عدلي دايماً بيشغل معاه بهائم

دلفت ناهد إلى داخل الحمام ، وظلت تفكر في طريقة لكي تصل إلى الاستعلامات بدون

ان يشعر بها ذلك الرجل المرابط أمام باب الحمام ، ولكن لحظها السعيد كانت هناك

سيدة أخرى في الحمام قد انتهت لتوها من توضيب نفسها و...

-ناهد: لو سمحتي

-سيدة ما: أيوه

-ناهد: ممكن أطلب طلب من حضرتك ويا ريت ماتكسفينيش

-سيدة ما: خير

ناهد: أنا محتاجة أعمل مكاملة مهمة من موبايلك ، ده لو مش يزعجك وأنا مستعدية
أدفعلك اللي انتي عاوزاه

-سيدة ما بتردد: بس آآآ..

ناهد وهي تفتح حقيبتها لتخرج بعض المال منها : اتفضلي ، خدي دول بس الله
يكرمك أنا محتاجة اعمل المكاملة دي ضروري ، دي مسألة حياة أو موت بالنسبالي

-سيدة ما: ممم...

ناهد: حياة بنتي واختها متوقفين ع ده

-سيدة ما: اتفضلي

ناهد بفرحة : أنا .. أنا مش عارفة أشكرك ازاى

-سيدة ما : ولا يهيك

ناهد وقد طلبت رقم جاسر: ياااا رب يفهم ان دي أنا ويرد

.....

في السيارة التي يقودها خالد ،،،،

رن هاتف جاسر برقم غريب فاستغرب منه و...

-جاسر وهو ينظر لشاشة الهاتف : ده .. ده رقم غريب

-خالد: طب ما ترد عليه ، مش يمكن حاجة مهمة

-جاسر: هه

-خالد: يا عم رد ، يمكن في أي خبر عن يارا

-جاسر : ماشي

أجاب جاسر على الاتصال الهاتفي و...

-ناهد هاتفياً: الووو ... ايوه يا جاسر

-جاسر باستغراب: ماما !

-ناهد بلهفة : ايوه يا حبيبي ، أنا مامتك

-جاسر: ايه الرقم الغريب اللي انتي بتكلميني منه ده

-ناهد: مش وقته يا جاسر ، أنا عاوزاك تركز في اللي هاقولك عليه

-جاسر بقلق: خير يا ماما

-ناهد: عدلي عندنا في الفيلا

-جاسر بصدمة: ابييه

-ناهد: ومعاه يارا كمان

-جاسر : نعم؟؟؟ بتقولي ايه؟؟؟

-ناهد: مافيش وقت نضيعه يا جاسر ، اتصرف وابتعت حد ع الفيلا ينقذ اخواتك منه ،
هو ماسك شاهي كمان معاها ، ومخلني أخلصه مصالحه عشان يهرب برا مصر

-جاسر: الجبان ابن الـ ****

-ناهد: ألحق اخواتك يا جاسر ، الحقهم، أنا بالعافية وافقت ع اللي عاوزه مني عشان
أقدر انتهز الفرصة وأكلمك ، اتصرف وانقذ اخواتك ، أنا .. أنا مضطرية أقفل دلوقتي
بدل ما ياخذ باله رجالته اللي بيراقبوني

-جاسر: ماشي يا ماما ، متقلقيش ، أنا هاتصرف

-ناهد: اوك يا جاسر ، سلام

شكرت ناهد السيدة على اعطائها هاتفها المحمول ، كما رفضت أن تأخذ تلك السيدة أي نقود في مقابل مساعدتها لناهد و...

-سيدة ما: لا والله أبداً ، أنا مش هاخذ حاجة منك

-ناهد: خدي اللي انتي عاوزاه ، ده حقك

-سيدة ما: لالا مش هايجصل ، ربنا بس يطمنك ع بنتك ويردهالك بالسلامة

-ناهد: يا رب أمين

-سيدة ما: لو عاوزاني أبلغ البوليس عن الراجل اللي بيراقب ده أنا مش هتأخر

-ناهد: هه .. تبغني البوليس؟؟

-سيدة ما: أيوه

-ناهد: طب ازاي؟؟

-سيدة ما: بصي احنا هنعمل!!!!

.....

في السيارة ،،،

-خالد : في ايه يا جاسر؟؟؟ مال وشك اتقلب كده ليه

-جاسر بضيق ونرفزة : الكلب الجبان طلع أعد فين

-خالد: فين؟؟

-جاسر : مش هاتصدق ، في الفيلا عندي

-خالد بصدمة : ايبييه

-جاسر: ومعاه يارا ، واخذ كمان شاهي معاه

-خالد وهو يقود السيارة مسرعاً : ابن ال-***** ، طب وهاتعمل ايه؟؟؟

-جاسر : هاموته ابن التيببت ده

-خالد: لازم نلحق البنات بسرعة

-جاسر: ايوه دوس بنزين الله يكرمك ، أنا هاكلم اسلام وأبلغه يبعث رجالتنا يتصرفوا
معاه

-خالد: تمام .. أوووبا ده أدهم في الطريق للفيلا عندك

-جاسر: ايوه ، ربنا يستر من اللي هايجصل

-خالد: يا رب

.....

-جاسر هاتفياً: الووو ، ايوه يا اسلام

-اسلام: ايوه يا جاسر

-جاسر: اسلام يارا مع عدلي في الفيلا عندي

-اسلام: ايبييه؟؟

-جاسر: ايوووه ، ومعاه كمان اختي ، لازم تتصرف بسرعة وتلحقهم ، احنا ع
الطريق وراجعين

-اسلام: اظمن .. انا هاتصرف

-جاسر: اسلام مش هوصيك دول اخواتي الاتنين ، هما في رقبتك لحد ما أرجع

-اسلام: عيب عليك ، أنا هاتصرف

-جاسر: ماشي

.....

اتصل خالد بوالده ليبلغه بما عرف من أخبار جديدة و....

-رأفت هاتفياً بصدمة: في فيلا ناهد؟؟ معقول الكلام ده

-خالد: ايوه يا بابا ، ولازم نتصرف بسرعة

-رأفت: أنا هاكلم اللواء فوزي وهو هيتحرك برجالتة ع هناك

-خالد: بابا مش عاوزين أي حاجة تحصل وتعرض البنات للخطر

-رأفت: اظمن يا بني ، ان شاء الله خير

.....

اتصل رأفت بصديقه اللواء فوزي ليبلغه بما عرف عن مكان يارا والذي طلب منه أن يظل في مكانه ولا يتدخل ويترك الأمر لرجال الشرطة حتى لا يحدث ما لا يُحمد عقباه ، ثم اتصل رأفت بأدهم ليبلغه بالجديد و....

-أدهم بصدمة: مش ممكن ، يعني يارا الوقتي في الفيلا عند ناهد

-رأفت: ايوه

-أدهم: انا أصلا كنت رايح ع هناك

-رأفت: ابييه

-أدهم: وقعته سودة ابن الـ..... ده ، ان ما طلعت روحه في ايدي مابقاش انا ادهم الصياد

-رأفت: استنى يا بني ، اهدى

.....

عودة مرة أخرى إلى فيلا ناهد الرفاعي ،،،،

في داخل غرفة شاهي ،،،

اقترب احد رجال عدلي من يارا وشاهي ، بينما ظلت الاثنتين تتراجعان للخلف خوفاً منه ، ثم أمسك بشاهي وجذبها بقوة إليه وأخذ يحتضنها ، بينما حاولت يارا أن تحرر شاهي من قبضته ، ولكنه دفع يارا بكل قوة لتسقط على أرضية الغرفة وتتألم من شدة الارتطام ، ثم ظل يقبل شاهي بكل قوة ..

-يارا: ابعدها يا حيوان

-شاهي : سيبنى يا قدر ، ياكلب

-شخص آخر: مش سايبك يا حلوة ، ده انا هطلع الحباية كلها عليكي

-يارا: آآآه يا كلب

-شخص آخر وهو يدفعها بقوة: ابعدي يا بت الـ***

-يارا وهي ترتطم بالأرضية متألمة : آآآآه

-شخص آخر: مووووه ، حته قشطة ، مووووووه

-شاهي بقرف: لألألألألأ

قاومته شاهي بكل ما تملك من قوة ، ولكنها كانت عاجزة أمامه ، قامته بخربشته باظافرها في وجهه ولكنه استمر فيما يفعل ، نهضت يارا من على الأرض ثم قفزت فوقه ووضعت كلتا يديها على عينيه وظلت تضغط بقوة ، فأفلت شاهي ثم أمسك بيدي يارا ليبعدها عنه ، ثم اصطدم بيارا في الحائط لتفلت قبضتها عنه ، وتسقط على الأرضية ليركلها بقدمه في معدتها بقسوة و ...

-شاهي وهي تخربشه: ابعده يا حيوان عني ، ابعده

-شخص آخر: والله لو خربشتي للصبح أنا مش هاسيبك النهاردة

-يارا وهي تقفز فوقه : وأنا هأفقعك عينك

-شخص آخر متألماً: آآآه .. عيني

-شاهي: آآه ، سيبنى

-يارا: اجري يا شاهي

-شاهي: حاسبي يا يارا

-شخص آخر وهو يخطبها في الحائط: وربنا لاموتك النهاردة

-يارا متألّمة: آآآآآآآآآآه

-شخص آخر وهو يركلها : بقى حنت بت زيك عاوزة تفقع عيني ، طب خدي .. طاآآآآخ
.. طاآآآآآخ

-يارا متألّمة: آآآآآآآآآآآآه ..

-شاهي: حرام عليك ابعدها

-شخص آخر: وانتى حسابك معايا ، مش هاسبيك

-شاهي: لألألأ

دفع هذا الرجل شاهي بكل قوة لتسقط فوق الفراش ثم ثبت يدها وبدأ في الاعتداء عليها وسط صراخاتها ، حاولت يارا أن تتغلب على آلامها وتنهض لتساعد شاهي ، بحثت يارا عن أي شيء في الغرفة ليساعدها في ردع هذا المجرم ، فوجدت المزهريّة الموضوعّة بجوار المرأة ، فأخذتها ثم ضربتها بكل قوة فوق رأسه ، ليترك هذا المجرم شاهي ويضع يده على رأسه متألّماً من أثر الضربة ، وينظر إلى يارا بكل غل وتوعد و ..

-شاهي: ابعده عني ، انت .. انت مش خايف من ربنا

-شخص آخر: ربنا غفور رحيم ، والشيطان لامواخذة غواني ..

-شاهي: لألألألألأ

-يارا متألّمة وهي تحاول النهوض: آآه

-شخص آخر: أموووت أنا في المقاومة

-يارا في نفسها: لازم أنقذ شاهي من الحيوان النجس ده .. طب هاعمل ايه؟؟ لازم
أتصرف بسررعة .. آآآه .. مش قادرة ، لازم أتحمّل ع نفسي وأقوم عشان أنقذها ،
ايوه هي الفائزة اللي هناك دي .. أيوه اضربها بيه ع دماغه

-شخص آخر: يااااااه ، اثبتني يا بت

-شاهي: آآآه .. لألألأ

-يارا وقد نهضت : سيبها يا مجرم يا واطي .. س..سيبها

-شخص آخر: وحد يبقى تحت ايده الحلويات دي ومايكلهاش

-شاهي: الحقيني يا يارا ، الحقيني

-يارا وهي تضربه بكل قوة بالمزهرية على رأسه: لما أقولك تسيبها يبقى تسيبها ..
طاااa

-شخص آخر متألما: آآآآآآه ، ورحمة أمي ما سايبك

-يارا: آآآ....

نهض هذا الشخص من على الفراش ، وتوجه ناحية يارا التي لم تستسلم لخوفها ، ثم
ضربته بركبتها أسفل بطنه بكل شدة ، فسقط ع الأرض من الألم ، ولم تكتفي بهذا بل
أسرعت بخبطه مرة أخرى على رأسه بالأباجورة ، فسقط في دمانه و..

-شاهي: حاسبي يا يارا

-شخص آخر: ده أنا آآآ...

-يارا مقاطعة وهي تضربه أسفل بطنه : خـد

-شخص آخر متألما: آآآه .. يا بنت الـ ... آآآآه

-يارا وهي تمسك بالأباجورة : وخذ دي كمان في دماغك !

-شخص آخر: آآآ.....

سقط المجرم على الأرض والدماء تنزف من رأسه ، فارتعدت شاهي من المنظر و...

-شاهي برعب : هو .. هو مات

-يارا: م... مش عارفة

-شاهي: طب.. طب هانعمل ايه الوقتي

-يارا: لازم نهرب من هنا

-شاهي: طب هنهرب ازاي ???

-يارا: هه ...

-شاهي : الكلب ده خد المفتاح

-يارا: ايوه بس رماه

-شاهي: طب والعمل ايبييه ???

-يارا: لازم نخرج من هنا قبل ما الزفت الثاني يصحى

-شاهي: أها

-يارا: تعالي معايا

-شاهي: هنروح فين ??

-يارا: هنخرج من البلكونة

-شاهي : ايبييه ??

-يارا: مقدمناش إلا كده ، يالا ، تعالي معايا ومتخافيش

-شاهي: بس آآ...

-يارا : من غير بس ، اعملي اللي هاقولك عليه وهنقدر نهرب من هنا

-شاهي : أوك

.....

في البنك ،،،

خرجت ناهد من الحمام بعد فترة ، ثم سألتها أحد رجال عدلي عن سبب تأخيرها و...

-شخص ما: ايبيه كل ده في الحمام

ناهد: في ايه؟؟ هو أنا كنت أعدة ع قلبك

-شخص ما: انتي كنتي بتعملي ايه جوا كل ده؟؟

ناهد: الله ، انا ست كبيرة وباخد وقت في الحمام ، في ايه فيها دي كمان

-شخص ما: مافيهاش ، بس عاوزين ننجز في يومك ، الباشا منبه اننا منتأخرش

-سيده ما بصوت مرتفع: انت بتعمل ايه هنا؟؟

-شخص ما: في ايه يا حاجة

-سيده ما: الحقونا يا ناس ، يا أمن !! يا security تعالوا بسررررعة ، في واحد

بيتحرش بينا في الحمام

-شخص ما: في ايه يا ولية انتي؟؟؟ ايه الهبل اللي بتقوليه ده

ناهد : الحقووونا ..

تجمع رجال الأمن حول أحد رجال عدلي وألقوا القبض عليه ، ثم وضعوه في غرفة

منعزلة ، وطلبوا الشرطة لكي تأتي إلى البنك لتقبض على هذا المتحرش ..

شكرت ناهد السيدة على مساعدتها لها مرة أخرى ، ثم قررت أن تطلب الشرطة لكي

تبلغهم عما يحدث في فيلتها و..

ناهد: شكراً ليكي مرة ثانية ع اللي عملتاه معايا

-سيده ما: انا معملتش غير الواجب

ناهد: ربنا يكرمك ومش يوقعك في ضيقة

-سيدة : تحت أمرك يا حبيبتى

-ناهد في نفسها : لازم أبلغ البوليس عن الثاني ده كمان ، بس هابلغه ازاي؟؟ ايوه
مافيش إلا جاسر هاطلبه واديله مواصفات الزفت الثاني ده كمان ، وهو يتصرف ..
ايوه

طلبت ناهد ابنها جاسر مرة اخرى من هاتف الاستعلامات و...

-ناهد هاتفياً: الووو

-جاسر: ايوه .. ماما !!

-ناهد: ايوه يا بني

-جاسر: اطمني يا ماما ، انا كلمت زمايلي وهما في الطريق دلوقتي ع الفيلا عندنا ،
وشوية وهيمسكوا الكلب عدلي ده كمان

-ناهد: طب في لسه ديل للكلب ده

-جاسر : تقصدي ايه ???

-ناهد: أنا يا بني موجودة في بنك ((...)) ، وعرفت أخلص من واحد من رجاله الزفت
ده ، بس في واحد ثاني مستني بره البنك ، ولو لاقاني مخرجتش واناخرت أكيد هيبلع
عدلي ومش بعيد يعمل حاجة في البنات

-جاسر : اها

-ناهد مكلمة : ولو خرجت لوحدي هيشك في ان مش معايا الرجل اللي كان مرافقتي
زي ضلي

-جاسر: قوليلي شكل الكلب الثاني ده ايه ???

-ناهد : هو شكله

-جاسر: تمام .. خليكي في البنك يا ماما ومتخرجيش منه وأنا هاتصرف

-ناهد: اوك

.....

أنهى جاسر الاتصال الهاتفي مع والدته ، ثم طلب زميله اسلام ليبلغه بما طرأ و..

-جاسر هاتفياً: ايوه يا اسلام

-اسلام: ايوه يا جاسر ، احنا في الطريق للفيلا عندك ، اظمن ، لحظات وهنوصل

-جاسر: طب في كمان كلب تاني مراقب أمي عند بنك ((....)) عاوزك تجيبه من قفاه

-اسلام: قولي شكله وأنا هابعتله اللي يعلقه ع طول

-جاسر: هو شكله آآ.....!!!

-اسلام: تمام أوي ، اعتبره اتمسك

-جاسر: يا مسهل يا رب

.....

عند فيلا ناهد الرفاعي

وصل أدهم بالسيارة بالقرب من فيلا ناهد ، ركن السيارة بعيداً وترجل منها وتوجه نحو الفيلا ، ظل يبحث عن مدخل غير البوابة الرئيسية للفيلا لكي يدلف للداخل بدون أن يراه أي أحد .. ولكنه لمح في نفس الوقت شاهي ويارا يقفان في الشرفة ويحاولان أن يقفزا منها و....

-شاهي: أنا.. أنا خيفة

-يارا: لازم تجمدي قلبي ، مش قدامنا إلا كده

-شاهي: المسافة كبيرة وممكن رجلي تتكسر

-يارا: ان شاء الله مش هايحصل

....

أدهم من بعيد في نفسه بعدم تصديق : مش ممكن .. دي ..دي يارا ، وشاهي كمان معاها .. ايه اللي يارا ناوية تعمله ??

-أدهم وهو يتجه للسور الجانبي للفيلا : لازم ادخل الفيلا دي بسرعة ، لازم ألحق يارا قبل ما تعمل حاجة مجنونة.....!!!!

.....

الحلقة الثانية والثمانون :

الأخيرة (الجزء الثاني) :

في فيلا ناهد الرفاعي ،،،

كان ادهم يحاول البحث عن طريقة يدلف بها إلى داخل فيلا ناهد دون أن يلاحظه أي أحد ، وإذ به يرى يارا وشاهي تقفان سوياً في الشرفة ويحاولان الهروب و...

-أدهم: وهو يتجه للسور الجانبي للفيلا : لازم ادخل الفيلا دي بسرعة ، لازم ألحق يارا قبل ما تعمل حاجة مجنونة...!!!

قفز أدهم من أعلى السور ، ثم توجه ناحية أسفل الشرفة التي تقف بها كلاً من يارا وشاهي ثم نادى ب...

-ادهم: يارا !

-يارا وهي تنظر للأسفل: أدهم
-أدهم: يارا انتي كويسة؟؟ في حد اتعرضلك؟؟؟
-يارا: هه ، آآ.. أنا الحمدلله بخير
-أدهم: شاهي ، انتي عاملة ايه؟؟؟
-شاهي: تـ.تمام
-أدهم: طيب ادخلوا انتو الاتنين جوا
-يارا: لا مش هاينفع
-أدهم: مش هاينفع ليه؟؟؟
-يارا: آآآ...
-شاهي: أنا خايفة يا يارا
-يارا: ششششش .. احنا لازم نعمل اللي اتقفنا عليه
-أدهم: يارا ادخلي جوا ، شاهي اسمعي انتي كمان الكلام وادخلي جوا

.....

في نفس التوقيت داخل الفيلا ، استيقظ عدلي على صوت الهمهمات العالية ، توجه للأسفل ليرى الشخص الذي من المفترض أن يراقب الوضع و...
-عدلي: ايه الصوت ده ، فين الزفت اللي المفروض أعد بيراقب اللي بيحصل هنا ، اكيد اتنيل ع عينه وبلع حاجة تانية من اللي بيبلعها

وما إن فتح عدلي باب الفيلا حتى وجد أدهم يتحدث مع شاهي ويارا ويحاول ان يثنيهم عن فعل شيء ما ، فأغلق الباب بسرعة ووضع الترباس والقفل الخاص بالفيلا ، وأسرع بالصعود للأعلى حيث توجد غرفة شاهي و....

-عدلي بصدمة: مش ممكن ، أدهم !! ده ايه اللي جابه هنا ، وفين البأف اللي أعد
ببراقب المكان .. أنا لازم أدخل قبل ما يشوفني

.....

في الشرفة ،،،

كانت يارا تحاول اقناع شاهي بالقفز من الشرفة كمحاولة للهروب من الغرفة
المحتجزين بها ..

-شاهي: لأ يا يارا ، مش ممكن أعمل كده

-يارا: مافيش قدامنا إلا الحل ده ، لازم نخرج من الفيلا قبل ما يصحى الكلب عدلي ،
ويكتشف غياب الحيوان الثاني

-أدهم: ده خطر عليكموا

-شاهي: قولها يا أدهم

-يارا باصرار: انت اقف تحت يا أدهم ، وشاهي هاتحاول تنط وانت تمسكها

-شاهي: لألألأ .. انا مش عاوزة أعمل كده

-يارا: مافيش وقت عندنا ، يالا بسرعة

-ادهم: اووف ، طيب ماشي ، خلي بالك يا شاهي وانتي نازلة ، امسكي كويس ، وانا
همسكك لما تنطي

-يارا: اهم حاجة ماتصوتيش مش عاوزينه يحس بحاجة

-شاهي وهي تهز رأسها بالايجاب: أها

-يارا مكررة : أوعي تنسي ، مافيش صوتيت وانتيتنطي دي مش دريم بارك

-شاهي: ط.. طيب

ثم فجأة سمعوا صوت شخص ما يحاول فتح باب الغرفة و...

-يارا بخضة: ايه ده

-شاهي برعب: آآ... لألأ

-يارا: بسرعة يا شاهي ، الظاهر ان عدلي صحي ، يالا أوام

-عدلي من الخارج: الباب ده ايه اللي قافله كده ، لازم افتحه

-شاهي: يارا أنا خيفة

-يارا: متخافيش يا شاهي ، أنا واقفة معاكي

لاحظ أدهم من الأسفل اضطراب كلاً من يارا وشاهي فجأة ، فحاول أن يعرف السبب
و...

-أدهم: في ايه اللي بيحصل عندكو ???

-يارا: هه ... آآ... مـ.. مافيش ، بسرعة يا شاهي

-شاهي: ط... طيب

بدأت شاهي تتسلق الشرفة ، ويارا تمسك بها ، وفي نفس الوقت كان عدلي يحاول فتح
الباب بكل قوته ..

-يارا وهي تمسك بشاهي: أنا مسكاكي كويس

-شاهي: اوك ..

-ادهم: بالراحة يا شاهي ، اوعي ايدك تفلت

-شاهي: أها

لم ينتظر عدلي أن يضيع وقته أكثر من هذا ، أخرج مسدساً من جيبه ثم أطلقه على قفل الباب لكي يفتح ..

بووووووم ...

-يارا بفزع: هاهاهاهاه

-أدهم بخضة : في ايبييه؟؟؟

-شاهي برعب: لألألأ

أفلتت شاهي يدها من الرعب فسقطت من الشرفة ، ولكن كان أدهم يقظاً فأمسك بها وجعل سقوطها هيناً ..

-أدهم: حاهاهاه يا شاهي

-شاهي : آآآآه

-أدهم وهو يمسك بشاهي : متخافيش ، أنا مسكتك ، متخافيش

-شاهي: الحمدلله ، الحمدلله

نظرت شاهي إلى الأعلى وهي تصرخ باسم يارا و...

-شاهي بصريخ: يارا

-أدهم: ياهاهاه ، خدي بالك ، نطي بسررعة

كان عدلي قد نجح في الدخول إلى الغرفة ، فرأى أن رجله ملقى على الأرض وينزف دماً .. فاستشاط غضباً ثم توجه ناحية يارا التي كانت على وشك الصعود إلى الشرفة والقفز منها ، ولكن أمسك بها عدلي وجذبها من شعرها إلى الداخل وسط صراخ شاهي وتهديدات أدهم و...

-أمين الشرطة: اطلع ببطاقتك ياله

-شخص آخر: يا باشا أنا معملتش حاجة

-أمين الشرطة : انت هترد كمان عليا ، طب خدوه ع البوكس لحد ما نشوف هنتصرف
معاه ازاي

-شخص آخر: يا باشا !! طب ليه بس كده .. يا باشااااا

-العسكري وهو يمسكه : اطلع ياله

-شخص آخر: أنا معملتش حاجة

-العسكري الثاني: جره من قفاه

-شخص آخر: الله !! في ايه لكل ده ، بسسس ماتزوعش ، أنا جاي معاكو

وضع العساكر رجل عدلي الثاني في سيارة الشرطة ، ثم اتصل أمين الشرطة هاتفياً
باسلام ليبلغه بما حدث و...

-أمين الشرطة : كله تمام يا باشا

-اسلام: مسكتوا الكلب ده

-أمين الشرطة: ايوه يا باشا

-اسلام: طب وديه ع القسم ، وروقوا عليه لحد ما أرجعلكم

-امين الشرطة : اظمن يا اسلام باشا ، ده احنا هنوريه كرم الضيافة اللي يستاهله

.....

راقبت ناهد ما يحدث في الخارج من داخل البنك ، سعدت كثيراً لأنها نجحت في
التخلص من رجال عدلي ، ثم أسرعت بالخروج من البنك وركبت سيارة أجرة
وتوجهت بها إلى فيلتها

.....

-أدهم: سييها يا عدلي الكلب ، والله العظيم ماهسيبك ، هاقنتك .. هادبحك ، مش سايبك
مش هاسيبك

-شاهي : يارا .. إهيء

-أدهم بنرفزة وهو يتجه نحو باب الفيلا ويطرقة بشدة : افتح الباب يا جباااااان)
طق..طق.. طاااخ ..طق ..طااااخ (أفتح الباب ووريني نفسك

-شاهي : انتي انقذتيني يا يارا وضعتي انتي !!

-أدهم لشاهي : شاهي ، فوقيلي كده وقوليلي الفيلا بتاعتكم دي بتدخلوها منين ؟؟؟ ها
منين ؟؟؟

-شاهي : آآآ... مش عارفة، مش عارفة !!!

-أدهم: ازاي مش عارفة ، فكري معايا ، انا عاوز ادخل جوا الفيلا ، ايه أضعف منطقة
هنا ؟؟ قوليلي

-شاهي وهي تحاول التذكر : آآآآ...

-أدهم: بسرعة يا شاهي

-شاهي: أيوه ، ممكن تروح من عند شباك أوضة المكتب .. ده ..ده أقرب حاجة ممكن
تدخلنا جوا

-أدهم:لأ أنا مش عاوزك تخشي جوا ، انتي اطلعي برا الفيلا خالص ، اهربي ، خدي
تاكسي وروحي ع فيلتنا ، واستنينا هناك

-شاهي: أنا... أنا خيفة يا أدهم

-أدهم: متخافيش ، اعلمي ده وانتي هتبقي في آمان

-شاهي: آآآ...

-أدهم: بسرعة يا شاهي ، خليني ألحق يارا

-شاهي: آآآ... حاضر

.....

في السيارة التي يقودها خالد ،،،

اتصل اسلام هاتفياً بجاسر ليبلغه بشأن إلقاء القبض على اثنين من رجال عدلي ،
وأنهم وصلوا بالقرب من فيلته و...

-اسلام هاتفياً: الحمد لله مسكنا اثنين من رجاله عدلي

-جاسر: خيرررر .. وماما؟؟

-اسلام: الحمد لله في آمان دلوقتي

-جاسر: واخواتي البنات؟؟؟

-اسلام: احنا لحظات وهنكون عندهم

-جاسر: ربنا يستر ، خلي بالك يا اسلام ، الزفت عدلي ده ممكن يعمل أي حاجة

-اسلام : متقلقش ، احنا جاهزينله

-جاسر: ربنا يعديها على خير ، وأنا خلاص كلها ربع ساعة وهدخل القاهرة

-اسلام: تمام

.....

انهى جاسر الاتصال الهاتفي مع إسلام ، ثم سأله خالد عن اخر المستجدات و...

-خالد: ها في جديد؟؟

-جاسر: مسكوا اثنين من رجاله الكلب ده

-خالد: عظيم أوي

-جاسر: بس لسه موصلوش للبنات

-خالد: ان شاء الله هيوصلولهم ، وأنا والله طابير عشان ألحق أوصل بسرعة

-جاسر: أها .. يا رب سلم وعديها ع خير

قاد خالد سيارته بسرعة جنونية من أجل الوصول إلى القاهرة في أقل وقت ممكن ..

.....

خارج فيلا ناهد الرفاعي ،،،

وصلت سيارات الشرطة إلى الفيلا ، وترجل رجال الشرطة منها وبدأوا يخططوا لخطة
الاقترام ، وفي نفس الوقت خرجت شاهي من الفيلا تجري وهي مرتعدة كثيراً مما
حدث وتلفتت حولها والرعب يكسو وجهها فارتطمت دون قصد بإسلام الذي أمسك بها
و..

-شاهي في نفسها: زمانته موتها ، أكيد قتلها ، ومش بعيد يكون قتل أدهم كمان ، أنا..
أنا هـ...

-اسلام وهو يمسك بها : مش تخلي بالك وانتي ماشية

-شاهي برعب : آآآ...

-اسلام: مالك في ايه ؟؟؟

-شاهي: جوا .. عدلي هي... هيموتها !!

-اسلام: عدلي .. انتي مين ؟؟؟

-شاهي : أنا.. أنا ..ش... شاهي

-عدلي: أهلاً بعريس الغفلة

-ادهم : اه يا كلب السكك يا واطي

-عدلي: اخررررس ، شتيمة مش عاوز ، قلة ادب هاعرف أتعامل كويس

-يارا متألمة: آآآ... ادهم

-أدهم: يارا !

-عدلي: يا سلام عليكو يا جوز الغرابان ، شكلكم ظريف خالص ، بس للأسف انتو الاتنين هاتموتوا

-يارا: حر... حرام عليك

-ادهم: سيبها ، هي مالهاش دعوة بأي حاجة

-عدلي بنرفزة: انت فاكرني أهبل ، ده هي السبب في كل حاجة

-يارا: آآآ...

-أدهم: شوف انت عاوز ايه وهنديهولك ، بس آآآ.. سيبها

-عدلي : لأ مش هايحصل ، مش هاسيبها ، ده أقل حاجة أعملها إني اموتها، وأهوو
بالمرة تكون الولية ناهد جابت الورق أخده واكت ع برا ع طووول

-ادهم بفزع: للألألأ ... سيب يارا وأنا هاديك اللي انت عاوزه

-عدلي: انا خلاص خدت منها اللي عاوزه ، ومعدتش ليها لازمة ، أنا بس عاوز أحرق
قلبك عليها

-ادهم: سيبها تعيش وموتني أنا ... !

-عدلي: لأ ... أنا هاموتكم انتو الاتنين ، أصلي ماحبش أفرق بين قلبين زيكم

.....

في خارج الفيلا ،،،

-أدهم بعد لحظات: يـ... يارا .. ياااااااااااااااا !!

أمسك أدهم بيارا و..

-أدهم: ياااااا ، ردي عليا ، يارا أوعي تضيعي مني .. ياااااا

فحص ادهم جسد يارا فوجده خالياً من اي شيء ، بينما كان عدلي راقداً على الأرض وهو ينزف الدماء ويتنفس بصعوبة و...

-عدلي : هاااااا...آآآآ

-أدهم: ياااااااااا

-يارا: آآآ...

-أدهم: يارا انتي كويسة مافكيش حاجة

-أحد الضباط: مشطوا المكان بسرررعة ، واتأكدوا ان مافيش حد تاني جوا

-احد العساكر : تمام يا فندم

-ضابط اخر: هات الاسعاف بسرعة

-عدلي : آآآ... آآ

كاد عدلي أن يلفظ أنفاسه الأخيرة ، بينما فاقت يارا مما حدث ، فاحتضنها أدهم بشدة و...

-أدهم: يارا حبيبتي ، يااااااا ، والله انتي كويسة

-يارا: هه

-ادهم: أنا بحبك أوي .. بعشقتك ، الحمدلله انك بقيتي في حضني

-يارا: آآ...

-ادهم: الحمدلله يا رب ، الحمدلله ع سلامتك ورجوعك ليا

.....

وصلت ناهد بسيارة الآجرة إلى فيلتها وتفاجئت بوجود كم هائل من رجال الشرطة يحيطون بالفيلة ، انقبض قلبها من المنظر وبدأت تراودها الأفكار السيئة حول ما حدث إلى أن لمحت شاهي تجلس في أحد سيارات الشرطة وهي تشرب المياه ، فجرت ناحيتها وهي تصرخ باسمها و...

-ناهد : ايه اللي بيحصل هنا ؟ لأ مش ممكن ، استر يا رب ، يا رب ميكونش حاجة وحشة حصلت .. استرررر يا رب

-ناهد بعد أن لمحت شاهي: شaaaaaaaaااهي .. بنتي

-شاهي: مامي

-ناهد وهي تحتضنها: بنتي حبيبتي ، الحمدلله انك بخير ، الحمدلله

-شاهي: مامي أنا كويسة ، بس لسه يارا جوا

-ناهد: استر يا رب

-اسلام: حمدلله ع سلامة شاهي يا مدام

-ناهد: الله يسلمك يا بني

.....

-جاسر : دي اختي اللي جوا

-اسلام: مش هاينفع .. يا عساكر ، امنعوا أي حد يقرب من الفيلا

-جاسر: لألأ

-خالد: ياااااااااااااااا !!

وفجأة لمحوا أدهم وهو يأخذ يارا في أحضانه ويحيطها بذراعيه حتى لا يضييها أي مكروه و

-خالد وهو يشير ناحية ادهم : مش ده أدهم ؟

-جاسر: اه هو ، ودي ..دي يارا

-خالد: يارا

-جاسر : الحمدلله يا رب ، ألف حمد وشكر ليك يااااا رب ، الحمدلله

-خالد بصوت مرتفع: أدهم .. ياااااااااا

-ادهم ليارا: الحمدلله ان ربنا نجاكي من المصيبة دي ، الحمدلله انك رجعتي تاني
لحضني ، الحمدلله يارب

-يارا: الحمدلله

-ادهم: أنا.. أنا ناوي اعوضك عن كل اللي فات ، وأبدأ حياتي معاكي صح
!!!

.....

الحلقة الثانية والثمانون :

الأخيرة (الجزء الثالث)

خارج فيلا ناهد الرفاعي ،،،

-ادهم ليارا: الحمدلله ان ربنا نجاكي من المصيبة دي ، الحمدلله انك رجعتي تاني
لحضني ، الحمدلله يارب

-يارا: الحمدلله

-ادهم: أنا ناوي اعوضك عن كل اللي فات ، وأبدأ حياتي معاكي صح ..!

أسرع كلاً من خالد وجاسر ناحية ادهم ويارا لكي يطمئنوا عليهما ، أخذ جاسر يارا في
أحضانه و...

-جاسر: حمدلله ع سلامتكم يا يارا ، حمدلله ع سلامتكم يا أختي ، أنا كنت هاموت من
القلق عليكي ، الحمدلله ان ربنا نجاكي

-يارا: آآآ

-خالد: الف مليون حمدلله ع السلامة يا يارا ، بجد احنا محسناش بقيمتك ولا غلاوتك
عندنا إلا لما حصل اللي حصل

-يارا: هه

-خالد: الواحد فعلا عرف ع ايدك يعني ايه يبقى عنده اخوات ويعني ايه يحافظ عليهم

-ناهد من بعيد: يــــارــــا

-جاسر: ماما

-ناهد: جاسر ، ابني حبيبي

-جاسر: ماما انتي كويسة ???

-ناهد: الحمدلله يا بني أنا بخير

-جاسر: ثواني يا ماما

ناهد: لأ يا بني من فضلك .. لازم يارا تعرف بالظبط انك انت مكديتس في اي حاجة ، فعلاً يا يارا أنا كنت متجوزة من أبوكي الله يرحمه ، وهو طلقني بعد جوازنا بشهرين وأنا خبيت عنه أمر حملي في جاسر واتجوزت ع طول جوزي يسري وفهمته ان جاسر ابنه ، كنت عاوزة احرق قلب باباكي ع ابنه ، لكن انا اللي كنت غلطانة ، أنا اللي أغضبت ربنا و عملت حاجات غلطت ، اتجوزت وأنا في فترة العدة ، ونسبت ابني لحد تاني ، وأنا بتأسف عن ده ، ومستعدية أعترف باللي عملته قدام النيابة عشان الكل ياخذ حقه ، ولو قارنتي ورق جوازي من رفعت بورق جوازي من يسري وورق شهادة ميلاد جاسر هتعرفي اني فعلاً كدبت

-جاسر: يارا ، أنا كل همي اني كنت أخذك تحت حضني مع شاهي وأحميكي من أي خطر

-يارا: أنا مش محتاجة لأى اثباتات عشان تقول انك اخويا ..

-جاسر: يعني ايه ؟؟

ناهد: والله يا بنتي اللي قولتهولك ده الحقيقة

-يارا: أنا مصدقة فعلا ان جاسر هو أخويا من غير أي ورق ولا اثبات

-خالد: هه

-أدهم: آآآ...

-جاسر: بجد ؟؟

-يارا بابتسامة : ايوه ، ماهو مش معقول هاجيب الشجاعة دي من بره

-جاسر وهو يقبل رأسها: لأ طبعاااا يا .. يا أختي

ثم جاءت شاهي لتعتذر عما فعلته ليارا و...

-شاهي بتردد: ي... يارا

-الجميع : شاهي

-جاسر: شاهي حبيبي ، انتي كويسة

-شاهي: الحمدلله يا جاسر

-خالد: الف حمدلله ع سلامتک يا شاهي

-شاهي: الله يسلمک يا خالد

-ادهم: الحمدلله انک بخير يا شاهي

-شاهي: الحمدلله ، بس ده راجع لربنا وبعده يارا

-يارا: آآآ..

-شاهي: يارا أنا .. أنا أسفة عن كل حاجة وحشة عملتها فيكي ، أنا أسفة عن كل كلمة قولتها عنك غلط .. انتي طلعتي احسن مني بمليون مرة ، انتي بأخلاقك وشجاعتك معايا طلعتي مش بنت خدامة لأ بنت أصول وناس فعلا .. أنا أسفة ع كلامي اللي كنت بضايقتك بيه

-يارا: أنا آآآ...

-شاهي: حقك عليا .. أنا بوعدك ان ده مش هيحصل تاني أبداً مني ، انتي احسن مني بتربيتك واخلاقك

-يارا: انتي .. انتي زي اختي يا شاهي ، ومهما حصل بينا مكنش ينفع أسيبك وأقف اتفرج ع المجرم ده وهو بيقترب منك

-شاهي وهي تحتضن يارا: انتي فعلاً مالكيش زي

-جاسر: والله الدمعة هتفر من عيني

-خالد: وأنا كمان

-ناهد: ربنا يخليكوا ومايحرمكوش أبداً من بعض

-خالد: انا كمان عاوز اعتذر لأدهم اخويا وليارا عن أي اساءة قولتها ليهم ، انا فعلاً كنت مندفع ، مافكرتش انهم ممكن يكونوا بيحبوا بعض ، وكل همي كان نفسي وخلص ..

-جاسر: اها .. ساعة الغضب الواحد بيبقى مش بيفكر

-ناهد: صح

-خالد: مسامحني يا أدهم

-أدهم: انت حبيبي يا خالد ، مقدرش أزعل منك

-خالد: وانتي يا يارا

-يارا: آآآآ... مافيش مشكلة

وبينما هم يتحدثون اقترب منهم إسلام ليبلغهم بما حدث و...

-اسلام: ألف حمدلله ع سلامتكم

-أدهم: الله يسلمك

-جاسر: شكراً يا اسلام ع تعبك معانا

-اسلام: متقولش كده ، ده واجبي

-جاسر: ربنا يخليك يا رب

-اسلام: المهم كنت عاوز أقولكم ان عدلي اتصاب بس هايعيش والاسعاف هتنقله المستشفى وهيتحاسب عن كل حاجة عملها

-يارا: طب والـ ... الراجل الـ..آآآ

-اسلام: اللي كان موجود فوق

-يارا: ايوه

-اسلام : اه ده كمان عايش بس هيطلعه كالمو في دماغه لكاه شهر كده من اللي اتعمل فيه

-يارا ضاحكة : هههههههههههه ده انا اللي عملت فيه ده

-اسلام: لأ برفو فعلا

-جاسر: الحمد لله ان الأمور عدت ع خير

-اسلام: معلىش يا جاسر كنت عاوزك في كلمتين ع جمب

-جاسر: اوك يا اسلام

.....

وقف اسلام مع جاسر بعيداً عن الباقيين ليتحدثا سوياً و...

-جاسر: خير يا اسلام في ايه ؟

-اسلام: الحقيقة أنا .. آآآ... انا ..

-جاسر: قول يا اسلام ع طول اللي انت عاوزه

-اسلام: بص أنا عارف انه مش الوقت ولا المكان المناسب لده ، بس أنا .. أنا كنت

عاوز اسأل ان .. آآ .. آآآ

-جاسر: يا عم قول ع طول الكلام اللي انت عاوزه

-اسلام: بصراحة كده انا كنت عاوز اسأل ان .. ان كانت اختك الأنسة شاهي مخطوبة

ولا آآآ...

-جاسر باستغراب: هه ! ليه ؟؟

-اسلام: يعني آآ...

-جاسر مبتسماً: لا يا سيدي لا مخطوبة ولا متجوزة ولا أي حاجة

-اسلام: طب حلو أوي .. أصل كنت بفكر يعني آآ

-جاسر: أوعى تقولي ان البت المفعوة دي لفتت نظرك
-اسلام: الصراحة اه ، ويعني كنت عاوز أتعرف عليها في وجودك طبعاً يعني عشان لو
.....

-جاسر: سبحان الله

-اسلام: هو في حاجة؟

-جاسر : لأ مافيش ، بس اظن نأجل الكلام في المواضيع دي بعدين

-اسلام: ماشي ، بس مبدأيا معندكش مانع صح

-جاسر: أنا معنديش مانع .. بس أسأل صاحبة الشأن وماما طبعاً

-اسلام: تمام .. مضبوط

.....

طلب أحد رجال الاسعاف من يارا أن تأتي معه لكي يفحصها ويضمد جروحها ، فذهبت
معها شاهي وناهد ، بينما ظل خالد وادهم يتحدثان سوياً

-خالد: ناوي تعمل ايه يا أدهم انت ويارا ؟

-ادهم: ناوي أبدأ صح

-خالد: تبدأ صح ازاي يعني؟؟ أنا مش فاهم !

-ادهم: يعني ناوي ابدأ حياتي مع يارا من البداية

-خالد: مش فاهم برضوه

-ادهم: يعني بأمر الله هاعمل فرح محترم ليارا ، وأخليها تحس بإنها عروسة فعلاً مش
اضحك عليها وآآآ...

-خالد باستغراب : يعني ايه اضحك عليها؟؟

-أدهم: متحدثش في بالك ، المهم يعني أنا ناوي أعمل كل حاجة زي المفروض ما بتتعمل

-خالد: كل ده حلو ، بس عندك مشكلة واحدة

-أدهم: مشكلة ايه دي ؟؟

-خالد: فريد هاتم الرفاعي

-ادهم: ودي مش بس مشكلة .. دي نصيبة كبيرة !!

-خالد: بالظبط!!!!

.....

في فيلا رأفت الصياد ،،،

أبلغ خالد أبيه بأمر انقاذ يارا ، وأنهم في طريقهم جميعاً للعودة إلى الفيلا و...

-رأفت بفرحة هاتفياً: الحمدلله يا رب ، الحمدلله

-عمر: بابا في ايه ؟؟

-خالد هاتفياً: احنا جايبين في الطريق يا بابا

-رأفت: توصلوا بالسلامة ، طب هي يارا جمبك ؟؟؟

-خالد: لأ ، مع أدهم وجاسر

-رأفت: يا خسارة ، لو كانت جمبك كنت كلمتها واطمنت عليها

-خالد: احنا جايبين في الطريق

-رأفت: ماشي

أنهى رأفت المكالمة الهاتفية مع ابنه خالد ، ليستفسر منه عمر عن يارا و...

-صباح: ألف حمد وشكر ليك يا رب ، الحمد لله لوووولوووولي

-رأفت: ايه يا فريدة مالك ؟؟؟ شكك مش فرحان

-فريدة: هه .. آآ

-رأفت: احسنك تفردني وشك لما يارا ترجع ، وإلا قسماً بالله هانفذ تهديدي

-فريدة: آآ... ط...طيب

بعد وقت قليل ، وصلت السيارات بالجميع إلى الفيلا .. سمع عمر أبواق السيارات تأتي من أول الطريق ، فكان أول المنتظرين للترحيب بعودة يارا ، وبالفعل اقتربت أحد السيارات ونزلت منها يارا ، فأسرع عمر إليها و...

-راضي بصوت مرتفع : الست يارا جت ، الست يارا جت

-عمر وهو يجري ناحيتها : يااااارا

-يارا بفرحة: عمر

-عمر وهو يحتضنها: حمد لله ع سلامتك يا يارا ، يااااااااااه ، ده أنا كنت هاتجنن عليكي

-يارا: الله يسلمك

-أدهم: بالراحة شوية ، ده انا اللي اسمها جوزها معملتش كده

-عمر: ما أنا سايبهاك بقالي يومين ، سيبيني أخذ فرصتي

-يارا: شكراً يا عمر ع سؤالك عني

-عمر: شكراً بس كده ع الناشف مافيش بوسة أي حاجة

-أدهم: اتلم يا زفت

-خالد: احنا هنفضل واقفين كده كتير

-جاسر: يالا يا جماعة ندخل جوا

-رأفت وهو يتجه ناحية يارا : يارا ، حبيبي ، حمد لله ع سلامتك

-يارا: الله يسلمك يا عمي

-رأفت وهو يحتضنها : ياااااه ، الواحد كان هيتجنن عليكي

-يارا: الحمد لله عدت ع خير

-جاسر: الحمد لله ، لولا اللي حصل ده مكنش في حاجات كتير هتتغير

-خالد: بالظبط

-شاهي: ازيك يا انكل

-رأفت: شاهي ، ازيك يا بنتي؟؟ انتي عاملة ايه الوقتي

-شاهي: تمام

-ناهد: أنا .. أنا مش عارفة اقولك ايه يا رأفت بيه ع اللي عملته معنا

-رأفت: احنا كلنا عيلة واحدة

-جاسر: بالظبط .. وده اللي أنا بقوله

-خالد: أنا رأيي نجيب كراسي ونقعد هنا

-عمر: أحسن برضوه

-رأفت: لالا .. اتفضلوا يا جماعة كلكم جوا

-يارا في نفسها: أهو أنا مش خايفة غير من دخولي لجوا تاني

!!!!

.....

الحلقة الثانية والثمانون :

الأخيرة (الجزء الرابع والأخير) :

في فيلا رأفت الصياد ،،،

توجه الجميع إلى داخل الفيلا ، كانت يارا تتوجس خيفة من فريدة التي طالما كرهتها ،
وعاملتها بطريقة سيئة وهي مجرد ابنة شقيق زوجها ، وها هي اليوم تدخل الفيلا
وهي زوجة ابنها ، فكيف ستكون ردة فعلها و...

-أدهم: يالا يا يارا

-يارا: هه

-رأفت: تعالي يا بنتي ، نورتي الفيلا من أول وجديد

-يارا: الله يخليك يا عمي

-خالد: تعالي يا جاسر ، يالا يا شاهي

-جاسر: احنا وراك اهوو

-شاهي: اوك

-رأفت: يالا يا ناهد هاتم

-ناهد: حاضر يا رأفت بيه

وما إن رأت صباح يارا حتى اطلقت الزغاريط عالياً و...

-صباح من الداخل : لووووولووووولي .. حمدلله ع سلامتكم يا ست البنات ،
لوووولووووولي

-يارا: الله يسلمك يا صباح

-صباح بتردد : ممكن .. آآآ... مكن احضنك وابوسك

-يارا وهي تفتح ذراعها: أكيببيبيد طبعاً

-صباح بفرحة والدموع تتفرق في عينيها: يا حبيبي يا بنتي ، والله ربنا اللي عالم
انتي غالية عندي ازاي .. حمدلله ع سلامتک

-يارا: ربنا يخليكي ياا رب

-عمر: أمانة عليكم مش عاوزين عياط ، كفاية نكد لحد كده ، ده انا وشي طلعه
تجاعيد من كتر الاكتئاب

-خالد: عندك حق والله

-جاسر: أنا بقول كده برضوه

-خالد وهو ينظر حوله : اومال فين ماما

-عمر: مش عارف

وبينما كان الجميع منشغلاً بالحديث ، توجه أدهم إلى الداخل ليتحدث مع والدته و...

-أدهم: فيروووو

-فريدة: أدهم !

-أدهم: ازيك يا ماما

-فريدة: كويسة

-ادهم برجاء: ماما يارا رجعت البيت خلاص ، أنا عاوزك آآآ...

-فريدة بنرفزة : عاوزني أعمل ايه ؟؟ أفرشلها الأرض ورد ، ولا أجبلها فرقة حسبالله
تزفها

-ادهم: لأ مش كده يا ماما ، أنا عاوزك بس تخرجي تضحكي في وشها وترحبي بيها ،
دلوقتي يارا بقت مراتي وآآآ....

-فريدة مقاطعة : اه طبعاااا ، ما أنت عملت اللي كنت عاوزه واتجوزتها ، عاوز مني ايه؟؟ اباركلك ع جوازتك؟؟ ده مش هايحصل

-أدهم: يا ماما أنا عاوزك تكوني فرحانة لسعادتي ، وانا سعادتي وفرحتي مع يارا

-فريدة: دلوقتي سعادتك وفرحتك مع يارا ، مش دي اللي كنت مش طايقها؟؟ مش دي اللي كنت عاوز تنتقم منها عشاني؟؟ لحقت غيرت رأيك ، ولا هي عملتك غسيل مخ

-أدهم: ماما أنا .. أنا بحب يارا ، ومقدرش أعيش من غيرها

-فريدة بتهكم : بتحبتها؟؟؟ وده حصل من أمتي؟؟؟ انت عاوز تضحك عليا بكلامك ده

-ادهم: ماما أنا مش بضحك عليك ، أنا بقول الحقيقة فعلا ، أنا بحب يارا من كل قلبي ، معرفش ده حصل امتي ، أو حصل ازاي ، بس الأكيد إني بحبها ، بحبها أوي ومستعد أعمل أي حاجة عشانها !!

-فريدة: وأنا؟؟؟

-ادهم: انتي امي وحببتي الغالية

-فريدة: لأ واضح فعلاً .. أدهم أنا ...

-رأفت مقاطعة: ايه يا فريدة مش ناوية تيجي تسلمي ع يارا

-فريدة: هه

-رأفت: يالا ، لا تحبي أعمل اللي اتفقنا عليه

-فريدة بضيق: اوووف

نهضت فريدة من مكانها وتوجهت حيث تقف يارا ، فتعجب أدهم كثيراً من ردة فل والدته بعد حديث والده و...

-أدهم: غريبة أوي

-فريدة: whatever

-رأفت من بعيد : ايه يا فريدة ، انتي لسه واقفة عندك ، مش هاتخديها بالحضن وتبوسيتها .. ولا آآآ...

-فريدة: اووف ، طيب

اقتربت فريدة من يارا ثم جذبتها بقوة إليها وقبلتها بقرف و...

-فريدة هامسة : اوعي تفكري انك كده كسبتي كل حاجة ، انتي لسه متعرفنيش

-يارا: هه

-فريدة بصوت مرتفع: اووه ، حمدلله ع سلامتكم ، miss you كثير !

-رأفت: ايوه كده

-خالد: أمك دي ولا حد تاني

-عمر: لأ طبعاً حد تاني .. أكيد أبوك ماسك على أمك ذلة عشان تعمل كده

-خالد: ماتستبعدش ده

-ناهد: مش هتسلمي عليا يا فريدة؟؟

-فريدة: أه طبعاً هاسلم ، ازيك يا ناهد

-ناهد: الحمدلله

-فريدة: اتمنى انك تكوني عرفتي الغلط اللي عملتيه وآآ...

-ناهد مقاطعة: خلاص يا فريدة مافيش داعي للكلام ده ، أنا عرفت غلطتي وبحاول

أصلحه وأكفر عن كل اللي عملته

-أدهم بصوت مرتفع: يااااا جماعة ، معلش ركزوا معايا شوية

-رأفت: خير يا بني

-جاسر: عاوز ايه يا عم ادهم

-خالد: ها

-عمر: أيوه ، إيش تبغي؟؟

-أدهم: أنا عاوز اطلب ايد يارا من أول و جديد ، و اعملها فرح بجد بدل الكروطة اللي

احم.. يعني حصلت قبل كده

-عمر بسعادة : ايووووه بقي ، عاوزين نفرح كده و ننبسظ

-شاهي: أنا موافقة ع الفكرة دي

-ناهد: اه يا ريت فعلا

-رأفت: ممم... فكرة حلوة

-خالد: أنا معاك في ده

-جاسر: وماله

اقترب ادهم من يارا ثم مال عليها قليلاً ليهمس لها و...

-ادهم: ها يا عروسة قولتي ايه؟؟؟

-يارا: آآآ...

-ادهم بخبث : انتي عارفة ان لأ معناها ايه عندي ، ها ، فاكرة؟؟ وأنا أحبك وانتي

بتقولي لأ

-يارا: اوك

-أدهم: اوك على ايه؟؟

-يارا: أنا موافقة بس على شرط

-أدهم: ايه هو؟؟

-يارا: انك ملكش دعوة بيا لحد ما الفرح يخلص ، يعني احنا اخوات وبسسسس

-أدهم: هاه؟؟ نعم؟؟؟

-يارا: زي ما سمعت ، بما إني لسه ما عشتش جو العروسة ، فأنا ناوية أعيش كل ثانية فانتني من أول و جديد

-عمر: الله عليكي

-ناهد: حقك يا بنتي

-شاهي: واو .. وهنعمل ليلة الحنة وحاجات تحفة قبلها

-ناهد: طبعاااا .. احنا عندنا كام عروسة غيرها

-جاسر بلؤم وهو ينظر لشاهي : احم... قريب ان شاء الله هيبقى عندنا عروسة ثانية

-ناهد: تقصد ايه يا جاسر ؟

-جاسر مبتسماً: بعدين يا ماما ، خلينا مركزين مع يارا دلوقتي

-أدهم: لالا لا .. انا مش موافق ع الكلام ده

-يارا وهي تعقد ساعديها أمام صدرها: هو ده اللي عندي ، **take it or leave it**

-عمر: بالظبط كده ، ومن اللحظة دي يبدأ الحظر على أدهم

-أدهم: نعم ياخويا

-عمر: يعني محظور عليك الاقتراب من يارا لحد ما الفرح يخلص

-أدهم: ماشي ، يبقى الفرح نعمله بالليل

-رأفت: لأ مش بالسرعادي يا حلو .. ع الأقل ادينا اسبوع ولا اتنين

-أدهم: نعم ؟ اسبوع ولا اتنين؟؟ ليه ان شاء الله ، هتخترعوا الذرة ، ده الحكاية كلها فستان وبدلة ولؤمتين جاتوه

-عمر: وماتنساش الشندوشتات

-ادهم: أه والشندوشت... بس ياله

-عمر: حاضر

-رأفت: هو كده ، لازم العروسة تاخذ راحتها

-أدهم: لأ أنا مش موافق ، أنا بسحب اقتراحي ، بلا فرح بلا بتاع ، أنا هاخذها ونمشي

-خالد: خلاص يا عم أدهم ، الفرح بعد 3 ايام ، ماشي

-يارا معترضة : لأ ..

-ادهم : نعم ؟؟؟ أنا سمعت كلمة كده آآآ...

-يارا: آآ....

-خالد: هو في ايه ؟

-أدهم: لأ ده سيم بيني وبينها

-خالد: مممم.. بقى كده

-أدهم: أينعم

-خالد: خلاص يبقى نعمل اللي أنا بقول عليه

-جاسر: أناأخوها برضوه ، والمفروض يبقالى رأي ، ولا ايه؟؟

-خالد: لأ صح .. اتفضل

-أدهم: أنا عارف ، أنا اللي جبته لنفسى .. بصوا بقى خير الأمور الوسط ، الفرح بعد 3

أيام بالظبط .. اتصرفوا ، وادعوا ربنا انى أصبر لحد ما يعدوا

-خالد: اوك

-عمر: لألا مش موافق

-أدهم: اعترض بقى

-عمر: أه طبعاً من حقي أعترض

-ادهم: او مال عاوز تنام فين

-عمر مدعياً الخجل: احم .. مع يارا !

-أدهم وقد جرى خلف عمر: وله ، خد هنا ، انا مش هضربك ، انا بس هاعرفك غلطك

ضحك الجميع على تصرفات أدهم وعمر الطفولية ، بينما ظلت فريدة تنظر بازدراء إلى يارا .. ثم صعد الجميع إلى الغرف ليبدأوا مرحلة الاستعداد لزفاف يارا وأدهم المرتقب ..

.....

تناول الجميع الطعام ، ثم صعدوا إلى غرفهم ليرتاحوا قليلاً ، حل المساء وبدأت الأحداث في الاكتمال

في غرفة عمر ،،،،

كانت شاهي لأول مرة في حياتها تشعر بالسعادة ، لأنها تخلت عن الحقد الذي كانت تشعر به تجاه يارا ، وبدأت تنظر لها من وجهة نظر الاخت و..

-شاهي : عارفة يا مامي ، لأول مرة احس من قلبي اني فرحانة ليارا

-ناهد: أها

-شاهي: أنا قبل كده كنت بتمنلها كل شر ، لكن دلوقتي حاسة اني مختلفة في كل حاجة ناحيتها ، وخصوصاً من بعد ما أنقذتني من ايدين الحيوان الـ آآآآ....

-ناهذ: ششش .. أنا مش عاوزاكي يا شاهي تقفي عند اللي حصل ده كثير ، ومش
عاوزاكي تكوني زيي ، عاوزاكي تعترفي لما تغلطي ، ومش تصلحي غلط بغلط .. أنا
غلطت كثير ، وعملت حاجات غلط أكثر ، ولازم اكفر عنها وأصلح كل ده ..

-شاهي: ممم....

-ناهذ: وعشان انتي بنتي عاوزاكي تكوني أحسن مني ، مهما كان الشخص اللي قدامك
، اتعاملي معاه بما يرضي الله ، ده هيرحك كثير

-شاهي: انا ناوية اعمل كده ان شاء الله

-ناهذ: واوعي تزعلي من اللي حصلك ، كلها تجارب علمتك ، ولسه ياما هتشوفي
وتتعلمي

-شاهي: أها

-ناهذ: والضربة اللي مش بتموت ، لازم تقوي .. خلي ده مبدأك .. وانوي انك تتغيري
للأحسن ، وصدقيني يا حبيبتي ده هيفرق أوي معاكي

-شاهي: الحمدلله

.....

في غرفة خالد ،،،،

كان خالد وجاسر يتحدثان سوياً حول اسلام الذي طلب أن يتعرف على شاهي و..

-خالد: مش معقول ، اسلام وشاهي

-جاسر: تخيل انت

-خالد: ده هو أصلاً ماشفهاش إلا وهي متبهلة وAAA...

-جاسر: اهي الظاهر ان بهدلتها دي عجبته

-خالد: ربنا لما بيريد شيء بيحصل ، محدش يقدر يمنعه

-جاسر: أه والله

-خالد: طب بالمناسبة دي ، كنت عاوز آآ.. عاوز احكي معاك في حاجة كده

-جاسر : حاجة ايه ???

-خالد: بصراحة ومن غير لف ودروان ، أنا في بنت شوفتها وعجبتني

-جاسر: بنت مين دي اللي شدت انتباه خالد الصياد

-خالد: سمر !

-جاسر: مين سمر دي

-خالد: دي واحدة صاحبة يارا

-جاسر: صاحبة يارا !! و دي لحقت تعرفها امتي ؟

-خالد: أنا كنت شوفتها زمان أول ما يارا جدتها ماتت ، وبعدين رجعت شوفتها ثاني يوم ما يارا اتخطفت ، هي ياعيني اتصابت وأنا نقلتها المستشفى والحمد لله بقت أحسن

-جاسر: أها .. كمل .. كمل

-خالد: بس دي كل الحكاية

-جاسر: ايه الكروثة دي ?? لأ أنا عاوز اعرف امتي حصل ال link بينكو !

-خالد: مش عارف ، يمكن لما ركزت معاها حسيت انها مختلفة ، وصاحبة كويسة

يعتمد عليها ، أهلها كمان طيبين أوي وولاد بلد جدااااا

-جاسر: ماشاء الله انت كمان عرفت أهلها

-خالد: يعني مش أوي ، بس اتعاملت معاهم في المستشفى ، فلاقيت أبوها عنده عزة

نفس ، وامها باين عليها ست طيبة

-جاسر: على بركة الله ، هتقرى الفاتحة امتي

-خالد: حيلك .. حيلك ، فاتحة ايه بس ! ده أنا لسه بفكر في الموضوع وكده

-جاسر: ممم.. طب أنا راضي ذمتك ، انت مش البت عاجباك

-خالد: أها

-جاسر: وشايف ان عيلتها طيبين وكويسين

-خالد: أه اوي

-جاسر: يبقى ليه العطله

-خالد: مش لما أخذ رأي البنت الأول

-جاسر: ان شاء الله هتوافق .. طالما انت حطيت حاجة في دماغك الموضوع ده يبقى

مش هاتسيب البنت إلا لما توافق بيك

-خالد مبتسماً: ربنا يسهل

-جاسر: ان شاء الله هيسهل ، عاوزين الفرحة ترجع تنور العيلة تاني

-خالد: عقبال ما نتعبك يا جاسر

-جاسر: الظاهر ان هيكون مكتوب عليا أفضل سينجل

-خالد: سيبها على الله !

-جاسر: ونعمة بالله

.....

في غرفة ادهم ،،،،،

كان ادهم يتحرك في غرفته ذهاباً وإياباً مما ضايق عمر و...

-عمر: ما تقعد بقى يا عم ادهم ، خيلتني !

-أدهم: اووف ، اسكت يا ض خيليني أفكر

-عمر: تفكر في ايه؟؟ ده انت المفروض تكون ملبوخ زي يارا ، هو انت مش عريس

برضوه ولا أنا غلطان !!

-أدهم: كل ده شكليات ، انا عاوز أقعد مع يارا نفسها ، أنا معرفش لازمته ايه العطلة دي كلها ، يا رتني ما أنسحبت من لساني وطلبت نعمل فرح من اول و جديد

-عمر: احسن ، عشان تحرم

-أدهم: ممممم....

-عمر: ياما كان نفسي أشوفك وانت كده أعد ع نار ، ياااه ، كان حلم واتحقق

-أدهم: اسكت يا ض ماتفتحش بؤك خالص ، انت فاهم

-عمر: طيب ، أديني هاتنيل أسكت

أخذ أدهم يفكر في طريقة يقضي بها وقته مع يارا و...

-أدهم: وله يا عمر

-عمر :

-أدهم: انت يا ض مش بكلمك

-عمر: انت مش قايلي اسكت !

-أدهم: لأ اتكلم دلوقتي

-عمر: هه

-أدهم: زفت اتعدل معايا بدل ما اطلعهم عليك

-عمر: نعم ، عاوز ايه من زفت

-أدهم: قولي انت كنت روحت اوضة يارا ازاي

-عمر: عادي يعني ، بخبط الباب وبتفتحي

-أدهم: لأ ياله ، أنا عاوز اروحلها من البلكونة

-عمر: نعم ???

-ادهم: ايوه ، أنا مش عاوز حد يشوفني وأنا رايلها، بصراحة كده عاوز أقعد مع مراتي على انفراد شوية

-عمر: وملاقتش إلا أنا عشان أساعدك ع الرزيلة

-أدهم: رزيلة ايه ياله ، دي مراتي

-عمر: ممم...

-ادهم: ماهو يا تقول عملت ايه عشان تروح أوضتها من البلكونة يا قسماً بالله ، مش هاخليك تلعب تنس تاني

-عمر: أنا أصلاً زهقت منه

-ادهم: يبقى هاكسر جسمك كله وآآ...

-عمر: انت ليه عنيف كده معايا ، طب ما تطلب مني ده بأدب وأنا هاقولك

-أدهم: يا سلام !

-عمر: اه طبعاً ... جرب كده

-ادهم: ماشي ، ممكن يا عمر يا حبيبي تقولي ازاي اروح لأوضة يارا مراتي من البلكونة

-عمر: أه طبعاً!!! .. بص انت تطلع من هنا ، وتمشي ع السور الرفيع ده ، بس اوعى تبص لتحت ! وبعد كده هتلاقك عند بلكوتتها

-ادهم: ممم...

-عمر: شوفت الوصفة سهلة ازاي

-ادهم: ده أنا هاطلع عينك ، عمال تذاني من الصباحية ، وفي الاخر تقولي امشي ع السور

-عمر: دي أخرت المعروف الضرب بالكفوف

-ادهم: امشي من وشي

-عمر: لأ أنا أعد هنا

-أدهم: يبقى أنا اللي ماشي

-عمر: رايح فين السعادي

-أدهم وهو يتجه للشرفة : وانت مالك؟؟

-عمر وهو يشير بيده ناحية الباب: ع فكرة الباب من هنا

-أدهم: اسكت خالص

-عمر: طيب .. طيب

توجه أدهم ناحية الشرفة وبدأ يفكر في كيفية تسلق السور الرفيع دون أن يسقط
ويتجه ناحية غرفة يارا .. وبالفعل بدأ في هذا

-أدهم في نفسه: أنا مش عارف انت يا فرقع لوز اتشعبطت عليه ازاي؟؟ أكيد انت
برص يا سحلية عشان تقدر تعمل كده !

استمر ادهم في السير على السور الخارجي الرفيع بحذر إلى أن نجح في الوصول إلى
شرفة يارا ، ثم قفز بخفية للداخل و...

-ادهم في نفسه: الحمد لله وصلت ، ياااه ، اخيرااا .. ممم .. يا ترى يارا بتعمل ايه
الوقتي

كانت يارا في تلك الأثناء جالسة على الفراش تشاهد التلفاز وهي ترتدي قميص نوم
قطني قصير و...

-أدهم وهو ينظر لها من خلف شباك الشرفة : اه كده .. مش تقوليلي لبس البتاع اللي
كنت بشوفه .. ممم .. طيب أفاجنها أنا ازاي؟؟ ماهو لو أنا دخلت عليها كده ، هتصوت
وتلم البيت كله وتبقى فضيحة بجلجل واللي ما يشتري يتفرج .. مم .. أعمل ايه بس ،

الله دي قايمة اهي من مكانها ، رايحة فين دي؟؟ اشطا ، دي داخلة الحمام ، فرصة
أدخل أنا وأستناها أما تخرج ..!!

.....

دلفت يارا إلى الحمام ، فاستغل أدهم الفرصة وفتح باب الشرفة ودلف إلى الداخل
واختبأ خلف باب الحمام ، وانتظر يارا التي ما إن خرجت من الحمام حتى أمسك بها
أدهم من الخلف و...

-أدهم وهو يمسك بها : حبيبة قلبي

-يارا بفرع: ع...ممممممممممم

-ادهم وهو يكتمها : اهدي ، اهدي أنا ادهم

-يارا: ممممم

-ادهم: شششششش.. اسكتي هتفضحيننا ، أنا هاشيل ايدي من ع بؤك ، وانتي
ماتصوتيش ، ماشي

-يارا وهي تهز رأسها بالايجاب: ممم...ممممممممم

-ادهم: اوك

أزاح أدهم يده عن فم يارا لتبدأ في معاتبته و...

-يارا: انت اتجننت عشان تيجي اوضتي السعادي؟؟

-أدهم: لأ .. أنا لحد الوقتي عاقل ، لكن ممكن أتجنن في لحظة

-يارا: انت أصلاً دخلت ازاي هنا؟؟؟ ده أنا قافلة الباب بالمفتاح

-ادهم: الله يباركلها البلكونة ، بتعمل شغل حلو

-يارا: البلكونة

-ادهم بغمزة : فاكرة !

-يارا: طب لو سمحت ممكن تمشي الوقتي ، أنا عاوزة أقعد في الأوضة براحتي وأرتاح

-ادهم: طب ما أنا عاوز أقعد معاكى شوية

-يارا: لا معلىش

-ادهم: أنا سمعت حاجة كده

-يارا بعدم فهم : حاجة ايه دي؟؟

-أدهم: ده أنا حلفان ومش هاصوم 3 ايام الصراحة

-يارا: حلفان ع ايه؟؟

أمسك أدهم برأس يارا بيديه ثم قبلها في شفاها ، فتفاجئت هي بما فعل و...

-أدهم: موووووووه

-يارا بعد أن تركها : آآآ... انت ازاي تعمل كده

-ادهم: مش انا قايلك لو سمعت كلمة لأ مش هاحصل غير بوس وبس

-يارا: يووووه

-ادهم: هيببيح .. نفسي أسمعها بقى كتيررررر

-يارا: امشي بقى

-ادهم: تو

-يارا: ياباي

ثم فجأة سمعت يارا صوت طرقات على باب غرفتها ، فارتبكت واحتارت ما الذي يجب عليها أن تفعله و...

طق ... طق ... طق

-يارا برعب هامسة : ده ... ده ... ال ... الباب بيخبط

-أدهم: أها

-يارا: انت عارف ده معناه ايه ان حد يشوفك عندي السعادي

-أدهم: وفيها ايه ، ما أنا وانتي متسجلين أوض قبل كده

-يارا: نعم ???

-أدهم: أقصد يعني ان احنا ممسوكين سوا قبل كده

-يارا: أدهم أنا مش فايقة للكلام ده

طق ... طق ... طق

-يارا بقلق : يالهوي ، أعمل انا ايه الوقتي

-أدهم ببرود: يا بنتي عادي ، افتحي الباب وخلص

-يارا: لأ طبعاً مش عادي

-أدهم بخبث : برضوه لأ ...

-يارا وهي تضع يدها على فمها : اياك

-أدهم: أل يعني ايدك دي اللي هاتحوش

-شاهي من خارج الغرفة: يارا .. ياااااا ! (طق...طق...طق)

-يارا: دي .. دي شاهي

-أدهم وهو يجلس ع الفراش : وماله

-يارا: انت هاتقعد ع السرير ، قوم امشي من هنا

-أدهم: لأ انا مبسوط هنا ، سريرك مريح ، وبصراحة أنا عاجبتي القعدة هنا

-يارا: انت مش هترتاح إلا لما تفضحني

-أدهم: افضحك ايه بس ده احنا متجوزين

-يارا: لأ لسه

-أدهم: يا بنتي أنا عملت اعادة للفرح بس عشان المنظر العام ، لكن مافيش أي حاجة

هتمعني منك

-يارا: يا عم البت خللت ع الباب

-أدهم: ما تخلل ، وايه يعني ؟

-شاهي من خارج الغرفة : يارا ؟؟ انتي نايمة

-يارا : آآآ... لأ يا شاهي ، أنا صاحية ، ثواني وهافتح

-شاهي: اوك

-يارا: الله يخليك ، امشي بقي

-ادهم: كده حاف

-يارا: عاوزني يعني ألفهالك في ورقة مثلاً ولا أحشيهالك مهلبية

-أدهم : وليه تحشيتها مهلبية وانتي موجودة

-يارا: كده كتير بجد ، امشي بقي

-ادهم: أنا رجلي فيها شد عضلي وبصراحة كده مش هأقدر أتشعبط وأمشي ع السور

-يارا وهي تدفعه: طب خش استخبي في الحمام

-أدهم: نعم؟؟

-يارا: يالا بسرعة

خبأت يارا أدهم بداخل حمام غرفتها ، ثم أسرعت ناحية باب الغرفة لتفتح لشاهي و...

-شاهي: ايه يا يارا كل ده عشان تفتحي ؟

-يارا بتوتر: آآ... معلش

-شاهي : انا كنت سامعة صوت دوشة عندك

-يارا: هه .. ده .. ده تلاقيه التلفزيون

-شاهي وهي تشير إلى التلفاز : بس آآ... هو مقفول

-يارا: هه .. بجد ؟ .. يبقى أنا قفلته

-شاهي: لأ ده انتي مش مركزة خالص

-يارا: معلش ما انتي عارفة من التعب وكده

-شاهي: أها ... ولا يهملك .. المهم أنا كنت جاية عشان أقعد معاكي شوية

-يارا: نعم؟؟

-شاهي: بصراحة كده مش جايلي نوم ، فقولت أعد معاكي نرغي شوية

-يارا: هه .. مش جايلك نوم

-شاهي: اه ، بصراحة أنا عاوزة اكون أنا وانتي اصحاب ، يعني بعد اللي حصل ده كله

آآ....

-يارا: احنا ممكن نخلي كلامنا ده وقت تاني

-شاهي: ليه؟؟

-يارا: أصل آآ... اصل أنا يعني .. أه كنت داخلة أستحمي وكده

-شاهي وهي تمسك الريموت: اوك ، خشي خدي شاور وأنا هستناكي

-يارا: ايه ! هستنيني ???

-شاهي : أه طبعاللا ... أنا مش ورايا حاجة ، وعاملة حسابي اني هاقعد معاكي الليل بطوله

-يارا في نفسها: طب أخلص منها ازاي أنا بقى دلوقتي ??? والتاني اللي قاعدلي في الحمام ده هاعمل معاه ايه ??

-شاهي: يالا يا يارا خشي خدي شاور

-يارا: بس .. آآ... بس أنا ممكن يعني اطول وانت تزهقي

-شاهي : لأ مش هازهق ، أنا هتفرج ع الفيلم ده لحد ما تخلصي

-يارا: أمري لله

كانت يارا تفكر في حل ما حتى لا تلفت انتباه شاهي لوجود أدهم بداخل حمام غرفتها
و...

-يارا قبل أن تدلف للحمام: علي الصوت شوية يا شاهي عشان أسمع معاكي

-شاهي: أوك

اضطرت يارا أن تدعي أنها على وشك أن تأخذ دشاً ساخناً ، ثم أخذت بعضاً من ملابسها ومنشفة ، ودلفت لداخل الحمام .. بينما انتظرتها شاهي في الخارج و...

-يارا وهي تدلف للحمام : أعوذو بالله من الخبث والخبائث ، أل أنا كنت ناقصة

-أدهم بصوت هامس : صح ، احنا مش عاوزين حد غريب معانا هنا

-يارا بضيق : شايف الورطة اللي وقعتني فيها

-أدهم: دي أحلى ورطة يا قلبي

-يارا: اوووف

-أدهم: مش يالا

-يارا: يالا ايبيه؟؟

-أدهم: تستحمي !

-يارا: نعم؟؟

-أدهم: اصل أنا سمعت حوارك كله مع شاهي ، وعاجبني اوي انك هاتخدي شاور ،
فيالا بقي

-يارا بصوت مرتفع قليلا: لأ انت بتستهيل

-أدهم: ششش .. وطي صوتك

-شاهي من الخارج: في حاجة يا يارا ???

-يارا بصوت مرتفع: آآآ.. مافيش يا شاهي ، بس السخان طلع معندهوش دم قصدي
مياه سخنة

-شاهي: أها .. مش مشكلة ، خدي راحتك

-أدهم: ايوووووه بقي ، أنا لو أمي دعيالي مش هتسهل أكثر من كده

-يارا: وهي من أمتي فريدة هانم بتدعي لحد ، دي طول عمرها بتدعي ع الناس

-أدهم وهو يقترب منها : هاتي بقي أما أساعدك

-يارا: لألألألأ

-أدهم: وجالك قلب كده تقوليها ، أنا لازم اخذ حقي

-يارا: لألألأ

-أدهم: تاني ، طيب

اقترب أدهم من يارا وأمسك بها في أحضانه وحاول أن يقبلها وهي تحاول التحرر منه ، فلم تجد أمامها مفر لكي تتخلص من قبضته سوى بفتح أقرب صنوبر لها ، وبالفعل مدت يدها وفتحت صنوبر الدش ، وإذ به يطلق مياه ساخنة ، صرخ كلاهما على اثرها وابتعدا عن بعض و...

طشششششش .. طشششششششششششش

-أدهم متألماً : آآآه

-يارا: هاهاهاه

-شاهي من خارج الحمام: في ايه يا بنتي؟؟

-يارا: آآ .. م...مافيش يا شاهي

-شاهي: او مال بتصوتي ليه؟؟؟

-يارا: آآ.. أصل السخان عملها معايا وآآ... ما انتي عارفة بقى

-شاهي: اوك .. كملني كملني ..

-أدهم: ايه النار دي ، ده انتي لو عاوزة تسلوقينا مش هايكون بالشكل ده

-يارا: وأنا اعمل ايه ما أنت اللي ماسك فيا ومش عاوز تسيبني

-أدهم وهو يمسك بها مرة اخرى : والله لو فاتحتي نار جهنم حتى علينا ، برضوه هافضل ماسك فيكي

-يارا: انت مش هترتاح إلا لما تطلع بعاهة من هنا

-أدهم: حبك ليا أكبر عاهة

-يارا: ابعده بقى

-أدهم: بس تعرفي شكلك حلو وانتى مبلولة كده ، وكل حاجة تقريبا ... آآآ.. احم باينة

-يارا وهي تلف المنشفة حول نفسها : قليل الأدب

-أدهم: وانتى عاوزانى أبقى مؤدب وأنا معايا خد الجميل

-يارا: بطل الاسم ده ، انا مش بحبه

-أدهم: عشان خاطرک بس

-يارا: اوووف ، أنا مش عارفة هافضل هنا لحد امتى؟؟ لازم أخرج وإلا شاهي هاتشك

-أدهم: صح

-يارا: ممم... طب أعمل ايه ، أخرجها ازاي ولا أقولها ايه

-أدهم: أنا عندي الحل

-يارا: حل ايه ؟

-أدهم: انك تقلعي !!!

-يارا: نعم !!!!!!!

-أدهم: مش المفروض تطلعي لشاهي وانتى مغيرة هدومك ، ولا هتخرجيلها كده

-يارا: المفروض

-أدهم: وأنا ناويت والنية لله إنى أساعدك

-يارا: للألأ

-أدهم: برضوه لأ

-يارا: ارحمني شوية

-أدهم: مش لما ترحميني انتى الأول وتقربى البعيد

-يارا وهي تتجه لباب الحمام : أقولك ع حاجة أنا هاخرج كده اياكش تعرف كل حاجة
-ادهم : مجنونة

.....

خرجت يارا من الحمام وملابسها مبتلة تماماً ، فاندعشت شاهي من هيئتها وحاولت أن
تستفسر منها عن السبب و...

-شاهي: في ايه يا يارا؟؟ مال شكلك عامل كده ليه

-يارا : آآآ... اصل السخان . آآآ .. بـ... بـ...

-شاهي: يا بنتي ده انتي مبلولة خالص

-يارا: ما أنا كنت بحاول أظبط الدش فالمياه ضربت من كل حته

-شاهي: طب استني أنا ادخل أظبطهولك

-يارا وهي تمسك شاهي من يدها: لالا لا .. مافيش داعي ، هابقي أستحمى بكرة

-شاهي: اها .. طيب خشى غيري

-يارا: هه .. لأ .. قصدي كنت عاوزة اطلب منك طلب يا شاهي

-شاهي: ايه؟

-يارا : ممكن تجيبنا عصير فريش من تحت نشربه واحنا بنتفرج ع الفيلم ده

-شاهي: ممم...

-يارا: معلش يا شوشو هاتبعك

-شاهي: لا عادي ، ده أنا بفكر أعمل فشار بالمره ناكله واحنا بنتفرج

-يارا: اه ياريت

-شاهي: اوك ، أنا هاروح أعمله وأجيب العصير .. مش هتأخر

-يارا: تسلميلي يا شاهي

-شاهي: it's not a big deal (عادي مش مشكلة)

خرجت شاهي من غرفة يارا ، فتنفست يارا الصعداء ، ثم فتح أدهم باب الحمام قليلاً فوجد يارا بمفردها، فخرج بهدوء وأحتضن يارا من الخلف و...

-أدهم: البت شاهي دي بتفهم

-يارا بخضة: انت ..

-أدهم: أيوه أنا يا روح قلبي

-يارا: اوعى بقى ، ده أنا مصدقت انها نزلت عشان أنت تمشي من هنا قبل ما ترجع

أرعى ادهم يديه عن يارا ، ثم دار حولها ليقف أمامها ويحدثها ب...

-أدهم: دي بتقولك هتعمل فشار ، يعني لسه في زيت ودره هتطأطأ في الحلة وحركات كده

-يارا: ده مش بياخد ثواني

-أدهم: كنتي اطلبي منها كيكه ولا أي حاجة من اللي بتاخذ ساعات

-يارا: الله يخليك امشي بقى قبل ما ترجع

-أدهم: والله ع عيني إني امشي ، بس عشانك يا قمر هاعمل اللي انتي علوزاه

-يارا: اخيرااااااا ريحتني

-أدهم وهو يميل على خدها ليقبلها : وانا يهمني ايه في الدنيا دلوقتي غير اني أريحك يا عمري اللي جاي

-يارا: كفاية بقى !

-أدهم: ع فكرة كل ده ولا حاجة ، لسه الثقيل جاي ورا

-يارا وهي تدفعه ناحية باب غرفتها : أما يبقى يجي وقتها يبقى يحلها ربنا

-ادهم: هانت ، مش فاضل إلا يومين ، صحيح هما هيعدوا عليا سنتين لكن أنا مش هافوتهم كده ، كل شوية هتلاقيني فوق دماغك ، وفي أي وقت هتلاقيني داخل عليكي من الباب من الشباك من الحمام ، مش هاسيبك

-يارا: امشي بقى البت زمانتها طالعة

-أدهم: طب هاتي بوسة عشان أمشي

-يارا: لأ طبعاً!!!!

-ادهم بخبث: أه يا أروووبة .. بتحبي اني أنا اللي ابوسك صح

-يارا : خلاص بقى .. خليها بعدين

-ادهم: مممم... بس كده أنا هطالب بفوايد

-يارا: ماشي ماشي .. بس امشي بقى الوقتي

-ادهم: طيب ، بس أنا فوايدي 100% يعني البوسة بـ 100 ولو معجبتيش ممكن أعيد لحد ما تعجبني

-يارا: لأ احنا نتمسك أسهل

-أدهم: أنا أحب الاتقان في الشغل اوي

-يارا: انت هتقولي

-ادهم وهو يرسل لها قبلة في الهواء: هاسيبك بقى يا قلبي ، وارجعك وقت تاني

-يارا وهي تغلق الباب : ان شاء الله

-ادهم وهو يفتحه مرة اخرى: نسيت اقولك ، انك حلوة اوي وانتي مبلولة كده

-يارا وهي تغلق الباب مرة أخرى : يا بني امشي بقى

-أدهم وهو يفتح الباب مرة اخرى: يا بنتي ما تخليني أساعدك واغيرلك الهدوم، ده انا حتى هابص بعين واحدة بس

-يارا: متخلنيش أتعصب

-أدهم: أموت فيك وانت عصبي ... آآخ شرس !

-يارا وهي تغلق الباب : بارد

-أدهم وهو يفتحه : لأ أنا سخن مولع ع فكرة

-يارا وهي تدفع الباب وتسند بظهرها: يوووووووه

-أدهم: تصبحي وانتي في حضني يا... يا خد الجميل

انصرف أدهم إلى غرفته بينما ظلت يارا واقفة للحظات خلف باب الغرفة وهي تبتسم
وتشعر بشيء غريب يسعدها ...

ثم فتحت شاهي باب الغرفة و...

-يارا: انت برضوه .. آآآ... شاهي !

-شاهي: في ايه؟؟ هو انتي كنتي بتكلمي حد؟؟

-يارا بارتباك : هه .. آآآ... لأ طبعاً

-شاهي: انتي لسه مغيرتيش هدومك

-يارا وهي تنظر لنفسها: هه .. آآآآ.. معلى كنت ملبوخة وكده

-شاهي وهي تبتسم: اوك يا عروسة ، غيري يالا عشان ناكل الفشار

-يارا: اوك

.....

في غرفة أدهم ،،،،

عاد أدهم إلى غرفته ويعطو وجهه السعادة ، تعجب عمر من حال أخيه و...

-عمر: ماشاء الله ، الضحكة هتفظ من وشك

-أدهم: اها

-عمر: عملت ايه هناك ؟؟ عرفت توصلها ؟؟

-أدهم: اها

-عمر: وهي عملت ايه لما شافتك ؟؟ اكيد اتفاجنت صح ؟؟

-أدهم: اها

-عمر: هو ايه اللي اها ، أنا عاوز details

-أدهم: بس ياض .. اتلم

-عمر وهو يشير لملايس أخيه : وبعدين انت ايه اللي بل هدومك كده

-أدهم وهو يتأمل ملابسه : السخان

-عمر باستغراب: السخان ؟؟

-أدهم: اها

-عمر: أنا مش فاهم منك حاجة ، بس الأكيد انك مش طبيعي

-أدهم: أها

-عمر: واضح كده اني مش هاعرف منك حاجة ، خليني أنام أحسن

-أدهم: اها

-أدهم في نفسه : ياااه ، دي ليلة ولا كل الليالي يا .. يا عمري وكل حياتي .. ربنا

يجمعنا ع خير !

.....

في صباح اليوم التالي ،،،،

اجتمعت كل العائلة على مائدة الطعام ليتناولوا الافطار سوياً ويتناقشوا حول استعدادات الفرح ما عدا فريدة التي فضلت البقاء في غرفتها و...

-رأفت: كلوا يا لاد ده احنا ورانا حاجات كتير ومحتاجين كل الطاقة اللي ممكنة

-عمر: اه والله

-خالد: اومال فين ماما؟

-رأفت: احم... امك بتعمل دايت

-يارا في نفسها : ايوه يدوب عشان سوستة الفستان تقفل

-أدهم: بقولك يا بابا

-رأفت: ايه يا عريس

-ادهم: انا أخذ اجازة من الشغل ، انت عارف أنا عريس وكده

-خالد: وانت من امتي بتيجي أصلاً

-أدهم: معلش أصل اليومين دول مشغول ورايا يارا ..آآآ... قصدي عندي حاجات كتير

-خالد: قولتلي بقى

-رأفت: سيب أخوك ع راحته

-جاسر: ماما !

-ناهد: ايوه يا حبيبي

-جاسر: كنت عاوزك في كلمتين كدا بعد الفطار

-ناهد : اوك يا حبيبي

-شاهي: هنعمل ايه يا يارا النهاردة ؟

-يارا: مش عارفة والله

-شاهي: المفروض تشوفي الفستان اللي هاتلبسيه وكده

-رأفت: فستان يارا عندي، أنا خلاص اتفقت مع سمير صاحب الاتيليه يجيب تشكيلة
حلوة من الفساتين

-يارا: كويس أوي يا عمي

-رأفت: ومانستكيش يا شاهي

-شاهي: ثانكس يا أنكل

-رأفت: أسيبكم أنا بقى عشان أروح أشوف أكل العيش

-عمر: مع السلامة يا بابا

-يارا: سلام يا عمي

-شاهي: باي يا أنكل

-خالد: أنا شوية وهاحصلك يا بابا

-رأفت باستغراب: ممم... غريبة الحكاية دي ، انت عادة يعني بتروح قبلي الشغل

-خالد: معلش يا بابا ، بس ورايا حاجة مهمة هأعملها واحصلك

-رأفت: طيب يا بني .. مع السلامة

-خالد: الله يسلمك يا رب

كان رأفت على وشك الانصراف حينما رأى أدهم يصعد لغرفته فطلب أن يحدثه لوضع
دقائق فقط في المكتب و...

-رأفت بصوت مرتفع: ادهم

-أدهم: ايوه يا بابا

-رأفت: معلش يا بني عاوزك شوية

-أدهم: خير يا بابا

-رأفت: تعالى جوا في المكتب

-ادهم: اوك

.....

في غرفة المعيشة ،،،

جلس جاسر مع والدته ليتحدثا سوياً بشأن موضوع شاهي و...

-ناهد: بجد والله؟؟ يعني اختك جايلها عريس

-جاسر: اها ... وهو عاوز يقابلها برا في وجودنا طبعاً عشان يشوف رأيها ايه

-ناهد: وهو كويس يا بني؟؟؟

-جاسر: اسلام الدفعة اللي بعدي بس هو كويس واخلاقه عالية ومحترم

-ناهد: طب الحمدلله

-جاسر: قبل ده كله ياماما ، رأي شاهي

-ناهد: صح .. وأنا مش هاغصب عليها في حاجة

-جاسر: بالظبط.. احنا بس عاوزين نرتب مقابلة كده ع الماشي في النادي ولا أي حنة

يقعدوا مع بعض ، ولو حصل القبول نتوكل على الله ونكمل

-ناهد: خلاص يا بني ، اتفق معاه ع الميعاد اللي يناسبه واحنا نروح نقابله

-جاسر: خلاص ، أنا هاكلمه ، وان شاء الله خير

-ناهد: يا رب ان شاء ، وعقبال ما أفرح بيك انت كمان

-جاسر: سببها على الله يا ماما

.....

في غرفة المكتب بالفيلا ،،،

-أدهم: خير يا بابا ؟ حضرتك كنت عاوز ايه ؟؟؟

-رأفت: بص يا بني ، انت عارف ان وجودك انت ويارا في حياتنا مهم وآآ.. واحنا منقدرش نستغنى عنكم

-أدهم: أها

-رأفت: فيعني يا بني .. أنا .. أنا كنت عاوز اطلب منك طلب

-أدهم: ايه هو يا بابا

-رأفت: انك بعد الجواز تقعد معانا انت ويارا

-أدهم: هه

-رأفت: انا عارف ان كل واحد فيكو ليه شفته الخاصة ، بس .. بس أنا عاوزكم حواليا .. أنا ملحقتش اشبع من يارا ولا منك

-أدهم: والله يا بابا انا آآآ...

-رأفت: أنا عاوزك تفكر كويس ، وماتشلس هم أمك أنا هاعرف ازاي أتعامل معاها ، بس خليكوا أعدين معانا

-أدهم: أنا معنديش مانع يا بابا اني أفضل هنا ، بس الأهم هو رأي يارا

-رأفت: طبعا يا بني ، خد رايها وبلغني ، واوعى تشيل هم أي حاجة ، انا هوضب الأوضة اللي هتقعدوا فيها هنا بأحسن حاجة وآآ...

-أدهم مقاطعاً: عادي يا بابا ، كده كده لو أعدنا هنا هنقعد في أوضتي وآآ ...

-رأفت: مافيش مشكلة أنا هضم أوضتك ع أوضة يارا ويبقى المكان كله خاص بيكو

-ادهم في نفسه: ايوه حتى عشان أترحم من الشعبطة ع السور في نص الليل

-رأفت: ها يا بني قولت ايه؟؟؟

-ادهم: أنا بالنسبالي موافق ، هسأل بس يارا وان شاء الله نعيش معاكو هنا

-رأفت بارتياح : بأمر الله .. ربنا يكرمكم يا بني بالخير كله

-ادهم: يا رب

.....

في غرفة يارا ،،،

صعد خالد إلى غرفة يارا ليطلب أن تحدث معها في امر هام ، طرق باب غرفتها ثم ...

طق... طق طق

-خالد : يارا !

-يارا من داخل الغرفة: أيوه

-خالد: ممكن أتكلم معاكي شوية يا يارا

-يارا: اوك يا خالد

-خالد: طب بصي أنا هستناكي تحت في الصالون ، يا ريت تجيلي على هناك ، وانا

مش هعطلك

-يارا: حاضر يا خالد

.....

وبينما كان خالد في طريقه إلى غرفة الصالون وجد والدته وهي تخرج من غرفتها
و...

-خالد: ماما

-فريدة: خير يا خالد

-خالد: في ايه يا ماما مالك ؟ منزلتيش ليه ع الفطار؟؟

-فريدة: بعمل دايت

-خالد: لأ بجد يا ماما ، لو في حاجة مضايقاكي قوليلي

-فريدة: ولا حاجة .. عادي يعني

-خالد: اوعي تكوني لسه شايلة من يارا

-فريدة في نفسها: ده أنا لو أطول أولع فيها كنت عملت

-خالد: ماما !! سرحتي في ايه؟؟

-فريدة : هه .. ولا حاجة

-خالد: طيب عاوزة حاجة أعملهاك ولا أجيبهاك

-فريدة: لأ ميرسي يا خالد ، أنا هاقعد في الجنيئة شوية

-خالد:اوك .. أشوفك بعدين يا ماما

-فريدة: ان شاء الله

.....

في غرفة الصالون ،،،

انتظر خالد يارا في غرفة الصالون ، وما هي إلا لحظات حتى نزلت إليه و...

-يارا: أيوه يا خالد ، كنت عاوزني في ايه ؟

-خالد: احم .. أنا .. أنا كنت عاوز اسألك عن آآ...

-يارا: قول يا خالد ع طول انت عاوز تسألني عن ايه

-خالد: بصراحة كده كنت عاوز اسألك عن آآ... عن سمر صاحبك

-يارا: هه .. سمر !

-خالد: أصل من ساعة اللي حصلها ، وموضوع المستشفى وآآ

-يارا مقاطعة وهي تخبط يدها بجبهتها : اوووبا ، ده أنا اتلخنت في اللي حصلني
ونسيت أظمن عليها خالص

-خالد: اظمني هي كويسة

-يارا: انت عرفت منين؟؟

-خالد: أنا آخر مرة لما كنت عندها في المستشفى كانت كويسة ، والدكتور ظمني عليها

-يارا : الحمد لله ، أنا لازم أكلمها وأسأل عليها

-خالد: اه يا ريت ، وتظمني آآ.. قصدي وتظمني عليها

-يارا: اه طبعا

-خالد: وبالمره اعزميها هي وعيلتها على الفرح

-يارا: صح

-خالد: وماتخليهمش يشيلوا هم ، أنا هاحجزلهم عربية مخصوص توصلهم وتجييهم

-يارا: اوك

-خالد: يعني أعتمد على الله ثم عليكي في انك تعزميها

-يارا: طبعا اظمن ، دي صاحبتني الانتيم ، يعني لازم تحضر

-خالد بفرحة : ان شاء الله ، يالا اسيبك انتي بقى تشوفي وراكي ايه واروح أنا ع

الشغل

-يارا: اوك

.....

انصرف خالد إلى عمله ، بينما توجهت يارا إلى الحديقة لتتفاجيء بوجود فريدة فيها
و...

-يارا في نفسها: أعوذو بالله ، هي الولية دي أعدة هنا ، طب أقف ولا أمشي ولا أعمل
ايه

-فريدة في نفسها : اوووف ، ياباي ، مش طايقاها ، أنا عارفة أدهم عجبه فيها ايه
بنت الخدامين دي

-يارا في نفسها : اما أسلم عليها وخلص ، ردت ردت ، ماردتش يكون احسن

-يارا : ازيك يا .. يا طنط

-فريدة وهي تهمهم : هه .. خدامة

-يارا: ممم..

-فريدة: اوووف ، الجو كاتمة اوي

-يارا: اه فعلاً ، تحسي ان في حاجة في الجو بتطبق كده ع الصدر

-فريدة: ربنا يخلصني منها

-يارا: ياريت ، وخصوصا انها بتصيب العواجيز ، قصدي الناس الكبار اللي زيك

-فريدة: نعم !!

-يارا: آآآ... قصدي يعني لازم تاخدي بالك من صحتك .. انتي عضمة كبيرة وكده ،
مش هاتستحملي الكتمة دي

-فريدة: أنا قايمة

-يارا: ليه بس؟؟ ماتخليكي أداة شوية يا .. يا طنط ، شوفتي بقولك طنط أهو عشان
متزعلش

لمح ادهم يارا ووالده يتحدثان سوياً من نافذة غرفة المكتب ، فقرر أن يستغل الفرصة
ليتقرب اكثر من يارا و...

-أدهم وهو يتجه للدولاب الخاص بالأسلحة : ايوووه ، هو ده اللي هيخليني أقرب منها
، بالظبط ، أنا هاعمل كده ... !

أخرج أدهم أحد الأسلحة الخاصة بالتدريب على الرماية ، وأحضر بعض الطلقات
الخاصة به ، ثم توجه إلى حديقة الفيلا

-فريدة: ابعدني أحسنك

-يارا: ليه بس ، ده أنا حتى ببقى هطرشأ من الفرحة وانتي جمبي

-فريدة: اوووف

-ادهم من بعيد: حبايب قلبي

-فريدة وهي تتصنع البسمة: اووووه ، أدهووومة

-أدهم: فيروووو .. ماشاء الله انتو أعيدين من بعض

-يارا: اه طبعاً ، ودي حاجة من عجائب الدنيا السبع

-أدهم: فعلا

-فريدة: عاوز ايه يا حبيبي ؟

-أدهم: أنا ..انا كنت عاوز اعلم يارا الرماية

-فريدة: نعم ???

-يارا: يارا مين ??

-أدهم: انتي يا بيبي

-فريدة: ليه ان شاء الله

-أدهم: احم .. اجراء احترازي

-يارا: أفندم ???

-ادهم: أقصد يعني عشان ينفعك لو لا قدر الله حصل حاجة

-فريدة : لالالا .. ما تتعفش نفسك معاها يا حبيبي ، اللي زي دي مش بتفلح في حاجة

-يارا بتحدي: والله ?? وحضرتك عرفتي مينين يا .. يا خالتي

-فريدة: خالتي !!! تاني??

-يارا وهي تتعمد اغاظة فريدة : بقولك ايه يا أدهووومتشي .. أنا حابة أوي أتعلم منك

الرماية ، اوووه ، وياريت لو خالتي فيروو تشوفنا واحنا بندرب

-أدهم: حلوة خالتي فيروو دي

-فريدة: نعم ???

-يارا: ايوه عشان تحكمي بنفسك ان كنت بعرف أتعلم ولا لأ

-ادهم: صح يا ماما

-فريدة: اوووف

-يارا: يالا يا أدهم علمني

-أدهم بسعادة : من عينيا

-يارا: تسلم عيونك يا قلبي

-ادهم: ايه ?? قولتي ايه ???

-يارا: آآ... ولا حاجة

-ادهم: لالالالا انتي قولتي حاجة

-يارا : بلاش بقى تكسفني

-فريدة: هطأ من الأعدة

-يارا: يالا بقى مش عاوزين نضيع وقت

-أدهم: حاضر

وبالفعل بدأ أدهم في توجيه يارا نحو كيفية تعلم الرماية و..

-يارا هامسة: اياك تفكر تعمل حركة نص كم من بتوعك

-أدهم: ليه بس ؟ ده انتي كنتي كويسة

-يارا: اه كويسة ، بس مش عاوزة تجاوزات

-ادهم: اطمني ، ده انا مش هاعمل أي حاجة غير .. آآ... غير التجاوزات

وقفت يارا أمام ادهم ، ثم وقف هو خلفها وبدأ يمسك بذراعها ويعلمها كيفية التصويب على شيء ما ، وبين الحين والآخر يتغزل بها ، أو يهمس في أذنها ، وأحيانا يقبلها في خدها وفريدة تشاهد كل هذا و...

-أدهم وهو يقبلها في خدها : بصي انتي بتمسكي السلاح كده ، وبتسنديه على ،
مووووووه

-يارا وهي تنظر إليه: الله !!

-ادهم: مش قادر اقاوم بصراحة

-يارا: نتلم شوية ، وخلينا نركز

-ادهم: احم... حاضر .. المهم تبصي ع الهدف من سن نملة الدبانة

في ردهة الفيلا ،،،

وبينما كانت يارا على وشك الصعود إلى غرفتها ، استوقفتها ناهد وطلبت منها أن تذهب معها هي وأيضاً أدهم وجاسر وشاهي إلى النادي لتوزيع كروت الدعوة للفرح على المدعوين و...

-ناهد: يارا حبيبتي !

-يارا: ايوه يا طنط

-ناهد: معلش عاوزاكي تيجي معايا النادي نوزع كروت الفرحة ع حبايبنا اللي هناك

-يارا: بس أنا .. آآآ... يعني مش فاضية وكده

-ناهد: مش هاينفع نروح من غيرك يا يارا ، لازم تكوني موجودة ، وخصوصاً عشان تقطعي أي أسنة كانت بتكلم عنك انتي وادهم

-يارا: بيتكلموا عني؟؟ ليه؟؟

-ناهد: مش مهم ليه ، المهم عاوزاكي توري الناس انك واقفة على رجلك بعد اللي حصلك ، وانك هتجوزي ادهم برضاكي وتوريهم الفرحة اللي بجد

-يارا: ممم...

-ناهد: وبعدين أنا هاجي معاكي ، وكمان جاسر وشاهي جايين

-يارا: اها

-ناهد: وأدهم هيحصلنا ع هناك برضوه

-يارا: ممم...

-ناهد: لازم تروحي ، أنا هلبس واستناكي هنا

-يارا: اوك ، وأنا هاغير هدومي واجي معاكي يا طنط

-ناهد: تسلميلي يا حبيبتي

-يارا: العفو يا طنط

-ناهد في نفسها بعد أن انصرفت يارا : كده احسن ، حتى عشان أما يجي اسلام يشوف شاهي بيان الموضوع كأنه عادي وشاهي ماتتخرجش ولا هو كمان لو محصلش نصيب .. أنا مش عاوزة اجرح أي حد ، أنا خلاص اتعلمت من غلطي ، ولازم اراعي غيري قبل ما أراعي نفسي

.....

ارتدى أدهم وجاسر وشاهي ويارا وناهد ملابسهم ، واستعدوا للذهاب إلى النادي ، نزلوا إلى الردهة و....

-ناهد: ها يا ولاد جاهزين

-شاهي: تمام يا مامي

-أدهم: انا تمام

-جاسر: وانا خلاص جاهز

-يارا: انا خلاص لبست وجهزت

-ناهد: حلو اوي ، عاوزين نوزع الدعاوي ع كل الحبايب ، ومتسوش الضحكة في وش الناس

-أدهم: اطمني يا طنط ، الضحكة هتكون من الودن دي للودن دي

-جاسر: ايوه خليك فاتح بؤك كده

-شاهي: طب يالا عشان نلحق

-يارا: أنا بقول كده برضوه

-ناهد: اوك

.....

في النادي ،،،،،

وصل الجميع بالسيارات إلى النادي ، وبدأوا في توزيع دعوات حفل الزفاف على من في النادي ، استغل جاسر فرصة انشغالهم بالتوزيع ، ثم أخرج هاتفه المحمول وطلب اسلام و...

-جاسر هاتفياً: انت فين يا بني؟؟

-اسلام: انا موجود

-جاسر: موجود فين؟؟ انا مش شايفك

-اسلام: خلاص أنا شوفتك وجاي عندك

-جاسر: طب بسرعة يالا

-اسلام وهو يصفح جاسر ويقبله : ازيك يا جاسر عامل ايه

-جاسر: الحمد لله ، أنا بخير

-اسلام: ها كله تمام

-جاسر: طبعا ، وحسب الخطة الموضوعه

-اسلام: طب مش نبدأ التنفيذ بقى

-جاسر: اوك

-جاسر بصوت مرتفع: ماما

-ناهد مبتسمة : ايوه يا جاسر

-جاسر: ده اسلام صاحبي عاوز يسلم عليكى ويظمن ع يارا وأدهم بعد اللي حصل

-ناهد: اه طبعاً ، أهلا بيك يا اسلام يا بني

-اسلام: اهلا بحضرتك يا طنط

-ناهد: يا يارا .. يا أدهم ..

-أدهم: ايوه

-يارا: نعم

-ناهد: تعالوا سلموا ع اسلام ، ده الظابط اللي كنا مسئول عن موضوع خطفك يا يارا ،
جاي بنفسه يظمن عليكوا

-أدهم: اها .. اهلا بيك

-يارا: ازي حضرتك

-اسلام: حمدلله ع السلامة

-شاهي من بعيد: مامي ، أنا خلاص وزعت الدعاوي بتوعي

-اسلام مبتسماً: ازيك يا شاهي

-شاهي: هاي

-ناهد: احنا هنفضل واقفين كده ، تعالوا نقعد شوية

-ادهم: احنا لسه موز عناش بالباقي

-جاسر: محبكتش يعني ، بنقولك عاوزين نقعد ، افهم بقى

-ادهم: هه

-يارا وقد فهمت ما يرمى إليه جاسر: أه صح ، احنا مستعجلين ليه

-ادهم: يا بنتي لسه ورانا حاجات كتير

-يارا وهي تدوس فوق قدمه : لأ مش الوقتي

-ادهم: آآه .. بتدوسي على رجلي ليه

-يارا: فعلاً مش اي حد يفهمها وهي طايرة

-ادهم مائلاً على يارا: ع فكرة أنا فاهم من بدري بس عاوز أشتغل جاسر ، والحركة اللي انتي عملتيها دي هتكلفك زيارة ليلية ثانية

-يارا : يوووه

جلس الجميع على طاولة واحدة وبدأوا يتحدثون عن مواضيع عدة إلى أن طلب جاسر من والدته أن يذهباً لتوزيع بقية الدعوي ، ولحق بهم أدهم ويارا ، وتركوا شاهي واسلام بمفردهما ليتحدثا سوياً و...

-جاسر: تعالي يا ماما نوزع الدعوي دي كمان ، شايقة الناس اللي هناك دول ، انتي عارفاهم صح

-ناهد: اه يا بني ، تعالي اسندني بس لاحسن رجلي شادة عليا شوية

-جاسر: اوك

-يارا لأدهم: قوم تعالي معايا

-ادهم: ليه؟

-يارا: آآ... عاوزين نجيب حاجة ناكلها

-ادهم: شوية كده

-يارا: يا عم قوم

-ادهم: حاضر.. عشان خاطر ك بس

-شاهي: هما كلهم قاموا فجأة كده ليه

-اسلام: بي فهموا .. آآ.. قصدي بيخلصوا اللي وراها

-شاهي: أها

-اسلام: احم.. أنا .. قصدي انتي بتحبي ايه ؟

-شاهي: مش فاهمة؟؟

-اسلام: يعني بتحبي تعملي ايه في حياتك ، بتفكري في مستقبلك ازاي وكده يعني

-شاهي : أها .. أنا !!

بدأت شاهي في الاسترسال بالحديث مع إسلام الذي شعر بتفاهم كبير مع شاهي ، وبدأ هو الآخر في الحديث عن نفسه وعن اهتماماته الشخصية ، واستمروا في الحديث سوياً بينما وقف الباقيين يراقبوه من على بعد و....

-ناهد: باين عليهم منسجمين

-جاسر: اها

-ناهد: ربنا يجعل في وشهم القبول

-جاسر: يا رب

-يارا: عمالة اغمرك وأدوس ع رجلك عشان تفهم ، وانت مصمم تعاند

-أدهم: اصلي بحب اشتغل الناس اوي

-يارا: مش في المواقف دي

-ادهم: يا سلام بقى لو أخذ فرصتي معاكى واشتغلك ، ده أنا بأمر الله هاعمل أحلى شغل

-يارا: بعدين .. بعدين

-ادهم: اديني مستني بعدين دي بفارغ الصبر

.....

في اليوم التالي ،،

كانت الاستعدادات النهائية لحفل الزفاف على وشك الانتهاء ، صارحت ناهد شاهي
ابنتها برغبة إسلام في التقدم لخطبتها ، ورحبت شاهي بذلك ..

-ناهد: ها ايه رأيك ???

-شاهي: موافقة يمامي ، هوبصراحة باين عليه جدع أوي وكويس

-ناهد: مش بس كده متربي ومحترم وابن ناس طيبين ، و المهم انه هيراعي ربنا في
معاملته ليكي

-شاهي: اها

-ناهد: يبقى نخلي بقى جاسر يكلمه يطمئه ، وبعد فرح يارا نحدد احنا ميعاد لقراية
الفاتحة والخطوبة

-شاهي : اوك

-ناهد وهي تحتضن ابنتها : حبيبتي يا بنتي ، ربنا يسعد قلبك ويفرحك ، ويعوضك خير
ياااا رب

.....

طلبت يارا صديقتها سمر لتدعوها للحضور إلى حفل زفافها وتبلغها أيضاً بأنه تم توفير
كل شيء لها ولأسرتها حتى تنتقل وتعود من الغردقة للقاهرة بسهولة ويسر

-يارا هاتفياً : هاتي جي ، هاستناكي ، ماشي ؟

-سمر : والله آآآ...

-يارا: بصي مش هأقبل أي أعذار ... خالد جهز كل حاجة عشان تيجي انتي وعمو وطنط

-سمر: خالد !

-يارا: أه يا ستي ، هو اللي عامل كل حاجة ، فمش معقول بعد ده كله هتكسفيه ومش تيجي فرحي

-سمر: طيب ربنا يسهل

-يارا: ان شاء الله هيسهل وتيجوا ، هاتي بقى طنط تيسير أما اكلمها وأكد عليها بنفسي

-سمر: اوك

وبالفعل دعت يارا والدة سمر السيدة تيسير للحضور إلى حفل زفافها ، ورحبت تيسير كثيراً بهذا ..

-تيسير: طبعاً يا بنتي هانيجي

-يارا: حبيبتي ياطنط

-تيسير: هو احنا عندنا كام يارا ، هي واحدة بس

-يارا: ربنا يخليكي ليا يا طنط

-تيسير: مبروك يا بنتي وربنا يسعد قلبك ويفرحك يااااا رب

-يارا : اللهم آميين

.....

أنهت تيسير المكالمة مع يارا وقلبها يرقص فرحاً و...

-تيسير: وربنا حصل

-خالد في نفسه: الحمد لله انها جاية ، كده أقدر اتكلم معاها وهعرف منها قبل ما أخذ أي خطوة رسمية هي رأيها فيا ايه وفي مسألة الارتباط سوا .. وربنا يجعلني في الخير نصيب

.....

يوم الزفاف ،،،،

جاء اليوم محملاً بالكثير من السعادة والفرح والبهجة والسرور ، حيث تم حجز قاعة أفراح كبيرة وتم تزيينها بأفخم الديكورات ، وقام رأفت بحجز جناح العرائس في نفس الفندق لأدهم ويارا ، وتم حجز غرفة ليارا لتتزين بها ، ورافقتها كلاً من شاهي وناهد وأيضاً تواجدت صباح معها لتساعدها ، وكذلك تم حجز غرفة اخرى لأدهم ليستعد بها ، كما حجز رأفت لهما تذاكر لقضاء شهر عسل حقيقي في مدينة شرم الشيخ ..

في غرفة أدهم بالفندق ،،،

-أدهم: كده شكلي حلو

-خالد: تمام يا عريس

-جاسر: مية مية

-عمر: حاجة فخيمة الصراحة

-أدهم: عقبالكو كلكم

-عمر: يا رب أنا بعدك ، انا موصي يارا تحدفلي البوكيه عشان أتجوز بسرعة

-خالد: يا أخي اتلهي في مذاكرتك أحسنك

-عمر: أووف ، دايماً كده مكسرين ماديبي

-جاسر: بقولكم ايه أنا نازل تحت اشوف الدنيا ماشية ازاي

-أدهم: اشطأ عليك

-جاسر: وماتنشاش ترفع راسنا يا عريس

-ادهم: عيب عليك

-جاسر: حبيبي يا ادهوم

.....

في غرفة يارا بالفندق ،،،

-ناهد: ماشاء الله زي القمر

-صباح: لوووولووولي .. الف مبروك يا ست يارا ، ربنا يفرحك يا بنتي ويكرمك ..
لوووولووولي

-شاهي: you look so beautiful

-يارا: شكراً ليكو كلكم ،والله مش عارفة اقولكم ايه

-ناهد: متقوليش حاجة ، اتبسطي بحياتك مع أدهم ، وربنا يكفيكم شر العين

-يارا: يارب

.....

في قاعة الفرحة ،،،

كان رأفت وفريدة يستقبلان المدعويين ، كانت فريدة تتصرف بتعالي وقرف ، مما دفع
رأفت لـ ...

-رأفت: بقولك ايه ، افردى بوزك ، وإلا قسماً بالله ما هتشوفي إلا الوش الهباب

-فريدة بضيق : انا كده ، ووشي كده

-رأفت: طب اعلمي حسابك أنا قررت أهادي يارا وادهم بفيلا

-فريدة: نعم ???

-رأفت: قليل صح .. أنا برضوه قولت كده ، ايه رأيك اديهم فيلتنا

-فريدة : لأ كله إلا كده

-رأفت: لو أنا عاوز اعمل كده هاعمل وAAA...

-احد السيدات مقاطعة : مدام فريدة

-فريدة: ايوه

-سيدة ما : حضرتك أنا عضوة في النادي ، ومسئولة النشاط الاجتماعي في الجمعية

-فريدة: أها

-سيدة ما: أنا كنت عاوزة أبلغ حضرتك ان في قرار هيطلع بفصلك قريب من الجمعية

بعد ما كنتي مرشحة لرئاستها

-فريدة بفرع: ابييه ???

-سيدة ما: تصرفات حضرتك الأخيرة والغير أخلاقية مع قريبتك خلت الكل يشك في

مدى انسانيتهك وAAA...

-فريدة مقاطعة : لألأ ، كل ده كذب

-سيدة ما: حضرتك في ناس حضرت الحفلة الأخيرة اللي اتعملت في فيلتك وكانت

قريبتك مخطوفة ، وده خلاهم ياخدوا فكرة عن انك مش بتقدري الظروف وبالتالي انتي

غير أهل للثقة وAAA...

-فريدة: لأ انا مش كده .. تقدري تشوفي بنفسك

-سيدة ما: والله أنا جيت أبلغ حضرتك باللي ها يحصل ، ارجو انك تفهمي عواقب

التصرفات الغير مسئولة

-فريدة: معلىش أنا كنت عاوزة أوضحك AAA...

-سيدة ما: تقدرى توضحى للمسئولين عن الجمعية مش ليا ، عن اذنك

-رأفت: شايفة نتيجة تصرفاتك

-فريدة: أعمل ايه يا رأفت دلوقتي؟؟؟ ده معناه اني كده هاخسر كل حاجة عملتها

-رأفت: ومش بعيد يطردوكي من النادي كمان

-فريدة: ايه؟؟ هي حصلت

-رأفت: طبعاً ، و لو الأعضاء عملوا عليكى رباطية مش هتلاقي حد يقف معاكى

-فريدة: مش ممكن

-رأفت: أنا غلبت أقولك من بدري غيري في نفسك وفي تصرفاتك ، بس انتي اللي

مصممة تعيشي في جو السيد والعبيد ، استحملي بقى

-فريدة: انت هاتسبني يا رأفت؟؟

-رأفت: والله كل واحد يتحمل نتيجة اخطائه ، وانا عن نفسي مش هاسكت عن أي

حاجة غلط هتعملها بعد كده .. والجزاء من جنس العمل .. وخليني بقى أروح أسلم ع

المعازيم

-فريدة: يا رأفت .. يا رأفت !!!

.....

وبينما كان جاسر في طريقه إلى القاعة اصطدم دون قصد بأحد الفتيات و...

-جاسر: معلش أنا أسف مخدت بالي والله

-نهى: ولا يهملك ... الله أنا بشبهه عليك

-جاسر : هه

-نهى: انت.. انت جاسر صح ؟

-جاسر: ايوه

-نهى : مش معقول معرفتنيش؟؟

-جاسر: أسف مش واخذ بالي

-نهى : انا نهى

-جاسر : نهى مين؟؟

-نهى : لالالا مش ممكن تكون نسيتي ، ده احنا كنا صحاب زمان اوي في المدرسة
وتدريب الكاراتيه

-جاسر: آآآ...

-نهى : يا جاسر أنا نهى اللي كنت قصيرة وبضفرتين وآآ...

-جاسر مكملًا: وتخينة ومبجرة في الأرض ، وكنت بقول عليكى شبه كعبول

-نهى : ايوه ، اديك افكرت اهوو

-جاسر: مش معقول ، ده انتي اتغيرتي تماماً

-نهى: يعني مابقتش شبه كعبول ؟

-جاسر: كعبول مين ، ده انا اللي شبهه ! بس ايه الحلاوة دي

-نهى: ميرسي اوي

-جاسر: انتي فينك من زمان ، اختفيتي بعد الاعدادية خالص

-نهى: اه سافرت مع دادي الـ UK واعدنا هناك فترة

-جاسر: فعلاً الغربية بتغير

-نهى: للأوحش ولا للأحسن

-جاسر مبتسماً : للأجمل طبعاً

-نهى : طب انت مقولتنيش بتعمل ايه هنا؟؟؟

توجه أدهم إلى غرفة عروسه يارا ليصطحبها إلى القاعة حيث حفل زفافهم المنتظر...
أعجب أدهم كثيراً بجمال يارا ورقتها في الفستان الذي ارتدته ، ثم نزل الاثناء سوياً
إلى القاعة ، وقام جاسر بايصال اخته وتسليمها إلى عريسها أدهم ، ثم دلف الجميع
إلى القاعة لتبدأ مراسم حفل الزفاف ...

-أدهم : زي القمر .. قمر ايه بس ، ده انتي غلبتية بجمالك

-يارا: احم ... كفاية عشان بتكسف

-أدهم: تكسفي ايه، ده اللي جاي كله مش عاوز كسوف

-يارا: شششش لأحسن الناس واخدة بالها مننا

-أدهم: ما ياخدوا بالهم ، المهم انتي عندي وبسسسس

.....

حضرت عائلة سمر ، وجلس خالد معهم بعد أن رحبت بهم عائلة يارا ، ثم طلب خالد
من الحاج عبد الجواد والد سمر أن يتحدث معه في أمر خطبته من ابنته سمر ووافق
على طلبه ، واتفقا على تحديد الميعاد في أقرب وقت و...

-خالد: اتفقنا يا عمي

-عبد الجواد: بأمر الله يا بني ، شوف المعاد اللي يناسبك وبلغني بيه

-خالد: على بركة ان شاء الله ، هاظبط مع والدي وأكلمك ان شاء الله

-عبد الجواد: ان شاء الله

.....

انتهى حفل الزفاف بعد أجواء جميلة وممتعة ، ثم صعد أدهم مع يارا إلى الجناح
الخاص بهم في الفندق حاملاً إياها بين ذراعيه ليبدأ سوياً حياتهما الجديدة و...

-أدهم: أخيراً!!!!

-أدهم: يالا بدل ما أرتكب جناية هنا

ركب أدهم سيارته التي كان خالد قد صفها له في جراج الفندق ليسافر بها مبكراً إلى شرم الشيخ و...

-يارا: احنا هنروح فين

-أدهم وهو يقود السيارة : هنبدا شهر العسل

-يارا وهي تنظر لتذاكر الفندق بشرم الشيخ: ايه ده احنا هنروح شرم الشيخ

-ادهم: هه

-يارا: بقولك هانروح شرم الشيخ دلوقتي؟؟؟

-أدهم: لأ

-يارا: أو مال فين ؟

-أدهم: ع حته احسن من شرم الشيخ

-يارا: ايه هي الحته اللي أحسن من شرم الشيخ؟؟

-ادهم: حته هاخذ فيها راحتي وأعمل اللي أنا عاوزه بدون مقاطعة من حد ، ولا رزالة أو غلاسة من اللي معدهومش دم دول

-يارا: يعني هانروح فين؟؟؟

-ادهم وهو بيتسم ليارا: هانروح لوكاندة الحاج يونس ..!!

-يارا بصدمة : لألألألألأ

-ادهم وهو يغمز لها : آآخ .. ده أنا هأعمل أجدعها شغل هناك ، جايلك يا حاج يونس ، جايلك يا مدعم الشباب!!!

تمت بحمد الله

